









BIBL. NAZ.
Vitt. Emanuele III

165

C

37





PRINCIPIA
JURIS
ECCLESIASTICI
UNIVERSALIS, ET PARTICULARIS
GERMANIÆ,

UBI AGITUR

DE NATURA, ORTU, ET PROGRESSU, FINE ET
OBJECTO, FONTIBUS ORIGINARIIS, ET COLLECTIONI-
BUS ANTIQUIS, NOVIS ET NOVISSIMIS, AUTHORITY, USU ET
STUDIO JURIS ECCLESIASTICI UNIVERSALIS, NEC NON STATU PAR-
TICULARI ECCLESIAARUM GERMANICARUM, AC COLLECTIONIBUS
JURIS ECCLESIASTICO-GERMANICI.

ACCEDUNT

QUÆSTIONES ALIÆ,

DE STATU ECCLESIAE, ET HIERARCHIA ECCLESIASTICA, DE LI-
BERTATIBUS ECCLESIAARUM ITA DICTIS, VEL POTIUS PRÆROGATIVIS EA-
RUM PRÆSERTIM GERMANICARUM, NEC NON DE PRÆROGATIVIS ET JU-
RIBUS SPECIALIBUS ECCLESIAE METROPOLITICO-SALISBURGENSIS.

TOMI IV.

Carli Savelli CUM INDICE LOCUPLETISSIMO.

1791

AUTHORE

P. GREGORIO ZALLWEIN,

Ord. S. Bened. Monasterii Weßfontani Superioris Bavariae Professo, J. U. Doctore, Almæ &
Archiepiscopalis Universitatis Salisburgensis Rectore Magnifico, nec non SS. Canonum Professore
ibidem emerito, Celsissimi ac Reverendissimi Archi-Episcopi, & S. R. I. Principis Salis-
burgensis &c. Confilario actuali intimo.

TOMUS II.

IN QUO AGITUR DE COLLECTIONIBUS JURIS ECCLESIA-
STICI UNIVERSALIS ANTIQUI, NOVI, ET NOVISSIMI,
ITEM DE AUTHORITY, USU, ET STUDIO ILLIUS.
CUM FACULTATE SUPERIORUM.

AUGUSTÆ VIND. ET OENIPONTI,

SUMPTIBUS JOSEPHI WOLFF. MDCCLXIII.

Omnia autem probate, quod bonum est, tenete.

1. Thessal. 5. v. 21.



PRÆFATIO.

Postquam in Tomopriori ea, quæ ad Jus ecclesiasticum in genere pertinere videbantur, una cum *fontibus* ejusdem *originariis* dilucidavimus, ad explanandas triplicis generis *collectiones Juris ecclesiastici*, videlicet, *antiqui*, *novi*, & *novissimi*, quæ veluti tot rivuli ex fontibus promanarunt, accingimur. *Antiquum* auspicamur ab ævo Christi & Apostolorum usque ad Decretum Gratiani & cæteras collectiones in *Corpore Juris* clausas. *Novum* secundum nostram opinionem constituunt ipsæ collectiones in *Corpore Juris* clausæ (*). *Novissimum* denique derivamus ab illo tempore, quo Clemens V., qui sedem Pontificiam Roma Avenionem in Galliam transtulit, e vivis excessit, & complectitur Canones conciliorum, Bullas, Decreta, & Brevia Pontificum, & Curiae Romanæ, quæ interea emanarunt, atque extra *Corpus Juris* vagantur. Esto enim ab illo tempore, quo

(X 2

(*) Galli auspicantur *Jus novum* in Collectione Pseudo-Isidoriana, cujus ratio est, quod ab illo tempore ferme tota Disciplina ecclesiastica fuerit immutata.

quo sedes Pontificia Avenionem fuit translata, plures Synodi generales fuerint celebratæ, innumera emanaverint Decreta Pontificia, ad quæ haud inepte reduxeris *Declarationes Cardinalium, Decisiones Rotæ Romanæ, libros rituales, & cæremoniales*, nulla tamen amplius in lucem prodiit publicam Collectio Canonum & Decretalium autoritate Pontificis suffulta, quamquam, si unquam, certe nostris temporibus talis foret summe necessaria, ut, quæ adhuc ex antiquis Canonibus obtinent, vel per noviores subierunt mutationem, alterationem, & reformationem, aut quæ sunt Jura particularia Pontificum, Episcoporum & Ecclesiarum particularium, vel universalis Ecclesiæ luculentius constaret, ne toties de finibus regundis agendum foret.

Equidem hoc scribendi argumentum aliunde esse tritum: centies a Scriptoribus ecclesiasticis discussum, coctum & recoctum haud ignoramus: Placuit illud nihilominus recoquere, partim ne opus inceptum relinquamus imperfectum, partim quod nemo eorum, qui enucleandis hisce collectionibus insudarunt, ad palatum nostrum ex integro scripserit. Quidam longius, quam par erat, filum protraxerunt, alii in pertextendo suo argumento breviores fuere, plerique Collectiones nonnisi celebriores illustrarunt prætermisissis haud paucis, quas prætermittere nefas duximus. Nos selegimus medium: nec fufe nimis, nec contracte scribemus, non celebriores duntaxat, sed etiam minus celebres Collectiones pro nostro modulo illustraturi, quippe quod ab experientia sciamus, nobisque firmissime persuasum habeamus, vel solam notitiam hujusmodi Collectionum plurimum utilitatis allaturam viris ad sublimiorem eruditionem aspirantibus, illis præcipue, qui opus quoddam grande suo tempore moliantur, ut quorsum ipsis sit confugiendum, & unde scribendorum materia depromenda sciant.

Hinc inde immiscuimus controversias historicas, quas plures alii Scriptores ne quidem a longe attigerunt. Fusiori calamo egimus

mus de *liturgiis*, *Jure liturgico*, & *studio liturgiarum*, quod nostro ævo a Scriptoribus tam Catholicis quam Protestantibus in Academiis etiam publicis mirum in modum excolitur, de cujus necessitate, utilitate, ac præstantia fusiori calamo dicemus Quæst. I. cap. II. §. XXIV. De *Curia Romana* quoque, variisque Tribunalibus Pontificis ac Congregationibus Romæ erectis agendum esse existimavimus eum præcipue in finem, ut, cum recursus ad Romanum Pontificem sint frequentissimi, & ferme quotidiani, ad quod tribunal singulæ pertineant causæ, quo ordine sint introducendæ, atque in his tractari, discuti, & decidi soleant, sciamus, & hac ratione qualemcunque styli Curiae Romanæ notitiam acquiramus.

In Quæstione IV. Juri ecclesiastico suam auctoritatem usumque vindicavimus. Cum enim hodie non pauci ex Catholicis etiam sint, qui Juris ecclesiastici auctoritati mirum in modum detrahunt, ad infima subfellia illud tanquam *jus mere subsidarium* detrudent, & ex omni orbe christiano proscriptum & eliminatum vellet, sane operæ pretium esse credidimus, illius auctoritatem pro viribus, & quantum par esse videbatur, vindicare, fartam tectamque conservare. Atque hac in re quosdam Scriptores Catholicos longe gravius excedere, quam Protestantes, deprehendimus, quippe qui illud summo studio excolunt in suis Academiis, eo utuntur in tribunalibus, illiusque Canonibus & auctoritati assurgunt in tantum, in quantum illud non adversatur suæ Religionis principiis, aut per contrariam praxin non esse abrogatum norunt: dum econtra Catholici singularem operam in eo collocant, ut illius usum eliminent e tribunalibus, curiis ecclesiasticis æque ac politicis, & integris regnis ac provinciis. Hunc in finem cum excessu Principibus sæcularibus deprædicant *Placetum illud regium*: cujus moderatum usum etiam nos haud improbamus, provocant ad facta antiqua nullo jure stabilita, fingunt antiqua jura & privilegia, quin imo abolitionem Juris ecclesiastici argumentis politicis persuadere totis viribus contendunt.

In eadem Quæstione IV. Cap. II. & seq. pluribus de *Studio juridico* diffœruimus. Cum enim etiam in hoc genere haud pauciores sint, qui ne quidem genuinum de *Jurisprudentia ecclesiastica* conceptum habent, multo minus prima illius fundamenta callent, aut, qua arte amplissimæ huic scientiæ studendum sit, sciunt, imo non raro ordine prorsus inverso huic scientiæ incumbunt, eo grandiores se esse Jurisprudentiæ Doctores existimantes, quo plures Canones Juris Pontificii memoriæ mandarunt, aut subtilius de quæstionibus & Controversiis trivialibus ac vulgaribus disputare novērunt, haud inutilem operam nos navaturos existimavimus, si Discipulis genuinum Jurisprudentiæ ecclesiasticæ conceptum explane- mus, unaque & methodum doceamus, ac viam monstremus, per quam ad sublimiorem Jurisprudentiam eluctari, & ascendere valeant. Quod si hinc inde nimium exigere a Jurisprudentiæ Candidatis videamur, cogitemus non raro injustum exigi, ut obtineamus justum, &, communius arcum esse intendendum, quem facile remittere novimus. Plus non petimus, quam quod vires ingenii nostri ferre possunt. Illud quoque non ignoramus, quod non omnibus datum sit adire Corinthum.

Si quid in hac quoque opella, Lector benevole, boni legeris, id mecuni Deo in acceptis referas. Defectus quoscunque (reperies autem plures) mihi adscribas velim. Iterum ergo, Lector benevole, nostris laboribus fruire, vale, fave, & nobiscum

DEUM lauda, cui laus & honor in
sæcula.





INDEX QUÆSTIONUM & CAPITUM.

QUÆSTIO I.

De collectionibus Juris ecclesiastici antiqui.

CAP. I. De collectione Juris ecclesiastici in genere, & in specie usque ad Sæculum quartum.

CAP. II. De liturgiis, collectionibus, libris liturgicis, & studio liturgico.

CAP. III. De canonibus, & constitutionibus Apostolicis, & libris Dionysianis.

CAP. IV. De collectionibus Juris ecclesiastici a Sæculo quarto usque ad collectionem Photianam in Orientali, & Isidorianam in Ecclesia Occidentali.

CAP. V. De collectionibus Juris ecclesiastici a Sæculo octavo, & nono usque ad Sæculum decimum quartum in Ecclesia Orientali, & Sæ-

culum duodecimum, seu Decretum Gratiani in Ecclesia Occidentali.

QUÆSTIO II

De collectionibus Juris ecclesiastici novi.

CAP. I. De auspiciis Juris novi potissimum ex erectione scholarum, reformatione, & ratione studiorum.

CAP. II. De Decreto Gratiani.

CAP. III. De collectionibus Decretalium, potissimum Gregorii IX.

CAP. IV. De reliquis collectionibus in corpore Juris clausis.

QUÆSTIO III.

De collectionibus Juris ecclesiastici novissimi.

CAP.

INDEX QUESTIONUM & CAPITUM.

CAP. I. De collectionibus Juris ecclesiastici novissimi in genere, earum origine, & incrementis.

CAP. II. De Curia romana, & diversis tribunalibus Pontificiis.

CAP. III. De Bullis, Brevibus, signaturis Pontificiis, Bullario, & Regulis cancellariæ.

CAP. IV. De Congregationibus Cardinalium in genere, & Congregatione S. Officii seu inquisitionis in specie.

CAP. V. De Congregatione Indicis.

CAP. VI. De Congregationibus super negotiis Episcoporum, & Regularium, nec non sacrorum rituum, & aliis quibusdam.

CAP. VII. De Congregatione interpretum S. Concilii Tridentini.

CAP. VIII. De Rota Romana.

CAP. IX. De libris & collectionibus Juris ecclesiastico ritualis.

CAP. X. De collectionibus Juris Ecclesiastico-Protestantici.

QUÆSTIO IV.

De autoritate, usu, & studio Juris ecclesiastici.

CAP. I. De autoritate, & usu Juris ecclesiastici.

CAP. II. De studio Jurisprudentiæ ecclesiasticæ quoad methodum docendi.

CAP. III. De præcognitis, & subsidiis Jurisprudentiæ ecclesiasticæ, specialiter de litteris, seu scientiis humanioribus.

CAP. IV. De disciplinis Philosophicis, velut altero Jurisprudentiæ ecclesiasticæ subsidio.

CAP. V. De historia, præcipue ecclesiastica, ac litteraria ad Jurisprudentiam ecclesiasticam necessaria.

CAP. VI. De studio antiquitatum.

CAP. VII. De studio Theologiæ, & Jurisprudentiæ cujuscunque ad Jurisprudentiam ecclesiasticam utili, & necessario.

CAP. VIII. De studio Jurisprudentiæ ecclesiasticæ potissimum quoad methodum studendi.



QUÆSTIO I.



QUÆSTIO I.

DE

COLLECTIONIBUS JURIS ECCLESIASTICI ANTIQUI

A

PRIMORDIIS ECCLESIAE USQUE AD DECRETUM GRATIANI.

A fontibus originariis ad dilucidandas collectiones Juris Ecclesiastici transitum facimus: quippe quæ quasi totidem rivuli ex illis dimanarunt. Collectiones in tres classes dividemus: nempe Juris Ecclesiastici *antiqui*, *novi* & *novissimi*, quas per distinctas quæstiones pro nostro modulo dilucidabimus. In præsentī Quæstione de Collectionibus Juris antiqui agere constituimus. Huic inferere placuit materiam liturgicam: cum enim Liturgiæ & libri liturgici notabilissimam partem Juris Ecclesiastici constituent, & studium liturgiarum nostris temporibus mirum in modum excolatur, & in Academiis publice doceatur ex Cathedris, haud inanem nos operam navaturos existimavimus, si pro usu studentium fusiori calamo de liturgiis ageremus. Plures collectiones minus celebres Lector invenies, quas Scriptores alii, qui de Collectionibus amplissime egerunt, prætermittere consueverunt, nos vero silentio præterire nefas esse duximus, quod earum notitia Viris ad sublimiora aspirantibus ingenti usui sit futura. Deus

T. O. M. coeptis nostris sua assistrice gratia in finem usque adsit.

Tu Lector Benevole vale, save, fruce.

INDEX CAPITUM.

CAPUT I.

De Collectione Juris Ecclesiastici in genere & in specie usque ad sæculum quartum.

CAPUT II.

De Liturgiis, Collectionibus, libris liturgicis, & studio liturgico.

CAPUT III.

De Canonibus, & constitutionibus Apostolicis, & libris Dionysianis.

CAPUT IV.

De Collectionibus Juris Ecclesiastici a Sæculo quarto usque ad Collectionem Photianam in Orientali, & Isidorianam in Ecclesia Occidentali.

CAPUT V.

De Collectionibus Juris Ecclesiastici a Sæculo octavo, & nono usque ad Sæculum decimum quartum in Ecclesia Orientali & Sæculum duodecimum seu Decretum Gratiani in Ecclesia Occidentali.



CAPUT I.

De Collectione Juris Ecclesiastici in genere & in specie usque ad Sæculum quartum.

§. I. *Quædam recolenda ex alibi dictis.* II. *Quæstio præjudicialis de potestate ferendi leges ecclesiasticas examinatur.* III. *Quid sit Canon remissive.* IV. *De ipsis Collectionibus in genere.* V. *De origine illarum, & an Ecclesia trium primorum Sæculorum collectiones Canonum & quales habuerit?* VI. *De Liturgiis.* VII. *De Canonibus & Constitutionibus Apostolicis remissive.* VIII. *De Collectione Dionysiana.*

§. I.

Cogitantes *Collectiones Juris Ecclesiastici* in ordinem redigere, & *Jus Ecclesiasticum* secundum seriem Sæculorum contexere, Lectorem ad *Dissertationes* antehac a nobis editas, illam præpimis, quam *de Jure* videtur in *Canonico in genere* inscripsimus (a) remittere necesse habuimus. Ante omnia autem in memoriam revocanda celeberrima illa divisio, quam *antiquum & novum & novissimum.* *Jus Ecclesiasticum* in *Antiquum, Novum, & Novissimum* divisimus (b). *Antiquum* vocamus illud, quod *Collectiones antiquas* usque ad *Collectionem Gratiani*; *Novum*, quod *Collectiones in Corpore Juris clausas*; *Novissimum*, quod *Canones noviores Conciliorum Constantiensis, Basileensis, & Tridentini* potissimum, aliasque *Bullas, & Constitutiones Pontificias, Declarationes Cardinalium, nec non Decisiones Rotæ Romanæ* complectitur.

Haud equidem nobis displicet gravissimorum Virorum doctrina (c), qui *Jus Ecclesiasticum* in *Antiquum & Novum* dividunt, atque illud ad *Collectionem* illam ob-
tinuisse asserunt: Nemo enim facile inficias ibit, quod *Collectio Isidoriana* miram disciplinæ Ecclesiasticæ mutationem invexerit: Nam cum *Collectio Isidoriana* illius Author eidem inferuerit epistolas spurias antiquorum Pontificum, in quibus authoritati Pontificum nimium quantum velificatur; hi vero pro juribus hîce sibi asserendis, vindicandis, & ampliandis mirum in

A 2

modum

(a) Fuit edita Anno 1752.

(b) Cap. I. §. 5.

(c) Claudius Fleury in Instit. Jur.

modum decertarint, fieri non potuit, quin autoritas Synodorum particularium, Metropolitaram & Episcoporum grande pateretur dispendium, atque hac ratione nova Ecclesiæ disciplina in decidendis causis Ecclesiasticis, & exercendis Juribus Episcopalibus induceretur. Profecto quisquis Historiam Ecclesiasticam vel obiter iuspexit, facile deprehendet, ab illo tempore Ecclesiam in aliam longe formam fuisse transmutatam. Desiere Synodi Provinciales, incoepere avocationes & reservationes causarum majorum, frequentissimæ ad Romanum Pontificem factæ sunt appellationes: verbo, novam Ecclesia faciem induit. Placuit tamen tunc juvandæ memoriæ quam accuratioris methodi causa tripartitam illam divisionem Collectionum adoptare, quas jam explanare secundum duplicem statum Ecclesiæ Occidentalis & Orientalis aggre-
dimur.

§. II.

*Vindicanda
Ecclesiæ
Præsulibus
sua serendi
leges autho-
ritas.*

Id antequam præstemus, Christo, Apostolis, Ecclesiæ, illiusque Præsulibus sua serendi leges, vel, si magis placuerit, *Canones* vindicanda est autoritas: id quod tanto minori difficultate nos præstituros confidimus, quanto operiosiori deductione novum prætenforum Reformatorum Ecclesiam ad infima Collegiorum subcellia detrudentium Systema impugnavimus; & econtra Systema Catholicorum, statum Reipublicæ secundum leges naturales & divinas a Christo in Ecclesia sua efformatæ una cum Hierarchia Ecclesiastica vindicavimus (d), quo semel evicta potestas serendi leges per modum Appendicis necessariæ fluere debet, nisi Rempublicam elumbem, monstrosam, irregularem, & veluti chymærica.n adstruere velinus.

*Mihi inter-
missa sup-
plentur.*

Porro autem ut dictis ibidem major lux affundatur, visum est controversiam de potestate serendi leges peculiarius explanare, quædam intermissa supplere, atque ea, quæ ad stabiliendam Rempublicam Ecclesiasticam faciunt, plenius non nihil discutere: cum enim in eo solum tunc nostra defudaverit industria, ut Statum Reipublicæ ex principiis universalibus ex Jure Publico universali depromptis vindicemus, et si ipsum etiam Sacrarium iniret, id est, Scripturam Sacram, ad quam principaliter provocant, scrutari, & ex hac suppetias mutuare non intermiserimus, haud inutilem nos operam navaturos existimavimus, si ea, quæ ad stabiliendum Systema suum ex Scripturis, & primævo Ecclesiæ statu Reformatores prætenſi mutuare consueverunt, plenius confutemus

(d) In Dissert. de Statu Ecclesiæ cap. 1. & 2.

futemus. Id priusquam exequamur, quædam memoria sunt recolenda ex alibi dictis, & illud præprimis, quod Doctores Protestantici inter Religionem & Ecclesiam non satis accurate distinguant, officium Prædicatoris cum officio Rectoris confundant, & conceptum Reipublicæ arbitrium sibi fabricent, existimantes, quod Respublica necessario importet Imperium summum cum potestate cogendi, ultimis supplicii animadvertendi conjunctum, ad securitatem publicam, & Reipublicæ felicitatem unice ordinatum: Sed quis ipsos Dictatores, Legislatores, & veluti Plenipotentarios constituit, eo effectû, ut illorum opinionibus veluti Oraculis necessario sit assurgendum?

Occasionem novo examini subijciendi hanc quæstionem præter alios nobis præbuit celeberrimus Moshemius, qui pro suo, quo præ cæteris Protestantibus pollet, amore veritatis & candore animi in eo totus est, ut & Christo & Apostolis contra Hobbefianos, & plurimos Doctores Protestanticos suam ferendi leges auctoritatem vindicet. Idcirco tam Christum quam Apostolos tanquam legislatores, eorumque ordinationes legum instar reveretur; doctrinam vero contrariam Doctorum Protestantorum tanquam novam ab Hobbefio noviter excusam, a Jurisconsultis incaute adoptatam rejicit, refellit, & confutat: cæterum vero totam controversiam esse prorsus inanem, & inutilem, ac demum in quæstionem de nomine desitutam pro sui animi candore liberrime fatetur (e).

Juvat totam rei seriem ex Moshemio referre: Ante Sæculum prope elapsum teste Moshemio nemo de potestate ferendi leges, statuendi proportionales poenas in transgressores Christo & Apostolis abneganda somniavit. Primus qui id facere ausus fuerat, erat procul dubio famosissimus Hobbefius, cujus Systema nos alibi exposuimus (f). Hobbefius contradixere vehementer Theologi Protestantici, consensere plures Jureconsulti: Illi iusto agitati fervore optime prævidebant pessimas sequelas ex hac doctrina pessima facile deducendas (g). Hi vero

A 3

Moshemius agnoscit potestatem legislativam, doctrina Protestantica nova est & inanis, ac de nomine.
Author doctrinae Protestanticae fuit Hobbefius. Huic contradicunt Theologi.
Contra recipiunt Juriconsulti.

(e) Allgemeines Kirchen-Recht. Hauptst. I. pag. 41. und Hauptst. II. pag. 220. Es ist ein Streit, ob die Apostel Gesetzgeber gewesen oder nicht? Ein Streit, der sehr unnöthig ist. Bis auf die Zeiten Hobbess hatte man sie Gesetzgeber genannt. Dieser war der erste, so es laugnete.

(f) Vid. Quaest. I. de Jur. Can. Cap. VII.

(g) Die Gottgelehrten sahen wohl ein, was man für able Folgen aus dem angenommenen Satzgehen wolte. 3. E. Sind die Apostel keine Gesetzgeber gewesen, so haben

Et quare? doctrinam Hobbesii eo facilius ambabus amplexabantur manibus, quo aptiorem illam ad suum Systema sustentandum, potestatem Imperantium in immensum ampliandam, Rempubicam Ecclesiasticam eliminandam, regimen Ecclesiae suppressum indicabant, haud inaniter metuentes, ne Ecclesia a Christo instituta formam Reipublicae politicae reciperet, atque hac ratione suum Systema de Societate aequali totum quantum corrueret, si in Apostolis potestatem legistoriam agnoscerent (h). Qua autem arte Moshemius hanc doctrinam refellat, eamque in quaestionem de nomine definire doceat, infra videbimus.

Potestas legislatoria in solis Apostolis; non vero in Successoribus ex mente Moshemii.

Duplex in Apostolis persona Legati & Doctoris.

In eo autem doctrinae Catholicae adversatur Moshemius, quod hanc potestatem unice in Christo & Apostolis; neutiquam in illorum successoribus seu Doctoribus Ecclesiae agnoscat. Distinguit nempe hic Doctor in Apostolis duplicem personam, nempe *Doctorem & Legatorem* seu *Missorum*, aut si velis, *Apostolorum*. Nam duplici fungebantur munere Apostoli: qua *Doctores* praedicabant, docebant, instruebant; qua *Legati a Christo Missi* ordinabant Ecclesias, constituiebant Presbyteros, saluberrimas faciebant leges, transgressores puniebant, facinorosos excommunicabant &c. Esto igitur Ministri Ecclesiarum Apostolis succedant in *munere docendi*; non tamen in *munere legationis*, quod solis Apostolis erat proprium: utpote quos Christus singularibus exornavit donis, sufficienti in truxit potestate, atque aptos fecit & idoneos, ut hoc munere rite & decenter fungerentur (i).

Priusquam Moshemii doctrinam expendamus, mox ultimam ejus sententiam adlerimus, qua nimirum hic Author recte judicavit asserendo,
Quae-

haben wir: die Freiheit, ob wir ihren Verordnungen gehorchen wollen, oder nicht. Wenn wir die Gesetze der Apostel übertreten, so können wir nicht gekräftet werden. Diese und andere dergleichen Schlüsse befürchteten die Gottesgelehrten. pag. 42.

- (h) Hobbes, und seine treuesten Anhänger langueten, daß die Verordnungen deren Apostel Gesetze wären um die Macht der bürgerlichen Obrigkeit über die Kirche vollends Schranken los zu machen. Andere die ihm gefolget sind, haben wenigstens aus einem vernünftigeren Grunde diese Meinung ergriffen. Sie befürchteten nemlich, es möchte bey unserer Meinung die Christliche Kirche die Gestalt eines bürgerlichen Staates überkommen, und wir dürften den Päbstern dadurch einen Grund darreichen, womit sie ihre Trübümer von der Natur des Reichs Christi mit mehrerm Rathe unterstützen könnten. pag. 221.

- (i) Die Apostel waren Lehrer, aber auch zugleich außerordentliche Gesandten Gottes.

Jenck

Quaestionem hanc denique degeneraturam in quaestionem de nomine: cum Adversarii unice hæreant in explicando nomine legis, & conceptu arbitrario, quem sibi sine sufficienti fundamento eum in finem fungit, ut Imperantibus jus illinitatum, ac incircumscripsum vindicare valeant (k).

Jam fundamenta Moshemii audiamus, quibus ille Christo & Apo-^{Christo & Apo-}stolis suam potestatem legislatariam vindicat, atque novam opinionem Hobbesii, illiusque sequacium explodit, & convellit. Id priusquam aggreditur, optime animadvertit, vel maxime interesse Ecclesiae, ut^{vindicatur potestas le-} Christo & Apostolis sua vindicetur autoritas & potestas legislatoria.^{gislatoria.} Nam ait, demus, quod Ordinationes Christi non sint leges, inde quid sequitur, nisi quod ex Scripturis nullum jus Ecclesiasticum derivari; potestas vero Imperii politici nullis modis restringi, contineri, aut intra certos limites contineri possit? Atque inde est, quod illipotentissimum Doctores Systema istud aut invenerint, aut adoptaverint, qui Imperantibus jus quoddam supremum, illimitatumque in sacra attribuire contendunt.

Jam, ait Moshemius, nemo Christianorum negare potest, quod Christus sit supremus Dominus, habeatque supremam potestatem ferendi leges, ordinandi disponendi ligandi solvendi. Unde ad id devolvitur quaestio, an hanc potestatem exercuerit, leges condiderit, ordinationes secerit, poenas statuerit &c. Sed utique plures ordinationes secisse legitur: præcepit baptismum, instituit coenam, vocavit A-^{Christus con-}postolos, constituit eos tanquam legatos, dedit potestatem remitten-^{didit leges}di peccata, ligandi, solvendi, præcepit dilectionem proximi, prohibuit dare libellum repudii &c. Quare ergo hujusmodi ordinationes non sint habendæ instar legum, aut omnino e numero legum eliminandæ? quid enim est lex, nisi regula, qua ille, qui jus præcipiendi habet, vo-^{Quid sit lex?}luntates subditorum ligat, eorumque actus in certos fines dirigit? ut adeo tota virtus, substantia & vis in eo consistere videatur, quod voluntas restringatur, actus in suum finem dirigantur, & in transgressores pro-

Jenes oder das Lehr-Amte ist auf ihre Nachfolger gekommen, nicht aber das letzte. Nicht mit dem Lehr-Amte, sondern mit dem Apostel-Amte war die Gewalt verbunden, Gesetze zu geben. Da nun unsere heutige Kirchen-Lehrer keine Apostel sind, so können sie sich auch die Rechte derselben nicht anmassen. pag. 222.

- (k) Allein dieser Streit läuft auf einen Wort-Streit hinaus. Darnach man dem Wort Gesetz eine Bedeutung beyleget, darnach kann man behaupten, daß im neuen Testamente die Apostel Gesetze gegeben, oder nicht. pag. 221.

portionatæ pœnæ statuuntur. Aliter si legem explicemus, tota quæstio degenerabit in quætionem de nomine (1).

Apostoli habuere potestatem legislatoriam.

Et quare Apostolis hæc potestas denegetur? quippe quos Christus misit, sicut ipse missus erat a Patre (m): Quos velut suos misit Legatos, ut ipsius legatione fungerentur (n), unaque dedit potestatem solvendi & ligandi. Quis autem nescit potestatem ligandi pertinere ad juram Majestaticam (o)? Et nunquid Apostoli plurimas fecerunt ordinationes

Tulerunt leges.

vin legis habentes, & non nisi solo nomine a legibus differentes? constituerunt, & Ecclesiis præfecerunt Episcopos: jusserunt, ut Episcopi ab ipsis constituti constituerent Presbyteros: ejecerunt, excommunicarunt, & gravissimis pœnis animadverterunt in Ananias & Sapphiras; in Hymenæos, Alexandros & incestuosos: coierunt non nunquam in Synodis pro expediendis dubiis, fanciendis legibus, & decidendis controversiis majoris momenti (p). Ecce hæc & similes ordinationes dici nequeant leges? nempe incidimus in quætionem nominis, sicut aliquoties diximus, dicemusque iterum iterumque.

Leges ferunt non Imperantes duntaxat, sed etiam illorum Ministri, quales erant Apostoli.

Neque obstat existimat Moshemius, quod alia sit ratio Christi, & alia Apostolorum. In Christo reveremur personam Domini & Imperantis: in Apostolis respicimus personam Ministrorum. Imperantium est ferre leges, non ministrantium (q). Scandalo est hæc responsio Mosheimio, quapropter admirabundus exclamat: pro! quomodo homines se ipsos torquere solent, ut suas opiniones spurio quodam colore illiniant? quam inanis, ridicula, & inepta est hæc argumentatio: *Apostoli non fuere*

(1) Ein Gesetz ist eine Regel, wodurch der, welcher die Macht zu beschlen hat, die freyen Handlungen seinen Unterthanen zu einem gewissen Zwecke bestimmet. Nun hat Christus viele Regeln hinterlassen, wodurch er die freyen Handlungen seiner Befekner bestimmet. Das läugnet niemand. Daß Christus aber unser Oberherr sey, und Macht über uns habe, das kann kein Christ läugnen. Und also sind seine Regeln Gesetze. Bey den Aposteln könnte man einiger massen zweifeln, ob ihre Vorschriften Befehle sind. Allein dieser Streit läuft auf einen Wort-Streit hinaus. pag. 220.

(m) Sicut misit me Pater, ita & ego mitto vos. Matth. 20.

(n) Legationis fungimur. 2. Cor. 5.

(o) Saget nicht Christus deutlich, daß die Apostel die Macht haben sollten zu binden, und zu lösen. Diese Macht ist ein Majestäts-Recht. pag. 225.

(p) Vid. Dissert. de Statu Eccles. Cap. I. §. XXV.

(q) Die Apostel nennen sich Diener, und Knechte Gottes: Diener und Knechte eines Herrn sind keine Gesetzgeber. ibid.

fuere Imperantes: ergo leges ferre non potuerunt? Quasi vero Imperantes non possint particulam suæ potestatis transferre in suos Ministros & Legatos (r). Fuere Apostoli procul dubio Ministri Christi, sed simul Legati (s), ab ipso eadem potestate missi, qua ipse a suo Patre cœlesti missus fuerat (t). An non ordinationes, quas nomine suorum Principalium faciunt Legati, veræ sunt leges, eandemque habent vim, ac habent leges, quas Principes facere consueverunt (u)? Porro autem negare, quod Apostoli potestatem ferendi leges acceperint, idem est ac integrum novum testamentum subvertere (x). Quapropter idem Mosheimius Apostolum hunc in modum describit: Quod sit homo divinitus institutus, & a Christo cum potestate leges ferendi, fontes & improbos, si e re videretur, coercendi, miracula denique faciendi, si opus videretur, ad mortales missus, ut voluntatem divinam, viamque salutis ubique patefaceret, hominesque voci divinæ obediens a reliqua turba segregaret, & societatis vinculo colligaret (y).

Aliud argumentum ex eodem Authore contra Disciplinam confederatam Boehmerianam, & Systema Protestanticum de Societate æquali præterire haud facile possumus. Equidem Mosheimius Systema socialisticum non negat: attamen argumentum nobis illud impugnandi haud leve suppeditare videtur. Nam ut auctoritatem legislatariam Apostolorum eo firmiori argumento consolidet, sibi ipsi objicit, quod utique Apostoli omnia cum consilio Cœtus christiani egerint, regimen Ecclesiæ cum plebe diviserint, eidem jus sibi eligendi Doctores concefferint, & hoc ipso potestatem legislatariam non exercuerint.

Ut

(r) Wie quälen sich die Menschen um ihren Meinungen einen Schein zu geben. Die Apostel nennen sich Diener, folglich können sie keine Gesetzgeber seyn. Der Oberste ist fehlerhaft. Dienet eines Herren können nicht aus eigener Macht gebieten; das ist wahr: Wir lehren aber nicht, daß die Apostel aus eigener Macht Gesetze gegeben haben, sondern im Namen Christi. pag. 223.

(s) Legatione fungimur. 2. Cor. 5.

(t) Matth. 20.

(u) Wenn ein König einen Statthalter setzt und ihm Gewalt gibt, daß, was ihm Besessen des Reichs gehöret, zu verordnen: so haben die Verordnungen des Statthalters eben die Kraft, als wenn sie der Herr selbst gibe. Warum sollen dieselben nicht Gesetze genennet werden? Thorheit! Wertfrämerey! pag. 224.

(x) Daß aber die Apostel von unserm Erlöser die Macht bekommen haben seine Kirche mit Gesetzen zu versehen, kann nicht gelanget werden, wo man nicht das ganze neue Testament umstossen will. pag. 225.

(y) Inst. Hist. Eccl. Sæc. I. part. II. cap. II. §. III.

Juris Eccles. Tom. II.

B

Diluitur.

Ut hoc argumentum diluat Moshemius, sponte fatetur, eadem aliquid & veritatis & erroris inesse. Verum est, inquit, quod Apostoli plerasque ordinationes non nisi consulta desuper plebe fecerint: At vero non raro exclusa plebe & privative eosdem suas leges condidisse tanto minus negari potest, quanto ampliora testimonia ipsa scriptura suppetat (z). Nunquid enim Paulus tanquam Legatus Dei præcepit, quænam & quales in Presbyterorum numerum recipiendi sint (a)? Jussit mulieres velato capite incedere & in concione tacere (b): Tito commisit autoritate sua munus coetibus Cretensium Seniores præficiendi (c). Prætermitto multa ejus generis alia, quæ facile aliquis ex novissæderis libris collegerit (d). Jam vero quis non ex his

*Impugnatur
Systema So-
cialisticum.*

fortillimum argumentum deponat impugnandi Systema Protestantico-Socialisticum? an enim stare potest Systema confederatæ disciplinæ, & Societatis æqualis, si principalis potestas legislativa transferatur in Apostolos, ita quidem ut in eorum sit arbitrio vel privative vel consulta plebe, auditisque fidelium consiliis Ecclesiam dirigere, ordinationes facere, leges ferre?

*Ad hoc sal-
vandam
Moshemius
distinguit in-
ter personam
Legati, &
Doctōris.*

Animadvertit quam optime Moshemius, argumento hoc præfatum Systema vehementer ferri: Idcirco ad distinctionem supra allatam appellat, qua inter Apostolos qua Legatos Christi, & qua Doctores seu Ministros; inter munus docendi, & leges ferendi subtiliter distinguit. Quando ergo Apostoli privative aliqua ordinarunt, disposuerunt, præceperunt, nomine & autoritate Christi qua Legati egerunt: quando vero, communicatis cum coetu consiliis, tunc munus Doctōrum exercuerunt. Quoniam vero in Ecclesia jam desit munus Legatorum extraordinaria missione missorum, donisque & gratiis extraordinariis ad id muneris rite obeundum instructorum, quales erant Apostoli, eo ipso etiam potestas legislativa desit, solo remanente munere Doctōrum: quippe quod ad

*Admittunt
Protestantes
successionem
in munere
Doctōris: ne-
gant in mu-
nere Legati.*

(z) Hier ist Wahrheit und Irrthum vermenget. Es ist wahr, daß die Apostel in vielen Stücken nicht ohne Einstimmung der Gemeinden gehandelt haben. Allein in vielen Stücken haben sie bloß aus göttlicher Macht ohne Zuziehung der Gemeinde gehandelt. pag. 224.

(a) Ad Tit. i. v. 5. Reliqui te Cretæ, ut ea, quæ desunt, corrigas, & constituas per Civitates Presbyteros, sicut & ego disposui tibi.

(b) I. Cor. II. v. 6. & cap. 14. v. 34. (c) Loc. cit.

(d) I. Cor. II. v. 34. Cætera autem, cum venero, disponam.

ad religionem, & Ecclesiam conservandam oppido esse necessarium facile dignoscitur (a).

En novam difficultatem, & respectivè novam doctrinam Protestantorum ! In tantas nempe rediguntur angustias, ut in dies nova cedere systemata, novasque excogitare doctrinas necesse habeant. Excusamus paucis, quid de hac doctrina sit tenendum, qua successionem in munere *Doctōis* negare non audent ; in munere vero *Legationis* sine scrupulo satis audacter negant & pernegant, atque hac ratione Ecclesiae Praefulis omnem potestatem ferendi leges abjudicant. Quamquam Mosheimius in hac materia argumentum illud, quo ad hanc doctrinam amplectendam movetur, clare non exponat, in eo tamen vim suam argumenti, si quid tamen capio & sapio, consistere existimo. Nempe si adhuc in Ecclesia foret successio in munere *legationis*, tunc hi legati cum caractere praesentatio missi hanc suam missionem legitimis modis demonstrare deberent : At vero quibus modis, quibusve signis evidentibus, infallibilibus, irrefragabilibus hi suam missionem demonstrant, quemadmodum illam demonstrarunt Apostoli ? Signa demonstrativa missionis in Apostoliserant illa dona supernaturalia extraordinaria prorsus exuberantissima, donum Prophetiae, linguarum, miraculorum, medendi variis infirmitatibus, quibus Christus suos Apostolos implevit, instruxit communivit ; item potestas facinorosos tradendi satanae, ligandi, solvendi, quam verbis expressis Christus tradidit. Ad solos Apostolos tanquam Legatos & Doctores extraordinarios locutus fuit Christus : his solis potestatem ligandi solvendi tradidit, quin vel verbulo indigiterit, hanc potestatem transiitutam ad alios Doctores. Et quoniam illa dona supernaturalia jamjam desierunt in Ecclesia, desiit quoque munus *legationis* solis Apostolis commissum, Longe aliter discurrendum de munere docendi : cum enim istud sit oppido necessarium ad conservandam Religionem Christianam, inviolabiliter quoque stare debet in Ecclesia, & perdurare

Quibus argumentis id probent ?

Ajunt, desisse signa demonstrativa missionis.

B 2

Verum

- (c) Hanc doctrinam fusius tradit Mosheimius in Institut. Hist. Christ. Sæc. I. part. II. §. III. ubi inter alia sic habet : *Sucesserunt quidem sequentium ætatum Doctores Apostolis. Verum certa ratione non simpliciter & absolute. Duo nempe munera in Apostolis sunt distinguenda, munus Doctōis, & munus Legati extraordinarii summa cum potestate divinitus missi. Illud quidem munus ad posterum derivatum est, non item hoc. Et allgemeines Kirchen-Recht pag. 224. Die Stellen des neuen Testaments, in welchen wir also die Apostel*

Hæc doctrina nullum habet fundamentum.

Munus regendi æque est necessarium ac munus docendi in Ecclesia.

Verum enim vero, quis non videt hanc doctrinam omni fundamento solido esse destitutam? ubinam inprimis ullum fundamentum in Scripturis ita subtiliter distinguendi? ubinam aliquod vestigium in traditione & tota retroacta antiquitate? Usque nunc sane Pontifices & Episcopi munere legatorum defuncti sunt, & non tantum munus Doctorum in doctrina sana tradenda, sed etiam legatorum in regenda Ecclesia adimpleverunt. Ex propria Moshemii & Pfaffii confessione munus docendi est necessarium, illudque vel continua successione vel missione universali per Christum, sicut ait Pfaffius infra citandus (f) in Doctores transfertur, quare non etiam munus dirigendi, regendique Ecclesiam? utique instituit Christus Ecclesiam indefectibilem, perpetuo duraturam: qua arte stabit immota religio, firma consistet Ecclesia, si nemo sit, quieam potestate a Christo data dirigat, regat, eidemque saluberrimis legibus prospiciat: si nemo sit, qui potestatem ligandi solvendique, plectendi facinorosos, legesque ferendi habeat? Quam parum sine Doctoribus doctrina sana religionis, tam parum sine legislatoribus, & directoribus pax, tranquillitas, & felicitas Ecclesiæ conservari, salva & incolumis stare potest, ut adeo utrumque munus & docendi & dirigendi ejusdem esse necessitatis videatur. Anne fortassis toti cætui istud munus deferunt? Sed undenam probabit cœtus suam

Apokal vor sich, das ist ohne Zuziehung der Gemeinde handeln sehen, stellen uns hier als Befehlgeber im Namen des Herrn dar. Die andere Fälle aber, wo die Apokal mit der Gemeinde gemeinschaftlich bey Bestellung neuer Lehrer, bey entstandenen neuen Streitigkeiten zu Werke gegangen, sollten ein Muster abgeben, wie die Gemeinden künftig sollten regieret werden, wenn keine außerordentliche Nothen Gottes in der Kirche vorhanden wären.

- (f) Rem hanc clarius dilucidat Pfaffius von dem Ursprung des Kirchen-Rechts ersten Capite pag. 10. Will man aber wissen, wie man erkennen könne, ob Gott diese oder jene gesandt, so wird Paulus antworten, daß man einen jeden aus seinen Gnaden-Gaben beurtheilen müsse, als der in oben angeführtem Capitel insonderheit von der verschiedenen Austheilung der göttlichen Gnaden-Gaben handelt. Ephes. IV. Item Act. V. Da nun also die Gnaden-Gaben und Aemter der Apokal, der Evangelisten, und Propheten igo fast schon aufgehört, so muß doch das letztere Amt der Lehrer fest stehen bleiben, da ohne selbiges die Kirche selbst nicht bleiben und bestehen kann. Es sendet demnach Christus auch noch heut zu Tage Leute, die das Amt der Lehrer in der Kirche verwalten, und zwar durch eine allgemeine Sendung, welche sich durch die Darreichung der Gnaden-Gaben, ingleichen bey dem göttlichen Segen in ihrem Predig-Amt zeigt und darstellt.

suam missionem? ubi signa characteristica legationis, ubi dona extraordinaria miraculorum, prophetiæ, linguarum &c. in plebe? Et quis jus dirigendi, præcipue constituendi Doctores & respective legislatores in cœtum transfudit? num Christus? sed utique ipse vocavit Apostolos vocatione singulari: Paulum & Barnabam ad opus, ad quod ipsos assumpterat, per Spiritum sanctum segregavit (g): solum Mathiam per electionem non ipsius plebis, sed per sortem eligi voluit (h)? Num Apostoli? sed utique Paulus non plebi, sed Tito dedit potestatem corrigendi, & constituendi presbyteros per civitates (i), unaque exhortandi, & arguendi, & quidem cum imperio (k)? En, quomodo hi Doctores se ipsos feriant!

Veniamus jam ad illa dona extraordinaria Apostolis uberrime communicata. Quærere liceat, an non Apostoli hisce donis extraordinariis indiguerint potius ad erudiendam plebem, prædicandum Evangelium, & doctrinas suas signis & prodigiis confirmandas, quam ad regendam, instruendam, & gubernandam Ecclesiam? prædicabant Apostoli Christum Crucifixum, qui teste Apostolo *Judæis erat scandalum, gentilibus autem stultitia* (l): prædicabant doctrinas novas, sublimes, insolitas, duras & asperas, omni intellectu humano sublimiores: quis jam Apostolis unquam fidem adhibuisset, nisi suam doctrinam miraculis & prodigiis confirmassent? quapropter prædicabant ubique Domino cooperante, & sermonem confirmante sequentibus signis (m). Quod si ergo munus docendi usque nunc perduravit in Ecclesia, & vel continua successione, prout docere videtur Moshemius (n) vel missionem generali, ut ait Psallius (o) in Ministros Ecclesiæ transit, quamvis

B 3

illa

(g) *Segregate mihi Paulum & Barnabam in opus, ad quod assumpsi eos*, dicit Spiritus S., & per illum Christus Act. 13. v. 2.

(h) *Cecidit fors super Mathiam*. Act. 1. v. 26.

(i) *Hujus rei gratia te reliqui Cretæ, ut ea, quæ desunt, corrigas, & constituas per civitates Episcopos*. Ad Tit. 1. v. 5.

(k) *Hæc loquere, & exhortare, & argue cum omni imperio*. Ibid. v. 15.

(l) 1. Cor. 1. v. 23.

(m) Marci 16. v. 20.

(n) Die Apostel waren Lehrer, aber auch zugleich außerordentliche Gesandten Gottes. Jenes oder das Lehr-Amt ist auf ihre Nachfolger gekommen, nicht aber das Lehrete. pag. 222.

(o) Es sendet demnach Christus auch noch heut zu Tage Leute, die das Amt der Lehrer in der Kirche verwalten, und zwar durch eine allgemeine Sendung, welche sich durch

Apostoli donis supernaturalibus indiguerunt potius ad docendum, quam regendum.

illa dona extraordinaria, gratiæ speciales, prodigia & miracula esse desiderint: quare non munus legationis transeat in successores Apostolorum? cum illa dona potius ad munus docendi, quam dirigendi, regendi, & gubernandi ex dictis pertinuerint. Nempe erant illa dona ab initio necessaria ad probandam *Missionem*, confirmandam doctrinam Christianam, utpote novam, insolitam, sublimem, hominis genio & ingenio contrariam. Postquam vero de veritate Religionis Christianæ aliunde convicti sumus, jamque hæc firmissimas egit radices, atque in proceram arborem excrevit, hæc dona haud amplius absolute necessaria esse videntur.

*Authores
novarum se-
ctarum suam
missionem
probare non
possunt.*

Edicant jam nobis Protestantes, quibus signis Authores suarum sectarum suam missionem, quæ sane extraordinaria videtur, probaverint; quibus signis Cœtus protestantici, penes quos ex illorum principiis residet jura collegialia in ordine ad dirigendam Ecclesiam necessaria; vel post pacem Westphalicam Principes, in quos sua jura collegialia transfulerunt, suam missionem probare valeant.

*Protestantes
in maximas
rediguntur
angustias.*

Verum ad hæc reponent fortassis Sectarii, Apostolos etiam quæ Doctores fuisse missos missione extraordinaria & speciali; non missione ordinaria, qualiter hodie mittuntur Ministri verbi divini, vel potius a cœtu eliguntur. Hæc exceptio spectat quæstionem de successione Pontificum & Episcoporum in Ecclesia, circa quam ad alibi dicta lectorem remittimus (p). Interim ex his facile quisque animadvertet, in quas angustias redigantur Acatolici, ad quas subtilitates & distinctiunculas confugere, quomodo torquere scripturam, quam exoticas excogitare interpretationes debeant, ut suum Systema lubricis profecto innixum fundamentis sustentare queant. Volentes nolentes debent admittere successionem qualemcumque in munere prædicandi: & quare non in munere legationis, dirigendi, ordinandi, ferendi leges? ubinam Apostoli hæc duo munia in Episcopis & Presbyteris a se constitutis separarunt? ubinam potestas constituendi Presbyteros & Doctores in plebem translata legitur? nonne Paulus hanc potestatem commisisse Tito legitur (q)? num in electione Matthiæ? Sed, uti dictum, illa electio fuit per sortem (r). Num in electione septem Diaconorum? Verum quia illi Diaconi

durch die Darreichung der Gnaden-Gaben in ihrem Predigt-Amte zeigtet, und darstellet. Pfaffius von dem Ursprung 1c. pag. 10.

(p) Vid. Quæst. de Pontifice Cap. I.

(q) Ad Tit. x. v. 4.

(r) Cecidit fors super Matthiam. Act. i. v. 26.

coni ex opinione horum Doctorum non ad munus sacrum, sed ad servitium mensale fuerunt assumpti, ex hoc facto nihil prorsus probare possunt (s) ? Plura huc spectantia relinquimus Theologis.

Tres tamen Doctores Protestanticos, quorum doctrinæ nempe *Tres celeberrimos Doctores Protestantici & eorum doctrinæ examinatur.* maioris ponderis esse nobis videbantur, modeste adhuc castigandos *Doctrina Boehmeri excutitur.* selegimus, Justum Henningium Boehmerum, Matthæum Pfassium, & Georgium Pertichium, quorum primus id argumenti genus ferme in omnibus suis operibus, singulariter in Dissertationibus Juris Ecclesiastici ad Plinium secundum fusi tractat (t). Præcipua doctrinæ Boehmerianæ capita in sequentibus consistunt. Docet primo, quod Christianus nullam Rempublicam, sed simplicem Cœtum, seu Societatem æqualem instituit; Secundo, quod ad hunc cœtum homines non vi, non suppliciis intrare coegerit, sed prædicando invitaverit, exhortando stimulaverit; Tertio, quod quosdam sibi discipulos selegerit, eosque veluti Speculatores, Superintendentes, Doctores, non vero tanquam Legislatores, Rectores quemdam Principatum & Imperium exercentes constituerit; Quarto, quod neque Christus, neque Apostoli ullam legem proprie talem ad regendam Rempublicam ordinatam tulerint. Quinto quod Homines libere in hunc Cœtum coierint, mutuis pactis se coadunaverint: Et cum nulla Societas sine ordine, sine directione, sine regulis consistere valeat, sibi ipsis quamdam disciplinam, quam consederatam vocat, eamque duplicem nempe *informatricem & castigatricem* mutuo consensu, & unanimi voluntate præscripserint (u).

Jam quibus argumentis hæc probent citati DD. Boehmerus præcipue, videamus, & quæ in compendio simpliciter recensuimus, enumeramus. In primis quidem, si ad originem Ecclesiæ respiciamus, nulla ratione probari potest, quod Christus Rempublicam separatam instituere voluerit: Ecquid enim Christo facilius fuisset, quam se & cœtum suum noviter congregatum, sibi que unitum a Synagoga separare? Verum tantum hoc non fecit, quin potius ipse leges, ritus & caeremonias Synagogæ observaverit, easque a suis discipulis observari

(s) *Considerate ergo fratres viros ex vobis boni testimonii septem, plenos Spiritu sancto, & sapientia, quos constituamus super hoc opus:* nempe ad servitium mensale. Act. VI. v. 3.

(t) Dissert. 3. de Consœd. Discip. Pfassius: *Ursprung des Kirchen-Rechts: Berichtschlus: Kurze Historie des Canonischen und Kirchen-Rechts.*

(u) Vid. Matth. 9. 12. 21. 26. Marci 1. 3. 6. prout citat Pfassius loc. cit. cap. 1.

servari voluerit (x). Equidem vocavit Christus vocatione singulari duodecim Apostolos, & septuaginta discipulos: Verum hac ratione quid aliud egit, nisi quod exemplum Prophetarum ac Doctorum Synagogæ secutus fuerit? Et num illis potestatem quamdam imperii concessisse legitur? neutiquam: simplici mandato officium prædicandi ipsis injunxit (y); cæteros vero fideles in quamdam Societatem liberam non vi, non annis, non suppliciis, sed unice in prædicatione Verbi sui, in vinculis charitatis & mansuetudinis vocavit, sibi que coadunavit. Huic suo cœtui an vel ullam legem proprie talem ad ordinandam Rempublicam præscripsisse, vel ullum imperii actum in suos fideles exercuisse probari valet? quidquid Christus docuit, & constituit, id unice ad informandos mores, ad instruendos fideles in doctrina fidei & morum collimavit. Aliud præceptum, quod ad ordinandam disciplinam externam Ecclesiæ, ad ritus & cæremonias in exercitio religionis observandos pertineret, non habemus præter præceptum *Baptismi*, quo suos fideles nomen suum Christiano Cœtui dare volentes initiari voluit, quin tamen Baptismum ipsis obtrudere voluerit (z); & præceptum *Cenæ*, quam in memoriam suæ Passionis & mortis, & quidem secundum ritus Mosaicos in celebratione Paschatis observandos manducari voluit (a). Et nunquid ipsi DD. Catholici docent, quod Salvator præter præcepta moralia, & Sacramentorum aliam legem non tulerit, sed determinationem legum cæremonialium Apostolis & Ecclesiæ reliquerit?

Negat quod aliud dederit præceptum præter præceptum baptismi & cenæ.

Hæc potestas non est quærenda in potestate clavium.

Potestas clavium varie exponitur.

Aut fortassis in potestate Clavium ligandi, solvendi, remittendi peccata, ejiciendi, excommunicandi, proscribendi facinorosos quemdam dominatum, potestatem Imperii, ferendi leges, regendi, jus dicendi quærent Catholici? sed quem latere possunt diversissimæ horum textuum interpretationes, quarum plures asserit Joan. Seldenus (b). Et quidem si loquamur de potestate Clavium, hæc vel ampliorem quamdam potestatem (c), vel potestatem aperiendi januam Ecclesiæ per præ-

(x) Vid. idem Author ubi plurima Script. loca allegat.

(y) Matth. 28. *Prædicate Evangelium &c.*

(z) Joan. 3. v. 22. Matth. 28. v. 19.

(a) Matth. 26. & seq.

(b) De Syned. ult. Jud. lib. 1. cap. 9.

(c) Sic Apocal. 1. v. 18. fit mentio de clavibus mortis & inferni: *& habeo claves mortis & inferni.* Apocal. 3. v. 7. *qui habet clavem David: qui aperit,*

prædicationem Verbi divini, & administrationem Sacramentorum (d); eamque claudendi illis, qui foris sunt, & nondum suum nomen coetui Christianorum consecrarunt (e); vel potestatem aliquam pessnitiendi, prohibendi, constituendi disciplinam, determinandi ea, quæ sunt licita, vel illicita, decidiendi dubia, explicandi Mysteria significat: qualem sensum verbis Christi non modo Doctores A catholici, sed etiam Catholici Joannes Morinus attribuunt (f). Cur autem hanc potestatem facer Evangelista per claves exprimere voluerit, ratio dari posset, quod apud Hebræos moris fuerit, ut Doctores manum imponerent, librum Pentateuchi una cum clave in manus traderent, hacque ratione significarent, penes Doctores esse potestatem aperiendi mysteria legis, solvendi dubia, determinandi ea, quæ sunt licita vel illicita, prout explicat Jacob Basnage (g). Accedit opinio Moshemii docentis, in his verbis agi de dono Miraculorum Apostolis communicato, ita, ut ligare idem significet, ac facinorosum ob sua scelera punire & pestere variis morbis & infirmitatibus; *solvere* autem eundem ab his liberare (h). Longe majoribus difficultatibus obnoxia est potestas excommunicandi, proscribendi, ejiciendi & eliminandi facinorosos, quam Catholici se invenisse existimant loc. cit. (i). Sed quis nescit opinionem doctissimo- rum virorum existimantium, loco citato ne quidem agi de excommuni- catione? Explicat nempe Salvator præceptum de correptione frater- na, quod habetur Levit. 17. ostenditque, quanta cum moderatione a- gendum sit cum fratre peccante, utad sanam mentem redeat: Primo itaque

Et nemo claudit, claudit, & nemo aperit. Apocal. 9. v. 1. & data est ei clavis putei abyssi.

(d) Luc. 11. v. 52. *Væ vobis Legisperitis, quia tulistis clavem scientiæ.*

(e) Pfaffius pag. 18.

(f) Comment. Hiftor. de Admin. Sacram. Pœnit. lib. 1. cap. 8. & lib. 4. cap. 23.

(g) Histoire de Juifs T. 6. cap. 5. §. 15.

(h) Allgemeines Kirchen-Recht, Hauptst. II. pag. 226. Um den Schluß zu versteh- en, ist hier zu merken, daß der Author die Stelle Matth. 16. v. 19. von den Wunder-Saben erkläre. Binden heisset einen Gottlosen wegen seiner Gottlosig- keit durch Unglück und Krankheiten strafen. Lösen jemand von dem Unglück und Krankheiten, so ihm Gott wegen seinen Sünden zugeschiedet hat, befreien. Vid. ulterius §. 20.

(i) Joan. 6. v. 58.

Juris Eccles. Tom. II.

C

*Exponitur
textus: sit
tibi velut
Ethnicus.*

itaque requirit correptionem fraternam, quam si frustraneam esse læsus animadvertat, subsequi debet correptio in præsentia duorum vel trium testium: hæc si itidem nullum effectum habeat, tandem publice arguendus est in conspectu multorum, seu cujusdam cœtus; nequitiam Ecclesiæ, prout nomen Ecclesiæ hodie accipimus: tum quod nomen Ecclesiæ ex sua primæva significatione nonnisi cœtum significet (k): tum quod illo tempore, quo Salvator hoc præceptum dedit, nondum illum, quem hodie habet sensum, habuerit, ac determinate *cœtum fide-
lium cultus divini gratia congregatum* significaverit. Et qua ratione ex verbis illis: *Sit tibi velut Ethnicus & Publicanus*, excommunicatio extorqueri & extendi valeat? cum utique Ethnicos Judæi eo ipso, quod Synagogæ nomen non dederint, nequidem excommunicare potuerint; Publicanos vero proprie nunquam excommunicaverint, sed solummodo commercium familiare cum ipsis evitaverint, quo intuitu Pharisei Christum redargebant, quod cum Publicanis familiariter haberet commercium (l). Quocirca loco citato sola familiaritas particularis; nequitiam communio publica, & communis cum effectibus sacris & civilibus conjuncta interdicitur. Et quare Christus loc. cit inquit: *Sit tibi velut Ethnicus, & Publicanus?* quare non Ecclesiæ? Id sane dicere debuisset Christus, si Ecclesiæ potestatem excommunicandi tradere voluisset. Accedit, quod Christus ad excommunicationem Judaicam alludere videatur, quæ longe alia fuit, quam est hodierna in usu Ecclesiæ: apud Judæos tria Excommunicationum erant genera: potestas excommunicandi erat penes privatos, Rabbinos, & Synedrion, excommunicationes illæ longe alios habebant effectus, quam hodiernæ, tum spirituales. tum civiles, prout fusius ostendit doctissimus Joannes Morinus (m).

*Negat, quod
Apostoli ac-
ceperint po-
testatem le-
gislatoriam.*

Ad Apostolos veniamus: ubinam, querere inprimis liceat, Christus suis Apostolis potestatem constituendi & regendi Rempublicam, ferendi leges, & exercendi imperium dedisse legitur? an majorem fortassis dedit, quam ipse exercuit? id nemo dixerit: cum ipse dicat: *Sicut misit me Pater, ita & ego mitto vos* (n). Illa potestas ligandi, solvendi, remittendi peccata, excommunicandi jam in autem dictis est explosa: aut certe ita obscure est concessa, ut de ea jure optimo propter obscuritatem verborum, interpretationes virorum sapientissimorum dubitare liceat,

ceat,

(k) Prout alibi ostendimus Quæst. I. de Jur. Can. Cap. I. §. I.

(l) Matth. 9. v. 10.

(m) Loco supra citato.

(n) Joan. 6. v. 58.

ceat, & hoc ipso inter dogmata fidei recenferi nequeat (o). Aut fortis-
 tallis illam extundent, & violenter extorquebunt ex famola illa traditio-
 ne, qua Paulus Corinthiun incestuosum Satanæ tradidit (p)? Verum *Explicatur traditio Sa-
 lina.*
 supernaturali quadam virtute & potestate extraordinaria officio Aposto-
 lico annexa id factum esse, neque illam traditionem vim excommunica-
 tionis habuisse, sed potius incestuosum Satanæ corporaliter cruciandum
 fuisse traditum luculentis demonstratum manet argumentis (q). Aut *Apostoli nul-
 lam legem
 tulisse legun-
 tur.*
 unde ostendi valet, quod Apostoli vel unicam legem ad Rempublicam
 gubernandam necessariam tulerint? fecerunt ordinationes plures ad
 cultum divinum debite exercendum, ad ordinandam disciplinam ec-
 clesiasticam, ad informandos mores, ad dirigendas actiones in viam
 salutis æternæ tam utiles quam necessarias: sed nullibi legitur, quod
 vel unicum Imperii actum exercuerint. Si totam Scripturam, Actus
 Apostolorum, Epistolas Pauli percurramus, aliud vix legimus, quam
 quod baptizaverint (r), prædicaverint (s), manus imposuerint (t),
 ritus & ceremonias Judaicas tam ipsi observaverint, quam a fidelibus
 observari permiserint (u), eas postea abrogaverint (x) conventus cum
 cæteris fidelibus celebraverint (y) ad frangendum panem convenerint
 (z), convivia charitatis, vulgo Agapas instituerint (a) varias Episto-
 las

C 2

(o) Est enim doctrina Catholica, quod ea solum tanquam dogmata fidei decla-
 rari valeant, quæ vel in Scriptura clara; vel traditione certa conti-
 nentur.

(p) 1. Cor. 5.

(q) Vid. Samuel Basnag. in Annal. Polit. Eccles. Tom. 2. Dissert. 1. ubi osten-
 dit, nullibi in S. Script. per traditionem Satanæ significari Excommunica-
 tionem, neque illam effectus Excommunicationis post se trahere, neque
 importare actum Jurisdictionis ordinariæ, sed potestatis extraordinariæ A-
 postolis concessæ.

(r) Matth. 28. v. 29. Act. 2. v. 38. 41. Item Act. 8. v. 12. 16. 36. & seq.

(s) Matth. 19. & alibi passim.

(t) Act. 6. v. 6. Act. 9. v. 17. Act. 8. v. 17. dum nempe vel confirmabant, vel
 ordinabant.

(u) 1. Cor. 9. Act. 2. v. 46. cap. 3. v. 1. cap. 5. v. 12.

(x) Act. 15.

(y) Act. 15.

(z) Act. 1. Act. 6. Act. 20 v. 7.

(a) 1. Cor. 11. erant nempe convivia Charitatis, quæ post participatam Eu-
 charistiam in Ecclesiis erant instituta, de quibus vid. Cabassut. in Not.
 Eccles. pag. 34.

las ad Ecclesias scripserint (b) suis exhortationibus, monitionibus fideles in fide, charitate, cæterisque virtutibus conservare laboraverint (c).

*De consa-
crata disci-
plina.*

*Fuit duplex,
directrix &
castigatrix.*

Atque hic delabimur ad consaceratam illam Disciplinam a Boelmero tantopere eum potissimum in finem jactitatum, ut Rempublicanum eliminaret, & Apostolos, illorumque Successores suo imperio dejiciat. Jam supra monuimus, quod haud secus in cœtibus & collegiis necessarius sit quidam ordo, necessaria quædam disciplina *directrix* actionum, & *castigatrix* criminum & facinorum, quam in Republica majori quacunque summa quædam potestas regendi, ferendi leges cum imperio & jure animadvertendi in facinorosos, delinquentes coercendi, inobedientes & refractarios intra limites conservandi, ac seditiosos proscribendi conjuncta. Sed quis ordinem illum, disciplinam illam mutuo consensu receptam, præcepta illa, quibus diriguntur actiones, informantur mores, ordo rerum agendarum præscribitur, plectuntur transgressores, & non nunquam e Collegiis proscribuntur, eliminantur, leges, aut actus imperii dixerit? Et quoniam Christus suam Ecclesiam unice instituit, ut fideles in ea congregati in doctrina & veritate fidei ambularent, vitam illibatam agerent, se moresque suos ad normam sui Salvatoris exactissime componerent, profecto omnia sua præcepta eo unice direxit, ac per suos Apostolos dirigi voluit, ut talis morum disciplina

*Non fuit ne-
cessaria pote-
stas imperii
sed correctio
& inspectio.*

directrix, ac *castigatrix* in omnibus Ecclesiis conservaretur. Porro ad hunc finem consequendum utique non opus erat severitate legum, potestate Imperii, violentis suppliciis, aliisque remediis exorbitantibus ad conservandam tranquillitatem & securitatem publicam necessariis. Itaque ut hunc finem eo facilius & felicius consequeretur optimus Salvator, Episcopos & Presbyteros institui voluit, non ut imperium exercerent, sed ut essent observatores morum, correctores vitiorum, Inspectores vitæ eorum, qui sibi concrediti erant (d). Huc collineabant quotidianæ adhortationes in cœtibus & Ecclesiis; huc Epistolæ Apostolorum ad Fideles suos directæ, quorum unicus scopus & finis principalis fuit non facere eruditos, sed pios & in veritate ambulantes: utpote in quo unica ratio Christianismi consistebat. Et en *Disciplinam Informatricem!*

*De disci-
plina casti-
gatrice.*

*Fuit necessa-
ria, & qua-
re?*

Idem dicendum de *Disciplina Castigatrice* eo ex capite summopere necessaria, ut in cœtu Christiano Socii in suo officio continerentur, & ipse

(b) Vid. Epist. Pauli.

(c) Ibid.

(d) Boehm. in cit. Dissert. §. II. & III.

ipsa Societas a lœce hominum facinorosorum purgaretur. Duplicem hujus rationem assignat Boehmerus : Inprimis enim infinitis obtrectionibus erant obnoxii primi Christiani, ita ut vix aliquod scelus excogitari possit, quod a Gentilibus non fuit ipsis imputatum (e). Dein factum est, ut paulatim homines pessimi & facinorosi sine cordis & mentis mutatione sese cœtibus fidelium adjungerent, ex quorum conversatione & moribus non tantum depravatio totius corporis metuenda erat, ut Paulus testatur 1. Cor. 5. v. 6. sed præterea etiam calumniæ gentilium in Christianos quotidie ingravescebant, Christiani nominis gloria obfuscabatur, & incrementa fidei labefactabantur. Ut itaque Christiani ab omnilabe, quantum fieri posset, essent immunes, ut cœtus fidelium a scelestis hominibus purgaretur, severitatem quamdam disciplinarem seu castigatricem assumere placuit: quatenus illi, qui vitam suam ad præcepta Christi componere recusarent, a cœtu exesse juberentur; exclusi vero, postquam fuere exclusi, ægre denuo reciperentur, nisi emendatæ vitæ apertissimam darent testimonia. Inde consecrarium est, in duobus potissimum Disciplinam illam castigatricem constituisse, nempe in *ejectione impiorum a cœtu fidelium*; & *pœnitentia publica* ab Ecclesia libere mutuo consensu recepta (f): Illa erat species quædam *Excommunicationis* (g); hæc *Pœnitentiæ* in genere consideratæ: neutra ex potestate Clavium, sed ex mutuo fidelium consensu amplior quamdam potestatem directivam in Episcopos transferentium suum ortum traxit. Inde autem quis potestatem imperativam, & legislativam inferet? Id si quis inferre velit, omnia Collegia, Cœtus, & Societates in Rempublicam transmutabuntur: omnis proscriptio, & exclusio

*In duobus
consistebat.
in ejectione
impiorum,
& in pœnitentia publica.*

C 3

(e) Ibid. §. 4. & 5.

(f) Est ergo discrimen inter Excommunicationem, & pœnitentiam publicam in eo, quod Excommunicatio antiqua meram ferme denegationem communionis importaret; Pœnitentia vero publica homines per multum temporis in operibus etiam rigidissimis juxta diversos gradus pœnitentiæ per plures vel pauciores annos exercuerit: atque huic pœnitentiæ fuere subiecti delinquentes propter varia crimina hæresis, carnis &c. de quo vid. Joan. Morinus de Administ. Sacram Pœnitentiæ. Plura exempla ejectionis & excommunicationis ex Sæculo secundo & sequentibus affert Boehmerus. Naturam, effectus antiquioris Excommunicationis exponere non vacat. Vid. cit. Morinus, Van Espen, Boehmer ad Tit. de sent. Excom.

(g) Cit. Author loc. cit. §. 43.

clusio a cœtu quocunque actus erit Imperii, id quod nemo salvis Juris principiis affirmare ausus fuerit (h).

Utraque disciplina fuit confederata. Reliquum est, ut utramque hanc disciplinam fuisse *confederatam* mutuo consilio, pacto, & Sacramento institutam, receptam, ac stabilitam demonstretur: id quod sine difficultate, & tanto facilius se demonstraturum confidit Boehmerus, quanto evidentioribus argumentis se demonstraſſe existimat, quod Christus Dominus Rempubicam quamdam in sua Ecclesia non instituerit, suosque Apostolos & Discipulos ab omni dominatu ac imperio quam alienissimos esse voluerit: Hoc enim semel dato necessarium est, ut dicamus, quod Societates primorum Christianorum fuerint æquales: supposita vero Ecclesiarum æqualitate & libertate utique non aliter Disciplinæ ecclesiasticæ ratio constituit, & recipi poterat, quam unanimi omnium consensu, pacto mutuo, & confederatione reciproca: in eo quippe est diversitas Societatum inæqualium & æqualium, quod in prioribus dentur imperantes & obedientes; in posterioribus singuli sint veluti coimperantes: ita tamen ut ex his quosdam majori autoritate quadam sine imperio tamen instrui oporteat, quatenus in hac societate negotia dirigant, proponenda proponant, vota colligant, votum informativum habeant, ad cœtum referant, & sint veluti Directores negotiorum, & Executores mandatorum: atque tales fuisse videntur Apostoli, & sunt hodie illorum Successores.

Et quare?

Demonstratur æqualitas Societatis Christianæ.

Ex Synodis Apostolicis.

Atque hanc æqualitatem ipsa rerum argumenta ex mente Boehmeri evidenter demonstrant: quidquid enim egerunt, & statuerunt Apostoli, consilio & suffragio communi factum esse legimus: quamquam enim Apostoli maxima autoritate pollerent in Ecclesiis, adeo ut ipsorum placita avidissime reciperentur, nolere tamen hac abuti, & pro imperio cum fidelibus agere. Quid facilius fuisset Apostolis, quam sibi in locum Judæ Collegam sufficere, aut oborto murmure græcorum Ministros mensæ in locum sceminarum substituere? utrumque negotium communi fidelium suffragio & consensu in Comitibus Jerosolymis congregatis expediendum esse existimarunt: Judæ quidem Matthiam per sortem; sceminis septem Diaconos suffragante populo substituerunt (i). Quodsi potestas regendi Ecclesiam, ferendi leges, decidendi causas, determinandi credenda, ordinandi disciplinam ad solos pertinuit Episcopos

(h) Quia tali modo nullum erit discrimen inter Rempubicam, & Societatem qualemcunque; inter Civitatem, & Cœtum simplicem.

(i) Act. 1. v. 15. & Act. 6. v. 1. & seq.

scopos, ad quid in rebus non modo disciplinariis, sed etiam Dogmaticis in consilium vocarunt plebem & populum? Quæ Apostolorum tempore viguit controversia maximi ponderis, ea sane fuit illa de observandis ritibus Judaicis, & abroganda legalium observantia (k). Exordium sumpti hæc quæstio in Ecclesia Antiochena, ubi Fratres quidam ex Judæa digressi docebant, Fratres Antiochenos non posse salvos fieri, nisi Mosaicis ritu circumciderentur. Itaque placuit Ecclesiæ Antiochenæ pro dirimenda controversia Paulum & Barnabam ad Apostolos & Seniores Jerosolimam ablegare. Hi ergo congregato Concilio controversiam diremerunt, legalium observantiam sustulerunt, ac postea viros selectos una cum Paulo & Barnaba datis literis miserunt ad Fratres Antiochiæ, Syriæ & Lybiæ degentes (l). Hæ circumstantiæ si rite expendantur, quid aliud ostendunt, nisi communi totius Ecclesiæ Antiochenæ consensu Paulum & Barnabam fuisse ablegatos, communi consilio controversiam decissam, decretum Concilii ab omnibus fratribus ad Fratres cæteros Antiochiam transmissum, & hoc ipso communionem Regiminis Inter Apostolos & plebem viguisse, atque hac ratione plebem in participium potestatis Ecclesiasticæ venisse. Quid nomen *Ex appellatione Fratritatis* (m) quo inter se utebantur primi Christiani, quid *communionis appellatio Fratrum*, quærit Boëmerus, aliud significat, quam *libertatem & æqualitatem Ecclesiarum inter se communicantium, & communi Consilio negotia seu ad fidem seu ad Disciplinam spectantia agitantium*? quid inscriptio *literarum Apostolicarum*, quam adhibebant Apostoli in suis Epistolis, quas non ad Episcopos & Presbyteros, sed ad *ipsas Ecclesias* scribere non dubitarunt (n): quid *literæ formatæ*, quibus Ecclesiæ orbis Catholici ferme omnes inter se communicabant (o)? quid *missio Eulogiarum* (p)? quid convocatio plebis in Electionibus *Episcoporum* *Ex litteris formatis & pisco-Eulogiis*.

(k) Act. 15.

(l) Loc. cit.

(m) Act. 16. & 2. Cor. Paulus multorum *Fratrum* meminit, qui Apostoli Ecclesiarum fuere: & ad Philippenses scribens Epaphroditum *Fratrem & Commilitonem* vocat.(n) Sic Paulus ad Philippenses scribens suam Epistolam his verbis exorditur: *Paulus & Timotheus servi Jesu Christi omnibus Sanctis in Christo Jesu, qui sunt Philippis, nec non Episcopis & Diaconis*. Vid. etiam 1. Cor. 5. & 2. Cor. 2.

(o) De his litteris formatis, earum multiplicitate, & autoritate vid. Cabassut. in special. Dissert.

(p) Idem Author de Eulogiis.

piscoporum, in ordinatione Clericorum? profecto ex hac perfectissima communione, modoque agendi nunquid confederata Disciplina invictis demonstrata manet argumentis (q)?

*Refutantur
argumenta
Sectario-
rum.*

*Utuntur
amphibolo-
giis, formu-
lis inusitatis
& novis.*

*Disputant
de nomine;
inanes exco-
gitant di-
stinctiones.*

*Prævalere
debet autho-
ritas Eccle-
siae.*

*Quare Chri-
stus se accom-
modaverit
legi Mosai-
cae & regi-
men Moisar-
chicum non
exercuerit.*

Hæc & his similia argumenta Boehmerus, Pfaffius, & Pertschius, agglomerat (r), quibus magna ex parte satisfacimus in nostra Quæstione de Statu Ecclesiæ (s), ubi Amphibologias. ac sinistros conceptus arbitrarie a DD. contrariantibus assumptose exposuimus. Et quis non jure optimo illis exprobrat, quod novis principiis ex jure naturæ violenter extortis, formulis loquendi antea inusitatis, subtilitatibus Sophisticis rem Catholicam adeo turbent, novos Reipublicæ, Regiminis, ac imperii conceptus in luxuriante suo ingenio arbitrarie fabricatos nobis obtrudant, de quibus tota retro antiquitas ne quidem cogitavit aut somniavit? Exprobrant Acatholici antiquis Patribus, & Theologis Scholasticis, quod per suas subtilitates Scholasticas rem Catholicam turbaverint, ipsa Dogmata fidei periculo summo expofuerint, & non raro modos loquendi Philosophicos ex Philosophia Platonica & Aristotelica ad explicanda fidei Dogmata adoptaverint: cur id non majori jure hisce Doctoribus exprobrare liceat? Ad quid inutiliter quæstiones de nomine facimus? ad quid subtiliter inter *Leges* & *Canones*, inter imperium, & potestatem regendi ac dirigendi subtiliter distinguimus? profecto Salvator noster neque in suis regulis fidei, neque in suis Doctrinis morum, neque in institutione & regimine suæ Ecclesiæ Philosophum egit aut Politicum: Nobis Catholicis sufficit, dummodo demonstremus, Christum instituisse Ecclesiam ad modum Reipublicæ, in ea quosdam constituisse Rectores cum potestate dirigendi, regendi, leges ferendi (quas pace nostra *Canones* dicere licet) cum jurisdictione decidendi causas, ligandi, absolvendi, castigandi, plectendi &c. quid ad nos contortæ Sectariorum expositiones, sensus verborum gratis conficti, & verbis Scripturarum arbitrarie afficti? majoris ponderis nobis esse debet Traditio, praxis, & autoritas Ecclesiæ: utpote ex qua genuina Scripturæ, verborum & sensuum interpretatio est haurienda: Huic potius assurgendum, quam fictis paucissimorum Doctorum in diversas abeuntium sententias interpretationibus. Esto Salvator se ad tempus legi Mosaicæ accommodaverit: num inde sequitur, quod novam Ecclesiam non

(q) Boehmerus in Dissert. Jur. Eccles. Dissert. 3.

(r) Pfaffius Ursprung des Kirchen-Rechts. Pertschius: Kurze Historie des Canonischen Kirchen-Rechts.

(s) Cap. I. §. 25.

non instituerit, eamque a Synagoga non separaverit? cur Salvator Synagoga non mox in primo suo adventu destruxerit, Ecclesiam suam *ad instar Reipublicæ* politicæ visibilem facere noluerit (t), regimen Monarchicum non exercuerit, variis legibus ad regendam Rempublicam ordinatis suam Ecclesiam non stabiliverit; atque hanc potestatem suis Apostolis, eorumque Successoribus potius relinquere voluerit, id nos latere ultro fatemur, ac insuper quam liberrime largientes, quod munus Christi & Apostolorum magis præcipuum fuerit munus prædicandi, docendi, & instruendi: qua enim arte alias suam Ecclesiam erigere, & Gentiles una cum Judæis in suum cœtum coadunare potuissent? Verum postquam jam innumera hominum multitudo suum nomen huic cœtui per susceptionem baptismi dedit, utique necessaria erat quedam disciplina, necessariz quedam leges: tum ut fideles in unitate fidei, in pace, & tranquillitate conservarentur: tum ut scelerati, ac facinorosi in suo officio continerentur. Sane si argumentum ab exemplo Christi petitur probet, probabit, quod Apostoli ne quidem simplices Ordinationes ad instruendos mores, ad conservandum Ordinem, & introducendam Disciplinam facere potuerint: eo quod nec Christus eas fecisse legatur. Sed nec in eo doctrinam Sectariorum aspernamur, quando dicunt, quod præcipua Christi & Apostolorum præcepta ad instruendos mores collimaverint: Ast num propterea Disciplina externa negligi, fidelibus vivendi legesque disciplinares transgrediendi libertas concedi, & scelera atque delicta impunita abire debuerunt? Et quare Ordinationes Apostolicæ, illæ potissimum, quas in assumptione Ministrorum, in constitutione Presbyterorum, Ordinatione Episcoporum, in determinandis disciplinariis, in ejectione facinororum fecerunt, nomen legis non mereantur? num ideo, quod vim cogendi externam non habuerint conjunctam? Qua ratione convincenter probant, id pertinere ad essentiam legis? Quæ Doctores contra potestatem Clavium, *Excommunicationem*, *Jurisdictionem illam Pauli*, qua incestuosum Corinthium Satanæ tradidisse legitur, ex principis generalibus supra datis consutata manent, & a nostris Doctoribus pridem explosa sunt (u).

Verum

- (t) Notanter diximus, *instar Reipublicæ politicæ visibilem*: nam quod Christus instituerit Ecclesiam vere visibilem, nemo unquam Catholicorum negaverit.
 (u) Diximus enim, illorum interpretationes esse novas, diversas, gratis excogitatas, nec in Traditione, nec in Doctrina Ecclesiæ fundatas.

Christus dedit potestatem non modo prædicandi, sed etiam ligandi.

Verum est, dedit Christus Apostolis simplex mandatum prædicandi: *Itæ prædicatæ &c.* (x). Sed utique alibi dedit insuper potestatem ligandi, solvendi; imo eandem potestatem, quam ipse habuit. Fin, quam fallaciter agant hi Doctores! Ex uno loco scripturæ argumentantur, & faciunt argumentum univèrsale: Cætera loca tacent, dissimulant, prætereunt. Nempe, uti dictum fuit, inter *munus prædicandi, & regendi*; inter Apostolos quæ *Doctores, & Legislatores* non distinguunt, ubi tamen distinguere deberent; & distinguunt, ubi non deberent distinguere (y). Sed nec id inficiamur, quod Christus violentis remediis, pœnis & suppliciis homines ad amplectendam Religionem christianam, nomenque suum cætui Christiano dandum compellere nequitiam voluerit. Atque hoc ipso suo exemplo Christus monstravit, quod nihil contra leges naturales hominibus proprias agere voluerit: Anne liceat Regi superiorem in terris non agnoscenti homines in sua libertate naturali existentes, nulloque titulo sibi subiectos pro suo libitu & arbitrio suo jugo & imperio subicere? Potuisset id Christus qua supremus rerum Dominus, cui omnis creatura millenis & infinitis subiecta est titulis. Sed non possunt Reges & Principes, qui talem titulum habentus reperire & edere non potuerunt.

Christus dedit leges pro ordinanda Republica christiana, non politica.

Quæstio, quid sit Respublica, est de nomine.

Quando dicunt, quod Christus nullam legem ad ordinandam Rempublicam tradiderit, verum dicunt: sed utuntur fallaciis, dum inter Rempublicam *Christianam & politicam* non distinguunt. Longe alius finis Reipublicæ politicæ; & longe alius sacræ, seu Christianæ: illa securitatem & felicitatem politicam; hæc cultum divinum, salutem animarum, & beatitudinem supernaturalem ultimato respicit. Ut quid ergo mirum, si pro diversitate finis diversa sint media, diversus sit modus instituendi, ordinandi, dirigendi & regendi Rempublicam politicam & sacram? Etiam hic incidimus in quæstionem de nomine, quemadmodum supra, ubi de potestate ferendi leges penes Apostolos existente egimus, quid nempe sit Respublica, quænam eidem sint essentialia, quænam ad constituendam, & regendam Rempublicam requirantur. Nemo Catholicorum usque nunc somniavit, quod Christus instituere voluerit Rempublicam politicam, aut huic per omnia similem. Iterum iterumque dicimus, quod Christus Rempublicam politicam in Ecclesia

(x) Marc. XVI. v. 15.

(y) E. g. non distinguit Boehmerus, dum agit de regimine Ecclesiæ: & tamen deberet distinguere. Distinguit Mosheimius, dum agit de successione in munere Apostolico: & tamen non deberet adeo sollicite distinguere.

Ecclesia iniutuere noluerit, sed sacram. Ad Rempublicam in genere *Quid ad constituendam satis est, quod Christus Ecclesiam constituerit, eide Rempublicam certos fines præfixerit, ordinationes substantiales & leges fundamentales condiderit, per Apostolos & Evangelistas suas doctrinas proposuerit, hos veluti legislatores constituerit, unaque potestatem ligandi, solvendi, puniendi, legesque ferendi tradiderit. Cæterum mirari satis vix possumus, quod Moshemius, qui textus de potestate ligandi solvendi-que sæpius citatus de dono miraculorum interpretatur (2): nihilominus in hac quæstione eosdem ad commonstrandam potestatem legislatariam Apostolorum adhibeat (a). Nescio sane, an hæc consequenter dicta sint, & an a dono miraculorum, vicijus in potestate nostra est immittere varias infirmitates & mala, & ab his iterum liberare, bonum & legitimum ducatur argumentum ad demonstrandam potestatem legislatariam. In eo tamen nobis gratulamur, quod ex Protestantibus unum reperire licuerit, qui nobiscum animadvertit, libereque fatetur, quod huic quæstioni (idem dicas de quæstione, an in Ecclesia detur Respublica) multum sit immixtum de quæstione nominis, & præcipuus Adversariorum labor defudet in enucleando conceptu verborum. Hanc animadversionem jam fecimus (b), priusquam opus posthumum Moshemii (c) ad nostras manus pervenit.*

Illam confederatam Ecclesiæ Disciplinam, tam *directricem* quam *Ex duplici castigatricem* non abnuimus: id vero constanter negamus, quod inde *disciplina confederata non sequitur æqualitas Ecclesiarum.*

D 2

sequa-

- (2) Um den Schluß meines seeligen Herrn Schwieger-Vatters zu verstehen (sunt verba Windhemii, qui opusculum posthumum Moshemii sub titulo: Allgemeines Kirchen-Recht der Protestanten edidit) ist hier zu merken, daß derselbe diese Stelle, und Matth. XVI. v. 19. von den Wunder-Gaben erkläre. Binden heißet einen Gottlosen wegen seiner Gottlosigkeit durch Unglück, und Krankheiten strafen. Lösen, jemand von dem Unglücke und den Krankheiten, so ihm Gott wegen seinen Sünden zugeschiedet hat, befreien. pag. 226. item §. 20. dieses Hauptstückes.
- (a) Saget nicht Christus deutlich, daß die Apostel die Macht haben solten zu binden und zu lösen. Diese Macht ist ein Majestats-Recht. pag. 225. Possent hæc tollerari, si author hic potestatem puniendi, & liberandi ad potestatem ordinariam reduceret: sed cum eam ad donum miraculorum referat, nescio sane, an hæc doctrina nostram censuram non mereatur.
- (b) In Dissert. de Statu Ecclesiæ, & in hac ipsa anno elapso edita.
- (c) Das allgemeine Kirchen-Recht der Protestanten, quod supra citatus Windhemius typo committi curavit.

Ex admiffione plebis ad Synodos vel nihil vel nimum probatur.

Nihil ex reliquis argumentis de infcriptione liter. Apost. literis formatis, & Eulogiis.

fequatur æqualitas Ecclefiarum; quod unice ex mutuo fidelium confensu provenerit, fideles omnes in participium regiminis in statuendis legibus disciplinaribus, ac decernendis poenis venisse. Ita est, interfuit plebs electioni Mathiæ, & septem Diaconorum: quia ita placuit Apostolis, ita tamen ut præcipua potestas fuerit penes Apostolos, & plebs non nisi testimonium vitæ dederit. Num Respublica cessat esse Respublica, num Rex definit esse Rex, si quædam consultis populi suffragiis statuatur, decernatur, decidatur? Num ex eo, quod Reges Francici præcipua ad statum tam Ecclesiasticum quam Politicum pertinentia negotia in solemnibus Comitibus, convocatis Regni Proceribus, Episcopis, & Prælatistractaverint, desierunt esse Reges, suoque Imperio exciderunt? Quæstio illa de observandis, abrogandisque legalibus ipsos fideles seu Fratres Antiochiæ degentes tangebatur, ut quid ergo mirum, quod plebs ipsa legatos Jerosolymam veluti ad Ecclesiam Matricem ablegaverit, & Decretum Jerosolymitanum ad Ecclesiam Antiochenam transmissum fuerit? Ipsi vero Concilio non nisi Apostoli & Presbyteri interfuisse leguntur (d). Quantum ad Epistolas Apostolicas, cum præterque fuerint simplices exhortationes, monitiones & instructiones eum in finem ab Apostolis scriptæ, ut fideles in fide, in charitate, cæterisque virtutibus Christianis confirmarentur, profecto non nisi ad Ecclesias & coetum fidelium dirigendæ erant, haud secus, quam leges ipsi populo promulgari debent. Illa *Confraternitatis* appellatio tam parum destruxit characterem Apostolis proprium, quam parum humilior, aut gratiosior appellatio, qua Rex suos dignatur subditos; aut Bellidux suos milites, ipsi aufert sceptrum Regium, vel suis subditis facit similem. Literæ illæ *formatæ* tantopere a Scriptoribus Ecclesiasticis dilaudatæ, utpote quibus Ecclesiæ omnes in toto orbe Catholico inter se communicabant, unice dabantur in signum Communionis (e). Quod idem de missione Eulogiarum dicendum est, quas Episcopi ad se invicem mittere consueverunt (f). In Electionibus, & Ordinationibus Clericorum

(d) Vid. Act. 15.

(e) Passim hæc literæ vocantur *Unionis, Concentrationis, Confectionis*: & fuere multiplicis generis, prout videre est in Cabassutio Dissert. de literis formatis.

(f) Erant Eulogiæ particulae excisæ e panibus, quos pii fideles ad mensam Diaconicam offerre solebant, e quibus quædam particulae pro Eucharistiæ consecratione assumentur: aliquæ singulari benedictione benedicebantur, & absen-

cant, aut casibus particularibus applicant, atque ad morum honestatem intrinsecam spectant (p), quibus haud secus assurgendum ac ipsi Juri naturali: Posteriores vero Justam positivum quam naturale includunt, ex utroque veluti permiscuntur, atque honestatem morum potissimum externam attingunt. Includunt hi Canones *Jur naturale*, Quatenus præscribunt ea, quæ honestati, & decori status ac dignitatis sunt conformia, & prohibent ea, quæ huic sunt deformia, ita ut si fiant, eundem dehonestent, vel omnino scandalum in publico præbeant (q); *Positivum* vero: quia similia cum certo quodam rigore, Juri naturali incognito, vel omnino plus, quam absolute necessarium foret, præcipiunt, vel aliquid addunt, quod jure naturali non est præceptum (r). In his Canonibus interpretandis, vel sano de iis ferendo judicio cautos & circumspectos esse oportet Doctores, neque contra illos facile admittenda aliqua præscriptio aut consuetudo, nisi quoad ea, quæ sunt *Juris positivi* (s). Inde est, quod passim in Jure Canonico quædam consuetudines vocentur corruptelæ & abusus (t): imo etiamli Ecclesia non nunquam majoris mali vitandi gratia ob rerum fortassis, ac temporum circumstantias & difficultates, prout exprimere solet, tales consuetudines vel abusus toleret, permittat, vel in iis omnino dispensasse videatur, haud erit aliquis in conscientia securus, maxime quando Canones sunt tales, quos necessitas, aut rerum temporumque difficultas

-
- (p) Huc pertinent *Canones*, quibus incontinentia, avaritia, aliaque similia vicia, usuræ, Simonie proscribuntur.
- (q) Huc pertinent *Canones*, qui Clericis honestatem morum extrinsecam præcipiunt, & econtra negotia secularia, conversationem minus decentem e.g. luxum, comessationes, choreas, aleas, lusus, sordidum quæstum, mercatum &c. interdiciunt.
- (r) Dum *Canones* Clericis non modo decentem habitum, sed etiam certam illius formam; dum Episcopis, Parochis, Canonicis tempus Residentiæ præscribunt; dum in transgressores certas poenas e.g. privationem fructuum decernunt, comminationes faciunt &c.
- (s) Sic cum Residentia Episcoporum & Parochorum probabilis sit Juris Divini, contra *Canones*, in quantum Residentiam præscribunt, nulla valebit consuetudo, nulla præscriptio; bene vero quoad tempus, quoad obligationem petendi licentiam a Superiore, ut ad aliquod tempus abesse liceat; quoad poenas in negligentes statutas.
- (t) Vid. cap. 3. 5. 9. 10. 11. &c. de Consuet.

cultas extorfit (u). Quoad *Canones disciplinae* observandum est, quod *Etiam in* quidam eorum Jus divinum, alii plerique Jus mere Ecclesiasticum con- *Canonibus* tinent: prioris generis sunt ritus Sacramentorum substantiales ab ipso *disciplinari-* Christo praescripti e.g. ablutio in Baptismo, impositio manus in Confir- *bus.* matione, in Collatione Ordinis &c. & hi ab Ecclesia immutari non pos- sunt: Posterioris generis sunt omnes ritus & cereimoniae, quas Eccle- sia in ordine ad cultum divinum decenter exhibendum, functiones li- turgicas, aliasque rite obeundas, Officium divinum cum aedificatio- ne peragendum ordinat: atque hi sunt mutationi obnoxii, quinimo sae- pius immutati esse leguntur (x). Etiam hi Canones obligant, & pro diversitate materiae vel graviter vel leviter, & sine graviore reatu consci- entiae saltem contineri nequeunt. Quamvis autem Canones Ecclesiae *Commenda-* aequae pro Laicis ac Clericis ferantur: praecipue tamen illorum scientia *tur Clericis* & observantia ad Clericos pertinet: utpote quibus sacri Canones ad- *studium Ca-* instar Regularum sunt praescripti. Quapropter illorum studium appri- *nonum.* me commendatur Clericis, ut ex iis rectam vivendi normam addiscant, & vitam suam illis conformare satagant. Id potissimum emolumenti ex Canonum studio reportabunt, quod in iis spiritum Christi & Ecclesiae tanto clarius sint perspecturi, quanto majorem operam illis impende- rint.

Quoniam vero non omnes Canones esse aequalis Authoritatis di- *Traduntur* gnoscuntur, vel maxime interest scire, quae & qualis hujus vel illius *regulae, ex* vel singulorum Canonum sit Authoritas. Quapropter ad fontes origi- *quibus men-* narios, id est, ad Conditores Canonum recurrendum est, a quorum *juranda est* potestate dimittenda est illorum authoritas. Itaque Canones Concilio- *authoritas* rum Generalium aut etiam particularium in vim legis universalis appro- *Canonum.* batorum vel receptorum; item Pontificum, dummodo in vim legis emanaverint, sufficienter promulgati, vel recepti fuerint, habent au- thoritatem summam, legalem, & authenticam pro orbe Catholico universo:

(u) Hujus rei exemplum pulcherrimum habetur in Synodo Trident. Sess. 25. de Regul. cap. 21. ubi Patres serio expendentes, quanta mala promanent ex com- mendis Monasteriorum, Prioratuum, & mala administratione eorum, quibus sunt commenda- ta, optimam suam intentionem medendi hujusmodi malis exprimunt: in fine finali tamen addunt: *Verum adeo dura, difficilisque est praesentium temporum conditio, ut nec statim omnibus, nec commune ubique, quod optaret, remedium possit adhiberi.*

(x) Probant id innumeræ Liturgiæ, diversi mores Ecclesiarum, Decreta innu- mera, quæ a Congregatione Sacrorum Rituum Romæ eduntur.

universo: Canones Synodorum particularium pollent Authentia pro suis Ecclesiis, pro quibus condebantur: Canones improprietates, quales vocantur sententiæ SS. Patrum, vel etiam aliorum Doctorum in Corpus Juris relatæ, vel Canones omnino ex fontibus incertis, suppositiis & spuris deprompti (z) per se Authentiam non habent, nisi illam vel per relationem in illud, vel ex usu, & praxi receperint (a).

§. IV.

Quid sit collectio Canonum.

Progredimur ad ipsas collectiones Canonum, de quibus præcipue nobis est agendum præsentī Quæstione. Et si Compilatores Canonum suas compilationes variis nominibus appellaverint (b), usus tamen obtinuit, ut passim *Codex*, vel *Collectio Canonum* vocentur: quo nomine venit complexus legum Ecclesiasticarum, Canonum, Decretorum, Rescriptorum, Doctrinarum ex Conciliis tam universalibus, quam particularibus, Epistolis Decretalibus Pontificum, Ordinationibus Ecclesiarum particularium, Operibus SS. Patrum, aliorumque Virorum doctissimorum in ordine ad informandos mores, disciplinam Ecclesiasticam ordinandam, regendamque ipsam Ecclesiam velut in unum collectorum. Paucis multa complexi sumus, quæ facili negotio intelliguntur ab illis, qui communia norunt principia & regulas, quas Authores passim de *Principiis originariis* Canonum & ipsis *Canonibus* dare solent (c).

Collectio Canonum diversa & multiplex.

Collectio Canonum alia *privata*, alia *publica*: prior dicitur illa, quæ sit ab homine privato sine jussu & mandato legitimi Superioris; posterior, quæ autoritate publica conficitur, vel saltem approbatur (d). Iterum alia *Universalis*, & alia *Particularis*: illa vel ex primæva sua origine, & confectio; vel receptione obtinet in universali Eccle-

(z) Hujusmodi Canonibus innumeris scatet vel maxime Decretum Gratiani.

(a) Pro exemplo ferviat vel solum Cap. redintegranda Caus. 3. Q. 1. quod ex spuris antiquorum Pontificum Epistolis est delumptum, & tamen Authentiam ex usu in foro obtinuit.

(b) *Codex*, *Collectio*, *Corpus Canonum*, *Nomo-Canon*, *Concordia discordantium Canonum* &c.

(c) Vid. quæ in tribus Quæst. de fontibus Originariis Jur. Eccles. scripsimus.

(d) *Codices* autoritate publica confectos admodum habemus: plerique studio privato sunt confecti, & ab Ecclesia postmodum vel expresse vel tacite approbati, uti *Canon Universalis Ecclesiæ*, *Collectio Dionysii* exigui.

Ecclesia (e) : ista usum & auctoritatem habet in Ecclesiis particularibus, pro quibus facta esse dignoscitur. Alia *Authentica*; alia *non Authentica*: illa vim habet legis & auctoritatem legalem ex ipsa approbatione: quin jam amplius necesse sit ad ipsos fontes Canonum recurrere, atque auctoritatem ex ipso fonte, aut omnino ex praxi & receptione mutare (f): Hæc aliam non habet, quam habent ipsi fontes, ex quibus defumitur: idcirco inter Collectiones Authenticas recensere non audemus Decretum Gratiani, Librum septimum Decretalium, Institutiones Lancellotti, Bullarium Magnum: nisi in quantum correspondent suis fontibus, id est habent fundamentum in quodam Conditoris legali, penes quem erat potestas condendi Canonem per se obligantem (g).

Si de Conditoribus Collectionum loquamur, paucos admodum reperire est, qui auctoritate publica muniti id laboris assumpserunt, & *Conditores* *Collectionum* *plurique privati*. noviores quosdam excipiamus (h). Plerique sua sponte amore boni publici humeros hisce laboribus supposuerunt: qua propter pleraque Collectiones suam Authenticam, & vim legalem obtinuerunt vel ex superveniente approbatione; vel ex usu, consuetudine & receptione (i).

Videa-

- (e) Quemadmodum quædam Synodi particulares ex receptione Ecclesiæ, sic etiam quædam Collectiones particulares & Canones particularium Ecclesiarum auctoritatem publicam & universalem obtinuerunt. Inter Synodos particulares, quæ ad auctoritatem Concilii Universalis affurrexerunt, numerantur Synodus Carthagenensis & Milevitana contra Pelagianos celebratæ. Insuper Codices suos particulares habuisse varias Ecclesias, Orientalem, Africanam, Gallicanam, Hispanicam, atque hos ab aliis etiam Ecclesiis fuisse receptos ex infra dicendis patebit.
- (f) Exemplum est in Collectione Greg. IX. ab ipso approbata: licet fortassis de hoc dubitare possint illi, qui laud secus ad Collectiones a Pontifice promulgatas, quam ad ipsas leges acceptationem requirunt.
- (g) Idcirco Canones Conciliorum Generalium e. g. in Decreto Gratiani, vel Bullario Magno contenti non ideo habent vim obligandi: quia his Collectionibus sunt inserti, sed quia correspondent fonti suo talem vim & auctoritatem habenti.
- (h) *Conditores antiquiorum Collectionum* omnino non sunt noti. Sane ne quidem Dionysius suam Collectionem ex mandato Pontificis fecit. Idem dicendum ferme de omnibus Compileribus usque ad Raymundum de Pennafort.
- (i) Uti Codex Dionysianus, Collectio Isidori, Decretum Gratiani, Extravagantes &c.

*Authoritas
Collectionum
dependet vel
ab approba-
tione vel re-
ceptione.*

*Quid autho-
ritatis acce-
dat Canonibus
ex rela-
tione in Co-
dicem?*

Videamus de Collectionum authoritate. Hæc tota quanta ex dictis descendit vel ex approbatione, vel receptione ipsius Collectionis: quare distinguendum est inter Collectiones publica authoritate approbatas, & non approbatas: illæ habent vim legalem; non istæ: nisi, prout aliquoties dictum fuit, eam ex superveniente receptione obtineant. Ex quo manifeste sequitur, quod Collectiones qualescunque a quocunque Authore factæ ad vim legalem ascendere nequeant, nisi superveniat approbatio, vel receptio. Inde oritur quæstio, quid ergo authoritatis accedat Canonibus per relationem in Codicem seu Collectionem? Sane facillimæ decisionis hæc est quæstio: vel enim loquimur de Codice authoritate publica, vel privata confecto? si privata: Canon suum pristinum vigorem retinet, nec majorem obtinet, quam aliunde habet: si publica: tunc Canon veluti canonizatur, & in arcem Canonum Authenticorum ascendit, etiamsi non sit Authenticus, imo ex fonte etiam spurio profluat (k), cui non minus est assurgendum, quam si e fonte purissimo promanaret. Aliud etiam commodum ex relatione in Codicem Canones obtinent, præsumptionem aliquam, quod sint genuini & sinceri; non supposititii, spurii, vel adulterini, maxime si ab authoritate publica Collectiones sint approbatæ: supponitur enim, quod compilatores fontes originarios puros & sinceros indagaverint, fideliter & sincere egerint, nullam fraudem commiserint, nihil, quod non est verum, orbi Catholico obtruserint; & ipsi Conditores legum, qui Collectiones sua authoritate communierunt, non temere, non cæco modo, sed rebus bene perspectis suam approbationem adornaverint (l). Interim hæc præsumptio non est tanti roboris, ut fortioribus probationibus elidi nequeat: nam paucissimæ sunt Collectiones, quæ ex purioribus fontibus haustæ sunt, & non quamplurimis mendis, erroribus & defectibus scateant; imo plura supposititia, spuria atque adulterina non continent. Ipsi Codicem Dionysianum, Collectiones Pseudo-Isidori, Burchardi Wormatiensis, specialiter vel solum Decretum

- (k) Sic plures Canones Synodorum & Pontificum etiam ex fontibus spuris desumpti e. g. Cap. *redintegranda* in Corpus Juris relati Authentiam obtinuerunt.
- (l) Ex hoc capite Ecclesia Romana Canones Concilii Constantinop. in Concilio Chalcedonensi ab Orientalibus productos agnoscere noluit: quia, uti inquit Legatus Sedis Apost. in Constitutionibus Ecclesiasticis non reperitur. Ex eodem fundamento Patres Africani Canones Concil. Sardicensis, & Hincmarus alique Episcopi Gallicani Epistolas Decretales antiquorum Pontificum

tum Gratiani iustremus, & quam id sit verissimum, apertissime conspiciemus (m).

§. V:

Originem Collectionum seu Codicum indagaturi ad Quæstionem *In primis* nostram primam (n) appellare necessum habemus, ubi ostendimus, *tribus sæculis Ecclesia non habuit collectionem authenticam.* nullam authenticam Collectionem, qua universalis in primis tribus sæculis regebatur Ecclesia, hætenus asserri posse, atque Ecclesiam, Occidentalem præcipue, non tam legibus scriptis, quam traditionibus, observantiis, & consuetudinibus in disciplinæ morumque directione, in Judiciis Ecclesiasticis, infligendis poenis fuisse gubernatam; quidquid ex conjecturis quibusdam non satis fundatis in contrarium asserat Van Espen, existimans incredibile esse, quod Patres & Episcopi primorum sæculorum Ecclesiam jure incerto sine regularum, & Canonum sparsim vagantium Collectione gubernaverint: quanta enim inde ex defectu certæ normæ confusio in publico, in judiciis, in regimine Ecclesiarum oriri debuisset?

Verum hisce conjecturis loco citato obviavimus. Et fane ipse Van Espen infirmitatem sui argumenti agnoscere videtur, dum subjungit, *id intelligendum esse de iis saltem temporibus, quibus post pacem Ecclesiæ datam fas fuerat Episcopis frequentes celebrare conventus, & in illis varios, vel pro universali, aut pro particularibus Ecclesiis Canones condere* (o).

Porro autem tres potissimum circumferuntur Collectiones, quas in primis tribus sæculis obtinuisse non pauci ex scriptoribus priorum sæculorum scribere non ventur, nempe *Liturgiæ* quædam Apostolis attributæ, Petri pro Ecclesia Antiochena & Romana, Mathæi, quam communiter vocant *Missam Æthiopum*, Jacobi, Marci pro Ecclesia Alexandrina, Joannis Evangelistæ: quibus accedit *Liturgia Clementis I.* cui ipsos Apostolos *Liturgiam* quamdam ad calamus dictasse asserunt: Item *Canones Apostolici*, & *Constitutiones Apostolicæ*; & demum

E 2

libri

sicum a Clemente usque ad Siricium a Nicolao productas admittere noluerunt: quia in Codice Canonum non habebantur adscriptæ.

(m) Profecto ipsi Correctores Decreti hujus id fassi sunt, & fatentur Eruditi omnes, quod Decretum adhuc scateat innumeris mendis.

(n) *Jus Canonicum in genere inscriptam.*

(o) In Tract. Histor. Canonico part. 2. cap. 3.

libri Dionysiani, quos Dionysius Areopagita scripsisse fertur, qui jure optimo nomen Collectionis merentur, utpote in quibus quamplurima ad Disciplinam Ecclesiasticam pertinentia reſeruntur (p). Quid jam de his Collectionibus ſentiendam, videamus

CAPUT II.

De Liturgiis, Libris liturgicis, & Studio liturgico.

§. I. Quid ſit Liturgia? II. Cujus juris ſit cultus publicus? III. De origine, uſu, & incrementis liturgiarum, quæ in ritibus & ceremoniis; IV. Item earum, quæ in præſcriptis & certis preſcriptionum formulis conſiſtunt. V. An in tribus primis ſæculis Eccleſia habuerit libros liturgicos? VI. Quid de liturgiis Apoſtolicis ſit ſentiendum? VII. De liturgiis Orientalis Eccleſiæ. VIII. Eccleſiæ Occidentalis. IX. De Miſſa Gelaſiana. X. Gregoriana. XI. Ambroſiana. XII. De Miſſa Mozarabum. XIII. De Miſſa Gallicana. XIV. De libris Eccleſiaſtico-Catholicis diverſi generis. XV. De liturgiis & libris Eccleſiaſticis Proteſtanticis. XVI. De Jure liturgico XVII. De regulis in re liturgica obſervandis. XVIII. De uſu XIX. & cultu imaginum. XX. De picturis & imaginibus, & quid in his liceat, vel non liceat. XXI. De Reliquiis Sanctorum. XXII. De regulis ad diſcernendas Reliquias obſervandis. XXIII. De ſanctis ignotis, eorumque cultu dirigendo. XXIV. De Studio liturgico.

§. I.

Cum ad Jus Eccleſiaſticum vel maxime etiam pertineat Jus Ceremoniale & Liturgicum præſcribens certos Ritus, Ceremonias & formulas in Celebratione Divinorum, in Officio divino, præcipue in Sacroſancto Miſſæ Sacrificio adhibendas, operæ pretium eſſe duximus, materiam liturgicam latius exponere, ea potiſſimum ex ratione, quod hodiernis temporibus ſtudio liturgicum maximi habeatur, in Academiis

(p) Lib. de Hierar. Eccleſ.

miis Theologia liturgic. publice doceatur, & ab omnibus sublimioris eruditionis studiosis mirum in modum excolatur.

Liturgia satis decantatum in sacris vocabulum est, denotatque *Quid sit Liturgia? sumitur late & stricte,* Ministerium aliquod sacrum, quatenus cultu externo peragitur, quod, licet, si late sumatur, significet omne Ministerium (q), usu tamen obtinuit, ut hoc nomine universus cultus sacer primario Liturgia appelletur, maxime apud primos Christianos, ubi adhuc cultus divinus in simplicitate, in Spiritu & Veritate magis, quam Ceremoniarum apparatu peragebatur. Postquam vero Ecclesia innumeros ritus tum novos tum antiquos ex lege Mosaica adoptatos introduxit, ut divina majori cum decentia, Majestate, & solemnitate celebrentur, atque hunc in finem Ritualia, variaeque precum formulae fuerunt collectae, nomen istud adaptatum fuit solis Ritibus & Ceremoniis in celebratione divinorum adhibendis. Denique cum praecipuus DEI cultus in Celebratione Missae consistere credebatur, ipsa *Missae dicta* fuit Liturgia, maxime apud Graecos, & ideo in hodiernum usque diem Ritus & Ceremoniae pro Celebratione Missarum praescriptae proprie functiones *Missae dicta* *fuit Liturgia.* appellantur. In ordine ad nostrum intentum Liturgia triplici *Hic sumitur tripliciter.* ter sumi potest, vel pro libro *Liturgico*, vel pro ipso cultu DEI externo secundum certos ritus peragendo, vel pro certa *Norma*, secundum quam divina, & praecipue Sacrosanctum Missae Sacrificium est peragendum. De his jam fusiori non nihil calamo, & ordinata methodo, praepremis vero de *cultu publico*, ad quem omnis Liturgia ultimato collinat, agamus

§. II.

Cum *Liturgia* potissimum ad cultum publicum supremo Numini in *Cujus juris* conventibus publicis exhibendum pertineat, priusquam ad ipsas *liturgias*, earumque originem, usum, incrementa & ipsum *Jus liturgic-^{fit cultus publicus?}* cum explanandum progredimur, quaestio praepjudicialis excutienda est, *cujus juris*, naturalis, an Divini, vel Apostolici sit cultus publicus. Loquimur hic de cultu *externo* non qualicunque; sed *publico* in conventibus publicis: non enim cultus *externus* qualiscunque cum cultu *publico* est confundendus. Ad cultum *externum* pertinent omnia signa cultus interni contestativa, qualiacunque illa sint, sive in verbis e. g. precibus, formulis; sive in actibus externis e. g. elevatione manuum, genuflexione, thurificatione consistant.

Quid sit cultus publicus?

Neque cultus quicumque *publicus* est *vere publicus*; sed ille tantum, qui Deo in conventibus publicis ad id singulariter deputatis a confluyente cœtu juxta normam ab illis, ad quos *jus liturgicum* pertinet, præscriptam exhibetur.

Non est juris naturalis.

Juris naturalis hunc esse cultum, quasi vero foret absolute ad Deum rite colendum necessarius, adeoque a supremo Numine absolute præcipi debuerit, vix & ne vix quidem erit demonstrabile. Quis enim dicere ausus fuerit, quod Deus condendo homines, illisque præscribendo certam colendi formam necessario præcipere debuerit, ut homines in cœtus publicos coirent, & non nisi in conventibus publicis debitum cultum exhiberent? An non ordinare & præcipere potuit, ut quilibet domi suæ & solus suæ devotioni vacet, & suo Numini debitum cultum præstet? Anne primi homines in cœtus confluerunt, & Deo sua Sacrificia obtulerunt? Profecto nihil simile in Scripturis sacris legimus.

Est tamen juris Divini.

Dubium esse posset de jure Divino: eo quod nullus in Scripturis novæ legis locus extet, in quo Christus cultum publicum, & conventus publicos præcepit. At vero legis instar nobis debent esse tum exempla Christi, & Apostolorum; tum & præcepta Apostolico-divina a continua traditione, praxi, & observantia inviolabiliter custodi-

Hujus argumenta.

ta & confirmata. Utique Christus more Judæorum celebravit Pascha, Coenam instituit, docuit in templo, constituit quosdam Doctores, Ministros, & Apostolos, ut docerent, prædicarent, conventus celebrarent. Sed quis non ex hac ipsa singulari vocatione optima ratione inferet præceptum conveniendi in conventibus publicis? Tollamus hujusmodi conventus publicos: qua arte omnes & singuli sine gravissima difficultate possunt instrui? aut si possint, numerus Doctorum in immensum excrescet, & munus docendi jam non erit singulare, non singulariter a DEO missis & vocatis proprium; sed ferme commune omnibus patribusfamilias. Et quomodo conservabitur uniformitas in docendo? Quæ & quanta non sunt pertimescenda schismata, hæreses, aliaque innumera mala, si conventus publicos tollamus? De Apostolis quid dicamus? quocumque perrexerunt, conventus ordinarunt, & Episcopos constituerunt: per hos vero in singulis Ecclesiis Presbyteros constitui præceperunt (r). Quid aliud erant conventus illi, in quibus tempore Apostolorum confluxere primi Christiani ad orandum, ad frangendum panem, & audiendum verbum divinum, de quibus loquuntur

Acta

(r) Ad Tit. I. v. 4.

Acta Apostolorum, quam conventus publici ad cultum divinum peragendum ordinati? *Erant autem perseverantes in doctrina Apostolorum, & communicatione fractionis panis, & orationibus (s).* Et iterum: *Una autem Sabbati, cum convenissemus ad frangendum panem, Paulus disputabat cum eis profecturus in crastinum, protraxitque sermonem usque in mediam noctem. Erant autem lampades copiosae in cenaculo, ubi eramus congregati (t).* Item: *Quotidie quoque perdurantes unanimiter in templo, & frangentes circa domos panem sumebant cibum cum exultatione & simplicitate cordis (u).* Et quidem Apostolicum Judaeis conveniebant vel in templo Ierosolymitano, vel in illorum Synagogis vel omnino Proseuchis domesticis; cum gentilibus vero in privatis aedibus: utpote qui a sacris Judaeorum abesse jubebantur. Huc pertinet illud: *Omni autem die non cessabant in templo & circa domos docentes & Evangelizantes Christum Jesum (x).* Quid jam dicamus de conventibus Apostolorum & primorum Christianorum ad celebrandum festum Paschale & Pentecostale (y). De conventibus nocturnis, de Agapis (z), de coetibus Christianorum Antelucanis (a)? qui omnes ad cultum divinum rite exhibendum, ad audiendum verbum divinum, ad orandum & psallendum, ad sumendam Eucharistiam erant destinati. De continua traditione, praxi & observantia Ecclesiae plura dicere supervacaneum fore existimamus: Ad quid enim Ecclesia usque nunc conventus publicos tantopere urgere voluit, ita quidem ut gravissimas poenas statuerit in illos, qui se conventibus publicis subtraherent, aut privatos agerent? Nempe Ecclesia etiam in his suam unitatem demonstrare voluit, in qua tantum fiducia & roboris collocabat, ut argumento unitatis potissimum contra noviter enatas haereses utendum, easque hoc modo confodi posse existimaverit (b). Haec de cultu publico dicta sufficiant.

Nova

(s) Act. 2. v. 42.

(t) Act. 20. v. 7.

(u) Act. 2. v. 46.

(x) Act. 5. v. 42.

(y) *Festinabat autem Paulus, si possibile sibi esset, ut diem Pentecostes faceret Ierosolymis.* Act. 20. v. 16.

(z) De Agapis vid. Boehmer in suis Dissert. ad Plinium Dissert. II. & III.

(a) Item de Coetibus Antelucanis ibid.

(b) Ad hanc unitatem demonstrandam collimabant *litterae formatae, Eulogiae*, quas invicem mittebant Episcopi; item disciplina Ecclesiae ordinantis, ut in qualibet Ecclesia esset unum altare, una diceretur Missa, unus institueretur conventus in urbibus etiam amplissimis &c.

Utrum cultus publicus sit juris divini absoluti, vel hypothetici.

Nova super hoc jure divino mota fuit quæstio per Galliam, ubi Reformati, quos Hugonotos vocant, omne exercitium publicum fuit interdictum, ita quidem, ut nec sua divina in conventibus publicis, iisque majoribus celebrare, nec Ministros Ecclesiæ seu Doctores publicos habere eis licuerit. Quærebatur nempe, utrum cultus publicus sit juris divini absoluti & indispensabilis, vel solummodo hypothetici? Rigidiore id juris absoluti esse volebant: Mitiores jushypotheticum, & pro diversitate circumstantiarum dispensabile agnoscebant (c). Atque horum doctrina omnino sanioribus rationis & religionis principiis conformior esse comprobatur. Quid enim si ipsius Religionis & Ecclesiæ aut boni politico-publici intersit, ut quis inter Ethnicos & Gentiles aut aliter religionis Sectatores in illis locis e.g. in terris Chinesibus, in Anglia &c. in quibus exercitium Religionis Catholicæ publicum graviter interdictum, vel Missionarium ad convertendas gentes, vel Legatum pacis interbelligerantes conciliandæ causa missum agere debeat? Denus hominem in Religionis suæ principiis optime instructum, apud quem nullum perversionis periculum existit, num huic tali non licebit ex causa prorsus gravissima agere in exteris regionibus, in quibus nulli habentur conventus publici Catholici, aut omnino sub gravissimis poenis sunt prohibiti & interdicti (d)?

Pariter priusquam de origine & incrementis liturgiarum agamus, amoliendæ sunt criminationes pessimæ, quibus hodierni Sectarii Ecclesiæ nostræ famam pessime proscindunt, eidemque vehementissime exprobrant, quod ingentem Ceremoniarum rituumque apparatus in celebrandis divinis adhibendorum introduxerit, illosque potissimum partim a Judæis; partim a Gentilibus mutuaverit (e).

Argumenta, quibus Sectarii ritus Catholicos impugnant.

Argumenta illorum sunt sequentia: Primo enim, ajunt, eo cultus divinus est sanctior & purior, quo est simplicior: cum enim ipse DEUS sit spiritus purissimus, immaterialissimus & simplicissimus, eo puriores & sanctiores erunt actiones nostræ, quo erunt simpliciores & purio-

(c) Mosheim Hauptst. II. pag. 371.

(d) Passim e.g. in Angliæ Legatis Catholicis sacra publica sunt interdicta, & non nisi privata exercere licet. Item hinc inde in Germania tolerantur Anabaptistæ sine exercitio Religionis publico.

(e) Sic enim Catholici ex Synagoga mutuarunt vestimenta Sacerdotalia, ornatum & dedicationem Ecclesiarum, thurificationes, impositiones manuum &c. a Gentilibus imagines sculptas DEI & Sanctorum, Sacrificia; formulas a Romanis, apud quos omnia concepta erant verbis solemnibus, & formulis.

puriores. Secundo: Ipse Christus nullas prorsus leges ceremoniales tulit, nullos ferme Ritus & Ceremonias etiam in institutione Sacramentorum præscripsit, & quidem pro collatione Baptismi elementum simplicissimum seu aquam; pro Cæna & Sacramento Eucharistiæ panem simplicem cum vino elegit: & dum cœnam Dominicam instituit, nullum prorsus ritum novum; sed solum quosdam ritus Judaicos adhibuit. Inspecere lubeat Scripturam & explorare Liturgiam divinam, quam Christus in institutione Sacramenti Eucharistiæ adhibuit. Hæc sane, prout a tribus Evangelistis perspicue describitur, nihil aliud continet, quam Symbolorum, id est panis & vini benedictionem; tum panis fractionem & utriusque speciei benedictionem (f). Tertio: Sed nec Apostoli in cultu DEI externo, in suis conventibus, in distributione Eucharistiæ, in celebratione Missarum (si tamen unquam Sacrificium celebrarunt) in administratione Sacramentorum ullos adhibuisse, vel præscripsisse Ritus leguntur. Nihil sane de unctionibus, exorcismis, insufflationibus in Sacramento Baptismi; nihil de vestimentis Sacerdotalibus, de aliis innumeris novis ceremoniis legimus. Quarto: DEUS jam vult adorari in spiritu & veritate magis, quam in Ceremoniis &c. Quinto: Innegabile est, quod Ecclesia primitiva fuerit sanctissima, ac purissima: atqui hæc omnem ceremoniarum pompam, Rituum splendorem, ac ornatum abhorruit, sed potius DEUM suum in simplicitate cordis, in puritate conscientie, in compunctione animæ, in spiritu & veritate coluit, adoravit, & divina peregit: illa vero Ceremoniarum ac Rituum multitudo, pompa, & ornatus non nisi corruptis Ecclesiæ moribus invaluit (g). Sexto: Imprudentissime prorsus argumentum ducitur a lege antiqua ad legem novam: constat enim ex Scripturis, populum Israeliticum per 40. annos in Ægypto fuisse commoratum: & quamvis veri DEI cultu imbutus esset, pedetentim tamen ad mores & regulas Ægyptiorum sese composuit, quo ipso factum, ut tum ad idololatriam; tum ad superstitionem proclivior redderetur, neque mores Ægyptiorum deposuerit, postquam DEUS potentissima sua manu eum in terram promissionis eduxit. Visum itaque fuit Deo obdu-
rato illius genio aliquid indulgere, eique leges ceremoniales, quas anhela-

*Christus
pauca ad-
modum ritus
instituit.*

*Etiam Apo-
stoli.*

*Status Ec-
clesiæ corru-
ptus intro-
duxit pom-
pam & mul-
titudinem
rituum.*

*A lege anti-
qua quoad
ritus non ho-
mam ducitur
argumen-
tum ad le-
gem novam.*

(f) Matth. 26. Marci 12. Luc. 22.

(g) Vid. Boehmer in Jure Eccles. Tom. 3. Prælim. de Jure Liturg. ubi textibus PP., & exemplis ostendit, modum colendi DEUM fuisse simplicissimum, nullis Ceremoniis turgidum, potissimum in spiritu & veritate consistentem.

Juris Eccles. Tom. II.

Et quare?

bat, præscribere, ut hac ratione a cultu idololatræ successive avocaret, atque paulatim ad verum DEI cultum perduceretur. Septimo: Ex hoc modo agendi cum Judæis manifestum est, quod DEUS hujusmodi cultum rituales de se indifferenter (h) neutiquam absolute desideraverit, sed urgente necessitate permiserit, aut potius præscripserit, & præscribere voluerit, ne Judæi sibi ipsis ritus inanes eligerent, & ad veteres Ægyptiorum errores redirent, prævidens, populum hunc ab ejusmodi ritibus abduci non posse. Octavo: Erat lex antiqua lex rigida aspera & dura: gemebat populus Judaicus sub jugo legum Ceremonialium cum in finem sibi imposito, ut a superstitione, aliisque criminibus avocaretur. Nondum enim apparuit plenitudo illa gratiæ, quæ ad homines in omne malum proclives in suo officio continendos est sufficientissima: virga ferrea regendus erat populus nequam, sensualis, ac in omne vitiorum genus pronissimus. Econtra in lege nova aliam legem habemus: lex hæc est lex gratiæ, & superabundantissimæ gratiæ: auferendum ergo jugum legum ceremonialium: asserti sumus in libertatem filiorum DEI: tollenda itaque servitus: & nunquid ipsi Apostoli in Concilio Jerosolymitano congregati jugum istud auferendum existimarent (i)? Nono: Et ad quid talis ac tanta Rituum, Ceremoniarum, ac solemnitatum multitudo, pompa, splendor, & ornatus? quippe qui devotionem internam magis turbat, quam inflammat, potius impedit, quam promovet, magis ad ostentationem, pompam, & vanam gloriam, quam ad cultum DEI genuinum ac sincerum facit & facile in superstitiones; aliosque abusus degenerat: Cor & affectum respicit, ac pensat DEUS; non inanes ritus, ac Ceremonias. Decimo: Hujusmodi Ritus & Ceremoniæ hæcenus hæresibus, erroribus, multisque tumultibus in Ecclesia occasionem præbuerunt (k), & in abusus quamplurimos abierunt, atque ipsis Pontificibus Romanis necessitatem imposuerunt, ut de iis restringendis potius quam multiplicandis cogita-

rent

Ingens discrimen inter legem antiquam & novam.

Multitudo rituum plus nocet, quam proficit.

(h) Cit. Author inter Adiaphora refert ceremonias, atque eas per se haud esse superstitiosas aut idololatræ, si ex mente superstitiosa non profluant; DEUM vero in antiqua lege eas urgente necessitate introduxisse, & sic magis noluisse, quam voluisse, loc. cit. §. II.

(i) Act. 15. *Visum est Spiritui sancto, & nobis nihil ultra vobis imponere oneris.*

(k) E. g. ex ritibus colendi imagines hæresis Iconoclastarum. & controversia de celebrando Paschate suum ortum traxerunt.

rent (1). Undecimo: Lustremus historias: quid populis potissimum *Multitudo*
 moratoribus ingentem ceremoniarum pompam, ornatum & appa- *& appa-
 ratus rituum
 suum o rigi-
 nem ducere
 videtur ex
 superbia, va-
 nitate, &
 ambitione.*
 ratum persequitur, nisi quædam superbia, vanitas ac ambitio? qui cum in
 Ritu Civili Decorum publicum quam maxime excolerent, id ipsum in
 sacris peragendis esse faciendum existimarunt: id quod fieri non posse
 facile perspexerunt, nisi omnia in sacris etiam ad pompam & ornatum
 adornarent, & Ceremoniis infinitis Religionem adimplerent: ex quo
 consequens est, quod hac ratione suæ ambitioni, vanitati, & Decoro
 publico magis, quam cultui divino & honoribus DEI consuluerint. An
 non id ipsum in Ecclesia Romana contingat, æquus rerum arbiter æ-
 stimet.

Neminem ego futurum credo, cui non hæc argumenta magni esse *Argumenta*
 ponderis prima facie videri possunt. Quapropter audienda etiam est al- *Catholico-
 rum pro suis
 ritibus.*
 tera Pars, Catholicorum nempe, qui fortioribus longe argumentis suam
 disciplinam a convitiis & contumeliis vindicant, quæ proin audire li-
 beat. Ordiamur ab ipso jure, & instinctu naturæ, quem nobis religio
 naturalis in ordine ad colendum DEUM intime impreffit.

Quam rectissime judicavit S. Augustinus Lib. 9. contra Faustum, *Ritus & ce-
 remonia in
 cultu divino
 ex ipso jure
 naturali
 sua non habent
 originem.*
 dum dixit: *Sine externis ceremoniis impossibile est servare Religionem.* remonia in
 Nam si omnem antiquitatem, omnium gentium, barbararum etiam *cultu divino
 ex ipso jure
 naturali
 sua non habent
 originem.*
 mores lustremus, comperiemus, quod omnes & singulæ in colendo suo
 Numine ritus quosdam & ceremonias ex ipso naturali sanæ rationis di-
 scamine observaverint: cum enim Numen illud (falsum sit an verum,
 ad hanc quæstionem parum vel nihil facere videtur) velut Ens quod-
 dam supremum omni excogitabili cultu adorandum concipiamus, re-
 vereamurque, ipsa duce natura inclinamur, & sacro quasi impetu ra-
 pimur ad contestandam eidem non interne tantum & per affectum, sed
 signis etiam quibusdam externis, & in effectu summam illam æstimabi-
 litatem, quam de ipso concipimus: ut adeo ritus illi ac ceremoniæ ni-
 hil aliud esse videantur, quam signa contestativa summæ æstimabilita-
 tis, quam de DEO habemus, supremi cultus, quem ipsi debere co-
 gnoscimus, affectus nostri exuberantissimi, quo in ipsum serimur, prom-
 ptitudinis nostræ, quæ ipsum revereri, adorare, amare votis ardentif-

F 2

. finis

(1) Hunc in finem Romæ erecta est Congregatio Rituum, e qua innumera promanant decreta, quibus ritus & Ceremoniæ restringuntur, & determinantur. Item jusserunt Patres Concilii Tridentini, ut quidam Viri selecti Missale ad SS. Patrum normam ac ritum restituerent, uti habet Bulla Pauli V.

finis cupimus (m). Quapropter ipse Boehmerus, qui ritus ecclesiasticos in Christianismo introductos mirum in modum fugillat, & Ecclesiæ vehementissime exprobrat, quod tot ceremonias, ritusque a Judæis non tantum, sed etiam Gentilibus adoptaverit, illos inter res *adiaphoras* & indifferentes referre non veretur, dummodo omnis excessus præcaveatur: *Sunt enim ritus*, ait ille (n) *nihil aliud, quam honoris interni signa externa: sunt reverentiæ DEO debita testimonia, & devotionis excitamenta.* Duos autem excessus principaliter esse præcavendos existimat:

*In ritibus
duo excessus
præcavendi.*

primum esse debet, *ne potior cultus Divini ratio in ritibus & ceremoniis collocetur, sed mediante hac Liturgia devotio interna excitetur, & spiritus a terra a DEUM elevetur.* Debent enim ceremoniæ esse adnuncula

*Cultus exter-
nus sæpe
degenerat in
superstitionem.*

devotionis; non impedimenta, nuda quædam accidentalis Pædagogia; non pars essentialis cultus Divini. Alterum est, ne cultus iste externus in superstitionem degeneret, quæ ex multitudine rituum potissimum pertimescenda est (o). Hæc vero superstitio in eo præcipue consistit, quod homines mutationem mentis, puritatem conscientiæ, exercitium virtutis, cultumque internum negligentes Christiani officium adimplevisse, suisque obligationibus satisfacisse existiment, si ritus externos ad punctum observent, DEOque ministerium externum exhibeant. Patet veritas hujus doctrinæ plerarumque Religionum, Gentilium præprimis exemplo, qui nihil non criminum commiserunt, ac totam suam Religionem in Solennitatibus, Ritibus, Ceremoniis, Superstitionibus, solennibus Formulis, Carminibus, Thurificationibus, & Sacrificiis externis collocabant (p); vere credentium dein, præcipue Judæorum. Nunquid enim Cain DEO offerebat Sacrificium cum Abele; sed quam dispari cultu, ille ritu externo; hic corde puro. Judæorum cultus ab ipso Deo adornandus erat, ne temere in leges ceremoniales peccarent: & tamen hæc omnia in superstitionem abierunt, licet sapienter ab ipso Deo essent instituta, prout DEUS passim apud Prophetas conqueritur (q). En ipse hic Author necessitatem, &

utilita-

(m) Boehmer Tom. 3. Dissert. Prælim. §. 3.

(n) Idem ibid. §. 20.

(o) Idem loc. cit. §. 21.

(p) Patet hoc præcipue ex Historia Romanorum, apud quos solennes Deorum Precationes, Comprecationes, & Carmina solennia erant frequentissima.

(q) Isaïæ I. v. 11. Amos 5. v. 21. Jerem. 6. v. 20. I. Reg. cap. 11. *Nunquid vult Dominus holocausta & victimas, & non potius, ut obediat voti Domini.*

utilitatem Ceremoniarum Rituumque agnoscit, & non nisi excessum perstringit! qua igitur ratione prælumit universaliter Catholicis exprobrare assumptionem Rituum Judaicorum? Anne omnes hi Ritus sunt mortiferi, superstitionis, in leges Christianismi peccantes? itaque abusus, excessus & superstitiones probandæ erunt: & ne tunc quidem, si probatæ fuerint, omnes ritus Judaici erunt eliminandi ex notissimo principio, quod *propter abusus bonus usus non sit tollendus*. Hactenus de ipso Jure naturæ, & instinctu illius, quo ab ipsa Religione naturali ad supremum Numen ritibus externis colendum incitatur, rapimur, & impellimur, egimus.

Gradum promoveamus ad Legem Divinam, & quid nobis DEUS per Scripturam loquatur, videamus:

Mox a primo mundi exordio, antequam Israelitæ Ægyptum ingressi sunt, ac mores Ægyptiorum imbiberunt, priusquam DEUS leges ceremoniales per Moysen promulgari fecit, incepere credentes DEUM colere in Sacrificiis & Oblationibus, in quibus DEUS bene sibi complacuisse legitur. Exemplo sunt Oblationes, & Sacrificia Abelis, Noemi, Melchisedechi, Jacob &c. (r). De legibus ceremonialibus quasi innumeris a DEO latis, & per Moysen promulgatis aliunde constat: sed num credibile aut verosimile est, quod DEUS tantam legum ceremonialium copiam, ac ceremoniarum pompam eum unice in finem præscribere voluerit, ut populum electum ab idololatria averteret, illius mores corruptos corrigeret, ac per tramitem rectum ad verum DEI cultum duceret? ubinam Scriptura hanc rationem sapientissimæ Ordinationis divinæ allegat? De Templo Jerosolymitano magnificentissime exstructo quid dicamus? equidem præceptum dedit DEUS Davidi, ut templum sibi exstrueret (s): sed ubinam præcepit, ut templum istud tam magnifice ingentibus sumptibus exstruatur, illius Dedicatio cum tanta & inenarrabili solennitate, pompa ac ceremoniarum apparatu fieret, tot & tantæ oblationes fierent? Num fortassis hæc omnia necessaria fuere ad populum Judaicum in suo officio ac debito DEI cultu continendum? Et nunquid DEUS ista omnia approbavit, rati habuit, imo igrè de cælo descendente confirmavit, suumque divinum beneplacitum desuper demonstravit? Quare ergo magnificentiam templorum, Ornatum Ecclesiarum, vestimentorum Sacerdotalium, ac

Cultus externus per ritus & ceremonias est juris divini ex lege antiqua.

F 3

diver-

(r) Vid. Genes. 4. v. 5. Genes. 8. v. 19. & 20. *Odoratusque est Dominus odorem suavitatis &c.* Genes. 14. Genes. 25.

(s) Reg. 5. v. 5.

diversorum Rituum contemptim habent, quem tamen DEUS ipse approbasse legitur?

Etiam ex lege nova.

Leges ceremoniales a principio Ecclesiae paucæ, & quare?

Ad Scripturam novæ legis stylum convertamus: Sane ultra fate-mur, quod in Actibus Apostolorum, & Epistolis illorum paucissimas legamus leges ceremoniales præter eas, quæ ad rite administranda Sa-cramenta ex ipso præcepto divino sunt necessaria: sed quid miramur? Non enim ratio temporum ac circumstantiarum id permiserat. Agen-dum erat cum Judæis & Gentilibus: Ambo affucti erant suis Ceremoniis ac Ritibus, quos Ecclesia ipsa ad tempus aliquod apud Judæos Oe-conomiæ causa toleravit, ac demum abrogavit. Ut ergo Neoconversi successive a suis Ritibus seu superstitionis seu cum Ecclesiæ disciplina in-compatiblebus averterentur, neutiquam præstabat novos Ritus ac Ce-remonias introducere, ac veluti obtrudere, & hac ratione seu superstitioni Gentilium, seu consuetudini Judæorum in suis ritibus mire sibi complacentium, fomentum suppeditare. Plura de hoc mox infra di-cemus.

Ex Apocalypsi ducitur fortissimum argumentum pro majestate rituum.

Cæterum si Apocalypsin non nihil lustremus, inde sane fortissi-mum licebit ducere argumentum, DEUM in signis externis illius Ma-jestatem Divinam contestantibus esse colendum, adorandumque. In-primis enim miris coloribus nobis depingitur templum DEI seu cælum empyreum, Majestas templi, ac Sedentis in throno: Seniores autem illi 24. *sedentes procidebant ante Sedentem in throno, & adorabant viventem in sæcula sæculorum, & mittebant coronas suas ante thronum &c.* turba illa magna, quam Joannes vidit, & *dimmerare nemo poterat, stabat ante thronum, & amicta stolis albis, palmas tenens in manibus suis clamitabat: Salus DEO nostro &c.* Ipsi etiam Angeli *stabant in circuitu Throni, & ceciderunt in conspectu Throni in facies suas, & adoraverunt Deum &c. (t).* Hæc & plura his similia, quamquam plena sunt Mysteriis, ac variis expositionibus obnoxia, nihilominus in rem Catholicam miro prorsus modo facere videntur. Quid enim hæc, & similes visiones *Cali empyrei, Sedentis in Throno, Seniorum & Angelorum coram Throno procedentium* aliud significare nobis volunt, quam Majestatem DEI nostri ex una; ex altera vero parte servitutem & subjectionem nostram, ac præcipue modum eandem erga DEUM contestandi?

Quare Ecclesiæ ritus instituerit.

Ex his facilis est transitus ad argumenta, quibus Ecclesia Catholi-ca in suis Ritibus præscribendis & augendis ducitur. Exstruuntur templa magnifica, exornantur Ecclesiæ, & Altaria sane non in alium finem,

finem, quam ut Majestati DEI decentissimus impendatur cultus, ac eidei dignum habitaculum præparetur. Introdúcit Ecclesia tam varios Ritus & Ceremonias, ut in domo DEI omnia ordinate fiant, decenter celebrentur Divina, & ex tali ceremoniarum apparatu Majestas Domini, quem colimus, magis eluceat, atque devotioni nostræ internæ quoddam veluti nutrimentum præbeatur. Neutiquam inficiamur, DEUM esse colendum *in Spiritu & veritate*, atque in immensum errare illos, qui relicta devotione interna, & neglecta compunctione cordis, totum suum cultum DEO debitum in ceremoniarum observantia collocant, non nisi sensualem devotionem quæerunt, seque in externas devotiunculas effundunt: Verum cum nemo ignoret, quod omnes simus homines sensuales, materiales, quorum actiones internæ mirum in modum a rebus sensibilibus dependent, & cum actionibus externis communicant, nihil prohibet, quo minus ad inflammandam devotionem internam quædam assumantur subsidia. An non (loquor expertis) in nobis ipsis, nescioquem sacrum horrorem ex Majestate & ornatu Templorum & Altarium, devotionem ex decentissimo ordine in peragendis Divinis, Gaudium Spiritus ex apparatu tot solemnium Rituum & Ceremoniarum excitari sentimus? quamquam internis hujuscemodi sensualibus devotiunculis non nimis sit fidendum, ne plus sensualitati nostræ, quam DEI cultui litemus, ac meritum operum supernaturalium perdamus. Hæc fient clariora, si argumentis supra allatis pro modulo nostro satisfaciamus.

Ita est, eo cultus Divinus est sanctior quo purior, si puritatem *Refutantur* emetiamur ex puritate intentionis, affectus interni, amoris &c. quam *argumenta contraria.* non modo non impedit, sed promovet cultus externus. Utinam non esse mus homines sensuales, infirmi, lutea vasa portantes, pigri, infirmi, sed ad instar Angelorum ab omni corporeitate depurati! sed cum tales simus, & sermo omnes actiones, Ideæ, & conceptus nostri ab externis, & rebus sensibilibus dependeant, indigemus profecto subsidiis quibusdam ab extra mutuatis ad erigendum spiritum, ad sublevandas indigentias nostras, ad inflammandam charitatem, promovendam devotionem, ad servitutem nostram supremæ Majestati contestandam. Si ergo eo est sanctior & gratior devotio & cultus, quo simplicior & purior, ad quid DEUS in lege antiqua instituit Sacrificia, circumcisionem; in lege nova Sacramenta in signis visibilibus? quare non ordinavit pro remedio contra peccatum originale actum fidei, spei, charitatis? quare præscripsit orationem vocalem? quare ipsi Adversarii in suis Ecclesiis canunt, psallunt, orant &c.? Quare S. Scriptura in Apocalypsi Majestatem

jestatem Divinam veluti tremendam; cœlum Empyreum veluti locum splendidissimum; Angelos ingenti clamore illud Trifagion *Sanctus, Sanctus, Sanctus* in honorem Trinitatis Personarum clamantes, Seniores coram Throno Majestatis prostratos verbis adeo magnificis describit, ac veluti depingit, nisi, ut sacrum horrorem de Majestate Divina concipiamus, ingenti desiderio ad supernam patriam anhelemus, supremum Numen non corde tantum sed etiam ore & opere, non cultu in-fed etiam externo, eoque decentissimo adoremus, debita servitia nostra impendamus, & quantum in viribus nostris est, signis externis contestemur. Videantur, quæ diximus supra de ipso naturæ inflinētu, quo ad DEUM tanquam Ens supremum colendum inclinamur, & rapimur.

Quare Christus paucas admodum leges ceremoniales tulit?

Quantum ad Christum, profecto Christus instituit Ecclesiam visibilem, ipsa Sacramenta instituit in signis visibilibus, dedit caput visibile: & licet ipse leges ceremoniales tulisse non legatur, nihilominus ipse ad tempus aliquod legalia observavit, illorum observantiam, etiam postquam legem novam tulerat, Judæis potius permittere, quam mox prohibere voluit quasi in reverentiam Synagogæ, ut hæc *cum honore sepeliatur* (u), hacque ratione Rituum & Ceremoniarum usum suo exemplo approbavit: quanquam de cætero Legalium institutionem ex finibus altissimis suæ Ecclesiæ relinquere voluerit. Neque id mirum videri debet, quod Salvator noster a ferendis legibus ceremonialibus abstinerit: voluit nempe suæ Ecclesiæ unice in necessariis consulere: cætera Apostolis illorumque successoribus pro rerum ac temporum circumstantiis determinanda reliquit.

Ipsi AA. observant ritus & ceremonias.

Quoad Sacramentorum institutionem, cum aliqua eorum singulis necessaria essent, nec decuit nec oportuit (liceat etiam argumentum a decentia ducere, quod non adeo magni roboris esse in iis, quæ a divino beneplacito dependent, ultra fatemur: quis enim cognovit sensum illius?) illa instituire aliter, quam in signis externis simplicibus, ne quis eorum effectu frustretur: adeoque mirum non est, quod in Baptismo aquam simplicem; in Sacramento Eucharistiæ panem communem selegit. Noluit tamen Salvator Sacramentum Cœnæ sine ullis ritibus instituire, & hinc observavit quosdam Ritus Judaicos, celebravit Pascha cum Discipulis, eorum lavit pedes, & tandem suum corpus & sanguinem manducandum, bibendumque præbuit. Nullibi sane Christus Dominus vestimenta quædam Pastoribus propria; nullibi Psalmodiam

(u) Vid. Quæst. 2. de font. Orig. cap. 11. §. 3.

diam & cantum in ecclesiis, aliosve ritus instituit, aut observandos præcepit, & tamen ipsi Adversarii eos non aspernantur, & in suis conventibus ecclesiasticis passim pro diversitate locorum observare consueverunt.

Sed nec illud disitemur, quod neque Apostoli multas leges ceremoniales tulerint, aut Ritus & Ceremonias introduxerint, ac tota quanta disciplina primitivæ Ecclesiæ fuerit simplex, & recta, pura ac sancta: Sed quid inde? erat Ecclesia similis rivulo per meatus subterraneos decurrenti, & successive aliarum aquarum accessione in ingentium aquarum fluvium desinenti. Delituit Ecclesia tunc temporis quasi sub modio, gemitabant Christiani sub iugo Imperatorum gentilium, conveniebant in cryptis subterraneis, Officium Divinum peragebant in domibus privatis, usus vasorum sacrorum erat simplex, prodire in publicum res erat periculo plena, incedere in vestibus & habitu distincto prorsus idem fuisset, ac setemerario ausu persecutoribus ad Martyrium offerre. Itaque, qua arte fieri potuit, edicant nobis Adversarii, ut Apostoli propria vestimenta sacerdotalia secum per omnem circumferrent orbem (x) primi Christiani templa magnifica exstruerent, eaque mirifice exornarent, sua Divina ingenti cum ceremoniarum apparatu celebrarent? Accedit, uti supra monuimus, quod aliunde Judæi ab observantia legalium difficillime abstrahi potuerint: quocirca invigilandum fuit Apostolis & Ecclesiæ, ne illis novum subministrarent fomentum, si multitudine Rituum ac Ceremoniarum ipsos obruerent. Ast vix Constantinus Magnus Christianis libertatem exstruendi templa, publice celebrandi Divina, Religionem publice profitendi fecerat: Boni Superi! quanta ubivis locorum Majestas templorum, quantus illorum ornatus, quanta in peragendis Divinis modestia, & si ita dicere licet, magnificentia! Id ipsum in Lege antiqua contigisse docent nos sacrae Paginæ. Ante Legem Mosaicam cultus Religiosus consistebat in oblationibus & Sacrificiis simplicibus, quin Ritus quosdam speciales præscriptos fuisse legamus. Postea vero ubi populus fidelis jam mirum in modum augebatur, ac in terram promissionis ducebatur, DEUS ipse innumerosos ritus erant

Quare in primitiva Ecclesia ritus fuerint pauci & simplices?

A tempore Constantini incepit multitudo rituum, Magnitudo templorum, & ornatus Ecclesiarum.

Etiā in lege antiqua primitus ritus erant pauci.

(x) Sunt non nulli ex Catholicis Doctoribus, qui habitum Clericalem, & vestimenta Sacerdotalia ad tempora Apostolorum referunt, quorum etiam pertinet historia de baculo Pastoralis S. Petri, quibus tamen multi etiam ex Doctoribus Catholicis contradicunt. Vid. Heineccius Syllog. Opusc. Exercit. 2. & 3.

Juris Eccles. Tom. II.

G

innumeras leges ceremoniales tulit, & quibus ritibus debitum cultum exhiberi cuperet, determinavit. De Templo autem, in quo Sacrificia essent peragenda, ad tempora usque Salomonis non legimus.

Procul dubio adorandus est DEUS in spiritu, & veritate: & hoc modo adorari non tantum in lege nova, sed etiam antiqua debuit dicente Propheta: *Nunquid vult DEUS holocausta & victimas, & non potius, ut obediat voci Domini? melior est obedientia, quam victimæ, & auscultare magis, quam offerre adipem arietum* (y). Nempe anima cultus religiosi est sancta intentio, interna devotio, fervor charitatis. Sed num propterea non liceat quedam quasi adjumenta assumere, ut spiritus ille excitetur, fervor promoveatur, charitas inflammetur? Ipsi profecto Adversarii hujusmodi Ritus ex supra dictis inter Adiaphora reponunt, eos adhuc hodie adhiberi posse, dummodo abusus præcaveatur, asserunt, & quod magis est, in suo cultu religioso adhibent (z). Interim non diffitemur, quod in ipso colendi modo seu per excessum, seu per defectum facile peccari possit, si aut ritus vani, otiosi, ac superstitiosi adoptentur, aut neglecto spiritu, & devotione interna præcipua cultus religiosi cura in externis ceremoniis collocetur.

*Ratio A.
de multitudine
rituum in
lege antiqua
est falsa.*

Neque abnuimus, quod a lege antiqua non semper bonum ducatur argumentum ad legem novam, neque omnes Ceremoniæ legis antiquæ ab Ecclesia in lege nova adoptari valeant, prout alibi fusius discussimus (a), id tamen constanter inficiamur, quod DEUS ideo solum tot ritus & ceremonias in cultu sibi debito observandas Judæis præscripserit, ut a cultu falsorum Deorum abstraherentur, & in moribus suis, quos ab Ægyptiis quasi imbiberunt, corrigerentur: Id enim nec Scriptura nec Traditio nos docet: potius ad voluntatem supremi Numinis confugiendum est, qui sibi cultum pro suo arbitrio ex causis sibi soli notis statuere potuit, & voluit.

Ita est: erat lex antiqua lex aspera, dura & rigida, erant Judæi homines sensualibus assueti, in Idololatriam proclives, atque freno quodam

(y) 1. Reg. 21.

(z) E. g. Psalmodiam, cantum &c. nempe distinguendum est inter Ceremonias simpliciter mortuas, & mortiferas: illæ ab Ecclesia jure optimo adoptari possunt; non vero istæ: utpote quæ habent repugnantiam cum Ritibus Ecclesiæ Catholicæ: hinc Ritum Circumcisionis, aut esum Agni Paschalis asumere nefas esset: quia fortiora longe habemus remedia, Baptismum, & Sacramentum Eucharistiæ.

(a) Vid. dicta in Tom. I. Quæst. 2. Cap. II. §. 9.

quodam indigebant, ut in suo officio continerentur: Verum an nos desivimus esse homines sensuales, pigri, desides, ac in omne malum proclives, in actionibus nostris ab Ideis, quas a rebus sensibilibus mutamus, liberi ac immunes? Est lex nova lex gratiae, & quidem superabundantissimae, & nos in libertatem filiorum DEI asserti sumus, quatenus a servitute peccati & diaboli liberati sumus: ergone nulla mater servitus ex pœnalitatibus a peccato originali relictis? ergo liberi sumus ab omni lege, & sumus quasi *Exleges*: ita est, sumus liberati a jugo antiquo legum ceremonialium circumcisionis, aliarumque: inde tamen non sequitur, quod ab omni jugo & servitute liberi sumus, ipso Christo dicente: *Jugum meum suave est, & onus meum leve*. Dicant autem Adversarii quid oneris, jugi, & servitutis importent leges ceremoniales ecclesiasticæ, quas nobis Ecclesia in cultu DEI exhibendo haftenus præscripsit.

Lex nova non omnem sustulit servitutem.

Ex multiplicatione Rituum ac Ceremoniarum haud paucos irrepsisse abusus e. g. in cultu Sanctorum, ac Imaginum ultro fatemur: Ex quo inferre non licet: ergo omnes Ritus & Ceremoniæ abolendi sunt. Potius valere debet illud: tollatur abusus, & servetur bonus usus. Alias usus Sacramentorum erit tollendus, sacri Codices eliminandi, ac proscribendierunt: cum teste Hieronymo pleræque hæreses suum ortum ex sinistra Scripturæ interpretatione traxerint, & nulla fuerit exorta hæresis (loquimur phrasi Hieronymiana) quæ non sibi ex Scriptura cervicalia consuerit. Habuit sane Ecclesia in determinandis Ritibus intentionem purissimam ac sanctissimam, eamque non aliam, quam ut honori DEI, decori Ecclesiæ, ac devotioni suorum fidelium consuleret. Itane peccavit Salomon mortalium sapientissimus, quod supremo Numini templum extruxerit magnificentissimum, & in illius ornatum ingentem thesaurorum vim profuderit? Itaque penes Ecclesiam erit abusus tollere, excessus corrigere, superstitionibus viam præcludere, atque sollicite cavere, ne ritus inanes, ridiculi & tales, qui Ecclesiam irrisioni, aut contemptui exponere, vel omnino scandalo esse possent, introducantur (b).

Ecclesiæ est abusus corrigere.

Cæterum injuriam Ecclesiæ faciunt Reformatores prætenſi, dum eidem affingunt, quod suis ritibus etiam hæresibus occasionem præbuerit. Id longe majori jure in ipsos refundi potest: quippe qui non satis ritibus Catholicis hæresibus anſam præbuerunt.

G 2

(b) Vid. Ludov. Muratorius de Nævis Ecclef. legantur etiam, quæ habet Van Espen Tom. 1. part. 2. Tit. 16. Cap. 1. de Ornatu Ecclesiæ, & usu sacrarum Imaginum.

distinguere valentes inter disciplinam, & Dogma non raro res disciplinares cum dogmate e.g. in cultu Sanctorum, & sacrarum Imaginum confuderunt, & una cum zizaniis triticum extirpaverunt. Nunquam Ecclesia docuit, cultum Sanctorum esse absolute necessarium, Imagines DEI & Sanctorum necessario esse pingendas; sed tantum posse pingi, & sacrarum Imaginum æque, ac Sanctorum cultum esse honestum, pium, laudabilem, ac utilem. Quando dicunt, quod Ecclesia ad Decorum publico-politicum respexerit, haud contradicimus: Nam si Domino terrestri magnifica extruantur palatia, sistantur genua, si inquam coram illo prosternamur, eundem nescio quibus obsequiis & servitili demereri studeamus, quidni supremo cœli terræque Domino erigantur templa pretiosa, thus adoleatur, & ad contestandam eidem nostram servitutem in Ecclesiarum ornatum quasi prodigi sinus, eumque non modo in spiritu & veritate, sed etiam in ritibus externis decentibus, innocuis & decoris colamus, & adoremus? Ex his ergo judicet æquus rerum arbiter, utrum Ecclesia bene vel male egerit, quod tot Ritus & Ceremonias &c. instituerit, easque saltem plures ex Gentilismo, aut Judaismo adoptaverit.

§. III.

Origo Liturgiarum.

Sunt duplicis generis.

De origine Liturgiarum, quæ in statis precum formalis consistunt, dubitatur.

In quo sensu hæc quæstio sumenda?

Aliud tempus donorum extraordinariorum; Et aliud quando cessarunt.

Quantum ad originem *Liturgiarum*, cum nomine *liturgiæ* latius sumptæ veniant ea omnia, quæ ad *ministerium sacrum* pertinent, duplicis generis distinguendæ sunt *liturgiæ*: quædam earum consistunt in ritibus & ceremoniis; quædam in certis precationum formulis: quales sunt e.g. forma baptismi, consecrationis, oratio Dominica, Lytaniæ, hymni, rythmi, psalmodia. Præcipua difficultas est quoad *liturgiam* secundi generis in statis precationum formulis consistentem, a quo tempore & sæculo nempe illius derivanda sit origo? Nos iterum hanc quæstionem in duplici sensu accipimus: Aliud enim est querere, utrum in primitiva Ecclesia certæ, determinatæ, & fixæ precationum formulæ in usu Ecclesiarum fuerint; & iterum, an hæ ipsæ formulæ in Scripturam seu Codicem liturgicum fuerint redactæ, & in usum receptæ?

In ordine ad hanc quæstionem recte dissolvendam optime animadvertit Josephus Bingham, esse distinguendum inter tempora extraordinariorum donorum Spiritus sancti; & inter tempora, quando hæc divina miraculis plena cessarunt. Priora illa fuisse tempora Apostolorum, & primitivæ Ecclesiæ, ubi Spiritus sanctus exuberantioribus donis diffundebatur per corda fidelium, mediantibus quibus hi pleno ex pectore fundebant suas preces extemporenas, quo tempore precationes a Spiritu

Spiritu sancto dictatæ partem officii ordinarii ecclesiastici elegerunt (c): posteriora sunt illa, quibus hæc dona defuerunt, jamque Episcopi eorum defectum supplere volentes varias precandi formulas præscribebant. In hunc sensum (nempe pro precibus extemporaneis dono precum ubique se diffundente) Boetius accipit illud Tertulliani: *sine monitore, quia de pectore* (d). Et illud Iustini M. de precibus Christianorum loquentis: *Præpositus itidem, quantum pro virili sua potest, preces & gratiarum actiones fundit, & populus fauste acclamat dicens: Amen* (e).

Contradicit Bingham, & existimat, nec unum nec alterum textum de precibus extemporaneis publicis debere intelligi; non primum: tum quod inde sequeretur, plebem omnes suas preces sine monitore peregrisse, & ita omnis religiosus cultus in preces privatas abibat: tum quod verbis *sine monitore, & de pectore orare* alius sensus prorsus opportunus possit accommodari, ita ut verba: *sine monitore* idem dicant, ac quod fideles memoriter precati fuerint, quin præmonitore & veluti præcinate opus habuerint; verba autem: *de pectore* idem significant, ac sincere ex animo libere & ex fidelitate cordis sine coactione ulla orare (f); Non alterum textum Iustini: *Quantum pro virili sua possit*: utpote quod hæc verba non tam spiritum supernaturalem in preces extemporaneas se effundentem; quam fervorem & intentionem animi significare videantur, quæ non minus in præscriptis orandi formulis, quam immediate conceptis verbis locum habere potest (g). Hæc præmonere placuit, quia sunt necessaria pro recta intelligentia eorum, quæ infra de origine liturgiarum in statis precum formulis differemus.

Agamus jam primitus de origine liturgiarum quoad ritus & ceremonias ad cultum Divinum publice exhibendum pertinentes, & videamus, an, & quales ritus jure Divino, Apostolico & Ecclesiastico sint instituti?

G 3

Quantum

(c) Orig. Eccles. Volum. V. Lib. XIII. Cap. V.

(d) Lib. 2. ad uxorem. cap. 6. loquitur de precibus Christianorum pro Imperatoribus: *Illuc suspicientes Christiani manibus expansis, quia innocuis, quia capite nudo, quia non erubescimus; denique sine monitore, quia de pectore oramus, precantes sumus pro omnibus Imperatoribus.*

(e) Apolog. II. pag. 98.

(f) Loc. cit. §. V. pag. 137.

(g) Ibid. pag. 131.

*Christus
paucos in-
stituit ritus.*

Quantum ad jus Divinum ab ipso Christo institutum, paucos admodum vel nullos ritus a Christo determinatos in Scripturis legimus, si ritus sacramentales eosque substantiales excipiamus, quos vel Christus immediate determinavit; vel Apostoli nomine Christi qua Miniistri & Legati præscriperunt. De Christo si loquamur, in institutione Baptismi instituit ablationem cum verbis: in ultima cœna more Judæorum celebravit Pascha, lavit pedes, panem & vinum benedixit, & discipulis manducandum, bibendumque porrexit (h). In cæteris sacramentis ritus determinarunt nomine Christi, & ex illius mandato & præcepto adhibuerunt Episcopi e. g. impositionem manuum in ordinatione Episcoporum, Presbyterorum & Diaconorum; in confirmatione baptizatorum probabilius unctionem cum impositione manuum &c. (i).

*Plures ritus
sunt juris
Apostolici.*

*Apostoli ob-
servarunt
quædam ri-
tus Judi-
cos & novos
induxerunt.*

Quantum ad Jus Apostolicum, plures sunt ritus & ceremoniæ, quarum origo ignoratur, & hoc ipso ad institutionem Apostolicam referri debent. Praxis Apostolica, uti optime animadvertit Binghamius (k) duplici modo spectari potest: Primum quidem ratione adcommo-
dationis sui ad statas formas inter Judæos observatas; & deinde ratione no-
varum formarum in cultum christianum indutiarum, sunt verba citati Au-
thoris. Nihil minus dubium & controversum inter Viros doctos, quam
quod Judæi statas formas adorationis in omnibus Divini cultus parti-
bus adhibuerint; & quod Apostoli libere his usi fuerint in suis supplica-
tionibus, in quibus ut cum illis conjungerentur, vel necessitas exegit,
vel decencia suavit, sive dein ministerium templi, sive Synagogæ Ju-
dæorum respiciamus (l). Si vero ministerium Apostolorum separatum
spectemus, quamplurimi sunt ritus, quorum originem ad institutionem
Apostolorum referunt Scriptores non tantum Catholici, sed etiam Aca-
tholici. Juvat hujusmodi ritus plures in compendio referre: Huc per-
tinet institutio Dominicæ in locum Sabbathi, celebratio Paschatis, tri-
na immersio, formula profitendi fidem, renuntiandi Sathanæ in bap-
tismo, institutio jejunii quadragesimalis, Agapæ, mixtio aquæ cum vi-
no

*Recensentur
plures ritus
ab Apostolis
introduciti.*

(h) Vid. omnes Evangelistæ in locis, in quibus agunt de Paschate a Christo celebrato.

(i) Vid. potissimum Acta Apostolorum, in quibus frequentissima sit mentio de impositione manuum, non quæcunque, sed cum datione Spiritus sancti conjuncta: non enim omnis impositio erat sacramentalis. Vid. Cabassut. Dissert. de multip. impositione manuum.

(k) Loc. cit. §. VI.

(l) Idem Auth. loc. cit. ubi accurate describit Ministerium Templi & Synagogæ.

no in sacrificio Missæ, mos sumendi aquam lustralem, signo crucis se munienti, conventus Christianorum &c. Alios ritus plures & innumeros præterimus.

Quantum ad Jus Ecclesiasticum duo distinguamus tempora, nempe ab ævo Apostolico ad Sæc. usque IV.; & ab hoc ad nostra usque tempora. A tempore Apostolorum per subsequencia tempora quamplurimos fuisse introductos ritus & ceremonias dubitare non sinunt Patres & Scriptores illorum temporum, Irenæus, Justinus, Tertullianus, Clemens Alexandrinus, Cyprianus, Origenes, Hippolytus Martyr, Cornelius Episcopus Romanus aliique. Ex his omnibus sufficiat solus Tertullianus, qui plurimorum rituum meminit in suis operibus, quales sunt sumptio Eucharistiæ in conventibus antelucanis, datio mellis & lactis Neophytis, oblatio pro defunctis, & natalitiis, porrectio sacri sanguinis infantibus, modus orandi per integrum tempus Paschale non per geniculationem, sed stando (m). Sed quis ille erit, qui omnes ritus jam eo tempore usurpatos, & vel ab Episcopis introductos, vel moribus assumptos in numerum coget?

Veniamus ad Sæc. IV., quo Constantinus libertatem fecit exercendi publice Religionem Christianam, exstruendi templa, & Ecclesias. Imensus esse deberem, si omnes ritus & ceremonias successive ad nos usque introductas recensere vellem. Eo nempe ventum est, ut Ecclesia potius de restringendis, quam ampliandis cogitare debuerit. Quis enim nescit, ex multiplicatione hujusmodi rituum exortas fuisse hæreses (n) scandala, aliaque quam plurima mala? quæ recensere supervacaneum foret. Quare mirum videri non debet, quod Pontifices sibi reservaverint jus introducendi ritus & ceremonias pro universalis Ecclesiæ; & pro abolendis abusibus, & approbandis ritibus singularem erexerint Congregationem, quam vocant *Congregationem rituum*. Nimis delicata hæc res est; quare satius ducimus filere, quam ulterius de ea disserere.

§. IV.

Ad alterum genus liturgiarum illarum nempe, quæ consistunt in certis, statis, fixis, & præscriptis precum formulis prolabimur, de quibus ingenti animorum contentione disceptatur, an fuerint in usu Ecclesiæ tribus primis Sæculis: e.g. an in ritu administrandi Sacramenta Mini-

De liturgia, quæ consistunt in certis formulis. An fuerint in usu Ecclesiæ primis tribus sæculis?

(m) De coron. Milit. cap. 3.

(n) E. g. hæresis Iconoclastarum ex cultu imaginum.

iri Sacramentorum certas determinatis verbis conceptas adhibuerint formulas; an Præfecti Conventuum Ecclesiasticorum, quales suere Episcopi & Presbyteri in Divinis peragendis, in functionibus suis spiritualibus & publicis, e. g. in sacrificio Missæ, in precibus publicis perfolvendis, sive eas privatim, perfolverint: sive quasi Monitores & præcutores fuerint, ita ut plebs illorum verba & vocem sequi, vel alternatim per hymnos & rhythmos respondere debuerit; sive plebs ipsa orationes publicas more fortassis in Ecclesiis recepto peregerit, an inquam Præfecti conventuum certis precandi formulis fuerint adstricti?

Quæ nostra sit doctrina in hac delicatissima questione, distinctim dabimus, id præpomis animadvertentes, eam vix tuto & sine confusione posse examinari, nisi in subsidium vocemus quosdam modos loquendi scholasticos ex philosophia & theologia scholastica mutuatos e. g. quoad formam Sacramentorum, eam esse determinatam in genere, in specie, & individuo &c.

Pauca formulae sunt institutionis divinae.

Auspiciemur a jure divino & institutione Christi. Si totam lustremus sacram Scripturam, vix ullam determinatam quoad verba reperiemus formulam administrandi Sacramenta, vel orandi, si formulam consecrationis: *Hoc est corpus meum; hic est sanguis meus &c.* & orationem dominicam excipiamus. Quoad formam consecrationis aliunde sciimus, adhuc ultimis temporibus fuisse disputatum, an illa verba mox recitata; vel an oratio antecedens & benedictio panis & vini formam essentialem constituat (o). † Quoad orationem dominicam, illam utique apud Evangelistam Matthæum descriptam habemus (p). Instituit quidem Christus baptismum, jussitque, ut Apostoli baptizarent in nomine Patris & Filii, & Spiritus sancti: sed quibus verbis determinatis hæc forma exprimitur, non edixit: & ideo mirum non est, quod aliis verbis usi fuerint Græci; & aliis Latini (q). Aliam formulam a Christo determinatam vix reperiemus. Sane in Sacramento Pœnitentiæ nullam præscripsit formulam, sed unice dixit: *Quorum remisistis peccata &c.* (r).

Ad

(o) Vid. Tournelias, & Carolus Witasse, alique Theologi Dogmatici, ubi agunt de forma consecrationis.

(p) Matth. 6.

(q) E. g. latini: *Ego te baptizo &c.* Græci: *Baptizatur servus Christi &c.*

(r) Joan. 20. v. 23.

Ad Apostolorum gressum promoveamus, de quibus diximus, quod *Formulas* nomine Christi ritus substantiales sacramentorum confirmationis, Episcopatus, Presbyteratus; vel etiam Diaconatus, & extremæ Unctionis *determinatas in administratione* determinaverint, vel promulgaverint. Ast nullibi certam certis *Sacramentorum Apostolorum* verbis determinatam formulam præscripsisse leguntur. Id solum legitur, quod *manus imposuerint, & oraverint*: quibus autem verbis suam *soli non in orationem* expresse-
 rint, non legimus: e. g. *orantes imposuerunt eis manus, dicitur in Actib. Apostolorum, dum agitur de ordinatione Diaconorum (s): item imponebant manus super illos, & accipiebant Spiritum sanctum (t).* Et de Sacramento Unctionis apud Catholicos saltem legitur in Epistola Jacobi (u): *Orent super eum, ungentes &c.* Utrum revera *Neque in Sacramentis* Apostoli in sacrificio Missæ certas adhibuerint precationum formulas, *crificio Missæ* dependet a quæstione mox dilucidanda, an nempe Codices liturgici
 iplis adscripti revera sint genuini, & sinceri. Profecto si qui fuere, *Habuerunt* tunc certe Apostoli, per quos donum prophetiæ, & orationis extemporaneæ per Spiritum sanctum copiosissime fuit diffusum, non opus fuisset certis ac determinatis precum formulis. Ad hæc ipsi certo certius *donum orationis extemporaneæ.* inhæserunt institutioni Christi, qui in instituenda ultima cœna non prolixis & amplioribus usus fuit formulis. Neque illorum munus prædicandi, labores apostolici, rerum ac temporum circumstantiæ indulserunt, ut liturgias protraherent, aut concipiendis precum formulis multum indulgerent. Consideremus dein Apostolos, quatenus egerunt in conventibus cum primis Christianis, & cum eis supremo Numini cultum publicum per preces, orationes, & psalmodiam exhibuerunt. Jam vel egerunt cum Judæis in templo & eorum synagogis: vel separatos *An & quales habuerint precandi formulas?* celebrarunt conventus in domibus privatis cum gentilibus noviter conversis? Si primum: Id dari posset Binghamio, quod se vel maxime accommodaverint ritibus & formulis precandi Judæorum, quales Binghamius plures recenset (x). Si secundum: tunc procul dubio prædicarunt, & certo certius orationem dominicam a Christo institutam, aut formulas hymnorum ac Psalmorum & glorificationem DEI e scripturis depromptas in usu habuerunt, more a Christo instituto memoriam ultimæ cœnæ celebrarunt, S. Eucharistiam distribuerunt. Utrum vero aliis precibus usi fuerint, neque ex scripturis, neque traditione demonstrari potest. Quare non ex omni parte refragatur Binghamio

(s) Act. 6. v. 6.

(t) Act. 8. v. 17.

(u) Jac. 5. v. 14.

(x) Loc. cit. §. IV. p. 119.

hamio ita concludenti: *Hæc sufficiunt ad demonstrandum, quod ipsi Apostoli, non obstante extraordinario inspiratarum precum dono, non nunquam vel in materia vel in methodo vel in verbis vel in linguis ad certas formulas se adstrinxerint, nullo vel donorum suorum, vel coarctationis spiritus vel inopiæ edificationis auditorum suorum habita ratione. Quæ omnia si recte ponderentur, quædam certe evincunt, bene selectarum & bene institutarum formularum usum nulla ratione cum praxi apostolica pugnare: siquidem Apostoli ipsi tum ad formulas in templo & synagoga judaica usitatas se se conformarunt; tum alias christianæ institutionis formulas adhibuerunt (y).*

Quod certæ
precandi
formulæ
tempore A-
postolorum
in usu fue-
rint, suffi-
cienter non
probat.

Ex his tamen nondum evincitur, quod tempore Apostolorum aliæ precum formulæ fuerint in usu præter illas, quæ vel sunt institutionis divinæ & in sacris literis contentæ; vel apud Judæos ad glorificandum Deum fuerunt in usu. Et sane mira res, quod hæc orationum formulæ ad nos usque per codices & scripturas non pervenerint! Dicit Binghamius, factum esse ideo, quod fuerint memoriæ potius mandatæ, quam in scripturam redactæ (z): Sed unde hoc probat? Dat insuper rationes, propter quas factum est, ut ad nos usque per scripturas non pervenirent. Lectoris prudentis arbitrio relinquimus, an illius argumenta conjecturis innixa sint sufficientia ad extorquendum consensum. Equidem Apostolus Paulus mandat Timotheo, ut fiant *obsecrationes, orationes, postulationes, gratiarum actiones pro omnibus hominibus* (a). Sed quis inde inferre potest formulas precationum certas & fixas? Aut enim populus orabat præcinente suo Præposito & in publicis conventibus, aut suæ devotioni privatim vacabat? In Præpositis tempore Apostolorum tuto supponere possumus donum orationis extemporaneæ; & quidni etiam in primis fidelibus? Aut si istud non supponamus, quilibet orabat juxta doctrinam a Christo & Apostolis traditam, prout nempe Spiritus S. eloqui & orare eis dabat, haud secus, ac nos facimus, dum privatis devotionibus pro nostro modulo vacamus. Id saltem ex his demonstratum manet, quod liturgiæ in statis precum formulis consistentes neque ex S. literis, neque ex aliis argumentis convincentibus ab ævo Apostolorum demonstrari queant. Hæc argumenta maxima ex parte redibunt, & clariora fient in quæstione mox dilucidanda de liturgiis Apostolicis.

Progre-

(y) Ibid. pag. 125.

(z) Ita refert Bingham pag. 116. ex Renaudot. Collect. Liturg. Orient. Dissert. I.

(a) Ad Timoth. 2. v. 1.

Progrediamur ad II. & III. Sæculum, & an non in his hujusmodi formule occurrant, videamus. Provocamus hic ad celeberrimum Binghamium, & quid de illius argumentis sit sentiendum, Sapientiorum arbitrio committimus. Incipit hic author a Sæc. II., & in vim sui argumenti provocat ad Plinium Proconsulem Romanum, qui in sua epistola de rebus Christianorum ad Trajanum scripta refert, quod *Christiani statim die ante lucem conveniant, carmenque Christo quasi Deo invicem dicant* (b): quæ locutio *carmen dicere* utique solennem precum æque ac laudum formulam significat; Item ad S. Ignatium M., qui, teste Sostrate (c), cantum Antiphonarum, id est, rationem hymni alternatim decantatis sanctam Trinitatem celebrandi in Ecclesiam Antiochenam induxisse dicitur. Neque hæc de more psalmos Davidicos alternatim cantandi, sed de ratione canendi hymnos ad divinitatem Christi declarandam compositos intelligi debent: siquidem Author quidam antiquus teste Eusebio (d), qui contra hæresin Artemonis Sæc. II. scripsit, testatur, quod hymni & cantica jam pridem a fidelibus conscripta Christi Verbum DEI concelebrent. Appellat ulterius ad Lucianum scriptorem quidem ethnicum; rerum christianarum tamen haud ignarum, qui in quodam suo Dialogo (e) refert, se in conventibus christianis audivisse precationem quandam a Patre incipientem, & in multorum nominum hymno finientem: sed hymnus iste nunquid formulæ quædam orandi certa ac fixa fuerit? Ipsum etiam Justinum Martyrem in suum auxilium vocat, nempe locum illum supra explicatum: *Quantum pro virili sua possit*. Veruntamen simul fatetur, hunc textum esse dubium, & a neutra parte tuto in vim argumenti demonstrativi assumi posse. Etiam Irenæus Binghamio patrocinari videtur, utpote qui mentionem facit cujusdam formulæ precatorie in christiano cultu usitatæ, ipsis Valentinianis tam bene cognitæ, ut illa tanquam argumento ad fabulosam doctrinam suam de *Æonibus* demonstrandam uterentur (f). Pariformiter Clemens Alexandrinus, de Ecclesia loquens, eam esse dicit congregationem eorum, qui intenti sunt orationibus, *habentem unam quodammodo vocem communem, & unam mentem* (g): Id quod argumento est, preces Christianorum fuisse tales, ut voce communi in illis aut universis recitando, aut certe alternatim respondendo se se poterint

H 2

(b) Vid. Eusebii lib. 2. Hist. cap. 17.

(c) Lib. 6. Cap. 8.

(d) Lib. 5. Cap. 28.

(e) Luciani Philopatr. pag. 1128. prout citatur a Binghamio.

(f) Irenæus lib. 1. cap. 1.

(g) Stromat. VII. Cap. 6.

tuerint conjungere. Denuin testis hujus rei omni exceptione major sit Tertullianus, qui testatur, quod suo ævo non ritus duntaxat substantiales a Christo in collatione baptismi instituti; sed etiam alii ab Ecclesiis assumpti e. g. trina immersio, renuntiatio diaboli, interrogationes & responsiones in certa forma ad articulos Symboli, datio lactis & mellis Neophytis, psalmodia, cantilatio specialiorum psalmodum fuerint in usu Ecclesiæ (h): Et alio in loco declarat, quod in omnibus conventibus non tantum sermones ac preces fiant, sed scripturæ etiam legantur, & in gloriam DEI canantur psalmi (i). Insuper alio loco ad probandam fidelitatem Christianorum ita satur: *Coimus in cœtum & congregationem, ut ad DEUM quasi manu facta precationibus ambianus orantes. Hæc vis DEO grata est. Oramus etiam pro Imperatoribus, pro ministris & potestatibus, pro statu Sæculi, pro rerum quiete, pro mora finis.* Et iterum: *Precantes sumus semper pro omnibus Imperatoribus, vitam illis prolixam, imperium securum, domum tutam, exercitus fortes, senatum fidelem, populum probum, orbem quietum, quæcunque hominis & Cæsaris vota sunt (k).* Quis jam sibi persuadeat, has preces sine certis formulis fuisse peractas, aut potuisse peragi? Superaddit Binghamius quasdam observationes ex Actis Perpetuæ, & Felicitatis Martyrum Africanarum depromptas, quas cum parum ad rem hanc facere videantur, silentio præterimus (l).

Ex Sæc. III. Ad Sæc. III. progreditur Binghamius, & in rem suam producit plures Patres & Scriptores, & ante cæteros S. Hippolytum Martyrem, qui scripsisse fertur librum, qui inscribitur: *Apostolica traditio de officiis Ecclesiasticis*, quem Viri quidam eruditissimi non esse alium existimant, quam octo libros Constit. Apostol. Profecto liber hic nihil est aliud, quam collectio formularum, quæ vel in usu fuerunt, vel in imitationem earum factæ sunt, quæ tunc in Ecclesia obtinuerunt (m). Alios etiam scripsisse fertur libros idem Hippolytus, nempe de *Odibus*; & illum qui inscribitur: *Canon Paschalis*, ex quibus multa in hanc rem facientia continentur. Quoniam vero de Authentia horum librorum multum inter eruditos disceptatur, satius duximus illos præterire (n). Post Hippolytum vixit Origenes illius discipulus. Jam vero Scriptor hic in suis hominibus alicujus precationis, quæ tunc constantis usus in Ecclesia fuerat, disertam

(h) De Coron. Militis Cap. III.

(i) De Anima Cap. IX.

(k) Apol. Cap. XXXIX.

(l) Lib. XIII. Cap. V. pag. 139.

(m) Vid. Bingham Lib. XIII. Cap. V. §. VI.

(n) Idem ibid.

differtam facit mentionem: *Frequenter*, inquit, *in oratione dicimus: Da omnipotens, da nobis partem cum Prophetis, da cum Apostolis Christi tui, tribue ut inveniamur ad vestigia Unigeniti tui* (o). Istud testimonium Centuriatoribus Magdeburgensibus tam clarum visum fuit, ut hinc concludere non dubitaverint, quod Ecclesia tempore Origenis formulas quasdam precationum habuerit (p). Alibi idem Origenes dicit: *Nos illud pro certo adfirmamus, experti, quod, qui ritu Christiano per Jesum colunt DEUM univerforum Dominum, vivuntque juxta ejus Evangelium, sollemnibus precibus utentes noctu & interdiu nec Magis, nec Daemonibus sint expugnabiles* (q). Pro causa vero, cur Origenes hæc scripserit, dat Binghamius animum calumniandi Christianos (r). Summi ponderis argumentum suppeditant varia loca ex S. Cypriano deprompta, qui expressam formularum mentionem facit, earum præcipue, quæ in administratione tam baptismi, quam Eucharistiæ in usu fuerunt Ecclesiæ, e. g. in renuntiatione Diabolo & Mundo facienda; in responsionibus ad certam formulam fidei; imo etiam in interrogationibus; item in ministerio Eucharistico, dum sacerdos populum ad fervorem devotionis excitabat dicens: *sursum corda*: Et plebs respondebat: *Habemus ad Dominum*: Sacerdos iterum se vertens dicebat: *Gratias agamus Domino DEO nostro*: & populus respondebat: *Dignum & justum est*: Tum sequebatur consecratio, oratio Dominica, & osculum pacis. Inter alia Cyprianus sic habet: *Sacerdos ante orationem præstatione præmissa parat fratrum mentes dicendo: sursum corda, ut, dum respondet plebs: habemus ad Dominum, admoneatur, nihil aliud se quam Dominum cogitare debere* (s). His accedat Firmilianus Cæsareæ Episcopus, qui de foemina sæpius in extasim rapta testatur, quod non raro baptizaverit, & baptizandos ad propositos fidei articulos & solitas ab Ecclesia præscriptas formulas respondere jufferit, hoc est, *num renuntient diabolo & angelis ejus, pompæ & operibus ejus?* Et, *num Christo se se adscribant, factusque cum eo faciant* (t)? De Gregorio Thaumaturgo Neocæsareensi Episcopo testatur S. Basilii, quod licet *per Spiritum* oraverit, nihilominus in sua Ecclesia certam precandi formam, nempe cantandi psalmos non alternim, sed communi voce & conjunctim instituerit, cui Clerici Neocæsareenses adeo tenaciter inhæserunt, ut, cum Basilii modum psallendi alternis

(o) Homil. XI. in Jerem.

(p) Centur. III. Cap. VI.

(r) Loc. cit.

(t) Epist. 57. ad Cyprian.

(q) Contra Celsum Lib. VI.

(s) De orat. Dominica.

vicibus inducere vellet, se se vehementer opposuerint. Unde Basilii ad praxin suam defendendam necesse habuit ad illos epistolam apologeticam scribere, qua rationem canendi alternatim praxi omnium Ecclesiarum orientalium, excepta Neocæsarensi, conformem esse demonstrabat (u). Unum adhuc observat Binghamius ex epistola Cornelii ad Fabium, quæ ex omnium confessione sincera esse creditur, quod nempe eo tempore minister Ecclesiæ, quando carnem & sanguinem in Eucharistia communicantibus exhibuit, hac verborum forma usus dice-
re consueverit: *Corpus Christi*, vel: *Sanguis Christi*, populo ad hoc semper respondente: *Amen*.

Atque hæc sunt argumenta præcipua, quibus Bingham, aliique usum formularum ex tribus primis Ecclesiæ sæculis demonstrare contendunt. Hæc an sint demonstrativa, & invicti roboris, aliorum sapientiorum judicio dijudicandum relinquimus: Nobis sufficit unam alteramve desuper annotationem facere. Ut verum fateamur, hæc argumenta, si ad accuratorem tutinam vocentur, aliud vix demonstrabunt, nisi quod *Oratio Dominica*, quam Christus ipse docuit; *Psalmodia*, quam ex ipsis Scripturis sacris abs dubio primi Christiani peragere solebant, sive conjunctim sive alternatim; quædam formæ in administratione & susceptione sacramentorum baptismi & Eucharistiæ; & aliæ quædam breviores precandi formulæ, quas se per Spiritum dicere, seu memoriter recitare solebant, fuerint in usu Ecclesiæ. Utique carmen vel hymnum dicere intelligi potest de Psalmodia & Canticis Scripturarum. Id fortassis addi potest, quod si quæ prolixiores precum formulæ obtinuerunt; illæ ab Episcopis & Clericis vel per Spiritum S. se se in preces extemporaneas disfundentem fuerint suggestæ; vel a Clericis memoriter præ fervore suæ devotionis recitatæ, & a plebe aut conjunctim, aut alternatim repetitæ. Hæc sufficiant.

§. V.

Utrum formula precandi in codicibus fuerint redactæ?

Utrum Ecclesia certum ritum offerendi sacrificii

Altioris indaginis quæstio est, an ex supposito, quod singulares precandi formulæ in cultu divino publico obtinuerint, hæc in Codices & Scripturas fuerint redactæ. Quæstio hæc est præparatoria ad quæstionem infra discutiendam, utrum videlicet libri illi liturgici, qui sub nomine SS. Apostolorum & quorundam Patrum Apostolicorum circumferuntur, sint genuini & sinceri. Nemo, opinor, cui nota sit sacrificii cum religione certo modo inseparabilis & velut intrinseca connexio, inficias

ficias ierit, quod Ecclesiæ ab Apostolis institutæ formam aliquam & ritum offerendi sacrificium ab iis obtinuerint. Utrum vero illam per solam acceperint traditionem, vel per librum quemdam liturgicum; singulariter, an libri illi liturgici, quos Apostolis Petro, Matthæo, Marco & Jacobo sub nomine *liturgiæ* adscribunt, revera extiterint, haud immerito dubitatur. Quæstionem generalem primum discutiamus, & an revera primitivæ ecclesiæ ritum aliquem in re divina peragenda scriptum, vel non nisi traditum habuerint, videamus. Illud prius plures Scriptores Catholici (x); istud non modo Acatholici, sed quidam etiam rei criticæ peritiores affirmant (y): ita quidem, ut eorum aliqui existiment, *liturgiæ* ordinem per solam traditionem ad Sæc. usque V. fuisse servatum (z).

Afferre liceat argumenta prioris opinionis ex eruditissimo Cardinale de Bona, quæ, nisi vehementer fallamur, in eo consistunt: In primis enim innegabile est, quod nihil sublimius, nihilque sanctius in Religione habeamus, quam sacrosanctum Missæ Sacrificium: Istud ergo ut uno ordine, unoque ritu & forma in Ecclesia celebretur, non nisi ex certis præscriptis ceremoniis & orationibus uniformiter recitandis peragatur, ipsa Religio suadet, ipsa fides ostendit: maxime quod apostolus Paulus moneat, ut omnia in Ecclesiis honeste, & secundum ordinem fiant (a). Qua autem arte ex sola vocali traditione absque ullo scripto per manus tradito in tot diversis provinciarum ecclesiis uniformitas actionum, rituum ac ceremoniarum in rebus divinis peragendis haberi potuit, quin ulla varietatis & discrepantiæ interveniret perturbatio? Credemusne ecclesiam Christianorum ipso sui ortus initio huic ingruenti malo non occurrisse, exemplo maxime Synagogæ Judæorum, quæ suos rituales & ceremoniales libros, quibus eorum sacra dirigebantur, habuisse vel ab Apostolorum ævo manifestum est. Et quoniam Ecclesia nonnullos ritus, & ceremonias in proprium & sanctiorem usum adhibendas ab eadem Synagoga mutuavit, dicemusne, quod huiusmodi tam opportunos codices tunc inducere noluerit? Sani profecto consilii non est ita imprudenter de antiqua Ecclesia sentire.

Et

- (x) Card. de Bonar. Liturg. Lib. I. Cap. VII. Cajet. Maria Meratus Comment. in Gavantum. Andreas Bocquillot de Sac. Liturg. Baronius, Bellarm. Honorat. a S. Maria Lib. V. Differt. 3. art. 2.
 (y) Spanheimius, Dallæus, Pfaffius, Tenzelius. Ex Catholicis Tillemont, le Brun, Elias Dupin &c.
 (z) Mox cit. le Brun. Tom. II. Differt. I. (a) 1. Corinth. 14. v. 40.

*Saltem in
Sæc. II. Ec-
clesia debuit
habere codi-
cem scri-
ptum.*

Et demus Ecclesiam hujusmodi codicem in Sæculo primo non habuisse, eum tamen habere debuit Sæc. II., quo Liturgia sacra quam plurimis precationibus, orationibus, obsecrationibus, gratiarum actionibus, Epistola, Evangelio, aliisque multis Missæ partibus & sacris Litteris depromptis constabat: Non enim perceptibile est, quomodo sine Liturgiis in usum Ministrorum & officii publici exemplar conscriptis Divina hoc modo sine confusione celebrari, aut æqualitas in servandis ritibus observari potuerit (b). Porro ipso ævo apostolico hujuscemodi Obsecrationibus, & Postulationibus rem divinam fuisse peractam ex ipsis Apostoli verbis colligimus, jubentis, ut in Ecclesia fierent. *Obsecrationes, Postulationes, Gratiarum Actiones pro omnibus hominibus* (c). Quo in loco Apostolum loqui de Oratione publica, ut communi, qualis est *Missæ, Litania* &c. testes sunt præter Ambrosium, & Chrysostomum Augustinus præcipue, qui has preces omnes refert ad Missæ Liturgiam, ita ut *Obsecrationes* sint *Orationes* illæ, quæ fiunt ante *Consecrationem*; *Orationes* vero sint eæ, quæ *sub Consecratione*; *Postulationes*, quæ post *Consecrationem* fiunt, quando populus benedicitur (d). Testis etiam est S. Justinus, qui inter cætera sic ait: *Deinde ei, qui Fratribus præest, offertur panis, & poculum aquæ & vini, quibus ille acceptis laudem & gloriam rerum universarum Patri per nomen Filii, & Spiritus S. offert, & Eucharistiam, sive Gratiarum Actionem prolixè exequitur* &c. (e). Et sane ipsos Apostolos prolixas sacrificandi formulas, Lectiones videlicet, Preces & Ceremonias adhibuisse cit. Card. Bona ex Patribus, aliisque magni nominis Scriptoris fusius demonstrat (f). Quomodo vero talis Gratiarum Actio, prolixæ Orationes, Preces sine ullius scripti Codicis subsidio sine defectus aut variationis periculo fieri potuerunt?

Multo magis Sæc. III. & IV.

Ad III. & IV. Sæculum si progrediamur, queruntur Patres contra edictum Diocletiani & Maximiani de tradendis, cremandisque sacris Christianorum Codicibus; contra Donatistas, & Arianos, qui libros sacros ecclesiastico usui destinatos igne consumere non erubuerunt. Accedunt testimonia Patrum maxime Augustini, & Coelestini I., qui Obsecrationes sacerdotales ab Apostolis traditas fusius enarrant, atque in orbe catholico observatas asserunt, quarum sane formulæ sine codice scripto

(b) Card. Bona Lib. I. Cap. 8. pag. 24.

(c) I. Timoth. Cap. 2.

(d) Epist. 59. ad Paulinum.

(e) Apologia 2.

(f) Lib. I. cap. 5.

scripto vix memoriæ mandari, aut sine confusione ac difformitate observari poterant (g).

His tamen sequentia obstant. Primo, quod hactenus Codex aliquis Liturgicus genuinus & authenticus in medium asferri non potuerit, sicut infra dicitur. Secundo ex Scripturis constat, quod Christus modo simplicissimo ultimam coenam peregerit, neque ullos ritus, aut formulas praescripserit. Tertio. Ex tribus Evangelistis manifestum est, quod Apostoli simplicissimam Liturgiam adhibuerint, nempe panis & vini Benedictionem, Mysterii brevissimam exegesis, Panis fractionem, & utriusque speciei distributionem (h). Hanc a suo Magistro acceptam sanctissimam Mysterii formam integram, incorruptam ac illibatam Apostolos constanter tenuisse, & suis optima fide tradidisse, nemo sanus dubitaverit; & Apostolus Paulus verbis testatur manifestissimis, qui, dum de Sacramento eucharistiae ad suos Alumnos loquitur, mox in limine suae exhortationis ait, *Se tradidisse, quod acceperat* (i). Quidnam vero acceperit, mox exponit, & eadem illa, quae apud Evangelistas leguntur, recenset, quin quiddam aliud adjiciat: atque hac ratione Dominicam institutionem omnibus suis partibus & numeris absolutissimam esse definit, ac caeteris Christianismi Magistris observandam praescribit, eum in finem, ut suo exemplo docti a violanda integritate abstineant, & neque eidem aliquid addere, vel detrachere praesumant.

Non finit autem nos dubitare summa Apostolorum in curando DEI opere concordia, quin cæteri Apostoli suis Ecclesiis tradiderint, quæ Paulus suis Corinthiis se tradidisse testatur. Ipse sane Card. Bona suæ sententiæ doc dissidentia Patrum & Scriptorum testimonia non fudit, & ulterius docet, quod Apostoli pro rerum & temporum circumstantiis nunc prolixiores, nunc breviores formulas adhibuerint, ac denique subdit: *Credo autem ab initio brevissimum fuisse Liturgiæ Ritum ita exigente primæ Christianitatis inter procellas adversantium nascentis conditione: postea vero crescente fidelium numero cæperunt Apostoli Lectiones, Preces, ceremonias adjicere, quibus & Sacrificii dignitas clarius elucesceret, & major*

(g) Uti testantur Optatus Milevitanus contra Parmenianum, Arnobius Lib. 4, contra Gentes, Lactantius de Mort. perfec. Hieronymus in Catalog. Script. Eccles. Augustinus in variis locis. Vid. cit. Card. loc. cit.

(h) Idem Card. loc. cit. & Lib. 2. Cap. 5. §. 4. Math. 26. v. 26. Marc. 14. Luc. 22. v. 17. (i) 1. Cor. 11. v. 23. & seq.

(i) 1. Cor. II. v. 23. & seq.

*Patres &
Scriptores
primorum
seculorum
altum, silent
de libris
liturgicis.*

ior ipsi veneratio conciliaretur, pietasque fidelium, ac fervor magis accenderentur (k). Sed quis non videt, hæc omnia inniti meris conjecturis? profecto illæ rerum ac temporum circumstantiæ, persecutionum procellæ, & turbines aucto etiam fidelium numero non desierunt: imo Apostolis fortasse ob multiplicatos labores necessitatem fecerunt abbreviandi liturgiam. Tertio. Altum silent Patres & Scriptores primorum trium sæculorum de Liturgiis, & libris liturgicis: illi vero, qui circumferuntur, ex infra dicendis sunt dubiæ fidei, & scatent notis suppositionis sat apertis. Ex Sæc. II. prodeat S. Justinus, quem supra pro opinione adversa citavimus, qui loc. cit. (l) perspicue describit liturgiam, quam Ecclesia suo ævo in celebranda Eucharistia observavit: ubi refert, quod fideles die solis convenerint, inco conventu lecta fuerint commentaria Apostolorum; postea Præpositus orationem habuerit, qua populum instruebat. Sequebantur preces, quæ omnibus consurgentibus atque consistentibus dicebantur. His peractis celebrata Eucharistiam hoc ordine: *Panis & vinum & aqua offertur, & Præpositus preces similiter, & gratiarum actiones fundit, quantum pro sua virili potest, & populus sancte acclamat: Amen. Tum ex iis, quæ benedicta, sive gratiarum actione consecrata sunt, unicuique distributio fit & participatio &c.* In hoc loco Justinus refert Liturgiam simplicem, modestam, Institutioni Christi, & Apostolorum conformem, a Liturgia latina toto cælo diversam, ubi notari merentur verba: *Quantum pro sua virili potest*, quæ verba satis clare indicare videntur, quod Præpositi suas preces & gratiarum actiones neutiquam secundum formulam sibi præscriptam, sed potius secundum modulum, prout ipsis datum erat desuper, peregerint (m). Justino accedat Tertullianus Sæculi tertii scriptor celeberrimus, qui satis accurate recenset ea, quæ præter traditionem a Christo & Apostolis formam Sacramentis baptisimo & Eucharistiæ acceperunt: & tamen nullius ritus singularis ab Ecclesia præscripti meminit, multo minus ejusdam Codicis liturgici mentionem fecit (n). Sed nec Cypriani tempore eodem ævo viventis quidquam innovatum fuisse in ordine Eucharistiæ ipse innuere videtur (p), dum dicit: *Ad radicem, atque originem Traditionis Dominicæ revertendum, sic ut aliud non fiat a nobis, quam quod pro nobis Dominus prior fecerit: non observari a nobis,*

(k) Card. Bon. loc. cit.

(l) Apolog. 2.

(m) Vid. Dallæus de cult. Latin. Relig. lib. 9. cap. 1.

(n) Lib. de Coron. cap. 3.

(p) Epist. 63. ad Cæcil.

a nobis, quod mandatum est, nisi eadem, quæ Dominus fecit: ab Evangelicis præceptis omnino recedendum non est & eadem, quæ Magister docuit, & fecit, discipuli quoque observare & facere debent. Hæc quid aliud probant, nisi quod Eucharisticæ Liturgiæ forma fuerit simplex, & talis, quæ prope ad Apostolicam accederet? Quarto. Subsequentium etiam *Scriptores* sæculorum scriptores, quibus jam ingens facta erat in hac Religionis parte rerum, verborum, & ordinis mutatio, testantur, quod Apostoli, eorumque successores Missæ Sacrificium summa cum simplicitate celebraverint. Audiatur S. Gregorius Sæc. VII. Scriptor: *mos, inquit, usque XV. (q) Apostolorum fuit, ut ad ipsam solummodo orationem dominicam oblationis hostiam consecrarent.* Huic adjungatur Valafridus Sæc. IX. Author, quo tempore jam ingens facta fuit in hac christiani cultus parte mutatio, qui sui temporis Missam cum Synaxi apostolica comparans ita scribit: *Quod nunc agimus multiplici orationum, cantilenarum, & consecretionum officio, totum hoc Apostoli, & post ipsos proximi, ut creditur, orationibus, commemorationibus Passionis Dominicæ, sicut ipse præcepit, agebant simpliciter: proficiente dehinc Religione amplius acta sunt a Christi Cultoribus officia Missarum (r).* Gregorii & Valafridi iudicium plerique scriptores subsequentium temporum unanimi ferme consensu secuti sunt: Sæc. IX. Remigius Altriliodorensis; Sæc. X. Stephanus Eduensis, Berno Augiensis; Sæc. XII. Gregorius Tuitiensis, Hugo a S. Victore; Sæc. XIII. Honorius Augustodunensis, Guilielmus Durantes; Sæc. XIV. Radulphus Tungrensis; Sæc. XV. Antoninus Archiepiscopus Florentinus, quos omnes citat Elias Dupin (s), & Dallæus (t). En utriusque sententiæ fundamenta! Seligat prudens Lector illam, quæ sibi probabilior visa fuerit, aut verosimilior. Si secunda præplacuerit, subministramus quædam responsa ad fundamenta prioris sententiæ: profecto necessitas referendi in scripturam quosdam ritus liturgicos in celebratione Divinorum adhibendos nobis nondum est demonstrata; hoc ipso quod Liturgia primæva fuerit simplex, brevis, modesta, institutioni & exemplo Christi conformis. Similiter preces illæ, orationes, gratiarum actiones, de quibus mentionem facit Apostolus & SS. Patres, fuisse paucæ, breves, arbitrariæ, & extemporaneæ, dono orationis ubique se diffundente; vel uti dicit Athenagoras

(q) L'ib. 7. Epist. 63.

(r) De Reb. Eccles. cap. 22.

(s) In Bibliotheca Eccles. Auth. Tom. 1. pag. 12.

(t) Dallæus loc. cit. lib. 9. cap. 2.

ras (u), & post ipsum Tertullianus: *sine monitore, de pectore*. Post discessum Apostolorum successively quendam publicarum precum ordinem in variis ecclesiis fuisse introductum, quem sequerentur, qui rem sacram facerent; hunc vero postmodum præscriptas formulas evitandæ confusionis gratia generalis, admitti posset. Nullibi certe Ambrosius, Chrysostomus, Augustinus dicunt, quod orationes illas, deprecationes, & obsecrationes Apostoli scriptis consignaverint, illorumque Liturgiæ scripto ad ecclesias pervenerint. Eatenus nempe ab Apostolis suam traxerunt originem, quatenus ipsi etiam orationes faciebant, dum divina celebrabant: quin tamen eas scripto reliquerint. Ipse Cardin. Bona fatetur, Patres non esse concordēs in statuenda formula, qua Apostoli sacrum peregerunt: dum quidam sola oratione dominica additis procul dubio verbis consecratoriis totum ritum fuisse perfectum; alii prolixiores orationes adhibitas existimant (x). Quocirca ipse Bona mediam amplectitur sententiam, existimans, sicut supra monuimus, pro rerum ac temporum circumstantiis nunc breviorē, nunc prolixiorē formulam fuisse in usu Apostolorum. Cæterum mera est conjectura, quod a Donatistis, Arianis, ac Imperatoribus igne combusti fuerint Codices liturgici: quare enim dici nequeat, fuisse codices Canonum, quos Synodi particulares statuerunt; vel libros SS. Patrum, aliorumque Scriptorum, quibus ecclesiæ abundarunt? in quo sensu Patres illas orationes sacerdotales dixerint Apostolicas, mox antea diximus: eatenus nempe, quatenus Sacerdotes more Apostolorum ad Sæculum usque quartum & quintum observato, certas precum formulas & orationes fuderunt, quando divinis vacarunt. Utrum vero illæ ipsæ precandi formulæ fuerint, quibus utebantur Apostoli, & hæ per scripturam ad nos pervenerint, nullibi asserunt. Nihil profecto frequentius apud Scriptores ecclesiasticos antiquiores, quam quod ea, quæ in ecclesia semper fuisse observata, etsi per decursum sæculorum varias vicissitudines & mutationes subierint, institutiones apostolicæ dicantur; non quidem scriptæ sed traditæ.

*Quomodo
factum sit, ut
ritus & ce-
remoniæ in
codicem re-
digerentur?*

Itaque successive factum esse existimandum est, quod ritus & ceremoniæ in codicem fuerint relati, diversi in diversis ecclesiis recepti. Et quidem a tempore nascentis Ecclesiæ per Apostolos, illorumque Success-

(u) De Leg. pro Christiani prout citat Boehmerus in Dissert. de Jure Liturg. §. 31.

(x) Lib. I. cap. 5. §. 3. pro brevitate Liturgiæ citat S. Gregor. M. Honorium, Walfridum Strabonem; pro contrario Proclum Constantinop. Chrysostomum &c.

Succellōres diversos fuisse ritus introductos, dubitare non sinunt ea, quæ §. antecedenti diximus, ex quo simplicem ecclesiæ disciplinam immutari omnino necessum erat. Inceperunt nempe inspirante Numine fideles sublimius cogitare, atque ut DEO gratum exhiberent obsequium, signis externis suam servitutem contestari, & in hunc finem nescio quas ceremonias introducere. Jam tempore Apostolorum de die dominica, quam diem solis vocabant; de Paschate celebrando; de dando osculo pacis; de velandis foeminis in ecclesia; de conventibus fuit cogitatum, quidni de aliis ritibus liturgicis? prævalere in primis ecclesiæ sæculi mores, observantiæ, & consuetudines, quæ instar legum in defectum scripturarum serviebant, & plurimum autoritatis in omnibus ecclesiis habebant: quis vero dubitet, ex moribus populi plures profluxisse leges disciplinares? Exemplo sint causæ rebaptizantium, & quartodecimanorum: utraque credebatur pertinere ad disciplinam, & in his ecclesiæ inter se dimicantes ad antiquas traditiones & consuetudines provocabant (y). Variæ autem Synodi potissimum in Sæc. III. & IV. tam particulares quam respectivæ generales fuere celebratæ, & in his non ea tantum, quæ dogmata fidei, sed etiam varia alia, quæ ad disciplinam ecclesiasticam spectant, fuerunt determinata: sic in Concilio Eliberitano multa ad Liturgiam spectantia fuisse determinata legimus; quedam etiam prohibita, veluti Can. 36. *ne picturæ in Ecclesiis fierent*, addita ratione: *ne quod colitur, & adoratur, in parietibus depingatur*; in Can. 43. de celebratione Pentecostes agitur, & omnes eodem tempore illud celebrare jubentur. In Concilio Generali Nicæno I. non nulla etiam Jus liturgicum spectantia fuere constituta: sic in Can. ult. prohibitum, ne die dominico genua flectantur, sed ut omnes stantes ad DEUM orationes funderent. In reliquis Conciliis infinita alia determinata sunt. Ex quibus confectarium est, Jus liturgicum tam moribus, ac observantiis fidelium, quam ordinationibus Episcoporum, Conciliorum canonibus suam debere originem, mutationem, & incrementum, illudque postea in scripturam seu codices liturgicos autoritate seu privata seu publica fuisse relatum, quod idem canonibus diversarum Synodorum particularium factum esse scimus, qui in foliis Ecclesiis particularibus observabantur, ac custodiebantur, donec in unum fuerint collecti, & autoritatem publicam obtinuerint.

(y) Quantum valuerint mores & consuetudines in tribus primis Sæculis vid. in Quæst. 1. de Jure Canonico in genere cap. 5. §. 2.

§. VI.

*Liturgia
Petri aper-
tas præse-
fert suppo-
sitionis no-
tas.*

Jam de Liturgiis apostolicis paucis dispiciendum, an sint vere Apostolicæ, genuinæ ac sinceræ: quarum prima est, quæ nomen S. Petri præsefert, & ex Codice quodam manuscripto Cardinalis Sireleti in lucem fuit edita ac notis illustrata an. 1589. a Guillelmo Luidano Episcopo Gandavenfi. Liturgia hæc adeo apertas præsefert suppositionis notas, ut vix ullus amplius eruditorum illam in numerum operum genuinorum recensere audeat (2). Inprimis enim ultra mille quingentos annos ab omnibus Scriptoribus ecclesiasticis hæc Liturgia fuit ignorata: ubi ergo delituit, unde emerfit, quare vel qua occasione fuit occultata? respondet Lindanus, latuisse in Apulia pulcherrima Calagraphia descriptam. Verum hoc ipsum est, quod illam suspectam facit: ipse character indigitat, illam non esse antiquam; recentiori manu, & fortassis illius, qui eam conscripsit, scriptam. Sed mittamus argumentum negativum: longe fortiora ad manus sunt.

*Plures ad-
huc referun-
tur.*

In hac Liturgia referuntur impossibilia, & incredibilia: nam fit mentio Sixti, Cornelii, & Cypriani, qui longo tempore vixerunt post S. Petrum: item Beatissima Virgo vocatur *Mater DEI*, verbum post Nestorii damnatum errorem duntaxat vulgare. In ea oratur pro Patriarchis, quæ vox ante Sæc. IV. saltem in Ecclesia catholica fuit ignota; item propiissimis Imperatoribus &c. Refertur integer Canon Missæ latinæ, prout hodie in usu est, quem a quodam Scholastico, hoc est V. Sæculi Viro docto compositum testatur Greg. M. (a) & ab aliquot Pontificibus fuisse auctum demonstrat Card. Bona (b). Sunt in ea quædam orationes ex libro Sacramentorum Gregorii de præsentibus: estque confarcinata ex Missa Latina, & Liturgiis Jacobi, & Chrysostomi. Demum si Petri hæc fuisset Liturgia, quomodo Ecclesia Romana, quæ ejus Lipsana & Epistolas inter tot persecutionum procellas usque in præsentem diem sollicitè conservavit, hanc egregiam sacrificandæ formulam neglexisset, illam in suo cultu non adhibuisset? aut qua arte factum esse putamus, ut eidem fuerit subtracta, ac in magnam usque Græciam translata, ibidemque usque ad ultima tempora abscondita? His argumentis prorsus fortissimis ducuntur Eruditi, ut hanc Liturgiam excludendam & tanquam spuriam esse rejiciendam existiment. Quisnam

(2) Inter hos sunt Card. Bona, Natalis Alexander, Cotelierius, Graveson, Dupin, Nicolaus Nourissius &c. Dallæus, Cave, Pfaffius, Boehmer &c.

(a) Lib. 7. Epist. 64.

(b) Card. de Bona lib. 2. cap. 11. §. 2.

nam illius Author fuerit, compertum non habetur. Haud improbabiliſ eſt conjectura eruditiffimi Card. de Bona, exiſtimantis, illam eſſe conſecrinationem a quodam Clerico Græco, vel Monacho Baſiliano communioni romanæ addicto. Conjecturæ hujus argumentum inde depromit, quod ſit conſtata tum ex Liturgia Græca S. Baſilii; tum ex Canone Romano: ut ergo ſuæ Liturgiæ majorem authoritatem conciliaret, illiusque receptionem Eccleſiæ Romanæ perſuaderet, eidem nomen *Liturgiæ S. Petri* præfixit, & ex Liturgia Græca & Canone Romano eandem conſlavit (c). Utrum autem Liturgia hæc vel uni, vel pluribus eccleſiis quondam uſui fuerit, res eſt incerta: cum illius unicum non niſi exemplar reperiatur. Illud addendum eſſe exiſtimamus, quod Orientales D. Petro duas omnino Liturgias adſcribant; ambæ nihilominus ejusdem valoris, nempe nullius, eſſe exiſtimantur, & ab Eruditis rejiciantur (d).

Altera Liturgia S. Matthæi ſub nomine *Miſſæ Æthiopum* non minus ab Eruditis tanquam ficta, & ſpuria exploditur: nam etiam hæc plurima commentitia, falſa, abſurda, & in fide erronea continet: In ea enim Chriſtus dicitur filius & Patris, & Spiritus ſancti, quod aperte erroneum eſt in fide, oratur pro Pontificibus, pro Regibus, pro Patriarchis, pro Archiepiſcopis in Domino dormientibus: cum tamen nomina Patriarcharum, & Archiepiſcoporum ante Sæculum V. non fuerint in uſu Eccleſiæ, & non conſtet, vel unicum Regem præter Regem Æthiopum Iphigeniæ Virginis Patrem a S. Matthæo converſum ſuſcepiffè religionem catholicam, & nemo Pontificum præter ipſum S. Petrum in rerum natura extiterit. Nonaginta novem Angelorum chori recensentur: cum Eccleſia tunc temporis de numero illorum ſtatuendo ne quidem ſomniaverit, & ex poſt facto non niſi novem choros Angelorum eſſe cum S. Gregorio probabiliter exiſtimaverit (e). Recensentur & invocantur duodecim Apoſtoli, & quatuor Evangeliftæ, quos inter utique ipſe fuit S. Matthæus, adeoque ſe ipſum invocavit: id quod eſſe ridiculum, abſonum, & abſurdum nemo non facile perſpexcrit. Mentio etiam fit Synodorum Nicænæ, Conſtantinopolitanæ, & Ephelinæ, quæ longo poſt tempore ſunt coactæ: Athanaſi etiam, Gregorii,

- (c) Vid. Card. de Bona lib. 1. cap. 8. §. 1. Elias Du Pin Bibl. Auſt. pag. 12. Natalis Alex. Hiſt. Eccleſ. Sæc. L. Art. 3.
 (d) Cotelerius in PP. Apoſt. pag. 343.
 (e) Cum diverſæ ſint PP. ſententiæ quoad hunc numerum, Eccleſia nullibi deſignavit, eſſe novem Angelorum choros.

gorii, Cyrilli, Basilii, & Chrysostomi nomina referuntur tribus sæculis ab Apostolorum ætate posteriorum: præterea Epactæ, & auri Numeri injicitur mentio, & monetur Sacerdos declarare utrumque; sicut etiam seistabilia & immobilia: quæ omnia certe temporibus apostolicis non conveniunt, & recentioris esse instituti dignoscuntur. Hæc, & plura alia sunt, ex quibus constat, hanc liturgiam nec Matthæi Apostoli esse; nec probati alicujus Scriptoris ecclesiastici; nec admodum antiquam.

Item de liturgia Marci.

Idem de Liturgia Marci pro Ecclesia Alexandria conscripta ferendum est judicium, quæ obstetricante manu Cardinalis Sirleti ex vetusto codice Monasterii Rossanensis in Calabria Ord. S. Basilii in lucem educta, & Parisiis græce & latine fuit edita. Etiam in hac leguntur varia paradoxa: occurrunt verba *Consubstantialis*, & Trisagii; preces pro Rege & ipso S. Marco: calicum, Diaconorum, Subdiaconorum, Cantorum, Monachorum, Monacharum fit mentio, quæ illam aperte novitatis convincunt (f).

Et liturgia Joann. Evangelistæ.

Hic adjungenda est alia non melioris fidei Liturgia, quæ sub nomine Joannis Evangelistæ circumfertur, de qua videatur Robertus Sala in notis ad Cardinalem de Bona (g).

Sed nec desunt, qui vel ipsi Christo, ac Beatissimæ Virgini Liturgias tribuunt: utraque usurpatur apud Æthiopes, prout resert citatus Author (h).

Majus dubium de liturgia S. Jacobi.

Argumenta pro illius authenticâ.

Majus dubium est de Liturgia S. Jacobi, quam plures magni nominis Authores eidem vindicant, non pauci etiam ex Catholicis abnegant (i). Juvat utriusque sententiæ argumenta saltem referre: Vindices hujus Liturgiæ sequentia afferunt argumenta, & quidem primo perpetuam Ecclesiæ Græcæ traditionem, quæ illam semper ut legitimam agnovit. Secundo Syrorum quoque consensum, afferentium, hanc traditionem ad ipsos per manus deductam a tempore Apostolorum. Accedunt tertio exemplaria in vetustissimis codicibus exarata.

Quarto

(f) Vox *Consubstantialis* est verbum IV. Sæculi, *Trisagion* V. Sæculi. Regem Christianum tempore S. Marci Alexandria non fuisse, aliunde certum est. Subdiaconi ante Sæcul. III. probabiliter non fuerunt in Ecclesia, neque Monachi ante Sæc. IV.

(g) Ad lib. 1. cap. 8. §. 2.

(h) Loc. cit.

(i) Liturgiam hanc S. Jacobo adscribunt Leo Allatius, Baronius, Card. Bona, Bellarminus &c. denegant Natal. Alexander, Elias Du Pin, Samuel Basnage &c.

Quarto plura hinc inde leguntur in antiquissimis documentis ex hac Liturgia deprompta : Sic enim Synodus Trullana cap. 32. illius utitur testimonio, ut refellat errorem illorum, qui solam aquam in sacrificio offerebant. Item Cyrillus Hierosolymitanus multa ex ea transtulit in quintam Catechesin Mystagogicam : Illius etiam meminit Proclus in *Traçt. de Traditione divinæ Liturgiæ*.

Hicce opponunt Censores accuratiores illud inprimis, quod in hac ferme eædem, ac in anterioribus Liturgiis suppositionis notæ, & ferme simillima paradoxa occurrant : nam primo in ea Beatissima Virgo nuncupatur *Mater DEI* : Filius & Spiritus S. dicuntur Patri *Consubstantialis*, vocabula tempore S. Jacobi inaudita. Leguntur secundo Trisagion, & Doxologia, hoc est, *Sanctus, & Gloria Patri*, in ecclesia Sæculo duntaxat quinto usitata. Tertio in ea prois oratur, qui in monasteriis inclusi sunt : Sed quis de Monachis tempore Jacobi audiit ? Quarto Confessorum sit mentio, quæ vox in officio divino diu post Jacobum vel Authorem Bellarmino fuit usitata. Quinto de templis, Altarium suffumigationibus loquitur hæc Liturgia, quæ Jacobi tempore usui venisse vix est probabile. Sexto ætate Jacobi simplicissimum fuisse ritum celebrandæ Eucharistiæ ex Justino Martyre & supra dictis certum ferme, & exploratum est : In hac Liturgia vero præscribuntur ritus & ceremoniæ tales, quales tunc viguisse vix est verosimile. Septimo. Quid opus fuisset Græcis Basilii, Chrysostomi Liturgiis, si Jacobi Apostoli habuissent ? instar omnium certe fuisset apostolica, divina, canonica illa Jacobi Liturgia, atque in omnes orbis Ecclesias emanasset : cum primo Sæculo summa Ecclesiæ Hierosolymitanæ utpote Matris omnium ecclesiarum fuerit autoritas. Octavo Quid causæ fuit, cur Patres ad hanc liturgiam non appellaverint, dum voce *Consubstantialis* Paulum Samosatenum, Arium, Macedonium ; voce *Deipara, Mater DEI* Nestorium tanquam fulmine percusserunt ? Nono. Liturgia hæc tota scatet citationibus epistolarum Pauli, quarum pleræque Jacobo mortuo scriptæ sunt. Decimo vix est credibile, quod Eusebius Cæsareensis, & Hieronymus hanc liturgiam ignorare potuerint, si unquam in rerum natura extitisset : aut quæ causa, cur fuerit abscondita ? Adjunt quidem Bellarminus, & Card. Bona, plura huic liturgiæ successiva temporis addita : sed inprimis id probare, & ostendere deberent, quænam pars Jacobum authorem habeat ; quid sit additum : & non est verosimile, tot in locis quidquam fuisse adjectum : maxime, quod tenor ac totius Liturgiæ ritus Apostolorum temporis dissonent. Undecimo illa Traditio a parte adversa tantopere jactata est vulgaris ; non Aposto-

lica, non vere ecclesiastica: utpote quæ non dimanant a temporibus Apostolorum, & ad summum in uno, alterove Doctore, Proclo nempe, & Cyrillo Hierosolymitano (k), nec non in Synodo Trullana (l), quæ non est tantæ autoritatis, fundatur. Quod si quis hæc argumenta diluta videre cupiat, adeat Card. de Bona, illiusque Commentatorem: nobis utriusque sententiæ fundamenta attulisse sufficiat. Ex his id consequi necessum est, quod ad has liturgias non sat tuto provocari valeat.

*Dantur alia
plures &
similes litur-
giæ minus
celebres, &
quales?*

Prætermittimus alias liturgias minus celebres & vix notas, quales sunt Apostolorum duodecim, & Barnabæ, quarum non nisi unus alterve Author meminit; Item illam, quæ in Clementis constitutionibus existat; & eam, quæ legitur in libris Dionysio Areopagitæ affictis: quia cum illi libri dicantur esse suppositi, nihil est dubii, quin eæ, quas complectuntur, Liturgiæ fictæ sint. Qui plura de Origine, Antiquitate, Diversitate, Autoritate, & Scriptoribus scire desiderat, opera Liturgica Edmundi Martene, Mabillonii, Card. de Bona, Bellarmini, Dallæi, Pfaffii, aliorumque legat.

§. VII.

*Liturgiæ
celebriores.*

Juvabit itaque in subsidium eorum, quibus adire Corinthum, id est, ipsos libros liturgicos, & horum Scriptores prolixiores legere non licet, præcipuas Apostolorum, Patrum Orientalium, & Occidentalium liturgias in compendium conjicere, unaque determinare, quænam ex his falsæ, spurix, supposititiæ; & autoritatis sint vel certæ, vel dubiæ. Ordiamur a liturgiis Apostolicis, & Patrum Apostolicorum, de quibus §. præced. jam egimus. Primum profecto locum meretur liturgia duplex, quæ sub nomine Domini nostri & Domine nostræ circumferitur (m). Quoniam vero de hac liturgia tam ex S. Scripturis, quam ex unanimi sensu Catholicorum concludatum est, supervacaneum foret prolixiorem de ea facere sermonem.

*Apostolo-
rum, &
Patrum
Apostolico-
rum.*

Liturgiæ,

(k) Quorum primus Sæc. IV. alter Sæc. V. scripsit.

(l) Dicitur hæc Synodus *Trullana*: quia fuit celebrata in Trullo, nempe in Secretario sacri Palatii. Item *Quiniexta*: quia fuit quasi appendix Synodorum quintæ, & sextæ. Græci hanc Synodum magni æstimant; Ecclesia Romana illam nunquam agnovit.

(m) Hanc edidit Joa. Michael Wanslebius Dominicanus, & post ipsum Jobus Ludolfus, quorum tamen sententia hodie exploditur. Vid. Car. Bona, *Ret. liturg.* lib. I. cap. VIII.

Liturgiæ, quæ sub nomine Apostolorum circumferuntur, sunt potissimum sequentes: S. Petri supposititia; Marthæ /Ethiopum dicta supposititia; Joannis Evang. supposititia; Marci Alexandrina dicta, eo quod fuerit Episcopus Alexandrinorum, supposititia: Barnabæ Apostoli, & demum Jacobi sunt dubiæ fidei (n). His accedunt liturgiæ S. Clementis, & Dionysii Areopagitæ; ambæ probabilius supposititiæ, de quibus infra.

Ad liturgias Orientalium progrediamur: inter quas eminent *Liturgiæ Orientalium.* Liturgia S. Basilii, & S. Joannis Chrysostomi. Primam esse S. Basilii *Liturgia S. Basilii.* apud Catholicos in confesso est, quidquid unus alterve Aca-
tholicorum, Oudinus præcipue, contradicat (o), cui etiam non nulli
sectarii contradicunt (p). Causam, cur Basilii novam liturgiam
confecerit, tradit tam Proclus (q) quam author vitæ S. Basilii, quæ in-
ter opera Amphiloicii reperitur (r). Hæc Basilii liturgia in tribus,
quæ sub ejus nomine circumferuntur, Anaphoris integra continetur.
Ex his illa purior habetur, quæ ex Græca non interpolata a sancto E-
phrem Syro Syriace fuit reddita. Inter varias hujus liturgiæ editiones
eminet illa, quam Jacobus Goar Dominicanus edidit in Euchologio
Græcorum (s).

Altera non minus S. Joan. Chrysostomi liturgia ferme indubitata *Liturgia S. Joan. Chrysostomi.* est fidei (t): Etiam hanc elegantissime edidit citatus Goar. Atque
hæc sunt duæ illæ liturgiæ celeberrimæ, quibus potissimum utuntur Ec-
clesiæ Orientales (u).

Quemadmodum Ecclesia Orientalis in diversa regna nationes & *Liturgiæ Orientales sunt diversa.* provincias se diffundit: ita etiam Ecclesiæ particulares diversis utuntur
linguis, & in diversas abeunt sectas, quæ tamen ferme omnes Græcis
utuntur ritibus; simul autem diversas habent liturgias: quare haud in-
epte celeberrimus Pfaffius distinguit inter liturgias *Græcas, & Orientales: Alia Græca, alia Ori-*
Græcas idem recenset sequentes, Gregorii Theologi, Cyrilli Alexandri-
tales.

K 2

(n) Vid. dicta §. præced.

(o) Tom. I. Comment. de scriptor. cap. V.

(p) Guiliel. Cave de Script. Eccles.

(q) Opusc. de tradit. divin. Miſſæ, Nempe quod liturgia S. Jacobi proximior viſa fuerit.

(r) Amphiloichio eruditi hodierni omnes vitam S. Basilii scriptam abjudicant.

(s) Vid. cit. Bona loc. cit.

(t) Idem Oudinus id negat: e contra Caveus affirmat cum pluribus aliis Sæctariis
Fabricio, Pfaffio &c.

(u) Pfaffius de liturg. §. II.

ni, Gregorii I., & II. & Germani Constantinopolitani, quas solis nominibus indigitasse sufficiat. Harum Editiones & Editores recenset laudatus Pfallius (x).

*Orientales
sunt innume-
ra.*

De liturgiis *Orientalibus* videamus. Has ferme esse innumeras testis est Nicephorus Callistus dicens: *Valde mihi laboriosum & difficile esset variantes per urbes & Regiones omnes Ecclesiarum consuetudines enumerare, & perscribere: id enim omnino fieri nequit.* Et Abraham Echelenfis apud Card. de Bona (y) testatur, apud Christianas Orientis gentes supra quinquaginta liturgias partim communes, partim proprias diversarum gentium numerari; penes se autem triginta & unam ex his extare, quas idem Cardinalis recenset (z). Nos celebriores recensēbimus.

*Celebriores
recensentur.*

Primo loco veniunt liturgiæ Nestorianorum: & sunt tres potissimum, nempe una Theodori Mopsuesteni, qua ab Adventu usque ad Pascha; altera duodecim Apostolorum a Paschate usque ad adventum; tertia Nestorii, qua quinquies per annum utuntur. Hæ autem tres liturgiæ paucis inter se differunt (a).

Secundo loco veniunt liturgiæ Monophysitarum, qui etiam Jacobitæ vocantur, quos ad quadraginta usque habere liturgias inter se admodum diversas, testantur passim Scriptores. Præter alios amplissimam de Syriacis Melchitarum & Jacobitarum liturgiis dissertationem, earumque collectionem longe accuratissimam luci publicæ exhibuit Eusebius Renaudotius (b), inter quas variæ conspiciuntur, quæ Apostolorum Jacobi, Petri, Joannis, Marci, Clementis Romani, Dionysii Atheniensis, Joan. Chrysostomi, Cyrilli, & Dioscori nomen præferunt.

Tertio loco veniunt liturgiæ Copticæ seu Jacobitarum Ægyptiorum, quos etiam Cophitas vocant. Hi ex pluribus liturgiis, quas reliqui habent Jacobitæ, tres duntaxat in suum usum receperunt, videlicet S. Basilii, quam in dies recitant; S. Gregorii, quam in festis Domini, aliisque solemnioribus festis usurpant; & S. Cyrilli, quam per quadragesimam, jejunium Natalis Domini, & in commemoratione Defuncto-

(x) Loc. cit.

(y) Lib. I. Cap. IX. §. VI.

(z) Loc. cit.

(a) Præter has tres liturgias habent Nestoriani plures alias, quarum tamen usus apud eos vel rarus, vel nullus est. loc. cit.

(b) In Collect. liturg. Orient. Tom. II. quem tamen hinc inde castigat Robertus Sala in annot. ad Card. de Bona, specialiter lib. I. cap. IX. §. V. pag. mihi 156.

functorum adhibent. De Missali Coptico Josephi Scaligeri, aliisque Scriptoribus liturgiarum Copticarum videatur Mathæus Pfaffius (c). Has Cophtitarum liturgias venerandam præferre antiquitatem teste Card. de Bona communi Eruditorum calculo comprobatur.

Atque hæc sunt præcipue Orientalium liturgiæ, quarum tamen *Earum auctoritas non interpolatæ: partim quod a Græcis multum sint theoricis non in rerum natura extiterunt; aliqui hæreticis accensentur; aliqui in orbe christiano parum fuisse celebres.* *est tanti momenti.*

Præter suas liturgias habent Græci quamplurimos libros ecclesiasticos, quibus, dum divinis operantur, utuntur. Hos, aut saltem Græci etiam plerosque in unum collegerunt Leo Allatius (d), & Guilielmus Casinius (e) qui proin videri possunt, & merentur (f). *Habent Græci etiam suos libros liturgicos.*

§. VIII.

Ad liturgias, quas communius *Missas latinas* vocare consueverunt, aliosque libros ecclesiasticos Occidentales antiquiores transitum faciamus.

Principaliores liturgiæ Occidentaliū potissimum sunt sequentes: *Quæ sint liturgiæ Occidentaliū principaliores?*
 Romana, Africana, Ambrosiana, Mozarabum Hispana, Gallicana. Auspicemur a liturgia Romana. Liturgiæ Romanæ, ut optime animadvertit Joan. Mabillonius (g), triplex veluti ordo & status considerandus est. Unus primigenius ab Ecclesiæ nascentis exordio ad Gelasium usque receptus; alter Gelasianus Authorem seu Amplificatorem habens Gelasium Papamejus nominis primum; tertius Gregorianus ita dictus ex nomine Gregorii Magni, qui Gelasianum ordinem correxisset memoratur. Qualis fuerit ille primigenius, non adeo constat. Ritus quemdam a Divo Petro per traditionem accepisse Romanam Ecclesiam, illumque postea continuatum, & ad Successores Petri continua traditione pervenisse, plurimorum Authorum est sententia (h). Qualis

K 3

vero

- (c) De liturg. §. IV. ubi plures Scriptores recenset.
 (d) In Dissert. de lib. Eccles. ad Gabrielem Naudæum.
 (e) In Dissert. de lib. Eccles. quam Hist. liter. Script. Eccles. adjecit.
 (f) Plures recenset cit. Pfaffius loc. cit.
 (g) De Liturg. Gallic. lib. V. cap. II.
 (h) Vid. Honorat. a S. Maria lib. 5. de usu Crit. Dissert. III. art. II. §. II. Edmundus Martene de antiq. Eccles. ritib. Tom. I. cap. 3. art. 1. §. 7. Petrus le Bruin Tom. 2. Explic. Missæ Dissert. II. art. 2.

vero ille ordo Romanus, ille ritus in sacrificio Missæ potissimum adhibitus fuerit, nemo hactenus determinare ausus fuerat (i).

§. IX.

*De Missa
Gelasiana.*

Ad Missam Gelasianam seu Codicem sacramentarium Gelasii veniamus. Scripsisse Gelasium Sacramentorum formulas, testes sunt Anastasius in ejus vita & Joann. Diaconus in vita S. Gregorii, & quidam Juniores Hugo de S. Viçt. & Rupertus Tuitiensis. Interim dici nequit, quod Gelasius novum codicem liturgicum combinaverit, vel ordinem Missarum composuerit; sed potius solennes precum & sacramentorum formulas, quæ in Ecclesia Romana in usu erant, novo ordine digestas, pluribusque de suo additis in unum codicem compegerit: siquidem testatur Anastasius in ejus vita, quod nihil aliud quoad Missarum ordinem composuerit, quam *sacramentorum præfationes & orationes cauto sermone*. Hunc Codicem prius edidisse sibi visus fuerat Joseph. Maria Thomalius Clericorum Regularium Presbyter, postea Cardinalis. Eundem postea impugnavit Jacobus Bafnage Hollandus Calvinianæ sectæ Minister, & probare contendit, Codicem Gelasianum Gelasio posteriorem esse, & ad sæculum X. referendum esse (k). Idem tentavit Pfaffius; sed alia longe ratione ductus, hac nempe: quod Gregorius Magnus (l) de se testetur, quod canoni Missatico adjecerit orationem Dominicam, quæ in eo hactenus non extitit. Quia igitur in codice Gelasiano hæc oratio reperitur, hoc ipso Gelasii esse non potest (m). Utrumque hunc authorem egregie refutavit Robertus Sala in annotationibus ad res liturg. Cardinalis de Bona (n). Desuper etiam meretur legi Guilielmus Cave, qui hunc codicem Gelasio egregie vindicat (o).

§. X.

*De Grego-
riana.*

De Missa Gregoriana, seu Sacramentario, vel si placet, libro Sacramentorum Gregorii M. paucis dispiciamus. Refert Joan. Diac. in vita Gregorii M., quod sanctissimus hic Pontifex *e codice Gelasiano multa subtraxe-*

(i) Suspiciantur eos fuisse ritus, quos Justinus Martyr sub finem Apolog. II. describit, & expressius refert Tertul. vid. supra dicta.

(k) Tom. II. histoire Eccles. lib. XVI. cap. X. (l) Lib. 7. epist. 64.

(m) De liturg. §. IV. (n) Tom. III. lib. II. cap. V. pag. 102.

(o) Histor. Script. Eccles. pag. 464.

subtraxerit, pauca converterit, non nulla adjecerit, atque illum in tres libros distinctum uno volumine coarctaverit, & librum Sacramentorum prætitulaverit (p). Quin conferri in hanc rem potest ipse Gregorius, qui ipse rationem reddit, cur liturgiam mutandam censuerit (q). Liber iste *Fuit recepta primitus in Ecclesia Romana tantum usum obtinuit; postea vero per omnes ferme Ecclesias Occidentales diffusus, & in Ecclesiis Anglicana, Gallicana, Hispanica; quin etiam Germanica receptus fuit.* De Anglicana testatur Concilium Cloveshovienſe II. Can. XIII. in quo definitum, ut *Missæ juxta exemplar Romanum celebrentur.* De Gallica Mabilonius (r): dicens: *Liturgia Romana post medium Sæc. VIII. in locum Gallicanæ apud nos recepta. Galli siquidem ab initio receptæ fidei, ut loquitur Hilduinus Abbas in epistola præfixa libris Areopagiticis, alium Missæ ordinem servabant, dum ritum Romanum susceperunt; quod factum putat Hilduinus hortatu Innocentii, Gelasii, & Gregorii M. &c. At serius depositum fuisse priscum ordinem liturgiæ Gallicanæ intelligitur ex responsis Gregorii M. ad Augustinum Anglorum Episcopum &c.* De Hispanica testes sunt Hugo Menardus, & Mabillonius; ille in sua præfat. ad lib. Sacrament. Greg. M., postquam ostendit ordinem Romanum ad tempus fuisse in usu Ecclesiæ Hispanicæ, eidemque postea per liturgiam Mozarabum derogatum, sic concludit: *Cui tamen constitutioni loquitur de decreto Concilii Bracarenſis an. 561. celebrati) per Missam Mozarabum derogatum est, quæ fuit in usu per totam Hispaniam usque ad tempora Gregorii VII., qui eam abrogavit, jussitque Hispanos sequi ordinem Missæ Romanæ: Iste vero sic habet: Gregorius VII. miserat in Hispaniam Richardum Cardin. & Abbatem Massiliensem, ut ritum Mozarabicum abrogaret* (s). De Ecclesiæ Germanica eo minus dubitari potest, quo certius est, quod eo potissimum tempore efflorescere cœperit, quoin Ecclesiam Gallicanam fuit introducta. Hujus rei testisomni exceptione major ipse Carolus M., dum dicit, se ritum Romanum in Germaniam nuper abs se conversam

(p) Lib. II. cap. XVII.

(q) Lib. VII. Epist. 64. dicens: Orationem vero Dominicam idcirco mox post precem (id est Canonem) dicimus: quia mos Apostolorum fuit, ut ad ipsam solummodo orationem oblationis hostiam consecrarent. Et valde mihi inconueniens visum fuit, ut precem, quam scholasticus composuerat, super oblationem diceremus, & ipsam orationem, quam Redemptor noster composuit, super ejus corpus & sanguinem taceremus.

(r) In Annal. Bened. ad Sæc. I.

(s) Annal. Bened. Tom. 5. lib. 65. §. 82.

*Gregoriana
liturgia pa-
rum distat
a Gelasiana.*

verfam induxisse (t). Cæterum liber hic sacramentarius Gregorianus a Gelasiano parum differt. Totum discrimen est in varietate & numero orationum seu collectarum: nam cætera utriusque eadem omnino partes sunt. In Gelasiano duæ aut tres ante epistolam orationes extant, unica secreta ante Prælationem, atque post Communionem: At in Gregoriano tres tantum ad singulas Missas assignantur orationes, quarum una ante epistolam; altera secreta; tertia post communionem (u). Extant diversæ hujus sacramentarii Editiones, Angeli Rochæ e Biblioth. Vatic. Pameliana; Hugonis Menardi ex codice Corbeienfi, quam secuti sunt Patres Mauriani in editione Operum S. Gregorii. Quænam ex his sit optima, inter eruditos disputatur (x).

§. XI.

*De Missa
Ambrosiana.
Varia de
authore il-
lius scribun-
tur non satis
certa.*

Ad Missam Ambrosianam convertamur, de cujus origine & auctore non satis constat. Sunt, qui nobis persuadere volunt, Missale Ambrosianum a S. Barnaba primo, ut volunt, Mediolanensium Archiepiscopo, ejusdemque Ecclesiæ Fundatore fuisse adornatum, a S. Mirocleto auctum, tandem a S. Ambrosio in hodiernam formam redactum, ab eoque nomen traxisse: cumque de illo abrogando post Ambrosii discesum ex hac vita actum fuisset, illum miraculis fuisse confirmatum. Hæc narrat Author sat clarus Josephus Vice-Comes (y), eaque confirmat testimonio duorum testium Galvani & Beroldi: quoniam vero ambo hi testes non satis noti, nec sufficientis autoritatis, multo minus antiquitatis, sed recentioris ævi sunt (z); imo scriptores, quibus hæc miracula nota esse deberent, altum de illis silent (a), irre-

(t) Lib. I. cap. 6. textum exhibet Pfaffius de liturg. §. VII.

(u) Vid. supra cit. Joan. Diaconus, Joan. Georg. Eccardus Corp. Hist. mediæ ævi Tom. I. Card. de Bona rerum liturg. Tom. I. Cap. VII. §. V. pag. 117.

(x) Vid. Caveus loc. cit. Pfaffius, Card. de Bona, & citati Patres Mauriani.

(y) Lib. II. de Ritibus Missæ.

(z) Audiatur primitus ipse Card. Bona, qui lib. I. rer. liturg. cap. X. sic habet: *Sed isti ignoti Scriptores sunt, quorum authoritas quanti ponderis sit, aliis discutiendum relinquo. Nescio enim, qua ætate vixerint, Et quo nixi fundamento ea scripserint, qua Vice-Comes ex illis refert. Et quidem Galvanus teste Vossio anno 1340. Beroldus circa annum 1130. vixisse creditur. Vid. Robertus Sala ad cit. cap. Card. de Bona.*

(a) Tales sunt, qui ritus Greg. M. Hadriani I. & Caroli M., sub quibus hæc conigiisse asserunt, scripserunt. Item Sala.

refragabilem auctoritatem facere nequeunt. Utrum vero huic historię fidem faciat antiqua Mediolanensis Ecclesię, imo totius Italię traditio, quam Robertus Sala pręterendit, dependet a veritate ipsius traditionis, quę potius vulgaris, quam authentica, & hoc ipso subleste fidei esse videtur (b). Profecto ipse Robertus Sala loc. cit.; quin etiam ipsi Critici Mediolanenses huic traditioni ex omni parte non fidunt. Quidquid ergo de S. Barnaba, de Mirocleto, de miraculis in fidem hujus liturgię factis sit, saltem majori probabilitati immititur doctrina, quę hanc Missam Ambrosio tanquam legitimo auctori adscribit: quamquam neque id omnino certum haberi possit (c). Primus fortassis, qui Ambrosio ante annos octingentos Missę Ambrosianę institutionem adscribit, fuit Walafridus Strabo his verbis (d): *Ambrosius Mediolanensis Episcopus tam Missę, quam cęterorum dispositionem officiorum suę Ecclesię & aliis lignis ordinavit*: quę & usque hodie in Mediolanensi tenentur Ecclesia. Straboni, ut ait Card. de Bona, suffragatur illius Ecclesię, & totius Italię traditio, a qua sine evidenti ratione recedendum non est. Verum mox antea animadvertimus, jure optimo dubitari posse, utrum hæc traditio sit vera, genuina, & sincera; vel potius vulgaris: maxime quod de hac Missa Ambrosiana ante Strabonem nemo illius mentionem fecisse legatur. Interim antiquissimam esse hanc Missam Ambrosianam ferme concors est Authorum sententia, & ex eo patet: quod a Romana subinde plurimum diffideat, & veterem Italicam sequatur (e). Sed & istud certum est, quod Missalia Ambrosiana recentiora a vetustioribus plurimum differant: eo quod Archiepiscopis Medio-

Verosimiliter adscribitur S. Ambrosio.

Id tamen non ex omni parte certum est.

Est Missa antiquissima & a Romana differt hinc inde.

Medio-

(b) Muratorius Tom. IV. Antiq. Italię. Dissert. 57.

(c) Id esse incertum, videtur ipse Card. Bona innuere lib. I. cap. X. §. I. *Sive Ambrosius, sive alius antiquior eos ritus instituit, id pro certo habendum Est.* Patres quoque Mauriani editionem operum Ambrosii adornantes id certo affirmare non ausi sunt. Id ipsum in dubium vocavit Nicolaus de Nourry. Item Cavens Hist. Script. Eccles. ad Sæc. Arian. pag. 464.

(d) Lib. de Rit. Ecclesię cap. 22.

(e) Guiliel. Cave loc. cit. pag. 65. per hæc verba: *Missæ Ambrosianæ tum rituum ordine, tum ritibus ipsis præcunque dispositione tum a Romana, tum ab aliis admodum discrepat: in psalmis & lectionibus ex S. Scriptura de promptis antiqua versione Italica, non, quæ hodie obtinet, Vulgata utitur.*

Juris Eccles. Tom. II.

L

Mediolanenſibus hinc inde aliqua innovare, mutare, demere, vel addere placuerit (f). Ordinem Miſſæ, ejusque ritum deſcribit Card. de Bona alique (g), eumque adhuc, ſaltem aliquoties, in Eccleſia Mediolanenſi celebrari Authores teſtantur (h). Proſecto ex ipſis Sectariis aliqui Miſſam Ambroſianam Ambroſio adſcribere non verentur (i).

§. XII.

*De Miſſa
Mozarabum.*

*Unde dicatur
Mozarabum?*

Jam de Miſſa Mozarabum apud Hiſpanos quondam uſitata dicendum. Habuit videlicet aliquando Eccleſia Hiſpanica Miſſam peculiarem, quæ a Regibus Gothicis per Hiſpaniam dominantibus *Gothica*; a Chriſtianis vero, qui utpote mixtim inter Arabes poſt occupatam ab iis Hiſpaniam viventes dicebantur *Mixtarabes*, vel *Mozarabes*, dicta fuit Mozarabica: quamquam non deſint, qui Chriſtianos a Muza Arabæ Toletum expugnante Muzarabes dictos autement, quorum fundamente fuſe exponit Robertus Sala (k).

*De illius
Authore certo non conſtat.*

Jam Sæc. V. in Hiſpania obtinuit.

Non conveniunt eruditi in deſignando hujus Miſſæ primo Authore. Baronius Iſidorum Hiſpalenſem hujus ſæctus Parentem eſſe exiſtimat (l): Guilielmus Cave illum Leandro Hiſpalenſi Fratri Iſidori vindicat (m): Card. de Bona, ejusque Notator Robertus Sala utranque ſententiam fuſius reſellunt, & officium Gothicum jam a Sæculo V., quo tempore Gothi ſumma rerum potiti Hiſpanias occuparunt, ibidem uſum obtinuiſſe, argumentis validiſſimis tum ex cultu publico jamjam ſecundum liturgiam orientalem a Gothiſ ſecum allatam inſtituto; tum ex variis Synodis particularibus per Hiſpaniam celebratis commonſtrant, adeoque Miſſam Mozarabum diu ante Iſidorum, & Leandrum uſu receptam contendunt, id duntaxat aliorum ſententiis tribuentes, quod Leander Hiſpalenſis ritum Mozarabicum illuſtraverit; Iſidorus, Iſidonſus alique eundem auxerint (n). Huic opinioni ſubſcribunt Natal. Ale-

(f) Card. de Bona loc. cit. cap. X. §. 1.

(g) Loc. cit. §. II. & Caveus pag. 65.

(h) Bona ibid. §. III.

(i) Chemnitius in Exam. Concil. Trident. part. 2.

(k) In res liturg. Card. de Bona lib. I. Cap. XI. §. I.

(l) Annal. ad an. 633.

(m) Hiſt. Script. ad Sæc. Eutychianum pag. 541.

(n) Loc. cit. pag. 197. & ſeq.

Alexander (o), Pagius in Critica Baronii (p) : Joannes Pinus (q), Josephus Blanchius, alique (r).

Quamvis autem hoc Officium a Viris sanctis & orthodoxis compo-
situm fuerit : Hispania tamen ab infidelibus devastata, ita erroribus re-
fertum est, ut Elipaundus Toletanus Episcopus ex hoc officio depravato
plura acceperit testimonia ad suam hæresin adituendam. Diu viguit
hic ritus in Hispania & Gallia etiam Narbonensi, aliisque regionibus
Gothorum regno subjectis, donec autoritate Gregorii VII. Sæc. XI.
substituto Romano abrogatus fuit. Qua arte id factum fuerit, fusc ex-
ponit Card. de Bona, ejusque Notator (s). *Multis erro-
ribus fuit
infesta.
A Gregorio
VII. fuit
abrogata.*

Ne autem tantæ antiquitatis ritus omnino interiret, eundem e Go-
thicis tumultis suscitatum novis characteribus Franciscus Ximenes Ar-
chiepiscopus Toletanus recudi jussit, & in illius venerationem Sacer-
dotum collegium instituit, eisque obligationem injunxit, ut divina of-
ficia, & Missarum solemniam in sacello, quod in Ecclesia Toletana ma-
jori ædificavit, ritu Mozarabico peragantur. Idem ritus observatur
Salmanticæ in sacello Doctoris Talabricsensis, & quibusdam Toleti pa-
roeciis (t). Amplissimos ritus hujus liturgiæ fusc recenset & exponit
Card. de Bona, qui omnino videri meretur. *Fuit de novo
recusa.
Suxta illius
ritum in sa-
cello quodam
peraguntur
divina.*

§. XIII.

Reliquum est, ut de liturgia seu Missa Gallicana agamus, de qua
fusior calamo agere vel ideo supervacaneum ducimus, quod Scriptores
Gallici ea omnia, quæ ad hanc liturgiam explicandam, exornandam-
que pertinent, ferme exhausterint. Supra diximus ex Mabillonio, quod
liturgia Romana in locum Gallicanæ in Gallia jussu piissimorum Regum
Pipini, & Caroli M. fuerit recepta. Itaque in eocardo difficultatis ver-
titur, quænam fuerit illa liturgia, quæ apud Gallos ante tempora Pi-
pini, & Caroli M. obtinuit. Olim liturgiam Gallicanam a Romana fu-
isse diversam, ex Historiis Sæculi VI. & VII. facile comproba-
batur: cuius luculento testimonio est responsum, quod Gregorius M.
dedit S. Augustino Cantuariensi Episcopo, dum ab eo interrogatus,
cur cum una sit fides, Ecclesiarum consuetudines tam sint diversæ, & altera
con-

L 2

(o) Hist. Eccles. Sæc. VII. cap. 4. art. 8.

(p) Critica Baronii ad an. 633. N. 29.

(q) Dissert. de liturg. Mozarabum cap. 3.

(r) Annot. XXXI. ad libellum Orat. antiq. Ritus Goth.

(s) Loc. cit. §. II.

(t) Card. de Bona lib. I. cap. XI. §. 3.

consuetudo Missarum sit in Romana Ecclesia; atque altera in Galliarum Ecclesiis retineatur? respondit: Mihi placet, ut siue in Romana, siue in Galliarum, siue in qualibet alia Ecclesia aliquid incensisti, quod plus omnipotenti DEO potest placere, sollicitè eligas (u). Sæc. VIII. specialem Missæ ritum in Gallia viguisse probat epistola Zachariæ Pontificis ad Bonifacium scripta, in qua reprobatur benedictiones, quas Galli in Missa faciebant (x). Antiquiora documenta vix habentur, quam S. Hilarii Pictaviensis, qui teste S. Hieronymo de Script. Eccles. composuit *librum hymnorum*; & *alium Mysteriorum*, quod idem est ac liturgiæ; *Musæi* Ecclesiæ Massiliensis Presbyteri, qui teste Gennadio de Script. Eccles. (y) præter *Lectionarium* & *Responsale* insuper egregium *Sacramentorum*; & non parvum volumen composuisse fertur; Salviani Massiliensis, cui idem Gennadius quemdam Sacramentorum codicem tribuit; Claudiani Mamerti Viennensis Presbyteri, quem simile opus scripsisse testis est Sodonius (z). Huic ipsi librum quemdam Missalem adscribit Gregorius Turonensis (a). At vero hi omnes Missarum codices temporum cursu perierunt, neque illorum aliquod superest vestigium, ex quo Missæ veteris Gallicanæ ordo dignosci posset: quin & Sæculo XI. eundem ipsimet Galli ex tanta apud illos superinducta divinorum officiorum varietate fere omnes penitus ignorarunt.

Quis olim fuerit ordo Missæ Gallicanæ, ignoratur.

Varia liturgia Gallicanæ hodie circumferuntur.

Missale Gothicum, Francorum, Gallicanum, Gallicanum vetus, Luxoviense. Orationes Missales.

Porro autem indefesso suo labore Viri studio antiquitatum addictissimi nihil non fecerunt, ut ex antiquissimis documentis hinc inde in Archiviis, Bibliothecis & Scriniis latentibus quædam eruerent. Idcirco diversas habemus liturgias Gallicanas, quas Viri quidam eruditissimi luci publicæ commiserunt, inter quos primus est Thomassius Cardin., qui tria Missalia Gallicana edidit sub diversis nominibus, nempe *Missale Gothicum*, quod proprium fuisse Gallis Visigothorum imperio subiectis existimat; *Missale Francorum*, & *Missale Gallicanum* (b): Alter est Mabillonius, qui tribus prioribus *Gallicanum vetus*, idque *Luxoviense* adjecit (c). Tertius jure optimo habetur Margarinus de la Bigne Thologus Sorbonicus, qui *Orationes Missales* ex vetustissimo quodam codice, *Gothicum Missale* exhibente, Bibliothecæ Patrum Parisiensis

(u) Robertus Sala in annot. Lib. I. Cap. XII. §. I.

(x) Ibidem.

(y) Idem loc. cit.

(z) Lib. 4. epist. 3r.

(a) Vid. Bona loc. cit. pag. 225.

(b) In Codicibus sacramentorum non gentis annis vetustioribus. Vid. Pfaffius in Dissert. de liturg. §. IV.

(c) Libri tres de Liturgia Gallicana.

enſi inferuit (d). Quartus accedit Edmundus Martene Benediſtinus Parisienſis Vir de re literaria longe meritiſſimus, qui in ſuo theſauro Antecdotoſum exhibuit expoſitionem brevem antiquæ liturgiæ Gallicanæ ex manuſcripto codice S. Martini Auguſtodunenſis depromptam, in quo ea, quæ ad chorum pertinent, enarrantur, & nec a Card. Bona, nec a Mabillonio ſunt edita (e). Præ his omnibus ſingularem laudem meretur Cardin. de Bona, illiusque Notator. Ambo improbum ſibi dederunt laborem, ut liturgiæ Gallicanæ veſtigia ex antiquis Scriptoriſibus eruerent. In eo ſingulariter deſudavit induſtria eruditiffimi Notatoris, ut quorundam deſuper ſententias, præcipue Honorati a S. Maria, qui liturgiæ Gallicanam ab Hiſpanica haud eſſe diverſam contra Thomaſium, Card. de Bona, & Mabillonium acriter defendit, confutaret, & de hallucinationibus convinceret (f). Hiſce neceſſario adjungi debet Matthias Flaccus Illyricus Centuriatorum Magdeburgieſium, ac rigidorum Lutheranorum Princeps, qui Miſſam latinam ex antiquo codice manuſcripto Argentinenſi typis mandavit, eamque veterem liturgiæ Gallicam eſſe ſalſo exiſtimavit. In hunc ſcriptorem calamos ſtrinxerunt Card. de Bona (g), & Joan. Mabillonius (h), eumque plurimum falſitatum reum agunt (i). Reſert Mabillonius loc. cit., hanc Miſſam a Lutheranis primitus pro ſua cauſa eſſe allegatam, & propterea a Philippo II. Hiſpaniarum Rege inſtinctu Ducis Albani interdictam, & a Sixto V. Pontifice Romano in indicem librorum prohibitorum relatam; poſtea vero ab ipsis Lutheranis, cum animadverterent, eam in rem ſuam verti non poſſe, ſed potius pro Catholicis militare, ſerme ſuppreſſam; a Catholicis vero approbatam, recuſamque fuiſſe (k). Juvat in hanc rem audire Cardinalem de Bona, cujus verba ſingularem merentur attentionem, & ſic habent: *Ex quo deſtruitur falſa Illyrici opinio exiſtantis, unicam olim fuiſſe Miſſæ celebrandæ rationem abſque ullo diſcrimine temporum, & feſtivitatum. Hujus autem Miſſæ evulgatione credidit Vir improbus, ſe plurimum detrimenti Eccleſiæ Catholicæ allaturum; ac ſi illa antiquos ſacrificii ritus perperam innovaſſet. Sed excæcavit illum malitia ſua: nam e contrario Orthodoxæ fidei dogmata, receptique*

*Expoſitio
brevis litur-
giæ Gallica-
næ.*

*Utrum Gal-
licana ab
Hiſpanica ſit
diverſa?*

*Error Mat-
thiæ Flacci
Illyrici no-
tatur.*

(d) Tom. VI.

(e) Tom. V. fol. 85. Paffius loc. cit.

(f) Loc. cit. §. V. pag. 236. & ſeq.

(g) Lib. I. cap. XII. §. II.

(h) De liturg. Gall. lib. I. cap. 17. §. 4.

(i) Vid. de Bona loc. cit.

(k) Sicut reſert ipſe Paffius ſectæ Lutheranæ addictus, quin hæc negare audeat.
Difſert. de liturg. §. V.

Ecclesiæ ritus ex ea passim confirmantur, Sanctorum scilicet, & B. Virginis invocatio, realis præsentia in Eucharistia, confessio auricularis, oratio pro vivis & defunctis, & alia ejusdem generis multa. Quod cum Lutheri affectu statim animadvertissent, omnia edita exemplaria, quotquot reperire potuerunt, in unum congesti igne protinus concremarunt: & hinc factum est, ut codex ille rarissimus sit, quem nec Cassander nec Pamelius viderunt.

*Liturgiam
Malthæ
Fiaci ipsi
Lutherani
execrantur,
& quare?*

*Utrum li-
turgia Gal-
licana fuerit
communis,
jure dubita-
tur.*

Sed nec apud suos Illyricus bene audit: imo ab illis crudelissime vapulat, & veluti malorum incentor, blasphemus, hæreticus & hæresiarcha, furiosus Theologus, monstrosarumque opininorum adinventor traducitur (1). Utrum vero hæc liturgia Gallicana fuerit communis omnibus Ecclesiis Gallicanis, nondum decisum habemus. Non fuisse commune inde colligitur, quod ferme singuli Episcopi, Ecclesiæ, & Monasteria diversas habuerint liturgias. Aut si quæ fuit communis & universalis, nullum tamen ejus exemplar amplius exstare potest: cum quilibet sibi libertatem assumpserit liturgias determinandi, mutandi, interpolandi, corrumpendi. Plura videantur in citatis Authoribus.

§. XIV.

*De libris
Ecclesiasti-
cis.*

Cum nomen *Liturgia* latissime pateat, diversimode accipiatur, & totum officium sub se complectatur, opportunus hic foret locus agendi de aliis libris ecclesiasticis, quibus Ecclesiæ in suo cultu & officio publico utuntur. Et quis hos omnes in numerum coget? plures per decursum hujus materiæ occurrent, & inter collectiones recensentur: plurimorum notitia discenda est ex Scriptoribus ecclesiasticis, liturgicis præsertim, de quibus infra agemus. Nemo nobis vitio vertet, si illos quasi in cumulum conjiciamus, & brevissime ex Authore quodam Protestantico celeberrimo recenscamus; hinc inde notis historicis illustremus, & ex nostra penu quædam adjiciamus. Est hic Matthæus Pfaffius orbi literario notissimus, qui in sua Dissertatione de liturgia integrum hujusmodi catalogum contexuit, & omnes hos libros suis propriis nominibus insignivit: cum enim hic liber non omnibus ad manus sit, profecto rem non ingratam nos legentibus facturos credidimus, si, quæ hic habet author, communicemus, & ex aliis Scriptoribus haud pauca addamus.

*De Missali-
bus, quid
sint.*

Ad rem igitur liturgicam latius sumptam pertinent præprimis Missalia ita dicta a Missa (m), quæ nihil sunt aliud, quam libri, in quibus liturgia in sacrificio Missæ observanda, & totus ordo Missæ continetur.

Et

(1) Bona ibid.

(m) Pfaffius in cit. Dissert. §. IX.

Et sunt vel antiqua; vel nova: illa sunt illæ ipsæ liturgiæ, de quibus *Sunt anti-*
 supra egimus, & plures aliæ nobis incognitæ: Noviora sunt, quæ *qua & nova.*
 temporibus novioribus in commodum Clericorum sunt edita. Inter *De Missali*
 hæc eminet Missale Romanum ex decreto Concilii Tridentini restitutum, *Romano.*
 Pii. V. Pontificis jussu editum, & Clementis VIII. autoritate recogni-
 tum, & in tota Ecclesia Romana, qua qua illa patet, receptum. Ha- *Ecclesia par-*
 bent vero etiam Ecclesiæ particulares & magis principales, potissimum *ticulares ha-*
 piscopales, peculiaria Missalia ad suum usum accommodata, quæ quo- *bent sua*
 ad substantiam a Missali Romano non recedunt, & non nisi quibusdam *Missalia*
 accessionibus pro exigentia Ecclesiarum sunt referta (n). Habent et- *particula-*
 iam ferme omnes Ordines Religiosi sua Missalia peculiaria suo usui ac- *ria.*
 commodata (o).

Missalibus adjungi debent *Ritualia*, in quibus ritus in administra- *De Rituali-*
 tione sacramentorum aliisque functionibus ecclesiasticis e. g. in sepultu- *bus.*
 ris adhibendi continentur; *Gradualia*, in quibus cantus in solenniori- *Graduali-*
 bus Missis consuetus; & *Ceremonialia*, in quibus Ceremoniæ solenniores *bus.*
 in officiis solemnioribus adhibendæ describuntur. Inter hæc iterum *Ceremonia-*
 eminent Romana, in quibus non ii duntaxat ritus & ceremoniæ, quæ *libus.*
 Pontifici solemniter celebranti, sed etiam cæteris Prælati majoribus *Romano.*
 potissimum Episcopis in suis functionibus solennioribus e. g. in conse-
 cratione Episcoporum, benedictione Abbatum & Abbatissarum, in ordina-
 tione Clericorum sunt propriæ, continentur. Præter Pontificale Romanum *Episcopo-*
 datur nihilominus Ceremoniale Episcoporum sæpissime editum, Cle- *rum.*
 mentis VIII. primum, & post Innocentii X. autoritate recognitum.
 Item dantur *Sacerdotalia* prout usu Sacerdotum vel e ritualibus deprompta *De Sacer-*
 ad instar brevissimi compendii, vel opera privata confecta; & *dotalibus.*
ralia, quæ vel sunt ipsa ritualia, vel saltem ex iis desumpta; vel sunt *Pastoral-*
 instructiones quædam Episcopales in usum suorum Clericorum, vel in *bus.*
 ordine ad rite obeunda sua officia, vel informandos mores ab ipsis E-
 piscopis, eorumque autoritate editæ. His addantur *Benedictionalia*
 aut *Manualia* Exorcismorum, variarum rerum benedictiones & exorcis-
 mos complectentia (p), quæ tamen non raro in ipsis ritualibus inveni-
 untur. Huc etiam pertinent *Processionalia* & *Exequialia*, in quibus ri- *De Proces-*
 tus in processionibus publicis, vel sepulturis adhibendi describuntur (q). *sionalibus.*
 Vel

(n) Sic ferme singulæ Dioceses habent sua Missalia.

(o) His inserta sunt festa Ordinum.

(p) Multa hujusmodi circumferuntur, quæ ab Episcopis non sunt approbata.

(q) Talia habent singulæ Dioceses.

Penitentialibus.

Vel maxime huc referenda sunt varia *Penitentialia* Gregorii Magni, Theodori Cantuariensis, Rabani Mauri, Isaaci Lingonensis, Burchardi Wormatiensis, Ivonis Carnoteufis aliaque; præcipue vero Romana, de quorum Editoribus & Editionibus in compendio scribit Pfaffius (r).

De Psalteriis, Breviariis, & Litaniiis.

De origine Psalmodia. Uſu illius.

Denum huc præcipue etiam spectant Psalteria, Breviaria & Litanice. De his singulana quædam addere libuit. Quantum ad Psalmodiam, de illius origine, usu, ritibus &c. fuse agit Card. de Bona (s), Josephus Bingham (t) & Thomassinus (u). Binghamius illam ex prima & apostolica ætate derivat, unaque ostendit, illam semper fuisse habitum partem divini cultus, & usum habuisse in processionibus, in conventibus, in exequiis, in deductione Monachorum ad sua habitacula (x). Thomassinus omnes temporum periodos decurrit, illiusque usum sive quoad horas, ut vocant, Canonicas, sive quoad ritus de sæculo ferme ad Sæculum fusissime deducit (y).

Quid sit Breviarium?

Quæ origo hujus nominis.

Quantum ad Breviarium, hujus nomine juxta hodiernos mores venit liber, in quo continetur officium ecclesiasticum quotidie in honorem supremi Numinis juxta ordinem ab Ecclesia præscriptum a Clericis perfolvendum. In originem hujus vocabuli si inquiramus, illa teste Thomassino ab illo tempore, quo PP. Dominicani, & potissimum Franciscani apostolicis laboribus defungebantur, & veluti per omnes orbis partes dividebantur, derivanda est. Cum enim incommodum ipsis fuisset integros cantus ecclesiastici & divinorum officiorum libros secum portare, aut integrum officium ecclesiasticum satis prolixum secundum normam ab ecclesia præscriptam perfolvere, libros quosdam compendiosiores, in quibus decurtatum erat officium divinum, secum in exteras provincias deportarunt, & ex iis suum officium perfolverunt. Breviarium istud Franciscanos a Magistro Capellæ Pontificiæ accepisse refert Radulphus Ecclesiæ Tungrensis Decanus: cum enim Canonici Ecclesiæ Lateranensis in plurima negotia & causas maximi momenti distenti essent, propter gravissimam earum molem, qua & Pontifex, & Cardinales quotidie obruantur, officium divinum in brevior formam contrahere necessum habuere. Verba Radulphi sunt sequentia: *Clerici Capellæ*

(r) Loc. cit.

(s) Traët. de Psalmodia.

(t) De Orig. Ecclef. Tom. IV.

(u) De vet. & nov. Ecclef. discip. Part. I. lib. 2.

(x) Orig. Ecclef. vol. 2. pag. 39. volum. 6. pag. 1. volum. X. pag. 37. & alibi.

(y) De Discip. vet. & nova. Part. I. lib. II. a cap. 71. usque ad cap. 89.

Capellares sive de mandato Papæ, sive ex se officium Romanum sæpe breviant, & sæpe alterabant, prout Domino Papæ & Cardinalibus congruebat observandum. Et istud officium brevium secuti sunt Fratres Minores. Inde est, quod Breviaria eorum libros officii intitulant secundum consuetudinem Romanæ Curie. Breviarium istud exeunte Sæc. XIII. approbavit Nicolaus III., & in urbis ecclesias invexit, donec successive in reliquam transierit ecclesiam (z). Ab illo tempore prodire innumera Breviaria, inter quæ præcipuum est Romanum, quod non modo usum habet a-pud Clericos sæculares; sed etiam apud multos Regulares, saltem secundum ordinem substantialem. Quidam religiosi Ordines habent peculiaris Breviaria quoad ordinem variantia, uti Benedictini, Cistercienses &c. Quin imo cætera omnia Breviaria, si Romanum excipiamus, pro locorum & ordinum ratione variant.

Quantum ad *litanias*, nomen istud originaliter est Græcum *λειτουργία*, *Quid sint litanie* & latine significat supplicationes & rogationes; & ideo ex suo nativo significato denotat preces quascunque seu publicas, seu privatas, quo in sensu, nempe pro precibus privatis, etiam aliquoties ab antiquis Scriptoris fuit usurpatum, uti ab Eusebio, prout legere est apud Josephum Bingham (a). Frequentius tamen apud præfatos Scriptores *litanie* significant preces publicas qualescunque nulli certæ precandi formulæ alligatas. *Apud veteres significant preces publicas.* In hoc certe sensu intelligenda est l. 30. Cod. Theodos. de Hæret., in qua Arcadius Arianis interdixit, ne seu de die, seu de nocte ad litanias, id est ad preces communes, convenirent: eo quod tales conventus turbis & cædibus in civitate occasionem semel atque iterum dedissent (b). Sane hoc in loco preces communes qualescunque, non vero certas precandi formulas fuisse interdictas vix aut ne vix quidem dubitari potest. Successu temporis litanie accipiebantur pro precibus publicis peculiaribus, quæ a christianis instituebantur ad exorandam divinam clementiam, & deprecandam imminentem, vel præsentem calamitatem publicam: & demum illæ potissimum preces, quæ in diebus rogationum hinc inde institutis, vel in processionibus publicis in usum Ecclesiæ introductis perolvebantur, litanie vocabantur: Inde adhuc *Hodie significant preces publicas non qualescunque, sed singulares, & quales?*

(z) Vid. Thomassinus Part. I. lib. II. cap. 84.

(a) In Orig. Eccles. Volum. V. lib. XIII. cap. I. §. X. ubi citat. Euseb. in vita Constantini lib. II. cap. XIV. dum preces a Constantino in suo tabernaculo ad Deum fusas, antequam prælium iniret, vocat *litanias*.

(b) Cit. Bingham. loc. cit.

adhuc hodie in more positum est, ut in processionibus publicis, maxime in diebus rogationum, quales sunt dies festivus S. Marci, & tres dies ante festum Ascensionis Domini, litanie hodiernae, de quibus mox plura dicemus, canantur: quin & ipsas Processiones olim nomine litaniarum fuisse appellatas testantur Scriptores. Rem hanc non nihil ex antiquitatibus illustremus.

*Quis author
earum?*

*Originem
habuere in
Ecclesia O-
rientali.*

*Quis author
earum in
Occidente.*

Dubitant, quisnam primus Author litaniarum, in quantum sumuntur pro precibus peculiaribus ad avertendas calamitates sive in conventibus publicis, sive in processionibus peragi consuetis? Plures earum authorem faciunt Mamercum Episcopum Viennensem in Gallia, qui circa annum 450, in Ecclesiam suam eas invexisse scribitur. At vero opinionem hanc reidellit Binghamius existimans, quod litaniae jam antea in Ecclesia Orientali usum habuerint: idque ostendit testimonio S. Basilii, qui in epist. 63. ad Eccles. Caesareensem suis fidelibus nocturnas preces, psalmodiam, & vigiliis admittere nolentibus, eo quod tempore Gregorii Thymaturgi non fuerint in usu Ecclesiae, opponit, quod neque litaniae eo tempore usu fuerint receptae, & tamen jam ab illis sint admittae: quod utique signo manifesto est, jam tempore Basilii litanias obtinuisse in Oriente. Utrum Mamercus primus earum Author in occidente fuerit, dubio non caret: cum Sidonius Apollinaris, qui tempore Mamerci vixit, aliud non testetur, quam quod Mamercus *dierum rogationum*, id est dierum festorum ante Ascensionem Domini, author fuerit, & his dein litanias applicuerit, quae idcirco jam antea in Ecclesia obtinuisse videntur: etsi antea, ut loquitur Sidonius, illae preces quodammodo fuerint *vagae, tepentes, infrequentes, oscitantes, quae saepe interpellantium grandiorum obicibus hebetabantur, maxime aut imbres aut serenitatem deprecaturae*. In his autem, *quas suprafatus summus Sacerdos nobis & protulit pariter, & contulit, jejunatur, oratur, psallitur, fitur* (c). Itaque eatenus Mamercus est author litaniarum, quatenus ille instituit, ut majori & singulari solennitate celebrarentur. Inde factum est, ut mos iste celebrandi dies rogationum cum litiis in alias quoque ecclesias diffluerit, cujus testes sunt Caesarius Arelatensis, Eucherius Lugdunensis Junior, Gregorius Turonensis, alique (d).

*Duplicis ge-
neris lita-
niae: Antae,
& impera-
tae.*

Quapropter duplicis generis litanie, sive antiquiora, sive noviora tempora consideremus, distinguendae sunt; *statae, & imperatae*: priores sunt, quae statis temporibus singulis annis recurrunt; posteriores, quae pro re nata ob ingruentem publicam calamitatem e.g. inva-

sionem

(c) Lib. V. Epist. XIV.

(d) Bingham. loc. cit. §. X.

tionem hostilem, bellum, pestem, terræ motus indicuntur. Utriusque exempla occurrunt in historiis antiquis, & nostris temporibus. Hujusmodi litanie erant rogationes, quæ triduo ante Ascensionem Dominicam fiebant, & adhuc fiunt, quarum author habetur supra laudatus Mamercus Viennensis; supplicationes, quæ aguntur in festo S. Marci, quas instituisse fertur S. Gregorius (e); Item litanie triduanæ in Idibus Decembris in Concilio Toletano V. Can. 1. decretæ, & in Calendis Novembris apud Hispanos usitatæ, & in Concil. Gerundenſi anno 517. Can. III. statutæ (f); litania septena, quina, & terna in vigilia Paschæ; & triplex in vigilia Pentecostes (g). Imperatæ erant illæ, de quibus supra ex Basilio egimus; & illa litania *septiformis* dicta S. Gregorii, quam sanctissimus hic Pontifex ob grassantem pestilentiam instituit, & dicitur *septiformis*: quia fideles per septem claues ad celebrandam hanc festivitatem exire jussit; primum quidem Clericos; deinde laicos; dein Monachos; postea Virgines; post has seminas conjugatas; dein viduas; postremo pauperes & infantes (h). Adinstar hujus septiformis litanie adhuc hodie in urbe Turonica in festo S. Marci institui processionem, testis est Edmundus Martene (i), utpote in quo ad Basilicam S. Martini per diversos aditus conflunt septem Ecclesiarum collegia, ut simul omnes suis in locis propriis constituti litanias decantent. Hujusmodi litanias imperatas frequentissime apud nos Catholicos institui e.g. tempore belli, pestis, ad obtinendam serenitatem, imbrem &c. aliunde scimus. Etiam apud Protestantas in usu sunt litanie tam statæ, quam imperatæ, quas vocant *allgemeine Fast-, Buß- und Bett-, Tage*, prout testatur Boechmerus (k). Talis litania fortassis est danda statæ.

M 2

- (e) Vid. Edmund. Martene de antiq. Eccles. discip. cap. XXVII. ubi monet, valde probabile esse, hunc morem jam ante Gregorium fuisse introductum. Monet etiam Bingham, a Gallis vix admittendam fore distinctionem inter litanias majores & minores, quam aliqui auctores faciunt, existimantes, litanias Romanas distinguere a litanis Mamerci, quod illæ majores; hæc minores dici debeant.
- (f) Vid. Martene pag. 587. & pag. 555. (g) Idem pag. 413. & pag. 541.
- (h) Gregorius lib. XI. epiſt. II. Vid. Martene loc. cit. pag. 512. & Bingham. loc. cit. §. XI. (i) Loc. cit.
- (k) Dissert. de jure Liturg. Eccles. §. 83. *Statæ sunt, quæ certis anni temporibus recurrunt, quales in nostris Ecclesiis etiam sunt usitatæ vel in quatuor temporibus vel paulo ante illa tria festa summa. Ubi jus indicendi litanias Principibus vindicat.*

Et imperata.

Litaniæ seu solennes supplicationes publicæ sunt antiquissima.

Processiones in Ecclesia sunt diversæ.

Litaniæ sunt supplicationes in certam formam redactæ.

Quandonam inciperint?

bas Friedens-Fest, nempe dies illa solennis, quam in memoriam initæ Pacis Westphalicæ celebrant. Tales litaniæ seu solennes supplicationes sæpius in processionibus publicis usum habuisse, jamque antiquissimis temporibus in usu ecclesiarum fuisse, nequidem Protestantes negare audent. Sane testatur Bingham, illas jam ævo S. Chrysostomi obtinuisse, & moris fuisse, ut crux tanquam Professionis illorum testera præferretur, Hujus rei ulterius testimonium habemus in Novellis Justinianæ, v. g. in Novella CXXIII. Cap. XXXII., in qua ordinat Imperator, quomodo Processiones institui debeant, & sic habet: *Omnibus laicis interdiximus litaniæ facere sine sanctis Episcopis, & qui sub eis sunt Reverendissimis Clericis - sed & ipsas honorandas cruces, cum quibus & in litanis ingrediuntur, non nisi in venerabilibus locis reponi.* De diversissimis Processionibus in Ecclesia usitatis e. g. in die Dominica, Sabbatho, Natali Domini, in Quadragesima, Dominica Palmarum, Paschate, Parasceve, Hebdomada majori, per Hebdomadam Paschæ, in diebus Rogationum scribit Martene (1).

Nostro & jam a longiori tempore litanicæ sunt supplicationes quædam in certam formam redactæ, quæ incipiunt a *Kyrie eleison*, & continent invocationes Dei, B. V. Mariæ & Sanctorum. Quandonam hæ litanicæ inceperint, ignoratur. Pfaffius earum originem refert ad tempora Caroli M., illiusque successorum; non quod antea non fuerint in usu Ecclesiarum, sed quod antiquiores hætenus non fuerint repertæ (2). Videtur hic orandi modus successively fuisse introductus, & auctus. Initium litaniarum, id est, formulam *Kyrie eleison*, in Psalmis & Evangeliiis esse fundatum, aliunde certum est: ut adeo necesse non sit illius originem a Gentilibus derivare, prout Scriptores quidam fecere (3): Esto enim illius usus apud Gentiles viguerit, exinde tamen non sequitur, quod Ecclesiasticum hunc a Gentilibus mutuaverit, dum eundem in sacris literis expressum invenit (4). Aliter tamen illud orarunt Græci; & aliter Latini: Græci plerumque dicebant: *Κυριε ελεσον, Domine miserere nostri* prætermissa altera parte: *Χριστ' ελεσον, Christe miserere nostri*: Latini autem utramque adhibebant, repetebantque alternatim,

(1) De antiq. Eccles. discip. passim.

(2) Academische Reden über das Kirchen-Recht cap. 15. §. 4.

(3) Nominatim Bosius & Mosheimius ad Gudworthum, & ipse Card. Bona de div. Psalm. cap. 14.

(4) Hanc quippe supplicationem commendat Epictetus Stoicus apud Arrianum lib. 2. cap. 7. de Epictet.

alternatim, uti nos hodie; primum quidem Minister Ecclesiæ; deinde populus universus: cum econtra apud Græcos supplicatio communi omnium voce simul fieret (p). In Ecclesia Græca additum fuit notissimum *Trisagium*, quod postea etiam in Ecclesia latina receptum, & supplicationibus publicis, quæ pro avertendis calamitatibus imminetibus fiebant, insertum fuit, donec successive hæ preces in dies magis per novas additiones auctæ eam formam receperint, quam hodie habent Litanie communiter sic dictæ.

Succeffive numerus litaniarum mirum in modum excrevit, & diversi generis litanie adinventæ: unde dantur diversi generis litanie, *Gallicanæ, Alemannicæ, Anglicanæ &c.* Antiquiores litanias edidit Mabillon, Baluzius, Martene (q). Inter litanias cæteras eminent litanie Sanctorum omnium ita dictæ, quarum origo pariter ignoratur. Etiam hæ successively fuere auctæ, & in dies per insertionem novorum Sanctorum augentur. Interim Romani Pontifices non facile novos Sanctos inferi concedunt. Sane non nisi ad potentissimas preces Imperatoris, aliorumque nomen sancti Iosephi litanii insertum fuisse, refert ipse Pontifex Benedictus XIV. litterarum Pontificum ferme Princeps (r). Nostis temporibus non nunquam privati homines potestatem faciendi litanias diversi generis sibi arrogant, easque libellis precatoriis inprimi curant, id quod merito ab Episcopis interdicendum.

De Editionibus, & Scriptoribus litaniarum, quorum supra non nisi obiter mentionem ingessimus, pauca superaddamus. Itaque litanias Anglicanas veteres & Carolinas edidit Mabillon (s), unaque alibi agit de litaniiis Romanis (t). Veteres litanias Ecclesiæ Bellovacensis exhibet Baluzius (u), & in appendice Actorum veterum ad Capitularia Regum Franciæ alias litanias veteres ex libro precum Caroli Calvi Regis Francorum describit. Litanie veteres Alemannicæ Francofurti anno 1606. prodire. Authores veteres, qui de litaniiis egere, refert

M 3

Card.

(p) Testis est Gregorius M. lib. VII. Epist. 64. dicens: *Kyrie eleison nos neque diximus, neque dicimus, sicut a Græcis dicitur: in Græcis simul omnes dicunt: apud nos autem a Clericis dicitur, & a populo respondetur, & totidem etiam Christe eleison dicitur, quod apud Græcos nullo modo dicitur.*

(q) Vid. Pfaff, loc. cit.

(r) In Opere de Beatif. & Canoniz. Sanctorum, prout refert Pfaffius loc. antea citato.

(s) Analect. Tom. II. sub finem.

(t) In Comment. ad Ordin. Roman. n. 5. Tom. 2. Musæi Ital.

(u) Miscell. Tom. 2.

Card. de Bona, & Carolus Du Fresne. Recentiores sunt præcipue sequentes Menardus, Mabillonius, Martenius, Card. de Bona, Morinus, quibus addatur Goldastus, Fabricius, & Pfaffius. Hactenus de liturgiis & libris ecclesiasticis Catholicorum.

§. XV.

*De liturgiis
& libris ec-
clesiasticis
Protestanti-
corum, quos
vocant ordi-
nationes ec-
clesiasticas.
Multa reti-
nuerunt ex
liturgiis Ca-
tholicorum.*

Agamus jam de liturgiis & libris ecclesiasticis Protestantorum, quos illi communi nomine vocare solent *Kirchen- Agenda*, seu *Ordinationes ecclesiasticas*. Est enim Lutherus, illiusque Commilitones nihil magis in votis habuerint, quam ut ea omnia, quæ Papatum saperent, ex integro eliminarent, fieri tamen non potuit, quin plura ad cultum divinum pertinentia retinere debuerint. Sane retinere non pauca ex Missa Catholica, prout formula Missæ Wittenbergenfis ab ipso Luthero confecta demonstrat. Retinere litanias, eliminata tamen invocatione Sanctorum, & quasdam etiam preces apud Catholicos in calamitatibus publicis recitari consuetas e.g. oratiunculam, quæ incipit: *DEUS qui contritorum non despicis gemitum &c.*, quam in quibusdam locis ante concionem recitare solent, & integrum refert Pfaffius (x).

*Habent li-
bros ecclesia-
sticos innu-
meros, &c.
quales?*

Et quoniam Protestantes habent cultum publicum, habent suos conventus, in quibus divina celebrant, habent suos Ministros ecclesiasticos, suos cantus, suam coenam, suam qualenique exomologesin, publice contrahunt sua Matrimonia, solenniter baptizant, celebrant diem dominicam, festa Domini, aliosque dies festivos, in quibusdam locis suas etiam habent Missas, suas item litanias statas, & imperatas, *Buß- und Bett- Tage*: suas quoque liturgias, & ordinationes ecclesiasticas habeant, necesse est, ut decenter, ordinate & conformiter regulis ecclesiasticis omnia fiant. Et quis ille erit, qui omnes Protestantium liturgias, libros ecclesiasticos, Ordinationes & Agenda in unum congerat cumulum? maxime si de illorum etiam symbolis, confessionibus, catechismis, statutis synodalibus, & honorariis agere velit? *Hoc enim mare si ingredi vellemus*, ait Pfaffius (y), *jam nova dissertatio foret incipienda, qui tamen jam portum, ubi vela contrahere, ubi perhyemare nobis desit, anhelamus.*

His ergo prætermisissis unice illorum liturgias præcipuas, libros, & ordinationes ecclesiasticas, quas ex variis authoribus nominatim Pfaffio

(x) *Academische Reden über das Kirchen-Recht* cap. 15. §. 4.

(y) *De Liturg.* cap. 3.

Piaſſio (z), Jacobo Moſer (a), & Joan. Ern. Floerckio (b) non ſine multa induſtria collegimus, reſenſebimus. Inter liturgias Proteſtantium, ait Piaſſius, agmen ducit *Formula Miſſæ Wittebergenſis* *Præcipua il-* ab ipſo Luthero anno 1523. confecta. Sequitur liturgia, quam adjuvan- *lorum litur-* te Martino Bucero Hermannus Colonienſis compoſuit, cui Canonici Co- *giæ reſen-* lonienſes *Antididagna* oppoſuerunt. Item liturgia Thomæ Münzeri, *ſentur.* Rituale Eccleſiaſticum Daniæ & Norwegiæ, liturgia Suecica Joan. III., liturgia Finnica, Illyrica & Serviana, Sclavonica & Anglicana. Sunt autem liturgiæ Anglicanæ potiſſimum tres: prima Regis Eduardi VI. anno 1547. edita; altera Guil. Laudi Archiepiſcopi Cantuarienſis Eccleſiæ Scoticæ anno 1638. obtruſa, Edinburgi edita; tertia communis illa, & hodie uſitata in hanc formam auſpiciis Martini Bucerii & Petri Martyris redacta (c).

Ordinationes eccleſiaſticæ ſpeciales ſeu *Kirchen-Agenda* ſerme tot *Ordination-* ſunt, quot ſunt Eccleſiæ nobiliores: cum quilibet Princeps pro ſuo li- *nes illorum* bitu eas facere poſſit. Principalioreſ, & notiores noſtris potiſſimum *eccleſiaſtica* novioribus temporibus, atque in lucem publicam editæ ſunt ſequentes: *ſunt innum-* præprimis ordinationes Saxonicæ, quarum variæ ſucceſſive evulgatæ *meræ: Es* ſunt, & poſtea conjunctim editæ anno 1710. ſub titulo: *Corpus Jur. principa-* *liores?* *Eccleſ. Chriſt. Sächſ. Kirchen-Schul- wie auch andere darzu ge-* hörige Ordnungen, cui addatur *Manuale Eccleſiaſticum* oder *Kirchen-* *Handbuch*, ubi totius liturgiæ eccleſiaſticæ ratio exhibetur. Item Du- cum Saxonie Joan. Ernſti, Adolphi Wilhelmi, Joan. Georgii & Bernardi verbeſſerte *Kirchen-Ordnung auf Ihre Fürſt. Durchl. geſamte Für-* ſtenthume und Lände gerichtet anno 1664. Item Fürſt. Sachſen-Gotha- ſche revidirte und wieder neu aufgeſetzte *Kirchen-Agenda* de anno 1682. Item Gebürgiſ. *Kirchen-Ordnung* 1733. Cum Saxoniciſe ſere convenit *Ordnatio* Magdeburgenſis *Churfürſt. Brandenburgiſ. im Herzogthum* Magdeburg publicite *Kirchen-Ordnung* de anno 1685. Accedit Fürſt. S. Fræſiſche *Verordnungen das Kirchen- und Schul- Weſen betreffend,* Gotha 1720.

Qui plura ſcire deſiderat, legat Scriptores Proteſtanticos, qui de *Scriptores* *Ordnationibus eccleſiaſticis* tam in genere quam in ſpecie ſcripſerunt, *illarum præ-* inter quos eminent ſequentes: Erneſtus Salomon Cypriani in *Vericht* *tipui.* *von Kirchen-Ordnungen*, ſeu de *Ordnationibus eccleſiaſticis* in genere; Joan.

(z) Loc. cit.

(a) Corpus Jur. Eccleſ. Proteſtant.

(b) Prænot. Jurisprud. Eccleſ. §. 49. & Obſervat. 29. & 30.

(c) Piaſſius de liturg. cap. 3.

Joan. Andreas Schmid Dissert. de ordin. eccles. cum earum apparatu Helmst. 1728.; Joan. Paulus Hebenstreitus Dissert. de leg. Eccles. Jenæ 1698.; Hermann. Caspar Koenigius *Bibliotheca agendorum* Zelle, 1726.; Jacobus Moser *Corpus Jur. Eccles. Protestantium*. Hisce addatur Boehmerus Jur. Eccles. lib. I. Tit. II. §. 92. & Pfaffius in Dissert. de liturgiis. Hæc pro aliquali saltem notitia lectoris in hac materia, quam omnino scire juvat, sufficiant.

§. XVI.

Quid sit jus liturgicum?

Jam ad id, cujus gratia serme omnia, quæ hucusque diximus, dicta sunt, nempe ad *Jus liturgicum* veniamus, inquiramusque, ad quem pertineat *Jus liturgicum*: cujus nomine venit *Jus determinandi modos, secundum quos cultus publicus est peragendus*.

Apud Catholicos competit Ecclesia.

Apud Protestantibus Principi.

Utrum ad Jura Majestatica, vel collegialia pertineat, quod illos controversetur.

Interest, an juribus Majestaticis vel collegialibus annumeretur.

Systema Collegiale laudatur.

Catholici omnes *Jus istud Ecclesiæ*, illiusque *Præsulibus* vindicant: *Protestantes Principibus territorialibus* veluti *appendicem Juris in sacra* adscribunt. *Protestantes* tamen iterum inter se ipsos digladiantur: dum plures ex *Jure-Consultis*, maxime *Thomasianis*, quibus sine injuria *Boehmerum* annumerare licet, etsi in quibusdam ab illorum principis recedat, illud inter jura *Majestatica* Principum, & quidem cum exclusione plebis; alii inter jura *collegialia* per se cœtui propria, hic & nunc tamen una cum *jure in sacra* in *Principes* translata reponunt (d).

Ne quis autem existimet, post translationem *Juris in sacra* in *Principes* nihil interesse, utrum *Jus liturgicum* ad jura *Majestatica* vel *Collegialia* referatur, celeberrimus *Moshemius* hujus rei notabilissimum ostendit effectum ex *Meditationibus* de orig. & indole, effectibus atque historia *Juris reformandi Zechii* *Francos.* 1728. editis, in quibus pag. 58. sic legitur: *At, inquis, cui bono hæc tam solícite conquiruntur? Respondeo: si nulla alia esset ratio, hæc unica sufficeret, quod Princeps absolutus in juribus Majestatis stricte sic dictis exercendis omnia jure agat ex suo arbitrio, ne quidquam solícitus de subditorum opinionibus, modo divinis legibus ea haud contraria judicet: quod si vero jura exerceat non Majestatica, tantum abest, ut jure agat, si suum unice sequatur arbitrium, ut statim imperium in sacram tyrannidem degeneret, nisi ratio habeatur subditorum persuasionum &c.* Jam, ait *Moshemius*, nemo hæcenus fuit, qui horum argumentorum vim infregit, aut infringere potuit. Postea laudat suum, suorumque sequacium *Systema collegiale*, gloriaturque, quod jam passim *Jure-*

(d) Kirchen-Recht der Protestanten. Cap. II. pag. 374.

Jure-Consulti Protestantici, etsi alias jurium majestaticorum dilatandorum studiosissimi illad asumere non reformident (e).

In eo iterum inter se dissident Protestantés, quod eorum plures *Utrum Principi Jus liturgicum irrestrictum vindicent cum exclusione plebis, Principi ita, ut Princeps sine consensu plebis, Magistratuum inferiorum, & competat jus liturgicum irrestrictum plebis sustinere creduntur, liturgias pro suo libitu determinare possit (f). An?* Alii e contra non nihil mitius sentientes hujusmodi consensum requirunt, *Vel an re- & jus liturgicum ad jura collegiaria referentes sapienter inter Jus liturgicum quiritur collegiale, & Jus circa liturgias Majestaticum cum Moshemio distingu- consensus plebis?* unt: Illud ex mente Moshemii est ipsum *Aliud est jus liturgicum supra explicatum determinandi modos, exercendi cultum publicum: istud est jus prohibendi in rebus adiaphoris ad cultum publicum pertinentibus ea omnia, liturgicum collegiale & quæ Republicæ politicæ præjudiciosa esse possunt: Illud prius est pro- aliud circa liturgias Majestaticum.* prium cœtui; istud posterius Principibus (g). Postea ulterius quærit *Utrum Princeps sine consensu plebis possit liturgias?* Moshemius, utrum, casu quo Princeps similes liturgias, vel ritus liturgicos prohibere, & in eorum locum vult substituere alios, id facere possit sine consensu plebis, vel e contra illum requirere debeat? Moshemius illum omnino requirit (h): Boehmerus omnem prorsus consensum excludit, & in hoc sustinet principia Thomasiæ longe deteriora *his possit mutare liturgias?* (i): Siquidem ipse Thomasius in participium hujus juris plebem admittit, dicens: *Sed exercitium hujus curæ ac potestatis soli Magistratui competere inficias unius non ad gustum quorundam Principum, qui membra Ecclesiæ reliqua ab hoc plane exclusa volunt, reformationem pariter cultus divini & ceremoniarum sibi solis arrogantes, vigore nimirum jurium episcopalem, & territorialem, a quibus subditi & status provinciales merito arcen-* tur

(e) Das von uns angenommene System findet in unsern Zeiten immer mehreren Beifall unter den Herren Rechts-Gelehrten, wie dann noch vor kurzem der berühmte Herr Geheim-Rath Flörke, der sonst die Kirchen-Rechte, welche unsere Fürsten bezeugen, sämmtlich aus der Landes-Hochheit hergeleitet hat, dieses Thomasiſche System verlassen, und sich zu denen gewendet, welche das Jus Collegiale annehmen pag. 376.

(f) Es ist die Frage entstanden, ob ein Fürst bey der Uebung des Juris circa liturgiam die Geiſtlichkeit zu fragen habe? Herr Böhmer untersucht diese Frage, und beschreiet den Carpzov, so es bejahet loc. cit.

(g) Loc. cit.

(h) Loc. cit. pag. 376. & seq.

(i) Dissert. de jur. liturg. §. 21.

tur (k). Quibus autem argumentis uterque suum Systema sustulciat, infra videbimus.

De historia Interea in historiam & originem *Juris liturgici* inquiremus. Ite-
Et origine rum historiam hanc aliter dilucidant Protestantes; & aliter Catholici.
Juris litur- Ex Protestantibus duos audiamus, Moshemium (l), & Boechmerum
gici quam (m): Ille totam Historiam paucis absolvit: hic fusiori calamo illam
aliter Catho- prosequitur. Moshemius haud inficiatur, quod illius origo a Christo &
lici, Et aliter Apostolis sit derivanda, & Apostoli *Jus liturgicum* exercuerint. In
discurrant. hanc rem provocat ad Apostolum Paulum, de quo ex Scripturis liquet,
Moshemius quod varias regulas in cultu publico & conventibus Christianorum ob-
illam ad servandas præscripserit (n). Postquam vero Apostoli certum quem-
tempora dam ordinem instituerunt, jus liturgicum transit ad cœtus fidelium:
Christi Et cum id juris sit in omni Societate aequali, ut ipse cœtus sibi præscribat
Apostolorum ordinem & normam in suis conventibus & rebus agendis observandam,
refert, Et dummodo ipsa Religio, illiusque leges fundamentales alium ordinem
jus litur- non constituerint, a quo ex notis principiis recedere nefas foret. Hoc
gicum ad- vero tempore Clerici cœtui proponenda circa cultum divinum propone-
scribit Apo- bant, cum plebe consilia inibant, & quidquid plebi placuerat, in vim
stolis. ordinationis ecclesiasticæ assurgebat. Ex quo autem factum est, ut
Transit ad cœtus Christiani in majores societates coalescerent, super rebus litur-
cætus. gicis innumeræ controversiæ, litesque oriebantur: dum & Episcopi,
Innumeræ & earum Ecclesiæ suis ritibus tenacissime inhærentes aut suos aliis ob-
desuper orta trudere volebant, aut aliarum Ecclesiarum liturgias recipere recusa-
controver- bant (o). Sæculo IV. Episcopi *jus liturgicum* arripuerunt: non tamen
fiæ, illudque sine consensu plebis exercuerunt. Sæculo VIII. Romani Pontifices sibi
Episcopi Et illud vindicare attentarunt, donec Reformatores illud e manibus
dein Pontifi- tam Pontificum, quam Episcoporum extorserint, illudque in Principes
ces sibi vin- territoriales transfulerint, qui jam exercitium hujus juris collegialis in
dicarunt. se susceperunt, & in hodiernam usque diem plerumque multa cum cau-
Reformato- tula & circumspectione exercent: licet hinc inde Principes in exercitio
res in Princi- hujus juris collegialis excedere, & plebem ab omni voto etiam *negativo*.
pes illud (p).
transtule-
runt, a qui-
buz cum ex-

(k) Decif. 113. n. 8.

(l) Von dem geistlichen Rechte, cap. 2.

(m) Dissert. de jur. liturg.

(n) Vid. epist. I. Pauli ad Corinth. cap. XI. & alibi.

(o) Id probat controversia super celebratione Paschatis oborta inter Patres Asia-
 ticos & Romanum Pontificem.

(p) excludere consueverint. Utrum autem, & quomodo Princeps *cessu exerca-*
cum, vel sine consensu jus *liturgicum collegiale* exercere possit, infra extur.
Moslemio contra Boehmerum disputante audiemus.

Multo fusior in explicanda origine & historia Juris liturgici est Boehmerus. Hic ergo primitus originem rituum, formularum, ceremoniarum, & liturgiarum; postea ipsius Juris liturgici inquit. Quoad Originem ipsarum liturgiarum offendit, cultum divinum primis temporibus fuisse simplicissimum, & ipsas regulas illius directrices fuisse & paucas, & admodum simplices; neque alias, quam simpliciter erant necessariae ad conservandum aliquem ordinem in cultu publico, qualis in omni Societate ad conservandam integritatem ipsius corporis (q); neque primos Christianos ullam liturgiam conceptis verbis constantem, adstrictamque certis formulis habuisse (r).

Postea inquit in causas, quibus factum est, ut ritus, ceremoniae, & formulae mirum in modum fuerint multiplicatae: & tales assert duas praecipue, quarum prima est, quod primis Christianis conducibile ad rem christianam promovendam visum fuerit imitari mores Judaeorum, & ritus tum ex Judaica, tum ex gentilium religione assumere: alteram depromit ex corrupto statu Ecclesiae: siquidem Christiani deposito interno cultu, & a virtute primaeva desciscentes, ambitione, & superbia inflati jam tunc ingentem vim sui cultus in externo ceremoniarum apparatu collocare consueverunt, & procul dubio ad *Decorum publicum*, quod in statu etiam politico vel maxime attenditur, & praecipua ferme causa est, quod talis tantusque ceremoniarum apparatus plerumque inanis, vanus & sumptuosus in aulis Principum introducatur, respexerunt (s).

Quoniam vero in primis Ecclesiae saeculis universale quoddam ca-
put defuit, quod uniformem liturgiam praescriberet, cum nondum Ec-
clesia

N 2

Pro diversitate Ecclesiarum diversae ceremoniae.

(p) Hier merken wir nur so viel, daß derjenige, der einem andern die Verwaltung seiner Rechte überläßt, das Votum negativum behalten müsse, es seye denn, daß er sich dessen begeben, und daß in dem letzten Falle derjenige, so es behauptet, den Erweis führen müsse. pag. 378.

(q) Negari nequit, ordinem quemdam cum externa honestate conjunctum juxta monitum Pauli in sacris christianis observatum fuisse; verum non alium, quam quem collegia hujusmodi requirunt, ne propter incompositam multitudinem ordine posthabito, cultus sacer variis impedimentis involveretur. In Dissert. de Jur. liturg. §. 13.

(r) Loc. cit. §. 15.

(s) Loc. cit. §. 17.

clesia in illam Reipublicæ & Hierarchiæ formam fuerit composita, necessario pro diversitate Ecclesiarum diversæ quoque ceremoniæ, ritusque fuere introducti. Fuere tamen quidam etiam ritus *universales* vel ab Apostolis commendati; vel ex moribus & institutis Synagogæ Judicæ retenti, veluti *manuum impositio, ritus precandi versus orientem*. Accedit, quod, cum suus cujuscunque reipublicæ sit *mos, consuetudo*, ac *decorum*, fieri non potuerit, quin pro diversitate Ecclesiarum ritus quoque vel noviter introducti, vel aliunde recepti variarent. En! originem liturgiarum.

Ritus debent esse liberi in omni Ecclesia.

Jam Boehmerus ad *Jus liturgicum* transitum facit, atque ut sibi viam planiorem ad *jus liturgicum* dilucidandum sterneret, illud præprimis animadvertit, quod ritus & ceremoniæ in omni Republica & Societate sint & debeant esse liberi, & indifferentes: quin una gens alteri, una Societas alteri suum *Decorum publicum* obtrudere; aut vitio vertere possit, si se haud accomodet ad decorum, & mores a se receptos: & eo ipso diversitas rituum in Ecclesiis unitatem in fide & spiritu, quo colligatæ esse debent, tollere non debuisset. Ast aliter sane contigit: nam inde factum est, ut Ecclesiæ, quæ magis cultum elegantem, formularium, & externa pompa præfulgentem, quam in simplicitate fidei constantem habere malebant, varias leges ceremoniales acceperint, aut etiam moribus hætenus ex libertate christiana observatis vim legis perpetuæ attribuerint. Ex his vero innumeræ oriebantur lites & controversiæ, jamque non tantum de articulis fidei, qui suam decisionem ex Scriptura habent; sed etiam de adiaphoris & arbitrariis mirum in modum contende-batur. Hujus rei exemplum præbet ferventissima disputatio inter Episcopos Orientis & Occidentis de celebrando Paschate: utraque pars ad traditionem & observantiam provocabat: Victor Romanus Præsul Traditionem apostolicam; Orientales perpetuam observantiam, quam Apostolo Joanni ferebant acceptam, allegabant.

Exinde innumera controversiæ circa adiaphora.

Exemplum in controversia de Paschate.

Jus liturgicum primordialiter ad consuetudines referendum.

Apostoli ritus a se institutos vel ordinatos non in vim legis statuerunt.

Ex his jam infert Boehmerus, quod cum similes controversiæ de rebus liturgicis ex Scriptura decidi non potuerint, necessario ad aliud fundamentum confugiendum fuerit, ex quo decisio illarum hauriri posset, scilicet ad jus quoddam vel ex observantia perpetua, vel ex traditione deductum; atque adeo jus liturgicum ut plurimum ex consuetudine singularum ecclesiarum profluxisse; non vero certis legibus fuisse determinatum: Neque enim ulla ratione ostendi potest, quod Apostoli liturgias, ritus & ceremonias, quas vel ipsi per se, vel per Presbyteros a se in ecclesiis constitutos eum in finem ordinarunt, utin cultu divino decens ordo observaretur, per modum legis obtruserint. Quidquid ergo ordina-

runt

runt Apostoli, non in vim legis, sed meri consilii statuerunt, in quem sensum intelligendum est illud Pauli (t) : *Cætera, cum venero, disponam.* Quædam retinuerunt ex more Judaico & Decoro e. g. impositionem manuum apud Judæos frequentissimam, osculum pacis Orientalibus usitatissimum; quædam alia libere libertate a Christo sibi concessa utentes ordinarunt, relicta apud ecclesias libertate ea retinendi, vel pro rerum & temporum circumstantiis alterandi, immutandi, *Ecclesiæ suæ abrogandi.* Itaque jugum servitutis, quod nec Christus nec Apostoli *ponte ritus in vim legis acceptarunt;* ecclesiis imponere voluerunt, ipsi homines sibi imposuerunt, dum de ritibus & formulis disceptarunt, & mores antiquos instar legis acceptarunt. Primitus ergo in rebus liturgicis & disciplinariis mores & observantiæ vim legis habuerunt: successu temporis vero, ubi Synodi *Synodi generales & particulares* partiales primum, dein etiam generales frequentius celebrari inceperunt, ipsis Episcopis ad ceremonias propendentibus, varia ad liturgiam spectantia sub colore Disciplinæ ecclesiasticæ determinata, & legibus Synodorum scriptis sunt imperata. Inde factum est, ut jam *Et in his Episcopis jus liturgicum sibi attribuerunt.* *Jus liturgicum* non ex moribus & consuetudinibus duntaxat, verum etiam ex ordinationibus Synodorum constaret. Hujusmodi ordinationes conciliares occurrunt jam in Concilio Eliberitano, in quo statutum legitur, *ne pñcturæ in ecclesiis fierent* (u) : Item varia alia circa celebrationem Pentecostes statuta leguntur (x), ita quidem, ut nota hæreseos aspergatur illis, qui non eodem modo dies Pentecostes celebraverint. In Concilio Nicæno etiam non nulla huc pertinentia fuere statuta : sic in can. ult. prohibitum, ne die dominico, & diebus Pentecostes genua flecterentur; sed ut omnes stantes ad DEUM orationes persolverent.

Hoc tamen tempore nondum in præscribendis rebus liturgicis auctoritas & consensus Pontificis desiderabatur: id quod vel sola controversia de celebrando Paschate tanta animorum contentione inter Patres Asiaticos, & Romanum Pontificem agitata commonstrat. Esto enim Victor Romanus suam auctoritatem interposuerit, neutiquam tamen Asiatici eidem acquieverunt. Illud negari non potest, quod hinc inde liturgiæ Ecclesiarum principalium, inter quas Romana eminebat, ad alias Ecclesias diffluxerint (y). Verum nulla necessitate cogente id fa-

N 3

ctum

(t) 1. Cor. II. v. 34.

(u) Cap. 36.

(x) Cap. 43.

(y) Nam, ut ait Irenæus lib. 3. cap. 3. *ad hanc Ecclesiam (nempe Romanam) propter principatitatem necesse est omnem convenire Ecclesiam, hoc est, eos, qui*

etiam est: libere sane fuerunt receptæ; neutiquam recipi debuerunt (z).

Jus liturgicum transiit ad Pontifices tempore Innocentii I.

Pontifices novas liturgias introduxerunt, præcipue Gregor. M.

Libri liturgici compositi. Gregorius VII. liturgiam Romanam in plures Ecclesias introduxit.

Systēma Boehmerianum de origine Juris liturgici in compendio refertur.

Tandem vero Jus liturgicum ad Pontificem transiit. Initia hujus rei refundit Boehmerus ad tempora Innocentii I., qui indigne ferens summam Ecclesiarum in rebus liturgicis diversitatem, statuit, ut posthac norma liturgica a Romana Ecclesia petatur (a). Et quoniam jam eo tempore auctoritas Romani Pontificis in dies majora incrementa acceperat, plures Ecclesiæ minores & majores se se ritibus Ecclesiæ Romanæ conformare inceperunt. Ipsi Pontifices dein liturgiis tum noviter introducendis, tum reformandis omnem impenderunt operam, inter quos eminet Gregorius M., cui haud pauci Authores adscribunt novam liturgiam, canonem Missæ, reformationem liturgiæ Gelasianæ, litanias solenniores seu litaniam septiformem, stationes, antiphonas Gregorianas, reformationem cantus in meliorem formam. Ab hoc tempore jam libri liturgici confecti, res liturgiæ singulari industria collectæ, & ritus ecclesiastici mirum in modum multiplicati (b). Eo demum rem deduxit Gregorius VII., ut Hispani & Galli liturgias suas speciales contemptim habuerint, & Romanam una cum Germanis receperint (c). Quid in Concilio Trident. actum fuerit, & Pius V. circa reformationem & correctionem Missæ statuerit, & ex post factum sit, aliunde scimus (d).

Ut jam rem totam in compendio demus. Boehmerus originem Juris liturgici petit a moribus antiquis, antiquitus neutiquam vim legis habentibus; sed liberrime ex motivo *Decori* potissimum assumptis, & controversiis hinc inde in Ecclesia circa res disciplinares obortis, ex quibus factum est, ut jam mores antea liberi vim legis obtinuerint. Postea Synodi particulares Jus liturgicum exercuerunt, variasque leges liturgicas statuerunt, & tandem Pontifices illud sibi vindicarunt, & ad tempora usque reformationis usurparunt.

Jam

qui sunt undique fideles, in qua semper ab his, qui sunt undique, conservata est ea, quæ ab Apostolis est, traditio.

(z) Boehmer loc. cit. §. 34.

(a) Epist. r. ad Docentium Episc. Eugubinum, quam citat Boehmerus, & quæ omnino legi meretur. (b) Vid. supra dicta de liturgia Greg. M.

(c) Etiam de his supra egimus.

(d) Nempe illius Jussu prodit Missale Romanum, Clementis VIII. & Urbani VIII. auctoritate recognitum.

Jam ad tempora reformationis transit Boehmerus, & telum suae Historiae ad nostra usque tempora profequitur: ubi immensam rerum confusionem quoad res liturgicas reformandas, abolendas & retinendas tempore Lutheri obortam fusius recenset: primitus quidem diversa Lutheri & Melancthonis studia explanat: Illum excellivi fervoris; istum nimiae timiditatis reum facit, sed nec acquisitissima gravamina, & praecipue querelas Caroli V. in Recessu Imper. August. de anno 1530. contra attentata Lutheri, illiusque Assellarum, singulariter contra Theologos Lutheranos liberiori calamo describere veretur, utpote qui omnis christianae prudentiae regulis omnia in liturgicis turbare, fusque deque vertere, ritus laudabiles abolere, & insolitos introducere non reformidabant. Queritur Carolus V., quod eorum aliqui integram liturgiam sacrificii Missae expunxerint; alii varias liturgias aboleverint, cantilenas in honorem B. V. & Sanctorum compositas tanquam scandalosas damnaverint, ritus baptismi mutaverint, infantes laicis potius quam Clericis baptizandos obtulerint, morientibus Sacramenta denegerint, sacras Christi, B. V. & Sanctorum imagines comminuerint, combusserint, & in eas tyrannorum instar debacchati fuerint. Juvat haec ex Recessu Imperii Augustano de anno 1530., sermone Germanico, prout ea recenset Boehmerus, in medium proferre:

De jure liturgico a tempore reformationis.

Diversa Lutheranorum studia.

Querela Caroli V. contra Reformatores.

Excessus Lutheranorum.

Etliche haben das Amt der Heil. Mess gar abgethan, und geprediget, daß die Mess die höchste Gottslästerung sey. Et §. 15. Etliche haben die Messe nicht gar abgethan, aber darinn eine sondere Aenderung wider die lange Gebräuche, Ordnungen und Satzungen gemeiner Christlichen Kirchen von neuem ihres Gefallens aufgesetzt. Desgleichen die gewöhnliche Gesänge von der Mutter Gottes, so von den lieben heiligen Vätern zu der Ehre Gottes und Andacht der Menschen gemacht, und in der gemeinen Christlichen Kirche gemeiniglich und gleichförmig geordnet, gesetzt, und gehalten worden sind, als ärgerlich und unchristlich abgethan, und doch an derselben statt andere Gesänge ihres Gefallens gemacht. Da bey haben etliche die löbliche Christliche Ordnung und Gebeth, welche bey der Tauf gehalten seyn, abgethan, und andere gemacht. & §. 17. Etliche gebrauchen gar kein Gebeth, Ceremonien, lassen auch ihre Kinder nicht durch die Priester, sondern auch durch einen jeglichen Layen, Manns oder Weibs-Person ausserhalb der Noth taufen. §. 18. Etliche haben die Kinder nicht firmen, noch den sterbenden Menschen das Sacrament der

der Delung reichen lassen §. 19. Etliche haben die Bildniß unsers Eeligmachers Christi, desgleichen seiner hochgelobten Mutter Maria und der lieben Heiligen, so eine lange Zeit her dem Christlichen Volk zu Erinnerung und Gedächtniß Christlich gehalten worden sind, zerschlagen, verbrennt, und unmenslich gewüthet. §. 24. Etliche haben bey den Stiftern, Pfarren, und andern Pfründten die löblichen Christlichen Ceremonien und Gebräuche abgeschafft, oder in Abnehmen kommen lassen, und andere unchristliche Ordnung ihres eigenen Willens, Gewalts, und Gefallens aufgesetzt. §. 36. Aus solchem allem nichts Gutes, sondern mehr folget, daß die andern gemeiner Kirche hergebrachte Übung verachtet, alle Ehrbarkeit in ihren Predigten geschändet, gelästert, die frommen einfältige Leute und Layen gegen einander verhehet, auch sonstien allerhand Leichtfertigkeit davon entstanden, die verführige, und hieror verworfen, und verdamnte Lehre überhand genommen, viel verführische Irrsal unter dem gemeinen Volk erwachsen, alle wahrhaftige Andacht erloschen, und zuletzt dahin gereicht, daß alle Christliche Ehre, Zucht, Tugend, Gebet, Gottesforcht, Ehrbarkeit und Christlicher Lebens-Wandel und Leben, auch die wahre Liebe des Nächsten in Abfall kommen.

Pessimi fructus ex abolitione rituum.

En tyrannidem Protestantiorum in res sacras! En fructus exinde pullulantes! qui alii non sunt, nisi libertas vitæ, laxitas morum, excidium virtutum, exterminatio pietatis, impietas, dissidia, odia, tumultus, & siquid deterius dici vel cogitari potest. Tandem subjun- git Imperator, ritus omnes & liturgias antiquas esse retinendas.

Prohibitio Caroli V. frustranea.

Verum nihil profecit hæc Caroli V. prohibitio: in dies malum augebatur, Theologi potissimum in rebus liturgicis reformandis omne suum studium collocaverunt, resque Imperii publicas mirum in modum turbarent, ut demum de pace ineunda, & dissidiis componendis cogitandum fuerit. Et certe inita fuit *Pax Religionis* dicta, & in comitiis Imperii subsequenter confirmata.

Pax religionis inita.

Bellum Smalcaldicum.

Sed nec hac ratione consultum fuit: quin potius res in apertam flammam & bellum Smalcaldicum erupit. In ipso fœdere Smalcaldico agebatur de rebus liturgicis, & tandem concludebatur, ab articulis in confessione Augustana propugnatis recedi non posse; interim de *adiapho-*

Diversa Lutherianorum

ris non odiose esse pugnandum. Haud displicuit id consilii Melanctoni. Verum enim vero dissensiones internæ, diversa Theologorum studia, im-

ma-

maturum reformandi studium, odia occulta animos Lutheranorum in-^{studia, lites,} ter se collisfos tenebant, impediabantque, quo minus scopum a se in-^{disidia,} tentum assequi potuerint. Accesserunt fata Carlstadiana, dum Lu-^{jurgia.} therus & Carlstadius inter se collidebantur. Ambo ab ipso Boehmero ^{Fata Carl-} excessivi fervoris, & intempestivi caloris rei aguntur. Atque hæc in-^{stadiana.} faustæ inimicitiae non parum, ut ait cit. Author, opus reformationis quoad liturgica turbaverat.

Exacto bello Smalcaldico novum coortum est bellum theologicum. Adia-^{Bellum A-} phoristicum dictum, occasione ^{formulae interimisticae} jussu Caroli V. compo-^{diaphoristi-} sitæ, quam an. 1548. Statibus Imperii in Comitibus sub titulo ^{cum occasio-} declarationis reli-^{ne formulae} gionis interimisticae, & provisionalis eum in finem proposuit, ut interna unio ^{interimisti-} religionis inter Status reduceretur, donec in concilio oecumenico lites ^{ca.} deciderentur. Et en! novum iterum bellum, dum de illius receptione vehementer inter Theologos concertabatur. Bellum istud fufius recen-^{Odium Lu-} set Boehmerus (e). Accessit odium Lutheranorum contra Reformatos: dum enim Reformatores plane in reformandis liturgicis excedebant, ^{theranorum} Lutheranii in illorum odium plures ritus ab ipso Luthero reprobatos reti-^{contra Re-} nuerunt (f). Neque tantum in Germania nostra de liturgicis ritibus ^{formatos.} concertatum fuit; sed vel maxime in Anglia, dum quidam communiter ^{Puritani} dicti omnia ad primævum & purissimum Ecclesiæ primitivæ statum revocare contendebant; alii plures ritus retinendos exultima-^{ban.} bant. En! Historiam *Juris liturgici* a Boehmero descriptam.

Paulo aliter originem liturgiarum, vel potius *Juris liturgici* deter-^{Origo litur-} minant Catholici. Primus qui jus liturgicum pro suprema sua potesta-^{giarum &} te exercuit, fuit Christus, cui in acceptis referimus formas & ritus sub-^{Juris liturgi-} stantiales Sacramentorum. Eodem jure usi sunt Apostoli, a quibus ha-^{ci secundum} bemus liturgias & ritus quosdam substantiales, quos determinarunt ^{mentem Ca-} thelicorum. qua *Ministri Christi* e.g. *impositionem manuum*; quosdam etiam indiffe-^{Ritibus a} rentes e.g. convivia charitatis, osculum pacis &c. Hisce postea in hæ-^{Christo &} ferunt Ecclesiæ, earumque Episcopi. Inde factum est, quod toties in ^{Apostolis in-} traditionem antiquam veluti normam regulativam provocaverint e.g. ^{situtus in hæ-} *in* ^{sa Eccle-}

(e) Loc. cit. §. 46.

(f) *Utrinq; tantis animorum concertationibus assumptis, ut propter talia interna diffidia primario res liturgicas concernentia plurima intacta relicta sint, atque inde forsitan profuxerit, quod ceremonia & ritus hodie in ecclesiis Protestantium alicubi quidem in magna abundantia; alicubi vero rarius appareant.* cit. Auth. §. 46.

*ſæ. inde or-
ta traditio.* in quæſtionibus de reiterando baptiſmo ab hæreticis collato, de tem-
pore celebrandi Paſchatis. Idcirco non contradicimus ex integro Boeh-
mero, qui liturgias primordialiter ad conſuetudines & mores reducit :
Id ſolummodo conſtanter abnuimus, quod omnes liturgiæ primordialiter
ex moribus profluxerint. A tempore Apoſtolorum juſ determinan-
di ritus & formulas exercuerunt Epifcopi pro ſuis Eccleſiis, illo potiſſi-
mo ævo, quo Eccleſia nondum in hodiernam formam coaluit, & ho-
dierna Hierarchia eccleſiaſtica in tot gradus Clericorum diſtincta nondum
invaluit, & Epifcopi pleniori jure utentes nulli Metropolitæ, Exarcho,
vel Patriarchæ plene erant ſubjecti. Jam circa finem Sæculi III. juſ li-
urgicum exercebatur in Synodis particularibus (g); Sæculo dein IV.
in Synodis generalibus (h). Sæculis ſequioribus Epifcopi coeperunt
ſuas liturgias ad rationem & exemplar Eccleſiæ Metropoliticæ confor-
mare, donec hæc conſuetudo in legem tranſierit, ut idem ordo, eadem
liturgia in omnibus Eccleſiis obſervaretur. Hanc in rem aſſert Bingham-
ius varias Synodos tam Gallicanas, quam Anglicanas (i). Interim
aſſerere non auderem, quod Epifcopi ſuum juſ liturgicum amiſerint,
aut non amplius exercuerint, aut in omnibus ſuis formulis & ritibus ſe
ſe liturgiæ Eccleſiarum Metropoliticarum conformaverint : nam in variis
eccleſiis adhuc varios obtinuiffe ritus, hiſtoriæ rerum liturgicarum
evidenter commonſtrant. Idcirco id intelligimus de liturgiis principa-
lioribus, quales fuere Ambroſiana, Chryſoſtomiana, aut illis, quæ
ab integra Natione ſuum nomen traxerunt uti Gallicana, Hispanica &c.
Quoad Pontifices neſcitum eſt dubitandum, quod penes ipſos juſ li-
urgicum eminentius reſederit, etſi illud exercere, & ſuas liturgias
cæteris Eccleſiis obtrudere œconomix cauſa noluerint. Iterum refle-
ctamus ad controverſias inter Africanos & Stephanum, Aſiaticos & Vi-
ctorem tantopere agitataſ. Nunquid ambo hi Pontifices illorum & do-
gmati, & diſciplinæ, ſaltem uti credere videbantur, ſe vehementer
oppoſuerunt, licet Africani & Aſiatici conatibus Pontificum cedere no-
luerint ? Subſequentibus temporibus Pontifices ſuum hoc juſ plenius
exercuiſſe ex ipſis hiſtoriis a Boehmero relatis conſtat.

*ſæc. III.
Synodi par-
ticulares, &
ſæc. IV.
generales.*
*Eccleſiæ Ep-
iſcopales ſe
in ritibus
conformave-
runt Eccleſiis
Metropolitici-
cis.*

*Diſta ſunt
intelligenda
de liturgiis
principalio-
ribus.*

*Pontifices
juſ liturgi-
cum cum
eminen-
tia exerce-
runt.*

*Ad quem
pertineat juſ
liturgicum
ex jure divi-
no ?* Jam ad ipſum *Juſ liturgicum* faciamus tranſitum, &, ad quem il-
luſ ex inſtitutione divina pertineat, diſpiciamus. Recolaſus memo-
ria, quæ ſupra de Syſtemate Moſlemiano & Boehmeriano diximus.
Ambo

(g) E. g. in Concil. Eliberitano.

(h) In Concil. Nicæno I.

(i) Orig. Eccleſ. lib. 13. cap. 5. §. 2. e. g. Agathenſe, Epæonenſe, Gerundenſe, Toletanum, Bracarenſe &c.

Ambo in eo conveniunt, quod jus liturgicum ipsi Ecclesiae coetui ad-
scribant. In eo differunt, quod Boehmerus Principi *jus liturgicum* illi-
mitatum, a consensu Ecclesiae seu plebis prorsus independents, vindicet; Moshemii
hic inter *Jus liturgicum*, & *circa liturgiam* distinguat; illud ad consen-
sum plebis restringat, istud vero in rebus liturgicis eatenus subintrare ex-
istimet, quatenus id salus Reipublicae exigit e. g. si ex nova ceremo-
niarum introductione, vel antiquarum abolitione tumultus fiant in po-
pulo, oriantur dissensiones animorum, dissidia inter Doctores, vel ex-
cessivi sumptus profundantur in usus ecclesiasticos e. g. in ornatum ec-
clesiarum, aut cultum divinum externum solennius perfolvendum (k).
Hæc Moshemii doctrina parum abludit a doctrina Catholicorum quo-
rundam, qui Principibus Catholicis *Placitum regum* vindicant, illius-
que usum in tantum approbant in legibus ecclesiasticis cum statu politico
connexis, in quantum Principum est invigilare, ne in bonum politicum
impingant.

Utriusque argumenta, quibus jus liturgicum ipsi coetui Ecclesiae
adscribunt, fundantur in systemate, quod sibi de conceptu Ecclesiae
noviter fabricarunt: dum illam ad infima collegii simplicis subsellia de-
truserunt, & originaliter *jus in sacra* plebi adscripserunt. Quapropter su-
pervacaneum esse duximus illa iterum de novo proferre in medium, ut
pote quæ alibi plenius consutavimus. Quædam ex Boehmero præter-
mittere non possumus. Provocat ille ad conventus Apostolorum, in
quibus omnia communi agebantur consilio; ad coetus fidelium, in qui-
bus Seniores & Presbyteri dirigebant negotia Ecclesiae; ad ipsum Pres-
byterium Seniorum, qui plebem repræsentabant, adeoque non nomi-
ne proprio & independentes, sed ministeriali & repræsentativo di-
sponebant rem liturgicam eum in finem, ut omnia cum debito ordine,
decenter & cum decore peragerentur, usque dum Episcopi cristas ere-
xerunt, Presbyterorum auctoritatem suppresserunt, seque ipsos velu-
ti Plenipotentarios effecerunt.

O 2

Sub

- (k) Exemplum dat Moshemius dicens: Befehl eine Gemeinde habe den Gebrauch
viele Wächter-Lichter während Gottesdienst anzuzünden. Dieselben aber wären
angemein kostbar, und es würden jährlich viele tausend Thaler für dergleichen
Lichter außer Landes geschickt: so hat die Obrigkeit Macht, das Recht der Kirche
Lichter bei dem Gottesdienste zu brennen, zum Vortheile des Staats zu dirigiren.
Succine major debetur honos hominibus quam DEO? quot miliones profun-
dantur in luxum Principum, & pro majori DEI honore vix lumen accen-
dere licet!

Sub Imperatoribus christianis potestas Episcoporum in dies magis crevit: libertas plebis deliquitum passa, auctoritas Presbyterorum ferme suppressa fuit. Constantinus M., alique Imperatores in suo jure exercendo segniores, & potius Executores & Ministri voluntatis Episcoporum, quam Imperantes fuerunt, quin imo illorum potestati novum somentum suppeditarunt. Ita rem refert Boehmer (1).

*Quomodo
Boehmerus
probet jus
liturgicum
Principi
competere?*

Propter plurimam incommoda.

Propter turbas & rixas.

Propter ambitionem Clericorum.

Qua arte jam Boehmerus *jus liturgicum* Principum; & contra *jus circa liturgiam* duntaxat vindicet Moshemius, videamus. Auspicemur a Boehmero: esto enim, inquit Boehmerus, *adornatio* liturgiarum primordialiter spectet ad quamlibet Ecclesiam, quia vero inde quamplurima incommoda in Rempublicam redundare valent, ex accedente hæc potestas vindicanda erit Principi. Id quod eo majori jure fieri potest, & debet: quod aliunde supremis Imperantibus competat inspectio generalis in omnia collegia, vi cujus, si animadvertunt, statuta collegiorum nociva esse Reipublicæ, vel graviore turbas ex rixis circa liturgica metuendas, omnino providere possunt, et debent, ut talia tollantur, mutantur, corrigantur, ita quidem, ut etiam nova statuta præscribere queant. Ad ipsum statum Ecclesiæ si oculos convertamus, nulla profecto Societas, quæ tot periculis, tumultibus & seditionibus patet, ac Societas sacra. Ipse hodiernæ Ecclesiæ status corruptissimus, ait Boehmerus, innumera dissidia, lites, & discordiæ circa adiaphora & liturgica, quæ nunquam non turbarunt rem ecclesiasticam; ambitio Clericorum, qui in rebus liturgicis pro suo genio & ingenio omnia ordinant, & in his ipsis suæ superbiæ & luxui litant, atque auctoritas apud plebem, quam facile in suas partes trahere possunt, e mentita quædam sanctitas, qua fideles ad nefcio quæ superstitiosa alliciunt, ipsa superstitio quæ se rebus sanctissimis frequenter immiscere solet, & homines ad cultum externum prorsus exorbitantem, vanum, inanem & ridiculum suavissima quadam vi pertrahit, hæc, inquam & plura alia, si in unum cumulum congerantur, quam non sunt apta ad concitandam plebem, ad excitandos tumultus, ad turbandam Rempublicam, & eo ipso suppeditant argumenta irrefragabilia ad inferendam absolutissimam necessitatem, ut *jus liturgicum* transferatur in Principes, quorum est providere necessitatibus publicis, pericula imminente avertere, tumultus præcavere, res adiaphoras in salutem Reipublicæ dirigere absque eo, quod subditorum consensus requiratur. Atque

(1) Loc. cit. §. 62. Pleraque sine fundamento sunt dicta, imo aperte falsa. vid. nostra Dissert. de statu Ecclesiæ.

Atque hæc præcipua sunt fundamenta, quibus Boehmerus suum Systema ipsis etiam Protestantibus, non illis duntaxat, qui inter jura *Majestatica & Collegialia* distinguunt, sed etiam Thomæanis odiosum & execrabile adornat.

Expendat, quæso, prudens Lector Boehmeri conquesta convitia in Clerum, in Ecclesiam, in Antistites. Hæc inprimis falsa sunt, & probari debent: aut si vera sint, quid probant? nempe omne etiam imperium politicum, omnemque religionem esse exterminandam; jamque de alia suprema potestate esse cogitandum, quæ supremos Imperantes coerceat, & in suo officio contineat: siquidem occasione imperii politici, & religionis fiunt tumultus publici, dissidia, seditiones in populo. Et quis res ecclesiasticas adeo turbavit, nisi Imperantes, utpote qui se rebus sanctissimis immiscuerunt, Episcopos suis juribus privarunt, & omnia sacra susque deque verterunt. Quam esserus, quam crudelis hic est Author in omnem pietatem christianam? Quidquid non est ad ipsius palatum, superstitiosum est, impium est. Contingit Ecclesiæ Præsulibus & Catholicis, quod Christo contigisse legimus, cujus opera etiam sanctissima Judæi sugillarunt: quare cum publicanis manducat Magister vester (m)?

Jam discipiamus, quibus argumentis Moshemius Boehmeri doctrinam expugnare contendat. In eo totus quantus est Moshemius, ut quibus Moshemius Boehmeri jura omnia confundat, Ecclesiæ suæ jura originaliter, ex jure naturæ saltem hypothetico competentia subvertat, ipsos fideles in turpissimam servitutem redigat, despotismum inducat, & Christianos Dominis territorialibus despotice subiectos faciat: cum enim ex doctrina Boehmeriana Ecclesia sit collegium hominum in ordine ad cultum divinum rite & decenter peragendum congregatorum, & in eadem doctrina participantium, sane hæc Societas facta ad instar aliorum collegiorum habet sua jura, habet suas libertates, tum ex jure naturæ, tum ex primæva institutione aut pactis libere initis sibi proprias, in quarum exercitio haud secus quam subditi in particulari, si suis libertatibus & juribus innocue, sine præjudicio, sine nocumeto Reipublicæ utantur, impediri non potest, nisi omnia jura subvertere, fidem pactorum exterminare, despotismum inducere, ferream servitutem hominibus imponere, & quidquid in omni Societate sacrum & sanctum est, tollere velimus. Nam ad naturam collegiorum si respiciamus, hæc sunt certæ societates, in quibus socii certum sibi finem

præfigunt, & ad hunc finem facilius consequendum sub certis conditionibus & pactis se Reipublicæ submitunt, illiusque assistentiam, tutelam & defensionem sibi stipulantur, ea tamen lege, ut ipsi determinare & seligere possint media ad suum finem opportuniora, quin Princeps ipsis invitis alia obtrudere valeat: nisi salus Reipublicæ exigat, & inde nocumentum in rempublicam redundet. Porro autem cum finis Societatis sacræ sit cultus divinus, & salus Ecclesiæ, necessario consequitur, quod ad Ecclesiam ipsam *jus liturgicum* seu jus determinandi ritus liturgicos tanquam jus collegiale pertineat: eo quod hi præcipuam partem cultus externi cum interno connexi constituent. Quam parum Princeps aliquid potest in conscientias hominum in materia Religionis, tam parum aliquid potest in rebus liturgicis, nisi salus Reipublicæ aliter jubeat, & fortassis ritus liturgici in præjudicium Reipublicæ vergant. Et nunquid ipse Boehmerus *Jus liturgicum* primordialiter asserit esse pe-

Finis Societatis sacræ est cultus divinus, & hoc ipso habet jus liturgicum.

Princeps impingit in omnia jura, si jus liturgicum sibi vindicat.

Jus Majestaticum inducit despotismum.

nes Ecclesiam? Idcirco in omnia jura naturalia & divina impingit Princeps, & vel despotismum vel tyrannidem exercet, si Christianis sua media ad colendum DEUM ordinata sine evidenti reipublicæ necessitate subtrahat, commutet, jus liturgicum sibi privative vindicet, & pro libitu leges novas condant, media alia sine ullo consensu præscribat & substituat (n). Quid ergo est, quaerit Moshemius, illa *Majestas*, illud *Jus Majestaticum*? Anne jus quoddam homines redigendi in servitutem, & inducendi despotismum? Edicat aliquis, undenam Principi jus prohibendi, ne, dum peraguntur divina, duo accendantur luminaria, aut interdicendi alia adiaphora ad statum politicum nihil facientia (o)?

Jus circaliturgiæ competit Principi.

Interim etiam Principi est suum jus in liturgicis, non quidem *liturgicum*, sed *circa liturgiam*. Determinare cultum pertinet ad Ecclesiam, invigilare autem, ne hic cultus impingat in bonum politicum, est Principis. Ex hoc vero non sequitur, quod Princeps pro suo arbitrio possit

(n) Allgemeines Kirchen-Recht cap. 3. pag. 470. & seq.

(o) Ein jedes Recht muß einen Titel haben. Was solle der Titel von diesem Rechte seyn? Die Majestät, die Landes-herrliche Hochheit? aber was ist diese? Ist sie das Recht Menschen zu Esclaven zu machen? Nein, sie ist das Recht die Handlungen der Unterthanen und Gesellschaften, die sich in einem Staate befinden, der Sicherheit und Wohlfart des Staates gemäß einzurichten. Man leite mir doch hieraus das Recht her, daß es von dem Willen des Fürsten abhänge, ob er leiden will, daß ein Paar Lichter auf dem Altare. während den Abendmahl brennen. pag. 470.

possit præscribere ritus, abolere antiquos, introducere novos: hoc enim sapit Despotismum, accedit ad tyrannidem, contrariatur legibus naturalibus & divinis. Rem exemplis illustrat Moshemius. Sic e. g. sunt Principi sua jura in familias, & res domesticas ac œconomicas familiarum, quatenus invigilare debet, ne œconomia subditorum vergat in præjudicium Reipublicæ. Nemotamen exinde inferet, Principi juse esse dirigendi, ordinandi, regendique œconomiam separatam suorum subditorum, e. g. præscribendi, quos & quot habere famulos conductitios, quibus vesci cibis, qualemque ordinem diurnum observare liceat (p). Huc pertinet exemplum supra allatum de duobus luminaribus. Contra demus ita moribus esse receptum, ut in conventibus ecclesiasticis accendatur ingens multitudo luminum, pro quibus comparandis ingens pecuniarum summa extra provinciam exportanda foret, utique in sententia saltem Moshemii, Principi jus foret hunc morem abolendi? Neutiquam, inquit laudatus auctor, Principi abnegamus *jus circa liturgias ex jure Majestatico* promanans: id solum negamus, quod se ad ritus adiaphoros, & indifferentes seu abolendos, seu introducendos extendat: eo quod unice ad felicitatem & securitatem publicam, quæ suprema lex esse debet, collimare debeat. Neque aliter homines suas actiones sublimiori potestati subjecisse existimandi sunt, nisi in quantum vel proficuæ, vel nocivæ esse possunt Reipublicæ, reservata sibi libertate cœteras suas actiones innocuas & indifferentes pro suo libitu exercendi (q). Idcirco *Sophisma Elenchi* committere videntur Moshemio Thomasi, alique Scriptores, qui jus liturgicum ex superioritate territoriali derivare contendunt, eosque crassæ ignorantiae arguit; eo quod Systema *Collegialistarum* non intelligant: Siquidem si ipsorum argumenta bene inspiciantur, vix aliud probare videntur,

-
- (p) Die Obrigkeit hat e. g. ein Recht über den Haus-Stand in dem Staate, und hat dahin zu sehen, daß die Haus-Väter ihre Haushaltung nicht zum Schaden des Staates führen. Allein aus diesem Recht folgt nicht, daß die Obrigkeit be-
fugt sey, in einem jeden Haus die Haushaltung selbst einzurichten, e. g. was die Haus-Väter für Gefinde halten, was er demselben zu essen geben solle &c.
pag. 68.
- (q) Die Menschen haben ihre Handlungen der Obrigkeit unterworfen, so fern dieselben dem Staate nützlich oder schädlich seyn können. In allen übrigen Handlungen, welche dem Staate gleichgiltig sind, haben die Unterthanen die Freyheit &c.
pag. 69.

dentur, quam quod ipsi Collegialistæ negare non audent (r). Id ut demonstret Moshemius, in vim argumenti assumit ipsum Boehmeri argumentum, quo ille jus liturgicum Principi vindicat, dum quaerit, *quo jure Princeps leges de rebus liturgicis ferre, & jus Ecclesiae eripere possit?* Nam respondet: *Propter incommoda in rempublicam redundantia inde satius metuenda, ut Princeps officium suum interponat, prout turba, tumultus & dissidia de rebus liturgicis orta docent.* Utique, exclamat Moshemius, id ipsum fatentur Collegialistæ, qui Principi nunquam denegarunt jus decidendi controversias occasione liturgiæ rempublicam turbantes. Interim hac ratione nondum demonstratum est, quod Principi competat *jus liturgicum*, quod est proprium Ecclesiae. In quam rem aliud aptissimum affert exemplum Moshemius: e.g. habet Princeps jus dirimendi lites inter conjuges, anne inde inferre licet: ergo ad ipsum pertinent omnia jura matrimonialia suorum subditorum? Pessima sane consequentia (s)!

*Aliud argumentum
Boehmeri
refutatur.*

Denique aliud argumentum Boehmerianum diluit Moshemius. Boehmerus Episcopos & Clericos accusat, quod jus liturgicum Ecclesiae pessime administraverint, & hoc ipso Principes omni jure illud e manibus Clericorum extorserint, sibi que appropriaverint. At vero infirmissimum esse hoc argumentum aptissimo exemplo ostendit Moshemius, dum dicit: *Ich habe einen Verwalter, der mein Gut, der meine Rechte schlecht verwaltet. Wächst daraus dem Fürsten die Macht zu, mir mein Eigenthum, mein Recht zu nehmen? Demum sic concludit Moshemius:*

Mit dem Rechte etwas zu verbieten, ist nicht so fort das Recht verbunden etwas anders an dessen Stelle zu gebieten. Hätten die Herren Rechtsgelehrten dieses bemerkt, daß mit dem Rechte zu verbieten, noch nicht das Recht etwas anders an dessen Stelle zu gebieten, verknüpft sey,

- (r) Diejenigen, welche das Jus liturgicum aus der Landes-Hoheit herleiten, begreifen das Sophisma elenchi, und indem sie diejenigen bestreiten, die der Kirche ein Jus liturgicum beplegen, legen sie sattsam an Tage, daß sie das System ihrer Gegner nicht verstehen. pag. 470.
- (s) Der Fürst hat das Recht die Händel, die zwischen Ebeuten entstehen, zu schlichten. Er hat also ein Jus circa matrimonium. Aber daraus folget nicht, daß er die Jura Matrimonialia seiner Untertanen habe. pag. 472.

sey, hätten sie das wahre Object des Fürstl. Rechts in Ansehung der Liturgie, als über welches nur gestritten wird, recht aus einander gesetzt, hätten sie genaue Grund-Sätze von der Macht des Fürsten überhaupt zum Grunde gelegt: so würden sie zugleich die Frage gründlicher beurtheilen haben, ob die Obrigkeit die Gottesgelehrten zu Rathe ziehen solle, wenn sie Kirchen-Gebäude reformiren will. So verworren sie von dem *Jure Principis circa liturgiam* reden, so viel Verwirrung beweisen sie auch in der Beantwortung dieser Frage (t).

Hilse addamus ea, quæ Pfaffius habet, & in hanc rem vel maxime facere videntur: Es fragt sich, wem das *Jus liturgicum*, das Recht Kirchen-Agenden, und Liturgien zu setzen, gebühre? Es ist offenbar, daß es ein Recht ist, das die Kirche hat, durch ihre Vorsteher gemeinschaftlich den öffentlichen Gottesdienst, die Kirchen-Agenda und Liturgien zu besorgen. Hat aber die Obrigkeit das Recht, so hat sie es als ein ihr anvertrautes Recht, und verwaltet es auch als ein Collegiale; nicht absolutum, zumal, da, wenn man auch schon die Kirchen-Agenda unter die Adiaphora rechnen wolte, man doch diefalls der libertati christianæ nichts präjudiciren könnte, um so mehr, als dieselbe eine so grosse Connection mit dem typo doctrinæ in Ecclesiis receptæ haben. Ehehin wurden die Liturgien per consuetudinem und durch Concilia eingeführt, nachhin hat der Pabst zu Rom sich das *Jus liturgicum* zugeschrieben. Unsere Kirchen-Agenda sind von Anfang der Reformation von den Theologis, doch mit Approbation, und unter der Authorität der Obrigkeit errichtet worden. Doch hat eben die Obrigkeit als Obrigkeit in das *Jus liturgicum* nicht die Hand einzuschlagen, als nur in dem Falle, wenn sie, wie gesagt, das *Jus collegiale circa sacra* besitzet, oder turba diefalls in den Gemeinen entstehen, denen sie vorbeugen muß. Das ist aber mehr ein *Jus positivum*, als *negativum* (u).

Hoc argumenti genus fufius tractat Pfaffius in suo *Jure Ecclesiastico*, ubi multa ad rem Catholicam juvanda, mirumque in modum illustranda; nec non ad restringendum, coercendumque *Jus Majestaticum* cum

(t) Pag. 473.

Juris Eccles. Tom. II.

(u) Academ. Reden. cap. 15. §. 6.

cum enormi excessu ultra suos fines extensum aptissima & opportunissima assert (x). Dilucidat inprimis quæstionem juris, ad quem præcise *jus liturgicum* pertineat? Et concludit, esse partem *Juris sacrorum*, pertinere ad summum Principem; non esse *jus sacrorum absolutum*, sed *collegiale*. Juvat illius verba etsi prolixiora adducere: *Nec tamen est Jus sacrorum absolutum. Jam enim, hoc si foret, Princeps qua talis posset subditis suis religionem imponere, & injungere, quamcunque vellet. Id quod, uti quisvis videt, manifestam in conscientias tyrannidein, manifestam Casaropapiam involveret. Cautè itaque procedendum, dicendumque est, esse hoc jus collegiale. Postea recenset historiam juris liturgici, quomodo illud resederit penes Ecclesiam, illud exercuerint Apostoli; postea ad Episcopos, & Synodos fuerit devolutum; exinde a Pontificibus vindicatum; & denique propter abusus, superstitiones, & corruptiones a Reformatoribus exercitum, ita tamen, ut Theologi primum *Agenda ecclesiastica* conficerent; Principes autem ita exigente negotii indole, & natura auctoritatem rebus affunderent. Pergit, & jus istud esse collegiale sequentibus demonstrat: Hoc certum est, Ecclesiam, quatenus collegium constituit, posse quædam determinare, quæ ad finem ei propositum spectant. Huc quoque pertinet ordo in liturgia observandus, sicuti etiam hunc primitivæ pro arbitrio per modam patris Ecclesiæ determinarunt, unde tanta diversitas rerum liturgicarum sive rituum orta est. Sed paulatim Episcopi jura Ecclesiæ competentia sibi vindicarunt. Cum vero Imperantes inspectionem in omnes Ecclesias habeant, & præcavere debeant, ne imperium sacrum in his collegiis exstruatur, suo jure agunt, si jus determinandi res liturgicas sibi vindicant, quando ex circumstantiis apparet, Ecclesias sua libertate abuti. Post hæc moderamen subjungit, & pergit his verbis: Ex quibus verbis id concluderis, tum denuum Magistratui licere, jura liturgica ut exerceat, si Ecclesiæ illa male administrant. Id autem licere ex alio auctore ita ostendit: Status Ecclesiarum satis corruptus est, ut facile tumultus & turbæ inde oriri possint, si hodie adhuc eadem libertas concederetur. Trahitur populus superstitione, ritibus sæpe inanibus tenaciter inhæret, adeoque vix patitur, ut novi ritus instituantur. Ob hujusmodi causas salus Reipublicæ postulatur, ut Princeps liturgicas res adornet, & determiuet. Sed nec huic rationi ex omni parte fidei Pfaffius, quare notanter subdit: Quamvis autem hoc ita se habeat, patet tamen ex ipsa negotii laus indole, Principem jus liturgicum non ex mero arbitrio suo administrare debere: id enim tyrannidem ecclesiasticam involveret; sed ita, ut Religio, quam Ecclesia, in qua liturgia*

(x) Cap. 7. de liturgiis, confessionibus publicis, precibus &c.

liturgia determinatur, proficitur, exigit & postulat. Restrictum itaque est *JUS LITURGICUM* cum eo ipso, quod collegiale est, licet ex superioritate Territoriali simul fiat (y). Ex his jam manifestum est, Placitum *Etiam Pjaf-* cum Moshemio quoad substantialia convenire, Jus liturgicum ex illius *fusus jus li-* opinione potius esse collegiale quam Majestaticum, plures e Protestantibus *turgicum re-* in hac materia graviter hallucinari, ipsos Principes in usu sui juris *fert ad jura* gravissime excedere; Principibus vero Catholicis suo jure Placiti regii *collegialia,* cautissime esse utendum. Cæterum plura veritati contraria ambo im- *perstringit.* miscent, quo pertinent ea, quæ de jure in sacra, de juribus collegialibus, de abusu *juris liturgici* ab Episcopis commissio referunt, quæ tamen ex alibi dictis refutata manent.

Hæc fusius adducere libuit, ut prudens lector Catholicus judicet, *Mira confu-* quanta sit rerum confusio in principiis & systematibus protestanticis *sio in syste-* ordine ad *jus liturgicum* explanandum. Quemadmodum in aliis, ita *matibus Pro-* etiam in hac materia Moshemius æquior est ac justior, quam plures alii *testanticis.* Doctores Protestantici, principiisque longe solidioribus saniori rationi *Æquior est* & Criticæ innixis utitur, Plura in hoc illius discursu sunt, quæ nostris *Moshemius,* Doctoribus Catholicis usui esse possunt, illis præprimis, qui Principibus *ex quo multa* sæcularibus sunt a consiliis, eos in regimine suo adjuvant, suis humeris *discere pos-* molem Reipublicæ sustentant, unaque jura Majestatica ultra omnes li- *su t Docto-* mites extendunt. At non quotidiana experientia docemur, quod ho- *res Catholici.* diernis temporibus se se Principes sæculares Catholicis rebus disciplina- *Etiam Prin-* ribus quibuscunque præsertim liturgicis immisceant, ut non modo *cipes Catho-* *lici cum ex-* *cessu se im-* *miscent rebus* *liturgicis.* *Illustratur* *exemplis.* *Principia* *multorum* *Catholicorum* *aliquorum* *rebus solo* *nomine disse-* *rent a Pro-* *testanticis.* *Jus regium, Dominum altum, Placitum* *regis* *rebus disciplinariis & li-* *turgicis*

turgicis fiant, & fieri possint excessus: verum enim vero hos corrigere & emendare potius ad Episcopos, quam Principes seculares pertinet. Et demus, non nunquam graviores fieri sumptus in ornatum ecclesiarum, in decorem cultus publici, num Principi liceat restringere usum bonorum ecclesiasticorum, quæ per pias fidelium largitiones ex massa communi bonorum extracta, & divino cultui fuerint destinata?

Systema Catholicorum quoad jus liturgicum.

Competit Ecclesiæ, illiusque Præfibus.

Aliquale sed modicum valde concedendum Principibus.

Jam ad nostrum Systema Catholicorum dilabimur, cui longius insudare non vacat, utpote quod ex principiis alibi jactis aliunde sat firmo fiat pede. Usque nunc nos Catholici Jus liturgicum Ecclesiæ, illiusque Præfibus vindicavimus. Illud exercuit Christus, exercuere Apostoli, exercuere Præfules Ecclesiarum tam extra, quam in Synodis particularibus. Et quoniam his solis Christus commisit gregem dominicum, tradidit regimen Ecclesiæ, & ordinationem cultus externi, ut quid Principes illud attrectare audeant? Quoddam modestum, ad regulas prudentiæ Christianæ attemperatum *jus circa liturgias* eidem haud denegamus, ea sermone ratione, qua usum modestum *Placiti regii* indulgemus, dummodo hic usus non degeneret in dominatum excelluum, aut omnino despoticum.

Quid Principes Territoriales possint in rebus liturgicis quoad subditos diversæ Religionis addictos?

Hæc Quæstio ex Jure Westphalica est decidenda.

Ad annum normalem respiciendum.

Una adhuc quæstio valde difficilis, quæ in nostra Germania, ubi Catholici passim permixti vivunt Protestantibus, usum habet frequentissimum, breviter discutienda est. Quæritur enim, quid Principes Territoriales possint in rebus liturgicis quoad subditos diversæ Religionis addictos? Quæstio hæc ex Pace Westphalica est decidenda, & habet suam sedem art. 5. §. 31. & 48., in quorum primo disponitur, ut subditi Augustanæ Confessionis, qui in anno normali, & quacunque anni parte ex quocunque titulo exercitum suæ religionis habuerunt, *retineant etiam id in posterum una cum annexis, quatenus illo anno exercuerunt, aut exercita fuisse probare poterunt.* In altero vero suspensa est jurisdictio Episcoporum, ita tamen, ut Augustanæ Confessionis addicti, si illam in anno normali agnoverunt, eidem subsint in *casibus Augustanæ Confessionis non concernentibus, modo ipsi nihil injungatur Augustanæ Confessionis vel conscientie repugnans.* Quapropter in exercitio Juris liturgici ante omnia ad annum normalem est respiciendum & ad id attendendum, ne status ille mutetur. Quod si ergo in anno normali Catholici sub Principe Acatolico degentes instituerunt litanias & processiones publicas, eas inhibere Princeps nequit: Secus dicendum, si eas instituisse probare nequeant. Insuper tam Episcopi subditis protestanticis, quam Principes Protestantici subditis Catholicis quædam rem liturgicam spectantia e. g. indicare preces publicas possunt, dummodo nihil injungatur, quod

quod illorum conscientiae, aut Confessioni Augustanae repugnet. Idcirco specialior determinatio precum publicarum Ecclesiae, cui sunt addicti, relinquenda erit, ne vel Episcopus Protestantibus, vel Princeps Catholicis Catholicis formulam precandi praescribat illorum conscientiae repugnantem e. g. si Episcopus injungat Lutheranis, ut pro salute Romanae Ecclesiae, & Pontificis; & e contra Princeps Lutheranus Catholicis injungat, ut pro emolumento Sectae Lutheranae orent.

Ex his aliam movet quaestionem Boehmerus, utrum Princeps Catholicus Lutheranis interdicere possit preces illas, quibus DEUM precantur, ut ipsos ab insidiis Pontificis praeservet? Ponamus, inquit, in Ecclesia aliqua Lutherana jam anno 1624. in usu fuisse preces illas notissimas: *Erhalt uns o Herrbey deinem Wort, und steure des Pabsts und Türken Mord.* Quæritur, inquit, an non Princeps possit injungere, ut loco des Pabsts Mord substituatur formulam: *und steure aller Feinde Mord* (z). Author hic pro & contra disputat. Id ipsi certum esse videtur, quod consultis regulis prudentiae melius facturi sint subditi, si tales formulas intermittant: cum de substantia Religionis evangelicae non sint; & hac ratione majus malum metuendum evitetur. Sed quid in puncto juris? vix aut ne vix quidem mutationem præcipere poterit; saltem si ad pacem Westphalicam reflectamus: Nam si Princeps Catholicus ipsum exercitium Religionis, quam judicat esse falsam & DEO inimicam, vi pacis Westphalicae immutare non potest, cur id possit in similibus rebus liturgicis? Aliud dicendum, si hanc formulam antea inusitatam introducere vellent Lutherani: cum enim hæc formula neque conscientiam tangat, prout ipse Boehmerus fatetur, & ad adiaphora pertineat, neque in Confessione Augustana per modum dogmatis sit recepta, sane non videtur, cur Princeps Catholicus illam interdicere non valeat. Et sane formulam hanc ab Augustissimo Imperatore Leopoldo in Silesia fuisse interdictam docet prohibitio 1662. facta, quam exhibet Vir clarissimus P. Hermannus Scholiner (a). Sed hæc sufficiant de jure liturgico.

§. XVII.

Examinato jure liturgico regulas, & cautelas in determinando cultu, introducendis formulis, ritibus & ceremoniis adhibendas examinamus. *In determinando cultu & rebus liturgicis cer-*

P 3.

(z) In Dissert. de jur. liturg. §. 88.

(a) In Dissert. Ante-Huthiana pag. 63.

*in regulæ
sunt obser-
vanda.*

*Propter
gravissima
mala alias
pertimescen-
da.*

nemus, Quam delicata, & periculis plena res sit determinare cultum, formulas, ritus & ceremonias, omnes historiæ luculenter demon-
strant. Hinc inde novi loquendi modi & formulæ (b) novi ritus, pi-
cturæ, & imagines hæresibus; tumultibus, controversiis, & dissidiis
occasionem præbuerunt amplissimam (c). Non raro ritus & ceremo-
niæ sapiunt vanitatem; sæpe inclinant ad superstitionem; aliquoties
Ecclesiam irrisionibus & contemptui exponunt (d). Quid non egere
Synodi, Pontifices, & Episcopi, & novissime ipsa Synodus Triden-
tina, ut hujuscemodi abusibus contravenirent? Erexere Pontifices
Romæ Congregationem Cardinalium, quam vocamus *Sacrorum Ri-
tuum*, ut in ea ageretur de ritibus & ceremoniis; ediderunt in lucem
publicam varia Ritualia, & Pontificalia, ut essent norma & regulæ, se-
cundum quas cultus publicus foret exhibendus; promulgarunt varia
decreta, quibus introductionem novorum rituum interdixerunt. Suf-
ficiat sola Synodus Tridentina, cujus Decretum omnino legi meretur
(e). Accedunt cordatiores Viri Catholici, qui de abusibus Catholi-
corum in hac materia liberius scribere non verentur (f).

*Liturgiæ
sunt triplicis
generis.*

Cum *liturgiæ* sint multiplicis, scilicet potissimum triplicis generis,
nempe *formulæ scriptæ; ritus & ceremoniæ; & res e.g. picturæ, imagi-
nes, sacra Reliquiæ &c.* diversæ quoque dandæ sunt regulæ in earum de-
terminatione adhibendæ. Nos quasdam generales, & dein speciales
dabimus.

*Scriptura,
traditio &
Ecclesia sunt*

Regula & Cautela I. In omnibus liturgiis instar normæ univer-
salis sit ipsa Scriptura, sit traditio, sit Ecclesia. Ad has veluti ad Cyno-
suram

- (b) E. g. vox: *ομολογίου; Διότοκον*; vox hypostasis; propositio: *Unus de Tri-
nitate passus est.*
(c) E. g. Cultus imaginum ansam præbuit hæresi Iconoclastarum. Item olim in-
genti animorum contentione disputatum fuit, utrum liceat pingere imaginem
sanctissimæ Trinitatis &c.
(d) Vid. Synod. Trident. Sess. 25. in Decreto de Invocat. ubi inter alia monet,
ut omnis superstitio in imaginum usu tollatur.
(e) Sess. 7. can. 13. & Sess. 25. in Decret. de Invoc. antea citato.
(f) Vid. Ludov. Muratorius in lib. de Nævis Eccles. & Honoratus a S. Mar. Tom. I.
Dissert. I. pag. 70. ubi sic habet: *Eo usque processerant superstitiones istæ, ut
per res sanctiores fusa vasa sacra, Sacerdotum vestes, externas Missas
celebrandi dispositiones occuparent, ne exceptis quidem Sacramentis, quin per-
sequar*

furam respiciendum. Itaque nullæ formulæ substantiales, nulli ritus ^{regula pri-} ecumenici abrogandi, aut in illorum vicem alii substituendi. In his ^{ma,} igitur Ecclesiæ judicium suprema lex esto (g).

Regula & Cautela II. Nemo autoritate privata novas formulas ^{Non licet} præscribere, antiquas abrogare, novos ritus introducere audeat: nisi ^{authoritate} qui autoritate publica sufficienti polleat. Sed ne quidem ad compo- ^{privata no-} nenda liturgica e. g. ad libros symbolicos procudendos, formulas præ- ^{vos ritus} candi evulgandas quis animum inducat, nisi ingentem virtutum & sci- ^{introducere.} entiarum apparatus secum afferat. In hanc rem serviant verba Viri ^{Multominus} cujusdam celeberrimi ita scribentis: *Nemo vero ad Agenda ecclesiastica & mulas præ-* ^{scribere.} *liturgiam sive componendam sive mutandam idoneus est, nisi qui mentem erudi-* ^{tionem universali theologia, maxime liturgica & vetere & recentiore, & pe-} *ctus pietate omnigena totum perfusum habet, qui charismate præcandi præ-* ^{stantissimo, qui charismate solide, breviter, perspicue, suaviter, gravique} *& eloquentissimo stylo rem, uti decet, efferendi unus ex omnibus emineat.* *Jejunis profecto, & miseris hominibus, magna licet illi de sua capacitate* ^{Id probat} *præsumperint, hæc non nisi in verniciem Ecclesiæ committuntur.* ^{Suffragia} *Id probat* ^{praxis Ec-} *praxis Ecclesiæ, quæ provinciam componendi officium divinum, li-* ^{brorum symbolicos, catechismos, instructiones catholicas non nisi Viris} *brorum symbolicos, catechismos, instructiones catholicas non nisi Viris* ^{omnigenæ eruditionis & pietatis committere consuevit. Id sane fecisse Patres Synodi Tridentinæ aliunde scitur. Inde etiam est, quod} *omnigenæ eruditionis & pietatis committere consuevit. Id sane fecisse* ^{Decretum} *Patres Synodi Tridentinæ aliunde scitur. Inde etiam est, quod* ^{moderni} *modernus Pontifex Clemens XIII. nuper admodum in quodam Brevis ex-* ^{Pontificis.} *hortatorio Episcopis catechismum Romanum singulariter commenda-* ^{verit.}

Regula & Cautela III. Ad formulas liturgicas pertinent Symbola, ^{Quid sint} catechismi, confessiones, & diverſi generis orationes, & preces. Sym- ^{Symbola,} bola sunt brevissima norma credendorum, qualia sunt Apostolicum, Ni- ^{Catechis-} cænum, Constantinopolitanum. Catechismi sunt norma non tantum ^{mi &c.} credendorum sed etiam agendorum, seu brevis, non adeo proluxa in- ^{Quales sint} structio in rebus & credendis & agendis. Etiam hi, quantum fieri pot- ^{proprietates} est, debent esse breves, perspicui, solidi, sacris literis conformes, & ^{Catechismi.} quoadusque fieri potest, terminis illarum, styloque gravi concepti. In ^{his certa fidei dogmata proponantur, incerta pro certis non venditen-} *his certa fidei dogmata proponantur, incerta pro certis non venditen-* *tur, quæstiones scholasticæ & subtiliores, quantum possibile est, a-* *mandantur; aut, si quæ sint quæstiones dubiæ, id ipsum insinuetur,* ^{rixis}

sequar infinitas rane de aliis generibus superstitiones. Item Hist. Crit. de riti-
bus superstit. P. Bruni Orat. Presbyteri.

(g) Vid. Synod. Trident. loc. cit.

rixis & controversiis per omnia præcaveatur, errores modestè rejiciantur. Quantum ad res agendas Christianismus practicus vel maxime urgeatur, veritates Christiano-practicæ solidiores, doctrinæ respectivæ & securiores & probabiles proponantur, & omnis doctrina practica principaliter & ultimo ad pacem, concordiam, & charitatem christianam tendat, collimet, & ordinetur.

Distinquendi nihilominus sunt duplicis generis Catechismi & Instructiones, quarum aliquæ ad usum plebis; aliæ ad usum ipsorum Pastorum componuntur: De prioribus intelligenda sunt, quæ hæcenus diximus: Posteriores possunt esse prolixiores & fusiores, quatenus Pastoribus pro instructione & informatione ulteriori plebis deservire possunt (h).

Regula & Cautela IV. Orationes, preces & formulæ precandi qualescunque sint edificatoriæ, spiritum Ecclesiæ contineant, veram pietatem spirent, solidam devotionem cordibus instillent: non sint nimis materiales, non compositæ ad devotionem sensualem sed spiritualem; nullæ hic preces, vel expressiones jejunæ, sed masculæ; & ipsa etiam dictio sit gravis, præstans & perspicua.

Quales debeant esse ritus & ceremoniæ.

Regula V. Quoad ritus & ceremonias, in his vel maxime præcavendus est omnis abusus. Ritus ergo & ceremoniæ ita sint compositæ, ut nobis Ideam supremi Numinis ingerant, Majestatem illius commendent, ad decorem cultus divini faciant: sint ritus majestate pleni; non sint vani, non sint ridiculi, non absurdi; potius ad devotionem solidam instillantam, quam curiositatem pascendam serviant.

Doctrina Ecclesiæ quoad picturas & imagines.

Usus & cultus earum non est absolute necessarius.

Regula VI. Quoad picturas & imagines ante omnia præ oculis habenda est doctrina Ecclesiæ, quæ usum & cultum imaginum honestum, utilem & salutarem; neutiquam ad salutem æternam consequendam absolute esse necessarium docet, quin citra salutis dispendium intermittere, aut ab Ecclesia pro temporum ac locorum conditione dispensari possit, prout Dionysius Petavius Vir præstantissimæ doctrinæ, & Theologiæ dogmaticæ veluti alter Parens demonstrat: *Imagines*, inquit, *ex eo genere sunt, quæ adiaphora nominantur, hoc est, quæ ad salutem omnino necessaria non sunt, nec ad substantiam ipsam Religionis attinent, sed in potestate sunt Ecclesiæ, ut ea vel adhibeat, vel abieget, pro eo, atque satius esse decreverit (i).* De Historia cultus imaginum, Iconoclastis, Synodo

(h) Uti Institutiones Christianæ Bouqueti, catechismus Bougeant &c.

(i) Lib. 15. Theolog. Dogmat. cap. 13.

nodo Nicæna II., & Francofurtenfi hic dicere non vacat. Si in qua re alia ad liturgiam pertinente, fane in ufu, cultu & pictura imaginum circumfpecte est agendum. Ut autem omnes defectus, excessus, abusus hodie fane frequentiffimi follicitè caveantur, ad tria potiffimum est animadvertendum: nempe ad *ufum*; ad *cultum*; ad ipfas *picturas imaginum*. In his omnibus inftar normæ & regulæ univerfalís ante oculos habenda funt duo præcipue Decreta, unum Synodi Nicænae II.; alterum Synodi Tridentinae, in quarum prima contra Iconoclaftas, in altera contra hodiernos Sectarios fuit actum; in utraque vero ufus & cultus imaginum definitus, & determinatus (k). Igitur rem totam ex his Synodis illuftrabimus, & quidem

§. XVIII.

Quantum ad ufum imaginum, fequentia funt animadvertenda, & De ufu legi- in his populus debite informandus: Primo, licitum effe in genere pingere imagines quasdam faltem, uti Chrifti, B. V., Sanctorum: etfi de quibusdam olim fuerit dubitatum e.g. de imagine Chrifti fub specie agni (l) de Angelis (m) de imagine Dei, & fanctiffimæ Trinitatis (n) prout infra dicemus. Secundo, ufum imaginum non effe neceffarium, olim, uti multi exiftimant, Judæis prohibitum, in tribus primis Ecclefiæ feculis rariorem; poftea frequentiore, hinc inde tamen temperatum; in fe autem effe falutarem, pium & utilem (o). Hæc omnia aut faltem pleraque, fi excipiantur hiftorica, apertiffime docent decreta utriusque laudatæ Synodi, ficut mox dicemus.

§. XIX.

Quantum ad cultum imaginum iterum dogma fidei eft, eundem Cultus im- oppido quidem non effe neceffarium, fed utilem & falutarem. Utrius- ginum non que Synodi decreta audiamus. Nicæna fcihabet: Statuimus cum omni- effe abfolute neceffarius; exaéta utiis tamen. Et falutaris.

(k) Utriusque decretum mox afferemus.

(l) Id enim vetuit Synodus Trullana can. 22. ufum vero licitum probat communis Ecclefiæ confuetudo tam ante, quam poft Synodum Trullanam.

(m) In ipfa Synodo Nicæna de fuper fuit mota quæftio, quam dein diffolvit ex dialogo Joan. Theffaloniceufis.

(n) De hac mox plura.

(o) Vid. Carolus Witalfe Tom. 3. de cult. imag. Sect. IV.

Juris Ecclef. Tom. II.

Q

exacta cura & diligentia, similiter ac sanctæ crucis & vivificæ figuram, venerandas, & sanctas imagines palam proponi, quæ coloribus tessellisque confuit, aut alia quavis idonea materia in sanctis DEI ecclesiis, in sacris vasis ac vestibus, nec non parietibus & tabulis, ædibus ac viis: nempe tum Domini, ac DEI ac Salvatoris Jesu Christi imagines, tum incontaminatæ Domine nostræ sanctæ DEI Genitricis, nec non honorabilium Angelorum, ac Sanctorum omnium, ac piorum Virorum (p). Similiter Synodus Tridentina inquit: Imagines Christi, Deiparæ Virginis, & aliorum Sanctorum in templis præsertim habendas, ac retinendas, eisque debitum cultum impertiendum (q). Ut tamen omnis evitetur error in hoc cultu, ambæ Synodi subjungunt rationem, cur imagines sint honorandæ: Quanto enim frequentius per imaginatam expressionem videntur, tanto magis, qui illas intuentur, ad prototyporum reformationem & desiderium excitantur, ait Synodus Nicæna (r). Et Synodus Trident. ita pergit: Non quod creditur inesse aliqua in iis divinitas, vel virtus, propter quam sint colendæ; vel quod ab iis sit aliquid petendum, vel quod fiducia sit in imaginibus figenda, veluti olim fiebat a gentibus, quæ in idolis suis spem suam collocabant: sed quoniam honos, qui eis exhibetur, refertur ad prototypa, quæ illæ repræsentant: ita ut per imagines, quas osculamur, & eorum quibus caput operimus & procumbimus, Christum adoremus, & Sanctos, quorum illæ similitudinem gerunt, veneremur: id quod Conciliorum, præsertim secundæ Nicænæ Synodi decretis contra imaginum impugnatores est sancitum. Quoniam vero cultus est multiplex: absolutus & respectivus, supremus & inferior, internus & externus, positivus & negativus, ex his decretis facile dignoscitur, qualis sacris imaginibus sit cultus impendendus: siquidem cum dicant, hisce imaginibus nihil inesse divinitatis; & insuper quod honor illis impensus referatur ad Prototypa, aperte sequitur hunc cultum esse respectivum. Sed neque hic cultus respectivus ejusdem est excellentiæ, ac est absolutus Prototypi, adeoque non est propriæ cultus latriæ; sed inferioris ordinis, prout optime animadvertit Mabillonius in notis ad Synodum Nicænam ex Guillelmo Eskio contra plerosque Scholasticos (s), & cum illo hodierni Dogmatici, idque validissimis argumentis tum ex Synodis & Patribus, tum rationibus Theologicis demonstrant, & inter alias etiam ponunt sequentes: partim quod absolum & absurdum videatur, ut idem cultus exhibeatur DEO, & illius imagini, Christo & illius cruci: partim quod inde sequeretur, imagini Christi posse

Cultus est multiplex.

Cultus respectivus non est ejusdem excellentiæ, ac absolutus prototypi.

(p) Aët. VII.

(r) Loc. cit.

(q) Sess. 25. in Decreto de Invocat.

(s) Præfat. 1. in Sæc; quantum N. 19.

se offerri sacrificia: partim quod modus loquendi Scholasticorum & Catholicis periculum erroris, & hæreticis blasphemiae occasionem præbere posset (t). Interim cultum mere negativum, utpote qui in eo duntaxat consistit, quod imagines contumelios non afficiantur, non sufficere: cum Patres & Synodi decernant imagines esse honorandas; positivum vero nec semper nec ubique eundem fuisse, passim docent Theologi. Sed hic ipse cultus respectivus in sano sensu est intelligendus, non hoc *Explicatur cultus respectivus.* modo, quasi vero imago sit solummodo *objectum quo*, Prototypum autem *objectum quod*; sed ita, ut hujus honoris respectivi *objectum quod* sint simul imagines & prototypa: siquidem ex mente Patrum, Synodorum & Ecclesiae ipsae imagines sunt colendae: id quod verum non esset, si cultus iste relativus non in ipsas imagines tanquam *objectum quod* redundaret. Hæc in gratiam illorum, qui curæ animarum præfunt, dicere, *Fideles in cultu imaginum rite sunt instruendi.* & ex ipsis Synodorum decretis stabilire volumus, quatenus fideles debite circa cultum imaginum instruere possint, utpote quos non raro in cultu imaginum maxime illarum, quas Thaumaturgas vocare solemus, excedere & errare ab experientia scimus, nescio quid divinæ virtutis hujusmodi imaginibus inesse & ab his profluere existimantes, quidquid beneficiorum vel miraculorum DEUS intuitu devotionis, fiduciae, fidei & spei ex parte fidelium, & patrocinii, ac intercessionis Sanctorum operari dignatur. Neutiquam hæc ab intrinseca imaginum virtute profluunt, sed DEUS ex causis sibi notis ob piam fiduciam fidem & spem precantium in his potius, quam aliis imaginibus & locis se magis propitium exhibere vult.

§. XX.

Quantum ad picturas & imagines in hac materia non nihil prolixiores erimus, & quædam ex nostris Adversariis hic depromemus, quæ, dum adhuc Theologiæ explicandæ operam dedimus, pro nostro usu & in gratiam discipulorum singulari industria collegimus. Occasionem nobis præbuit Epistola Pontificia, quam Benedictus XIV. anno 1741. in causa Venerabilis Crescentiæ ad Episcopum Augustanum dedit, de qua mox plura. Tres præcipue Quæstiones discutiemus: primo, quales imagines pingere liceat? Secundo quomodo & in quibus formis & figuris? Et tertio quid Episcopis & Ecclesiarum Præfulis in hac re sit faciendum?

Q 2

Quan-

(t) Witaſſe loc. cit. Sect. 6.

Pingi possunt imagines rerum corporalium etiam ex mente hæreticorum. De imaginibus rerum incorporearum dubitatur.

Quantum ad primum : Dubium non est, quin aliquæ saltem imagines, quales sunt Christi, B. V. & Sanctorum pingi possint: id quod nec Hæretici negare audent, dummodo non pingantur in ordine ad cultum eisdem exhibendum; sed ad alium finem, fortassis ad excitandam in nobis memoriam mysteriorum redemptionis, fidelium instructionem, homines excitandos ad exemplarium imitationem. Itaque de imaginibus rerum invisibilium & incorporearum potissimum e. g. Dei, Sanctissimæ Trinitatis, & Angelorum dubitatur. Ratio dubitandi gratissima est, quod Deus sit incorporeus, immaterialis, invisibilis, illimitatus, & eo ipso circumscribi, sculpi, in figuram fundi. toruari, texi, pingive, aut effigiari non sinitur. *Injuria hæc summa est, ait Palfius (u), Deum effigiare, representare, sislere in imagine. Injuria est Sacrosanctæ Trinitatis personas in monstruosam quandam figuram coniungere, vel in plures dividere: cum una earundem essentia sit; vel formam Patri humanam, vel Spiritui S. formam dare volueris, aut elegeris, quod est ignis.*

Usque ad Sæc. XIII. fuit dubitatum de imaginibus Dei, & Sacrosanctæ Trinitatis pingendis.

Rem prius historice examinemus. Id præprimis certum est ad sæc. usque 13. & ultra fuisse dubitatam, an Deum, & præcipue Sacrosanctam Trinitatem, vel etiam Personas singillatim pingere liceat. Id non licere quamplurimi Patres & Scriptores tam ante quam post Synodum Nicænam II. docuere. Et quidem ante Hæresin Iconoclastarum Tertull. in Apolog. Clemens Alexand. l. 6. Strom. Origenes lib. 8. contra Celsum, Minutius Felix in Octav. Lactantius lib. 2. instit. cap. 2. id diserte asserunt. Quo tempore hæresis Iconoclastarum invaluit, idem asseruit Joan. Damasc. dicens: *Quis est, qui invisibilis, & incorporei incircumscriptique ac figura vacantis Dei simulachrum effingere queat? unde extremae dementiae ac impietatis fuerit Deum figurare.* Et alibi (x): *in errore quidem versavemur, si vel invisibilis Dei consiceremus imaginem; quoniam id, quod corporeum non est, nec visibile, nec circumscriptum, nec figuratum, pingi omnino non potest.* Item Gregorius II. in epist. ad Leonem Isaurum, quæ præfixa est Actis Concilii Nicæni II. ita scribit: *Cur Patrem Domini nostri Jesu Christi non oculis subicimus, ac pingimus? quoniam quis sit, non novimus, Dei que natura spectanda proponi non potest, ac pingi.* Ipsa Synodus Nicæna de imaginibus SS. Trinitatis altum siluit: quia, ut ait Mabillonius (y), *ear necdum admittebat ætas illa.* Post Synodum Nicænam, cui, sicut notum est, multum contradixere Patres

(u) Dissert. de eo, quod licitum est circa picturam imaginum SS. Trinit.

(x) Lib. 4. de fid. Orthod. Cap. 16. & Orat. 2. de imag. Cap. 5.

(y) Præfat. 1. in Sæc. IV. §. 3. N. 19.

Patres Francosurtenſes, ita ſcribit Carolus M. : *Si DEUS incorporeus eſt, neceſſe eſt, ut corporaliter pingi non poſſit. Igitur inviſibilis eſt, & incorporeus prorſus corporalibus materiis pingi non poteſt (z).* Prætereo quamplurima alia teſtimonia ad ſæc. uſque 13. Durandi (a), Abulenſis (b), Henrici Gandavenſis (c), Alenſis, Bonaventuræ: In lucem prodeat S. Thomas Aquinas ita ſcribens : *Deo, cum ſit incorporeus, nulla imago corporalis poteſt poni, quia ut Damascenus dicit, inſipientiæ ſumma eſt, & impietatis figurare, quod eſt Divinum (d).* Accedat Joan. XXII., qui teſte Aventino (e) illos, qui in ſinibus Bohemiæ atque Auſtriæ ſupremam illam Majeſtatem Senis, Adoleſcentis, & Columbæ imagine pingebant, laſcivæ Majeſtatis accerſivit, Antropomorphitas renuntiavit, quosdam ad ignem condemnavit. Omitto alios plures Doctores & Theologos Catholicos, præcipue autem Proteſtanticos, Reformatos ad unum ferme omnes; item Remonſtrantes, quos allegat Pſallius (f). Demum Eccleſia Græca in hodiernam uſque diem nullas Dei & Trinitatis imagines admittit (g).

Quidquid de his ſit, tenenda eſt doctrina Eccleſiæ Catholicæ tradentis licitum eſſe imagines Dei & Sanctiſſimæ Trinitatis pingere: cum id nullo jure naturali, divino aut humano eſſe prohibitum legatur. Non jure naturali: eatenus enim id foret prohibitum, quatenus repugnat, ut ſubſtantia immaterialis, ſpiritualis, immenſa per ſubſtantiam corporalem, materialem, finitam effingatur. Verum nemo uſque nunc ſomniavit, quod Deum prout eſt in ſe effingere, veramque illius imaginem; ſed potius ſub figuris, ſub quibus in Scripturis apparuiſſe legitur, exhibere velit. Non jure divino: quia de ea in Teſtamento novo non conſtat; lex autem illa vetus fuit mere cæremonialis ac proinde per Evangelii promulgationem abrogata. Nunquid Deus ipſe ſub formis ſenſibilibus apparere dignatus eſt? ſic Adamo apparuit tanquam homo deambulans in Paradifo ad auram poſt meridiem (h): Jacob vidit Deum innixum ſcalæ (i) Filius Dei luſtabatur in forma Viri cum Jacobo (k). Moyſes vidit poſteriora Dei (l). Iſaias (m) & Micheas Q 3 (n) vi-

Ex omni jure licet pingere imagines Dei & Trinitatis.

Naturali.

Divino.

(z) Lib. 2. contra Synod. Nicæn. cap. 16.

(a) Lib. 3. ſent. diſt. 9. q. 2.

(b) In Deut. q. 5.

(c) Quodlib. 10. cap. 6.

(d) 3. part. q. 25. art. 3. ad 1.

(e) Annal. Boïc. cap. 15. n. 17.

(f) Cit. Diſſert. pag. 7.

(g) Idem pag. 8.

(h) Genef. 3.

(i) Genef. 28.

(k) Genef. 32.

(l) Exod. 33.

(m) Iſaiæ 6.

(n) vidit Dominum sedentem in folio. Daniel describit Deum tanquam venerabilem senem (o). Apud Matthæum Spiritus S. sub Columbæ specie in Christum descendit (p). Et in die Pentecostes in specie ignitarum linguarum apparuit (q). Nonne ipse sanctiores literæ Deum in humana forma effigiant, iplique tribuunt faciem, oculos, aures, nares, os, cervicem, brachia, manus, dextram, digitum, cor, viscera, sinum, pedes, affectus & actiones humanas? in specie loquelam, incessum, sensus omnes, thronum, in quo sedeat; scabellum, cui pedes innitantur; habitaculum, & quæ ejusmodi sunt? quæ omnia in Scripturis sacris expressâ leguntur. Jam si in his formis ipse se repræsentavit Deus, quid impediât, quo minus & ita pingi, & effligari possit? itane ergo laud liceat historias sacras pingere, & repræsentare penicillo personas ea figura, quam sacras literas tradere videas? quis carpit figuras æri incisas Bibliis etiam Lutheranis adjectas, id phantasiæ repræsentantes, quod scriptum est? Non jure positivo humano: quia licet antiquior Ecclesia hujusmodi imagines ignoraverit, aut quodammodo abhorruerit, Ecclesiæ tamen junioris usus eas introduxit, & Synodus Tridentina approbavit.

Positivo humano.

Imagines SS. Trinitatis non sunt multiplicandæ, & caute pingendæ.

Quantum ad secundum, optime monet Bellarminus, sacras imagines SS. Trinitatis non esse multiplicandas; nec tolerandum, quod Pictores audeant ex proprio capite confingere hujusmodi imagines: ut, quando pingunt unum hominem cum tribus faciebus; vel unum hominem cum duobus capitibus, & in medio eorum Columbam: ista enim quædam esse monstra, & magis sua deformitate offendere, quam sua similitudine juvare videntur (r). Contra hunc abusum conquesti sunt pridem Doctores & Scriptores celeberrimi, S. Antoninus dicens: *Reprehensibiles etiam sunt, cum pingunt ea, quæ sunt contra fidem, cum faciunt Trinitatis imaginem unam personam cum tribus capitibus, quod monstrum est in rerum natura* (s). Et Joannes Gerfon in serm. de Nativ. Domini plures hujusmodi imagines suo tempore pictas rejicit (t). Ut nihil dicamus de aliis Scriptoris etiam Catholicis, qui omnes imagines SS. Trinitatis rejecisse videntur (u). Quapropter cum imagines SS. Trinitatis non ad naturam Dei, sed ad repræsentandas apparitiones

(n) 1. Reg. 22.

(o) Dan. cap. 7.

(p) Matth. 3.

(q) Act. 2.

(r) Tom. II. Controv. l. 2. cap. 8.

(s) In Summa Theol. part. 3. Tit. 8. cap. 4.

(t) Tom. 3. fol. 947.

(u) Jac. le Fevre Theolog. Sorbonicus, Natal. Alex. Hist. Eccles. Sæc. VIII. Dissert. 6.

ritiones & formas, sub quibus tres personæ apparuerunt, effingantur, *Sanctissimam Trinitatem & Personas singillatim aliter pingere* in id plerique Theologi sæculis posterioribus convenere, quidquid pauciores contradicant (x), Sanctissimam Trinitatem & Personas singillatim non aliter licere pingere, quam in figuris, sub quibus in Scripturis apparuisse leguntur. Hujus doctrinæ est etiam Benedictus XIV. in sua epistola, quam scripsit ad Serenissimum Episcopum Augustanum, *non licet, quam in figuris, sub quibus in Scripturis* & nos supra citavimus, ubi præcipit, ut imagines, in quibus Spiritus S. sub forma speciosi Juvenis depingitur, e medio tollantur: eo quod in sacris Scripturis nullibi ita apparuisse legatur.

Imagines autem, sub quibus SS. Trinitas efformari solet, potissimum sequentes circumferuntur: primo Pater in forma venerabilis Senis, in sinu illius Filius unigenitus, sive qua homo vivens, sive qua mortuus & crucifixus, & inter utrumque Spiritus S. in forma Columbæ. Secundo duæ Personæ, Pater in forma Senis, & Filius quodam intervallo sejunctus, & inter utrumque Spiritus S. in forma Columbæ. Tertio depingitur SS. Trinitas in imagine exhibente tres Personas statuet.

tura, ætate, omnibusque aliis lineamentis æquales. Quarto in figura tribus capitibus instructa. Quinto visa est etiam imago B. Virginis totam Sanctissimam Trinitatem in utero gerentis. De his quæritur, quænam sit admittenda, vel reprobanda? Prima & secunda communiter a Theologis admittitur: tertia a quibusdam, nominatim a Thoma Waldensi, & Molano admittitur; ab aliis vero rejicitur: quartam defendit Valentia; sed ab aliis communiter reprobatur: quinta omnino videtur reprobanda.

Quoad Personas singillatim spectatas dubitatur, an Pater in forma Venerabilis Senis; Filius in forma hominis, vel etiam agni; Spiritus S. in forma columbæ, vel etiam ignitarum linguarum, sub qua in die Pentecostes apparuit, vel etiam speciosi Juvenis, sub qua Venerabili Crescentiæ in dies magis magisque inclarescenti apparuisse dicitur, pingi possint?

Jam quæ sit doctrina communior Theologorum in hac materia dispiciamus: In eo ferme omnes conveniunt, quod non liceat pingere SS. Trinitatem quasi sub utero B. Virginis; nec sub figura tribus capitibus instructa: quia sub his formis nullibi apparuisse legitur. Et quidem contra primam formam specialis ratio militat: quod hæc imago posset dare occasionem gravissimo errori: cum videatur indigitare, quasi vero tota SS. Trinitas carnem humanam ex Virgine assumpserit.

Contra

(x) Vid. Pfaffius loc. cit. pag. 16. & seq.

Contra secundam facit, quod inprimis, sicuti testantur gravissimi Authores, Urbanus VIII. anno 1628. 11. Augusti similes imagines comburi jussit. Accedit, quod S. Antonius supra citatus eas reproba-verit tanquam monstrosas: cum pingant ea, quæ sunt contra fidem. Et fane hujusmodi imago est ineptissima ad repræsentandam SS. Trinitatem: siquidem Mysterium Trinitatis importat tres personas, & unam naturam. Talis imago autem repræsentat quidem unam naturam; sed non tres personas: quia utique non solum caput edicit personam.

Quænam
imagines sint
dubia, utrum
pingi
valeant?

Uterius incertum est, an pingere liceat SS. Trinitatem sub forma trium Personarum statura, ætate, omnibusque lineamentis omnino æqualium: tum quod gravissimi Authores eam reproben: tum quod incertum prorsus sit, an sub tali forma apparuerit. Nam si ita apparuisset, tunc in valle Mambre, ubi Abrahamo apparuisse legitur (y): qui cum elevasset oculos, apparuerunt ei tres Viri stantes prope eum, quos cum vidisset, cucurrit in occursum eorum de ostio tabernaculi, & adoravit in terram, & dixit: Domine si inveni gratiam in oculis tuis, ne transcas servum tuum, & unus duntaxat Abrahamo respondit: dixit autem Dominus ad Abraham &c. Super quibus ipsa canit Ecclesia: tres vidit, & unum adoravit, qua in visione S. Augustinus (z) Rupertus (a) Suarez (b). Cornelius a Lapide, Du Hamel (c), alique putant, repræsentatam fuisse SS. Trinitatem in tribus Personis, & una substantia. Ast contradicunt Augustino multi Patres, existimantes, quod duo ex tribus, qui Abrahamo apparuerunt, fuerint Angeli; tertius autem Filius Dei: quæ doctrina teste Calnet frequentiori Expositorum calculo fuit approbata: Contradicunt Hebræi, putantes, tres illos fuisse tres Angelos, Michaellem, Gabrielem & Raphaelem: Contradicunt plures Scripturæ Interpretes, in specie Tostatus & Tyrinus (d), & hoc ipso sat tuto hæc imago tolerari non potest. Addere liceat alia argumenta Theologica, inter quæ illud fortissimum, quod, ut rite & debite exprimatur SS. Trinitas, non natura & personæ quomodocunque; sed unum cum suis notis ac characteribus, quibus possunt ab invicem discerni, exprimendæ sint: at vero hæc imago non exprimit tres notis & characteres Patris, Filii, & Spiritus S. Accedit demum, quod omnis novitas sit fugienda, ea præcipue, quæ posset inducere in errores & periculosas suspiciones: hæc autem figura certe est nova, & quam facile

(y) Genes. 18.

(z) Lib. 2. de Trinit. cap. 20.

(a) Lib. 5. Comment. in Genes. cap. 38.

(b) Lib. 6. de Angel. cap. 20.

(c) Vid. Bened. XIV. in cit. Epist.

(d) Idem Pontifex loc. cit.

lime ingerere potest varios errores, circa Myſterium SS. Trinitatis, unitatem naturæ & Trinitatem Perſonarum, generationem Filii, & Proceſſionem Spiritus S.; & eo ipſo proſcribenda, prohibenda, & eliminanda.

Econtra approbata & tuto permittenda eſt imago SS. Trinitatis repræſentans Patrem in forma Venerabilis Senis; Filium in forma Viri Grandævi aut modico intervallo a Patre ſejuñctum, vel in ſinu Patris five vivum five mortuum & crucifixum; Spiritum S. vero tanquam medium in forma Columbæ: quia hæc imago habet fundamentum graviffimum in Scripturis ſacris, & tres Perſonas repræſentat ſub iis figuris, in quibus apparuiſſe leguntur: Pater enim in forma Venerabilis Senis apparuit apud Danielem (e). *Antiquus dierum ſedit*: Filius in forma humana non modo apparuit, verum etiam illam per unionem hypotaſticam aſumpſit, & in eadem ſeſe ſpectabilem qua vivum & qua mortuum manifeſtavit: Spiritus S. vero in Columbæ ſpecie apparuiſſe expreſſe legitur (f). Nec obest, quod hæc imago ſolummodo tres Perſonas; non vero unicam repræſentat naturam: Nam in contrarium pugnat: tum quod imagines Dei non ſiant ad repræſentandam naturam Dei; ſed ad repræſentandas apparitiones: tum quod hic agamus de pingenda SS. Trinitate, adeoque, eſto debeat haberi ratio, ut tres perſonæ cum ſuis notionibus depingantur, non tamen tanta habenda eſt ratio ipſius naturæ, quæ involvitur quidem in Myſterio Trinitatis, non tamen exprimitur: ſicut quando depingitur homo, non opus eſt, ut ipſa natura exprinatur. Atque hæc ipſa eſt ratio, quod licet tres Perſonæ ſimul & ſemel in his figuris non apparuerint, nihilominus tamen hac ratione depingi poſſint: quia hæc imago principaliter debet repræſentare Trinitatem. Sed nec ulterius obſtat, quod Filius nunquam apparuerit, tanquam mortuus & crucifixus: cum enim in conſpectu innumerabilis populi expiraverit, & a tot hominum millibus veluti mortuus Jerſolymis viſus fuerit, occurrit non ſub hac forma illum depingere liceat?

Haſtenus de pingenda imagine SS. Trinitatis. Jam de Perſonis ſeorsim ſpectatis. Et quidem quoad Patrem communis doctrina uſu communi Eccleſiæ approbata eſt, quod Pater in forma Venerabilis Senis depingi poſſint?

(e) Cap. 6. v. 9.

(f) Id teſtantur omnes quatuor Evangeliſtæ vid. Matth. 2. v. 16. Marc. 1. v. 10. Luc. 3. v. 22. Joan. 1. v. 32.

An Pater in forma Venereabilis Senioris? pingi potest: quia non raro seorsim a cæteris Personis apparuisse in Scriptura legitur. Sic Genesis 3. Adam audivit vocem Domini in paradiso deambulantis: Genes. 28. innixus scalæ visus est Jacob, Exod. 33. v. 23. Moyse semirum in modum videndum præbuit. Isaïæ 6. v. 1. tanquam Rex in solio sedens apparuit Prophetæ: & Danieli 6. v. 7. velut Senex albo vestimento vestitus se videndum præbuit.

An Filius in forma hominis & Agni? Quoad Filium, hic recte pingitur tamen forma hominis, quam in figura Agni. Ratio primi est, quod Christus formam hominis assumpsit, in ea cum hominibus vixerit, conversatus, & mortuus fuerit. Ratio secundi est, quod Christum veluti *Agnum* exhibeat Prophetia Isaïæ: *Tanquam agnus, qui ducitur ad victimam* (g); Illum tanquam *agnum* demonstrat Joan. Bap. (h). *Ecce! Agnus Dei*; Joan. Evang. in sua Apocalypsi (i); & B. Petrus in sua Epistola prima (k). Jam in primitiva Ecclesia Christum veluti *Agnum* fuisse depictum demonstrant vetustissima hujusmodi picturarum exemplaria, quæ reperiuntur in cryptis, cœmeteriis, & Basilicis Romæ erectis. Eandem imaginem approbavit Hadrianus Papa in epist. ad Tarrasium scripta, quæ in Synodo septima fuit lecta (l).

An Spiritus S. in forma columbæ & ignitarum linguarum? Quoad Spiritum S. pariter doctrina communis est, quod pingi possit tam in forma Columbæ; quam in forma ignitarum linguarum cum aliqua tamen restrictione, nempe si Mysterium Missionis super Discipulos in die Pentecostes factum repræsentari contigerit. Ita cit. Pontifex in sua Epist. ad Episcopum Augustanum data. Rationes pro forma columbæ Pontifex affert sequentes: Primo, quia Spiritus S. in forma columbæ apparuit, sicut testantur omnes Evangelistæ. Secundo ad stipulatur vetus Ecclesiæ disciplina, de qua testatur S. Paulinus Episcopus Nolanus, qui sæculo quinto ineunte in epist. ad Severum describens picturas in Basilica S. Petri jam tum existentes ita cecinit:

Pleno coruscat Trinitas mysterio,
Stat Christus agno, Vox Patris cælo tonat,
Et per columbam Spiritus S. fluit,
Crucem corona lucido cingit globo.

Tertio hujusmodi imagines passim occurrunt in antiquis monumentis: constat enim, Spiritum S. olim in imagine columbæ repræsentatum fuisse super altaria, Baptisteria, ambones sacros, crucem, tumulosque Marty-

(g) Cap. 53.

(h) Joan. 1. v. 29.

(i) Apocal. cap. 5.

(k) 1. Pet. x. v. 19.

(l) Synod. Nicæna II.

Martyrum, thecasque in forma columbæ factas (m). Quarto Xenaias Catechumenus in Synodo septima damnatus est, cum ausus esset dicere, non licere Spiritum S. sub columbæ specie repræsentare. Verba Concilii hæc sunt: *Inter cætera autem dicebat, & hoc esse puerilis animi fingere in columbæ idolo ter adorabilem Spiritum sanctum &c.* Plura videantur passim apud Scriptores sacros (n). Et licet Pfaffius non sine gravi ratione asserat, dubitari posse, num ex Evangelistis pateat, Spiritum S. corpus vel formam columbæ assumpsisse, quia verba Scripturæ non necessario de forma columbæ intelligi debent, sed potius de modo descendendi ad instar columbæ intelligi possunt (o), attamen prævalere debet authoritas, praxis & consuetudo Ecclesiæ antiquioris & novioris, prout ille ipse author fatetur dicens: *Licueritne hic contra torrentem & veterum & recentiorum cum paucis ex his navigare?*

*Dubitat
an Spiritus
S. formam
columbæ as-
sumpserit.*

Ratio autem secundi est, quod Spiritus S. in forma ignitarum linguarum apparuerit in die Pentecostes super discipulos, sicuti legitur in actibus Apostolorum & sacris Evangelii. Dictum fuit notanter cum aliqua restrictione: quia extra occasionem pingendi mysterium Missionis sub tali forma pingere Spiritum S. non licet: eo quod, sicuti dicit laudatissimus Pontifex, ex usu & consuetudine Ecclesiæ, dum Spiritus S. in forma ignitarum linguarum depingitur, non tam ipse Spiritus, quam mysterium peractum nobis repræsentatur.

*Non licet in-
distingui
Spiritum S.
pingere in
forma igni-
tarum lin-
guarum.*

Post hæc Pontifex multis inquit, utrum liceat pingere Spiritum S. in forma speciosi Juvenis, in qua Venerabili Crescentiæ apparuisse dicitur: & demum resolvit id non licere. Rationes illius sunt sequentes. Primo hæc imago non habet fundamentum in Scriptura, est insolita, & intuentibus falsi dogmatis imagines, aut rudibus periculosi erroris occasionem præbere potest, & hoc ipso reprobanda. Inprimis nullibi Spiritus S. sub forma speciosi Juvenis se videndum exhibuisse in tota Scriptura legitur: Vel si hæc imago quod habet fundamentum, tunc vel Genes. 18. ubi Abrahamo tres Viri apparuisse leguntur; vel in eo, quod imago SS. Trinitatis possit pingi sub forma trium Virorum sibi invicem statuta, ætate & quoad cætera æqualium. Verum enim vero cum illa doctrina exponens locum Scripturæ de apparitione trium Personarum divinarum sit valde incerta, non satis tuta, non sufficientibus

*An liceat
Spiritum S.
pingere in
forma spe-
ciosi Juve-
nis?*

*Reprobat
has imagines
Benedictus
XIV. sum-
mus Ponti-
fex.*

R 2

funda-

(m) Vid. Pfaffius in cit. Dissert.

(n) Vid. Lupus in Dissert. de Synodo generali VII. Mabillonius de liturg. Gallic. lib. 1. cap. 8. Binghamius in Orig. Eccles. Vol. III. pag. 235. Vol. IV. pag. 410.

(o) Dissert. de imag. SS. Trinit. pag. 24.

fundamentis innixa; ille usus vero pingendi SS. Trinitatem sub forma trium Virorum sibi invicem penitus æqualium non sit canonicus, non pacifice in Ecclesia receptus, non ab Ecclesia rite approbatus, non erit sufficiens ad hoc, ut liceat talem imaginem pingere. Secundo demus illam doctrinam esse legitimam, illum usum esse legitimum, quid sequitur? Hoc nempe, quod liceat pingere tres Viros statura, ætate & quoad cætera sibi æquales: neutiquam vero, quod Spiritum S. seorsum a duabus reliquis personis in humana specie, & quidem sub forma speciosi Juvenis pingere sit licitum: quia apparitio facta Abraham non fuit unius Viri; neque Spiritus S. unquam sub forma speciosi Juvenis apparuisse legitur. Esse vero hanc imaginem novam & insolitam aliunde clarum est. Quis enim unquam aut legit, aut audivit, quod Spiritus S. sub tali forma effigiatus fuerit? Tertio hæc imago occasionem periculosi erroris præbere potest: quia in animos intuentium revocare potest errorem illorum, qui asseruerunt, quod Spiritus S. humanæ conditionis naturam assumpserit, de quibus loquitur S. Cyrillus Hierosolymitanus (p). Atque hæc sunt præcipua argumenta, quibus Pontifex usum harum imaginum rejicit, & reprobat, ubi duo potissimum esse inquirenda pronuntiat: Primo, an Soror Crescentia istas imagines invenerit, vulgaverit, & approbaverit? Secundo, an earum usus, expressio & cultus sive intra sive extra Ecclesias admitti possit? Primam quæstionem examinandam relinquit iis, quibus cum tempore in virtutes Crescentiæ inquirere contigerit. Alteram ipse fusc pertrahat, & imprimis zelum Apostolicum Episcopi Augustani, quo hujusmodi imagines huc illucque sparsas, & per coenaculum, per Ecclesiam, per chorum expositas auferri & removeri iussit, laudat & approbat; ac dein, ut suo proposito constanter adhaereat, hortatur, monetque, imo mandat. Verba sunt sequentia: *Te hortantes, imo etiam auctoritate, qua fungimur, mandantes, ut in suscepto proposito firmiter constanterque perseverans nullo modo permittas hujusmodi icones ulterius multiplicari: quascunque verò ullibi existere conpereris, eas omnes & singulas de medio tollas adhibitis iis auctoritatis simul prudentiæque tuæ remediis, quibus optatum finem sine turba ac tumultu consequi posse judicaveris.* Nobis nec vacat nec licet sapientissimi hujus Pontificis doctrinam discutere, & ab ulteriori discussione eo libentius abstinemus, quo magis Venerabilis hæc Soror fama sanctitatis apud populum christianum inclarescere incipit. Hæc de figuris, formis & imaginibus.

Quan-

Duo salubria monita laudatissimi Pontificis.

Quantum ad tertium, quid nempe Episcopis & Ecclesiæ Præfatus hac in re disciplinari sit agendum: tria potissimum ad officium pastorale tam Episcoporum quam Parochorum pertinere videntur, quorum primum est, ut populum & plebem sanam de imaginibus, earumque usu & cultu doctrinam doceant; alterum, ut ipsarum imaginum curam habeant; tertium, ut immodicum imaginum cultum juxta regulas Ecclesiæ, prudentiæ, & discretionis Christianæ restringant.

Ordianur a prinio, id est a doctrina, quam de imaginibus, earumque legitimo usu & cultu tradere debent Episcopi. Si consulamus Synodos tam generales, quam particulares, præcipue Synodum Tridentinam, iterum ad tria potissimum in doctrina Christiana reflectendum est Episcopis; nempe ad ipsas imagines; ad scopum & finem illarum exponendum; & ad cultum rite explicandum. Quoad imagines, illas præcipue, quæ nobis DEUM, Trinitatem, vel Personas singillatim representant, id præcipue cavendum, ne populus rudis falsam de imaginibus ideam sibi faciat, sicque in turpissimos labatur errores: id quod duplici modo contingere potest: Primo, quando populus rudis falso errore sibi persuasum habet, quod DEUS prout est in se depingatur: & hoc modo in errorem Autropomorphitarum, vel alium æque gravem aut graviolem incidit. Secundo, dum imaginibus nescio quid divinitatis aut certe intrinsecam quamdam virtutem patrandi miracula aut effundendi beneficia inesse existimat. Utrumque errorem præcavit Synodus Tridentina; primum quidem per verba: *Non propterea divinitatem figurari, quasi corporeis oculis conspici, vel coloribus aut figuris exprimi possit* (q); Alterum in verbis: *Non quod credatur inesse aliqua in iis divinitas, vel virtus, propter quam sint colendæ, vel quod ab iis sit aliquid petendum, vel quod fiducia in imaginibus sit figenda, veluti olim fiebat in gentibus, quæ in idolis spem suam collocabant, sed quoniam honor, qui eis exhibetur, refertur ad prototypa, quæ illæ representant: ita ut per imagines, quas osculamur, & coram quibus caput aperimus, & procumbimus, Christum adoremus, & Sanctos, quorum illæ similitudinem gerunt, veneremus.* In eo ergo consistit vera doctrina Catholica, quod in his imaginibus non DEUS ipse prout est in se, sed prout apparuit, se se videndum præbuit, ac phantasie Prophetarum in visione, ecstasi & somno obtulit, depingatur; hæcque imagines non sint formæ physicae divinitatis, vel Trinitatis, vel Personarum divinarum; sed morales formarum externarum, in quibus DEUS apparuit, harumque adumbrationes morales & metaphoricæ.

R 3

phoricæ, præsentireque ipsarum externa signa ad prototypum repræsentationis sacræ efficta. Et quis similes formas pingi posse negaverit? utique hoc modo in sacris literis nobis repræsentantur. Literam impune imitatur penicillus. Illa autem beneficia, quæ ex cultu imaginum, illarum præcipue, quas *Thaumaturgas* appellamus, a DEO recipimus, intuitu devotioris, fiduciæ, fidei & spei nostræ a DEO in cultu respectivo hujus vel illius imaginis ex causis sibi soli notis singulariter complacente obtenimus. Quapropter Synodus Moguntina anno 1549. Can. 42. pravæ superstitioni viam præcludere volens omnibus locorum Ordinariis sapientissime injunxit, *ut si forte in territoriis suis ad imaginem aliquam concursus fieri, & homines ad ipsius imaginis figuram respectum habere, & quasi quamdam divinitatis opinionem illi attribuire animadverterint, ipsam imaginem pro causæ qualitate aut tollant, aut mutant, & aliam a prima notabiliter differentem reponant, ne rudis populus in suo intellectu depressus, & ideo per media corporalia ad divina erigendus, spem suam contra Ecclesiæ intentionem, in corporali, & quidem certa imagine, privata phantasia atque inhesionem colloquet, quasi in illa sit quædam necessitas, ut per eam, & non aliter, inducatur DEUS & Sancti id facere, quod petitur.*

*Maxime
Thaumatur-
gas.*

*Quis scopus
& finis i-
maginum?*

Scopum vero & finem imaginum jam pridem brevi verborum compendio expressit S. Gregorius lib. 7. epist. 110. Sereno Episcopo Massiliensi inscripta, in qua sic legitur: *Idcirco enim pictura in ecclesiis adhibetur, ut hi, qui literas nesciunt, saltem in parietibus videndo legant, quæ legere in codicibus non valent. Tua ergo fraternitas, & illas servare, & ab earum adoratu populum prohibere debuit, quatenus & literarum nescii haberent, unde scientiam historiarum colligerent, & populus in pictura adoratione minime peccaret (r). Idcirco usum imaginum supra usum librorum extollere videtur Synodus septima Act. 6. dicens: *Letitiam enim minus non nunquam recitatur in venerabilibus templis; imaginis vero formatio vespere, mane, & meridie tanquam in eis stabilita narrat nobis & annuntiat veritatem gestorum.* Hæc fusius & clarius nobis exponit Synodus Tridentina dum dicit: *Illud diligenter doceant Episcopi, per historias mysteriorum nostræ redemptionis picturis, vel aliis similitudinibus expressas erudiri, & confirmari populum in articulis fidei commemorandis, & assidue recolendis: tum vero ex omnibus sacris imaginibus magnum fructum percipi, non solum quia admittitur populus beneficiorum & munerum, quæ a Christo sibi collata sunt, sed etiam, quia DEI per Sanctos miracula & salutaria exempla oculis fidelium**

(r) Idem latius exponit lib. 9. epist. 9.

delium subjiciuntur, ut pro iis DEO gratias agant, ad Sanctorumque imitationem vitam moresque suos componant, excitenturque ad adorandum ac diligendum DEUM, & ad pietatem colendam. En! scopum & finem, in quem Ecclesia dirigit usum & cultum imaginum, nempe ut per eas, earumque repræsentationes, maxime si de rudiori plebe loquamur, veluti erudiamur & confirmemur in fide, beneficiorum DEI in nos copiosissime effusorum admoneamur, ad pietatem accendamus, ad imitationem incitemur, ac demum mysteriorum religionis memoriam perpetuam in nobis conservemus. Pulcherrime hæc exprimit Synodus Cameracensis (s) dicens: *Præterea admoneatur populus, imperitæ plebis causa maxime positas esse imagines, ut illarum aspectu docti & moniti patrocinium Divorum & pietatem in Christo conservemus, & eorum vitam imitemur.*

De cultu imaginum, & doctrina, quam desuper tenet sancta Mater Ecclesia, supra actum fuit. Ad id præcipue attendant Pastores animarum, ut rudi plebi exponant, quid in imaginibus colendum, videlicet imago cum respectu ad Prototypum; & quare sint colendæ, nempe non quod ipsæ aliqua inesse credatur divinitas, prout loquitur Synodus Trident. in textu mox ante citato; sed quia honos refertur ad prototypum; non propter materiam aut elegantiam, aut propter pretium; sed propter rem significatam, uti ait Synodus Cameracensis I. (t), cujus integrum textum apponere juvat: *Doceatur præterea populus imagini cultum nullum debere aut propter materiam, aut propter elegantiam, aut propter pretium operis, aut propter quidvis aliud, quod sit in artificio, aut imaginis substantia; sed propter rem significatam, ad quam hic cultus & honos præcipue refertur. Et sic admonendus est, animum orantis aut venerantis in rem significatam referri, & non in signum, quod nec audit, nec videt, nec sentit.*

Alterum, quod ad curam Episcopalem & pastorem pertinere diximus, est ipsa cura imaginum, de qua supra egimus, ubi ex Bellarmino monuimus, coercendam esse licentiam pictorum, ne in sua arte excedant, & falsas erroneasque imagines oculis nostris obtrudant, rudem plebem in nescio quos errores inducant. Quemadmodum ergo Ecclesia semper sollicita fuit, ne quid falsi in divino officio aut publice in ecclesiis prælegeretur, ne ipsa lectio populo erroris occasionem præberet, ita quoque cavendum est, ne in ipsis picturis & imaginibus quidquam falsi exprimitur, ne alias ex ipsis imaginibus in errorem & falsitatem.

(s) Tit. de imag. cap. 4.

(t) Titul. de imagip. cap. 3.

tem populus incidat: quemadmodum monet Synodus Tridentina, vehementer exoptans, ut nullæ falsi dogmatis imagines, & rudibus periculosi erroris occasionem præbentes statuatur. Et S. Carolus in Synodo Mediolanensi (u) ait: *Illud inprimis caveant Episcopi, ne quid pingatur, aut sculpatur, quod veritati Scripturarum, traditionum, aut ecclesiasticarum historiarum adversetur, ne cuius lætio prohibetur, ejus imago populo proponatur.* Hac de re plura supra diximus, ubi de pingendis imaginibus SS. Trinitatis egimus, utpote quas antiquior ætas teste Mabillonio non admisit, & Romana Ecclesia ad tempora usque Nicolai I. teste Christiano Lupo (x) ignoravit. Ex hac ipsa causa puerperum B. Virginis decumbentis & ægrotantis non esse pingendum ostendit celeberrimus Molanus in historia SS. imaginum (y): eo quod ex hujusmodi imagine rudiores facile in eum perniciosum errorem induci possunt, quod B. Virgo ad instar aliarum mulierum dolores partus fuerit experta, & puerperium subierit.

*Superstitio
vel maxime
in usu ima-
ginum præ-
cavenda.*

Uterius cavendum ex mente Synodi Tridentinæ, ut omnis superstitio in imaginum usu tollatur (z). De hoc abusu tollendo scribit citatus Molanus (a), quod sicut Synodus Cameracensis sub Maximiliano Archiepiscopo celebrata abominandam dicit esse vanitatem & superstitionem eorum, qui certo pollicerentur, non ex hac vita migraturos sine poenitentia & sacramentis, qui hunc illumve ex Divis coluerint: sic etiam vanissimæ superstitionis arguendum est, si quid tale alicubi imaginibus subscriptum habeatur, vel si historiæ & miracula ita repræsentantur, ut ex ea repræsentatione populus in hanc abominandam vanitatem & superstitionem haud difficulter induci posset.

*Item lasciv-
ia, levitas
& procax
venustas.*

Præterea jubet demum Synodus Tridentina, ut omnis lascivia vitetur, ita ut procaci venustate imagines non pingantur, nec ornentur. Postremo: tanta circa hæc diligentia & cura ab Episcopis adhibeatur, ut nihil inordinatum aut præpostere & tumultuarie accommodatum, nihil profanum, nihilque inhonestum appareat, cum Domum DEI deceat sanctitudo. Huic decreto conformiter statuit Synodus Mechliniensis (b), ut e templis & locis sacris tollantur imagines, sculpturæ, aulæ, quæ gentilitatem aut mendaces Ethnicorum fabulas Satyrorum, Faunorum, Sirenarum, Terminorum, & Nympharum, ac id genus alia repræsentant; Similiter quæcumque figuræ lascivæ, procaces, & obpudendam nuditatem, vel alias obscenæ

et

(u) Tit. 1. cap. 7.

(y) Lib. 2. cap. 27.

(a) Lib. 2. cap. 33. & 35.

(x) Tom. 2. Scholiorum in Canones pag. 1175.

(z) In sæpius citato Decreto.

(b) Tit. de imaginibus.

Et superstitiosæ, quæ fidelium mentes a religione & devotione abstrahunt, & sæpius graviter offendunt. In hanc rem juvat audire Mabillonium, qui *Doctrina Mabillonii in hac materia est notatu digna.* hæc omnia verbis prægnantissimis & exemplo prorsus notabili confirmat, dum sic dicit: *Ad Pastores animarum etiam spectat pictorum, sculptorumque licentia, qui imagines aliquando non tam ad excitandam, quam ad corrumpendam pietatem componunt. Nunc optandum esset, ut id eveniret, quod sua ætate Narbonæ accidisse Gregorius Turonensis Episcopus commemorat in libro primo de Gloria Martyrum cap. 23. de pictura, quæ Christum Dominum cruci affixum quasi linteo præcinctum exhibebat. At quippe, Christum semel ac tertio cuidam per visum intimasse, ut se non parte tantum, sed toto corpore operiret. Re tandem ad Episcopum delata is jussit desuper velum expandi, & sic nunc oblecta pictura suspicitur. Nam etsi parumper detegatur ad contemplandum, mox demisso velo contegitur, ne detecta cernatur. Hinc factum puto, ut in nonnullis ecclesiis Crucifixi statuæ veteres talari veste indatæ conspiciantur: qualis est ea, quæ in arde S. Cilinæ B. Remigii nutritis apud Remos hodie quoque visitur (c). Mabillonio accedat Molanus, qui pluribus in locis de lascivia vitanda in picturis & statuæ agit, ac signanter hæc habet: Utergo sacris Divorum imaginibus honor & veneratio major impendatur, oportet eas sic depingi, sculpi & effigurari, ut quosdam velut igniculos in hominum pectoribus succendant, omni levitatis atque lasciviæ, quod conventuum oculor offendere queat, offendiculo sublato (d). Tum contra pictores & ornatores imaginum, & statuarum, qui etiam ipsis imaginibus & statuæ D. Virginis & aliorum Sanctorum ornatum levem & lascivum appingere, aut adjicere non verentur, sua exposita querela concludit: Quid commune Virgini sanctissimæ, pudicitie numeris omnibus perfectæ atque expletæ cum ornatu illo pene meretricio? quid sanctis Martyribus Christi que Confessoribus cum plusquam profano ornatu (e)? Nolim tamen ego vestes auro, argento & gemmis distinctas, quibus vestiuntur imagines B. V., neque pretiosum ornatum, quo ornantur corpora SS. MM. reprobare: dummodo tales vestes ad modestiam & decorem sint compositæ, & nihil levitatis, nihilque quod castos offendere oculos posset, habeant. Esto enim castissima & humillima Virgo, dum adhuc agebat in terris, modesto & humili habitu incesse, nihil tamen prohibet, quo minus ad succendendos in nobis igniculos casti amoris, & offendendam illius Majestatem, qua tanquam Mater DEI, & Regina*

(c) Præfat. I. in Sæc. quart. §. 3. pag. 205.

(d) Lib. 2. cap. 37.

(e) Loc. cit.

*Infolita i-
magines non
facile tole-
randæ.*

Regina cœli præ cæteris Sanctis eminet, ad instar Imperatricis in habitu illam decente vestiri ornarique valeat. Denique Episcopi Decretum Synodi Tridentinæ sæpius citatum semper ante oculos habeant, huic conformiter usum imaginum prudenter restringant, & ad verba sequentia reflectant: *Nemini licere ullo in loco vel ecclesia etiam quomodolibet exempta ullam insolitam ponere, vel ponendam curare imaginem, nisi ab Episcopo probata fuerit.*

*Usus & cul-
tus imagi-
num juxta
regulas
Christianæ
discretionis
& pruden-
tiæ est mode-
randus.*

*Mabilionius
excessivum
cultum pruden-
ter per-
stringit.*

Denum ad Episcopos pertinet, ut usum & cultum imaginum juxta regulas christianæ discretionis & prudentiæ moderentur. In vim salutaris instructionis faciant, quæ habet sæpe laudatus Mabilionius, cujus verba auro cedroque digna sunt: *Procedente tempore*, ait Mabilionius, *tanto cum fervore Galli in cultum imaginum effusi sunt, ut magis retinaculo, quam incitamento jam opus habeat vulgi religio. Pia quidem est imaginum veneratio: sed optandum esset, ut plus sedulitatis tribueretur sanctissimo Eucharistice Sacramento, in quo ipse Christus non imagine sed re ipsa existit. At (quod maxime dolendum est) videas non raro fideles ecclesiam ingressos insulato tanto hospite ad imagines procumbere, quasi plus esset præsidii in ipsis, quam in ipso Eucharistice Sacramento. Verum hæc errata sunt rudis & imperiti vulgi ab Ecclesia emendanda Pastoribus, quorum officii est instruere plebem sibi commissam de congruo cultu imaginum, & legitimum ipsi præscribere modum, ne ad superstitionis effluat (§).*

*Præcaueant
Episcopi
scandala ex
indiscreto
zelo prove-
nientia.*

*Non nun-
quam majore
vis mali ri-
tandi gratia
quædam i-
magines
non ex omni
parte certum
repræsentan-
tes sunt to-
lerandæ.*

Notanter dictum fuit, Episcopis juxta regulas christianæ discretionis & prudentiæ esse procedendum, ne scandala in plebe, & majora mala oriuntur in Ecclesia. Quapropter Synodus Moguntina de anno 1549. Can. 42. ubi Episcopis injungit, ut pro qualitate causæ imagines aut tollant, aut mutant, saluberrime monet, ut in hac re procedant adhibitis prius in consilium Theologis, & christianarum antiquitatum scientissimis juxta ac pientissimis Viris. Synodus quoque Tridentina jubet Episcopos in similibus semper attendere ad id, *an indocta plebi expediat.* Valde notabilis est doctrina Molani, docentis, quod, licet Episcopi & Parochi alique, quibus cura animarum incumbit, satagere debeant, ne quid falsi per imagines repræsentetur, vel ne alicujus erroris occasio populo detur, nihilominus subinde ob majora mala evitanda, & ne ex earum amotione quorundam infirmitas nimium turbaretur, expedit aliquas imagines jam positas tolerare: licet, quæ in ipsis repræsentantur, non sint adeo certæ; imo sciantur, etiam falsæ: modo non talis sit falsitas, quæ nata sit in perniciosum errorem, aut circa dogmata

(§) Loc. mox antea citato.

gmata, aut mores populum inducere; sed potius & interim doceantur simpliciores, quid ex hujusmodi imaginibus sit discendum, quid non discendum (g). Hæc de usu & cultu imaginum fusius deducere libuit, tum quod ea utilissima esse facile perspexerim, tum quod hæc in obviis authoribus non tam facile reperiri haud ignovaverim.

§. XXI.

Ad rem liturgicam pertinent etiam Reliquiæ Sanctorum. Si quæ *De Reliquiis*. est materia examinis liturgici, in qua caute, circumspecte & provide *Hac materia agendum*, in eaque enucleanda certis regulis saniori Criticæ innixis *est summa opus est*, profecto præsens de Reliquiis, earumque cultu disquisitio tot, *difficultatis*. tantisque obnoxia est difficultatibus, ut Viri summi, qui eis enodandis suam locarunt operam, eas magis auxisse, implicasse, & multiplicasse videantur. Ante omnia oportet distinguere inter ipsas Reliquias, *Diversi generis sunt* aliarum aliarum sunt *dubiæ & incertæ*; aliarum *certæ & approbatæ*. Iterum *Reliquiæ* aliarum Sanctorum proprium nomen habentium; aliarum Sanctorum Anonymorum *Sancti Anonymi* seu baptizatorum, quos communi nomine solemus appellare *sanctos ignominii, baptizatos & incognitos*: illorum nomina produnt inscriptiones, dum e cryptis, *zati, vel cæmeteriis*, & catechumbis eruuntur; horum sunt ignota, & imo- *ignoti*. nuntur vel a Cardinale Vicario, vel Ædituo Capellæ Pontificiæ Episcopo Augustiniano.

Tria potissimum sunt, in quibus cardo difficultatis vertitur: Pri- *Triplix genus* mo quænam sint Reliquiæ Sanctorum *genuinæ*? Secundo qua arte *generis difficultatis* *genuinæ a falsis & dubiis* discerni valeant? Tertio quid circa cultum Sanctorum præcipue *Ignotorum* sit statuendum? Cum enim Reliquiæ quam *Undenam* plurimæ sapiant antiquissimam ætatem, difficillime demonstrabilem; *hæc difficultates oritur* & innumeræ fuerint a falsariis, & pessimi nominis hominibus suppositæ, & obtrusæ; haud paucae incaute & improvide a radi plebe assumptæ; & multitudo Reliquiarum successive in immensum excreverit; hisque sine delectu, sine ordine, sine approbatione ex zelo indiscreto cultus autoritate privata fuerit decretus, non potuit non mira oriri confusio, perturbatio, & incertitudo.

Duos præcipue Authores in hac materia difficillima veluti antefig- *Honoratus a* gnanos sequemur, Honoratum a S. Maria (h), & Joannem Mabillonius *S. Maria & Mabillonius* *præcipue in hac materia* *epistola* *hac materia*

S 2

(g) In hist. SS. Imag. lib. 2. cap. 35.

(h) Tom. 3. Animadvers. in regul. & ul. Critic. Dissert. 6.

*sunt confu-
lendi.*

*Fontes con-
fusionis re-
censentur.*

epistolam quandam sub nomine Eusebii de cultu *Sanctorum* ignotorum scripsit (i).

Fontes hujus confusionis, atque incertæ veritatis aperit Honora-
tus a S. Maria, atque sequentes enumerat: *inumanitatem Ethnicorum*,
impietatem hæreticorum, *aliorumque hominum impiorum*, qui S. Reliquias
vel vendiderunt, vel supposuerunt, vel surripuerunt; *negligentiam custodum*,
quibus illarum cura fuit demandata; *injurias temporum*; *excessivam pieta-
tem fidelium*; *divisionem corporum occasione consecrationis ecclesiarum &
altarum*; *translationes sanctorum Corporum*; *imagines Reliquiarum*; *si-
militudinem rerum & nominaum*; *criticam Scriptorum ecclesiasticorum*, qui
Reliquias antiquas excessiva nonnunquam crisi vel impugnarunt, vel defende-
runt, vel saltem dubias reddiderunt. Hæc non nihil uberius dilucidemus.

*Cultus Reli-
quiarum co-
rens est Ec-
clesiæ.
Fuit Gentili-
bus abomi-
nabilis.*

Rem ab ovo incipiamus. Venerationem SS. Reliquiarum esse fer-
me coævam Ecclesiæ indubitata est doctrina Catholicorum. Hunc u-
sum a primis temporibus abominati sunt Gentiles & Ethnici illudentes
Christianis, quod suorum Martyrum ossa recondant, venerentur, eos-
que instar Deorum Mediatorum apud Superiores Deos haberent, cujus
testes sunt Isidorus Pelusiota (k), & Theodoretus (l). Immania Gen-
tilium facta fuisse recenset Honoratus a S. Maria (m), ubi inter alia hæc

*Furor eorum
in SS. Re-
liquias.*

habet: *Ea (videlicet corpora SS. Martyrum) projecerunt voranda be-
stias, avibus & piscibus, atque igne absumenda. Cineres denum in mare,
& flumina jecerunt, & vento disperserunt. Rabiem denique suam eo inhu-
manitatis adduxerunt, ut Martyrum ossa cum bestiarum, atque impiorum,
& facinorosorum ossibus miscerent. Horum testes omni exceptione ma-
jores sunt Scriptores ecclesiastici Eusebius, Theodoretus, & Sozo-
menus, quorum ultimus sic scribit: Reliqua autem ossa, quæ ignis neu-
tquam absumperat, ossibus camelorum, & asinorum, quæ ibi projecta erant,
admiscuit, adeo ut perdifficile esset ea inter ossa reperire (n). Quid de Ju-
liano Apostata dicamus, de quo testatur Theodoretus (o), quod Sa-
cerdotum & Virginum ventres discindi, horreo farciri, ad extremum
eos porcis devorandos objici imperaverit.*

*Exécrabilis
etiam hære-
ticis.*

Gentilibus acceperunt Hæretici, & inter hos Manichæi, & Aria-
norum pessimi Eunomiani, specialiter Vigilantius & Claudius Tau-
rinensis,

(i) Hæc epistola annexa est Præfationibus in Aët. Sanct. Tridenti anno 1724.
editis.

(k) Epist. 44.

(l) Serm. 8. contra Gentiles.

(m) Tom. 3. Animadv. Dissert. 6. art. 1.

(n) Hist. Eccles. lib. 5. cap. 8.

(o) De Martyr. Palæst.

rinenſis, de quibus teſtatur Hieronymus, quo cultores Reliquiarum per ignominiam appellaverint *Cinerarios & Idololatrias* (p). Quid non ſe-
 cerunt noviores Sectarii Calvini & Lutheri aſſectæ? quomodo non de-
 bacchati ſunt in Sanctorum reliquias? Eſt Vigilantius, Eunomius
 alique antiquiores hæretici cultum reliquiarum oppugnaverint, non
 tamen legimus, eos impie admodum Martyrum & Sanctorum ſepul-
 chra violari, cinerum illorum pacem turbare, vel ſacras Urnas fregiſſe.
 Hæc ſane barbaries novis Sectariis peculiaris futura erat, qui in eam
 demum fraudem deſcenderunt, quæ gentilium furorem fugerat. In
 urbibus namque, in quibus dominati ſunt, non modo reliquias cre-
 marunt, omnesque earum memoriæ notas fuſtulerunt, ſed alias quo-
 que falſas priorum loco poſuerunt; imo res etiam turpes ſubſtituerunt,
 ut fidelium pietatem fallerent, atque illuderenſi cultui, quem pretioſis
 iſtis Sanctorum exuviis præſtabant. Tot denique execranda ſuper hac
 re commiſerunt, ut prudentiores atque illuſtiores Proteſtantium bar-
 baram hanc, impiamque agendi rationem abominati ſint, & ſolemni
 ritu damnarint (q).

Quanto crudelius Ethnicis, & Hæreticis in ſacras debacchati ſunt
 Reliquias, tanto majus erat ſtudium Chriſtianorum colendi corpora SS. Reliquia-
 Martyrum, utpote qui ad ſepulchra Martyrum vigilas egerunt, in cry-
 ptis convenerunt, ſepulchra eorum exornarunt, feſta celebrarunt, de-
 ſuper altaria, & ſucceſſu temporis templa erexerunt: unde ſucceſſive
 mos invaluit transferendi corpora & reliquias, ut nulla Eccleſia nul-
 lumque altare confeſcraretur, in quo non recouderentur Reliquiæ SS.
 Martyrum (r). Mos hic præcipue Romæ invaluit: poſtea tranſiit ad
 omnes Eccleſias Occidentis, & demum accedente ſanctione Concilio-
 rum in legem ſtabilem abiit.

Ex hoc more alia fluxit conſuetudo, nempe effodiendi corpora &
 Reliquias, easque transferendi in eccleſias jam dedicatas vel dedican-
 das: non ut ibidem ſublimi loco ponerentur, uti hodie; ſed ſub iſtis
 altaribus veluti ſepulchris honorificis requieſcerent, ceu docet Mabil-
 lonius (s), e quo quædam animadvertere libet, quorum unum eleva-
 tionem & translationem; alterum ſepulturam, modumque tumulandi
 corpora ſpectat.

S 3

Eleva-

(p) Lib. contra Vigilant.

(q) Honoratus loc. cit.

(r) Vid Honoratus loc. cit.

(s) Præfat. in Sæc. II. Ord. S. Bened. §. 4. obſervat. 54.

In defuetudinem abiit tempore S. Gregorii M. oh nundinationes falsificationes aliosque abusus.

Theodosius hæc prohibuit.

*Brandeæ in locum Reliquiarum u-
juenerunt.*

*De sepultu-
ris & modo
sepeliendi
corpora S. &
Norum.*

Elevationes & translationes eorum Sæc. IV. & V. tum in Oriente quam in Occidente fuisse frequentissimas, laudatus Author plurimis com-
monstrat exemplis (t). Tempore S. Gregorii M. mos hic abiit in de-
fuetudinem : eo quod in detrimentum Religionis vergere videbatur.
Rationem affert Mabillonius ex S. Augustino, qui in lib. de opere Mo-
nachorum cap. 8. quosdam personatos ac fictos Monachos redarguit,
quod circumuehentes provincias membra Martyrum (si tamen Martyrum mem-
bra) vendiderent. Videlicet inde plures occasione sumptuerunt ven-
dendi, nundinandi, mercandi, dividendi, supponendi, & falsificandi
reliquias. Hæc res procul dubio Theodosio Imperatori occasio fuit
fanciendæ legis, ut nemo humatum corpus ad alterum locum transferat, ne-
mo Martyrem disrahat, nemo mercetur (u). Ulteriore hujus testem
affert Mabillonius Guibertum Abbatem hoc modo loquentem : Certe si
Sanctorum corpora sua juxta naturæ debitum loca, id est sepulchra, serua-
sent, Reliquiarum nundinationes ac falsificationes cessassent. Per hoc enim,
quod e tuniulis eruuntur, membratim huc illucque feruntur, & cum pietatis
obtentus occasio circumlocationis extiterit, ad hoc subeunte nequitia detorqueri
capta est intentionis reſtitutio, ut patet, quæ simpliciter fieri consueverant,
corrumperet uniuersa cupido (x). Hoc tempore Reliquiarum loco Brandeæ
usuenerunt, de quibus mox infra. Sæculo VII. iterum elevationes
& translationes factæ frequentiores, & usque nunc in usu Ecclesiæ
fuerunt. Quamplurima translationum exempla recenset Mabillonius (y).

Alterum spectat sepulturas modumque sepeliendi corpora Sancto-
rum. Varios hujuscemodi modos affert Mabillonius, quomodo vide-
licet Ægyptii corpora & reliquias domi in lectulo repositas serauerint;
alii in cœmeteriis, vel oratoriis subterraneis ea sepeliverint, & exuias
argenteis pyxidibus, aliisque pretiosis reconditoriis incluserint (z).
Hæc eum in finem affert, ut ostendat, quod olim SS. corpora sub al-
tari

(t) In Oriente Constantinus Imperat. sanctas Reliquias Andreæ, Lucæ & Timo-
thei tranſtulit Constantinopolim; Arcadius ossa B. Samuells de Judæa in Thra-
ciam: Pulcheria Augusta SS. 40. Martyrum exuias e ruderibus eduxisse le-
gitur: In Occidente S. Ambrosius SS. Gervasii & Protasii corpora loco mo-
vit: Perpetuus Turonicus corpus S. Martini convenientiori loco recondi-
dit &c.

(u) L. ult. de sepul. viol. Cod. Theodof.

(x) Lib. 1. c. 4. de Pignorib. Sanctorum.

(z) Ibid. observat. X.

(y) Cit. Præfat. observat. VII.

tari condita; neutiquam supra altare publico cultui fuerint exposita. *Super Reliquiis erigebant ciboria, seu turritas ædículas quatuor columnis innixas, & columba aurea decoratas, ceu refert Gregorius Turonensis. Ejusmodi ciboria antiqui appellabant fredas, lectos, lecticas, tumbas, mansolea, quorum testum repa, seu crepa dicebatur. Hunc ritum recondendi corpora adhuc Sæc. VII., quamvis eo tempore sæpius e tumulis levarentur, observatum, & ad Sæc. usque XII. continuatum fuisse, idem fufius explicat, donec mos Reliquias thecis aureis & argenteis includendi, easque supra altaria cultui publico exponendi invaluerit.*

Ex moribus hætenus recensitis dedicandi ecclesias, consecrandi altaria, erigendi tumulos plurima consecuta fuere incommoda, nempe ingens studium conquirendi corradendiue reliquias, eas dividendi, surripiendi, supponendi, falsificandique, & in earum loco brandea substituendi. Historia ecclesiastica redundat exemplis scelestorum atque impiorum hominum, qui nequiter falsas reliquias confinxerunt, surripuerunt, & mercatu turpissimo ac sacrilego venales habuerunt. *Ex his sequiebantur plurima incommoda, & quæ?* *Turpes mercatus, furta, suppositiones.* *Hujus rei multa afferuntur exempla.* *Ætate ipsa S. Augustini (a) Monachi quidam Circumcelliones nuncupati veris reliquiis falsas supponebant. S. Greg. redarguit facinus quorundam Græcorum, qui Romæ e mortuorum sepulchris ossa eruentes, atque in suas regiones deferentes tanquam veras reliquias venditabant. Nemo unus ignorat historiam fat vulgatam de corpore S. Marci Alexandria sublati, & Venetias, sicuti ferunt, delati. Refert Author vitæ S. Benedicti (b), quosdam consilium iniisse de surripiendis reliquiis hujus S. Patriarchæ: dum apud sacrum caput se pernoctare simulassent, ejusdem Patris Benedicti filii ossa auferentes, in suam patriam apportaverunt. Alia quoque sacrilegorum furtorum istorum exempla legi possunt apud Gregorium Turonensem, Walafridum, Strabonem, Glabarium, Surium & alios. Hæc facinora fuisse fat frequentia inde colligitur: tum quod custodes sepulchrorum noctu etiam excubantes constituti; & Sanctorum corpora sub altari vel aliis locis diligenter clausis recondita fuerint: tum quod Synodi canones severissimos ad coerendam malitiam hominum, & cohibenda latrocinia condiderint (c), licet*

(a) Lib. de Oper. Monach. cap. 28.

(b) Adrevaldus lib. 1. de mirac. S. Bened. c. XI. & Hist. de ejus Translat. c. 4. & 5.

(c) De Venetis testatur Anossius lib. de Reliq. cultu, quod metu, ne corpus S. Marci

licet ea non fuerit industria custodum in custodiendis reliquiis, qualis esse debuerat. Idcirco illorum negligentia, vel malicia evenit, ut Reliquiæ Sanctorum vel venderentur, vel surriperentur. Quo factum est, ut multi crederent, imo nunc quoque credant, se possidere SS. Reliquias, etsi in ecclesiis illis nihil Sancti illius præter nomen fortassis superfit. Quot sunt Ecclesiæ, ait Honoratus a S. Maria, quæ existimant apud se extare integrum corpus alicujus Sancti, interim in illis nihil, nisi aliquod reliquiarum exiguum fragmentum reperitur? quot jactant Sancti alicujus corpus habere, quod tamen alterius est? quot demum unum pro alio colunt (d)?

Consuetudo
dividendi
ossa Sancto-
rum.

Unde orta?

Terra san-
guine tincta
vel Brandea
in locum re-
liquiarum
assumeban-
tur.
Quid Brandea?

Consuetudo dividendi ossa Sanctorum pariter nihilo recentior est, ac fidelium pietas erga eorum reliquias. Theodoretus quidem nos docet sua ætate vix unum corpus repertum fuisse, quod omnibus suis partibus constaret (e). Erat nempe persuasum fidelibus, tantum inesse virtutis & gratiæ, quantum integro corpori. Fuit hæc opinio ipsorum Patrum Gregorii Nazianzeni (f), Gaudentii Brixienfis (g), aliorumque: unde necessario enasci debuit ingens studium aliqua saltem Sanctorum fragmenta impetrandi, & sic partiendi. In hodiernam usque diem in variis locis diversas ejusdem corporis partes, caput, brachium, digitum &c. asservari, colique scimus.

Eo ventum est ut in locum reliquiarum Sancti illius, in cujus honorem ecclesias dicabant, altaria erigebant, tumulosque construebant, ævo potissimum Gregoriano, quo elevationes & translationes corporum erant interdictæ, assumpserint terram sanguine tinctam ex pulvere sepulchrorum, vel Sanctuaria, quæ Scriptores antiquiores appellabant Brandea; & nihil erant aliud, quam linteamina, vela, vel quidpiam tale, quod Sanctorum illorum reliquias attigerit. De hujusmodi Brandeis legendus est Gregorius Turonensis (h), ex quo plura

Marci auferretur, illud in sumptuosa recens erecta Basilica collocaverint, ut ubi locorum illud positum esset, penitus ignoretur. Concilium Lateran. sub Innocent. III. decrevit, ne antiquæ Reliquiæ amodo extra capsam ostendantur. Et Turonense de anno 1282. illos præcipue Sacerdotes, qui Reliquias furtive subtraxerint, excommunicationis sententiæ vult subiacere.

(d) Lib. 3. Dissert. 6. art. 3.

(e) Vid. mox citatus Author.

(f) Orat. in Julian.

(g) Hic, dum de Reliq. 40. Mart. disputans ait: *Ipsa pars, quam meruimus, plenitudo est.*

(h) Lib. 1. de Miracul. S. Martini, & lib. 1. de gl. Martyr. cap. 28.

plura exempla afferunt Mabillonius (i) & Honoratus a S. Maria (k). Sed nondum satis. Alium cogitatum fidelibus sua ingessit pietas contestandi suum devotionis ardorem erga sacras reliquias. Nimirum efficiebant imagines sacrarum reliquiarum; has veris reliquiis admovebant, ut ex hoc contactu acquirerent virtutem operandi miracula, quæ Deus intuitu reliquiarum operari sæpius dignabatur. Ad hoc pium fidelium inventum referendæ videntur tot vestes inconsutiles, sindones, clavi, spinæ, aliaque instrumenta passionis dominicæ; item tot imagines a S. Luca depictæ, vestesque B. Virginii propriæ, quæ hinc inde ostenduntur, & cultui publico exponuntur. Nostris etiam temporibus hinc inde visuntur imagines cordis S. Augustini, manus S. Annæ, lingua incorrupta S. Joannis Nepom., corda serica cordi incorrupto S. Theresiæ admota. Huc pertinet, quod refert Ludov. ab Angel. de Augustino a Jesu Visitatore Generali Eremitarum S. Augustini, quod hic, dum Germaniam visitaret, Monachii repererit inter cæteras reliquias cor ferreum aureo circulo cinctum cum inscriptione: *cor Augustini*; hic vero inscriptionem mutaverit inscribendo: *cor contactum vero cordi S. Augustini, quod ferreum propter nimiam ejus constantiam, aureum propter inflammatam charitatem* (l). Quæ autem confusio & incertitudo reliquiarum inde fuerit consecuta, quis satis enarrabit (m)? Quomodo similitudo rerum & nominum reliquias multas reddiderit incertas, easque mirum in modum multiplicaverit, fuse ostendit Honoratus a S. Maria (n). Inde enim suum ortum habere existimat tot capillos, tot guttulas sanguinis, & lacrymas Christi, tot particulas lactis Matris Dei, aliorumque Sanctorum reliquias. Inde venire putat, quod idem corpus, eademque reliquiæ, e. g. S. Marci (o) S. Magdalenæ (p) S. Dionysii Areopagitæ (q) S. Cæciliæ (r) S. Lazari in diversis locis ostendantur (s).

Quan-

(i) Præfat. in Sæc. II. §. 4. observat. 7.

(k) Loc. cit. Art. 5. §. 1.

(l) Lib. 6. de vita S. August. cap. 5.

(n) Ibid. art. 9.

(m) Vid. Honoratus a S. M. loc. cit. art. 7.

(o) Venetiis, & in Monasterio Augiæ divitis.

(p) Vezeliaci, & in Provincia; item Ephefi.

(q) Ratisbonæ ad S. Emmeramum, & Parisiis.

(r) Romæ, Lucæ, Papiz, Parisiis.

(s) Massiliæ, in Collegio Andelavensi, Constantinopoli.

*Quam auxit
pietas fide-
lium.*

Quantum pietas fidelium erga Sanctorum Reliquias ad earum & confusionem & multiplicationem contulerit, partim ex dictis, partim ex sequentibus liquet. Tantis enim erat illorum ardor, ut neque studiis neque impensis parcerent in illis undequaque conquirendis. Cum extremo vitæ discrimine non raro primi Christiani conquisserunt Reliquias SS. Martyrum (t), ingenti pecuniarum vi eas redemerunt (u). Nulli labori pepercerunt, ut particulam quamdam etiam minimam obtinerent: ut adeo mirum esse non-debeat, si hinc inde fraudes & doli, errores & falsitates intervenerint, & exinde mira rerum confusio & incertitudo ortum suum traxerit (x). Quid dicam de pulvere e sepulchris collecto, de oleis, pallis, pannis, linteis, brandeis in vim reliquiarum assumptis (y)?

*Etiam Scri-
ptores earum
incertitudi-
nem invexe-
runt.*

Quantam rerum confusionem, reliquiarum incertitudinem, historiarum perturbationem invexerint Scriptores ecclesiastici, recentiores præcipue Critici, qui hujus materiæ dilucidandæ provinciam, ac laborem improbum in se suscepserunt, quis satis edicere valeat? Quanta non animorum contentione hætenus fuit dimicatum de reliquiis J. Ch. de relicto in terris sanguine, de lacrymis in resuscitatione Lazari effusis, de sudario, de syndone, corona spinea, clavis, particulis S. Crucis, veste inconfutibili, de supellectile B. Virginis, de guttulis lacteis, de crinibus &c.?

*Regulæ di-
scernendi ve-
riquias veras
a falsis.*

Idcirco mirum videri non debet, quod Viri plures primæ eruditionis infudaverint tradendis regulis, quibus reliquiæ *veræ a falsis, cer-
tæ*

- (t) De non nullis Christianis testatur S. Chrysostomus Homil. de SS. Juvenco & Maximo MM. quod horum corpora cum vitæ discrimine sustulerint. De S. Justino legimus, quod ob collecta corpora SS. MM. martyrio coronatus sit. Martyrologium Rom. nobis tradit S. Nicandrum eadem forte fuisse gavisum.
- (u) Testatur Surius in actis SS. 2. Nov. quod Christiani pro capite S. Hieronis tantum auri expenderint, quantum ponderis erat.
- (x) Sic miles quidam summo studio perquirebat particulam de corpore S. Thomæ Cantuariensis, cui particulæ loco callidus quidam Presbyter obtulit frœnum asserens, illud ipsum esse, quo S. Thomas usus fuerat: Miles vero frœnum cum multa devotione recepit, in honorem S. Martyris ecclesiam ædificavit, & loco reliquiarum frœnum in ea reposuit, prout scribit Manrique Annal. Cisterc. ad annum 1171. cap. 3.
- (y) Vid Mabill. in Epist. de cultu SS. ignot. §. 19. ubi plura asfert exempla de oleo ex lampadibus desumpto, portionibus terræ sanctæ in omnes mundi partes delatis, variisque prodigiis exinde secutis.

tæ & indubitæ a dubiis & suspectis discerni valeant, & Ecclesia hodierna non tantum, sed vetustissima etiam cautissima semper & prorsus circumspecta fuerit in approbandis sacris reliquiis, & statuendo earum cultu.

Priusquam de regulis discernendi reliquias agamus, modum approbandi reliquias veterem non nihil dilucidemus. Huc spectat notissimum & celeberrimum factum S. Martini Turonensis, quod refert Sulpitius Severus in illius vita (z). Colebatur in loco quodam sanctus quidam Martyr altari desuper extructo. Sed Martinus non temere, ait Severus, adhibuit fidem. Dein se grandi scrupulo permoveri sensit, quod nihil certi constans sibi majorum memoria de illo tradidisset: postremo ab his, qui majores natu erant, Presbyteris vel Clericis flagitabat sibi nomen Martyris, vel tempora passionis ostendi. Et tunc quodam die adhibitis fratribus super sepulchrum aditans oravit ad Dominum, ut, quis esset, vel cuius meriti, ostenderet. Tunc conversus ad lævam vidit prope assistere umbram sordidam, trucem: Imperat, nomen, meritumque proderet. Nomen edicit, de crimine fatetur, latronem se fuisse ob scelera percussum, vulgi errore Martyrem se esse celebratum; nihil sibi cum Martyribus commune esse. Mirum in modum vocem loquentis, qui aderant, audiebant; personam non videbant. Tunc Martinus altare submoveri iussit, atque ita populum superstitionis illius absolvit errore. Hactenus Severus Sulpitius. En religionem sanctissimi hujus Episcopi! Non temere credidit, ad traditionem provocavit, rem cum suis Presbyteris & Clericis egit, Deum rogavit, ut necessarium lumen allunderet.

De modo probandi reliquias per ignem olim non adeo infrequenter videamus. Modum hunc jam Sæc. VI. fuisse usitatum, luculenter ostendit decretum Concilii Cæsaraugustani II. anno 592. sub Gregorio M. habiti, cuius Canonell. statuitur, ut Reliquiæ in quibuscunque locis de Ariana hæresi inventæ fuerint, prolatae a Sacerdotibus, in quorum ecclesiis reperiuntur, Pontificibus præsentatae igne probentur. In hanc rem duo exempla ex Sæc. XI. adducit Mabillonius (a), unum ex Chronico Cassinensi (b), ubi legitur, quod Monachi quidam Ierosolymis redeuntes particulam lintei, quo Christus pedes discipulorum terxit, secum detulerint, & Cassinatibus obtulerint, quibus cum multi fidem non adhiberent, prædictam particulam in accensi thuribuli ignem injecerunt, quæ

T 2

mox

(z) Cap. 2.

(a) In Appendice II. ad epist. de cultu SS. Ignotorum.

(b) Lib. 2. cap. 33.

mox in ignem conversa paulo post semotis carbonibus in pristinam speciem mirabiliter rediit. Alterum ex vita S. Meinwerci Episcopi Paderbornensis, cui Wolfgangus Aquileiensis Patriarcha corpus S. Felicis cum duobus palliis in monasterio noviter a se constructo reponendis misit. Verum Meinwercus experiri volens veritatem corporis in medio claustris sub dio rogam maximum incendi curavit, in quem cum tertio corpus immisisset, totiesque in favillam redactum extincto igne integrum evasisset, cum maxima omnium jubilatione super altare principale fuit collocatum. Aliud adhuc recentius longe experimentum in veræ crucis particula factum idem Author refert, ubi fusius recenset ritus, & preces in simili probatione adhiberi consuetas.

Eti hic modus probandi per ignem, & discernendi reliquias veras a falsis fuerit extraordinarius, & in hodierna Ecclesiæ disciplina amplius vix usualis & tolerabilis, inde tamen luculenter probatur, Ecclesiam veterem adhibuisse summam diligentiam, summumque studium, cautionem & circumspectionem, ut reliquias veras a falsis discriminaret. Hæc luculentiora sient, ubi de cautelis, quibus Ecclesia utitur in decernendo cultu Sanctorum, agemus.

§. XXII.

Regula Criticorum discernendi Reliquias.

Jam de regulis, quas saniores Critici præscribunt ad discernendas reliquias, agamus. Tres potissimum præter alios consuluimus Scriptores, nempe Thierium (c), Mabillonium (d), & Honoratum a S. Maria (e) utpote qui hanc materiam ex professo tractant. Hos inter singularem mentionem meretur Thierius, qui in sua crisi dum de lacryma Vindonicensi agit, prorsus excessivus est, & propterea jure tam a Mabillonio quam ab Honorato vapulat (f).

Regula Thierii in ordine ad demonstranda

Ut ergo Thierius fidem lacrymæ Vindonicensis prorsus everteret, instar regulæ inconcussæ in ordine ad discernendas reliquias veras a falsis ponit solam traditionem vel divinam, vel apostolicam, vel ecclesiasticam.

- (c) Traët. de superst. Tom. 2. lib. 4. cap. 5. & Dissert. de lacryma Vindonic. 1699. edita cap. 13.
- (d) Lettre d'un Benedictin à Monseigneur l'Evesque de Blois touchant le discernement des anciennes Reliques, au sujet d'une Dissertation de Mr. Thiers contre la sainte larme de Vendôme.
- (e) Animad. in Regul. Tom. 3. lib. 5. Dissert. 6. Art. 11. & seq.
- (f) Locis cit.

fiasticam. Huic doctrinæ se se vehementissime opponit Mabillonius, *dogmata est unaque docet, hanc regulam esse sanæ optimam in ordine ad statuendum aliquod dogma fidei, morum & disciplinæ; at vero illius applicationem ad discernendas reliquias veras a falsis esse falsam, esse injustam, esse temerariam, & ex ea fluere sequelas pessimas & absurdissimas (g).* *dogmata est bona; in ordine ad Reliquias probandas pessima.*

Falsa est hæc regula illiusque applicatio : quia hac stante regula *Est falsa.* innumeræ reliquæ hæctenus pro veris habitæ eliminandæ, proscribendæ, supprimendæ, aut falsæ cum veris permiscendæ erunt. Cum enim ad probandam veritatem illarum requiratur traditio de ore ad os, de manu ad manum, de sæculo ad sæculum testimonio omnis ferme ætatis Authorum confirmata, & revera admodum paucæ sint, quarum fides hujusmodi autoritate sustentatur, aliud quid superest, nisi ut supprimantur, aut cum falsis permisceantur? Exemplo sint tot particulae Crucis genuinæ, aut saltem ut tales agnitæ, quæ in diversis ecclesiis asservantur, & a tempore immemoriali coluntur: quin earum fides argumento traditionis ecclesiasticæ proprie talis demonstrari possit. Profecto ex doctrina Thierii hæc omnes aut supprimi, aut cum dubiis confundi debent.

Injusta est: quia funditus evertit omnem bonam fidem omnium fere ecclesiarum, quæ multas veras reliquias possidere ex argumentis sane prægnantissimis hæctenus crediderunt: siquidem nulla argumentum quoddam testimonio omnium aut fere omnium sæculorum Scriptorum corroboratum in medium asferre potest. Sunt plures ecclesiæ, quæ existimant se possidere caput S. Joan. Bap. corpus S. Magdalenzæ, clavos Domini, vestem inconsutilem, notabilem partem suppellestilis Deiparæ, sacram Sindonem; & tamen non nisi unum corpus, unum caput, unam Sindonem potest esse vera. At ubinam reperies testes omnium sæculorum, ut hæc interroscas? Juvat audire verba Mabillonii: *Je dis en second lieu, que cette application est injuste: parce qu'elle reverse la bonne foy de presque toutes les Eglises, qui assurent, qu'elles possèdent plusieurs reliques véritables, qui ne sont ni attestées par des Auteurs de tous les*

T 3

tems,

(g) Cit. epist. ubi inter alia mox ab initio sequentia habet: l'espere, que V. G. voudra bien souffrir, que je m'adresse aussi à Elle pour luy représenter l'injustice du procédé de ce fameux Critique, les fausses règles qu'il donne pour reconnoître la vérité de saints Reliques, les mauvaises applications, qu'il fait des exemples de saints, & les facheuses conséquences que l'on peut de tirer de la Dissertation, qu'il a publiée.

tems, ni par aucun Concile, Pape ou Eveſque, dont on puiſſe produire les temoignages. Que ſi c'eſt renverſer tout le commerce civil, que de nier la bonne ſoy parmi les hommes, & ſi c'eſt un crime digne de punition, d'imputer à un honneſte homme une ſouberie ſans en avoir des preuves convaincantes: que ſera ce d'oſer ſous de legeres apparences toute creance à la plupart des Eglises chreſtiennes, qui ſe vantent de poſſeder des ſaintes Reliques, dont elles ne peuvent produire de temoignages autentiques ?

Est temeraria.

Temeraria est: quia illius Author vult obtrudere medium discernendi, mediante quo impossibile est discernere reliquias veras a falsis. Quænam enim illa Ecclesia, quæ veritatem suarum Reliquiarum argumento traditionis testimonio omnis ætatis Scriptorum corroboratæ demonstrare potest? Temeraria, inquam, est: quia contraria est menti & spiritui Ecclesiæ, utpote quæ hanc regulam in discriminandis reliquiis, & statuendo earum cultu nunquam adhibuit; sed potius pro sua admirabili sapientia quodam iustissimo temperamento usa fuit. Equidem Ecclesia in discernendo dogmate fidei in vim regulæ semper assumpsit sacram Scripturam & traditionem: In permittendo autem vel statuendo cultu eidem sufficit vera probabilitas. Aliter si dicamus, nunquam adorare licebit hostiam consecratam, utpote de qua ex traditione certo non constat, an revera sit consecrata. Atque hoc est discrimen inter virtutem fidei, & cæteras virtutes e. g. Religionem, quod actus fidei omnimoda certitudine, exclusiva omnis formidinis de opposito regulari exigant; e contra ad dirigendos actus religionis, aliarumque virtutum sufficiat probabile verum, exclusivum falsi practice talis; quin requiratur certitudo omnimoda, utpote quæ in practicis rarissime haberi potest. Vid. alibi dicta (h). Temeraria est, quia, si vera est, omnes ferme ecclesiæ superstitionis argui possunt: eo quod venditent reliquias, & illis cultum impendant, quarum veritas sufficienter non est demonstrata (i). Plura leguntur in ipsa epistola sane eruditissima, si cui illa ad manus sit.

Regulæ meliores.

Longe faciliores, menti Ecclesiæ conformiores, & securiores regulas tradunt alii Viri eruditi, quarum aliquas hic in medium proferre & non nihil dilucidare juvat.

Regula I.

(h) Tom. I. Quæst. II. Cap. 3. de Tradit. §. 10.

(i) *Sur ce principe il n'y a presque point de l'Eglise que l'on ne puisse taxer de superstition, n'y en ayant presque aucune, qui n'honore des Reliques, dont on ne peut prouver la possession par cette tradition ecclésiastique &c.*

Regula I. Discernendi reliquias falsas a veris, dubias a certis pro-
cul dubio est *Traditio Ecclesiastica*: sed quoniam hæc vel nunquam
vel raro ex dictis haberi potest, in illius locum subintrabit *Traditio etiam*
pia: dummodo sit vere talis, & non potius *vulgaris*. Quænam vero
sit *pia*, quæ *vulgaris*, quomodo ab invicem distinguantur, alibi tradi-
dimus (k). Ut autem ratio deducta a traditione vim habeat, oportet,
quod hæc traditio longo annorum cursu, & spatio temporis immemoria-
lis firmata, constans, perpetua; nullatenus intermissa, neque argu-
mentis majoris autoritatis oppugnata; quin potius consensu vel ex-
presso, vel tacito (l) Episcoporum invicem succedentium confirmata
fuerit.

Regula II. Pro dissolvendo dubio, an quædam reliquiæ noviter
inventæ sint identicæ, sunt *miracula & revelationes*: cum enim DEUS
mentiri nequeat, neque in testimonium falsi miracula patrare valeat,
hujuscemodi reliquiis fides denegari non potest, dummodo revelatio
perspecta sit, & miraculum verum esse constet. Nam non omni
spiritui credendum est, & sæpius revelationibus pie creditis subesse pos-
se falsum, argumentis Theologicis demonstrat autor operis *de Revelatio-
nibus*, Vir sane primæ eruditionis (m). In discernendis quoque mira-
culis veris a falsis ingentem latere difficultatem quis ignorat (n)? Hoc
pactio aperuit Deus quamplurimas Sanctorum exuvias. Ex admonitio-
ne divina cognovit D. Ambrosius corpora SS. Gervasii & Protasii, Pul-
cheria Imperatrix cineres 40. MM., sancta quædam mulier reliquias
S. Cypriani. Non semel DEUS per Angelos indicavit loca, in quibus
Sanctorum reliquiæ essent conditæ, qua ratione inventæ sunt reliquiæ
S. Quintini M.: Ipsi etiam Beati non nunquam monuerunt; ubi eorum
ossa cubarent. De prodigiis a DEO ad manifestandas reliquias sacras
patratis passim loquuntur historiæ. Aliquando etiam DEUS ministerio
avium, piscium, aliorumque animalium ad perhibendum testimonium
veritati reliquiarum usus fuisse legitur (o).

Cæterum

(k) Tom. I. Quæst. 2. cap. 3. §. 10.

(l) Consensus tacitus habetur, si Episcopus traditionem antiquam simpliciter ac-
ceptet: potest namque præsumere, Prædecessores suos in veritate indaganda
fatis studiosos fuisse.

(m) Clarissimus Eusebius Amort.

(n) Vid. Dissert. de veris prodigiis Augustini Calmet.

(o) Hæc omnia videri possunt apud Honoratum a S. Maria Tom. II. Lib. V. Dis-
sert. VI. pag. 330.

*In his cante
proceden-
dum.*

Cæterum ut miracula sufficienter probent, existimarem esse distinguendum, an DEUS in ordine ad ostendendam veritatem reliquiarum miracula patrauerit; vel orantes ad reliquias in suis precibus per miraculum exauditi fuerint. Si primum: probatio erit legitima. Si secundum: probatio non erit sufficiens: quia fieri possunt vera miracula ad falsas reliquias ob exuberantem fidem ac pietatem eorum, qui eas veras esse credunt (p).

*Regula ter-
tia sunt Dy-
ptica eccle-
siastica, ti-
tuli, Schedu-
lae &c.*

Regula III. Ad dignoscendas reliquias veras, præcipue ad dirimendas controversias, si quæ inter ecclesias oriantur, dum plures idem corpus, easdem reliquias possidere gloriantur (q), vel maxime respiciendum est ad Dyptica ecclesiastica, ad Membranas, ad titulos insculptos capsis, vel altaribus Sanctorum. Idem dicendum de testimoniis & schedulis, quæ reperiuntur in capsis, & reliquiariis; de elogiis, epitaphiis, aliisque monumentis. Hanc regulam tradit S. Carolus Borromæus, dum dicit: *Primo ut scripta, tabulae, literæ, aliæve cuiusvis generis monimenta, quæ in ipsi ecclesiis, earumve atriis, atque ædibus, aut aliis locis extant, schedulae vasculis, arcisque sacrarum Reliquiarum affixæ, inclusæve recognoscantur accurate, & diligenter, unde illarum vel translatio, vel collocatio ibi facta cognosci, aut alia ejusmodi notitia earundem haberi queat* (r). Hac arte detectum fuit corpus S. Aurelii Episcopi, quod ad tempora usque Leonis IX. a se possideri ignoravit Germania, quibus apertum fuit sepulchrum, in quo positæ erant illius reliquiæ cum lamina plumbea, in qua sculpta erant verba: *Corpus S. Aurelii Episcopi tempore Arnulphi Regis positum*. Item diremptæ sunt controversiæ.

- (p) In hanc rem pulchre ait Guibertus Abbas lib. 1. de pign. ubi sibi proponit quæstionem, an miracula etiam vera sufficiant ad probandam sanctitatem alicujus, & respondet: *Sicut DEUM, qui cum, de quo est incertus, exposcit, irritat; ita eum, si fideliter sanctum esse credens, qui non est sanctus, exoret, placat. Plane si sanctum quis æstimet, quem sanctum quidem dici audiat, sanctum vero esse non constet, si eum præcordialiter & secundum fidem interpellat, apud DEUM, qui causa & fructus est orationis, intentio deprecantis tota defigitur, quocunque modo animus per simplicitatem super suo intercessore errare videatur, & quod sub spe boni honoratur, nunquam a boni remuneratione casatur. In his itaque fidelium pietas ac simplicitas apud DEUM supplet quodam modo sanctitatem eorum, quos Sanctos bona fide credunt & invocant.*
- (q) Hujusmodi exempla plura supra attulimus e. g. de corpore B. Cæcilie, de capite S. Joan. Bapt. de Sindone &c.
- (r) Concil. Mediol. 4.

versæ, quibus tamdiu digladiatæ sunt ecclesiæ Galliarum atque Italiæ de corpore S. Cæciliæ (s).

Regula IV. In dubio vel maxime juxta disciplinam non veteris duntaxat, sed etiam novæ Ecclesiæ recurrendum est ad judicium Episcopi, ^{Regula quarta judicium Episcopi.} cujus est inquirere, sedulo indagare, ac demum decernere de identitate & veritate Reliquiarum, & cultu illis impendendo. In hanc rem plures assert canones Conciliorum Barbosa (t) & Honoratus a S. Maria (u). Sufficiat Synodus Tridentina, quæ jubet, ut *novæ reliquiæ non recipiantur, nisi Episcopo recognoscens atque approbante* : ubi etiam modus præscribitur, secundum quem Episcopi debent procedere : *Simul atque de his reliquiis aliquid Episcopus compertum habuerit, adhibitis in consilium Theologis & aliis piis Viris ea faciat, quæ veritati & pietati consentanea judicaverit.* Varias regulas, quibus utendum est Episcopis in recognoscendis & approbandis reliquiis, ex variis Synodis de promptas proponit Honoratus a S. Maria in hac materia dilucidanda omnino egregius (x).

§. XXIII.

Jam ad *Sanctos ignotos* progrediamur : cum enim hodie vix ulla sit Ecclesia spectabilis, quam non exornant corpora *Sanctorum ignotorum*, ^{De Sanctis ignotis.} utpote quæ satis frequenter Roma mittuntur ad diversas ecclesias, atque in cultu horum Sanctorum haud pauci irreperint abusus, inter quos ille ferme est præcipuus, quod quædam ecclesiæ autoritate propria de iis celebrare officia divina consueverint, materiam hanc, utpote paucis satis cognitam, non nihil accuratius ex Mabillonio dilucidandam assumpsimus. ^{In horum cultu multi abusus.}

Incipit Mabillonius ab ipsis cœmeteriis antiquis, quæ vulgus Ca- ^{De Cœmeteriis antiquis.} tacumbas vocat, & ex quibus hujusmodi corpora eruuntur, utpote quæ ipse, dum Romæ erat, lustraverat. Id inprimis ex S. Hieronymo Mabillonius probat, illis cœmeteriis semper fuisse habitum summum honestatis ^{In his Christiani promissæ sepulchre exclusis paganis.} norem; in iis non SS. Martyres duntaxat, sed omnes prorsus Christiani nos nullo habito meritum respectu, solis exclusis paganis, fuisse humatos, atque hunc morem per sex priora sæcula perdurasse : non enim mutuum inter fideles & paganos odium, mutuusque horror patiebatur, ut Christiani pagani, & vicissim conspeliarentur.

Ex

(s) Vid. cit. Honor. loc. cit. pag. 328.

(t) De Offic. & Potest. Episc.

(u) Pag. 331.

(x) Loc. cit.

Opus est certis notis distinguendi loculos SS. Martyrum.

Ex his facile intelligitur, certis notis & indiis distinctos esse oportere loculos SS. Martyrum, quorum corpora in diversas transferuntur ecclesias a loculis cæterorum Christianorum, ut Martyris loco colatur Confessor communis, & illud locum inveniat: *Multi coluntur in terris, quorum corpora cremantur in inferis.* Sed in eo summa est difficultas, qua nam sint illa signa & notæ characteristicæ, quibus SS. Martyres a cæteris christianis dignosci valeant. Cum enim in illis cœmentis multa sint indicia, quæ ibidem Christianos fuisse humatos probant, qualia sunt sacrarum historiarum picturæ, varia symbola e. g. columbarum, ovium, palmæ, vitis, olivæ, cypressi, anchoræ, Chirimon seu Christi monogramma, coronæ, ampullæ, inscriptiones, jure dubitatur, quænam ex his signanter denotent sanctos Martyres.

Varia nota sed incerta.

Pro nota Characteristica agnoscit Mabillonius solam ampullam vitream sanguine tinctam.

Author hic exclusis cæteris omnibus signis tanquam incertis, dubiis, vel ad summum probabilibus pro signo certo, & characterē indubitato Martyrum unice agnoscit ampullam vitream sanguine tinctam; ex Inscriptionibus vero aliam non admittit præter eam, quæ Martyris titulum præferat. In hac rem adducit decretum Congregationis super Indulgentiis, sacrisque Reliquiis Romæ constitutæ de anno 1668., quæ de his ampullis & palmis consultata censuit, *palmas, eisque junctum vas sanguine tinctum habenda esse simul pro signis certissimis verarum Reliquiarum*: aliorum vero signorum examen in aliud tempus rejecit. Inde fortassis est, quod, ubicunque videmus SS. corpora cultui publico exposita, eisdem appendicæ sint ampullæ vitæ sanguine tinctæ.

Quid de vasibus & ampullis figulinis?

Quoniam vero non raro alterius generis vasa & ampullæ e. g. figulinæ reperiuntur, etiam has esse habendas pro signis certis existimat Mabillonius, dummodo constet, eas esse sanguine tinctas, & non potius ad continendos suffitus, aut odora menta, aliaque id genus apposita fuisse. Certe in antiquis Christianorum tumulis non raro reperiuntur vascula figulina carbonibus oppleta, quæ ad thus suffumigandum apposita fuisse nemo negaverit. Aliasane est ratio de vasculis vitreis, quæ non nisi ad sanguinem conservandum fuisse adhibita videntur (a). Hæc ut eo efficacius probet Mabillonius, mirum in modum dilaudat religionem, & pietatem primorum christianorum, utpote qui sanguinem Martyrum lintea-

(a) In hanc rem citat Bosium, qui expresse testatur, etiam in vasculis figulinis fuisse allervatum sanguinem.

linteaminibus excepisse, vel spongiis exceptum in ampullis reservasse passim leguntur (b).

Post hæc progreditur ad cultum hujusmodi Sanctorum sive nomen *De cultu Sanctorum ignotorum, & abusu.* proprium habentium, sive ignotorum & baptizatorum explicandum & regulandum: cum enim in hoc cultu plures irreperint, & posthac facile irreperire possint abusus, eo totus quantus conmittitur, ut quid in hac materia liceat, vel non liceat, qualesque in cultu publico Sanctis decernendo & exhibendo regulæ sint observandæ, dilucidet. Inter cæteros abusus ille præcipuus esse videtur Mabillonio, quod in diversis Galliæ, Italiæ & Germaniæ ecclesiis cultus promiscuus, isque publicus per recitationem officii, celebrationem festorum, & missarum sanctis quibusdam Martyribus sive nomen proprium habentibus, sive baptizatis; imo quibusdam etiam Confessoribus non sat cognitis sine interveniente autoritate Ecclesiæ impendatur: cum tamen id sanctioribus Ecclesiæ regulis apertissime repugnare videatur: tum quod Ecclesia in decernendo cultu publico sit valde cauta & circumspecta, illumque non decernere soleat, nisi Sanctis, quorum sanctitas eidem aperte & argumentis certis ac indubitatis est comministrata. Probat id tum præxix Romana, ex qua constat, quod literæ testimoniales, quæ de corporibus Sanctorum ignotorum, quibus Cardinalis Vicarius, vel pontificiæ Capellæ Aedituus Episcopus Augustinianus nomen imponit, expediti solent, ordinarie nihil aliud permittant, quam ut talia corpora ignotis, vel reliquiæ fidelium venerationi exponi possint: quæ profecto formula non eo spectat, ut de iis officia ecclesiastica, multo minus missæ celebrari, aut eorum elogia publice in ecclesiis prædicari possint; tum iterata decreta Congregationum præcipue Innocentii X. de anno 1691., quæ abusus multarum ecclesiarum secus facientium graviter perstringunt, unaque hujusmodi officia & missas severe inhihent, & quidem *Decretum Innocentii X. de hæc re.* sub penis de non satisfaciendo præcepto recitandi officium, aliisque in constitutione Pii V. contentis (c). In hoc decreto Innocentii illud memoratu dignum est, quod explicet aliud decretum antierius de anno 1630., in quo permittitur quidem posse in ecclesia recitari officia & missas celebrari de illis Sanctis, quorum corpora aut reliquiæ insignes in ea offeruntur: sed notanter additur, id intelligi debere de Sanctis duntaxat in Martyrologio Romano descriptis, aut quibus a sancta Sede id specialiter fuerit permillum.

U 2

Ut

(b) In cit. epist.

(c) Decretum istud assert Mabillonius ad calcem laudatæ epistolæ.

*Quatuor dat
Regulas
Mabillonius.*

*Debent esse
sancti certi
& indubii.*

*Sancti sele-
rioris.*

*Nomen &
facta debent
esse certe
perspecta.*

*De cultu
exhibendo
debet statu-
re Ecclesia.*

*Ecclesia est
cautissima in
decernendo
cultu.*

*In Martyri-
bus debet
constare cer-
to de mar-
tyrio & cau-
sa martyrii,
& quare?*

*Acta Marty-
rum debent
esse certa.*

Ut ergo hic cultus secundum sanctiores Ecclesiæ regulas dirigatur, Mabillonius ponit quatuor sequentes regulas:

Prima regula est, ut Sancti illi, qui publice coluntur, nequaquam sint dubii; sed certi & indubitati, certis & indubitatis recogniti argumentis.

Secunda, ut, si de sanctis Confessoribus sit sermo, habeatur selectus, & non nisi illi publico ecclesiæ cultui exponantur, qui illustriores extiterunt, suisque factis & heroicis virtutibus promeriti fuerunt, ut in exemplum & speculum proponantur.

Tertia, ut eorum nomen & facta perspecta sint aut ex traditione majorum; aut ex indubitatis posterorum testimoniis: & siquidem pro Martyribus habeantur, ut de eorum passione pro Christo tolerata constet, non vanis & æquivocis conjecturis; sed certis argumentis, de quibus antea actum est.

Quarta, ut omnibus Sanctorum factis & virtutibus, miraculis, eorumque circumstantiis attente consideratis & expensis de eorum cultu statuatur Ecclesia, vel summus Pontifex, cui maxime credita est harum rerum definitio (d).

Age, & has regulas non nihil dilucidemus. Profecto in permit- tendo, aut decernendo cultu Sanctorum Ecclesia moderna non modo est prorsus cauta & sollicita: sed antiquior etiam fuit valde circumsp- cta, quin illos honorari, colique permiserit, nisi de eorum sanctitate indubitatis argumentis fuerit convicta. Aut enim loquimur de cultu SS. Martyrum, aut Confessorum? Si de SS. Martyribus: sane anti- quior Ecclesia non sine delectu SS. Martyrum cultum, de quorum nem- pe martyrio & causa martyrii certo constabat, permisit: tum quia hæ- retici, inprimis Montanistæ, & Donatistæ Martyres suos & ipsi ven- ditabant: tum quia erratum aliquando in falsis Martyribus obrepere po- terat (e): tum quia aliquoties quidam sponte fortassis sine instinctu spe- ciali, & non satis caute se martyrio obtulerunt, quos antiquior Eccle- sia rejiciebat (f). Unde in Romana Ecclesia Clemens I. septem Diaco- nos;

(d) Cit. epist. pag. mihi 624.

(e) Huc pertinet historia de S. Martino Turonensi, qui adhibita omni diligentia larvam falsi Martyris detexit. De hoc vid. supra.

(f) Equidem Ecclesia quosdam colit Martyres, qui se periculo mortis objicie- bant, quemadmodum legimus de S. Apollonia, quæ sponte in ignem proliit; sed illos duntaxat, de quibus certa est, quod supernaturali instinctu fuerint agitati,

nos; Fabianus vero totidem Subdiaconos instituisse feruntur, ut acta Martyrum fideliter conscriberent, & in ordinem redigerent. Licet autem Ecclesia Romana hæc acta summi haberet, ea tamen publice legi ex antiqua consuetudine prohibuit Decretum Gelasii Papæ in Concilio Romano (g); sane non ex alio capite, quam quod metueret, ne sint sincera, aut ab infidelibus conscripta. Certa itaque esse volebat Ecclesia de sinceritate actorum, priusquam illa legi permitteret. Ipsi etiam Episcopi, imo etiam fideles aliquem pro Martyre vix coli serebant, nisi acta indubitata martyrium contestarentur. Hinc est, quod Lucilla Matrona a Cæciliano tum Archidiacono correpta fuerit, quod ante spiritualem cibum & potum os nescio cuius Martyris, si tamen Martyris, libare dicebatur: *Et cum præponeret calici salutari os nescio cuius hominis mortui, etsi Martyris, sed necdum vindicati*, prout loquitur Optatus Milevitanus. Et in collatione Carthaginensi infra citata Mensurius Carthaginensis Antistes, cum fideles non nulli persecutoribus sponte se offerentes necati essent, ab eis honorandis prohibuit Christianos. *Vindicator ergo volebant Martyres, id est ab Episcopis agnitos & approbatos.* Quam caute, quam circumspecte, quam accurate Episcopi egerint in statuendo cultu SS. Martyrum, pluribus exemplis Gregorii Turonensis, Gregorii Lingonienfis, & Gregorii M. illustrat Mabillonius (h). Notatu digna sunt verba Gregorii M., quibus rescripsit Augustino Anglorum Apostolo. Petierat Augustinus, ut reliquiæ S. Sixti Martyris sibi transmitterentur, quæ in quadam ecclesia recondi posset, ubi corpus cuiusdam S. Sixti Martyris non satis sibi noti asseruari dicebatur, cui in hæc verba respondit: *Fecimus, quod petisti, quatenus populus, qui in loco quodam S. Sixti Martyris corpus dixerunt venerari (quod tuæ Fraternitati nec verum nec veraciter sanctum videtur) certa sanctissimi & probatissimi Martyris beneficia suscipiens colere incerta non debeat: Mili tamen videtur, quod si corpus, quod a populo cuiusdam Martyris esse creditur, nullis illic miraculis coruscat, & neque aliqui de antiquioribus existunt, qui se a parentibus passionis ejus ordinem audisse fateantur, ita reliquiæ, quas petisti, seorsim condendæ sunt, ut locus, in quo præ-*

U 3

tum

agitati. Hinc recte dicit Mabillonius: *Non enim quosvis Martyres agnoscebat olim Ecclesia, quos temere in media pericula irruentes rejiciebat teste Mensurio Episcopo in collatione Carthaginensi.*

- (g) De hoc decreto lis est inter Eruditos. Codices quidam illud attribuunt Hormisdæ.
(h) Præfat. in Sæc. quintum, §. 6. pag. mibi 441.

tum corpus jacet, modis omnibus obstruatur, nec permittatur populus certum deferere, & incertum venerari (i). Ecce, quam scrupulosa, quam delicata, quam circumspècta fuerit antiquior Ecclesia in permittendo cultu SS. Martyrum! utpote quæ non nisi Martyribus vindicatis, quorum & Martyrium. & causa Martyrii indubitatis argumentis commo- strata, & ab Episcopis cognita fuit & recognita, cultum exhiberi per- misit.

*Disciplina
hodiernæ ri-
gor in Cano-
nizatione
Sanctorum.*

Sed neque hodierna Ecclesia facilius est in canonizandis SS. Mar- tyribus. Elto enim rigor ille, quem Ecclesia adhibet in canonizatione SS. Confessorum, de quo mox dicemus, non observetur in canoniza- tione Martyrum, prout fusc probat Benedictus XIV. in suo opere de Beatif. & Canoniz. SS. Tom. I., nihilominus ex hodierna praxi requiritur, ut argumentis irrefragabilibus constet de Martyrio, & causa Mar- tyrii, & utrumque ab Ecclesia approbetur.

*Debet con-
sistere de vir-
tutibus he-
roicis, & mi-
raculis cer-
tis.*

Quod si de SS. Confessoribus eorumque cultu loqui velimus, anne major diligentia, major rigor excogitari potest, quam est ille, quem Ecclesia adhibet in canonizandis SS. Confessoribus? utpote quæ neminem albo San- ctorum adscribit, nisi de sanctitate evidenter constet, & quidem tam ex virtutibus non qualibuscunque, sed heroicis in gradu eminenti posses- sis; quam ex miraculis clavis pariter & evidentibus accuratissime exa- minatis. Requiritur virtutes, ut hujusmodi Confessores fidelibus possint in exemplum, quod imitentur, proponi: exiguntur miracula, quatenus & de ipsis virtutibus, & de voluntate Dei volentis suos ser- vos etiam in terris facere gloriosos eo luculentius constet (k).

Ex his ergo inferendum, quod ad hoc, ut SS. Martyres officii pu- blicis possint coli, non sufficiat constare de Martyrio; sed etiam debe- re constare de causa Martyrii; & tales Martyres debere esse vindicator, id est ab Ecclesia cognitos & approbatos; item non sufficere sola mi- racula qualiacunque, sed evidenter probata; imo ne hæc quidem suf- ficere: partim quod fieri possint miracula ad falsas reliquias ob fidem & pietatem, qui eas veras esse credunt: partim quod miracula præce- dere, priusquam Sancti pro veris ac certis habentur, & coluntur, non vero

(i) Lib. 12. epist. 31.

(k) Audiatur Gregorius IX. in Bulla Canonizationis S. Antonii de Padua: *Duo sunt necessaria, virtus morum, & veritas signorum, merita videlicet & mi- racula: sic, ut hæc & illa sibi invicem contestentur: cum nec merita sine mi- raculis, nec miracula sine meritis plene sufficiant ad perhibendum testimonium Sanctitatis,*

vero factum subsequi debeant (1). Inferendum ulterius, quod, si sermo sit de sanctis Confessoribus, nec virtutes sine miraculis, nec miracula sine virtutibus, sed utrumque; & quidem virtutes non qualescunque sed heroicae in gradu eminenti possessae una cum miraculis pariter evidentibus & antecedentibus requirantur. Inferendum denique, quod his omnibus suppositis debeat accedere iudicium Ecclesiae, cujus est examinare, an gravitati Ecclesiae conveniat, quibusdam Sanctis cultum decernere, nunc maxime, postquam Alexander III. Pontifex sibi suisque Successoribus causam canonizandi & decernendi cultum tanquam unam ex majoribus reservavit.

Jam ut ad id, cujus gratia haec ferme singula potissimum attulimus, veniamus, videamus, utrum hae regulae Sanctis illis incognitis, quibus hinc inde cultus deferatur publicus, applicari possint. Anne enim, quærere liceat, horum Martyrium sufficienter demonstrari posse existimamus? Quæso, quæ probatio, si ne quidem de nomine Martyris constet? Et demus Martyrium probari ex vasculo sanguine tincto, nondum utique de *causa Martyrii* constat. Anne hi tales Martyres possunt dici *Martyres vindicati*, id est ab Ecclesia cogniti? Id nemo sanus dixerit, qui ad hodiernam Ecclesiae praxin attenderit. Nam, si quæ corpora e cœmeteriis & tumulis erui contingat, totum negotium hoc modo peragitur. Præmissis nonnullis precibus, si quis tumulus nondum referatus cum Christi monogrammate, cum signo palmarum, columbæ, aut aliquo consimili occurrat, tumulus ille detegitur, & si quidem certum martyrii in eo apparet indicium, puta vasculum sanguine tinctum, ossa e tumulo efferuntur. Dehinc lavanda traduntur certis ministris ad id deputatis, quibus lotis Cardin. Vicarius, vel Episcopus Sacrii Apostolici Præfæctus Augustinianus nomen Sancto imponit, si nullum habet, & in cistam obsignatam reponit. Atque hæc illa est Sanctorum incognitorum recognitio, &, ut ita dicam, canonizatio, quin aliud permittatur, saltem communiter, quam *ut venerationi fidelium in ecclesiis exponi possint*. Ut vero pro Sanctis publice habeantur, & cultu publico colantur, Episcoporum est, & maxime summi Pontificis dispicere, an id gravitati ecclesiasticæ conveniat.

Ex his quilibet dijudicet, quid sit sentiendum de cultu illo publico & solemniori, quem Sanctis incognitis hinc inde impendi scimus, & quam caute procedendum Episcopis, curandumque, ut hujusmodi cultum

Utrum hæc regulæ sanctis ignotis applicari possint? Eorum Martyrium non potest sufficienter probari.

Modus eruendi corpora similia Martyrum.

Cautè procedendum Episcopis in discernendo cultu hujus-

(1) Sane hæc miracula præcessisse debuerant, nec subsequens factum procedens comprobant, ait Mabill. pag. 629.

*modi Marty-
ribus.*

*Non certo
constat de
sanctitate
quorundam,
& tamen co-
luntur, &
quare?*

tum vel non permittant, vel abrogent; vel saltem prudenter tempe-
rent, & restringant. Neque quis contra hæc obmoveat, quod de sa-
cto plures in Ecclesia e. g. S. Christophorus, & quidam SS. Martyres
publice colantur, de quibus ex Majorum traditione nihil certi accepi-
mus. Verum magna est inter utrosque distantia, magnam interval-
lum: quia cultus hujusmodi Sanctorum habet suam auctoritatem a
primitiva Ecclesia & traditione ad nos usque derivata, cui sine dubio
martyrium vel sanctitas illorum fuerit comprobata. Quare etsi nulla de
illorum actis ad nos pervenerit notitia, hanc sufficientissime supplet au-
thoritas primitivæ Ecclesiæ: id quod de Sanctis incognitis dici nequit.
Hactenus de regulis in cultu reliquiarum observandis.

*De cultu Re-
liquiarum.*

Jam de ipso dogmate nobis agendum foret, *an cultus reliquiarum
sit præceptus aut saltem licitus?* Sed ne salcem in alienam messem immit-
tamus, cum hæc materia sit disquisitionis Theologicæ, fusiori dedu-
ctione abstinemus. Interim licebit nobis dogma catholicum paucis ex-
ponere. Duo autem complectitur dogma catholicum, quorum primum
est, cultum reliquiarum non esse absolute præceptum; alterum,
illum esse licitum pium ac utilem.

*Non est præ-
ceptus, nec
absolute ne-
cessarius.*

Illud primum inde ostenditur, quod tale præceptum nec in scri-
ptura, nec in traditione, nec in aliquo Concilio aut decreto Ecclesiæ
inveniatur. Equidem Synodus Tridentina definiit, SS. reliquiis vene-
rationem & honorem deberi, easque non inutiliter honorari: attamen
nullum præceptum legitur, quo cultus positivus singulis fidelibus præ-
cipiatur (m). Neque quemquam offendere debet verbum *debere*: id
enim vel de quadam summa decencia, vel cultu negativo intelligendum
est, quatenus eas inhonorare inlibetur.

*Est licitus
pius & uti-
lis.*

Alterum dogma demonstrant Scripturæ, Traditio, & argumenta
Theologica. Scripturæ quidem, utpote in quibus Deus hujusmodi
cultum etiam prodigiis & miraculis approbasse legitur, dum per cor-
pora non tantum vivorum ac mortuorum, sed etiam per illorum
vestes & umbras patravit miracula in gratiam illorum, qui simi-
lia venerabantur. In Deuteronomio (n) legitur, quod Deus ipse
corpus Moysis sepeliverit. Quodnam majus honoris argumentum af-
ferri potest? In lib. 4. Reg. insigni miraculo honoravit pallum Eliæ
quando Propheta iste pallio suo aquas Jordanis tangens eas mirabili-
ter

*Ex Scriptu-
ra.*

(m) Sess. 25. in Decret. de invocat. ubi sic legitur: *Affirmantes Sanctorum Reli-
quiis venerationem atque honorem non deberi, vel eas a fidelibus inutiliter
honorari, damnandos esse.* (n) Cap. 34. v. 6.

biliter divisit. Illustri quoque prodigio commendavit corpus Elisæi, dum ad ejus contactum vitam mortuo restituit (o). Sed nec defunt exempla novæ legis. Nonne mulier, quæ sanguinis fluxum patiebatur, simul ut tetigit vestimentum Christi, sanata est a plaga (p) ? Tantæ efficacis erat, quidquid Apostolorum erat, ut sola umbra Petri infirmos curaret (q), sola sudaria & semicinctia Pauli variis mederentur infirmitatibus, & dæmonia ejicerent (r). Quod si tanta fuit virtus vestimentorum, quantæ non erunt reliquiæ & corpora Sanctorum ?

Accedit traditio & perpetuus usus Ecclesiæ ab ætate Apostolorum *Ex Traditione.* ad nostra usque tempora. Sane teste Eusebio (s) summa cum reverentia in Ecclesia Hierosolymitana S. Jacobi asservata fuit Cathedra. S. Ignatii M. reliquias summa cura collegerunt & asservarunt Presbyteri & Diaconi Ecclesiæ Antiochenæ. S. Joannis Bapt. reliquias Sebasie in Armenia cum summo honore fuisse asservatas testatur Rufinus (t). S. Polycarpi Sæc. II. martyrio coronati reliquias summa in veneratione fuisse habitas in Ecclesia Smyrnenfi probat epistola ab Ecclesia Smyrnenfi scripta, quæ extat apud Eusebium (u). Sæculo III. dum S. Cyprianus sub ipso ferale ictu esset, ne quid sanguinis in terram efflueret, linteamina ac manuarum fuisse supposita, ejusque corpus ingenti cum triumpho mandatum fuisse terræ, testantur acta Proconsularia. Sæculo IV. jam Ecclesia summam curam adhibuit, ut veri Martyres a falsis secernerentur, jamjam altaria super eorum corpora erigebantur, eorum ossibus oscula figebantur a Christianis, priusquam ad Eucharistiam accederent : idque Donatistarum schismati occasionem præbuit : eo quod Lucilla factiosa non minus, ac potens femina a Ceciliano Carthaginensi Archidiacono correpta fuerat, quia id honoris Martyri nondum vindicato detulerat (x). Plenæ sunt hujusmodi exemplis historis ac antiqua documenta. Id ipsum præbent solennes translationes SS. Martyrum, S. Stephani, de qua, & miraculis hac occasione patris fidei facit S. Augustinus (y), SS. Gervasii & Protasii, de qua testatur S. Ambrosius (z), unaque refert prodigia propriis oculis usurpata. Quid jam de SS. Patribus dicamus, qui unanimi consensu cultum reliquiarum approbarunt ? An non sepulchrum Christi

(o) Cap. 13. v. 21.

(p) Matth. 9. v. 20. & seq.

(q) Act. 5. v. 15.

(r) Act. 19. v. 11.

(s) Lib. 7. Hist. cap. 19.

(t) Lib. 2. Hist. cap. 26.

(u) Lib. 4. cap. 15.

(x) Optatus lib. 1. contra Donat.

(y) Lib. 22. de Civit. Dei.

(z) Epist. 23.

Christi, mons Calvariae, locus Nativitatis in praesepio, sepulchra SS. Apostolorum Petri & Pauli, S. Jacobi Compostellae in Hispania (a), aliorumque sepulchra & corpora semper summo in honore fuerunt habita? An non Ecclesia Eunomium, & Vigilantium, aliosque contrarium sentientes constanter damnavit, & proscripsit? Ecce Ecclesia super corpora SS. Martyrum templa exstrui curavit, imo in Concil. Carthag. V. Can. 4. inhibuit, ne altaria absque Martyrum reliquiis exstruantur?

Ex rationibus Theologicis.

Sed nec desunt rationes Theologicae, quibus id dogma demonstratum manet. Quid enim impietatis & idololatriæ in cultu reliquiarum lateat? an non corpora & reliquiae Sanctorum summam merentur venerationem, quod fuerint viva membra Christi, templum Spiritus S., instrumenta bonorum operum? num cultus ille superstitiosus dici meretur, quem Deus innumeris quasi prodigiis commendavit? cur Deus linguam S. Joannis Nepomuceni incorruptam conservavit? cur ex ossibus S. Walburgæ salutiferum, & variis morbis medendis aptissimum oleum emanare facit? cur tot SS. Corpora & membra a corruptione immunia servavit? qualia plura in locis pluribus ostenduntur. Nonne hæc & his similia Sæctarios plene convincere, & pudore suffundere deberent? Non ignoro, quid ad hæc reponant Sæctarii: nempe hæc omnia causis naturalibus, & non nunquam Catholicorum fraudibus adscribunt. Ast quo argumento id probabunt? Demus etiam, quod hinc inde falsæ colantur reliquiae: exinde tamen non sequitur, quod hic cultus sit impius, superstitiosus, & idololatricus: cum enim hic cultus sit respectivus, & omnis cultus ultimato collinet ad Deum tanquam objectum cultus principalissimum, semper verum erit, quod sit cultus pius, quod Sancti ipsi colantur, & in Sanctis principaliter colatur Deus. Præter intentionem fusiores in hac materia sumus. Sed non poenitet, quia hæc a paucis discutiuntur, & multis desunt libri, in quibus hæc leguntur.

§. XXIV.

Studium liturgicum necessarium, utilissimum, præstantissimum.

Supereft, ut de studio liturgiarum, vel potius disciplinæ ritualis, quam hodie *Theologiam liturgicam* appellant, illiusque necessitate, utilitate & præstantia agamus. Profecto si quod est studium ad Religionem conservandam, Ecclesiam veram a falsis discernendam, & demonstrandam, ad hæreticos & Sæctarios confundendos, mores fidei-

lium

(a) Sunt, qui S. Jacobum in Hispaniam venisse negant, aut in dubium vocant. Sed istud ad hanc materiam parum vel nihil facit.

lium instruendos ac informandos, ac demum ad disciplinam externam Ecclesiae recte dirigendam Theologis praepimis, & Juris ecclesiastici Doëtoribus apprime necessarium, utilissimum, quin & de se praestantissimum, illud esse studium liturgiarum, facile ab omnibus sublimioris eruditionis studiosis dignoscitur. Cum enim Dominus Deus non modo Religionem aliquam cordibus nostris solo lumine naturae cognoscibilem, quam *naturalem* vocamus, imprefferit, verum etiam certos modos, quibus ab homine coli adorarique velit, adeoque Religionem quamdam revelaverit, ac ex plurimorum Doëtorum sententia revelare debuerit (b), atque a nobis non cultu duntaxat interno, sed etiam externo, id est certis ritibus cultus interni contestativis adorari voluerit, quorum aliqui ad substantialia Religionis (c), alii ad adiaphora pertinent (d), & a coetu ecclesiastico libere quidem, sed ex causis gravibus fortassis ad exprimendum mysterium, ad decorem domus Dei (e) assumuntur, profecto Religionis & Ecclesiae interest, ut hi ritus & ceremoniae sive a Deo ad contestandum debitum sibi cultum institutae, sitive libere assumptae non tantum non ignorentur; sed etiam dilucidentur, fidelibusque explanentur, ne ex illorum ignorantia, despectu, contemptu & vilipensione sequatur ipsum Religionis excidium, Religio pededentim in substantialibus deficiat, & suo tempore in superstitionem degeneret.

Fac enim ritus Religionis christianae substantiales e.g. ritum baptismi, aliorumque Sacramentorum ignorari, nunquid actum erit de Religione christiana? fac ritus ab Apostolis, Conciliis, Pontificibus, & Episcopis decretos vilipendi, negligi, & contemni, nunquid mera confusio, mera turbatio, merum chaos nascetur in universa Ecclesia? Et nunquid interest vel maxime Religionis, ut sua conservetur puritas & integritas, & supremo Numini exhibeatur cultus externus purus, integer; non superstitiosus, non idololatricus? Quid jam futurum existimamus, si negligantur liturgiae antiquae, despiciantur antiqui Ecclesiarum ritus, studium liturgicum contemnatur?

X 2

Ipsius

- (b) De Religione naturali & revelata, utraque demonstrabili vid. Tom. I. Quaest. I. de Jur. Eccles. in genere cap. 2. §. 2. & seq.
 (c) E.g. in lege antiqua circumcisio, eius agni paschalis; in nova baptismus, & apud Catholicos sacrificium Missae.
 (d) Innumeri ritus in administratione Sacramentorum e. g. exorcismi in baptismo.
 (e) E. g. unctio in baptismo, ornatus Ecclesiarum &c.

*Respective ad
Ecclesiam
christianam.*

*Nota chara-
cteristica Ec-
clesiæ veræ
est cultus ex-
ternus, secun-
dum præ-
scriptum le-
gis divinæ
adornatus.*

*Ritus & cæ-
remonias do-
cent litur-
gia.*

*Scientia li-
turgica est
necessaria ad
confunden-
dos Sæta-
rios.
Potissimum
errant in
doctrinis ad
liturgiam
spectantibus.
Exemplo
sunt anti-
quissimi hæ-
retici.*

*Qui in omnia
sacra suum
furorem ef-
fuderunt.*

Ipsius etiam Ecclesiæ Christianæ interest, ut studium liturgicum excolatur: cum enim plures sint coetus sacri, qui nomine Christianitatis gloriantur, nota quadam characteristica opus est, ut, quæ sit vera, & genuina Ecclesia dignoscatur. Ego autem sic existimo, inter ceteras notas characteristicas Ecclesiæ vere christianæ computandum esse cultum externum, quem secundum præscriptum legis divinæ Deo exhibere jubemur. Quod si jam coetus quiscunque sacer ab hoc præscripto in cultu divino externo & ritu quodam substantiali defleat, inaniter prorsus nomine Ecclesiæ veræ gloriatur. Demus jam, quod Christus Dominus Sacrificium Missæ instituerit, quemadmodum nos Catholici credimus: Demus ulterius hunc ritum in quocunque coetu sacro deficere, nemo profecto erit, qui talem Ecclesiam esse veram dicere ausus fuerit. Undenam autem melius discimus ritus & caeremonias cultui externo inservientes, a Christo præceptas, & ab Apostolis traditas, quam ex antiquis liturgiis, praxi & consuetudine primitivæ Ecclesiæ, quam ipsi hodierni Sætarii puram adhuc, integram, immaculatam & simplicem suspiciunt? Etsi vero posterior Ecclesia ritus & caeremonias mirum in modum auxerit & multiplicaverit, id factum est cum summa discretionem ex causis honestis, & gravibus, retentis ritibus substantialibus, quos & Christus instituit, & Apostoli tradiderunt.

Hæc ipsa liturgiarum scientia plurimum utilitatis asserit ad confundendos hodiernos Sætarios, eosque plurium errorum convincendos, quos in suis doctrinis potissimum in materia Sacramentorum, in cultu Sanctorum & sacrarum reliquiarum commiserunt. Si historias liturgicas antiquissimas, antiquas, & noviores lustremus, facile comperiemus, quod antiquiores potissimum, & non nulli etiam noviores Sætarii nihil habuerint antiquius, quam ut defævirent in Sancta Sanctorum, in Sacrificium Missæ, in sacraria, templa, altaria, sacerdotes, & quidquid sacrum & sanctum esse aut dici potest. Ut silentio prætereamus antiquissimos hæreticos Nicolaitas, Simonianos, Menandrianos, Gnosticos, Carpocratianos, Ophitas, Marcionitas, Montanistas, aliaque hujusmodi nominum & hominum monstra, qui incestis, funestisque sacrificiis rem liturgicam descenderunt; Arianos & Donatistas, qui in Sacerdotes catholicos, eorum templa, vasa & altaria, aliaque sacra defævirent; Iconoclastas, qui in sacras imagines omnem furrem & sævitiam exercuerunt; Waldenses, qui ecclesiastica officia inania esse ducebant, ecclesias, altaria, eorumque consecrationem, ornatum & sacram suppellectilem, indumenta, luminaria, thurificationes, aquam benedictam, processiones, exorcismos aliosque sacros ritus

ritus a Ministris ecclesiæ fieri solitos deridebant, aspernabantur, & liturgica omnia conculcabant, & tanquam superstitionis rejeiciebant (f). *Etiam noviores protestantini Calvinistæ.* Quid non tentarunt, quid non perpetrarunt Calvinistæ? quippe qui non erubere Sanctorum imagines & reliquias flammis addicere, altaria subvertere, templa incendere, ecclesias spoliare, Sacerdotes trucidare, Sanctum Domini canibus projicere, sanctaque omnia conculcare & conspurcare (g).

Quantum vero liturgiæ, earumque notitia & studium ad mores instruendos informandosque, ad pietatem fovendam nutriendamque, devotionem excitandam, charitatem inflammandam tribuant, quis satis edicere valeat? Cum enim eum in finem Christus & Ecclesia ritus & cæremonias instituerit, ut supremo Numini cultus decenter exhibeatur, in domo Dei omnia ordinate fiant, sane interest vel maxime Religionis & Ecclesiæ, ut fideles in cultu externo, & in ritibus ac cæremoniis decenter instruantur, ne illorum pietas in superstitionem degeneret; vera autem pietas consolidetur, roboretur, & muniatur. Audire lubeat Cardinalem de Bona (h), qui super hac re ita discursit: *Fideles in cultu externo non sunt necessario instruendi.* licet ipsæ cæremoniæ nullam secundum se perfectionem, nullam contineant sanctitatem, sunt tamen actus externi religionis, quibus quasi signis excitatur animus ad rerum sacrarum venerationem, mens ad superiora elevatur, nutritur pietas, fovetur charitas, crescit fides, devotio roboratur, instruuntur simplices, Dei cultus ornatur, conservatur religio, & veri fideles a pseudochristianis & heterodoxis discernuntur.

Quid de disciplina ecclesiastica dicamus? Ad hanc profecto recte dirigendam vel maxime necessaria est notitia liturgiarum: siquidem, quidquid est disciplinæ ecclesiasticæ, id ferme omne ad res liturgicas pertinere videtur. Quoniam vero quemadmodum in aliis rebus disciplinaribus, ita etiam in ritibus, cæremoniis, aliisque rebus liturgicis multi irreperunt abusus, & adhuc irrepere possunt, opus est quadam disciplina, quæ nobis leges liturgicas explicet, & interpretetur, tradat regulas, secundum quas abusibus obviari, cultus externus in honorem Dei, salutem animarum, ac bonum Ecclesiæ dirigi valeat. Sed quænam hæc alia est disciplina, quam Theologia liturgica? quæ tanto magis est necessaria, quanto majores sunt cavillationes Sectariorum contra ritus & cæremonias Ecclesiæ Catholicæ (i) in eo inaniter gloriantur, *Et confundendos Sectariorum.*

X 3

(f) Vid. Benignus Bossuet Tom. II. Histor. Variat. a pag. 161. ad pag. 212.

(g) Plura vid. in Card. de Bona Præfat. Genér. §. V.

(h) Ibid. §. III.

(i) Vid. supra dicta contra Boehmerum.

Cavillationes eorum inanes sunt.

tium, quod jugum Ceremoniarum excusserint, sibi que libertatem conscientiae vindicaverint. Transmittamus enim conflictu eorum dictoria, varios circa disciplinam commissos esse errores in uno alterove loco, quae inde Ecclesiae labe? Utique abusus & superstitio non fuit orta ex sacrorum rituum natura, sed contra Ecclesiae mentem, vel ex mala applicatione, vel ruditate plebis, vel aliorum malitia? nunquid indifferencia non solum, sed etiam sanctissima in abusus detorqueri possunt vitio hominum? Vitia semper fuerunt, ac erunt, quamdiu dabuntur homines; abususque occurrunt in antiquis & novis temporibus: Num haec Ecclesiae imputari possunt? neutiquam. Haec semper sua consilia eo direxit, ut contraveniret abusibus, quos Acatolici astuto plane consilio tanquam doctrinam ac disciplinam Ecclesiae catholicae venditare consueverunt. Abusus igitur non tollunt legitimum usum, sed illi sunt eradicandi, hominumque mores corrigendi agnoscente ipso

Abusus non debent imputari Ecclesiae, nec tollunt usum bonum.

Testimonium Boehmeri pro bono usu rituum.

Boehmero (k), dum ait: *Sunt ritus tantum honoris interni signa externa: sunt reverentiae debita testimonia, & devotionis excitationes: signa autem sunt arbitraria, nec per se vitium habent, id potius accipiunt ex malitia cordis humani, pravaque intentione eorum, qui signis hisce arbitrariis abutuntur. In corde hominum subsidet superstitio, ibi quaerenda, ibi quoque expungenda est, neque illam in totum suppresseris, si vel maxime ritus minueris, cum radix superstitionis eo ipso ex cordibus hominum haud evellatur, sed per solidum pietatis exercitium mutata mente expellatur. Neque ipse Lutherus a ritibus & ceremoniis adeo alienus fuit, ut non gravissime Carlstadio ceremonias ecclesiasticas abolendi indignaretur.*

Scientia liturgica ad Theologiam necessaria.

Potissimum Polemicam.

Quid jam de necessitate notitiae liturgicae ad Theologiam potissimum polemicam & Sacramentariam dicamus? Nunquid praecipua utriusque capita potissimum consistunt in dilucidandis ritibus, ceremoniis & formulis, quas vel Christus instituit, vel Ecclesia praecipit, vel consuetudo introduxit? Denique ad Theologiam Polemicam solidius tractandam, ait Vir a Sacris Catholicis alienus (l), *hoc studium vel maxime pertinet. Itaque qui de cultu & invocatione Sanctorum accurati quid dare tentaverit, sine veterum recentiorumque liturgiarum inspectione nihil egregii efficit. Idem de cultu imaginum & reliquiarum dictum esto. Et nunquid disciplina liturgica hodie insignem prorsus Theologiae partem efficit, quam Theologiam liturgicam appellamus?*

Idem

(k) Dissert. de jure liturg. Eccles. pag. 21.

(l) Cit. Pfaffius, quem ideo citare placuit, ut testimonium haberemus, contra quod Sectarii vix possunt excipere.

Idem judicium esto de Jurisprudentia ecclesiastica. Sane cultum publicum ritusque ecclesiasticos præcipuum illius esse objectum, res ipsa docet. Agitur in jure ecclesiastico de Magistratibus sacris & Personis ecclesiasticis: Quæso quanto ceremoniarum apparatu defungendum est in ordinatione Clericorum, consecratione Episcoporum, & celebratione divinorum? Agitur de rebus sacris, de administratione Sacramentorum, consecratione & benedictione altarium, ecclesiarum, cœmenteriarum, celebratione festorum, cultu Sanctorum, & reliquiarum. Nunquid hæc omnia & singula ad jus ceremoniale ecclesiasticum & liturgicum spectant? ut adeo mirum non sit, quod Doctores Juris ecclesiastici noviores in tradendo jure ecclesiastico præcipuam ferme partem consecrent cultui publico, ritibusque ecclesiasticis explanandis.

Nihil ergo mirum videri debet, quod sicut ad excolendas alias scientias institutæ sunt Societates eruditæ, sic etiam ad excolendas res liturgicas erectæ sint Academiæ. Hunc in finem eruditissimus & gloriosissimæ memoriæ Pontifex Benedictus XIV. fundavit Academiam *Conciliorum ac Rituum*, quæ statutis temporibus in Palatio Quirinali celebratur, cujusque socii per elaborationes eruditæ Dissertationum rem liturgicam illustrent. Ad exemplum hujus Pontificis Academiæ alia in Lusitania, scilicet *Academia Conimbricensis liturgica* erecta fuit. Idem laudatissimus Pontifex primum, quantum scimus, constituit Professorem sacrorum Rituum Romæ in collegio Romano, quod munus de latum fuit P. Avezedo S. J. ab editis operibus liturgicis celeberrimo. Jamque aliæ Academiæ Catholicæ, Viennensis & Salisburgensis scientiam liturgicam excolere incipiunt, optime perspectum habentes, quantæ necessitatis, utilitatis & præstantiæ sit studium liturgiarum.

Jam ad ipsum studium liturgicum gressum promoveamus; & quæ ad notitiam, vel si dicere malis, scientiam liturgicam perfecte acquirendam sint necessaria, videamus. Id antequam præstemus, explicandum erit, quæ sit genuina scientia ritualis seu liturgica. Est nempe notitia liturgiarum conjuncta cum scientia eas recte interpretandi ac sapienter applicandi in ordine ad cultum supremo Numini in Ecclesia a Christo instituta decenter exhibendum, utpote ad quem ultimato omnes leges liturgicæ & liturgiæ collimant.

Ex hoc jam manifeste sequitur, duo præcipue ad hanc scientiam requiri, nempe *notitiam liturgiarum*, & *scientiam eas scite applicandi*. Age, & qua arte quis sibi perfectam liturgiarum notitiam comparare possit & debeat, dispiciamus. Hanc ad instar aliarum scientiarum ex libris esse hauriendam, nemo est, qui dubitet. Idcirco necesse est, ut

Requiritur notitia librorum & scripturæ

ptorum li-
urgicorum.

quis sibi comparet notitiam librorum ecclesiasticorum, in quibus de liturgiis, aliisque ad liturgias pertinentibus agitur; & iporum Scriptorum, qui hanc materiam ex professo tractarunt. In eo ergo mihi dedudandum, ut libros & Scriptores rerum liturgicarum manifestos faciam. Sed neque in hoc fusiori calamo immorandum, quod hoc labore egregie defunctus sit Robertus Sala in *Præfatione generali* ad libros rerum liturgicarum Cardinalis de Bona (m). Quoniam vero discipulis potissimum scribimus, quibus hæc opera ad manus non sunt, præcipuos non nisi Scriptores recensemus, eosque in quinque classes dividemus, in quarum prima Scriptores rerum liturgicarum antiquos; in secunda recentiores; in tertia eos, qui particulares ecclesiarum liturgias exornarunt; in quarta collectores liturgiarum & Scriptorum de rebus liturgicis agentium; in quinta Scriptores Protestanticos in medium proferemus.

Quæ hauri-
enda ex
Præf. gener.
P. Sala ad
res liturgi-
cas Card. de
Bona.

Scriptores
rerum litur-
gicarum
sunt quintu-
pliciis gene-
ris.

Scriptores
antiqui re-
censentur.

Scriptores rerum liturgicarum antiqui sunt præcipue sequentes: Isidorus Hispalensis (n). Venerabilis Beda (o) Amalarius Metensis (p), Rabanus Maurus (q), Walafridus Strabo (r), Regino (s), Micrologus (t), Ivo Carnotensis (u), Rupertus Tuitiensis (x), Guilielmus Durandus aliique (y).

Nec

- (m) §. IV. (n) Scripsit duos libros de offic. divin., quos multi Scriptores putant esse apocryphos. Vid. infra dicenda Cap. IV. §. XI.
- (o) Inter hujus opera occurrit liber de officiis, circa quem sunt diversa Criticorum judicia. Vid. infra Cap. IV. §. XII.
- (p) Scripsit libros IV. de divin. offic. Vid. Alex. Natal. Hist. Eccles. Tom. VI.
- (q) Vid. infra Cap. V. §. VIII. ubi de operibus illius, inter quæ huc pertinent libri tres de Instit. Cleric. Item vid. Mabillonii *Elogium Rabani historicum*.
- (r) Fuit Monachus Benedictinus, Rabani Mauri discipulus, postea Augiæ Majoris Abbas, & scripsit librum de divinis officiis. Vid. Præfatio gener. P. Sala.
- (s) Scripsit librum de discip. Eccles. vid. infra Cap. V. §. X.
- (t) De hoc vid. Mabillonius in Ord. Rom. & P. Sala in cit. Præf. generali.
- (u) De Eccles. sacram. ac officiis & præcipuis per annum festis. Vid. infra Cap. V. §. XII.
- (x) Abbas Coenobii Tuitiensis de divin. offic. libri 12. sunt tamen Scriptores quidam, qui illos in dubium vocant, de quo vid. Nat. Alex. Hist. Eccles. Tom. VI. m. pag. 521.
- (y) Fuit Episcopus Wimatensis, & communis dicitur Speculator, ac scripsit *Rationale divinarum officiorum* in octo libros distributum. Vid. cit. Præfat.

Nec defunt recentiores Scriptores, qui a Sæc. XV. usque ad novissima tempora ritus ceremoniasque illustrarunt, quorum præcipui sunt Augustinus Patritius (z), Joan. Steph. Durantius (a), Florentinus Vanderhaver (b), Gabr. Albaspinæus (c), Barth. Givanto (d), Joan. Bona Cardinal. (e), Robertus Sala (f), Joan. Morinus (g), Cabassitius (h), Edm. Martene (i), Card. Thomafius (k), Benedictus XIII. P.M. (l), Benedictus XIV. P.M. (m), P. Azevedo S. J. (n), Joseph

Recentiores.

- (z) Scripsit libros tres de Ritibus Eccles. ad Leonem X. P. M. de quo vid. Antonius Dürr Comment. Hist. de Episcopo Pueror. Mogunt. 1755 edita.
- (a) Fuit Præf. Senatus Tolos., ejus nomine prodierunt de *Ritibus Ecclesie* libri tres. Vid. mox citatus author.
- (b) Edidit. Antiq. liturg. Syntagma tribus Tomis in 8. divisum. De hoc vid. cit. Præf. gener.
- (c) Episcopus Aurelianensis, vir immensæ eruditionis, & a multis editis operibus celebratissimus, e quibus huc potissimum pertinent libri duo observationum Eccles. aliquæ.
- (d) Cleric. Regul. S. Pauli Barnabita, scripsit *Thesaurum sacrorum Rituum*, qui Romæ prodijt 1630. Notis vero illustratus fuit a P. Merati Cler. Regul. Theat. Venet. 1738.
- (e) Scripsit celeberrimus hic Author opera plura ad illustrandam liturgiam summe proficua, quæ pluribus recensere labor foret supervacaneus.
- (f) Hic opera liturgica Card. de Bona eruditissimis illustravit notis.
- (g) Duo præcipue hujus Authoris opera sunt celeberrima, unum de S. Eccles. Ordin.; alterum de Pœnitent. utrumque ad illustrandos ritus antiquissimos in administratione Sacramentorum adhiberi solitos peropportunum.
- (h) Edidit Notitiam Eccles. Concil., in qua plurima leguntur ad rem liturgicam facientia.
- (i) Scripsit hic Author, si quis alius plurima illustrandæ rei liturgicæ opportunissima, & inter alia libros IV. de antiquis Eccles. Ritibus, tractatum de antiqu. Eccles. discip. in celebrandis divinis offic. Item de antiquis Monachorum Ritibus.
- (k) De hoc infra dicemus.
- (l) Ejus opuscula liturgica prodierunt Romæ 1726.
- (m) Hujus opera aliunde sunt notissima, inter quæ huc faciunt, quæ scripsit de SS. Missæ sacrificio, & de Servorum DEI Beatificatione, ac festis &c. plura infra dicentur.
- (n) Nazione Lusitanus S. J., qui procuravit novam Operum Benedicti XIV. editionem

Juris Eccles. Tom. II.

Y

tionem

seph Catalanus (o). Cæteros Scriptores, qui vel de ritibus particularibus e.g. in sacrificio Missæ observandis, quales plures recenset Sala, vel nonnisi accidentaliter in ordine ad alias materias illustrandas, vel pauca admodum de rebus liturgicis scripserunt, studiose prætermittimus, & lectores ad alios Scriptores ablegamus (p).

*Scriptores
liturgiarum
particularium.*

His accensendi sunt Scriptores, qui particulares Ecclesiarum liturgias illustrarunt, inter quos veniunt primo loco duo Congregationis S. Mauri lumina Hugo Menardus (q), & Joan. Mabillonius (r), quibus accedunt Lud. Ant. Muratorius (s), & Joan. Pier (t).

*Scriptores
Collectionum.*

Præter hos extant authores, vel potius collectores, qui liturgias, & Scriptores ad rem liturgicam pertinentes improbo labore collegerunt. Inter antiquiores recensentur Joan. Cochleæus, Wolf. Lazius, Georg. Cassander, Claudius de Saintes, Melchior Ittorpius, Jacobus Pamelius.

tionem, illiusque opera vastissima redegit in compendium, & ab eo constitutus est primus Professor SS. Rituum in collegio Romano, ubi cum applausu rem docet liturgicam. Orationes ab ipso habitæ sub auspicio novarum lectionum præmissæ sunt novæ editioni *tract. de SS. Miss. Sacrificio*, de anno 1748. in quarto. Occupatur in *novo thesauro liturgico* colligendo.

- (o) Edidit *Pontificale Rom. notis illustratum, & Commentarium in Aug. Patritii opus de Ritibus Ecclesiæ*.
- (p) Ad citatum P. Sala, & Pfaffium in cit. Dissert. de liturg. Nos celebriores, & illos, qui magis generica tradunt, selegimus. Plerique, quos recenset cit. P. Sala, agunt de ritibus, qui in Sacrificio Missæ adhiberi solent.
- (q) Præter alia egregia opera ad rem liturgicam pertinentia edidit *Sacramentarium S. Gregorii M. cum notis*.
- (r) Huc pertinet *Commentarius in Ordin. Rom.*, quem inseruit Musæo Italico Tom. II. Item *Tractatus de liturgia Gallicana*; ejus *epistola de liturgiæ Gallicanæ abrogatione* Tom. I. Oper. posthum.
- (s) Edidit *liturgiam Rom. veterem*, in qua Missalia & Sacramentaria antiqua continentur. Præmisit Præfationem valde notabilem, quæ duabus consistit partibus, in quarum prima exhibetur historia antiquæ liturgiæ Romanæ. Secunda pars est Polemica contra impugnatores rituum Eccles. Rom. scripsit etiam *Dissertationem de Ritibus Ambrosiana Ecclesiæ*, quæ extat. Tom. IV. Antiq. Ital.
- (t) Scripsit *tractatum Historico-Chronologicum de liturgia antiqua Hispan. Gothica, Isidoriana, Mozarabica, & Toletana*.

lius. Noviores sunt Card. Thomafius (u), Card. Quirinus (x), Affemannus (y), P. Azevedo (z). Huc pertinent Decreta congregationis Rituum in unum collecta (a).

Ipsi etiam DD. Protestantici rebus liturgicis illustrandis omnem navant operam: nisi dicere velis, maligno id ab ipsis fieri animo, & potius studio impugnandi, quam illustrandi. Quidquid de hoc sit, saltem multum utilitatis referet, quisquis hos authores legerit, dummodo nigrum ab albo, vile a pretioso sciat bene discernere. Inter hos celebrioris, aut saltem notiores sunt Joach. Hildebrand (b), Boelmerus

*Scriptores
liturgiarum
Protestanti-
ci.*

Y 2

(c), Mat-

-
- (u) Collegit Thomafius responsoria, Antiphonaria, libros Missarum, codices Sacramentorum Rom. Ecclesiæ. Operum Thomafii novam editionem notis illustratam procuravit Ant. Franc. Vezzosi Ord. Cleric. Reg. Theatin.
- (x) Etiam in re liturgica Quirinus Philologorum hujus ævi sere Princeps habet sua merita. Hic, dum Clemens XI. cogitaverat instituire Congregationem ad examinandos libros Græcorum ac Orientalium liturgicos, ut illius conatus juvaret, credidit se optime facturum, si exactam officiorum Græcorum editionem ex antiquis codicibus depromptam adornaret. Jamque actu edidit Tom. I. sub titulo: *Officium quadragesimale Græcorum recognitum & castigatum ad fidem præstantissimi Codicis Barberini in latinum sermonem conversum atque Diatribis illustratum*. Cum ecce! Secretarius Congregationis metuens, ne editis hisce libris Pontifex Congregationem tanquam superfluum supprimeret, rem callide eo deduxit, ut ipsa Congregatio daret decretum inhibitivum, ne reliqui publicarentur Tomi. Edidit tamen postea *Enchiridion Græcorum, quod de illorum dogmatibus, & Ritibus Rom. Pontificum decreta post schismatis epocham edita, nunc primum in unum collecta complectitur*.
- (y) Incepit hic Author publicare *codicem liturgicum universæ Ecclesiæ*, sub titulo: *Codex liturgicus universæ Ecclesiæ in 15. libros distributus &c.*
- (z) Edidit anno 1748. *Speculum Thesauri liturgici*. Erit hæc collectio Scripturum liturgicorum locupletissima, & constabit X. Tomis.
- (a) Venetiis anno 1750. prodire *Decreta authentica sacræ Rituum Congregationis notis illustrata ad S.S. Papam Benedictum XIV.* Item Bergami anno 1751. *Rituale expensum*, sive in S. Congregationum decreta Commentarius Authore Fr. Antonio Cavallieri de Bergamo Ord. Erem. S. August.
- (b) Dissert. de Ritibus sacris Helmstad. 1655.

(c), Matthæus Pfaffius (d), Caspar Calvocrius (e) & Joan. Fridericus (f).

Itali singularem merentur laudem, & inter hos Scriptores excellunt.

Plures hujusmodi Scriptores asserunt P. Sala, & Pfaffius locis supra citatis. Inter Scriptores liturgicos primam laudem procul dubio merentur Itali, quorum libri in hac potissimum materia in singulos annos vulgati ferme omnem numerum excedunt, ut adeo recte scripsisse videatur Author della storia letteraria d'Italia (g): regna piu che giammai nella nostra Italia il genio liturgico.

De libris liturgicis remissive.

Ad studium liturgicum vel maxime pertinet notitia ipsarum liturgiarum, aliorumque librorum ecclesiasticorum, quales sunt *Ritualia*, *Pontificalia*, *Sacramentaria*, alique. Quoniam vero de his per decursum hujus capituli egimus, longiori deductione superfedemus. In compendio hos libros tam Catholicos, quam Protestanticos recenset Pfaffius (h).

De Scientia proprie liturgica.

Ad alteram partem *Scientiæ liturgicæ* devolvimur, quæ non consistit in nuda & simplici notitia liturgiarum, librorum, & Authorum; sed vel maxime in habituleges liturgicas rite interpretandi, & applicandi. Quid enim juvat, si quis sua memoria complectatur omnes libros, & leges liturgicas, nisi etiam calleat regulas illas in bonum religionis & instructionem fidelium scite applicandi? Itaque quemadmodum aliæ scientiæ, ita etiam scientia liturgica habet sua *Præcognita* & *Subsidia*, sine quibus perfecte obtineri, aut rite applicari non potest. Ad *Præcognita* referimus principia Religionis christianæ, nec non sacratiore Theologiæ. Religio nobis manifestat modos, quibus DEUS a nobis coli velit: Theologia suppeditat principia, ritus & ceremonias ad fines præstitutos debite applicandi. Quod si jam ritus & ceremoniæ a modis colendi DEUM revelatis degenerent, aut si a fine debito desistant, inanes sunt, superstitiosi sunt, mali, imo pessimi sunt. Et undenam media hisce malis contraveniendi depromenda sunt, nisi ex solidioribus Theologiæ principijs? Vel ad solas regulas disciplinæ liturgicæ directrices reflectamus: nunquid hæc ex principijs Theologiæ tam generalibus quam particularibus desumuntur? qua arte studiosus rei liturgicæ ritus substan-

Quæ habet sua Præcognita & subsidia.

Quæ sint Præcognita?

Huc pertinet principia solidioris Theologiæ.

(c) Dissert. de jure liturg. Tomo III. Jar. Eccles. præmissa.

(d) *Disquisitio de liturgiis, Missalibus, Agendis, & libris Eccles. Ecclesia Orientalis & Occidentalis veteris & modernæ.*

(e) Scripsit *Rituale ecclesiasticum* Jenæ anno 1704. editum.

(f) *Liturgia vetus & nova* ibidem edita 1705.

(g) Tom. I. cap. 4.

(h) Sæp. cit. Disquisit.

substantiales ab accidentalibus, necessarios ab indifferentibus discrimi-
nabit, nisi Theologia suppeditet regulas certas & tutas? Undenam ve-
nere tot abusus, qui in re liturgica, in ritibus & ceremoniis irrepse-
runt? nisi quod quidam suae pietati nimium fidentes contemptis, vel
certe non intellectis sanioribus Theologiae principiis ex indiscreto zelo ri-
tus adoptaverint magis ad destructionem, quam aedificationem facientes,
quos, si ad accuratorem Ecclesiae & Theologiae trutinam vocemus, ne-
scio sane, utrum ab Ecclesia admitti valeant. Itaque antequam quis
se Theologiae liturgicae consecret, antea prima Theologiae principia
optime imbibat, necesse est. Ipsi autem Magistri in eo labo-
rent, ut praecepta saniora, & regulas certiores ac securiores tradant,
& doceant.

Inter subsidia numeramus praecipue Historiam ecclesiasticam, nec
non scientiam Criticam sanio-rem. Quemadmodum ambae hae scientiae
sunt veluti manu ductrices ceterarum scientiarum, ita etiam scientiae li-
turgicae. Historia docet originem, occasionem, scopum & finem, quan-
do, qua occasione & in quem finem ritus quidam introducti, vel abro-
gati, vel in locum antiquorum novi fuerint substituti: Critica suppedi-
tat regulas discernendi inter verum & falsum.

Haec veluti obiter dicta, & occasionem sublimius cogitandi altius-
que ruminandi suppeditare volumus. Aliunde praeter intentionem in
hac materia prolixiores fuimus. Pro maiori commendatione studii li-
turgici apponimus verba Doctoris Protestantici, ut lector videat, quan-
tietiam Doctores a nostris sacris alieni liturgias, illarumque studium æs-
timent: Cum libri ecclesiastici, ait Pfaffius (i), liturgiae atque Agendae, Pro confir-
ma-
tione di-
florum asser-
tum Mat-
thaei Pfaffii.
quae vocant ecclesiastica publica auctoritate, atque approbatione totius, ubi
quidem eorum est usus, ecclesiae gaudeant, cum etiam antiquissimae illae, quae
in ecclesia Orientali, atque Occidentali olim viguerunt, atque etiamnum vigent,
liturgiae ex apostolicis temporibus multa trahant, cum denique non nisi ex li-
turgis cultus publici ratio derivari, atque erui possit, facile est perspicere, ma-
gnam easdem lucem omni Historiae ecclesiasticae; maxime vero Dogmaticae, &
Ritualis asferre, nec saltem curiositatem Eruditorum pascere, sed & praeclaris
egregiisque observationibus animum imbuere. Idem repetit in Epimetro di-
ctae Disquisitionis pag. 72. ubi haec subdit: Porro quænam veteris Ecclesiae
de Sacramentis singulis doctrina extiterit, ex his maxime tanquam ex earum
fontibus discere nos oportet, nec inane hoc est, quod jam diximus, veteres
liturgias

Y 3

(i) Cit. Dissert. quam ad calcem suarum Instit. Hist. Eccles. attexuit Tubingae an-

liturgias egregiis quoque observationibus asceticis, atque haud temnenda pietate animum imbuiere, quod qui inficiari audeat, legat, quæsumus, liturgias Græcas, legat eam, quæ in Constitutionibus Apostolicis extat, legat Chrysostomianam, legat & Joan. Bonæ libros, quibus res liturgicas veteres explicavit, egregiisque animadversionibus adpersit. Denique ad Theologiam Polemiam solidius traſandam hoc studium vel maxime pertinet. Ita qui de cultu, & invocatione Sanctorum accurati quid dare tentaverit, sine veterum, recentiorumque liturgiarum inspectione nihil egregii efficiet. Idem de cultu imaginum, & Reliquiarum B. V. Deiparæ dictum esto. Hæc Heterodoxus Scriptor, ex quo, loquimur cum P. Sala (k), vides, quam Viro sacro Deique cultus amantissimo dignum, ac Religioni promovendæ proficuum sit venerandæ antiquitatis liturgicæ studium.

C A P U T III.

De Canonibus & Constitutionibus Apostolicis nec non libris Dionysianis.

§. I. De Canonibus, & constitutionibus Apostolicis remissive. II. De eorum Authentia. III. De Collectione Dionysiana, seu libris Dionysio Areopagita adscriptis. IV. De authore & ætate eorum.

§. I.

Canones Apostolorum cum constitutionibus Apostolicis non debent confundi.

Ad Canones, & Constitutiones Apostolicas delabimur, de quibus jam antea & alibi satis prolixè egimus (l). Hic quædam per modum appendicis adjicienda sunt, atque illud præprimis, quod Canones Apostolici cum ipsis Constitutionibus Apostolicis confundi non debeant. Collectio Canonum, prout refertur ad calcem Decreti Gratiani, continet Canones 84. Constitutiones vero Apostolicæ octo continentur Libris. Quidquid cæteròquin de his Canonibus & Constitutionibus, eorum origine, Authore, numero, & autoritate traditur, id omne incertum est. Nescio profecto, an aliqua sit collectio ac ita, quæ Viros doctissimos in tot opiniones distraxit, eorumque industriam ac vires ingenii ita fatigavit, ut in fine finali fateri debuerint, se oleum & operam in indaganda veritate perdidisse. Diversas super his Scriptorum opiniones

(k) In Præf. gener. pag. 67.

(l) Quæ. I. de Jur. Can. in genere.

niones singulari industria præter alios recenset Georgius Pertschius in *Varia Do-*
 parvo opusculo, quod inscripsit: *Kurze Historie des Canonischen, und storum de*
Kirchen-Rechts (m): Diversa etiam desuper judicia Authorum, præ- *his opinionibus*
 fertim Beveregii, Dallai, atque suum proprium doctissime explanat *Et judicia.*
 celeberrimus Joannes Cotelierius, unaque tam in Canones, quam
 in Constitutiones singulari eruditione commentatur(n), cui id laudis
 jure meritissimo tribuit Pertschius, quod editionem Constitutionum
 Apostolicarum optimam adornaverit. Itaque inter varias de origine, *Placet judi-*
 antiquitate, & receptione Canonum disputantium ac dissidentium sen- *cium Cotele-*
 tentias summo opere placet opinio laudatissimi Cotelierii, qui veluti Me- *rii veluti*
 diatorem agit inter Franciscum Turrianum, & Dallæum, quorum prior *medium in-*
 Canones Apostolicos omnes Apostolis tanquam Authoribus vindicat; *ter dissiden-*
 posterior eosdem cuidam impostori hæretico adscribit. Idcirco conten- *tes.*
 dit Cotelierius, eos nec ab Apostolis, nec ab impostore hæretico; sed a
 Viris Apostolicis secundo, tertiove Ecclesiæ Sæculo constitutos fuisse,
 publicatosque; successive vero aliorum antiquissimorum monumentorum
 instar interpolatos, ac adulteratos; cæterum vero in illis non nisi
 doctrinas Virorum Apostolicorum in Synodis definitas contineri, quæ
 circa finem Sæculi tertii sub nomine Canonum Apostolicorum in corpus
 istud, quod hodie circumfertur, relatæ sunt, usque adeo, ut hæc Can-
 onum antiquissimorum Sylloge nihil aliud esse videatur, quam Codex
 Canonum primitivæ Ecclesiæ (o). Ad hanc suam opinionem diluci- *Synodi a*
 dandam observat complures ab ipsa etiam Apostolorum ætate Synodos *tempore A-*
 fuisse celebratas. Exemplo sint ipsi Apostoli, qui controversiam de ob- *pustolorum*
 servantia legalium in Concilio Jerosolym. diremerunt. Sæc. II. oborta *fuere satis*
 est controversia de celebrando Paschate, ad quam dijudicandam plu- *frequentes.*
 rima passim ab Episcopis celebrata sunt Concilia, Romanum, Palæ-
 stinum, Ponticum, Gallicanum. Et quoniam multæ hujusmodi Con-
 troversię istis diebus exortæ fuerant, dubium non est, frequentes etiam
 in

(m) Erster Abtheilung.

(n) Volum. 1. & 2. Patrum Apost. & quidem in diversis locis.

(o) Volum. II. pag. 11. ubi agit de Codice Canonum Ecclesiæ primitivæ, e.g.
 Canone Apostolorum 7. cautum est, ne quis sanctum Pascha ante æquino-
 ctium celebret, quod idem a diversis Synodis in causa Paschatis decretum es-
 se legimus. Item Canone 52. decernitur, ut resipiscentes recipiantur in ec-
 clesiā, quod idem antea a Synodo Romana institutum esse testatur Eusebius
 Hist. Eccles. lib. 6. cap. 43.

Canones Apostolici continent cum rariis & inscriptis primitivæ Ecclesiæ. Videntur originaliter esse vera observantia, & statuta Synodorum ac Episcoporum.

in iis dirimendis habitas fuisse Synodos (p). Verum ulterius observari vult Cotelierius, nihil in his Canonibus Apostolicis decerni, quod non moribus ac institutis primitivæ Ecclesiæ ad amissim conveniat: eo quod ex Origene, Clemente Alexandrino, Tertulliano, Cypriano, aliisque Scriptoribus evidenter ostendi valeat, ea omnia, quæ in his Canonibus leguntur, Sæculo II. & III. in viridi fuisse observantia. Porro, cum hæc Canonum præscripta nec in Scripturis legantur, neque fortim & fortuito irrephibile in usum Ecclesiæ quisquam affirmare auserit, superest, ut illa statutis Episcoporum, & decretis Synodorum, vel etiam observantiis, & moribus ecclesiarum adscribamus.

Ex quo consecrarium est, quod Canones isti originaliter considerati nihil aliud fuerint, quam Decreta Synodorum, quæ per tria priora æræ christianæ Sæcula diversis temporibus, locisque fuerunt habitæ. Quæ sententia eo probabilior redditur, quo evidentius ostendi potest, haud pauca, quæ in canonibus continentur, a primitivæ Ecclesiæ Synodis fuisse constituta, & ex his deprompta. Sed nec de eo dubitari potest, quod similes Synodorum Canones hinc inde in ecclesiis, illis præcipue, pro quibus erant conditi, fuerint asservati: etsi pleraque, nescio quo fæto, antiquiorum Synodorum acta periisse in hodiernam usque diem lugeamus.

Succesive in codicem retereantur. Ab hæreticis mox tunc consuetudo adulterabatur.

Contigit ergo, quod sequioribus temporibus contigisse scimus, ut hi canones vel ab uno vel pluribus ac diversis egregiis, ac boni publici studiosioribus Viris solcite conquirerentur, ac denique in unum quasi codicem colligerentur. Et quia Sæc. IV. & V. innumeri per Ecclesiam grassabantur Hæretici, qui nihil non intentatum reliquerunt, ut codices antiquos suis erroribus minus faventes adulterarent, ita quidem, ut in ipsos sacros codices manus violentas injicere non erubescerent (q), mirum videri non debet, quod Canones Apostolici; magis tamen Constitutiones Apostolorum tantopere fuerint adulteratæ, jamque in iis manifesti errores, ac hæreses deprehendantur (r). Quo autem tempore, quo loco, quo Authore hæc facta sint, definire non audeamus. Adhuc nobis placet opinio, quam alibi defendimus, nempe hanc Collectionem produisse in Sæc. III., & successive fuisse tum auctam tum

Quo tempore, quo loco & authore hæc facta sunt, ignoratur.

(p) Plura huius rei exempla avert Cotelierius loc. cit.

(q) Germon de veter. hæret. Eccles. Cod. corruptoribus.

(r) Notant Doctores, quod Constitutiones aperte sapiant Arianismum, & Pelagianismum: & hoc ipsum est, quod multis Doctoribus persuasit, ut existimarent, illarum Authorem fuisse Arianum.

tum adulteratam, quod aliis etiam codicibus contigisse scimus, singulariter *Codici*, quem vocamus Universalis Ecclesiae, qui primo terminabatur canonibus Constantinopolitanis; postea Chalcedonenfibus, Trullanis, Carthagenfibus, aliisque quamplurimis locupletatus, & exactus est. Neque quemquam offendere debet inscriptio, qua vocantur *Canones Apostolici*: hoc enim nomine ipsos insignivit Author hujus Collectionis: vel quod a Viris Apostolicis fuerint sanciti; vel Apostolorum doctrinae essent consentanei; vel quod ab ipsis Apostolis traditi esse crederentur.

§. II.

De Authentia vero horum Canonum jam conclamatum esse videtur, non tantum, quod notas suppositionis praefereant apertissimas; sed quod jam nemo amplius illorum etiam, qui antiquatas opiniones pro aris & focis alias defendere consueverunt, illarum patrocinium assumere, & auctoritatem defendere audeat. Plura videantur alibi (s).

§. III.

Reliquum est, ut de Collectione Dionysiana agamus, quam Dionysio Areopagitae, de quo fit mentio in sacris literis (t), adscribunt, quemque in Galliam praedicandi Evangelii causa venisse, & primum Episcopum Parisiensem fuisse, passim antiquiores Scriptores testantur (u). Varii eidem adscribuntur libri, quos recenset Elias Dupin (x). Hos inter praecipui sunt libri de coelesti Hierarchia, de divinis Nominibus, de Theologia Mystica, decem Epistolae ad diversos scriptae. Magnae auctoritatis hos libros fuisse apud Doctores antiquiores, Theologos Scholasticos maxime, utpote qui plura, quae de Deo, & Angelis scripserunt, ex his libris hauserunt, vel ex solo S. Thoma Aquinate colligitur, qui illos sub nomine Divi Dionysii quam frequentissime citare dignoscitur. Ad nostrum scopum facit liber de eccles. Hierarchia, qui si genuinus illius foetus est, sane Ecclesia ingentem habet thesaurum, atque collectionem Canonum amplissimam tanto pretiosiore, quanto antiquiorem, & ad demonstranda plura capita disciplinae ecclesiasticae antiquae aptiorem. Verum paucissimi jam sunt, qui illius defen-

De Authentia horum Canonum est conclamatum.

Recensentur libri Dionysiani.

Huc pertinet liber de Eccles. Hierarchia de se valde pretiosus.

Item paucissimi etiam ex Gallis il-

(s) Quæst. de Jur. Eccles. in genere.

(t) Act. 17. v. 34.

(u) Vide Natal. Alexander in Historia Sac. I. Dissert. 16. seq.

(x) In Biblioth. Tom. I. pag. 56.

hum velut genuinum defendunt. defensionem in se fuscipiunt, ex Scriptoribus etiam Gallis (y), qui, quamvis olim historiam vulgarem de adventu Dionysii in Galliam; prædicatione, & episcopatu, una cum libris eidem communius attributis pro aris & focis defenderint, nescio quid gloriæ suæ genti inde accessurum existimantes, plures tamen ex hodiernis veritatis defendendæ, quam gloriæ aucupandæ studiosiores non tantum horum patricium assumere non audent, verum etiam illorum suppositionem fortissimis argumentis impugnare non verentur. Utriusque sententiæ argumenta fusiori dissertatione deducit citatus Alexander Natalis, quæ, quanta possumus maxima brevitate in medium proferre liceat.

Pro illius authenticæ militat argumentum possessionis Et præfationis...

Pro sententia affirmativa Author hic unicum affert argumentum, nempe argumentum possessionis; aut si dicere lubeat, præscriptionis, ac omnem vim & robur collocat imo in possessione antiquissima undecim sæculorum, quorum lapsu, id est a Sæculo quinto usque ad Erasmus hi libri Dionysio semper a Conciliis Generalibus, Pontificibus, Patribus, omnibusque Scriptoribus ecclesiasticis, excepto solo quodam Anonymo, fuere adscripti; nec sub alterius nomine citati. 2do refutat argumentum negativum, quo utuntur Doctores contrariæ opinionis, asserendo, quod libri hi per quatuor Sæcula in ecclesia fuerint incogniti, a nemine citati, neque a Conciliis, neque a Patribus laudati, neque ad defendenda fidei dogmata, vel stabiliendam disciplinam unquam assumpti: cum tamen contra hæreticos, & ad dilucidandam disciplinam ecclesiasticam fortissima suppeditassent argumenta. Utrum vero responsa hujus celeberrimi Doctoris argumentis contrariis satisfaciant, prudenti Lectoris judicio dijudicandum relinquimus.

Contra militat argumenta plurima Et fortissima, Et quæ?

Econtra Doctores cæteri, qui libros hos suppositionis damnant, ingens argumentorum agmen in aciem educunt, quæ obiter & in compendio referre liceat. Primo utuntur argumento negativo mox antea proposito, quod nempe libri isti per IV. prima Sæcula totæ Ecclesiæ fuerint incogniti, quin sufficiens ratio dari queat, cur fuerint substracti, occultati; vel quo fato illos occultari, & abscondi contigerit. Num enim hæretici libros hos subtraxerunt, & suppresserunt? sed quomodo id probant Doctores contrarii? Conjectura hæc est nulli fundamento innixa. Et quomodo fieri potuit, ut libri hi unice in manus hæreticorum

(y) Ex Catholicis Scriptoribus illos impugnant Lupus, Papebrochius, Morinus, Launojus, Tillæmontius, Elias Du Pin, Anton. Pagi; ex A Catholicis Pearsonius, Rivetus, Usserius, Joan. Dallæus, Tenzelias. Ex Gallis eos defendere conatur Nat. Alexander in Histor. Eccles. Sæc. I. Dissert. XXII.

corum venirent? nam *Disciplina Arcani* illos in lucem producere vetuit? sed quare, & quidem ad sæculum usque quantum (z)? Secundo illa possessio a parte adversa in vim argumenti assumpta non iusta, non legitima, ac suspecta de malo principio est, nec fundatur facto legitimo: quis enim libros illos primitus produxit? fuerunt nempe hæretici Severiani, qui illos in quodam colloquio cum Episcopis catholicis in palatio Justiniani Imperatoris habito primi citarunt an. 532.

post Christum natum. Et quomodo proferebantur? tanquam libri incerti: sicut suspicantini, aiebant Catholici (a). Quare proferebant? ut suos probarent errores: Contra quos? contra Catholicos. Tertio libri hi continent plura paradoxa, incognita, cum temporum ac rerum circumstantiis incombabilia: Describunt ritus solemnes baptismi, quos Ecclesia assumpsit, postquam persecutiones cessarunt: loquuntur de templis, quæ eo tempore nondum fuerunt: mentionem faciunt de Monachis, quorum institutum ad Sæc. IV. referendum est: utuntur ad explicandum mysterium Trinitatis & Incarnationis verbis nondum usitatis, & in sæculo quarto tantum ab Ecclesia receptis (b). Hæc & plura alia sane paradoxa recenset Elias Du Pin. Quarto Ipsum argumentum scriptionis, stylus, & methodus scribendi hos libros sane multum facit suspectos. Agit hic Author de rebus & mysteriis sublimissimis e. g. de Trinitate, de Angelis & Angelorum choris, & quidem methodo prorsus mirabili, tunc temporis inusitata, argumentis ex Philosophia Platonica depromptis, verbis nondum usualibus, difficultates in hoc scriptionis argumento occurrentes curiosius rimatur, quæstiones novas, speculativas, inutiles & tales, de quibus nemo tunc somniaverat, excitat, atque a scribendi methodo, ab argumentis Scriptorum tunc usitatis quam longissime recedit.

Tria enim operum genera primis Ecclesiæ sæculis scribebantur; Apologiæ pro religione; Epistolæ ad instruendos fideles; & tractatus contra hæreticos: Num ergo credibile est, quod Author tam sublimis ingenii, qualis fuisse videtur ille Pseudo-Dionysius, vires sui ingenii ad dilucidandas quæstiones adeo sublimes & speculativas impendere &

Z 2

non

- (z) Id equidem existimat Eman. Schellstrat, sed sine sufficienti fundamento, quem propterea iuste castigavit Tenzelius de *Disciplina Arcani* part. 2.
 (a) Unde indicare potestis, ajunt Severiani Episcopi, hæc testimonia, quæ Dionysii Areopagite esse dicitis, vera esse, sicut suspicantini: si enim illius essent, B. Cyrillum latere non potuissent.
 (b) E. g. utuntur voce *Hypostasis* ad significandam personam: cum tamen sensus huius verbi pro Persona primum exeunte sæculo quarto fuerit determinatus.

non potius pro bono Religionis, pro defensione fidei, pro instructione fidelium tota contentione certare, & scribere voluerit, eo potissimum tempore, quo Ecclesia & Religio defensoribus contra Gentiles & hæreticos, fideles Doctoribus & instructoribus in Doctrina Christiana, Martyres exhortatoribus indigebant? profecto tempus tunc non erat disputandi de mysteriis sublimibus, excitandi quæstiones scholasticas, subtilizandi, philosophandi. Aut num Apostoli & Evangelistæ, aut cæteri Scriptores Apostolis cœvi talia & quidem methodo prorsus nova, sublimi, ac superba scripserunt? Stylus etiam tumidus est, & affectatus, verbis phaleratis, ampullatis figuris, ratiunculis philosophicis hie Scriptor utitur: cum tamen stylus illius ævi fuerit quodammodo simplex, ad regulas artium bene compositus & talis, qui omnem superbum figurarum ornatum, aut affectatas dicendi periodos penitus respuebat. Quinto tanti roboris non videntur esse argumenta, vel authoritas, quibus pars adversa ad comprobendam cum veritatem, tum antiquitatem horum librorum sustentatur: illa enim antiquissima possessio, cum sit nova, suspecta, & malum, aut certe suspectum habuerit initium, tanti roboris esse non debet, ut contra fortissima argumenta ex temporum rerumque circumstantiis deprompta, atque in sanioribus Critices regulis fundata prævalere debeat. Ad hæc illorum Patrum & Scriptorum monumenta, quæ in testes suæ sententiæ allegant Doctores contrarii, suspectæ, & dubiæ sunt fidei: profecto illa scholia Dionysii Alexandrini in Dionysium Areopagitam ex testimonio Anastasii, & Maximi scripta nec Eusebius nec Hieronymus recenset: alius sit igitur, oportet, Dionysius Alexandrinus: vel ab aliquo Græco sub nomine Dionysii Alexandrini Scholia illa in libros Dionysio Areopagitæ affictos fuerunt supposita.

Sed nec bene citantur quæstiones Athanasii; aut Homiliæ Origenis in varia novi Testamenti loca: quia inter omnes convenit, hæc opera nec Athanasii esse, nec Origenis. Idem dicendum de Concione, quæ sub nomine Chrysostomi citatur: cum potius Joannis Jejunatoris Patriarchæ Constantinopolitani quam Chrysostomi esse videatur. Nicephori vero, nec non aliorum Recentiorum Scriptorum authoritas nihil aliud probat, quam eorum tempore hos libros Dionysio Areopagitæ affictos fuisse: Ex quo enim hi libri ineunte Sæculo VI. visi sunt, brevi non parum momenti & authoritatis adepti, & ambabus manibus a Conciliis, Pontificibus, & Scriptoribus sunt apprehensi. Nonne idem factum obtinuerunt alia documenta supposita, ficta, sub nomine Apostolorum, Pontificum, & celebriorum Patrum procusa,

*Expugnat
tur prætensa
possessio.*

fa, & orbi christiano velut obtrufa (c) ? Huic sententiæ fortissimum *Num Dionysius Areopagita venerit in Galliam ?* accedit argumentum, si verum est, quod Dionysius Areopagita nuntiavit in Galliam venerit ; & ille Dionysius Galliae Apostolus longe alius fuerit a Dionysio Areopagita, prout demonstrant seposito partium studio Viri eruditissimi, & Scriptores Galliarum celeberrimi (d).

§. IV.

Inquirendum jam in Authorem & ætatem librorum Dionysianorum. Diverſæ hac in re sunt Doctorum opiniones. Pearsonius illorum ætatem refert ad annum 330., cui non nulli alii adſtipulantur (e), quorum tamen opinionem egregie refellit Tillemontius aſſerens, eos ante ſæculum quintum non fuiſſe procuſos (f). Sunt alii, qui ipſum annum, quo primam lucem aſpexerunt, determinare conantur, eosque rejiciunt ad annum 431. uſque ad annum 451. (g). Dodwellius opinatur, quod illorum Author fuerit Gregorius M., qui illos per orbem catholicum ſaltem publicari fecerat (h), cujus tamen doctrina communiter exploditur. Prima eaque certiora veſtigia reperiuntur in Sæc. VI. in celebri illo Conventu ab Episcopis orthodoxis, & Severianis in palatio Juſtiniani Imperatoris habito, in quo Severiani ſuos errores ex libris Dionysii tueri, defendere, ac confirmare ſtuderunt (i). Itaque plures exiſtimant illos Libros eſſe confictos a quodam Sæctæ Severianæ, natione Judæo, cæteroquin Philoſophiæ Platonicæ addiſto, qui ut libris ſuis majorem authoritatem conciliaret, eos ſub nomine Dionysii Areopagitæ publicos fecit (k). Atque hæc de Colleſtionibus Canonum primitivæ Eccleſiæ ſcripta ſufficiant. Jam ad Sæculum IV. & ſequentia progrediamur.

(c) E. g. Canones apoſtolicæ, Epistolæ Decretales antiquorum Pontificum &c.

(d) Petrus de Marca, Launoïus, Du Pin, Morinus, &c.

(e) In Vindiciis Epist. Ignat. part. 2. cap. 10.

(f) Memoires Tom. 2.

(g) Nourrisſius in apparatu ad Biblio. Pat. Diſſert. 10. Uſſerius, Morinus, Launoïus.

(h) De Jure La'corum Sacerd.

(i) Mich. Lequien, Elias Du Pin.

(k) Tillemont, Dallæus &c. quamplurima enim in his libris occurrunt, quæ Platonismum ſapiunt.

CAPUT IV.

De Collectionibus Juris ecclesiastici a Sæculo quarto
usque ad Collectionem Photianam in Orientali,
& Isidorianam in Ecclesia Occidentali.

§. I. *Prima Collectio Canonum prodit Sæculo quarto, & quare? II. De Collectionibus Ecclesiæ Orientalis, specialiter de Codice Universalis Ecclesiæ. III. De Collectione Synodi Trullanæ. IV. De Collectione Joannis Antiocheni vulgo Scholastici, & alia cujusdam Authoris incerti. V. De Collectionibus Ecclesiæ Occidentalis, ubi singulariter agitur de additione Canonum Concilii Sardicensis, & hujus Can. 3. in quo Appellationes ad Sedem Pontificiam videntur esse statuta, vel stabilita. - VI. De Collectionibus Ecclesiæ Africanæ. VII. De Collectione Dionysii Exigui. VIII. De Codice Fulgentii Ferrandi. IX. Martini Bracarensis. X. Cresconii Africani. XI. Isidori Hispalensis. XII. De Canonibus Penitentialibus. XIII. De Collectione Hadriani Pontificis. XIV. De Libro diurno Romanorum Pontificum. XV. De quibusdam Collectionibus minus celebribus Theodulfi Episcopi Aurelianensis, Theodori Cantuariensis, Egberti Eboracensis, Hucarii, Bonifacii. XVI. De Codice Canonum Penitentiarum. XVII. De Capitularibus Francorum remissive.*

§. I.

Ecclesia primitiva collectionem Canonum non habuit.

Ex dictis Cap. præced. demonstratum manet, hætenus authenticam Canonum Collectionem per tria prima Sæcula excussis omni, quæ par erat, & possibile, industria antiquissimis documentis non potuisse reperiri. Inconculsa itaque manet Virorum doctissimorum doctrina (1), existimantium, quod Ecclesia primitiva sola Scriptura, Traditionibus, Observantiis & Moribus fuerit gubernata: etsi diversi canones hinc inde in diversis Synodis particularibus conditi ecclesiis non defuerint, quos
tamen

(1) Petri de Marca in Dissert. de antiq. Canonum Collect. Petri Coustant, &c.

tamen magis in corde Sacerdotum cum traditione, tum quotidiano ecclesiarum usu impressos vixisse, quam in publicum evulgatos; neque ab una Ecclesia alteri, prout sequioribus temporibus factum esse novimus, communicatos, & hac ratione in orbem catholicum fuisse diffusos jure optimo existimari potest. Et quamvis hujus rei plures, eæque fæd validæ rationes dari queant, illam nihilominus præ reliquis in medium proferre placuit, quam in Viro eruditissimo Petro Constant legere licuit (m). Voluit nempe primitiva Ecclesia prudentis Oeconomiae studiosissima, ut eadem cautione fides, & Disciplina ecclesiastica tractaretur. Norunt omnes, quam sollicita, quam circumspècta fuerit Ecclesia in propalandis fidei mysteriis sublimioribus: ita quidem, ut in præsentia Ethnicorum & Catechumenorum quam sollicitè caveret, ne quæ vacula excideret, qua mysterium christianæ Religionis prodire posset. Noverint ista, qui vel obiter legerint, quæ de *Disciplina Arcani* nostrates tradere solent: quidquid contradicant Heterodoxi, qui illam veluti Asylum ignorantiae traducere non erubescunt, ad quam toties appellare necessum habent Catholici, quoties dogmata fidei ex Scriptura & Traditione, vel authentiam librorum ex antiquioribus documentis demonstrare non possunt. In hanc rem luculentum est testimonium S. Basilii, quod vel unum instar omnium esse potest. Hic in Lib. de Spiritu S. (n) plurimos recenset ritus, nullis consignatos literis, sed, ut ejus verbis utamur, ex Apostolorum traditione in Mysterio, id est, in occulto acceptos: utenim, inquit, signo crucis eos, qui spem collocarunt in Christum, signemus, ut ad Orientem versi precemur, quis scripto docuit? Consecramus aquam Baptismatis, & oleum Unctionis, ex quibus scriptis? nonne ex tacita, secretaque traditione? quod ter immergatur homo, unde haustum? nonne ex doctrina, quam Patres nostri silentio quieto minimeque curioso testam retinuerunt? innox silentii hujus rationem reddidit: Pulchre quidem illi edocti erant Mysteriorum majestatem silentio conservari, nam quæ nec intueri fas est non initiatis, qui conveniebat horum doctrinam publicitus circumferri scripto? Hæc Religio Patrum nostrorum erat. Accedit, quod, licet inter ecclesias summa fuerit animorum conjunctio, & in doctrina fidei ac morum communicatio & concentratio, in iis tamen, quæ disciplinam ecclesiasticam concernebant, quælibet Ecclesia suos retinebat mores, ac observantias, a quibus recedere piaculum credebatur. Recolantur memoria duæ celeberrimæ controversiæ in causa Rebaptizantium & Quartodecimanorum: Nonne tam Africa-

Hujus ratio datur ex Oeconomia Ecclesiæ, & disciplina Arcani.

Hujus luculentum testimonium ex S. Basilio.

(m) In Præf. part. 2. Epist. Rom. Pontif.

(n) Cap. 27.

ni, quam Patres Asiatici ad suas provocabant traditiones, mores, & observantias?

*Restituta
Ecclesiæ pa-
te Episcopi
convenire in
Synodos.*

Verum post partam Ecclesiæ tranquillitatem, post dilatatos ejus fines, & in immensum auctos, succrescentibus in dies hæresum, schismatum, vitiorumque zizaniis erupit tandem in publicum, & in orbis totius luce visus, servatusque est ecclesiasticæ disciplinæ ordo: Convenire palam, & frequentius ad eum vel confirmandum, ne laberetur; vel, ubi collapsus erat, restituendum Episcopi, ac, prout postulabat temporum aut regionum varietas, veteres regulas novis auxerunt, illustraruntque. Triplicis generis Concilia, *Provincialia, Nationalia, & Universalia* jam in Sæculo quarto fuisse celebrata, testantur historię omnes. Provincialia dicebantur illa, ad quæ conveniebant Episcopi unius Provinciæ; Nationalia, quibus intererant Episcopi alicujus Diocesis (o); Universalia ad quæ vocabantur Episcopi variarum Diocesium. In his causæ fidei, morum & disciplinæ ecclesiasticæ agebantur, varii canones, & ordinationes ecclesiasticæ condebantur, controversiæ decidebantur, singulariter in causas excommunicatorum & ejectorum, an excommunicatio jure sit facta, inquirebatur. Quod si in Synodis Provincialibus causæ controversiæ exitum non fortiebantur, convocanda erat Synodus Nationalis, in qua causæ novo examini subijciebantur, provocantium querelæ audiebantur, & ultimato judicio terminabantur, a quo non amplius provocare licebat. Causæ fidei potissimum necessitatem convocandi Synodos generales fecerunt, ut hæreses & causæ controversiæ tanto majori pondere opprimerentur, quanto majori autoritate Episcopos universi orbis catholici in unum confluentes esse præditos jure credebatur. Canones fidei condebantur cum clausula: *Credit Catholica Ecclesia*; Canones Disciplinæ cum clausula: *Placet: visum est.* Concilia Provincialia ex præscripto Concilii Nicæni quot annis bis celebrari debebant: Nationalia & Universalia pro exigentia rerum toties habebantur, quoties ea habenda esse videbantur. Jam in Sæc. IV. duæ Synodi Generales, Nicæna I. & Constantinopolitana I., Nationales & Provinciales plures fuere celebratæ. Celebriores ex his procul dubio sunt Arcyrana, Neo Cæsariensis, Gangrensis, Antiochena (p), Laodicena. In his Synodis quamplurimi canones disciplinam ecclesiasticam spectantes condebantur. Habemus in

*De clausulis
Canonum fi-
dei & disci-
plinæ.
Frequentia
Conciliorum.*

hodie,

(o) Diocesis constabat ex multis Provinciis. Vid. dicta in Dissert. de Statu Ecclesiæ Cap. 3.

(p) Hæc pertinet ad Sæc. III.

hodiernam usque diem Canones Concili Eliberitani (q); Arelatenfis Canones 22.; Ancyran 25.; Neo-Cæsarensis 15.; Gangrensis 22.

Ex hac Synodorum frequentia procul dubio multitudo Canonum, & singularis inter Ecclesias, Provincias, & Diœceses communio & unio etiam in rebus disciplinaribus oriri debuerat. Ne ergo Unionis vinculum rumperetur, & ne canones saluberrime conditi in oblivionem abirent; atque ut communio hæc, unio, & uniformitas in doctrina fidei, morum, nec non in observantia disciplinæ ecclesiasticæ eo facilius & fortius conservaretur, visum erat e re & bono Ecclesiæ fore, si Canones in unum quasi corpus colligerentur, ut, quæ sint decreta & constituta, agenda & observanda, Ecclesiæ, Episcopi & Clerici non ignorarent.

Quare Canones fuerint in Codice redacti?

Ex hoc ipso capite factum esse credimus, quod Patres in Concilio Nicæno congregati canones illiussecum ad suas ecclesias deportaverint, ac libris suis ecclesiasticis inseruerint (r). Ingens illa mutatio disciplinæ ecclesiasticæ in Sæc. IV. facta, novus Ordo Hierarchicus inter Clericos & Episcopos introductus (s), alteratio Pœnitentiæ publicæ & excommunicationis, introductio variorum rituum, ac ceremoniarum, controversiæ inter Ecclesias & Episcopos ratione prærogativarum abortivæ, nova Judiciorum & Appellationum forma, Status Monachorum noviter introductus, & sexcenta alia haud secus Collectionibus Canonum, ac ipsis canonibus statuendis occasionem præbuisse non dubitamus. Hæc de Origine Collectionum in genere.

§. II.

Ordiamur a Collectionibus Ecclesiæ Orientalis. Prima, eaque genuina Collectio Canonum communiter reputatur Collectio Canonum Ecclesiæ Orientalis, quæ passim *Codex Universalis Ecclesiæ* appellatur. De Canonibus in hoc Codice contentis, origine, Authore, nomine, incrementis, & autoritate illius non satis constat. Illud in primis certum habetur, quod Græcijam ante Concilium Chalcedonense suum

Collectiones Ecclesiæ Orientalis.

De Codice universalis Ecclesiæ.

Cano-

(q) De hac Synodo multa disputantur, quæ non sunt hujus loci.

(r) Vid. Petrus de Marca de Concord. Lib. 3. Cap. 2. & 3.

(s) Olim Hierarchia tribus abolvebatur gradibus, Episcoporum, Presbyterorum, & Diaconorum. Labente hoc Sæculo quibusdam Ecclesiis Antiochenæ, Alexandrinæ, Constantinopolitanæ certæ decretæ prærogativæ, & dignitates Patriarchicæ, Metropolitanæ introductæ.

*Græci ante
Concil. Chal-
cedon. suum
habuere Co-
dicem.*

Canonum Codicem habuerint, utpote ad quem in eo provocaverunt, ex eo controversias deciderunt, eumque speciali iudicio approbarunt. Discutiebatur in hac Synodo causa Caroli & Dorothei, aliorumque ex horum parte stantium, & *sancta Synodus dixit: sacri Patrum Canones legantur, & Commentariis inferantur.* Can. 1. Et en! Aëtius Archidiaconus & Prinnicerius recitabat Synodi Antiochenæ Canones 4. 5. 16. & 17. sed non sub ejus Concilii nomine, neque sub numeris, quibus in ea continentur, sed generaliter, & sub aliis longe numeris, videlicet tanquam Canones 83. 88. 95. & 96., quod signum manifestum est, canones istos ex quodam Codice Canonum in unum corpus relatorum fuisse recitatos. Hunc vero Codicem a Patribus in hac Synodo congregatis fuisse approbatum, constat ex verbis supra allegatis, quibus dicitur: *Sacri Patrum Canones legantur, & Commentariis inferantur* (1).

*Quinam in
hoc Codice
Canones con-
tineantur.*

Quoad ipsos Canones huic Codici insertos inter Doctores convenit, illum fuisse congestum ex Canonibus Concilii Nicæni, Ancyrani, Neo-Cæsariensis, Gangrensis, Antiocheni, & Laodiceni; illiusque Compilatore 20. Canones ex Synodo Nicæna, 24. ex Ancyrana, 14. ex Neo-Cæsariensi, 20. ex Gangrensi, 25. ex Antiochena, 59. ex Laodicensi, tres ex Constantinopolitana &c. mutuasse, ex quibus omnibus simul junctis confurgit numerus 156. Canonum. Probat id Dionysius, qui hunc Codicem Græcum transtulit in latinum: Hic enim in Præfatione sue Collectionis expresse testatur, quod in suo opere & disponendis Canonibus eum tenuerit ordinem, quem in exemplari græco servatum esse deprehenderat (u). Jam vero prima Dionysianæ Collectionis parte Canones sic dispositos invenimus, ut Nicæni frontem occupent; sequantur dein Ancyrani, Neo-Cæsarienses, Gangrenses, Antiocheni, Laodiceni, Constantinopolitani, omnes in 165. capita digesti, atque ea serie numerorum, quam in citandis horum Canonum non nullis secuta est Synodus Chalcedonensis.

Neque

(1) Vid. Constant. in Præfat. multo magis id ostenditur ex Can. 1. Synodi Chalced., qui ex versione Dionysii Exigai sic habet: *Regulas Sanctorum Patrum per singula nunc usque Concilia constitutas proprium robur obtinere decernimus.*

(u) Ait enim in Præf. *Regulas Nicænæ Synodi, & deinceps omnium Conciliorum, quæ in Asiaticis Diocesis celebrata sunt, sive quæ ante eam, sive quæ postmodum facta sunt, usque ad Synodum 150. Pontificum, qui apud Constantinopolin convenerant, sub ordine numerorum, id est a primo capite ad 165., sicut habetur in græca auctoritate, digestimus.*

Neque originem, neque Authorem hujus Codicis hactenus invenire concessum fuit. Originem quidam referunt ad annum 385. sed sine sufficienti fundamento. Authorem illius quidam putant fuisse quemdam Stephanum Episcopum Ephesinum, ea ratione ducti, quod vetus Codex manuscriptus in Bibliotheca Palatina repertus illius nomen præferat (w). Quoniam vero Stephanus iste Sæc. sequenti vixit, & ipsi Concilio Chalcedonenſi interfuit, in quo Codex iste fuit lectus & approbatus, vix etiam cum umbra veritatis eidem adſcribi poteſt. Fortalliſ ſecundæ Editionis & Collationis per Canones Chalcedonenſes auctæ, cum majori veritate Author dici poſſet. Aliis hæc Collectio opera Sabini apud Heracleam in Thracia Macedonianorum Episcopi concinnata fuiſſe videtur. Verum illa, quæ Sabino attribuitur, Collectio ab hac, de qua nobis eſt ſermo, toto cœlo videtur eſſe diverſa. Quo igitur tempore, quo Authore hæc Collectio fuerit concinnata; item an Author Codicem hunc autoritate privata, vel publica ſpeciali Synodi cujuſdam orientalis decreto congeſſerit, eſt & manet incertum. De eo tamen ſatis conſtat, eum in Imperio Orientali fuiſſe editum: eoquod non alios Canones quam Synodorum particularium contineat.

Codicem hunc græcæ & latine æ vetuſto manuſcripto Græco ſub initium hujus ſæculi evulgavit Chriſtophorus Juſtellus, & ſub nomine Codicis Canonum Eccleſiæ univerſæ notis illuſtravit. Quærunſ itaque Doctores, quo jure Codex hic hoc nomine compellari poſſit & debeat? Num ideo fortalliſ, quod hoc Codice tempore Concilii Chalcedonenſis omnes Eccleſiæ uſæ fuerint: verum id a veritate abludere, teſtis omni exceptione major eſt Innocentius I., qui teſtatur, tempore Concilii Chalcedonenſis in uſu Eccleſiæ Romanæ alium Codicem non fuiſſe, quam Codicem Canonum Nicænorum & Sardicenſium; neque alios Canones eſſe recipiendos, ſi ab his diſſentiant (x). Sed nec poſt Concilium Chalcedonenſe Codex iſte per receptionem in univerſa Eccleſia fa-

A a 2

ctus

(w) Vid. Petrus de Marca de Concord. lib. 3. cap. 3. & Douaiatus lib. 3. c. 3.

(x) In epiſt. 5. ad Theophilum, ubi ſic habet: *Sub teſtibus Nicæni Concilii Canonibus (alium Canonem Romana non admittit Eccleſia) ſecuritatem habebis: & in Epiſt. 7. quod Canonum obſervantiam attinet, ſolis illis parendum eſſe dicimus, qui Nicææ deſiniti erant, quos ſolos ſeſſari, & agnoſcere debet Eccleſia Catholica.* Et paulo poſt ſubjicit: *Sin autem a quibusdam alii proferantur, qui a Nicæniſ diſſentiant, hi ab Episcopis Catholicis rejiciuntur.* In his verbis Pontifex alludit ad Canones Antiochenos ab Adverſariis Chryſoſtomi compoſitos, quos agnoſcere noluſt.

etus est universalis: cum Ecclesia latina suum Codicem proprium habuerit; nec verosimile sit, quod Leo I. Pontifex hunc Codicem receperit: quippe in quo continebantur Canones Concilii Constantinop. I., quos laudatus Pontifex sibi oblatos constanter rejecit (y). Nec obest, quod Leo Synodum Chalcedonensem & hoc ipso hunc Codicem approbaverit, sicque saltem a tempore hujus Synodi vim universalem obtinuerit: nam quæ fuerit mens Leonis, ipse sat aperte indigitat in Epist. ad hanc Synodum, & ad Maximum Antiochenum data, in qua se declarat, quod ea, quæ de fide sunt, approbet; quæ Nicaenis Canonibus contrariantur, damnet; cætera vero, in quantum cum Synodo Nicæna conveniunt, repudiare non velit (z). Qua ratione hic Codex in Ecclesia etiam Latina auctoritatem obtinuerit, infra dicemus. Itaque existimant Doctores, eatenus hunc Codicem dici posse *universæ Ecclesiæ*, quatenus Ecclesia illum in Synodo Chalced. ad decidendas causas publicas adhibuit (a). Sed ne hoc quidem facile admisso: tum quod causæ illæ causæ fuerint Græcorum tantum: tum quod Leo I. ipse ex dictis hunc Codicem simpliciter non approbaverit. Quod si tamen ad Sæc. usque VII. & VIII. progrediamur, quo Ecclesia Romana Codicem Dionysianum recepit, quidni dicatur Codex universæ Ecclesiæ? Melius itaque hic Codex dicitur *Collectio Canonum Orientalium*, prout illum inscripsit celeberrimus Jurisconsultus Franciscus Florens (b).

*Incrementa
huius Codicis.*

Ex dictis colligitur, quoniamque Codex sese extenderit tempore Concilii Chalcedonensis. Successu temporis eidem accesserunt varia incrementa: unde etiam post Concilium Chalced. altera prodiit Collectio, quam aliqui adscribunt Stephano Ephesino, de quo supra diximus. Fundamentum conjecturæ inde desumunt, quod prædictus Stephanus Concilio Chalcedonensi interfuerit, & illius cum in subscriptionibus, tum in actionibus iterata fiat mentio (c). Alii existimant, Stephanum huic Collectioni non nisi Canones Concilii Constantinopolitani I.; alium quemdam Canones Concilii Chalcedonensis addidisse (d).

*Quoniam
huic codici
in secunda
editione su-
peraddita?*

Inde confurgit Quæstio, quænam ergo huic Codici fuerint adjecta? ferme communis est opinio, eidem accessisse Canones Concilii Constantinop. I. quatuor, Ephesini octo, Chalcedonensis viginti novem, ita ut

tota

(y) Constantius in Prefat.

(z) Petrus de Marca de Concor. Lib. 3. Cap. 3. N. 5.

(a) Van - Espen Part. 2. Cap. 1. §. IV.

(b) Vid. Doulat Lib. 3. cap. 4.

(c) Idem ibid.

(d) Pertschius Ursprung der Kirchen-Gesetze, erster Abtheilung.

tota Collectio constaret 207. Canonibus. Contradicit tamen Petrus Coustant, & præten- dit, huic Collectioni ad Dionysium usque solos Canones Concilii Chalced. fuisse adjectos, idque confirmat testimonio ipsius Dionysii, qui postquam Canones hujus Codicis tempore Concilii Chalcedonen- sis contentos enumeravit, subjicit: *Tum Chalcedonen- sis Concilii decreta subdentes in his Græcorum Canonum finem esse declaramus.* Quapropter concludit, quod Codex ille Justellianus ne quidem Codex Græcorum, multo minus universæ Ecclesiæ labente Sæc. V. fuerit (e).

Mirum haud paucis videtur, quod huic Græcorum Collectioni Canones quidam Antiocheni, quos Arianorum sætum esse constat, infer- ti, in Concilio Chalcedonensi pro regulis ecclesiasticis probati, usque demum recepti fuerint, prætermis- sis Canonibus celebriorum Synodo- rum, quales fuere quinque per Asiam habitæ, præsertim Arelaten- sis &c., & Sardicenis, quarum prima contra Donatistas ex omnibus Occidentis provinciis mandato Constantini in Gallia celebrata plenaria & universalis a S. Augustino vocatur; altera vero in Orientis partibus ce- lebrata, & instar appendicis Canonibus Nicænis adjecta habebatur. Haud multum a vero nos aberrare existimamus, si id Authoris, seu Collectoris ignorantiae, & Græcorum ambitioni, ac dissidiis Orientales inter & Occidentales tribuamus. Prodiit enim Collectio in Oriente: Au- thor illius probabilius fuit Græcus, qui pro gloria gentis suæ laboravit, & Canones Orientalium vel ignoravit, vel sponte prætermisit. Scis- suræ erant inter Orientales & Occidentales cum ob Canones Antioche- nos, tum Sardicenses: ægre habebat Occidentales, quod Græci Conciliabulum Tyrium contra S. Athanasium celebratum, illiusque sen- tentiam confirmaverint, & insuper in odium quasi Romanæ Ecclesiæ in Synodo Antiochena statuerint, ne appellationes extra Provinciam fierent. Unde & in Synodo Sardicensi Orientales ab Occidentalibus disces- serant, in cujus Canone 3. dein appellationes ad Romanum Pontificem vel statutæ vel confirmatæ fuerunt. Inde factum est, quod Græci apud Latinos quadam Arianismi suspicione laborarent, eo ipso, quod Canones Synodi Antiochenæ, cujus fidei formula oblique adverbatur Nicæ- næ, receperint, & provocationes extra Provinciam concedere no- luerint.

Itaque mirari jam non subit, quod Græci neque Canones Cartha- ginenses, neque Sardicenses receperint: illos enim, ut dictum fuit, Author collectionis vel ignoravit, vel studiose prætermisit; hos autem

(e) In Præf. ad Epist. Pontif. N. 53.

admittere noluere, quod suæ disciplinæ quoad provocaciones & appellaciones receptæ adversarentur, de quo infra fusius agemus. Ex co tamen Græci hæreseos argui non debent, quod Canones Antiochenos ab Arianis procusos, & in fide suspectos in Synodo Chalcedonenſi pro regulis ecclesiasticis acceptaverint. Nam acceptarunt illos quoad capita disciplinæ; non quoad capita fidei. Neque id novum esse existimandum est. Plura exempla in historiis prostant, ex quibus innotescit, quod vel soli Canones fidei, vel soli Canones disciplinæ recepti sint: Sic Canones fidei Concilii Constantinop. I. non vero disciplinæ in Ecclesia latina recepti sunt: id quod Innocentius I., & Gregorius M. testantur (f). Id ipsum de Concilio Chalcedonenſi idem S. Gregorius testatur (g).

Nova accepit incrementa ex nova Collectione, cujus Author ignoratur.

Nova iterum incrementa accepit antiqua illa Collectio Ecclesiæ Orientalis, dum nova paulo post in lucem prodiit Collectio, cujus Author ignoratur. Non pauci eam adscribunt cuidam Abbati Theodoro vel Theodoto: Turrianus Constantino Scholastico Patriarchæ Constantinop., Antonius Augustinus Joanni Scholastico, Petrus de Marca, Doujat, alique Theodoro Cyrenſi Episcopo in Syria eam vindicant. Atque hæc ultima opinio primas apud hodiernos Scriptores obtinet. In hac igitur Collectione superadditi sunt Canones Apostolici, & Sardicenses, quorum illi ob nominis Apostolici reverentiam in fronte collocati; hi ante Neo-Cæsarienses & Gangrenſes interjecti. Ordo hujus Collectionis legitur in Indice ante Joannis Scholastici Collectionem descripto. Et quod magis est, ipsa etiam hæc Collectio expansis Synodorum Canonibus habetur in Codice Manuscripto Regiæ Bibliothecæ in Gallia (h). Utrum vero hæc Collectio sit illa, quam Justinianus confirmavit in Novel. 131., prout communius Authores volunt, haud abs re dubitatur: partim quia Imperator nullo verbo Canonum Apostolicorum meminit, & solummodo Canones IV. Conciliorum Generalium anteriorum approbat: partim quia Ecclesia Orientalis Canones Sardicenses semper abhorruit.

Dionysius Exiguus hanc Collectionem suam inseruit.

Quod Dionysius Exiguus Codicem Orientalis Ecclesiæ suæ etiam Collectioni inferuerit, aliunde notum est. Quid vero ulterius incrementi eidem accesserit ex Synodo Trullana, Cap. seq. audiemus.

Super-

(f) Lib. 6. Epist. 31.

(g) Lib. 5. Epist. 14.

(h) Vid. Petrus de Marca Lib. 3. de Concord, cap. 3. & Doujat lib. 3. cap. 4. & 5.

Supereſt, ut de authoritate hujus Codicis in utraque Eccleſia Orientali, & Occidentali agamus. Qualem & quantam authoritatem habuerit in Eccleſia Orientali ante Synodum Chalcedonenſem, non adeo manifeſtum eſt. Eam ſane fuiſſe ſummam, inde colligere licet, quod in Synodo Chalcedonenſi per modum regulæ ad decidendas controverſias aſſumptus, ſummoque cum applauſu approbatus fuerit. A tempore ergo Concilii Chalcedonenſis apud Orientales vices cujuſdam legis fundamentalis ſuſtinuit. Eundem etiam ingenti cum applauſu approbavit Juſtinianus Imperator an. 541. cujuſ rei fidem facit Novella 131. cujuſ verba omnino legi merentur: liceat illa apponere: *Sancimus vicem legum obtinere ſanctas eccleſiaſticas regulas, quæ a ſanctis quatuor Conciliis expoſitæ ſunt, aut firmatæ, hoc eſt in Nicæna trecentorum decem & octo, & in Conſtantinopolitana Sanctorum centum quinquaginta Patrum, & in Ephreſina prima, in qua Neſtorius eſt damnatus, & in Chalcedonia, in qua Eutycheſ cum Neſtorio anathematizatus eſt: Prædictarum enim quatuor Synodorum dogmata, ſicut ſanctas Scripturas accipimus, & regulas ſicut leges obſervamus.*

De authoritate hujus Codicis in Eccleſia Orientali.

Fuit ſumma.

Ad Eccleſiam Occidentalem veniamus. Profeſto Codicem hunc in Eccleſia Occidentali ante Synodum Chalcedonenſem non fuiſſe receptum ex teſtimonio Innocentii I. manet comprobatum. Utrum vero poſt Synodum Chalcedonenſem vim legis eccleſiaſticæ obtinuerit, ex eo, quod Leo ipſe Pontifex Synodum illam approbaverit, dubium manet ex ſupra dictis. Id certum videtur, quod Leo Synodum Chalcedonenſem non ex integro approbaverit, ſpecialiter Can. 28. reprobaverit (i). Et quis ſibi perſuadeat, quod hanc Collectionem ex integro etiam pro Eccleſia Occidentali ultimato judicio approbare voluerit, utpote in qua continebantur Canones Antiocheni ab Arianis contra S. Athanaſium procuſi; nec non illi, qui juſ provocandi ad Judicem ſuperiorem intra limites Provinciæ reſtringunt. Placet igitur judicium Illuſtriſſimi Petri de Marca, qui ex ipſa epiſtola Leonis ad Synodum data illius mentem colligit, dicitque, quod Leo tria ibidem docet, nempe ſe probare, quæ de fide ſunt decreta; quæ contra regulas Nicænas tentata ſunt, ſe nunquam Apoſtolicæ Sedis conſenſu firmaturum; quæ ab Episcopis diſcuſſa.

Illius authoritas in Eccleſia Occidentali incerta.

Judicium Petri de Marca de ſuper.

- (i) Fuit hic Canon ab Anatolio, aliſque Episcopis Orientalibus procuſus, in quo Episcopo Conſtantinopolitano eadem Jura, prærogativæ ac præeminentiæ, quæ habet Romanus Pontifex adſtruuntur, ſed non fuit acceptatus. Vid. Nat. Alexander ad Sæc. V.

discussa sunt, se non repudiaturum, ea lege, ne Nicanis Canonibus adversentur (k).

Id certum est, quod post habitam Synodum Chalcedonensem Canones græci latinitate donati sint, & Occidentalibus communicati, interpretatione in eam rem elaborata, cujus meminit Dionysius Exiguus ejusque exemplar antiquissimum retinet adhuc Bibliotheca Vaticana a Viris eruditis laudatum. Quidquid jam sit, non displicet doctrina Petri de Marca docentis, quod Ecclesia Romana Canones Orientalium Synodorum susceperit, eosque adhibuerit in causarum & negotiorum ecclesiasticorum disputatione, demptis iis, quos suis iuribus officere existimabat; quin tamen Collectionem illam Græcam acceptaverit: sed potius Leo accepto per suos Legatos Codice Orientali novam Collectionem adornari curavit, quæ dein sola per 60. & amplius annos usque ad Collectionem Dionysianam in Occidente viguit. Imo in Gallia hanc Collectionem usque ad tempora Hadriani Pontificis & Caroli M. viguisse, donec nempe Carolus M. Collectionem Dionysii Exigui ab Hadriano acceptam eo secum detulerit, testatur Petrus de Marca (l). Petrus Coustant existimat, Codicem, qui ante Synodum Chalcedonensem proprius erat Græcorum, Ecclesiæ universæ communem evasisse ante Sæculi VI. exitum, ita tamen, ut ejus canones nec reciperentur omnes, nec pari autoritate donarentur.

*Codex hic
dñi obtinuit
in Gallia.*

§. III.

*Præ aliam
Collectionem
hæc Collectio
fuit aucta,
de cujus au-
thoritate non
constat.*

*Historia Syn-
odi Trullanae
seu Quini-
sextæ.*

In immensum quasi aucta fuit Collectio Orientalis Ecclesiæ per novam Collectionem, de cujus nec initio nec Authore constat: nisi dicere velimus, quod Synodus Trullana, seu Quini-sexta anno 692. habita hanc additionem fecerit, & prædictæ Collectioni quamplurimos Canones tum ex Conciliorum Decretis, tum Patrum Græcorum responsis desumptos adjecerit, eisque Canonum Collectioni adornandæ ansam præbuerit (m). Historia Synodi Trullanae, seu Quini-Sextæ hæc est: Sæculo VI. anno 553. Vigilio Pontifice & Justiniano Imperatore Constantinopoli convenere 165. Episcopi in causa Nestorianorum, Euty-chianorum, Origenistarum, & famosorum trium Capitulorum (n). Eodem

(k) De Concord. Imper. lib. 3. Cap. 3.

(l) In Dissert. de veter. Collect. Canon.

(m) Hanc Collectionem ante Synodum Trullanam fuisse factam existimat Pertsch us Opusc. sæpe citato: Erste Abtheilung §. 31.

(n) Doulat. lib. 3. Cap. 6.

dem Sæculo Anno 681. sub Agathone Papa & Constantino Pogonato Constantinopoli, & quidem in Trullo novum celebratum fuit Concilium convenientibus 170. Episcopis contra Monothelitas unius in Christo voluntatis assertores.

Jam cum in utraque Synodo non nisi capita fidei fuerint declarata, & quidem in priori 14. Anathematis duntaxat præter Anathematium in Origenistarum errores capita conditi; in posteriori vero Authores Monothelitarum, quos inter etiam recensetur Honorius Pontifex, anathemate perculsi, quin aliqui canones disciplinam ecclesiasticam spectantes emanaverint (o), iterato in præfato Trullo confluerunt 227. Episcopi, qui defectum anteriorum Synodorum supplere volentes, manu sane non parca 102. Canones condiderunt, quot nulla anterior Synodus ediderat. Inter hos Canones famosior est Canon 2dus, quo suas Collectiones anteriores in immensum auxerunt, statueruntque, recipiendos esse, præter canones prioribus Collectionibus insertos, Canones Apostolicos numero 85., Carthagenenses, & Sardinenses; item Constantinopolitanos Constantinopoli sub Nectario conditos una cum epistolis Canonicis Dionysii, Petri, Athanasii, Theophili, Theophili, ac Cyrilli Alexandrinorum Præfulum; item Gregorii Thymaturgi, Basilii Cæsareensis, Gregorii Nysseni, Gregorii Theologi, Amphilochii Iconiensis, & Gennadii Patriarchæ, quibus adjece-
runt in honorem S. Cypriani canonem Synodi Africanæ in causa Re-
baptizantium editum, & demum in fine finali prohibuerunt, ne quis
hos Canones adulterare, aut alios admittere, vel adjicere præsumat
(p). Atque hæc est genuina historia Synodi Trullanæ, & canonum
ex illius declaratione vim legis obtinentium.

Pro faciliiori intellectu quædam subnectere liceat de nomine, & autoritate hujus Synodi. Vocatur hæc Synodus passim *Trullana*, vel

Quini-sexta: *Trullana* vocatur a loco, in quo fuit celebrata, nempe a *Trullo*, qui fuit Secretarium Palatii imperialis superne fornicatum; *Quini-sexta*: quod esset velut appendix anteriorum Synodorum ad

supplendum defectum illarum conformiter dictis convocata. In Ecclesia Orientali hæc Synodus summam semper auctoritatem habuit: Ecclesia Occidentalis illam nunquam agnovit authenticam: cum eidem neque Pontifices per suos Legatos præfuerint, neque subscripserint

*Canon 11. il-
lius valde
famosus.*

*Nomina il-
lius decla-
rantur.*

*Illius autho-
ritas in Ec-
clesia Orien-
tali summa,
in Occiden-
tali nulla.*

(o) Vid. Quæst. nostra tertia de Concil. cap. 1. §. V.

p) Vid. Petrus Constant in Præf. N. 59.

neque occiduarum provinciarum Episcopi interfuerint. Et licet suis ad subscribendum Pontifici fuerit relictus locus, & Gortynæus in Creta Episcopus, alique velut ejus vicem supplentes subscripserint, hanc tamen subscriptionem nunquam Pontifex ratihabuit, nec ratihabere voluit, aut potuit: quod in ea plura disciplinæ ecclesiasticæ in Ecclesia Romana receptæ contraria fuerint decreta, & præcipue Cœlibatus Clericorum damnatus. Plura in hac Synodo absona & dissona recenset Cabassutius (q). Atque ex his apparet, quibus ex Conciliis, quorum & e Patrum Scriptis in hac Synodo hæc nova Collectio fuerit coagmentata, & quanta tunc canonum moles ad priores collectiones accesserit.

§. IV.

Omnes hactenus recensitæ Collectiones Ecclesiæ Orientalis nequam secundum ordinem materialium, sed magis Conciliorum & episcolarum fuerunt dispositæ. Novam, & nova methodo concinnatam Collectionem molitus est, & ad finem etiam perduxit Joannes Antiochenus, vulgo Scholasticus, ideo ita dictus, quod ex schola Advocatorum in numerum Clericorum fuerit adoptatus (r). Erat Joannes ex Sirmi pago Antiochiæ finitimo oriundus, Presbyter primus Antiochenus, & Apocrisarius, & demum ad urbis Patriarchatum an. 574. evectus, ac ultimo in exilium depulsus. Duplicem hic Author adornavit Collectionem, quarum una vocatur *Concordia*, vel *Collectio Canonum*; altera *Nomo Canon*: quarum prior indubitanter eidem adscribenda; altera vero est dubia, sicut infra dicemus (s). Dum adhuc simplex erat Presbyter Antiochenus, circa annum 550. operi suo manum admovit, illudque in 50. titulos divisit nova prorsus methodo, nec ordine temporis servato, nec serie, seu consequentia numerorum pro more veterum usitato, sed potius ad quemlibet titulum canones eo pertinentes apposuit. Agit hic Collector primitus de Patriarchis, postea de Metropolitibus, de Episcopis, & horum obligationibus, de Chor-Episcopis, Presbyteris, Diaconis & Diaconissis, de Ordinibus, Monachis, Catechumenis, Lapsis, Hæreticis reversis, de quibusdam delictis, de Matrimonio, de conventibus ecclesiasticis, Officiis Divinis, obser-

Nova Collectio Joannis Antiocheni vulgo Scholastici.

Et hæc duplex, Concordia, Et Nomo-Canon.

(q) In Notitia Ecclæs. Sæc. VII. pag. 326.

(r) Advocati enim, & qui ex illorum ordine prodibant. olim vocabantur Scholastici teste Douiat. lib. 3. cap. 9.

(s) Vid. Franciscus Florens, & Douiat loc. cit.

observantia Canonum, de Synodis, & observandis in canendo, psallendo, & lectione scripturæ. Ad hanc Collectionem ordinandam adhibuit Codicem Universalis, seu Orientalis Ecclesiæ, & probabilius secundum, qui post Concilium Chalcedonense emanavit, & a pluribus Theodoro adscribitur. Colligitur id ex indice, sive ordine canonum Præfationi subjuncto (t). Præter canones ex dicta Collectione mutatos adjecit Canones Apostolorum numero 85., Sardicenses 21., & 68. ex Epistolis S. Basilii. Tria hujus Collectionis extant exemplaria manu descripta, unum admodum vetustum Romæ in Bibliotheca Vaticana ex Bibliotheca Palatina Heidelbergæ Romam delatum; alterum in Bibliotheca Petri Seguerii quondam Franciscæ Cancellarii; tertium in Bibliotheca Claramontani Collegii S. J. Lutetie.

Altera Collectio, quæ Joanni Scholastico adscribitur, est illa, quæ *De Nomo-*
vocatur Nomo-Canon, quod idem est, ac *collatio Canonum cum legi-*
bus Imperatoriis. Contextuit illam vel adhuc ut Presbyter (u); vel ut Patriarcha (x), circa annum 554. In hac adornanda eundem servavit ordinem, quem in sua Concordia Canonum. Divisit illam in 50. titulos, & in his eosdem canones adducit, quos allegavit in sua Concordia, cum hoc discrimine, quod in priori Collectione canones integros & plenos; in hac vero quasi per Indicem eorum sensum brevi quodam verborum compendio expressum conscripserit. Subjungit ad omnes titulos ex Codice & Novellis Justiniani constitutiones Imperatorias, in quantum cum suis titulis, & canonibus correspondent. Nam finis illius principalior fuit, ostendere Concordiam inter leges ecclesiasticas & Imperatorias. Ad titulum 9, 12, 21, 23, 31, 43, & 50. insinuat, quod nullas constitutiones invenire potuerit, quæ cum titulis, materiis, & canonibus convenirent. Ad calcem totius Collectionis adjunxit 84. capita ex iisdem Novellis desumpta, quæ ex suo judicio canonibus congruere videntur.

Haud abs re supra animadvertimus, recte dubitari, utrum hic *Incertum est.*
 Nomo-Canon ex integro revera sit Joannis Scholastici: contendunt *utrum Jo-*
 enim Franciscus Florens, & Petrus de Marca, illius Authorem esse *annes Scho-*
 Theodoretum Cyrensem eatenus, quatenus Theodoretus Collectionem *lasmus au-*
 hanc 50. titulorum ex folis canonibus digessit, cui dein Joannes Scho- *thor sit No-*
mo-Canonis,

Bb 2

Iasticus

(t) In hoc recensentur post Canones Apostolorum decem Synodorum Canones, nempe Nycænæ, Ancyranæ, Neo-Cæsariensis, Gangrensis, Laodicenæ, Constantinopolitanæ I., Ephesinæ, & Chalcedonenfis.

(u) Doulat lib. 3. cap. 9. §. 7.

(x) Ita existimat Pertschius loc. cit. pag. 86.

lasticus excerpta legum duntaxat adjecit. Id ut opinentur, ea potissimum ratione ducuntur : quod hæc Collectio nomine Theodoretis inscribatur in manuscripto Bibliothecæ Regiæ ; in fine vero Collectionis expresse additum legatur, quod Joannes Scholasticus leges Imperatorias subjunxerit, id quod Theodoretus facere non poterat : quia magna pars legum, quæ ibidem allegatur, primum post mortem Theodoretis lucem aspexerunt (y). Contradictum Scriptores alii, & dictam Collectionem Joanni vindicant : eo quod in pluribus Codicibus Manuscriptis mox ab initio Collectionis illius nomen præfigatur. Sed quid huic quæstioni multum immorabimur ?

*Fuit magna
authoritatis
in Ecclesia
Orientali,
quam perdi-
dit post Col-
lectionem
Photianam.*

Hæc Joannis Scholastici Collectio magnæ profecto autoritatis fuit in Ecclesia Orientali, quam tamen perdidit, postquam Collectio Photiana, de qua in sequenti capite agemus, publicam lucem aspexit, & per Ecclesiam Orientalem dominatum accepit. Itaque hæ sunt Collectiones Ecclesiæ Orientalis usque ad tempora Photii.

§. V.

*De Collectio-
nibus Eccle-
siæ Occiden-
talis.*

Ad Collectiones seu Codices Ecclesiæ Occidentalis dilucidandos progredimur. Jam aliquoties ex Innocentio I. animadvertimus, quod Ecclesia Occidentalis in primis tribus sæculis Codicem Canonum non habuerit, eorumque loco Scripturam sacram, Traditionem, mores, & consuetudines observaverit, etsi quosdam saltem canones scriptos ecclesias particulares hinc inde in Synodis particularibus conditos habuisse vix inficiari valeamus. Postquam vero sibi Codicem scriptum Canonum adoptavit, in adornandis Collectionibus eandem secuta fuit methodum, quam observarunt Collectores Codicum Orientalium. Nempe sicuti Græci, ita etiam Collectores Romani primitus non nisi Canones Conciliorum secundum seriem temporum digesserunt. In Ecclesia Occidentali brevi post accesserunt Decreta ac Decretales Epistolæ Romanorum Pontificum, & quidem, uti sapientissime animadvertit, monetque Vir Celeberrimus Petrus Coustant, jam tempore Siricii Papæ : quippe qui ad Himerium Tarraconensem Episcopum ita scribit : *Statuta Sedis Apostolicæ vel Canonum venerabilia desinita nulli Sacerdotum ignorare sit liberum* (z). Demum placuit Canones & Decreta

*Adiderunt
epistolas De-
cretales Pon-
tificum.*

(y) Petrus de Marca de Concord. lib. 3. cap. 4.

(z) Orientales Decretorum Pontificiorum modicam curam habuere. In Ecclesia Occidentali etiam jam Dionysius Exiguus suæ Collectioni inseruit Epistolæ Romanorum Pontificum a Siricio usque ad Hormisdam.

ta in certas classes, & capita distribuere, & singulis titulis pro varietate materiarum canones convenientes apponere (a).

Jam ad id devolvitur Quæstio, an, & qualem Ecclesia Occidentalis habuerit Codicem, seu Collectionem Canonum Sæc. IV. & V. *Qualis Ecclesia Occidentalis Codex Sæc. IV. & V.?* Celeberrimus Petrus de Marca duplicem distinguit Collectionem Ecclesiarum Romanæ, unam vetustissimam, quæ ante Concilium Chalcedonense; alteram vetustam, quæ post illud obtinuit: Illa prior continet solos Canones Nicænos & Sardicenses, quibus solis teste Innocentio I. Ecclesia Romana a tempore Concilii Nicæni regebatur; altera plures canones ex Codice Orientalis Ecclesiæ in Concilio Chalcedonensi approbato desumptos, quos Leo I. demptis iis, qui juribus Pontificis officere videbantur, Codici Ecclesiæ Romanæ inferi, & sic novam Collectionem Canonum adornari jussit (b).

Huic opinioni se vehementer opponit eruditissimus Petrus Coustant, qui falsum esse existimat, quod Collectio illa, quæ tempore Siricii & Innocentii I. in usu Ecclesiæ Romanæ fuit, solis canonibus Nicænis & Sardicensibus constiterit: quia, prout antea probatum dedimus ex Epist. Siricii, jam tunc moris erat, ut Codicibus Romanis non modo Canones Conciliorum, sed etiam Decreta & Decretales Epistolæ Pontificum inscriberentur. Alterum, quod Petrus de Marca assertit de Collectione jussu Leonis congesta, omnino improbabile videtur Coustantio: eo quod tota rerum series, quam Petrus de Marca refert, nulli authoritati, nullique fundamento nitatur: ubinam enim legitur, quod Legati Pontificii illum Codicem Chalcedone secum Romam deportaverint, illum Leoni exhibuerint, Leo canones quosdam suis juribus minus faventes expungi; cæteros vero novæ Collectioni inferi voluerit? Et quis nescit, Leonem semper Codicem illum Orientalis Ecclesiæ propter Canones Constantinopolitanos eidem insertos abhorruisse: adeoque non sat probabile videtur, quod eidem etiam quoad partem tantum aliquid authoritatis tribuere voluerit (c).

Abfit, ut horum clarissimorum Virorum interpretem, vel arbitrum agere præsumamus. Sublimiori ingenio judicium relinquimus. Nobis sufficit, si probemus, quod Ecclesia Romana in suo regimine Codicem Canonum habuerit. Id vero probant non modo epistolæ variae Innocentii I. supra allatæ; verum etiam alia rationum gravissimarum *Habuit Ecclesia Romana tunc temporis suum Codicem.*

Bb 3

(a) Ex his primus fuit Martinus Bracarenfis, quem secuti sunt Cresconius, Burcardus &c.

(b) Vid. Dissert. de Collect. vet. Petri de Marca.

(c) In Præfat. sæpius citata.

momenta. Nam jam tempore Concilii Chalcedonenf. in Ecclefia Romana, prout optime difcurrit Van-Eſpen (d), vigiſſe quemdam Codicem, argumento ſat manifeſto eſt, quod ad alium Legati Pontificii provocaverint; ad alium Græci: dum enim Orientales ingenti animorum contentione ſuo Patriarchæ quemdam Primatum, & prærogativas ſoli Romano Pontifici proprias vindicare laborabant, atque ad Canonem 3. Conſtantinopolitanum appellabant, reſoſuit Lucentius Sedis Apoſtolicæ Vicarius: *Canones iſtius Synodi Conſtantinop. in Synodi conſtitutionibus non habentur.* Ulterius in eodem Concilio Paſchaliſinus Sedis Apoſtolicæ Vicarius recitavit ſanctorum Patrum Can. VI. id eſt Canonem VI. Concilii Nicæni, in quo Eccleſiæ Romanæ Primatus adſtruitur: ad quod ſane non habebant, quod opponerent Orientales (e). Accedit, quod principaliffima cauſa, quæ Dionyſium ad concinnandum novum Codicem permovebat, illa fuerit, ut Eccleſia longe accuratorem haberet Codicem, quam eſſent illi, qui eo ævo circumſerebantur. Propterea mirum non eſt, quod in hodiernam uſque diem multi circumferantur huiusmodi Codices, hinc inde in Bibliothecis in Manuſcriptis aſſervuntur, & eorum aliqui non ita pridem in lucem publicam producti fuerint, quales ſunt Codex a Juſtello Juſtellianus (f), Quesnellianus (g) ex Manuſcriptis Codicibus Thuaneo, & Oxoniens ſumptus, & noviffimæ operum S. Leonis editioni per modum appendicis additus; item Longobardicus ex Bibliotheca Colbertina in lucem editus (h) &c. Cæterum omnes hi Codices ſuſpecti videntur, & an ullus eorum ſit genuinus ac ſincerus, jure optimo dubitatur. Deſuper legi meretur eruditiffimus Couſtant, qui Codices iſtos ſecundum accuratiores critices regulas accuratiſſime examinavit (i). Idem ſecit Van-Eſpen, qui ſuas animadverſiones in Codicem Juſtellianum, & Quesnellianum juris publici fecit, ac ſuum deſuper judicium communicavit: & quidem illum priorem neutiquam genuinum eſſe Codicem, illum nempe, quo Eccleſia Romana ante Collectionem Dionyſianam uſa fuit; poſtერიorem vero multas genuinitatis notas præſeferre aſſeruit (k). Quidquid jam ſit de veritate horum Codicum, nobis ſufficit oſtendiſſe, quod Eccleſia Romana Codicem ſibi proprium a Sæc. IV. uſque ad Collectionem Dionyſianam habuerit.

Duo

(d) Van-Eſpen, part. 2. cap. 2.

(e) Idem ibidem.

(f) Hunc juris publici fecit Henricus Juſtellus filius Chriſtophori Juſtelli.

(g) Hunc edidit Paſchaliſius Quesnellius Tom. 2. Operum S. Leonis.

(h) Ita vocatur, quia literis Longobardicis fuit exaratus.

(i) De quo vid, Couſtant. §. 2. Præſat.

(k) Part. 2. c. 2. §. 3. & ſequent.

Plures huiusmodi Codices hodie circumferuntur.

Duo potissimum sunt, quæ nostram industriam morantur, ne in recensendis cæteris Collectionibus ulterius pergat, nobisque digna sint Occidentales & Orientales Canones non aequaliter recipiantur. *Occidentales & Orientales Canones non aequaliter recipiantur.*

Vidimus hæcenus, quomodo Occidentales & Orientales in recipiendis canonibus inter se fuerint divisi, & quidem priores canones quosdam Antiochenos & Constantinopolitanos; posteriores vero Sardicenses, & Carthaginenses recipere dedignati sint. Nobis unice de Sardicensibus agere placuit, quos Romani Pontifices Canonibus Nicænis per modum Appendicis addiderunt; & Orientales acceptare constanter recusarunt: partim quod inter Canones Nicænos non fuerint reperti: partim quod in Can. 3. & 4. Concilii Sardicensis appellationes transmarinæ contra Synodum Antiochenam & disciplinam veterem Orientalis Ecclesiæ videantur esse stabilitæ, aut noviter introductæ. Itaque duo sunt, quæ in examen vocabimus, quorum primum est, utrum Ecclesia Romana, vel potius Romani Pontifices studiose & pia quasi fraude Canones Sardicenses Canonibus Nicænis adjecerint; alterum vero, an in citatis canonibus tertio & quarto Synodi Sardicensis appellationes, transmarinæ potissimum, fuerint statutæ? *Dubia de his Canonibus.*

Pro utraque Quæstione dilucidanda juvabit historiam scire, quæ utrique controversiæ ansam præbuit. Celebranda erat Synodus Carthaginensis ex omnibus Africæ Episcopis, ad quam Zosimus Pontifex suos misit Legatos, & inter alia jussit, ut, si PP. Africani agerent de appellationibus ad Romanum Pontificem, Legati Pontificii eas omnimodo urgerent, suamque sententiam autoritate Concilii Nicæni stabilirent, quod & egregie fecerunt. Reponebant Africani, hunc Canonem in suis exemplaribus Concilii Nicæni non reperiri: quare decreverunt mittere Legatos ad Episcopos Alexand. & Constantinop., utpote in quorum Ecclesiis authentica dicebantur, reservari exemplaria. Placuit consilium utrique parti. Et en! Canon iste non reperiebatur; sed potius deprehensum fuit, canonem, ad quem provocarunt Legati Pontificii, esse Canonem tertium Concilii Sardicensis. Quid ulterius in hac causa actum fuerit, dicere huc non pertinet. *Occasionem dubitandi præbuit Synodus Carthaginensis, cujus historia refertur.*

Jam de additione Canonum Sardicensium videamus, utrum nempe Pontifices alicujus doli, fraudis, ac imposturæ accusari valeant, quasi vero studiose hos canones adjecerint canonibus Nicænis, eum in finem, ut jus appellationis sibi vindicarent, & appellationes, vel quascunque provocaciones a Conciliis Provincialibus maxime in causa depositionis Episcoporum, aliter quam Canones Antiocheni volunt, & Nicæni velle videntur, ad se attraherent. Verum absit, ut Roma- *Pontifices pessime accusantur impostura in additione Canonum Sardicensium.*

nos Pontifices tanti criminis reos faciamus. Si quid in hac causa actum fuit, optima sanatione, & consilio id factum esse nobis firmissime persuasum habemus. Aut enim Julium Pontificem, sub quo Synodus Sardicenis celebrata fuit, aut illius Successores immediatos, aut Zosimum & Bonifacium, hujusmodi appellationes mirum in modum urgentes, sub quibus Synodus Carthaginensis agebatur, hujus criminis, fraudis & imposturæ reos facimus? denique quod Julius, illiusque immediati Successores, quibus historia Synodi Sardicenis non poterat esse incognita, hanc additionem fecerint: num propterea fraudis, & doli argui possunt? id nemo sanus, qui historiam hujus Synodi vel obiter inspexerit, dicere vel affirmare ausus fuerit. Convocata fuit hæc Synodus consensu utriusque Imperatoris Constantis & Constantii, ex causa prorsus legitima & prægnantissima, ut fides Nicænæ Synodi multum labefactata sustentaretur, in loco prorsus opportuno, nempe Sardicæ, quæ erat consuius civitas, & intermedia Provinciis Orientis, & Occidentis, sub Præsidio Julii Romani Pontificis per Osum Cordubensem, confluentibus plusquam 376, teste Socrate, Episcopis Occidentalibus, & 76. Orientalibus, qui tamen ultimi erant ex colluvie Arianorum, & causæ suæ dissili urbe Sardica relicta Philopopolim Thraciæ urbem concesserunt Pseudo-Synodum habituri sub Præsidente Stephano Episcopo Antiocheno. Jam quærere liceat, an non Pontifices Romani jure optimo hos canones Nicænis canonibus addere, & illa discessio Arianorum effectum Synodaliū Canonum impedire potuerit? Et sane! ipsum jam Innocentium I., esto in pluribus locis unice ad Canones Nicænos provocet, hosque solos observari velit (l), nihilominus in variis suis epistolis etiam ad canones Sardicenses provocasse constat (m): quod signo manifestum est, Ecclesiam Romanam jam ante Zosimum & Bonifacium canones Sardicenses Nicænis subjecisse, & hoc ipso fraudis accusari non posse, id tanto minus ausuram, quanto facilius fraus detegi potuisset. Atque hoc argumenti genus eo fortius militat pro Zosimo & Bonifacio, quo minus affectati mendacii aut imposturæ argui valeant. Quo enim

*Juste hanc
additionem
fecerunt.*

(l) In Epist. ad Theoph. Alexand. in qua ait: *Si conscientia confidis, tu quoque judicio accurre ad Synodum in Christo proxime celebrandam, Et illic juxta Nicæni Concilii Canones & decreta contende: alios quippe Canones Romana non admittit Ecclesia.* Et ad Clerum populumque Constantinop. *Canonibus porro obsequendum esse scribimus, qui Nicæa sunt decreti, quos solos consecrari decet Ecclesiam Catholicam, Et juxta eos judicare.*

(m) Van-Espen Part. 2. §. 2.

enim consilio, si ex præmeditata fraude id actum fuisset, tam facile consentire potuissent, ut pro conquirendis authenticis exemplaribus Concilii Nicæni ad Ecclesias Alexandrinam & Antiochenam Legati mitterentur: quandoquidem dubitare non potuissent (si nimirum scivissent, canonem a se citatum non esse Nicænum, sed Sardicensem) fraudem detegendam, & se mendacii, & imposturæ convincendos?

Altera quæstio de sensu & intellectu Canonis III. Sardicensis majoris est difficultatis, de qua nos jam alibi obiter egimus (n). *De sensu Canonis Sardicensis III.* Controversia agitur inter Doctores Catholicos, qui duplicem movent quæstionem, primo, an in illo Canone adstruatur jus appellandi ad Romanum Pontificem: secundo, an Jus appellandi potius stabilitum, quam noviter introductum dici debeat?

In hoc Canone merum jus retractandi, reformandi, & revidendi suspiciunt Petrus de Marca (o) & Elias Dupin (p); verum jus appellandi Natal. Alex. Christianus Lupus, alique (q). *Quinam in eo jus retractandi. & quinam jus appellandi in eo agnoscant?* Jus novum sive appellandi, sive quomodolibet ad Pontificem provocandi antea non concessum idem agnoscit Petrus de Marca; e contra jus potius stabilitum quam noviter concessum citatus Natal. Alexander. Altius repetenda res est, si has controversias plenius intelligere velimus, & præprimis separanda est quæstio Juris a quæstione facti: De Jure instituitur quæstio, si quæeratur, an de Jure divino detur facultas provocandi ad Pontificem, casu quo a Judice inferiori, Episcopo, Metropolita, Synodo Provinciali, vel Nationali selæsum quis existimet. *Separanda quæstio juris & facti.* De facto quæritur, si instituatur quæstio, an jus istud appellandi fuerit in usu Ecclesiæ, nullo Jure, Canone, vel consuetudine contraria restrictum, limitatum aut omnino sublatum.

Quæstio Juris nostra opinione facilissimæ est decisionis: nam si semel in Pontifice revereamur quemdam primatum Jurisdictionis, sane Jus appellandi inde velut appendix necessaria consequitur: quid enim aliud est Jus appellandi, quam jus provocandi ad Judicem superiorem velut ex ipso jure nature fluens? in quantum nempe sapit speciem necessariæ defensionis, eum in finem, ut appellanti fiat Justitia, in qua se per Judicem inferiorem læsum esse queritur. Si ergo Pontifex vi primatus vices

(n) Dissert. I. de Jure Eccles. Part. Cap. 2. §. 9.

(o) Lib. 7. ferme per totum.

(p) De antiqua Eccles. discip. Dissert. 2. cap. x. & seq.

(q) In Hist. Eccles. Sæc. IV. Dissert. 18.

*Patitur ta-
men restri-
ctionem.*

vices legitimi Judicis sustinet, quo ausu ipsi admissionem vel exactionem appellationum abnegare sustineamus? hæc tamen non ita intelligi volumus: quasi vero Jus istud appellandi nullam admittat restrictionem, limitationem, quin vel per canones, pacta & foedera, contrariam consuetudinem ex legitima causa in bonum ecclesiarum alterari, ac intra certos limites coarctari possit. Quidquid enim Juris Christus Pontifici concessit, id omne in ædificationem, non in destructionem, in bonum Ecclesiæ concessum esse existimandum est: Aliter si dicamus, non modo Patres Africanos sese appellationibus vehementissime opponentes, verum etiam Episcopos Germaniæ sua gravamina contra avocationes, & appellationes ad Pontificem factas tam in Conciliis Ecclesiæ, quam in Comitibus deponentes, ipsum etiam Concilium Tridentinum, quod appellationibus hisce arctiores posuit limites, erroris accusare debemus. Et qua ratione excusabimus praxin hodiernam legibus publicis confirmatam, ex qua scimus, quod multi Judices inferiores *Jus de non appellando* habeant, atque multæ etiam in utroque Jure dentur causæ, a quibus appellare non licet, esto Jus appellandi in ipso Jure naturæ sit fundatum?

*Quæstio fa-
cti ex histo-
ria primo-
rum sæculo-
rum est deci-
denda.*

Ut quæstio facti rite intelligatur, res altius est repetenda, & ex historia dilucidanda. In eo ergo cardo difficultatis vertitur, quid primo in primis tribus Ecclesiæ sæculis moribus, consuetudinibus & observantiis fuerit introductum: ab his enim omne Juris pondus & auctoritas petenda est, singulariter, an illis temporibus a sententia Metropolitanarum, & Synodorum Provincialium ad Romanos Pontifices fuerit appellatum, vel potius summa decidendi causas potestas penes Synodos provinciales rescisso omni appellationis remedio fuerit? Secundo, quid in Synodo Nicæna, & Antiochena; & tertio quid in Sardicensi fuerit decretum, & postea in praxi obtinuerit?

*In tribus
primis sæcu-
lis non vide-
tur esse facta
appellatio ad
Pontificem.*

In tribus primis Ecclesiæ sæculis penes Synodos Provinciales supremam judicandi & decidendi potestatem resedisse, quamplurimis exemplis demonstrari potest, quin vel ullum authenticum legalis appellationis ad Romanos Pontifices exemplum afferri valeat, aut si quis appellationem tentaverit, Episcopi non contradixerint, eamque veluti inanem, & juri sibi, vel ecclesiasticæ disciplinæ contrariam non agnoverint. Exemplo sit Cyprianus, qui vehementius non nihil pro suis juri sibi zelabat, & vehementer conquirebatur contra Cornelium Papam, quod Clericos quosdam, & quemdam Pseudo-Episcopum a se damnatos in suam communionem recipere voluerit. Verba Cypriani sunt valde prægnantia, unaque rationem hujus disciplinæ indigitant:

Post

Post ista, inquit Cyprianus, *navigare audent, & ad Petri Cathedram, un-* *Demonstra-*
itas sacerdotalis exorta est, & profanis & schismaticis literas ferre. *tur exemplo*
Nam cum statutum sit omnibus nobis, & æquum sit pariter, ac iustum, u- *S. Cypriani.*
niscrujusque causa illic audiatur, ubi crimen est commissum, & singulis Pa-
storibus portio gregis sit adscripta, quam regat unusquisque & gubernet, ra-
tionem sui actus Domino redditurus, oportet utique eos, quibus præsumus,
non circuncursare, nec Episcoporum concordiam coherentem sua subdola,
& fallaci temeritate collidere; sed agere illic causam suam, ubi & accusato-
res habere, & testes sui criminis possint &c. & infra: jam causa eo:um co-
gnita est, jam de eis sententia dicta est (r). Animadvertamus, quæso,
 rationes, quibus Cyprianus ad similes provocaciones reprobandas, &
 Episcoporum potestatem in ferendis sententiis supremam defendendam
 ducitur: ait enim, quod Episcopis portio gregis sit commissa, pro
 qua ipsi rationem dare debent; ait: ubi crimen est commissum, ubi testes
 adhiberi possunt, ibi causam examinandam. Et quid iustius, quid æ-
 quius, quid ad facilitandam decisionem causæ opportunius esse queat?
 Idem Cyprianus ab Episcopis Hispaniæ consultus in causa Basilidis &
 Martialis Episcoporum ob crimen idololatriæ depositorum, & a Ste-
 phano Papa, quem dolose induxerant, in communionem receptorum,
 illos admonuit, hortatus est, stimulavit, ut priori suo iudicio & sententiæ
 firmissime adhærerent, nec illam infringi paterentur. Quid ulterius in-
 ter Cyprianum & Stephanum Papam in controversia de rebaptizandis ab
 hæretico baptizatis, inter Victorem & PP. Asiaticos in controversia de
 celebrando Paschate, actum fuerit; quam parvi & Africani & Asiatici ju-
 dicium Pontificum habuerint, quam constanter suo iudicio inhæserint,
 res aliunde est notissima. Et quis ignorat, causas schismatum & hæ- *Causæ etiam*
 res in Synodis particularibus fuisse examinatas, decisas, termina- *in ijs in*
 tas? Confugere non raro hæretici a Synodo Provinciali damnati ad Ro- *Synodis*
 manos Pontifices; sed non per viam appellationis legitime, non ut Pon- *particulari-*
 tifices novum iudicium assument, causam de novo examinent, retra- *decisæ.*
 tent, decident; sed ut illorum patrocinium aucupentur, & autho- *Quomodo*
 ritate aliquo modo sustententur. Quin ipsi etiam Pontifices non ra- *hæretici con-*
 ro hujusmodi causas non susceperunt, ac taliter venientes veluti a lini- *sugerint ad*
 ne repulerunt: aut si illos ex quacunque causa in communionem recepe- *Romanos*
 runt, contradicentes sibi habuere Episcopos, qui pro suis iuribus, autho- *Pontifices.*
 ritate judiciorum, & disciplina suarum ecclesiarum strenue semper
 decertarunt. Confugit ad Pontificem Marcion damnatus a suo proprio
 Patre:

Patre: sed quid responsi tulit? Nos injussu venerandi Patris tui facere illud non possumus: *Una siquidem fides est & animorum una consensus*. Romam venire Fortunatus, & Felicissimus ab Africanis damnati: Porro non modo contradixerunt Africani, sed ipse etiam Pontifex Cornelius nec de illorum causa judicavit, nec ejus retractationem decrevit, inone quidem illos, utpote damnatos a suis Episcopis audire voluit. Et nunquid hæretici & schismatici e.g. Donatistæ, Ariani ad Imperatores provocarunt? anne catholicus quis similes provocationes approbare auferit? profecto si totam antiquitatem priorum seculorum percurramus, vix ullum authenticæ appellationis exemplum reperire poterimus; quamquam admodum pauca extarent, magis juri & consuetudini ordinariæ; quam exemplis quibusdam & factis undecunque petitis standum foret (s).

*Exemplum
authenticæ
appellationis
vix reperibile?*

*Quid Synodus
Nicæna
in hac materia
statuerit?*

*Videtur
contraria
appellationibus.*

*Plures aliæ
Synodi
particulares
contrariarum.*

Ad alteram periodum id est ad Sæc. IV. promoveamus gradum, & quid Synodus Nicæna statuerit, videamus. Canon. 5. sic habet: *De his, qui communione privantur, sive ex Clero, sive ex Laico ordine, ab Episcopis per unamquamque Provinciam, sententia regularis obtineat, ut hi, qui abiciuntur, ab aliis non recipiantur*. Et infra: *placuit amicis singulis per unamquamque Provinciam bis in anno Concilia celebrari, ut communiter omnibus simul Episcopis Provinciæ congregatis discutiantur hujusmodi quæstiones, & sic qui suo evidenter peccarunt Episcopo, excommunicati ab omnibus assintantur, usquequo vel in communi, vel Episcopo placeat humaniorem pro talibus ferre sententiam*. Profecto Canon hic auctoritatem Conciliorum particularium mirum in modum confirmat, ac omnem provocationem prohibuisse sat manifeste constat: jubentur enim excommunicati a Synodo tamdiu extra communionem stare, donec eisdem Episcopis mitiorem ferre sententiam placuerit. Quod si a judicio Synodorum Provincialium provocare licuisset, qua ratione relaxatio sententiæ, aut illius confirmatio Synodo vel Episcopo, & non potius Superiori, ad quem provocare liceret, vindicari & adstrui potuisset? Cum Synodo Nicæna conveniunt Synodi subsequentes, Constantinopolitana I., Antiochenæ plures. Audire lubet, quid Synodi Antiochenæ statuerint, quas parum favisse Occidentalibus præsertim Romanis Pontificibus in hac ipsa appellationum controversia, inde fortissimum deprømitur argumentum, quod Romani Præsules canones Antiochenos recipere recusaverint; Orientales vero Synodo Sardicensi Synodos Antiochenas constanter opposuerint. Concilii Antiocheni Canon

(s) Elias Dupin de antiq. Discip. Dissert. 2. & Petrus de Marca lib. 7. cap. 1.

non 15, sic habet: *Si quis Episcopus de certis criminibus accusatus condemnatur ab omnibus Episcopis ejusdem Provinciæ, cunctique consonantes eandem contra illum formam decreti protulerint, hunc apud alios minime judicari, sed firmam concordantium Episcoporum Provinciæ manere auctoritatem.* Verum in hac ipsa Synodo Patres Africani a sua veteri disciplina, & Canone antea lato recesserunt, dum Can. 12. sic statuerunt: *Si quis a proprio Episcopo Presbyter, aut a Synodo Episcopus fuerit damnatus, & Antiochena Imperatoris auribus molestus extiterit, oporteat ad majus Episcoporum concilium, & quæ putaverint habere justa, plurimis Episcopis suggerant, & eorum discussiones ac judicia præstolentur.* Ecce! in priori canone Synodis auctoritas suprema tribuitur; in hoc datur potestas ad majora Episcoporum Concilia provocandi: nunquid manifesta correctio? In conciliandis his canonibus Doctores Gallinon conveniunt. Petrus de Marca canonem 12. intelligit de casu, quo quis damnatus a Synodo juxta morem tunc consuetum, & conformiter legibus Imperatoriis ab Imperatore rescriptum obtinuerit, quo causa retractari jubetur (t). Elias Du Pin canonem sic intelligit, ut sensus sit, nequiquam licere damnatis ad Synodum majorem provocare; sed ipsis iudicibus esse facultatem convocandi Synodum majorem, casu quo damnatus Imperatorem sollicitaverit, ut restituatur, aut nova quædam moliat: ut hoc modo eo efficacius compescatur, & auctoritatis pondere veluti obruatur (u).

Hanc porro disciplinam mordicus retinuerunt Orientales, & Occidentales succensuerunt, quod vellent judicia in Oriente finita rescindere. Id contestati sunt in Epist. ad Julium, ac dein in Concilio Philippopolitano, ubi queruntur, Athanasium receptum esse in communionem ab Occidentalibus, postquam damnatus fuerat in Oriente; atque quod a Synodo Sardicensi recesserint, se excusant, asserendo, se noluisse communicare cum illis, qui damnatos a se non rejicerent, nec dignum exhiberent honorem Orientis Concilio. Sed dicit aliquis, hæc exempla pessime afferri: cum sint mera facta hæreticorum, quæ regulam facere nequeunt, & a nemine Catholicorum approbari possunt. Verum non eo consilio id facimus, ut illorum causam approbemus, sed

Cc 3

Orientales inflexerunt constanti veteri disciplina.

(t) In hanc rem citat Petrus de Marca L. Ult. Cod. de Appell. in qua istud remedium vocatur *retractatio*, & Novel. 119. cap. 5. putat ergo, quod tunc temporis Imperatores habuerint jus concedendi rescripta pro revisione supremorum judiciorum etiam ecclesiasticorum.

(u) Loc. cit. §. 2.

ut tantum ostendamus, quæ fuerit Orientalium disciplina, quæ non modo ex his, sed etiam ex antecedentibus iisque legitimis testimoniis sufficienter manet comprobata.

*In Synodo
Sardicensi
authoritas
Synodorum
particularium
diminuitur.*

*Canon III.
hujus Syno-
di Iamnosus.*

Jam ad ipsam Synodum Sardicensem delabimur, cui procul dubio occasionem præbuerunt causæ Arianorum & Athanasii: dum enim plures Orientales Arianis aperte favebant, nihil non tentarunt in Athanasium, illum damnarunt, judicia Occidentalium contempserunt, provocaciones ad Romanum Pontificem inhibuerunt, & sua tantum judicia in arcem supremæ potestatis collocarunt. Quapropter in Synodo Sardicensi de restringenda authoritate Synodorum particularium, & vindicandis appellationibus, aliisque provocationibus ad Romanum Pontificem fuit actum, ac deinde famosus ille Canon. 3., de quo nobis hic præcipue agendum, cum sequentibus 4. 5. conditus. Diverse autem sunt versiones hujus Canonis ex Codice Græco, quos legendos exhibet Elias Du Pin (x). Placuit communiorem adducere, quæ sic habet: *Ofius Episcopus dixit: quod si aliquis Episcoporum judicatus fuerit in aliqua causa, & putat se causam bonam habere, ut iterum Concilium renovetur, si vobis placet, S. Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si judicaverit judicium esse renovandum, renovetur, & det Judices (y); si autem probaverit talem causam esse, ut non refrientur ea, quæ acta sunt, quæ decreverit, confirmata erunt, si hoc omnibus placet. Respondet Synodus, placet.*

*Ex hoc Ca-
none ortum
trahunt duæ
celeberrimæ
controver-
siae de jure ap-
pellandi.*

*Jus appel-
landi ad
Pontificem
ex observan-
tia & praxi
Ecclesiæ an-*

Atque hic est ille Canon, ex quo dimanarunt duæ illæ controversiæ supra expositæ, utrum nempe in illo Jus appellandi ad Romanos Pontifices noviter statutum, vel potius stabilitum fuerit; & an in illo non tam Jus appellandi, quam potius retractandi, revidendi, & in certo sensu reformandi sit contentum? Prima Quæstio difficultate caret, si vera sint, quæ supra ex praxi, observantia, & consuetudine primitivæ Ecclesiæ deduximus: Est enim Jus appellandi fundetur certa quadam ratione in Jure Divino, & Primatu Romani Pontificis, potuit tamen eidem derogari per contrariam consuetudinem, traditionem & observantiam Ecclesiæ. Profecto si structuram & œconomiam primitivæ Ecclesiæ, si observantiam, & praxin Ecclesiarum, si temporum, aliarumque rerum circumstantias ad sublimiorem trutinam vocemus, si ea, quæ supra retulimus, vera sint, difficillime sane Jus appellandi ad Roma-

(x) Dissert. 2. §. 3. Ubi varias versiones recenset.

(y) Editio Græca ex versione Gentiani habet: *Per propinquos Provinciæ Episcopos.* Vid. Du Pin. loc. cit.

Romanum Pontificem vindicabimus. Iterum rogamus, ut, si quod tale exemplum appellationis legitimæ & legalis in omnibus documentis historicis proftet, illud in medium producatur: quod si aliqua hujusmodi exempla reperiri possint, illa certe erunt rarissima, quæ sane observantiam communio-^{riorem} elidere nequeunt.

Afferunt quidem Doctores contrarii plura, quæ tamen si accuratius examinentur, nihil vel parum autoritatis habere videntur: Nam ut hujusmodi exempla convincenter probent, probandum incumbit parti adversæ, quod illi, qui ad Sedem Pontificiam provocaverunt, vel simpliciter confugerunt, & illius assistentiam implorarunt, non tantum Pontificem tanquam legitimum Superiorem imploraverint, ut causam contra se decisam de novo suo examini subiciat, acta reveidat, sententiam a Judice inferiore latam corrigat, emendet, vel confirmet; verum etiam quod ipsi Pontifices causam controversam judicialiter, & legitime de novo reassumpserint, & modo a legibus præscripto ultimo suo iudicio, anteriorem sententiam Judicis inferioris vel confirmando, vel reformando deciderint. Huic opinioni robur addit ipsa Synodus Nicæna, dum statuit, ut pro terminandis controversiis majoribus singulis annis duæ Synodi Provinciales celebrentur. Ulterius si jam antea appellationes ad Pontificem usu obtinuerunt, ad quid Synodus Sardicensis Can. III. singulariter statuit, ut a Synodo particulari ad Romanum Pontificem possit provocari? & quare in hoc ipso canone verbis adeo demissis, & ad excessum usque humilibus usi sunt Patres Sardicenses: *Honoremus S. Petri memoriam, & si vobis visum fuerit, scribatur Julio Episcopo Romano?* Num Oeconomix causa id factum esse credimus? imo ita factum esse non ex vano suspicamur, ut Orientales eo facilius se in sententiam Occidentalium flecti sinerent. Interim hanc Quæstionem multum habere nominis ex mox dicendis patebit.

Denique ad ultimam Quæstionem dilucidandam devolvimur, qua queritur, an in citato canone Jus appellandi, vel potius retractandi contineatur? Etiam hæc Quæstio tantæ difficultatis, nostra saltem opinione, non est, ut non facile possit resolvi, si modo verba canonis ex una; ex altera vero parte discrimen inter appellationem, & retractationem bene intelligatur. In eo consistit hoc discrimen, quod Judex Superior vigore appellationis apud se interpositæ possit sententiam Judicis inferioris confirmare, corrigere, emendare, annullare, prout ipsi visum fuerit, vel per se, vel per Judices delegatos qualescunque

cum

*tiquæ diffi-
cillime vin-
dicatur.*

*Exempla ab
AA adducta
sufficenter
non probant.*

*Synodus Ni-
cæna & Sar-
dicensis juri
appellandi
contrarian-
tur.*

*Utrum in
Can. III. jus
appellandi
vel retra-
ctandi statu-
tum?*

*Discrimen
inter jus ap-
pellandi &
retractandi.*

cum effectibus a Jure appellationi annexis (z); e contra vi retractationis restrictam habeat potestatem eatenus, quatenus acta Judicialia equidem examinare, & sententiam Judicis inferioris confirmare; neutiquam tamen per se illam emendare, corrigere & annullare valeat! sed potius, casu quo sententiam reformandam existimet, teneatur illius examen & decisionem Judicibus delegatis, non quibuscunque, sed vicinis & regionariis committere, quibus citra ordinem in appellatorio observandum acta prioris judicii revidere, approbare, confirmare; non tamen sententiam ferre licebit: sed potius, casu quo non omnia legitime fuisse acta constituerit, obligatio incumbet procurandi, ut causa in Synodo majori discutiatur, examinetur, & decidatur.

*Explicatur
citatus Canon.*

Jam verba canonis expendamus: dicitur inprimis: *Petri memoriam honoremus*, quæ verba videntur significare, quod antea Jus appellandi ad Pontificem nondum obtinuerit: secus canon diceret: *Jus antiquum conservemus*. Ex hoc ulterius consequitur, hunc canonem unice in reverentiam & honorem Sedis Apostolicæ fuisse conditum. Dicitur ulterius, ut iterum *Councilium renovetur*, quæ verba sane ex naturali suo sensu aliud non dicunt, quam quod Pontificis sit iudicium ferre, an novum examen causæ in novo, eoque majori Concilio sit concedendum; & quidem si judicat, *iudicium esse renovandum*, non ipse judicet, sed det *Judices*, non qualescunque sed vicinos, qui *Provinciae sunt vicini*, ita tamen, ut ipse possit unum ex suis Legatum mittere. Audiamus textum in Can. V. prout legitur in editione Dionysii: *Osus Episcopus dixit: Placuit autem, ut si Episcopus accusatus fuerit, & judicaverint congregati Episcopi Regionis ipsius, & de gradu suo eum dejecerint, si appellaverit (a), qui dejectus fuerat, & confugerit ad Episcopum Romanæ Ecclesiæ, & voluerit se audiri, si justum putaverit, ut renovetur iudicium, vel diffusionis examen, scribere his Episcopis dignetur, qui in finitima & propinqua Provincia sunt, ut ipsi diligenter omnia inquirent, & juxta fidem veritatis definiant. Quod si quis, qui rogat suam causam iterum audiri, deprecatione sua moverit Episcopum Romanum, ut de latere suo Presbyterum mittat, erit in potestate Episcopi, quid velit, & quid existimet &c. Denique dicitur, si autem probaverit talem causam esse, ut non refricentur ea, quæ acta sunt, quæ decreverit, confirmata erunt.* Ex his, quis non luce meri-

Potius jus retractandi quam appellandi statutum.

(z) Tales effectus sunt, quod omnia debeant manere in suspensio; nihil agi, & attentari valeat, & tota causa ad Judicem superiorem devolvatur.

(a) Verbum *Appellationis* non adeo stricte esse sumendum, suadent verba sequentia a nobis explicata,

meridiana clarius perspicit in hoc canone neutiquam de Jure appellandi, quod sane est amplissimum, sed unice de Jure retractandi valde restricto agi: cum utique Pontifici nulla reformandi causam, sed unice potestas judicandi, an judicium sit reformandum in Concilio, concedatur, & quidem ea lege, ut hoc ipsum non per se, sed per delegatos, & quidem *Episcopos vicinos* facere, & ad summum aliquem ex suis adjungere; & ne quidem hi ipsi causam de novo decidere, sed unice cognoscere valeant, an major Synodus sit concedenda, ut in ea causa novo judicio submittatur, & finaliter decidatur. Id addere necessarium duximus: quod, cum eo tempore judicia ecclesiastica non adeo accurate secundum normam Juris civilis, & cum strepitu forensi fuerint celebrata (b), sane neque adeo accurate Judices ecclesiastici inter Jus appellandi, & retractandi distinxisse videantur.

Innumera adhuc dicenda forent, quæ tum ad Canones Sardicenses, tun ad Jus appellandi spectant, de quibus videantur DD. sæpius in hac materia citati. Id jam dicendum superest, an, & quandonam Canones Sardicenses in Ecclesia tam Occidentali, quam Orientali fuerint recepti. Orientales pertinaciter tam in Synodo Sardicensi, quam post illam suis juribus, ac disciplinæ inhæsisse, atque causas gravioris in Synodis Provincialibus, & postea Majoribus seu Diocæsanis decidisse in comperto est. Sane cur Orientales a Synodo Sardicensi discesserint, causam vix aliam allegant, nisi hanc: quod Occidentales contra Canones Antiochenos, & antiquam Ecclesiæ consuetudinem de causis Orientalium cognoscere velint (c). Post Synodum Sardicensem in Concilio Constantinop. & Chalcedonenſi novo canone suam disciplinam corroborarunt, statueruntque, ut a Synodo Provinciali ad Diocæsanam seu majorem, cui præſideat Exarchus; causæ vero Metropolitanorum mox ad ipsum Exarchum deferantur: quod ideo factum esse existimamus, quia Metropolitanis magna autoritate pollebant in Synodis Provincialibus, & difficile erat eos ibi judicari (d). Hæc Ecclesiæ Orientalis jura sua lege munivit Justinianus Imperator (e): ipsi vero

(b) Incepere Episcopi sua judicia cum strepitu forensi exercere circa Sæc. XII. vid. Quæst. 1. de Jure Canon. in genere.

(c) Prout legitur in Epist. Synodica eorum, cujus fragmentum recenset Petrus de Marca lib. 7. cap. 4. N. 5.

(d) Can. 2. Constantinop. & Can. 17. Concil. Chalced.

(e) Nov. 123. cap. 22. & in Novel. 137.

Orientalēs suā disciplinā inhæserunt usque ad Synodum Trullanam. vero Orientales huic disciplinæ suæ adhæserunt usque ad Synodum Trullanam, quæ suæ Collectioni etiam inseri voluit Canones Sardicenses, & inter hos illos tres, qui ad Romani Pontificis auctoritatem pertinent. Verum non ea fuit hujus Synodi mens, ut propterea Jurisdictioni Romani Pontificis submittere voluerit appellationes Episcoporum: cum eidem Collectioni inseri quoque fuerint Canones Concilii Constantinop. & Chalcedonensis, qui unicuique Patriarchæ supremum harum causarum judicium commiserunt. Nihil ergo aliud voluit Synodus Trullana, quam ostendere, quæ & quanta sit potestas Romani Pontificis in suo Patriarchatu, cujus limitibus voluit circumscribere potestatem ex Canonibus Sardicensibus ei vindicatam, unaque ostendere, hanc potestatem ei non a Concilio Nicæno, sed Sardicensi esse concessam.

Mens Synodi Trullanæ expōitur. Quapropter Orientales etiam post Synodum Trullanam in possessione suæ disciplinæ perseverarunt, & causas Episcoporum in Synodis Provincialibus agitarunt; postea vero ad Exarchum seu Synodum Dioecesanam eas detulerunt, apud quam erat supremum judicium: cujus rei testes sunt Photius in suo Nomo-Canone, Zonaras, & Balsamon in Commentariis ad hos canones.

Orientalēs etiam post Synodum Trullanam suis iuribus inhærebant. Sed nec in Occidente Canones Sardicenses mox fuisse receptos; imo eisdem longo tempore fuisse contradicendum, Historiæ nos docent. Ut enim nihil dicamus, quod ex constitutionibus Imperatoris tunc temporis pro retractatione causæ in Synodo Provinciali discussæ rescriptum Imperatorum obtineri debuerit, quo jure sane Synodus Sardicensis Imperatores privare noluit, vel fortassis non potuit, cum sciamus, quod longe post Synodum Sardicensem Synodus Romana anno 478. ex omnibus Italicæ Episcopis Imperatori Gratiano supplicaverit, ut de hoc rigore aliquid velit remittere, quod & impetrarunt, res insuper notissima est, quod Canones Sardicenses ignoti fuerint Africæ & aliis Provinciis extra Italiam usque ad tempora Zosimi, quos cum ille primus apud Africanos venditavit pro Nicænis, vehementer commovit Africanos, qui nil novi juris sibi obtrudi patiebantur, & canones sibi propositos esse Synodi Nicænæ negabant, ut propterea Legati ad Ecclesias Alexandrinam & Antiochenam pro conquirendis genuinis exemplaribus Concilii Nicæni mitti debuerint. De hac re mox ab initio hujus Quæstionis egimus, & historiam rei gestæ compendiose retulimus. Post multas altercationes & continuos Romanorum Pontificum stimulos tandem Africani cesserunt. Quo tempore id factum sit, certo non constat. Causam fortassis præbuit Novella Constitutio Valentianæ, qui suggerente Leone I. anno 445. Romano Pontifici supremam

Fuerit inogniti Africani.

Tandem illos receperunt, sed quando, non constat.

autho-

authoritatem tribuit in judiciis Episcoporum, siue ii Itali, siue ex aliis provinciis Romano Imperio subjectis essent. Hæc res non potuit non Africanos ad observantiam Canonum Sardicensium quasi cogere. Accessit incurso Vandalorum, qui cum Ariani essent, & in Africa dominatum exercerent, Africanis necessitatem fecerunt arctiori vinculo sese cum Ecclesia Romana coniungendi (f). Quid ulterius actum sit, & an & quomodo Canones Sardicenses in Gallia aliisque Ecclesiis obtinuerint, nimis longum foret dicere.

§. VI.

Ad Collectiones Ecclesiæ Occidentalis jure optimo referimus Codicem Ecclesiæ Africanæ. Profecto si quæ alia, Ecclesia Africana fuit *Duplex collectio Ecclesiæ Africanæ.* Mater fecundissima diversarum Synodorum Celeberrimarum, quas inter eminent septem Synodi Carthagenenses, ut adeo mirum videri non debeat, si illarum canones in Codicem specialem fuerint relati. Duplicem Ecclesiæ Africanæ Codicem distinguit Petrus de Marca (g), veterem unum, alterum Dionysii Exigui: utrumque in Ecclesia Occidentali fuisse receptum, si, quæ Author ille refert, vera sunt, nemo dubitaverit. Historiam veteris Collectionis hoc modo refert: Celebrarunt Africani Synodum universalem totius Africæ, quæ sexta dicitur, sub Aurelio Carthaginis Episcopo præsentem Faustino Legato Romanæ Sedis. In hac Synodo lecti fuere diversi canones in diversis Synodis Africanis conditi, quos & Aurelius & ipse Legatus Pontificis approbarunt. Horum Conciliorum gesta, & canones cum Faustinus Romanam detulisset, Apostolicæ Sedis consensu adeo probata sunt, ut partem dein fecerint Collectionis Occidentalis veteris, quæ incipit a tertio Carthaginensi Concilio, & cætera ex ordine complectitur, quæ habitata sunt sub Aurelio usque ad Carthaginense septimum, prætermis- *Canones Africani ab Ecclesia Romana approbati, sed non omnes.* sis omnes. canonibus primæ & secundæ Synodi Carthaginensis. Voluere nempe Pontifices illos tantum canones suos facere, autoritate donare, & suo Codici inferere, quos vel ipsi per suos Legatos in Synodis præsentibus approbarunt; vel de quibus ad ipsos relatio facta fuit; non vero reliquos, qui singulariter Ecclesiæ Africanæ ordinandæ destinati erant. Ex eo ergo quod canones Africani Codici Ecclesiæ Occidentalis autoritate Pontificia fuerint inserti, vim legis publicæ in universo Occidente

Dd 2

obti-

(f) Hæc fusiùs refert Petrus de Marca de Concord. Sacerd. lib. VII. cap. XVI.

(g) De vet. Collect. Can.

*Præcipue
Canones Synodi Carthag. IV.*

*Sectarii hos
Canones re-
jiciunt Et
quare?*

obtinuerunt. Inter canones istos eminent illi, qui ex Carthaginenſi IV. ſunt mutuati, in quibus forma celebrandarum Ordinationum in ſingulis gradibus præſcribitur, & ad quos in controverſiſ fidei, maxime dum de Sacramento Ordinis agimus, haud raro appellamus. Atque hæc fortæſſis eſt ratio, cur Sectarii hos canones veluti rejeſtos a Romana Eccleſia haud aliter quam epistolâ Pontificias, quas Pſeudo-Iſidorus ſuæ collectioni inferuit, rejicere ſoleant, ex frivola ratione, quod in Codice Dionyſii Exigui non reperiantur. Sed quis neſcit Collectionem Dionyſii eſſe valde mancâ, & defectuoſâ, & ab illo non niſi canones ad diſciplinam eccleſiaſticâ pertinentes fuiſſe adoptatos? Hæc Collectio procul dubio authorem habet illum ipſum, qui ex mandato Leonis I. Pontificis Collectionem Occidentalem compoſuit, eique canones Eccleſiæ Africanæ inferuit. Utrum hæc omnia, prout illa ex Petro de Marca retulimus, revera ſe ita habeant, abſolute aſſerere formidamus propter ea, quæ in præcedentibus de Collectione Occidentali ex Petro Couſtancio attulimus.

*Altera Col-
lectio Eccle-
ſiæ Africa-
næ.*

Altera Collectio Eccleſiæ Africanæ eſt illa, quam Dionyſius Exiguus ſuo Codici inferuit, qui alium longe ordinem in deſcribendis canonibus ſecutus eſt ab eo, qui jam receptus erat. Hanc Collectionem eſſe mancâ, & defectuoſâ mox antea monuimus, non ideo tantum: quod non niſi canones ad diſciplinam pertinentes ſelegerit; verum etiam quod canones non integros, prout in diverſis Synodiſ fuerunt vel emendati vel declarati, inferuerit. Multum tamen debemus Dionyſio, utpote qui ſuo Codici non tantum canones intexuit, ſed etiam geſta Synodorum Africanarum, quod in anteriori Collectione fuerat intermiſſum; atque ulterius varios Conventus, in quibus de variis Provinciâ negotiis diſceptatum fuit, reſenſit.

Equidem Codicem iſtum eſſe Dionyſii Exigui quidam in dubium vocare volunt, ſed ſine ſufficienti ratione: quia hæc Collectio in illa forma, ſecundum quam eſt coordinata, ante Dionyſium incognita fuit ipſiſ etiam Africanis, ne dicam cæteriſ latinis. Sane Ferrandus Dionyſio vetuſtior, qui prima quatuor Concilia Carthaginenſia laudat, illius non meminit.

*Examinatur
Codex Ca-
nonum Ec-
cleſiæ Africa-
næ a Ju-
ſtello editus
ſub nomine
Canonum*

Codicem canonum Eccleſiæ Africanæ ſæculo elapſo anno 1614. e vetuſto quodam Manuſcripto græcæ ac latine publicavit, notisque illuſtravit Chriſtophorus Juſtellus Vir Juris eccleſiaſtici conſultiſſimus, eumque titulo *Codex Canonum Eccleſiæ Africae* inſignivit, quem in quatuor partes diſſectum nullo ſervato numero, aut etiam perturbato ordine Conciliorum Collectioni inferuit Severinus Biuius, & poſtea, me-
liori

liori tamen ordine, Labbeus. Titulus quidem a Justello præfixus speciosus est, *Codex tamen*, uti loquitur Petrus Coustant (h) nihil minus præstat, quam quod pollicetur: nam, si opus ex titulo metiri velimus, in hoc Codice omnes prorsus canones, quos in usu habuere Patres Africani, contineri deberent; cum tamen nullos exhibeat, nisi quos Carthagenensis Synodus anno 419. celebrata, & in Secretario Basilicæ Fauiti congregata vel ipsa condidit, vel a superioribus Conciliis intra Aurelii Carthagenensis Episcopi tempora conditos recitari iussit: atque hos canones ne quidem ad eum modum repræsentat, quo memoratæ Synodi actis inserti erant; sed quo Dionysius Collectioni suæ inferendos duxit. Verbo dicam (sunt verba citati Authoris) *purum putum est Dionysianæ Collectionis segmentum*, si ea demantur, quæ Justellus majoris explicationis gratia adjecit, id quod Coustant quamplurimis gravissimis argumentis demonstrare contendit, ubi etiam Labbeum reprehendit, quod hunc ipsum Codicem Collectioni Conciliorum sub nomine *Codici integræ Canonum Africanæ Ecclesiæ* inseruerit, pro canonum Africanorum Codice Collectionem Dionysianam venditare non dubitaverit, & *integrum Codicem* appellaverit illum, qui ne quidem unius Synodi, Carthagine nimirum anno 419. habitæ, gesta omnia continet. Idem ingenti argumentorum pondere ostendit Van-Espen, unaque defectus in hoc Codice contentos egregie facit manifestos (i). Nobis non vacat hisce diutius immorari.

Pauca de autoritate hujus Codicis disseramus. Si vera sint, quæ supra ex Petro de Marca de Collectione antiqua recensuimus, dubium non est, quin illa Collectio vetus in universa Ecclesia obtinuerit, summamque autoritatem habuerit. Altera etiam Collectio Dionysiana, cum illam Author ex actis Conciliorum, quæ in sæpius dicta Synodo Carthagenensi vel primum edita, vel relecta, probataque sunt, confirmaverit, haud immerito a Concilio Carthagenensi probata dici potest, & hoc ipso eandem autoritatem habet, quam illa vetus ex approbatione obtinuit. Quidquid tamen de hoc sit, quia Ecclesia Romana Codicem Dionysianum recepit, & in vim legis acceptavit, hoc ipso Codicem Africanum approbasse dicenda est. Unde haud immerito Correctores Romani ad Cap. 1. Dist. 20. notant, quod Ecclesia Romana canones Africanos probasse videatur, quando in *Codicem Canonum* referendos curavit. Et quod plus est, ipsa etiam Ecclesia Orientalis hunc Codicem suscepit, dum illum e latino in græcum versum sub nomine

Dd 3

Syno-

(h) In præfat. part. 2. §. 6.

(i) Part. 2. cap. 3.

Synodi Carthaginensis in suum Codicem retulit, & in Synodo Quinifexta cum reliquis Codicis sui canonibus approbavit.

Non ex integro fuit receptus.

Optime tamen animadvertit Van Espen (k) id in sano sensu & non ita esse intelligendum, ac si Ecclesia Romana & Orientalis hunc Codicem ex integro, & secundum omnem suam latitudinem acceptaverit; sed in quantum canones in eo contenti disciplinæ utriusque Ecclesiæ Occidentalis & Orientalis non contrariantur, ad eum modum, quo Decretales Gregorii IX. sunt recepti, quatenus Juribus particularibus & consuetudinibus Ecclesiarum particularium non sunt contrarii.

§. VII.

De Collectione Dionysii Exigui.

De illius operibus.

Invenit Æram Christi, qua non statim fuit recepta.

Transitum faciamus ad Collectiones canonum a Sæculo VI. usque ad Sæculum VIII. Inter has prima est Collectio Dionysii Exigui. Erat Dionysius natione Scythæ, moribus Romanus, professione Monachus, statura pusillus, doctrina clarissimus, linguæ græcæ & latinæ peritissimus, sanctitate maximus, & vixit tempore Theodorici Regis Italianæ & Successorum ejus (l). Hic ergo, præterquam quod varia opuscula græca in latinum transtulerit, Cyclum Paschalem emendaverit, & Æram Christi vulgarem primus scripserit, novum Codicem canonum evulgavit. Quæ ad Cyclum Paschalem, & Æram Christi vulgarem pertinent, nos non attingunt: Id monuisse sufficiat, quod ille primus fuerit, qui annos a Christo numerare incepit, & Æram Christi invenit: quamquam in hac sua Æra lapsus fuisse omnes Chronologiæ peritiores fateantur, quod annos non nihil serius numerare incepit (m). Verum hic annorum a Christo computandorum modus non statim sive in civili, sive in ecclesiastico usu obtinuit: In civili illum receptum tempore Caroli Martelli existimat Scaliger: in ecclesiastico longe tardius invaluit, & quidem sub Eugenio IV. summo Pontifice circa annum 1431. prout testatur Douiat ex Blondo Forolivienfi (n). Sed quid hæc ad nos? nobis unice de Codice a Dionysio adornato agendum.

Quæ causa, ob quam Dionysius Codicem adornavit?

Itaque Dionysius fama doctrinæ & sanctitatis celeberrimus primitus a Laurentio Ecclesiæ Romanæ Diacono rogatus fuerat, ut manum suam adornandæ novæ Collectioni admooveret, eum in finem, ut, quia plures

(k) Loc. cit. §. 3.

(l) Dionysium miris laudibus exornant Cassiodorus ipsi cœvus, Venerabilis Beda, Trithemius, Bellarminus &c.

(m) Ita testantur Trithemius, Bellarminus, Scaliger, Petavius, aliique.

(n) Lib. 2. Cap. 15. §. 8.

plures Codices canonum minus accurati & defectuosi tunc temporis circumferebantur, Ecclesia Romana Codicem accuratiorem haberet, cui tuto fidere posset. Admovit manum Dionysius huic operi circa annum Christi 496., sed non prius, nisi postquam ad preces Laurentii accessit petitio Stephani Episcopi Salonitani, cujus voluntati tandem parendum existimavit. Idcirco primam suæ Collectionis partem exorsus est, & antiquiores canones, quos mox infra recensimus, in unum volumen concinnavit.

Accesserat jam dudum huic operi extrema manus, cum ecce! Dionysio, ut Apostolicæ Sedis Præfatum constituta, Decreta, Epistolas, seu Decretales Epistolas colligeret, Author fuit Julianus tituli S. Anastasiæ Presbyter. Nec mora, familiaris sui precibus & officiis cessit Dionysius, & Decretales Pontificum literas, qua licuit diligentia, conquisitas (o) in ordinem digessit, atque alteram Collectionis suæ partem Anno 500. conscribere inchoavit, & felici eventu totum opus absolvit.

Ex his ergo manifestum est, Codicem Dionysianum duabus constare partibus inter se, sive tempus confectionis, sive compilationis, sive materiem spectemus, prorsus & plurimum disparatis: prior enim tempore præcessit, & in se continet canones Conciliorum partim græcos, partim latinos; & ideo inscribitur *Codex Canonum Ecclesiasticorum*; posterior vero solas Epistolas Decretales sive Decreta Romanorum Pontificum, & ob id vocatur *Collectio Decretorum Pontificum Romanorum*. Cum in utraque parte singulares occurrant difficultates enodandæ, quamlibet nostro examini subijcere placuit.

Auspiciemur a prima parte, seu a *Collectione Canonum*. Nemo sanus dubitaverit, quin Dionysius suum Codicem ex anterioribus Collectionibus, præsertim illis, quas vocamus Orientalis, & Occidentalis Ecclesiæ, collegerit; plures tamen canones tam Apostolicos (p), quam Synodales (q) in his non contentos adjunxit. Ordo autem Canonum sequens est: Orditur Dionysius a Canonibus Apostolicis, & horum 50. ponit: Sequuntur Canones ex Codice Universali deprompti: Et quidem Concilii Nicæni, Ancyran, Neo-Cæsariensis, Gangrensis, Antiocheni, Laodicensi, Constantinopolitani I.: qui omnes faciunt numerum Canonum 165. Postea

*Constat hic
Codex duabus
partibus.*

*De prima
parte seu
Collectione
Canonum.*

(o) Nam ut ipse ait: *Præfatum constituta, qua valui, cura & diligentia conquisivi.*

(p) E. g. Canones Apostolicos numero 50.

(q) Sardicensis 21, Synodorum Africanarum 138.

Postea de novo incipit, & affert 27. canones ex Concilio Chalcedonenfi. Exin ponit iterum novum numerum, & recenset 29. Canones Concilii Sardicenfis. Denique subjungit sub novo numero 138. Canones ex Conciliis Africanis (r). Hæc omnia videri possunt in Epistola, quam ipse Dionysius ad Stephanum Salonitanum dedit, & in locum præfationis huic Operi præfixam legimus.

Plures Dionysius suo Codici inseruit Canones antea nulli Codici insertos esse quare?

Si jam quaeratur, cur ergo Dionysius huic Codici inseruerit Canones Apostolicos, Constantinopolitanos, Sardicenses, esto Canones Apostolici & Sardicenses in nullum Codicem fuerint inserti; imo Apostolici a Gelasio Papa reiecti; Constantinopolitani a Romanis Pontificibus, saltem aliqui eorum, non approbati; Sardicenses autem ab Orientalibus eo tempore nondum agniti? Horum omnium rationem dabimus haud incongruam. Novimus quod Dionysius suum Codicem latine & græce adornaverit, & utrique Ecclesiæ Occidentali, & Orientali consulere voluerit, ut quælibet sciret, quid apud utramque obtineret; præcipuam tamen curam impenderit Græco canonum Codici tum ordinando strictius, tum castigatius elegantiusque vertendo, retenta etiam, quæ apud Græcos obtinebat, Capitulorum divisione, atque id laboris non Romani Præfulis iussu, sed Episcopi Salonitani rogatu aggreffus fuerit. Ut quid ergo mirum, quod canones Apostolicos, & Constantinopolitanos, qui magno in pretio habebantur apud Orientales, inseruerit? etsi priores Hornisda Pontifex secundum Gelasium Papam inter apocrypha rejecerit (s), Constantinopolitanos vero Occidentales tempore Gregorii M. nondum receperint. Ut ergo Occidentales scirent, quinam canones in Ecclesia Orientali obtinerent, præfatos canones adjunxit. Eadem ratio persuasit, ut canones Sardicenses insereret, ne quid Occidentalibus adimere videretur, in quorum possessione jam erant, aut Græcos latere posset, quod in Romana Ecclesia jamjam legitime introductum fuerat.

Altera pars continet Decreta Pontificum, quæ ante Dionysium nulli Collectioni fuerunt inserta.

Altera Pars Codicis Dionysiani continet Decreta Romanorum Pontificum, quæ nihil aliud sunt, quam Decreta vel Responfa Pontificum ad causas dubias & controversias propositas data, quæ passim dicuntur Epistolæ Decretales: eo quod ad consultationem aliorum instar responsi fuerint perscriptæ. Plerique Doctores existimant, quod Dionysius fuerit primus, qui Epistolas Pontificum conquisivit, & in codicem

(r) Et hi antea Codici Universalis Ecclesiæ non erant inserti.

(s) Canones Sardicenses jam pridem obtinuerunt in Ecclesia Occidentali, uti ex dictis constat.

codicem retulit. Idcirco Sectarii mirum in modum carpunt, & traducunt Dionysium, quod simile opus molitus fuerit contra antiquam praxin & consuetudinem Ecclesiæ: cum ex dictis solis canonibus Conciliorum hic honor obtigerit, ut in codicem redigerentur, & exinde vim legis & autoritatis legalis obtinuerint; atque hoc modo Decreta Pontificum in vim legis ad instar canonum elevaverit. Aliam sequelam ex hoc ipso ducunt Doctores tam Catholici, quam Acatolici, hanc nempe: quod Epistolæ illæ antiquorum Pontificum a Clemente & Siricio hoc ipso sint supposititæ, adulterinæ, & spurix, quod Dionysius illas suæ Collectioni non inseruerit, quemadmodum inseruit juniorum Pontificum usque ad Hormisdan.

Ut jam de Epistolis Decretalibus distinctius & accuratius agamus, nemo nisi emotæ mentis homo negaverit, quod a primordiis Ecclesiæ innumeræ emanaverint Pontificum Epistolæ Decretales: cum enim omnes & singuli, illi etiam, qui cum Pontificibus non nihil durius agebant, in Ecclesia Romana *Centrum Unitatis* ac Primatum agnoverint, dubium non est, quod quamplurimæ ad ipsorum judicium pervenerint querelæ, relationes, dubia, super quibus erat respondendum: anne ergo has Epistolas responforias aut deperditas, aut neglectim habitas existimabimus? itaque tales epistolæ asservabantur Romæ in *Archiviis, Chartariis*, seu *Scriniis* Sedis Apostolicæ, prout passim apud Scriptores ecclesiasticos vocantur (t) quæ erant magnæ autoritatis: Ad ista liber erat aditus: ad hæc non inodo ipsi Pontifices, sed alii etiam passim provocabant in controversiis, ut dictis & assertis, ipsisque juribus suis præteritis majorem conciliarent fidem (u).

Solebant autem Pontifices sua Decreta vel literas decretales etiam cæteris Episcopis per orbem catholicum diffusis communicare. Modus autem promulgandi erat duplex: aut enim mittebant ad Concilia, ut præsentibus Episcopis communicarentur; aut ad privatos Episcopos ea lege, ut eas cæteris Episcopis Provinciæ, aut Diocæseos notas facerent (x). Jam ut ad id veniamus, cujus gratia hæc dicta sunt:

(t) Sic Damasus in epist. 4. ait: *præter Episcopos subscripserunt alii Orientales Episcopi, quorum subscriptio in Archivio Romanæ Ecclesiæ asservatur.*

(u) S. Hieronymus adversus Rufinum lib. 3. ad Chartarium provocat his verbis: *si a me sciam epistolam suspicaris, cur eam in Romanæ Ecclesiæ Chartario non requiris?*

(x) Petrus Constant. in Præfat. part. 1. sic Siricium scribit ad Himerium Tarraconensem: *Juris Eccles. Tom. II.*

Utrum Dionysius primus eas Codici inseruerit.

sunt: quia igitur Dionysius communius habetur primus, qui decretales Epistolas in Codicem retulit, haud abs re inquiritur, utrum nemo alius præcesserit, qui tale opus fuerat molitus, ac epistolis Pontificiis eundem tribuerit honorem, atque canonibus, quos passim in codicem ecclesiarum publicum esse relatos non ignoramus.

Videntur hæc epistola jam antea Codicibus inserta.

Jam in præcedentibus, ubi de Collectione Ecclesiæ Occidentalis egimus, locum valde celebrem protulimus ex epistola Siricii Pontificis ad Himerium Tarraconensem perscripta, ex qua colligere licet, revera Decreta Sedis Pontificiæ Codici Ecclesiæ Occidentalis fuisse adjecta: scribit enim: *Statuta Sedis Apostolicæ, vel Canonum venerabilia definita nulli Sacerdotum ignorare sit licitum.* Quomodo autem Pontifex id præcipere posset, nisi penes Sacerdotes esset Codex, unde ecclesiasticarum legum notitiam haurire possent? sive dein hic Codex autoritate publica sive privata fuerit compilatus. Quapropter Petrus Constantinus ingentis eruditionis Vir existimat, quod Codex ille Ecclesiæ Occidentalis, quo Romani jam Sæc. IV. usi fuerunt, præter Synodos Nicænas, & Sardicenses comprehenderit ipsa Pontificum Decreta, ac literas decretales. Idem Vir eruditus putat, quod si jam codices Occidentalis Ecclesiæ, qui ad nos pervenerunt, sive dein sinceri ac genuini, sive adulterini aut saltem corrupti sint, lustremus, haud difficulter deprehendamus, canonibus Conciliorum in Codicem relatis hinc inde immixtas esse Pontificum epistolas, cum hoc discrimine, quod in aliis minus; in aliis plus a Synodicis canonibus distinguantur. *In prima nimirum (loquimur verbis Constantii) Et secunda miscentur temere, in tertia non ita confuse, in postrema demum suo quoque ordine suoque loco hinc Synodici Canones, hinc Pontificum statuta collocantur.* Itaque primus fuit Dionysius, qui Pontificum decreta a Canonibus Conciliorum separavit, in meliorem ordinem redegit, methodo accuratiori, naturæ magis accommodata, & legentibus utiliori suo Codici inseruit.

Dionysius a Sæctariis reprehenditur.

Atque hoc ipsum est, quod Sæctarii Dionysio vitio vertunt, quod ille hac sua methodo primum quasi fundamentum ad Monarchiam Pontificiam posuerit, ac Pontificum decreta ad sublimia legum authenticarum subsellia promoverit, quibus non minus jam assurgendum, quam Synodorum canonibus communi ecclesiarum consensu in publicis comitiis statutis. Verum enim vero occur id Dionysio vitio vertatur?

Sed pessime.

raconensem: Hæc, quæ ad tua rescriptum consulta, in omnium Coepiscoporum nostrorum perferri facies notitiam.

(y) In Præfat. sæpius citata.

tur? composuit ille suum Codicem autoritate privata, non publica, hortante Stephano Salonitano, non jubente Pontifice, in gratiam boni literarii, ut melioris ac emendatioris notæ haberentur codices tam Latini quam græci; non ut suus Codex in vim legis ab universa Ecclesia assumeretur. Et quare ipsa Pontificum Decreta non mereantur in vim legis publicæ assumi, & æquali honore haberi cum canonibus Synodorum particularium, in quantum saltem cæterarum ecclesiarum iuribus non præjudicant? nunquid, uti supra diximus, omnes ecclesiæ Romanam Ecclesiam velut Matrem omnium cæterarum Ecclesiarum; Episcopi Pontificem velut Primatem, & centrum unitatis suspexerunt? ad quid tot relationes, provocaciones, consultationes ad Pontifices Romanos factæ? cur tot controversiæ illorum judicio subjectæ? cur confirmatio Synodorum ab ipsis exacta? nunquid Pontificum responsa, & decreta perpetuæ oblivioni sunt tradenda? hæcenus nemo, vel certe admodum pauci Imperatoribus exprobraverunt, quod responsa Prudentum & Jurisconsultorum, vel sua propria rescripta in suo legum Codice autoritate legali donaverint: quare id unice in Pontificibus reprobetur? utique liberum erat aliis ecclesiis hunc codicem vel acceptare, vel reverenter deprecari. Cur autem antiquioribus Collectori-
*Vindicantur
 auctoritas
 Decretorum
 Pontificio-
 rum.*
 bus potius canones Synodales, quam epistolas Pontificum in suos Codes referre placuerit, ratio dari potest non una, sed plures: Nondum enim autoritas Pontificis ea fulgebat Majestate, qua fulget hodie: *Quare anti-
 quius Cano-
 nes Synoda-
 les potius
 quam Decre-
 ta Pontifi-
 cum.*
 nondum illius Jurisdictio in illam excreverat amplitudinem, in quam successu temporis ascenderat: Synodi erant frequentiores, Ecclesiæ regebantur suis consuetudinibus & canonibus particularibus, causæ controversiæ rarius deferrebantur ad tribunal Pontificum: ut quid ergo mirum, quod major honor canonibus, quam decretis Pontificum fuerit exhibitus? eo quod canones Conciliorum potissimum fuerint regulæ & Episcoporum, secundum quas regi debuerit Ecclesiæ; Clericorum cæterorum, secundum quas ipsis vivendum erat; fidelium, qui-
*Collectio-
 nis inserti.*
 bus suos mores conformare debebant.

Illud adhuc restat examinandum, an ex eo, quod Dionysius non nisi certas Pontificum epistolas, nempe a Siricio usque ad Hormisdam, suo inferuerit codici, bonum ducatur argumentum cum con-
*Non omnes
 epistolæ
 Pontificum
 Dionysius
 suas inseruit*
 clusione: ergo nullæ aliæ Pontificum Epistolæ extiterunt: ergo cæ-
Collectio-
 teræ omnes sunt spuræ, sunt fictæ, adulterinæ, supposititiæ. Hoc
 argumenti genere utuntur plures, qui epistolas antiquiorum Pontifi-
 cum a Clemente usque ad Siricium a Pseudo-Isidoro procufas falsita-
 tis arguunt. Ast argumentum istud esse infirmi roboris illi ipsi, qui

Et quare?

hoc modo argumentantur, fateri debent, qui utique quasdam alias Pontificum antiquorum epistolas suspiciunt, & reverentur, illas nempe, quæ a quibusdam Patribus in suis operibus genuinis citantur, laudantur. Interim, ne quid dissimulemus, res animadversio, & admiratione digna est, Virum, uti erat Dionysius, monumentorum veterum sagacem, & curiosum indagatorem, commorantem Romæ, tanta nominis celebritate notum tam paucas Pontificum decretales epistolas recepisse: fortassis in has ipsas casu incidit, aut has præcipue publica editione dignas censuit: aut num forsan suspicari licet, quod non omnia scrinia, & Chartaria ipsi fuerint aperta, & Romana quædam Arcani disciplina aditum in Archivia secreta prohibuerit, & secretiora subtraxerit? hæc non ideo dicta volumus, ut Romanorum fidem suspectam faciamus: nam esto Romani aditum ad intima quæque scrinia præcluserint: demus, quod non omnia secreta communicaverint: num propterea sublestæ fidei accusari merentur? anne hodie omnibus & singulis Archivia intima lustrare, & rimari licet? Quis sua secreta omnia in lucem publicam protrahi, atque in omnem terrarum orbem propalari, & diffundi patietur? Inde ergo potius discamus, arguementis hujusmodi ex silentio vel prætermissione ductis, ubi agitur, sincerane sint an spuria quædam monumenta, caute, circumspicte, ac sobrie esse utendum: præsertim si alia desint, quæ faciant fidem.

Quas epistolas inseruerit, Et quo ordine?

Iterum revertamur ad ipsum Codicem, a quo non nihil digressi sumus, videamusque, quas Epistolas Dionysius eidem inseruerit, & quo ordine singula disposuerit. Auspicatur Dionysius Collectionem a præfatione seu epistola ad Julianum Presbyterum, in qua fatetur, quod Sedis Apostolicæ Præfulum constituta ea, qua valuit, diligentia conquisiverit, in ordinem redegerit, & suis titulis distinxerit, ita duntaxat, ut (verba Dionysii admetimur) *singulorum Pontificum, quotquot a me præcepta reperta sunt, sub una numerorum serie terminarem, omnesque titulos huic præfationi subnecterem &c.* Itaque Dionysius singulorum Pontificum statuta distinxit titulis, titulos suo quosque numero insignivit, atque, ut novus quis succedebat Pontifex, novam repetiit numerorum seriem, ac demum titulos simul collectos præfationi suæ subnexuit. Post præfationem sequuntur decreta seu tituli decretorum Siricii 1., Innocentii 57., Zosimi 3., Bonifacii 4., Coelestini 22., Leonis 48., Gelasii 28., Anastasii II. 8. Post hæc ordine incedunt literæ Pontificiæ, quas recensere nimis longum foret, & legere licet in

in Præfatione amplissima, quam suo Operi præfixit Petrus Coustant (z) Incipit autem Dionysius a decretis Siricii Papæ, qui sub finem Sæc. IV ad clavum Ecclesiæ sedit: & prosequitur usque ad Hormisdam. Quare autem Dionysius antiquiorum Pontificum epistolas prætermiserit, non facile quis divinaverit. Quod si tamen conjecturis uti liceat, fortassis epistolæ antiquiores in intimioribus latuerunt scriniis, aut imitari voluit Collectores illos, qui canones Conciliorum in Codicem retulerunt, atque non alios, si paucos excipiamus, adoptarunt, quam illos, qui in Synodis IV. fuerunt conditi.

Videamus de Authoritate Codicis Dionysiani. Ambabus, ut *In Ecclesia Romana Codex Dionysianus summam auctoritatem obtinuit, & quare?* ajunt, manibus Ecclesia Romana hunc Codicem fuit amplexata, utpote quem accuratior græcorum canonum versio, totius materiæ ordinata dispositio, fidelitas in referendo mirum in modum commendabat. Neque dubitandum, illud etiam plurimum roboris addidisse, ut Codex iste tanto cum applausu a Romana Ecclesia reciperetur, quod Collector eidem epistolas Decretales Romanorum Pontificum inferuerit, id quod nemo antea Collectorum fecerat, & hoc modo ad Jurisdictionem Pontificiam promovendam, ac diffundendam aptissimus foret, ac opportunissimus.

Jam sub initium Sæculi VI. non longe post obitum Dionysii Joannes II. in epistola ad Cæsarium Arelatensem hunc Codicem adhibuisse legitur, utpote in qua tum Decreta Siricii Papæ, tum Canones Apostolorum, & Antiochenos ex ejus versione transcripsit, & ad calcem epistolæ quosdam canones ad examinandam ac decidendam causam Contumeliosi Regiensis Episcopi pertinentes subjecit. Majori argumento est, quod tunc temporis, prout ex illa ipsa epistola haud obscure colligitur, codex hic instar regulæ, normæ, ac universalis Conciliorum interpretis, secundum quam in decidendis causis Episcoporum procedendum foret, fuerit adoptatus. Ex hoc autem continuo usu in eam auctoritatem ascendit, ut a Nicolao I. & Leone IV. ac omnibus sequentibus canonum Collectoribus *Codex Canonum* dictus fuerit (a). Monet tamen sapientissime Van Espen (b), hanc receptionem & approbationem non cum eo rigore contigisse, ut Ecclesia universos canones ac disciplinam ibidem contentam sibi propriam & suam secerit: quandoquidem certum est, plures in illo contineri canones, quos vel nunquam vel multo post Ecclesia Romana suscepit, utpote

Non tamen omnes Canones in eo contenti fuerant recepti.

E e 3

qui

(z) Pag. XCI.

(a) Cap. 1. Dist. 19.

(b) P. 1. dissert. 5. §. 4.

qui disciplinæ Romanæ directe erant contrarii : idcirco existimat citatus Author, eadem fata obtigisse huic Codici, quæ Decretalibus Gregorii IX, aliisque collectionibus novioribus Juris Pontificii, quæ in tantum obtinuerunt vim authenticam & legalem, in quantum non adversantur Juribus, privilegiis, observantiis, & consuetudinibus ecclesiarum particularium. Hunc Codicem etiam ab ecclesia Africana fuisse aut receptum, aut saltem magno in pretio habitum, probat Breviarium Cresconii, qui sub id tempus Canonum summariam Collectionem composuit, & in ea Indicem Conciliorum, & epistolarum Decretalium eo ordine & numero præmisit, quo in Codice Dionysii leguntur. Majus est dubium, an hic ipse Codex in Gallia & Germania auctoritatem obtinuerit? Id esse incertum, inde probatum manet, quod ipsi Scriptores Galliarum mirum in modum inter se dissentiant; & illi ipsi, qui pro illius receptione pugnant, id veluti certum asserere non audeant.

*Utrum in
Gallia fuerit
receptus?*

Receptionem Codicis Dionysiani in Gallia inde probat Petrus de Marca: tum quod ille Codex plurimum auctoritatis, imo vim legis pragmaticæ habuerit apud Sedem Romanam: tum quod se ipsum suo nitore, concinno ordine, ordinatissima methodo præ squallore veteris interpretationis mirum in modum commendaverit: etsi cæteroque in Gallis canonem Ecclesiæ ex integro deferuisse, vix probabile esse videatur (c). Verum vehementer contradicunt Jacobus Sirmondus, Fleuryus, Paschasius Quesnellus, Christophorus Justellus, existimantes, Codicem istum primum in Gallia usum obtinuisse, postquam ab Hadriano Pontifice illuc transmissus fuerat. Utrum vero istud argumentum convincenter probet, altiori judicio dijudicandum relinquimus: Utique potuit Hadrianum latere usus Ecclesiæ Gallicanæ; aut fortassis exemplar quoddam miræ raritatis Carolo instar doni pretiosi obtulit. An, & quandonam in Germania obtinuerit illius usus, dependet ex decisione prioris quæstionis: cum enim eo ævo Ecclesiæ Gallicana & Germanica in plerisque disciplinæ ecclesiasticæ & Jurium capitibus conspiraverint, dubium vix est, quin Germania ad imitationem Gallicanæ Ecclesiæ illum Codicem adoptaverit. Unum adhuc est, quod

*Utrum in
Germania?*

*Undenam
suam aucto-
ritatem ob-
tinuerit?*

hic animadverti volumus, nempe Codicem Dionysianum neque a suo Authore, neque ab illis, quorum admonitionibus acquievit, quidquam Autoritatis publicæ habuisse: nam & Author, & illi, qui Dionysio in concinnando Codice Authores fuere, erant homines privati nulla auctoritate publica pollentes. Quidquid ergo habuit auctori-
tatis

tatis, ex approbatione Pontificis, usu, praxi, & receptione acquisivit. Ex hac jam Collectione prodierunt aliae, de quibus mox agemus.

§. VIII.

Sequitur Codex Fulgentii Ferrandi, qui *Breviatio Canonum* inscribitur. Fuit Fulgentius Ecclesiae Carthagenensis in Africa Diaconus, ferme coævus Dionysio & suppar B. Fulgentio Ruspenfi in Africa Episcopo (d), & eorum, qui Conciliorum canones latine & in ordinem redegerunt, vel antiquissimus, vel certe inter antiquissimos. Inter Ferrandi opera eminet *Breviatio Canonum* ad Liberium, vel Liberinum Episcopum, quam jussu Bonifacii Carthagenensis Episcopi compilavit & circa annum 547. absolvit, licet tempus non adeo accurate determinari possit. Constat hic Codex 252. capitibus ex antiqua collectione maximam in partem depromptis, nisi quod canones Concilii Chalcedonenfis prætermiserit. Econtra quaedam addidit ex quibusdam codicibus Africanis, quorum alibi nulla fit mentio, nimirum ex Zelenfi, Sufetulenfi, Septemnucenti, Macrianensi, Mazarenfi, Theniatano, & Tusdritano. Ordo hujus Codicis non est dispositus secundum ordinem annorum & temporis, sed materialium, ita ut primo loco locaverit canones, qui ad Episcopos, 2do qui ad Presbyteros, 3tio qui ad Diaconos pertinent; deinde vero subjecerit illos, qui seu ad Clericos, seu ad Laicos pertinere videbantur. In eo etiam laudanda est opera Ferrandi, quod, ubi diversos canones in eadem materia invenit, illud fidelissime indigitaverit. Habet hic Codex multos defectus, & in quibusdam convenit cum Collectione Cresconiana, de qua in sequentibus.

§. IX.

Subsequitur Collectio Martini Bracarenfis. Erat Martinus natione Pannonus, professione Monachus Ord. S. Bened. Monasterii Duminiensis conditor, & primus Abbas, postea ejusdem loci Episcopus, ac demum Ecclesiae Bracarenfis in Hispania Archiepiscopus, Vir linguae graecae peritissimus, quippe qui Orientem magna ex parte peragravit, inde & in Hispaniam venit, ubi Suevos, qui Gallaeciam invaserant ad fidem convertit, eisque regulas recte vivendi tradidit. Hic cum versionem antiquam Canonum Orientalium parum accuratam cerneret, novam Collectionem majori cum industria adornavit, eamque ad Episcopos Concilii Lucensis transmissit. Bipartitum est opus ejus: Prima pars

(d) Cujus fuisse discipulus fertur.

Quid contineat ?

pars continet canones, qui de personis, rebus, & ritibus ecclesiasticis agunt : altera res ad Laicos pertinentes complectitur. Pleraque quidem ex Græco transiit ; aliqua tamen immiscuit ex Conciliis Occidentalibus, Africanis, item Hispanis veluti Toletano I., & Bracarenfis, ubi erat Episcopus. Constat universa hæc collectio capitibus 84. vel 85. eo ordine digestis, ut priores 68. ad Episcopos & Clericos ; reliqui ad Laicos pertineant. Id animadvertunt DD. quod aliquoties duo vel tria capita diversorum Conciliorum in unum caput redegerit. Hujus Collectionis duæ sunt editiones, una vulgaris, & vetus, quam Conciliorum Collectiones atque Bibliotheca Juris Canonici veteris exhibent ; altera recens, quam ex antiquis Manuscriptis edidit Garfias a Loaisa in Collectione Conciliorum Hispaniæ. Alia scripsit Martinus, in specie librum de quatuor virtutibus, seu formulam honestæ vitæ. Sed hæc ad nos non pertinent.

Ejus Editiones.

§. X.

Collectio Cresconiana.

Transitum faciamus ad aliam Collectionem, quam *Cresconianam* dicimus a suo Authore, qui fuit Cresconius Africæ Episcopus. Scripsit hanc Collectionem hortante, rogante, ac stimulante Liberino Præsule, cujus monitis & precibus acquiescendum ratus scripsit suam Collectionem. In Cresconiani Operis titulo variant libri veteres : a pluribus *Breviarium Canonicum* ; a nonnullis vero inscribitur *Concordia Canonum infra scriptorum*. Quo anno suum opus molitus fuerit, & absolverit, inter eruditos non convenit. Baronius ex Codice Vaticano illud refert ad tempora Justiniani Imperatoris, & an. 527. quo tempore Dionysius & Ferrandus suum quoque opus absolverunt. Alii referunt ad annum 670, vel omnino 690. Opus Cresconio inscriptum duas partes continet, quarum prima vocatur *Breviarium Canonicum* : quia nonnisi canonum titulos complectitur, quos Cresconius secundum seriem materiarum, de quibus scripsit, applicat, unaque indicat, in quibus fontibus canones & decreta plenius reperiri queant. Altera pars inscribitur *Concordia Canonum* : quia decreta & canones, qui in unum eundemque titulum conveniunt, simul conjuncta, & eodem ordine posita exhibet. Utrumque opus constat capitibus trecentis. An vel primum, vel secundum opus sit Cresconii, inter eruditos dubitatur : Breviarium illud Cresconio abjudicat Maffricht (e) existimans, quemdam tertium hætenus incognitum ex Concordia Canonum velut

Continet duas partes.

An utriusque partis sit Author, dubitatur.

(e) In Hist. Jur. Canon. §. 184.

velut compendium extraxisse. Ipse etiam Baronius (f) Cresconii compendium cum Ferrandi opere confundit: constat autem collectionem Ferrandi esse longe ampliorem, plenioram, & accuratioram, & quamplurimos canones habere, quos non habet Cresconiana e. g. canones Constantinop., aliosque plurimos ex variis Synodis Africanis desumptos: e contra complectitur Concordia Cresconii canones Apostolicos, Chalcedonenses, atque Decreta variorum Pontificum Siricii, Innocentii, Zosimi, Leonis, Gelasii, quos suo Codici inferere Fulgentius intermisit.

Verum alteram partem, quæ vocatur *Concordia Canonum*, in dubium vocat Petrus Coustant (g), num sit Cresconii, vel cujuscunque alterius Authoris, asseritque, se totis viribus indagasse, num quæ amplior præter Breviarium a Cresconio Collectio sit adornata; nihil tamen reperire potuisse. Itaque existimat ex conjecturis haud ineptis, quemdam tertium id sibi laboris dedisse, ut Breviarium Canonicum, tanquam compagem osseam, uti dicit, carne sua vestierit, hoc est, qui delineatam a Cresconio Concordiæ formam secutus, pro suminariis canonum totos ipsos canones descripserit servato primo rerum ordine ac numero titularum. Sed nec huic opinioni firmiter inhæret citatus Author. Existimat ergo verosimiliter, hanc Concordiam esse ipsam Collectionem Dionysianam, cum hoc solo discrimine, quod nempe in Concordia Cresconiana reperiantur quædam epistolæ Pontificum, quæ in Codice Dionysiano non leguntur, a quocunque alio tertio illæ sint adjectæ. Hujus rei testem, & vadem allegat præfatus Author ipsum Cresconium: Is quippe sua sponte fatetur, se nullum alium scopum finemque habuisse, quam *cuncta canonica instituta* (sunt verba Cresconii) *quæ ab ipsis exordiis militiæ Christianæ tam sancti Apostoli, quam apostolici Viri per successiones temporum protulere, in unum colligere*: quin aliquid canonum, vel Decretorum indicaverit, quod non e Dionysii Collectione hauserat: aut si quid aliud ad manus habuit doctus ille Præsul, mirum profecto est, quod ex illis suum non auxerit Breviarium. An autem hæc conjectura sufficienti innitatur fundamento, jure optimo dubitare licet. Præcipuum suum fundamentum laudatus Author collocat in ipsis Cresconii verbis, dum dicit: *quam apostolici Viri per successiones temporum protulere*: sed utique verba hæc non significant id, quod Coustantio significare videntur: aliud quippe est, *ea proferre, quæ Codicibus*

(f) Tom. 7. ad annum 527.
Juris Eccles. Tom. II.

(g) Pag. 108. in Præfat.
Ff

bus inferuntur; & aliud, ea adducere, quæ Viri apostolici protulerunt: istud posterius dicit Cresconius; non prius: non enim ait, quod ea tantum proferat, quæ in codices sunt relata; sed quæ a Viris apostolicis sunt producta. Ad hæc facile contingere potuit, ut eo, quo suum collegit Breviarium, tempore illas epistolas decretales suæ Concordiæ insertas nondum ad manus habuerit. Aliud sat validum nostra saltem opinione, contra Constantium pugnat argumentum, quod Collector hujus Concordiæ epistolas decretales Pontificum ipsis canonibus Conciliorum immiscuerit, aliter quam Dionysius, qui illas studiose separavit, & in secunda parte suo Codici superaddidit: id quod in hac Concordia Doctores tanquam aliquid singulare, quod nemo antea fecerat, animadvertunt: & id ipsum in Cresconio criminantur Sectarii, quod illa Decreta Pontificum in numerum canonum ponere, pari honore illa habere, atque æqualem auctoritatem canonibus Conciliorum, & Decretis Pontificum tribuere temerario ausu præsumperit (h). Si ergo quisque tertius illas epistolas decretales addidit, quare hæc Concordia semper sub nomine Cresconii orbi innotuit? ait quidem Constantius, id mirum videri non debere: quia plurimis id genus scriptis ufuvenit, ut, quo semel sunt insignita titulo, licet aufeantur in dies, illum quasi certo usufructu jure sibi retineant: cujus exemplum præbet ipse Codex Dionysianus, qui, tametsi novis Præfulum Romanorum literis auctorior est factus, tamen suum Dionysii nomen præferre nunquam destitit. Verum quis non apertum discrimen inter Codicem Dionysianum, & Concordiam Cresconianam prima facie conspiciat? nam certo scimus, quænam olim fuerit Collectio Dionysiana, & quæ eidem successisse addita sint, id quod de Cresconiana dicere non valemus: itaque Cresconius e sua possessione deturbari non debet. Hanc Concordiam in lucem produxit Justellus, unaque asseveravit, se in hac editione adornanda cum Viris doctissimis communicasse, cum aliis Codicibus comparasse, & nihil diligentiae intermisisse, ut indicaret loca illa, in quibus hæc Concordia a Codice Romanæ Ecclesiæ & Dionysiano differret (i). De variis aliis editionibus Breviarii, & Concordiæ videantur Scriptores (k).

§. XI.

*De Collectio-
nibus Ildo-
rianis.*

Videamus de Collectionibus canonum, quas non exigui nominis Authores Ildoro Hispalensi, Viro fama sanctitatis & eruditionis celeberrimo

(h) Pertschius *Werte Abtheilung* 1c. pag. 127.

(i) Idem pag. 128.

(k) Struvius *Hist. Jur. Can.* cap. 7. §. XI. Doulat lib. 3. cap. 18.

berrimo adscribunt. Plures Isidori quinto, & septimo Ecclesiæ sæculis per Hispaniam episcopales ecclesias rexisse leguntur, quos inter eminent Isidorus *Senior* Cordubensis Episcopus, Vir sanctitate clarus, & literarum divinarum peritissimus, qui floruit temporibus Honorii & Theodosii Imperatorum, & circa annum 412. sua commentaria in quatuor libris Regum Orosio Presbytero atque Historico dicasse legitur. Alter Isidorus Hispalensis dictus *Junior*, cujus plura exstant opera, quæ recensere supervacaneum ducimus. Absit, ut in hujus Viri celeberrimi laudes & elogia excurramus (l). Sufficiat, quod Vir iste sanctissimus, & in omni scientiarum genere versatissimus, etsi a temporibus Apostolorum sit remotior, adhuc sanctis Patribus annumeretur, & una cum sancto Gregorio Magno agmen Patrum claudere existimetur (m). Itaque præter opera plura, quorum ipse Author est indubitatus, tres ipsi adscribuntur Collectiones canonum, quæ magnam prorsus inter se affinitatem habere videntur. Harum prima cum aliis Decretis continet canones Concilii Toletani XIII., & necessario fuit edita post annum 683, quo Concilium istud fuit celebratum. Altera complectitur canones posteriorum Conciliorum, quorum ultimum est Toletanum XVII. celebratum anno 694. tertia refert Decreta juniorum Pontificum, ipsius etiam Zachariæ Pontificis, qui circa annum 741. Pontificatum tenuit. Has omnes Collectiones hodierni Scriptores ætatis criticæ peritiores ad unum ferme omnes Isidoro abnegant; primam quidem: quod nemo Authorum usque ad Trithemium, superioris sæculi scriptorem, illorum etiam, qui vitam Isidori scripserunt, illiusque scripta cætera recensuerunt, hujus Collectionis mentionem ingesserit (n); secundam & tertiam: quod cum Isidorus jam anno 636. e vivis excesserat, ambæ post illius obitum constatæ reperiantur.

Sunt tamen maximi nominis Scriptores, qui Isidoro vel primam Collectionem, vel huic non multum ab similem vindicant: & inter hos est Baluzius, asserens, Isidorum ad imitationem Dionysii Exigui quamdam

F f 2

- (l) Vid Braulio Cæsaraugustanus, qui vitam Isidori scripsit, Ildephonfus Episcopus Toletanus de Viris Illust. cap. 9. Trithemius in lib. de Script. Eccles.
 (m) Requirit enim Theologi in sanctis Patribus, præter Sanctitatem & Doctrinam eminentem, etiam competentem antiquitatem eo in sensu, ut sint proximi temporibus Apostolorum, & hac ratione testes legales esse possint Traditionis. Quia erga Isidorus vixit Sæc. VI. & VII., hæc antiquitas facile impugnari posset. Vid. Quæst. 4. a nobis edita cap. 6. §. 1.
 (n) Vid. cit. Braulio, & Ildephonf.

dam Collectionem fecisse, & huic præter canones a Dionysio collectos diversos alios canones ex Synodis Africanis, Gallicanis & Hispanicis una cum epistolis Pontificum, qui a tempore Damasi ad clavum Ecclesiæ federunt, adjecisse; post illius vero obitum incerti nominis Authorem canones posteriorum Synodorum Hispanicarum superaddidisse (o). Hunc Codicem se vidisse testantur Antonius Augustinus in Bibliotheca Urguineni (p), & Ambrosius Morales in Bibliotheca Monasterii Escuriacensis (q). His accedit Joannes Douiat, qui hanc Doctorum opinionem tum ob auctoritatem tantorum Virorum, & præcipue Petri de Marca, a quo Viro illustrissimo se audisse testatur, quod similem Collectionem in Bibliotheca Urgellensi in Catalonia repperit; tum ob rationes sat graves omnino probabilem esse judicat. Inprimis enim tantæ eruditionis Vir erat Isidorus, ut si cum illa conjungatur immensum illius rerum ecclesiasticarum illustrandarum studium, jure optimo præsumi valeat, quod Collectioni adornandæ manum apposuerit, ac tanto oneri humeros submiserit. Argumento ulteriori est, quod antiquitus hujusmodi codicibus illius nomen fuerit inscriptum, quod non sine gravi ratione factum esse existimandum est. Accedit testimonium Reginonis, asserentis, quod Isidorus multa de fidei & disciplinæ ecclesiasticæ regulis scripserit: nomine vero Regularum ecclesiasticarum intelligi canones Collectionum inde facile eruitur, quod Regino suum opus Collectionem canonum inscripserit (r). Denique Hincmarum Rhemensem Scriptorem celeberrimum Isidoro Collectionem canonum adscripsisse scimus (s): ut adeo mirum esse non debeat, si qui Scriptores scribere non dubitent, quod Ivo Carnotensis non modo, sed etiam ipse Gratianus suos Codices ex Collectione Isidoriana ut plurimum mutuaverit. Sed quis non videt, hæc argumenta vel meris inniti conjecturis, vel exiguæ esse probabilitatis? Pollebat certe Isidorus maxima eruditione cum ingenti rerum ecclesiasticarum studio conjuncta, & ideo non difficile fors ipsi accidisset novam Collectionem adornare: sed utrum hunc ipsum laborem in se suscipere, aut non alios longe utiliores in se assumere voluerit, quæstio facti est, & sic probanda. Prodiere etiam Collectiones sub nomine Isidori, illa potissimum, quæ hodie communiter Pseudo-Isidoriana appellatur: sed nunquid ex ipsa inscriptione

veritas

Sed non sufficienter probatur.

(o) In Præfat. ad Reginonem de Discip. Eccles. §. 3.

(p) Apud eundem Auth. loc. cit.

(q) Lib. 12. Hist. cap. 25.

(r) In Chronicis ad an. 772.

(s) Vid. Trithemius de Script. Eccles. cap. 232.

veritas comprobatur? Noverint vim hujus argumenti, qui vel a limine saniores salutarunt Criticam. Inscriptum etiam Regino opus suum sub titulo *Collectio Canonum*: sed quis ignorat, antiquioribus etiam Collectionibus præter canones Conciliorum fuisse insertas doctrinas Patrum? Hincmarus scripsit tempore, quo Collectio Pseudo-Isidoriana publicam apexit lucem, quæ successu temporis in summam ascendit auctoritatem, ut adeo verosimile videatur, de hac ipsi fuisse sermonem. Id nullo modo mirum videri debet, si Ivo & Gratianus Collectionem Pseudo-Isidorianam in usus adhibuerint: quippe quæ jam eo tempore, maxime post Nicolaum I. Pontificem in ecclesia summæ prorsus auctoritatis fuit, & in hujus possessione ferme ad ultima usque tempora imperturbata stetit.

§. XII.

Neminem eorum nobis indignaturum tuto confidimus, qui aut si-
 nes Juris ecclesiastici secundum regulas artis emensi fuerint, aut cor-
 pus Juris Canonici vel eminus salutaverint, si de collectione canonum
 pœnitentialium qualemcumque mentionem ingeramus. Fines Juris
 Canonici si emetiamur, hi sunt amplissimi, seque extendunt ad ea om-
 nia, quæ ad disciplinam ecclesiasticam quacunque ratione pertine-
 re dignoscuntur. Quis autem ignorat, pœnitentiam publicam, & ipsos
 canones pœnitentiales quondam notabilissimam partem disciplinæ ec-
 clesiasticæ fecisse? In hos itaque fines liberrime exspatiari licet Juris
 ecclesiastici studioso aut perito: quin imo in sua officia peccatum il-
 lum crederemus, qui illos simpliciter prætergredi, & ne quidem a long-
 ge inspicere dignaretur. Sacrarium Juris ecclesiastici si ingrediamur,
 primo mox obtutu in secunda parte decreti Gratiani *causæ trigesimæ ter-
 tiæ* tractatum de pœnitentia in septem distinctiones divisum, velut
 medium interpositum; & ad calcem ejusdem Decreti Canones Pœni-
 tentiales subjunctos; in ipsis Decretalibus Gregorii IX. titulum de Pœni-
 tentiis & Remissionibus intuebimur. Itaque operæ pretium fore du-
 ximus, si de quibusdam etiam canonum Pœnitential. collectionibus
 agamus. Qualis, & quantus olim fuerit rigor Pœnitentiæ publicæ,
 neminem latere existimo; tantus nempe, ut si hodierna Pœnitentia
 cum illa antiqua publica compareretur vix umbra amplius superesse vi-
 deatur. Juxta Synodum Nicænam III. erant Pœnitentium gradus tres,
Auditorum, Subjuratorum, & citra obligationem communicantium (t). At

Ff 3

vero

vero sancti Gregorius Neocæsarensis, & Basilius Magnus in suis poenitentium canonibus, alique Patres antiqui publice poenitentium quatuor ordines distinguunt, *fletum, auditionem, prostrationem, consilientiam*, quibus tandem succedebat *participatio Eucharistiæ* (u). Exercebantur publice poenitentes in rigidissimis operibus pœnalibus, jejuniis, fletibus, ciliciis, vigiliis, Chameuniis, omnium deliciarum abdicationibus, aliisque asperitatibus: jacebant extra fores ecclesiæ, nempe auditores juxta canones Concilii Nicæni, & flentes secundum disciplinam S. Basilii in summo luctu & squallore, saccis & ciliciis induti, usque dum successive per omnes gradus sua poenitentia per annos plures defungerentur (x). Quoniam vero pro singulis delictis & criminibus pœnæ non erant determinatæ, innumera oriebantur dubia, quæ & quanta pœna pro singulis sit statuenda. Desuper actum fuit in Synodis, præcipue vero consulebantur Episcopi, penes quos erat potestas præscribendi regulas poenitentiales: inde ergo suam habent originem canones poenitentiales, vel potius libri canonum poenitentialium, quorum usus est antiquissimus; & si canones apostolici authentici sunt, ad ipsa Apostolorum tempora referendi. Ad tertium & quartum sæculum si reflectamus, sese offerunt canones Synodorum Ancyranæ, & Eliberitanæ, qui sane instar libellorum poenitentialium esse possunt. Occurrunt dein SS. Patres, qui sæpius super inflictione pœnarum consulti de variorum delictorum poenitentia epistolas & responsa amplissima scripserunt; & quidem in Ecclesia Orientali Petrus, Athanasius, Timotheus, ac Cyrillus Patriarchæ Alexandrini, Gregorius Thaumaturgus, Gregorius Nyssenus, quos inter eminet S. Basilius in sua epistola ad Amphilochium. Huc etiam ex mente Joannis Douiat (y) pertinent responsa Patriarcharum posteriorum, præsertim libellus poenitentialis Joannis vulgo ob suam abstinentiam dicti Jejunatoris. Inter latinos in hoc genere agnoscitur S. Cyprianus Zelator disciplinæ ecclesiasticæ longe accuratissimus, qui de se ipso testatur, quod persecutione Christianorum sopita cum aliis Episcopis convenerit, consulturus, quomodo lapsi in communionem sint recipiendi, & hunc in finem communi consilio consecrerit libellum, quamquam ille

(u) S. Basilius in sua Epist. ad Amphilochium; S. Gregorius Can. 11.

(x) Vjd. Joannes Morinus, Author celeberrimus, qui hanc materiam fusillime & doctissime discussit in suo opere de Administ. Sacram. Poenit. Cabassutius in speciali Dissert. & Theologi Dogmatici passim.

(y) Lib. 3. cap. 32.

ille ad nos usque non pervenerit. Plures autem in Ecclesia Occidentali fuere libelli pœnitentiales celebriores, quorum omnium primus est (nam libellus S. Cypriani injuria temporum perijt) Theodori Cantuariensis Episcopi, antea Monachi Benedictini, & postea a Vitaliano Romano Pontifice in Angliam missi : quem sequitur Pœnitentiale Venerabilis Bedæ, quod inscribitur *de Remediis peccatorum*; ab antiquis tamen sub nomine Pœnitentialis citari solet. Sequuntur alii libri pœnitentiales, Rabani Mauri, Halitgarii, Pœnitentiale Romanum, Canones Pœnitentiales ad calcem decreti Gratiani adjecti. Hisce Joannes Morinus (z) adjungit librum decimum nonum decreti Burchardi Wormatiensis, partem decimam quintam decreti Ivonis, ordinem Romanum, aliosque libros. Nobis in præsentiarum unice agendum de libello pœnitentiali Theodori, & Pœnitentiali Venerabili Bedæ adscripto : de cæteris infra dicemus.

In Ecclesia Occidentali plures fuere libri pœnitentiales.

Theodori vitam & characterem paucis describit Venerabilis Beda (a), qui refert, Theodorum natum apud Tarsum Ciliciæ, sæculari *De Pœnitentiali Theodori* & divina literatura græcæ & latine instructum, probum moribus, & dori. ætate venerandum, utpote qui, licet haberet annos 66. nihilominus ultra annos unum & viginti Cantuariensem Ecclesiam rexit. Idem Concilia plura de fide catholica & disciplina ecclesiastica celebravit ad annum usque 690. Inprimis autem *Peccantium judicia*, quot scilicet annis pro unoquoque peccato quis pœnitere deberet, mirabili & discreta consideratione descripsit. Theodorus hic procul dubio ex Basilio & aliis Græcis Patribus regulas suas, sive leges indicendarum Pœnitentibus poenarum hausit, eorumque magna ex parte secutus est severitatem, quæ nimia forte priorum sæculorum severitas in laxiorem æquo indulgentiam apud posteros degeneravit, adeo, ut tempore Petri Damiani paulo post annum millesimum hi libelli Pœnitentiales tanquam pestis aliqua prohibendi fuerint. Ex quo factum, ut paulatim hæc tota ratio delicta puniendi in defuetudinem propemodum abierit. Pœnitentiale istud ex omnium confessione est genuinus scetus Theodori, & ex eo multa desumpserunt Burchardus, Ivo, & Anselmus Lucensis, sive Author Collectionis, quæ sub ipsius nomine circumfertur; ipse etiam Gratianus, & Bernardus Papiensis in prima Collectione Decretalium. Ait quidem Joannes Morinus, Pœnitentiale istud tantopere laudatum hæcenus a nemine editum, seque neminem legisse, qui de hoc

(z) In appendice ad tract. de Administ. Sacram. Pœnit. fol. mihi 564.

(a) Lib. 4. Hist. Eccles. cap. I.

hoc libro a se viso testimonium redderet præter Henricum Spelman Conciliorum Anglicanorum Collectorem, qui testatur Manuscriptum conservari in celebri Bibliotheca S. Benedicti Cantabrigiæ (b). Prodiit tamen Pœnitentiale istud opera Jacobi Petit anno 1677., qui non tantum omnes, quotquot reperire poterat, codices manuscriptos sedulo collegit, sed illud etiam doctissimis notis ac dissertationibus illustravit.

De Pœnitentiali Bedæ adscripto sub nomine de Remediis peccatorum.

Alterum Pœnitentiale, de quo hic nobis præcipue agendum, est illud, quod inscribitur *de Remediis peccatorum*, & quondam Venerabili Bedæ attributum fuerat, Doctori sui temporis celeberrimo, cujus opera 8. Tomis continentur, etsi adhuc plura desiderari fateantur Scriptores passim. Eruditissimi Viri Martene, & Durandus quædam antea ignota orbi literario communicarunt (c). Inter hæc liber quidam inscribitur de Remediis peccatorum, & in antiquiori Operum Bedæ editione iisdem adjunctus legitur. Eundem noviter edidit, & notis illustravit, atque Pœnitentiali Romano adjunxit Antonius Augustinus Tarraconensis Archiepiscopus (d). Similiter Henricus Spelman ex antiquis membranis Anglicanis eum Londini vulgaverat (e). Multum inter Scriptores litigatur, an Libellus iste sit partus genuinus Bedæ: cum plures illum adscribant Egberto Eboracensi Archiepiscopo Bedæ coetaneo, idque colligunt ex eo, quod in extremo volumine librorum Bedæ Libellus *de Remediis peccatorum* ita incipiat: *de Remediis peccatorum paucissima hæc, quæ sequuntur ex priorum monumentis: & post alia: excerptum de canonibus Catholicorum Patrum, vel Pœnitentiæ ad remedium animarum Domini Egberti Archiepiscopi.* En, quomodo hisce verbis opus istud Pœnitentiale expresse adscribatur Egberto! Accedit, quod neque in ipsius Bedæ, neque in Joannis Trithemii catalogo librorum Bedæ hujus operis Pœnitentialis mentio fiat. Ex hoc Pœnitentiali, quisunque illius sit Author, plurima capita canonum supra nominatos Collectores Burchardum, Ivonem, Anselmum, Gratianum deprompsisse, res est notissima. Sed de Libris Pœnitentialibus infra plura.

§. XIII.

Jam ad Sæc. usque VIII. in recensendis Collectionibus canonum gradum promovimus. Inter alias Collectiones celebriores occurrit duplex Collectio

(b) Joan. Morin. in Appendice fol. 564.

(c) Thes. Anecd. Tom. 5.

(d) Vid. Pœnit. Rom. ab ipso editum.

(e) Vid. Henr. Spelman, Concil. Angliæ.

Collectio, quæ Hadriano Romano Pontifici adscribitur, quarum una est illa, quam Carolo M. obtulisse; altera, quam ad Ingilramnum Episcopum Metensem misisse legitur: de utraque paucis dispiciamus.

De Collectione ab Hadriano Carolo M. oblata sic orditur Petrus Coustant (f): *Carolo M. Romæ versanti dignum Regia, dignum Pontificia Majestate munus dedit Hadrianus Papa Synodaliū Canonum & Pontificiarum literarum Collectionem.* Cum Carolus M. trina vice Romam venisse credatur, nempe An. 774, ac iterum 781 & demum 787. inter Scriptores disputatur, quo anno Hadrianus suum codicem Carolo obtulerit (g). Quocunque tempore id factum fuerit, ad rem præsentem parum vel nihil facit. Majoris momenti quæstio est, utrum Codex ille fuerit Dionysianus, vel alius ab eo diversus? Alium fuisse codicem indubitanter asserit Sirmondus, ea ratione ductus, quod, sicut ipse putat, Codex Dionysianus jam antea in Gallia fuerit notus. Quoniam vero id ipsum nondum est demonstratum & in hodiernam usque diem Collectio illa præsefert inscriptionem: *Dionysii Exigui Collectio*, & jure quidem: quia etiam aliæ Collectiones, esto vel auctæ, vel in pluribus mutatæ fuerint, suum pristinum nomen jure quasi possessionis & usucapionis retinuerunt, aliunde petenda est hujus opinionis demonstratio.

Placet opinio eruditissimi Petri Coustant (h), qui pro more suo demonstrat, hanc Collectionem Dionysianæ esse prorsus simillimam, nec ab ea quidquam discrepare, si mutationes quædam in priori parte factæ, æque paucæ & leves; in altera vero non nullæ epistolarum accessiones excipiantur. Ad priorem illius partem quod attinet, duo sunt, in quibus dissidet a Dionysiana: Primum quidem, quod loco Præfationis seu Epistolæ ad Stephanum Præfulem Salonitanum inscriptæ aliam præseferat Hadriani ad Carolum M., eamque versibus compositam: Alterum discrimen est, quod Dionysius canones Africanos 138. una numerorum serie sub uno titulo disposuerit; e contra Hadrianus illos in duas partes discaverit, & dissimili numerorum ordine disposuerit. Ad alteram partem quod spectat, adjecit Hadrianus quasdam Pontificum epistolas Leonis, Hilarii, Simplicii, Felicis, Symachi,

(f) In Præfat. part. 2. §. 8.

(g) Sirmondus existimat id factum esse, quando ultima vice; Jacobus Basnagius, quando secunda vice Romam venit: Alii ad primam professionem referunt.

(h) Loc. cit.

chi, Hormisdæ, Gregorii II. Utrum vero hæc additio studio Hadriani, vel errore librariorum fuerit facta, nondum inter eruditos convenit. Illud non facile prætereundum est, quod Scriptores quidam magni nominis eidem Hadriano *Epitomen Canonum* adscribant (i), quæ nihil aliud est, quam compendiosa collectio eorum, quæ in ipso codice Hadriano continentur. Verum longe probabilius est, eam a quodam alio incerto Authore fuisse compilatam.

*In Gallia
furnam au-
thoritatem
obtinent, &
quare?*

Vix Collectio hæc in Gallia inclarescere incepit, sane maximam authoritatem ibidem obtinuit, jamque Galli veteri sua canonum interpretatione posthabita ad usum hujus Codicis desistere, illum in vim legis assumere, licet non sine omni contradictione propter epistolas Romanorum Pontificum eidem insertas, coeperunt, atque brevi invaluit usus, ut non Romæ solum, sed etiam in Galliis simplici, pervulgatoque nomine *Codex Canonum* appellaretur. Neque id mirum videri debet: eo quod Carolus Magnus nihil non egit, ut illius usum faceret communem. Mox enim, ubi hunc Codicem accepit, singulari edicto Episcopos commonefecit, ut Canonum & Decretorum executioni invigilarent: quædam Decreta ex illo Codice in Capitulare Aquisgranense transcribi curavit, & posthac lege publica fancivit, ut constitutionibus apostolicæ Sedis reverentia exhibeatur (k). Istud tamen animadvertendum adhuc existimamus, quod jam supra monuimus, Gallos hoc Codice ita discrete & moderate usos fuisse, ut simul traditas a suis Majoribus regulas, suarumque Synodorum sanctiones, & observantias retinuerint.

*Es tamen
moderate usi
sunt Galli.*

*De altero
Codice ad
Ingilram-
num trans-
misso.*

*Non fuit
ignotus, sed
non tanta
authoritatis.*

Alter Codex, quem Hadriano adscribunt, ille est, quem ad Ingilramnum Episcopum Metensem transmisit. Legitur hic Codex insertus Collectioni Conciliorum (l) illiusque origo refertur ad annum 785. Complectitur 80. capitula, vel juxta Antonium Augustinum, qui hunc Codicem in lucem publicam edidit, notisque illustravit, non nisi 72. Hanc Collectionem in Gallia non fuisse ignotam demonstrant testimonia Hincmari Rhemenfis, & alterius Hincmari Laudunenfis. Illam circa annum 785. ab Ingilramno per Gallias divulgatam esse asserit Petrus de Marca. Attamen tantæ non fuit authoritatis apud Gallos, quantæ aliqui existimant. Imo non fuisse receptam in Gallia manifesto est argumento, quod Hincmarus Rhemenfis speciale scripserit opusculum contra Hincmarum Laudunensem, in quo illum reprehendit,

(i) Canisius, & Binius.

(k) Petrus de Marca lib. 1. cap. 9. N. 4.

(l) Tom. 8. Col. 597.

dit, quod ex illis epistolis huic Collectioni insertis Collectionem quamdam privatam pro usu suæ Ecclesiæ confuerit (m). Et qua ratione nobis persuadere possumus, quod Galli hanc Collectionem in usum suarum ecclesiarum receperint? utpote quæ non pro usu universalis ecclesiæ, sed unice pro defendenda causa Ingilramni, & in usum ac bonum illius fuit conscripta, & ad illum transmissa. Patet id tum ex ipsa Inscriptione illius (n) tum ex ipsis capitulis, quæ ferme omnia ad defensionem jurum episcopaliū contra iniquos aggressores pertinent (o). Accedit, quod Galli Collectioni Isidorianæ recipiendæ se se multum ac vehementer opposuerint: quomodo ergo præsumere valeamus, quod Collectionem ad hominem privatū propter bonum particulare illius conscriptam, quibusdam capitulis ex epistolis spuris Pontificum Collectioni Isidorianæ insertis, & exinde desumptis confertam receperint? profecto hanc Collectionem ex multis documentis spuris confarcatam esse, multis argumentis commonstrat Antonius *Multa habet spuria.* Augustinus in suis notis, ubi etiam fideliter annotat illa loca, quæ Gratianus suo inseruit decreto. Illud prætereundū non est, quod in epistolis antiquorum Pontificum Collectioni Isidorianæ insertis haud pauca reperiantur, quæ cum his capitulis prorsus conveniunt, atque iisdem verbis expressa leguntur; atque adeo mirum esse non debeat, quod vel Isidorus ex capitulis; vel Hadrianus ex epistolis Isidorianis multa mutuaverit. Istud ultimum vix sine injuria Hadriani Pontificis dici potest: quippe quod necessario cujusdam imposturæ, fictionis, & doli arguendus foret. Longe meliori sane jure omnis impostura in Isidorum rejicienda erit: quamquam, ut nihil dissimulemus, hæc opinio ex Chronologia temporum plurimum difficultatis patiatur.

Gg 2

§. XIV.

- (m) Verba in cit. opusce. cap. 24. hæc sunt: *De sententiis, quæ dicuntur ex Græcis & Latinis Canonibus & Synodis Romanis, atque decretis Pontificum Collecta ab Hadriano Papa, & Engelramno Metensium Episcopo data, quando pro sui negotii causa agebatur, quam dissona inter se habeantur, qui legit, satis intelligit, & quam diversa a sacris Canonibus, & quam discrepantes in quibusdam ab ecclesiasticis judiciis habeantur.*
- (n) Inscriptio sic habet: *Capitula, quæ ex Græcis & Latinis Canonibus & Synodis Romanis, atque decretis Præfulum ac Pontificum Romanorum sparsim collecta sunt, & Ingilramno Romæ ab Hadriano Papa tradita, quando sui negotii causa agebatur.*
- (o) Joannes Doluat lib. 3. cap. 11.

§. XIV.

*De libro di-
urno Ro-
man. Ponti-
ficum.*

Inter alias Collectiones Canonum, quæ Sæc. VIII. emanarunt, refertur Collectio quædam formularum, quæ infcribitur *Liber diurnus Romanorum Pontificum*. Neque de Authore, neque de tempore, quo in lucem fuit editus hic liber, constat. Vir literatissimus Joannes Garnerius S. J. Anno 1680. illius editionem Parisiis adornavit, illamque notis & dissertationibus illustravit. Existimat hic Scriptor ex argumentis verosimilibus hujus libri originem ad annum 714. esse referendam. Collectionis hujus mentionem non modo antiquiores Collectores Anselmus, Ivo, & Gratianus fecerunt; verum etiam ultimi ævi præterlapso Scriptores, præcipue Antonius Augustinus, Baronius & Labbeus ad illam provocaverunt. Opus istud ad intelligendam, & illustrandam historiam Sæculi VI, & VII. apprime esse utile; imo necessarium esse fatentur omnes, qui rerum historicarum peritiores audiunt. Constat hic Liber 104. titulis: Dicitur *diurnus*, quia continet formulas, quæ in usu sere quotidiano apud Romanam erant Ecclesiam in scribendis literis ad Principes & Episcopos; in adhibendis ritibus in ordinatione Pontificum & Episcoporum, concedendis privilegiis, dispensationibus &c. Verbo: Est hic Liber diurnus quasi Collectio aliqua formularum, ex qua stylus Curiae tunc temporis in Ecclesia Romana usitatus disci potest. Divisit Garnerius hunc librum in duas partes, quarum prima continet capitula 6.; altera non nisi unicum, sed amplum valde. Quænam in singulis capitulis, & titulis contineantur, in compendio refert Pertschius (p).

*Est liber
apprime uti-
lis.*

*Liber in-
scriptus:
ORDO
ROMA-
NUS.*

Alius adhuc Liber exstat sub titulo: *Ordo Romanus*, quem ferme ad tempora Gregorii M. referunt. Editus est in lucem anno 1568. cum aliis Authoribus, qui de divinis Officiis, ac Ministeriis scripserunt, Isidoro, Alcuino, Almario Fortunato, Rabano Mauro, Valafrido Strabone, Bernone Augiensi, Petro Damiano, Ivone Carnotensi, Ruperto Tuitiensis, Petro Cluniacensi, Hugone de S. Victore &c. Ordo hic Romanus agit de divinis Officiis ac Ministeriis Ecclesiæ per totius anni circulum; de Processionibus, & celebratione Missæ, ejusque Officii, ac Librorum, qui in Ecclesia Catholica leguntur. Complectitur etiam orationes cujuscunque Festi, ritus & ceremonias cuicunque ministerio aptas, denuntiationes quatuor temporum, Instructiones baptizandorum, ritus dedicandæ ecclesiæ, consecrandi Episcopi,

piscopi, benedicendi Imperatorem, Abbatem, Abbatissam, & alia hujus generis.

§. XV.

Quædam adhuc aliæ circumferuntur Collectiones minus celebres, pluribus incognitæ, & quæ a plerisque Scriptoribus de hac materia tractantibus ne quidem attinguntur, quas intermittere nefas ducem, ne quid Lectorem nostrum fugere possit eorum, quæ ad illustrandam historiam servire valeant. Huc spectant Capitularia Theodulfi Episcopi Aurelianensis, quæ anno 797. ad Presbyteros suæ dioceseos scripserat. Magna autoritate pollebat hic Episcopus apud Carolum M., a quo nominatum accepit episcopatum. Vixit adhuc sub Ludovico Pio, sed ob crimen quoddam sibi imputatum in carcerem conjectus fuit. De Capitularibus illis duo adhuc fragmenta supersunt, quorum primum continet 46. titulos; alterum sine dissectione in capitula diversissimas regulas bene & recte vivendi. In priori parte agitur de obligationibus & officiis Sacerdotum, de usu sacrorum vasorum, de scholis, de orationibus, de celebratione Dominicæ, de exercenda hospitalitate, de Jejunio, de Pœnitentia, de sacra communione. In secundo Capitulari quamplurima sunt, quæ pro instruendis Clericis summo opere faciunt. Hæc Capitularia plurima ex parte ex canonibus diversorum Conciliorum sunt desumpta (q). Aliæ adhuc diversa scripsit Theodulfus, quæ Anno 1646. Sirmondus Parisiis in lucem publicam produxit.

*Capitularia
Theodulphi.*

*Quædam il-
lorum fra-
gmenta su-
per sunt.*

Hujusmodi Capitularia numero 168. conscripsit Theodorus Cantuariensis, in quibus potissimum agitur de Ordinatione Episcoporum, Presbyterorum, Diaconorum, Subdiaconorum, Abbatum, Abbatissarum, Monachorum, Monialium; Item de celebratione Dominicæ, Dedicatione & Consecratione Ecclesiarum, de Libris quibusdam prohibitis, de Visitatione ægrotorum, de Pœnitentia, de Matrimonio, Obligationibus matrimonialibus, Missis Defunctorum, Decimis, Veneratione Reliquiarum, de Confessione. Opinantur, quod hæc Collectio circa Annum 668. fuerit compilata (r).

*Capitularia
Theodori
Cantuariensis.*

Inter Viros suo ævo celeberrimos erat Ecbertus Archiepiscopus Eboracensis, qui e vivis excessit Anno 767. Ab hoc Viro celeberrimo extant quædam, uti vocantur, *Exceptiones* ex Scriptis & Regulis SS. Patrum hausitæ sub titulo: *Exceptiones et distis, Et Canonibus SS. Patrum*

*Excerptio-
nes Ecberti
Eboracensis.*

Gg 3 trum

(q) Inserta sunt hæc Capitularia collectioni Conciliorum Tom. 9. col. 183.

(r) Spicileg. D'Acheri Tom. 1.

trum concinnatæ, & ad ecclesiasticæ Politicæ, constitutionem conducentes. Continentur in illis 144. capitula, quæ de variis ad disciplinam ecclesiasticam pertinentibus tractant, quæ hic recensere longum nimis foret (s). Quoddam etiam Pœnitentiale eidem adscribitur, ex quo non nisi 35. regulæ typis fuerunt editæ. Insuper Dialogus quidam ab ipso confcriptus circumfertur cum Inscriptione: *Dialogus per interrogationes & responsiones de Institutione ecclesiastica*. Sane non pauca ad disciplinam ecclesiasticam summe conducentia in hoc leguntur Dialogo, quæ suo videantur loco (t).

*Collectio
quædam
ignoti
authoris
Sæc.
VIII.*

Sæculo octavo Collectio quædam ignoti Authoris valde ampla in libros 65. divisa prodit in Hibernia. Etiam hæc Collectio plura complectitur, quæ nobis disciplinam ecclesiasticam illius ævi exhibent. Hæc Collectio nunquam integra lucem vidit publicam, licet adhuc extet. Non nisi quædam excerpta ex hoc Codice typis mandavit D'Acherius, qui causam laboris sui defectuosi rejicit in Scripturam Codicis, quæ talis est, ut vix legi, multo minus verborum sensus extorqueri inde valeat.

*Collectio
Canonum
S.
Bonifacii.*

Demum in Monasterio & Bibliotheca Corbejenfi asservatur Collectio quædam Canonum S. Bonifacii magni illius Germaniæ Apostoli. Continet hæc Collectio non nisi 36. canones, in quibus præcipue agitur de officiis & obligationibus Episcoporum, Presbyterorum, de Abbatibus, Abbatissis, Monasteriis, de Missa, de Jejunio. Canones hi ex variis Synodis Gallicanis, Capitularibus Francorum, Canonibus Apostolicis, Nicænis, Antiochenis, Laodicensis sunt deprompti. Existimant Scriptores, illam circa annum 745. seu medium Sæc. VIII. & quidem unice in usum Cleri Moguntini esse concinnatam.

§. XVI.

*Collectio
Canonum
Pœnitentialium.*

Jam in antecedentibus actum est de variis Collectionibus Canonum Pœnitentialium. Alia adhuc nobis occurrit, cujus mentionem facit Morinus, quæ tunc temporis adhuc in codicibus manuscriptis latebat. Illam tamen nuper Vir celeberrimus Lucas D'Acherius Benedictinus e Congregatione S. Mauri luce publica donavit (u). Inscribitur Opus istud *Collectio Canonum Pœnitentialium*, pro more illorum temporum, quibus ferme omnia hujusmodi opera ad Sacramentum Pœnitentiæ refere-

(s) Vid. Tom. 8. Concil. col. 352.

(t) Vid. D'Acherius in Spicileg. Tom. 9.

(u) Idem Acherius loc. cit.

ferebantur, etsi jure longe optiino *Collectio Canonum* inscribi mereatur : quia est amplissima, in tres libros divisa, ac diversi generis cano-
Divisa in tres partes.
 nes in secundo & tertio Libro complectitur : Nam in solo Libro primo agitur de *Pœnitentibus & Pœnitentiis peccatorum* per 122. capita ; in secundo de *Judiciis* per 117. capita ; in tertio de *Ordinationibus, Gradibus, atque Officio Clericorum & Episcoporum* per 158. capita, ita ut totius Collectionis capita sint 397. Illud autem hanc collectionem præ aliis collectionibus singulariter commendat, quod canones & regulæ eidem insertæ non ex spuris lacunis, sed fontibus genuinis & purissimis sint haustæ. Referunt Doctores hunc Codicem ad finem Sæculi VIII. : quia Halitgarius Cameracensis Episcopus illo usus est in conscribendo suo Pœnitentiali, quod Sæc. IX. scripsisse fertur (x).

§. XVII.

Reliquum est, ut de Capitularibus Francorum quam brevissime
De Capitularibus Francorum remissive.
 agamus, utpote de quibus fusiori calamo scriptum alibi (y). Hic quædam sunt supplenda ; atque illud imprimis, quod præter Capitularia Francorum huic Collectioni quamplurima alia ex epistolis Romanorum Pontificum, libris Scriptorum ecclesiasticorum, Synodis Gallicanis, Codice Theodosiano, Novellis, Legibus Salicis, Ripuariorum, Bojariorum sint immixta. Fuit hæc Collectio jam ante annum 858. cognita tam in Gallia, quam in Germania. Ad hæc Capitularia provocarunt Synodi & Scriptores ecclesiastici celeberrimi, Hincmarus, Regino, Fulbertus, Ivo, & ex illis haud pauca mutuarunt, suisque collectionibus inferuerunt, præcipue Burchardus, qui tamen studiose dissimulavit fontem originarium, e quo sua deprompsit. Constant Capitularia septem libris, quibus subjunguntur appendices quædam, quæ nec in Collectione Anselgisi, nec Benedicti Levitæ reperiuntur. Equidem Sirmondus illas tribuit præfato Collectori : celeberrimus autem Baluzius fortioribus argumentis opinionem Sirmondi egregie refellit. Quamplurima ex his Capitularibus Collectioni Conciliorum inserta legimus. Tanti nempe æstimabantur hæc Capitularia, quæ in hodiernum usque diem egregio usui esse possunt. Quemadmodum alibi hæc Capitularia impense commendavimus Jurium & Historiæ Ecclesiasticæ Studiosis, Clericis potissimum, & iis etiam, qui a secretioribus consiliis sunt Principibus tam ecclesiasticis, quam sæcularibus, ita illorum studium ite-
 rum

(x) Vid. Spielleg. D'Achery Tom. II.

(y) Vid. Dissert. de Jure Eccles. Germ.

Hæc Collectio summe commendari meretur.

rum iterumque commendamus: Inde enim dicent, quæ olim in ecclesiasticis fuerit auctoritas Episcoporum, & Principum sæcularium; & qua ratione fines Ecclesiæ ac Imperii sint regundi. Plures hic recensuimus Collectiones Juris ecclesiastici, quam communius alii Authores recensere solent: quasdam minus celebres intermisimus. Id tamen fateri necesse est, quod ordine chronologicum non adeo accurate observaverimus.

CAPUT V.

De Collectionibus Juris ecclesiastici a Sæculo VIII., & IX. usque ad Sæculum XIV. in Ecclesia Orientali; & Sæculum XII. seu Decretum Gratiani in Ecclesia Occidentali.

§. I. *De Collectionibus Juris ecclesiastici in Ecclesia Orientali, specialiter de Collectione Photiana. II. De Basilicis. III. De Synopsi Alexii Aristeni, & Epitome Simeonis. IV. De Collectione Harmenopuli. V. De Synodico Beveregii. VI. De Collectionibus in Ecclesia Occidentali, præcipue de Collectione Isidori Mercatoris. VII. De Penitentiali Halitgarii. VIII. De Collectionibus Rabani Mauri. IX. De Capitulis & Capitularibus quorundam Scriptorum Hincmari, Isaaci Herardi, Gualteri, & Theodulfi. X. De Collectione Reginonis. XI. De Collectione Burchardi Wormatiensis. XII. De Collectione Ivonis Carnotensis. XIII. De quibusdam aliis Collectionibus minus celebribus. XIV. Subjunguntur quædam Animadversiones.*

§. I.

Perpetuæ scissuræ inter Ecclesiam Occidentalem & Orientalem usque ad Photium, & unde?

Quamquam a Sæculo IV., ex quo Constantinus M. sedem Imperatoriam Byzantium transtulit, usque ad tempora Photii Pseudo-Patriarchæ Constantinopolitani, qui Ignatium inique e Sede Patriarchali deturbavit, perpetuæ fuerint lites, scissuræ & controversiæ inter Ecclesiam Occidentalem & Orientalem, quibus ambitio Grecorum maxima ex parte occasionem præbuit, hæc tamen nunquam in apertum schisma eruperunt, usque dum Photius Sedem Constantinopolitanam dejecto

dejecto Ignatio contra omne jus invaserat. A quo tempore licet in variis Conciliis etiam generalibus unio tentata fuerit, nunquam tamen obtineri potuit. Jam in Concilio Constantinopolitano I. (z) & Chalcedonenſi (a) Episcopi Constantinopolitani nescio qua ambitione inflati varias sibi prærogativas arrogarunt: ut nihil dicam de titulo Patriarchæ Oecumenici, super quo tantopere fuit disceptatum (b). Sed hæc miſſa faciamus: potius de Collectione Photiana nobis agendum erit.

Historiam schismatis Photiani contexere nimis longum foret, & *Historia*
a scopo nostro alienum est. Erat Photius Vir Laicus natalibus illustris, dignitate Protospatharius, homo ambitionis immensæ, Veterator, ingenio ad universa versatili, tantaque humanarum scientiarum peritia, ut non modo sui ævi Princeps haberetur, sed etiam cum præstantissimis veterum quorumcunque ingeniis decertare posset. At eximia naturæ & artis dotes animi ejus improbitas & incredibilis ambitio obscurabant. Vix credat aliquis, quam implacabili crudelitate, quam impudentibus calumniis, & quam immanibus corporis cruciatibus imperatorii sanguinis Patriarcham Ignatium eximia vitæ sanctitate venerandum, ætate etiam profectum divexaverit. Paucis: Photius vel Author, vel Fautor præcipuus fuit schismatis Photiani, quod omnium, quæ unquam extitere, fuit longissimum, & exitiosissimum. Tres in causa Photii celebratæ sunt Pseudo-Synodi ab Orientalibus, prima Anno 859, altera Anno 861., tertia, post Synodum Generalem octavam, anno 879. quam Græci inter Generalia Concilia reponunt; Latini velut Pseudo-Synodum rejiciunt. Plures etiam Catholicorum Synodi particulares habitæ fuerunt; prima Romæ a Nicolao I. Anno 863.; altera ab Hadriano II. itidem Romæ 868.; & tertia Constantinopolitana IV., inter Generales octava sub eodem Pontifice, quam Orientales diris omnibus deponent. His velut in antecessum expostitis jam de Collectione Photiana videamus.

Itaque Photius suam Collectionem circa annum 780. post celebratam in templo S. Sophiæ Pseudo-Synodum anno 879. consarcinasse communis creditur. Huic ergo Collectioni præter canones Conciliorum & Patrum, qui Trullanæ Synodi canone secundo memorantur, & laudantur, inserta fuerunt Concilia Photiana supra recensita; item opuscu-

(z) In hoc jamiam ambierunt Primatum Orientales, uti legere est in Can. 2.

(a) Idem majori ausu tentarunt in hoc Concilio vid. Can. 28.

(b) Nomen Patriarchæ Oecumenici assumere tentarunt Patriarchæ Constantinopolitani præsertim Joannes Jojunator dictus. Vid. Thomassinus Lib. I. Cap. II.

*Nota &
Commenta-
ria in hanc
Collectio-
nem.*

opuscula Theophili Alexandrini, Tharastii Constantinopolitani, & Theodori Studitæ. Hæc opuscula, sicut & canones in hac Collectione contentos recenset Douiat, qui omnino videri meretur (c). In hanc collectionem tres Viri celeberrimi notas scripserunt, & commentaria, nempe Joannes Zonaras Monachus, Alexius Aristenus itidem Monachus, & Theodorus Balsamon Patriarcha Græcorum Antiochenus. Zonaras antea erat Præfectus Vigilum, & Secretarius Imperatoris Joannis Comneni, postea renuntiatis suis officiis factus Monachus. Aristenus erat Diaconus, & Æconomus Ecclesiæ Constantinopolitanæ. Vixit sub Imperio Joannis, & Emanuelis Comneni, & suo tempore inter omnes varium peritos tanquam peritissimus eminuit. Theodorus Balsamon variis fugebatur officiis apud Ecclesiam Constantinop. & tandem ad dignitatem Patriarchalem elatus fuerat, omnesque suos Prædecessores doctrina & eruditione superasse scribitur.

*NOMO-
CANON
Photii.*

Idem Photius ad imitationem Joannis Antiocheni composuit Collectionem sub nomine *Nomocanon*, eique præter canones Conciliorum inseruit leges Imperatorum. Hunc Nomocanonem Justellus ex Bibliotheca Palatina mutuatum una cum præfatione Photii, & versione Henrici Agylæi typis mandari curavit. Opus suum complevit Photius circa annum 883. In eo antecellit hæc Collectio, quod Collector non modo plures Conciliorum canones, sed etiam plures Patrum doctrinas ad instar canonum eidem inseruerit. Inde factum est, ut hæc collectio brevi tempore ante cæteras collectiones primas apud Græcos obtinuerit. Canones eidem innexos recenset Pertschius (d). In eo autem plurimum autoritatis deperdidit uterque Nomocanon Joannis Antiocheni, & Photii, quod Imperatores Basilii, Leo, & Constantinus leges Imperatorias mirum in modum mutaverint, de iis subtraxerint, & alias conderint. Hunc defectum ut suppleret Balsamon, in suis annotationibus, scholiis, & commentariis omnem impendit operam, ut indicaret leges Imperatorias, tum illas, quæ per *Basilicas* antiquatæ & abrogatæ fuerunt; tum cæteras, quæ post Collectionem Basilicarum emanarunt.

§. II.

*De Basilicis
Imperatorum
Basilii
& Leonis.*

Erant autem *Basilicæ* nihil aliud quam Constitutiones Imperatoris tum antiquæ tum novæ, quas duo Imperatores Basilii & Leo, ambo Reipublicæ & præsertim Jurisprudentiæ in melius re-
forman-

(c) Lib. 3. cap. 8.

(d) Loco sæpius citato.

formandæ studiosissimi in meliorem ordinem redegerunt, ac deinde Leo in quemdam codicem colligi, ac rescissis illis legibus, quarum observantia non amplius videbatur utilis, publicari fecit. Successit Constantinus VIII. filius Leonis, qui cum esset Jurisprudentiæ peritissimus, & aucupandæ apud posteros gloriæ cupidissimus, anteriores *Basilicas* corrigi, revideri, & emendari præcepit, ac denum hoc modo correctas & cinendatas promulgavit cum edicto, ut hæc suæ *Basilicæ* abrogatis prioribus vim legis haberent, & non modo in tribunalibus & Judiciis, sed etiam in scholis usum haberent publicum. Vocantur hæc *Basilicæ secundæ*, ad distinctionem a *Basilicis primis*, & in Oriente tantæ autoritatis erant, ut illas merito leges fundamentales totius Jurisprudentiæ Orientalis dixeris. In hæc *Basilicas* tot Glossæ, annotationes, commentaria prodierunt, quot unquam in Codicem Justinianum factis esse novimus. Atque *Basilicæ* istæ ad nostra usque tempora pervenerunt, easque in lucem publicam edi curarunt Gentianus Hervetus & Hannibal Fabrotus. Idem Leo supra memoratus quasdam etiam & *De Novellis* quidem numero 113. Novellas per Orientales plagas anno 890. promulgavit, quæ per totum Orientem usum non obtinuerunt. Id tamen honoris Compilatores Jurium hisce Novellis detulerunt, ut illas in Corpus Juris Civilis referrent, quin propterea ad auctoritatem legalem e vestæ fuerint: quippe quod hæc collectio auctoritate tantum privata facta fuerit, neque de illius receptione ac usu in praxi constet. Plura alia scripsit Leo e. g. de arte Bellica, de Oraculis, vaticiniis: quin quædam etiam Theologica, & historica scripsisse fertur, Imperator sane literatissimus, æmulator Justiniani Imperatoris, præcipue Jurisprudentiæ peritissimus, quem ut fama gloriæ ac nominis sui superaret, totis viribus contendit. Id profecto fatentur omnes, quod longe meliorem ordinem, ac Justinianus in suis Novellis ordinandis observaverit. Sapientissimus Imperator & Pater sapientem reliquit filium Constantinum, qui historica scripsisse fertur, quorum aliqua ad nostra usque tempora pervenerunt (c).

§. III.

Prodiere in Sæc. XII. varia etiam compendia seu Collectiones compendiaræ, potissimum sequentes: 1mo *Synopsis Canonum Alexii* Aristeni Ecclesiæ Constantinopolitanæ Diaconi, quam jussu Imperatoris Joannis Comneni an. 1130. edidit. Est autem hæc *Synopsis* nihil

Hh 2

aliud,

(c) Vid. Pertschius *etse Abtheilung* pag. 98.

aliud, quam *Index* seu *Breviarium* veteris Codicis Canonum servato ordine Conciliorum; non tamen servata serie numerorum (f).

Epitome Canonum Simeonis Magistri.

Simile compendium sub nomine *Epitome Canonum* collegit Simeon *Magister, & Longotheta*. Quo tempore hic Scriptor vixerit; quandam suam Epitomen scripserit, inter Authores non convenit. Quidam illum ante Aristenum jam Sæculo X.; alii post scripsisse ferunt (g). Usus est Author hic in canonum Epitome concinnanda collectione non admodum diversa ab ea, quam secutus fuerat Joannes Scholasticus. Desuper videantur Authores passim. Nobis non licet huic multum immorari, quia utiliora vocant.

Synagoga Alphabetica Mathæi Blasphæ.

Huc pertinet *Synagoga Alphabetica Mathæi Blasphæ* Monachi Basiliani, opus sat amplum, compendiarium tamen: quia ad modum Dictionarii secundum literas alphabeticas digestum continet 20. titulos: & litterum in sua sunt divisa capita. Absolvit hunc laborem sane utilem & pretiosum Collector circa annum 1335. utpote quod non modo omnia in compendium redegerit; sed etiam multa vel propriis vel alienis annotationibus, ac animadversionibus illustraverit. Collectionis hujus exemplaria manuscripta duo extant in Gallia, unum in Bibliotheca Regia; alterum habuit celeberrimus ille Episcopus Montispefulanus Franciscus Bosquetus. In Anglia opus hoc typis mandatum fuit an. 1672. plura videre libeat in Authoribus mox antea citatis.

§. IV.

Collectio Constantini Armenopuli. Duo illius opera. Manuale Juris Civilis; alterum Epitome Divinorum, sacrorumque Canonum. Compositum videtur hoc opus circa annum 1140. & est divisum in sectiones sex, quarum prima est de Episcopis, & rebus ad eos pertinentibus; secunda de Presbyteris, Diaconis, & Subdiaconis; tertia de iis, quæ sunt communia tam Laicorum quam Clericorum; quarta de Monasteriis & Monachis; quinta de Laicis &c.; sexta de Mulieribus. Harum autem sectionum quælibet particulares habet titulos, & sub his locatos canones, quorum non pauci scholiis illustrantur. Haurita vero est hæc Epitome ex quarta Collectione græca Photii nimirum, additis supra veterum Patrum decreta Nicolai & Nicephori Patriarcharum Constantinop. decretis.

Industriam nostram non nihil moratur alia Collectio Constantini Armenopuli, Judicis Thessalonicensis, quam ob accuratissimum ordinem & seriem materiarum, secundum quam scripta fuit, omnibus cæteris Collectionibus antefertur. Duo conscripsit opera, unum *Manuale Juris Civilis*; alterum *Epitome Divinorum, sacrorumque Canonum*. Compositum videtur hoc opus circa annum 1140. & est divisum in sectiones sex, quarum prima est de Episcopis, & rebus ad eos pertinentibus; secunda de Presbyteris, Diaconis, & Subdiaconis; tertia de iis, quæ sunt communia tam Laicorum quam Clericorum; quarta de Monasteriis & Monachis; quinta de Laicis &c.; sexta de Mulieribus. Harum autem sectionum quælibet particulares habet titulos, & sub his locatos canones, quorum non pauci scholiis illustrantur. Haurita vero est hæc Epitome ex quarta Collectione græca Photii nimirum, additis supra veterum Patrum decreta Nicolai & Nicephori Patriarcharum Constantinop. decretis.

§. V.

(f) Doujat, lib. 3. cap. 11. & Pertsch, loc. cit.

(g) Cit. Auth. . .

§. V.

Atque hæc, quas hætenus retulimus, sunt illæ Collectiones Ecclesiæ Orientalis, quæ ad nostra usque tempora pervenerunt. Has *Wilhelmi Beveregii complettens Collectiones Ecclesiæ Orientalis* Collectiones in unum quasi corpus Oxfordii in Anglia anno 1672. collegit Wilhelmus Beveregius Presbyter Anglicanus cum inscriptione: *Synodicon seu Pandectæ Canonum sanctorum Apostolorum, & Conciliorum ab Ecclesia Græca receptorum, nec non Canonicarum sanctorum Patrum epistolarum una cum scholiis antiquiorum annexis.* Opus istud digestum est in duos Tomos, & divisum in tres sectiones, quarum prima continet canones Apostolorum, & Conciliorum, quæ in Ecclesia Orientali ad Sæc. usque IX. fuerunt celebrata: Altera pars complettitur canones Synodorum particularium; tertia epistolas respectively canonicas Patrum Græcorum variis Collectionibus canonum insertas. Congessit Beveregius suum Synodicon non secundum ordinem materiarum; sed temporum, & annorum. Hinc inde immiscuit scholia Balsamonis, Zonaræ, & Aristeni. Collectio hæc non nisi ad Sæculum usque IX. pertingit. Nempe existimaverat doctissimus Collector, quod Ordinationes ab illo tempore in Ecclesia Orientali factæ non tam novi canones; quam antiquiorum canonum interpretationes dici mereantur. Aliam Collectionem longe amplissimam *Juris Græco-Romani* exhibet Joannes Douiat, quam exeunte superiori sæculo adornavit Joannes Leunclavius Amelburus Scriptor Germanus celeberrimus. Opus in duos Tomos distinctum est, quorum prior ea complettitur, quæ ad Jus Canonicum Græcorum pertinent; posterior, quæ ad Jus Civile. Decem libris absolvitur hæc Collectio, & in his continentur Decreta Synodalia & quorundam Patriarcharum responsa; epistolæ, & sententiæ Patrum Græcorum, Responsa meditata Balsamonis, Edictum Justiniani de fide, liber Armenopuli de Sæctis, Novellæ Græcorum Imperatorum, quæ omnia fusius in citato Authore leguntur. Atque hæc de Collectionibus canonum Ecclesiæ Orientalis dicta sufficiant.

§. VI.

Ad Collectiones Juris ecclesiastici Ecclesiæ Occidentalis delabimur. Atque hic primo occurrit celeberrima illa Collectio Isidoriana, vulgo Isidori Mercatoris dicta, a qua Doctores Gallicani *Jus novum Pontificium* auspiciantur, prout §. 1. cap. 1. animadvertimus. Hæc nempe est illa Collectio, quæ tot in Ecclesia excitavit turbas, & Doctores inter se collisit: Hæc illa collectio, in quam non modo A catholici, sed

Hh 3

etiam

etiam Catholici mirum in modum invehuntur, eamque tanquam putidam ac meram adulterinorum canonum, & spuriarum epistolarum congeriem proclamant; hæc illa Collectio, quæ Ecclesiam contemptui, irrisionibus, ac convitiis Sectariorum exposuit; hæc illa Collectio, quæ auctoritatem Synodorum particularium, & Episcoporum suppressit, antiquam Judiciorum ecclesiasticorum formam immutavit, ac novam ecclesiasticam disciplinam inexit, & invitis Episcopis obtrusit. Ita de hac Collectione Doctores quidam etiam Catholici, quorum testimonium infra in medium afferemus (h). Ut autem certo ordine procedamus, primum de Authore hujus Collectionis; postea de ipsa Collectione & contentis in ea, præcipue de Epistolis Pontificiis; ac demum de illius receptione & auctoritate agemus.

*Prodiit circa
finem Sæc.
VIII.*

*Author
ignoratur.*

Non est Isidorus Hispalensis.

Prodiit hæc Collectio sub finem Sæculi VIII. vel initium Sæculi IX., quam in Gallias ex Hispania a Riculfo Episcopo Moguntino allatam, & Gallis communicatam refert Hincmarus Rhemenfis (i). Inscribitur hæc collectio *Isidori Mercatoris*, quin tamen de authore illius inter Scriptores conveniat. Multis olim persuasum erat, maxime Sæculo IX. tempore Hincmari Rhemenfis, illius Authorem esse Isidorum Hispalensem Episcopum doctrina, & sanctitate celeberrimum. Verum opinio hæc nostris temporibus exolevit, dum peritiores Critici fraudem, dolum, ac imposturam intervenisse, eique non ex alia ratione hoc nomen fuisse inditum demonstrant, quam ut major illi auctoritas conciliaretur: id quod antiquitus non raro accidisse, atque operibus hinc inde editis falsa nomina fuisse afficta ad majorem illis auctoritatem conciliandam historiæ docent (k). Sane ipse stylus barbarus, impurus, & abjectus, quo author hujus Collectionis utitur, manifeste probat, alium fuisse authorem quam Isidorum Hispalensem, quem puritas styli, elegantia Latinitatis, methodus scribendi mirum in modum commendat. Majori autem argumento est, quod in hac Collectione multi canones Conciliorum Sæc. VIII. celebratorum, nec non epistolæ Pontificum illo ipso ævo scriptæ contineantur: cum tamen constet, Isidorum Hispalensem Sæc. VII. diem obiisse supremum (l). Qua-

(h) Nemo sane gravioribus verbis in hanc Collectionem invehitur, ac Petrus Constant, cujus verba infra afferemus.

(i) Opusc. 55. cap. 24. id tamen non ex omni parte esse certum infra dicemus.

(k) Id probant Canones Apostolici, aliaque opera, quæ SS. Patribus fuere afficta, & sub illorum nomine orbi Catholico obtrusa.

(l). Quapropter alii in aliam opinionem priori haud omnino ab similem ducuntur, existimantes, Isidorum Hispalensem quandam & hanc ipsam Collectionem fecisse, eique a quodam alio Scriptore, cujus nomen erat Mercator, quosdam canones, & epistolas noviores fuisse adjectas (m). Sed neque hæc opinio sat firmo sustentatur argumento : tum quod hæc gratis dicantur : tum quod verosimiliter ratio asseri nequeat, cur hæc Isidoriana Collectio, si tamen fuit Isidori Hispalensis, per tantum temporis spatium in occulto delituerit, & non cum cæteris operibus Isidorianis orbi innotuerit. Blondellus existimat Authorem hujus Collectionis non fuisse Hispanum, sed Gallum, vel Germanum ; aut certe Isidorum quemdam fratrem germanum Eulogii Episcopi Cordubensis, qui evitandæ Saracenorum crudelitatis causa fugam arripuit in Germaniam (n). Verum hæc opinio peccat in regulas Chronologiæ : nam Isidorus ille primum innotuit Sæculo IX. circa annum 850, postquam Riculfus illam Collectionem pridem antea ex Hispania in Galliam attulit, utpote quem ad annum duntaxat 814. suam vitam protraxisse constat (o). Quidam ipsum Riculfum imposturæ reum agunt, asserentes, ipsum, ubi ubi demum, quandam canonum Collectionem obtinuisse, atque studio suo singulari, quo Romano Episcopo addictus fuerat, fuisse inductum, ut ad sustentandam auctoritatem Sedis Romanæ apud Gallos multum depressam ac attritam quasdam epistolas antiquioribus Pontificibus affingeret, vel genuinas illorum epistolas adulteret (p). Ast hæc etiam opinio nititur meris conjecturis, & vix sine injuria tanti Episcopi, qualis erat Riculfus, defendi potest. Alii iterum Authorem faciunt Isidorum Setubensem Episcopum, suamque opinionem confirmant auctoritate Chronici, quod sub nomine Juliani Toletani Diaconi in lucem prodit : in eo enim legitur, quod Isidorus Mercator Episcopus Setubensis compilationem canonum ope cujusdam Monachi composuerit, atque anno 805. e vivis decesserit ; item auctoritate cujusdam alterius Chronici, quod Luitprando attribuitur, & in quo idem Isidorus Author hujus Collectionis dicitur, cum addito, illum fuisse nominatum *Peccatorem* (q). Quoniam vero utrumque Chronicon dubiæ & subleste fidei esse dignoscitur, inde sufficiens id asseren-

(l) Vid. Blondellus in Pseudo-Isidoro Proleg. cap. 3.

(m) Petrus de Marca lib. 3. cap. 3. Van-Espen Part. 4. cap. 1. §. 1.

(n) Loc. supra cit.

(o) Gonzalez Tellez. in Appar. de Orig. & prog. Jur. Can. N. 46.

(p) Vid. Petrus de Marca lib. 3. cap. 5. N. 3.

(q) Idem loc. cit.

asserendi argumentum depromi nequit (r). Demum plures hanc Collectionem adscribunt cuidam Monacho, qui se pro more illius sæculi *Peccatorem* scripsit, quo titulo etiam Episcopi quidam gloriabantur (s). Facile itaque contingere potuit, ut nomini *Peccatoris* substitueretur nomen *Mercatoris* (t). Sed quomodo hæc probari possint, fane ignoramus. Seligat prudens Lector opinionem, quæ libuerit. Nobis nulla sufficienter est demonstrata.

Ordo Collectionis explicatur.

Itaque ad ipsam Collectionem dilucidandam gressum promoveamus. Qualis sit ordo hujus Collectionis, & quænam in illa contineantur, ex ipsius Isidori præfatione sat ampla eidem præmissa colligere licet. Primam aciem tenent Apostolorum Canones 50, quales sunt a Dionysio Exiguo latine converli: Sequuntur deinde (liceat ipsius Isidori verbis uti) *quarundam epistolarum decreta Apostolicorum id est Clementis, Anaclei, Evaristi, & cæterorum Apostolicorum*, quas hæcenus reperire licuit. Postmodum Nicænam Synodum constitutum propter auctoritatem ejusdem magni Concilii, deinceps diversorum Conciliorum Græcorum ac Latinorum, sive, quæ antea, sive quæ postmodum facta sunt, sub ordine numerorum, ac temporum, capitulis suis distincta, sub hujus voluminis aspectu collocavimus, subjicientes etiam reliqua decreta Præsulum Romanorum, usque ad S. Gregorium, & quasdam epistolas ipsius, in quibus pro culmine Sedis Apostolicæ non impar Conciliorum extat auctoritas. Pergit dein Isidorus recensere ea omnia, quæ his verbis insinuare voluit, super quibus videatur Van-Espen, qui ulteriora Isidori verba prosequitur.

Epistola Pontificum reddunt hanc Collectionem odiosam.

Quasdam earum generum, quasdam spurias.

Quod autem hanc Collectionem suspectam, odiosam & inimicam reddit, sunt epistolæ Pontificum, quas Isidorus huic suæ Collectioni inseruit, quippe quas velut supposititias, adulterinas, & confictas esse plerique hodierni Scriptores asserunt, esto in continua quasi possessione per VI. circiter Sæcula persisterint. Sunt autem duplicis generis epistolæ discernendæ; illæ nempe antiquæ a Clemente I. usque ad Siricium Pontificem; & reliquæ a Siricio usque ad Gregorium Magnum: Priores sunt sequentes: Clementis I. quinque, Evaristi duæ, Alexandri I. tres, Sixti I. epistolæ duæ, Telephori una, Hygini duæ, Pii I. quatuor, Aniceti una, Soteris duæ, Eleutherii una, Victoris quatuor, Zephyrini duæ, Callisti duæ, Urbani una, Pontiani duæ, Anteri una, Fabiani tres, Cornelii duæ, Lucii una, Stephani duæ, Sixti II. duæ, Felicis

(r) Vid. Douiat loc. cit. ubi hanc opinionem fusiori calamo refellit.

(s) Constat id ex Conciliis Turonensi. I. Parisiensi III.

(t) Van-Espen Part. 4. cap. 1.

Felicitas tres, Eutychiani duæ, Caji una, Marcellini duæ, Marcelli duæ, Eusebii tres, Melchiadis una, & altera sub nomine ejusdem Pontificis de primitiva Ecclesia, & munificentia Constantini M. erga eandem, quæ dici solet *Donatio Constantini*. Posteriores epistolæ, nempe subsequentium Pontificum sunt Anastasii I., Innocentii I., Zosimi, Bonifacii I., Coelestini I., Sixti III., Leonis I., Hilarii, cæterorumque Pontificum usque ad Gregorium I.

Atque illæ prioris generis epistolæ a Clemente I. usque ad Siri-
cium sunt, quæ tantum in Ecclesia excitarunt incendium, & in cau-
sa fuerunt, ut mox ab initio, quo hæc Collectio in Gallia innotuit, hanc
Collectionem recipere Galli dedignarentur. Ab illo autem ævo, quo
Nicolaus I. hanc Collectionem approbavit, illiusque receptionem mi-
ris modis promovit, in possessione nunquam interrupta steterunt, ac
pro genuinis a Viris & Doctoribus celeberrimis fuerunt habitæ. Ve-
rum enim vero Sæculo elapso, ubi Lutherani & Calvinistæ omnem mo-
verunt lapidem, ut venerandæ antiquitatis monumenta, quibus do-
gmata & Ecclesiæ disciplina suæ prætenfæ Reformationi contraria as-
ferebantur, vel supposititia, vel dubiæ fidei redderent, aut ad alium,
quam Ecclesia hactenus crediderat, sensum detorquerent, in has et-
iam epistolas violentas manus injecerunt, existimantes, ferme omne
argumentorum armamentarium Catholicis ereptum iri, si has epistolas
supposititias probarent. Atque inter cæteros Centuriatores Magde-
burgenses famosi prætenfæ Religionis reformatæ Antesignani hisce de-
cretalibus bellum indixerunt, & ingenti argumentorum vi illarum au-
thentiam expugnare contenderunt, quibus se nonnulli Doctores Ca-
tholici vehementer opposuerunt, quos inter ferme præcipuus fuit Fran-
ciscus Turrianus celebris S. J. Theologus. At fieri non potuit, quin
alii etiam Doctores Catholici, qui seposito præjudicio ex tot sæculo-
rum possessione ingesto rem serio secundum accuratiores critices regu-
las expenderunt, & utriusque sententiæ argumenta æqua lance pon-
derarunt, in Magdeburgensium castra abirent, illud maxime secum re-
putantes, ex harum epistolarum autoritate fidem Ecclesiæ neutiquam
labefactatum iri: dum alia innumera, eaque indubia monumenta pro-
stant, quibus Ecclesia, Religio, & fides sustentari posset. Aut fortas-
sis nobis opprobrio cessurum, ac Religioni nocivum fore existimamus,
si in rebus adia phoris, fidem neutiquam concernentibus, doctrinas A-
catholicorum adoptemus? Quare ergo antiqui Patres Ecclesiæ Stoam,
& Platonismum secuti sunt? quare principia Stoica & Aristotelica ad
explananda dogmata fidei in subsidium assumpserunt? Id sane nostris

*Epistola hæc
a tempore
Nicolai I. in
sua possessio-
ne steterunt.*

*Sæculo cla-
pso Sæclarii
eas suspectas
reddiderunt.*

*Præcipue
Centuriato-
res Magde-
burgenses.*

*Hisce se ad-
junxerunt
sinciores
Catholici.*

*Sine ullo de-
trimento res
Catholicæ.*

temporibus sæpissime fieri consuevit, ut ea omnia aspernemur, vilipendamus, & execremur, quæ ex calamo cujuscunque A catholici fluxerunt, fingentes nobis periculum, ubi non est timor: quasi vero id genus hominum omnis intellectus, omnis honestas animi, omnis amor veritatis deferuerit. Illud etiam prætereundum non est, quod eo ipso Religionem & Ecclesiam nostram periclitari faciamus, si ad illius veritatem defendendam, Ecclesiæ auctoritatem sustentandam monumenta incerta, dubia, suppositionis periculo obnoxia adoptemus.

Sed nec posterioris generis epistolæ ab omni censura immunes sunt. In his etiam imposturam, dolum, fraudem & flagitium deprehendit celeberrimus Coustant (u). Priusquam excutiamus, utrum priores illæ antiquorum Pontificum epistolæ sinceræ sint, ac genuinæ; vel magis supposititiæ, fictæ, adulterinæ, iuvabit iudicium sapientissimum mox citati Coustantii de omnibus hisce epistolis apponere. Verba illius sunt valde gravia & prægnantissima, & sic habent: *De Isidori Collectione non una est hujus ævi hominum sententia, nec una etiam hallucinatio. Sunt qui nullum in ea monumentum videant geminum, sunt & qui nullum e contrario subdititium esse prætendant. Utrique oppido peccant aut laudatione, aut censura. Et post pauca: Pontificum literas a Clemente usque ad Gregorium M. collegit Isidorus: Genuinas quotquot reperit, aut non edidit integras, aut suis interpolavit figmentis. Adulterinas vero plures confinxit: ejus itaque Collectionem vere dixeris genuinorum interpolatorum, subditorumque monumentorum congeriem. En paucis rem probamus: spurias epistolis, quas Siricii Antecessorum nominibus cohonestavit, sinceras duas Damasi admiscuit: sinceris vero ejusdem Papæ Successorum spurias iterum intescuit non paucas: Anastasio I. duas affinxit; unam Innocentio I.; Leoni unam; dein Symacho duo Decreta Synodica, ut Ennodii literas omittam duas huic Papæ adscriptas. Postea laxatis quasi habenis audendi modum sibi non fecit. Testes sunt Joannes I. II. III. Felix III. Testes Bonifacius II. Agapetus, Silverius, Pelagius I. & II., ac Benedictus, quorum auctoritate & nomine est abusus, suis ut fabulis decus & honestamentum conciliaret. Neque intra hos limites stetit injuria. Vera cum falsis permiscuisse non contentus; vera ipsa, quod gravioris flagitii est, partim interpolando, partim augendo minuendove sedavit. En iudicium sapientissimi Viri de hisce utriusque generis epistolis, cui etiam nos accedimus, & quæ communius pro demonstranda falsitate epistolarum Pontificiarum a Clemente usque ad Siricium afferri consueverunt, argumenta paucis adducimus.*

Quo-

*Judicium
sapientissi-
mum & no-
tatu dignis-
simum Petri
Coustant de
his epistolis.*

(u) In præfat. ad epist. part. II.

Quorum primum est negativum, quod illæ epistolæ ad Sæc. us- *Falsitas earum argu-
que IX. fuerint ignotæ, incognitæ, a nemine Authorum & Scriptorum, nientio nega-
qui omni cura, industria, ac sollicitudine antiqua documenta conqui-
sierunt, sicuti Eusebius & Hieronymus, citatæ, laudatæ: ubinam er-
go delituerunt, ubinam inventæ? an in scriniis Pontificum? sed quo-
modo fieri potuit, ut illas Dionysius, qui Romæ commemorabatur, cui
liber fuit accessus ad archivium Pontificium non invenerit; e contra alius
ignotus Author extraneus, peregrinus, alterius nationis, qui probabi-
lius Romam nunquam vidit, nunquam in Archivum Romanum pedem
posuit, & probabilius impostor est, illas extraxerit? num existimamus,
quod Pontifices illas non divulgassent in publicum, si in rerum natura
extitissent? quippe quæ ad auctoritatem Pontificiam stabiliendam am-
plificandamque plurimum ponderis haberent.*

Alterum Argumentum, quod nobis semper maximum visum est, *Continent*
in eo consistit, quod hæ epistolæ referant plura aperte falsa, quæ cum *plura falsa
veritate & disciplina ecclesiastica nullo modo combinari possunt: ut e- cum disci-
nim nihil dicamus, quod in iis, & quidem in epistola Clementis S. Ja- plina Ecclesie
cobo inscripta mentio fiat de vestibus sacerdotalibus, pallis, vasis sa- veteris in-
cris, calicibus, quæ ævo apostolico fuisse in usu nemo facile sibi per- lia.
suaserit; item de Metropolitans, Patriarchis, Apocrisiariis, quorum
ne quidem nomina tunc erant in usu Ecclesiæ, in his epistolis, quod
præcipuum in hac causa est, in his inquam epistolis agitur de causis
majoribus Pontifici reservatis, de Appellationibus ad Romanum Pontif-
ficem, de Synodis particularibus: item asseritur, quod nullus Episco-
pus vel Metropoli Synodum particularem convocare possit sine licentia
Romani Pontificis; quod causæ majores sint deferendæ ad Sedem A-
postolicam. Quæso quis hæc combinare valeat cum disciplina veteris
Ecclesiæ? ex qua scimus, quod Synodi particulares fuerint frequen-
tissimæ, imo ex præscripto Concilii Nicæni singulis annis bis haberi
debuerint. In his causæ majores decidæ, quin a sententia Synodi vel
appellatum fuerit, vel appellare licuerit. Quis ignorat, quantos tu-
multus in Ecclesia excitaverint hæ appellationes? ubinam legitur, quod
vel unquam Episcopi vel potius Metropolitæ facultatem celebrandi Sy-
nodos a Pontifice efflagitaverint, appellationes ad Pontifices factæ
fuerint, ipsi Pontifices causas majores sibi reservaverint? hæc profecto
& plura alia epistolæ has de apertissima suppositione ac falsitate convin-
cunt. Sane imperceptibile est, qua arte fieri potuerit, ut cum Patres *Nu'libi vel
& Synodi alias Pontificum epistolas citaverint, laudaverint, harum ne a Synodis,
unam quidem isto honore fuerint dignati, quas tamen ob suam anti- vel Patribus
laudata,
quita-quod mirum
est.**

quitatem, & auctoritatem summo in pretio, ac instar pretiosissimi thesauri habere oportuisset. Res mira, quod tot in Synodis ad dirimendas disciplinæ controversias habitis, tot in historiis, actis, monumentisque publicis ad perpetuandam rerum ecclesiasticarum memoriam conscriptis nulla earum vel levisima deprehendantur vestigia, neque ad illas fuerit provocatum, tunc etiam, quando opportunissima ad illas provocandi occasio fuit ! Quid ad stabiliendas appellationes ad Romanum Pontificem contra Orientales non tantum sed etiam Africanos opportunius afferri potuisset, quam hæc Epistolæ ? Et tamen nec in Concilio Nicæno, nec Sardicensi, nec in controversia cum Africanis in Concilio Carthaginensi tanta animorum contentione agitata Romani Pontifices ad illas provocaverunt. Tantum sub sæculi noni initia prodire in lucem, non particulatim, & ex intervallo, sed unomane, & simul conjunctæ; non in omnibus statim Ecclesiis, sed in una primum, & deinde in alia, sic tamen, ut brevi per orbem Christianum diffusæ dominatum obtinuerint. Unde autem illarum oblivio tam diuturna, unde tam repentina productio ? Evanuisse statim in suo ortu, ac dein ab Isidoro homine ignoto, nullius nominis quasi et tumulo excitatas esse nemo credat, nisi qui Pontifices Romanos non novit, quorum in servandis Decessorum suorum constitutis quam accurata, tam constans fuit diligentia.

Accedunt alia argumenta, quæ tamen tanti roboris esse non videntur, Stylus barbarus, impurus, erroribus & solœcismis plenus, falsæ notæ, loca Scripturæ perperam citata ex versione Hieronymiana, quæ nondum extitit. Hæc sane & his similia argumenta tanti videntur ferme omnibus Viris doctioribus ævi nostri, illis etiam, qui cæteroquin sedi Pontificiæ sunt addictissimi, jurium Pontificiorum conservandorum studiosissimi, & nihil non agunt, ut Pontificis auctoritatem mirum in modum extollant, ut illorum patrocinium assumere non audeant. Qualis & quantus Jurium Pontificiorum vindex fuerit Cardin. Bellarminus, nemo ignorat, & tamen candide fatetur, quod has epistolas indubitatas esse affirmare non audeat. Quid de Christiano Lupo, Labbeo, Papebrochio, Sirmondo, Petavio, & Doctoribus Galliæ ferre ad unum omnibus dicamus ? quorum certe omnium testimonia singularem considerationem, & omnino legi merentur. Nobis ea proferre rerum circumstantiæ non permittunt.

Itaque miramur, quod unus alterve studio*excessivo defendendæ auctoritatis Pontificiæ illectus propter auctoritatem unius alteriusve Doctoris purpura cardinalitia rubentis pro epistolarum harum authenticâ quasi

Sæculo nono prodierunt in lucem.

Doctores sed Pontificiæ addictissimi illas amplius defendere vix audent.

quasi pro aris & focis dimicare audeat. Neque licebit hinc Authoribus ad possessionem continuam, ad præscriptionem, ufucapionem completam, inmemorialem, sexcentenariam provocare: hæc enim quantum valeat in quaestionibus pure historicis, tunc potissimum, quando vitiosum initium, mala fides & possessio injusta ostendi valet, nemo sane ignorat. Impostorem fuisse harum epistolarum confarinatorem, & hoc ipso mala fide, dolo, fraude egisse hætenus demonstratum est. Vehementer & conitanter illarum receptioni se se oppofuerunt Galli: sed tandem authoritati Nicolai I., illiusque Successoribus acceptationem urgentibus cedendum fuit: & hoc modo possessionem ab initio turbulentam; postea vero & successu temporis quietam obtinuerunt. Nullam sane valere possessionem, nullam præscriptionem, nullam ufucapionem ex communibus Juris regulis scimus, si de illius pessimo initio constet. Quot non habemus opiniones antiquatas, quæ olim ingenti cum applausu defensæ, nunc vero temporis e solo suæ authoritatis jure optimo dejectæ, detrusæ sunt, & exauthoratæ?

Neque existiment Doctores, ex harum epistolarum proscriptio Ecclesiæ generari præjudicium: quantum enim præjudicium illæ attulerint Ecclesiæ, ex supra citato Petro Constantio discant, cujus verba referre operæ pretium duximus: Porro hac fraude, ait, quam sit perniciosose de Ecclesia meritis, dici vix potest: hinc debilitati penitus, fractique disciplina nervi, perturbata Episcoporum jura, sublata judiciorum leges, aut miserum saltem in modum afflicta. Hinc discordiarum, seditionum ac litium seges immensa, quæ tot sæculis ad Ecclesiæ dedecus, fideliumque offensionem fruticavit. Neque id solum, sed alienæ etiam communionis hominibus aperta ingens ad calumniam fenestra. Cum enim putida tot scripta mendacii insinulare promptum esset, ac re quidem vera insinularent ipsi, convincerentque, gradum inde ad genuina in dubium vocanda fecerunt. Errorem, ut par erat, resellere parum contenti in veritatem ipsam involarunt. Exprobrata Catholicis nimia credulitas, fuco falsi adpersa sapientissima decreta, sanctiores ritus explosi, rejecta sine pudore ac modo fundatissima quæque Summorum Pontificum jura, aut certe ad tenuem exilemque umbram redacta &c. Hæc ideo adducere placuit, ut æqui bonique rerum aestimatores videant, quantum interfit Ecclesiæ, ne illius authoritatem dubiis superædificemus fundamentis.

Duo adhuc animadvertenda, quorum primum, quod hætenus dicta non sint intelligenda de omnibus epistolis: Sunt enim earum quædam, de quarum authentia aperte constat, quales sunt potissimum sequentes: S. Cornelii, quæ extat inter opera S. Cypriani, Julii I. a S. A-

thanasio in Apologia II. laudatæ; Liberii a S. Hieronymo inter fragmenta recensitæ; & dux Damasi, una ad Paulinum Antiochenum, & altera ad Illyrii Episcopos exaratæ.

Alterum est, quod Author hujus Collectionis ne quidem ab adulterandis epistolis posteriorum Pontificum manus abstinerit, falsas illis affinxerit, veras corruerit, quemadmodum fufius demonstrat sæpe laudatus Coustant.

De receptione & autoritate hujus collectionis.

Reliquum est, ut de receptione & autoritate hujus Collectionis agamus. Auspicemur ab Ecclesia Romana. Utrum illa ante medium sæc. IX. nota vel incognita, multo magis, an ad normam legis recepta fuerit, jure optimo vocatur in dubium: Quippe quod Leo IV., cujus mors incidit in annum 847. tam tacite præterierit, quando in epistola ad Episcopos Britanniae data recenset omnes Constitutiones Apostolicas, secundum quas ex more recepto tunc causæ ecclesiasticæ in judiciis terminandæ erant (x). Ex quo iterum manifestum fit argumentum, illas nondum in Apostolicæ Sedis scrinia fuisse relatas, usque tunc incognitas, multo minus usu fuisse receptas. Hujus infallibile testimonium præbet ipse Nicolaus I. dictæ Collectionis Promotor sane primus, & præcipuus, qui, dum Galli eandem recipere dedignabantur, & in epistola ad illos exarata pro illius susceptione vehementer instabat, libere fassus est, illam nondum in Codicem Ecclesiæ Romanæ esse relatum, atque Gallos hoc argumento urgebat: quod, licet Scripturæ sacræ in eo non extent, nihilominus omni reverentia sint recipiendæ (y). Itaque tempore Nicolai I. potissimum Romæ inclarescere coepit hæc Collectio, cujus receptionem præfatus Pontifex mirum in modum, præcipue apud Gallos urgebat, ut adeo vix dubium superesse valeat, quod a tempore Nicolai in Ecclesia Romana autoritatem & usum summum obtinuerit.

In Gallia ætissime fuerunt admixta.

Quid in Gallia actum sit, ex dictis colligendum est. Attulerat primus hanc Collectionem Riculfus Moguntinus, & rem eo deduxit, ut eidem multum honoris attributum, & ex ea multa decreta Capitularibus Francorum inserta (z) neutiquam tamen in vim legis, & in censum canonum a Gallis fuerint relata. Testis hujus est Hincmarus, qui Hinc-

(x) Epistolam refert Baronius ad annum 855. subjungens: *Vides, hæcenus non usu receptas epistolas illas, quæ ante Sylvestrum diversorum feruntur Romanorum Pontificum, ab Isidoro collectas.*

(y) Epist. 42. quam fufius refert Hincmarus infra citandus.

(z) Petrus de Marca lib. 3. cap. 5.

Hincmarum Laudunensem graviter reprehendit, quod ex epistolis huic Collectioni insertis Collectionem privatam ad usus suæ Ecclesiæ confuerit (a). Hæc res ubi ad aures Nicolai I. pervenerat, gravem scripsit epistolam ad Episcopos Galliæ Anno 865., & receptionem Collectionis Isidorianæ modis, quibus poterat, omnibus urgebat, atque Gallorum argumenta refellere omni conatu contendeat (b). Sed incassum: Insistebant Galli suis antiquis juribus etiam post obitum Nicolai I., quando de judiciis Episcoporum & autoritate Synodorum Provincialium cum Hadriano II., & Joanne VIII. disceptabant, neque persuaderi poterant, ut collectionem a se hæctenus explosam reciperent, & a rigore antiquorum canonum recederent. Cur autem Nicolaus tanta contentione exegerit a Gallis, ut his epistolis in censum canonum admittendis se faciles præberent; ipsi vero tam constanter antiquis suis canonibus inhaerent, hæc una ratio, teste Petro de Marca (c) Nicolao persuasit, ut nempe Episcopos Romanæ Sedi *sine medio* subjiceret: nam adhuc in Gallia vigeant Synodi Provinciales: has sine consensu Pontificis Galli celebrabant: in his pro suo arbitrio causas criminales cognoscebant, Episcopos deponebant, causas majores suo judicio independentes a Pontifice decidebant, id quod Pontificem ægre tulisse, persuadent ipsæ literæ ad Episcopos transmissæ (d). Tandem vero eo deventum est, ut tantis nominibus veterum Pontificum cesserint una cum Episcopis cæteris etiam Gallicanæ Ecclesiæ Rectores, qui in Concilio Rhemenfi ab Hugone & Roberto Regibus Francorum anno 992. coacto Anacleti, Julii, Damasi, aliorumque Pontificum epistolas in decidendâ causa Arnulphi adhibuerunt, & in censum suorum canonum receperunt. Abeo tempore Collectores canonum Burchardus Wormatiensis, Ivo Carnotensis, Gratianus consarcinatas ab Isidoro epistolas seu integras, seu truncatas, prout ipsis visum fuerat, suis codicibus inseruerunt: unde factum est, ut hæc collectio in summam ubivis terrarum auctoritatem ascenderit, atque in Germania etiam obtineret, tunc præcipue, quando Burchardus Wormatiensis suam collectionem in lucem publicam emisit, quæ aliunde maximæ apud Germanos, quorum erat

Et quare?

Tandem a Gallis & Germanis recepta.

- (a) Opusc. adversum Laudunensem cap. 24. & 25.
 (b) Hujus argumenta mox antea attigimus, & videri possunt in cit. Epist. 42. quam refert Hincmarus & Petrus de Marca loc. cit.
 (c) Petrus de Marca lib. 3. cap. 6. Douiat. lib. 3. cap. 20.
 (d) Verba Nicolai sic habent: *Et si sedem Apostolicam nullatenus appellasset, contra tot tamen & tanta vos decretalia efferre statuta, & Episcopum inconvulsis nobis deponere nullo modo debuisset.*

*Exinde cre-
vit authori-
tas Pontifi-
cum.*

erat Episcopus, authoritatis fuit. Inde ulterius consequebatur, quod cessantibus Synodis Provincialibus quamplurimæ causæ & appellationes ad sedem Romanam fuerint devolutæ, & hac ratione Authoritas Pontificia mira incrementa cum restrictione non modica jurisdictionis Episcoporum acceperit. Atque hæc de celeberrima hac collectione Pseudo-Isidoriana dicta sufficiant.

§. VII.

*Pœnitentia-
le Halitga-
rii.*

Plura in præcedentibus recensuimus Pœnitentia. Occurrit hic breviter dilucidandum Pœnitentiale Halitgarii Episcopi Cameracensis, qui adhortante Ebbone Archiepiscopo Rheimensi librum pœnitentialem scripsit, cui etiam multa alia ad disciplinam ecclesiasticam pertinentia immiscuit. Erat Halitgarius amicus Ebbonis, & socius itineris, quicum in Daniam prædicandi Evangelii causa profectus est: inde reversus munere legati functus fuerat ad Michaëlem Imperatorem Orientis, quorum Ludovicus Pius ipsum miserat. Opus suum compilavit circa annum 824. illudque divisit in quinque capita, in quorum primo per 12. capita de vitiis & remediis contra illa; secundo per 10. capita de virtutibus; tertio per 16. capita de regulis pœnitentiæ; quarto per 34. capita de pœnitentia laicorum; & quinto per 19. capita de pœnitentia Clericorum agit. Addunt aliqui librum sextum: quia vero in antiquioribus exemplaribus quinque duntaxat libri reperti sunt, & ipse Halitgarius de se testatur, quod libros quinque composuerit, in eam aliqui sententiam se induci patiebantur, ut crederent, librum illum sextum esse antiquum Pœnitentiale Romanum ab Halitgario ex archivio Romano descriptum. At vero probant accuratiores Historici, pœnitentiale Romanum non esse adeo antiquum, post tempora Halitgarii collectum, Rabano Mauro cœvum, aut certe eo ævo per appendices auctum. Hoc solum addendum, quod opus istud Halitgarii inter libros Rabani Mauri reperiatur, & propterea quidam Scriptores illud Rabano adscripserint, de quo infra. Qui plures libros pœnitentiales legere vult, legat Joannem Morinum, qui solcite illos omnes conquisivit (e), ac inde ducit argumentum, quod ferme omnes Episcopi in suis Diocesisibus habuerint suos peculiare libros pœnitentiales, qui pro regulis indicendæ pœnitentiæ essent. Cum libris pœnitentialibus confundi non debent *Canones pœnitentiales*, quales leguntur ad calcem Decreti Gratiani, qui sunt desumpti ex summa Asteni (f): nam ipsi canones sunt desumpti ex epistolis canonicis antiquorum Patrum, & simpliciter tradunt, quid li-

ceat,

*De libris
pœnitentia-
libus agit
Morinus.*

*Canones
pœnitentia-
les distin-
guantur a
libris pœni-
tentialibus.*

(e) In Additamentis ad tract. de administ. Sacram. Pœnit.

(f) Vid. Douiat. lib. 3. cap. 32.

ceat, & quid non liceat, & quæ pro unoquoque peccato secundum aliquam epistolam vel librum statuta sit pœnitentia: libri vero pœnitentiales plures in eandem rem congerunt authoritates, quibus pœnæ illæ adstruuntur, & communius præces imponendæ pœnitentiæ, ac dandæ absolutionis adiungunt.

§. VIII.

Aliquoties mentionem fecimus Viri literatissimi, ac sanctissimi Ra-
bani Mauri, qui fuit discipulus Alcuini Scriptoris celeberrimi (g), Mona-
chus & Abbas Fuldensis, ac ultimo Archiepiscopus Moguntinus re-
nuntiatus. Præter alia scripsit tria opera, quorum primum inscribitur: *Li-
bri tres de Clericorum institutione, & caeremoniis Ecclesiæ e veteri & novo tes-
tamento ad Haisulphum Archiepiscopum.* In quorum primo, qui constat
33. capitibus, tractat de tribus Ordinibus laicis, Monachis, & Cleri-
cis, & horum diversis gradibus; in secundo per 58. capita de officiis,
& precibus Canonicorum, pœnitentia, lytaniis, jeuniis &c.; in ter-
tio per 39. capita de studiis Clericorum, doctrina, & methodo docen-
di &c. Item de sacris Ordinibus, Sacramentis divinis, & vestimentis sa-
cerdotalibus. Alterum de sacris Ordinibus, Sacramentis divinis, & vesti-
mentis sacerdotalibus: Constat 39. capitibus: attamen in Abbazia Ful-
densi duntaxat 19. capita sunt reperta. Tertium inscribitur de *Discipli-
na ecclesiastica*, & continet tres libros, quibus magis de rebus fidei,
quam disciplinaribus agit. Opus præcipuum Rabani huc spectans est
liber pœnitentialis ex Canonicis Constitutionibus. Ajunt, hunc librum ab
ipso fuisse scriptum, dum adhuc Abbatem agebat anno 841. postea ad
Heribaldum transmissum an. 853. vel 854. dum jam Archiepiscopatum
Moguntinum tenebat. Verum de hoc multum disceptatur, quemad-
modum de *quæstionibus* canonum pœnitentialium &c. videantur Scri-
ptores (h).

§. IX.

Inter Viros suo ævo celeberrimos, & doctrina spectatissimos facile
præcipuus erat Hincmarus postea Archiepiscopus Rhemensis. Hic ex mari Rhe-
nensi natalibus progenitus anno 801. primos vitæ annos nunc in-
ter Canonicos, nunc Monachos, nunc in aula regia translegebat, us-
que

(g) Optat orbis literarius universus, ut opera Alcuini brevi lucem publicam sub
cura Benedictini literatissimi aspiciant, quorum nuper admodum conspectum
vidimus.

(h) Vid. Pertschius loc. sæpius cit. pag. 178.

quedum cathedram Archiepiscopalem conscenderit. Scripsit opera plura, quæ Jacobus Sirmondus anno 1645. in duos Tomos divisa per typum orbi literario communicavit (i). Hic cum esset sacrorum canonum ac disciplinæ ecclesiasticæ peritissimus, plura sub nomine eo tempore communissimo *Capitulum* ad informandum Clerum suum apprimè utilia conscripsit. Atque de his, utpote quæ sola aut saltem præcipue ad scopum nostrum facere videntur, paucis dispiciendum. Prima sua capitula numero 17. ad instar regularum & instructionum ad suos Clericos scripsit anno 852.: paulo post addidit 26. alia, & iterum anno 857. adjecit 3. Post Synodum Rhemenfem anno 874. celebratam 5. alia, ac demum 13. Capitula pro suis Archidiaconis. Hæc capitula sunt maximæ sane æstimationis, utpote in quibus quamplurima continentur, quæ disciplinam ecclesiasticam illius ævi, ritus & ceremonias mire illustrant, & præcipue pro instructione Clericorum faciunt. Brevem illorum Exegesein legere licebit in Pertschio (k).

*Collectio Capitularium
Isaaci Lingonienfis.*

Aliam Collectionem Capitulum habemus Authore Isaaco Lingonienfi, qui vixit post medium Sæculi IX. Opus suum divisi in titulos undecim; & hos iterum in diversa capita. Pleraque hausit ex tribus libris Capitulum, quæ Benedictus Diaconus Moguntinus collectioni Capitularium ab Anlegiso Abbate adornatæ superaddidit.

Herardi Turonensis.

Hujusmodi Capitula numero 140. debemus etiam Herardo Turonensi Archiepiscopo, quæ suo Clero observanda in quadam Synodo a se anno 858. celebrata proposuit, & potissimum ex variis Conciliis, & Capitularibus Francorum sunt deprompta. Inter hæc speciali mentione dignum est Capitulum 61. in quo leguntur diversa festa præcipua eaque non pauca, quorum celebratio præcipitur (l).

Gualteri Aurelianensis.

Aliam Collectionem Capitulum debemus Gualtero Episcopo Aurelianensi, quam Ludovicus Cellotius S. J. Vir admodum celebris in lucem edidit, & notis illustravit. Continet Capitula 24., in quibus Archidiaconis regulæ in Visitationibus observandæ; cæteris Clericis præcepta bene vivendi; omnibus & singulis certæ festivitatis celebrandæ præcipiuntur. Plurima ex parte hæc Capitularia sunt excerpta ex Capitularibus Francorum, Synodo Nicæna, constitutionibus Apostolicis, Capitularibus Hincmari, & Herardi.

Alia

(i) In hac editione non omnia Hincmari opera reperiuntur. Quædam adhuc alia videre est in collectione Conciliorum, & in Spicilegio D'Acherii.

(k) Loc. cit. pag. 182.

(l) Nominatim festum Nativitatis Domini, S. Stephani, S. Joannis Evangelistæ SS. Innocentium, Octava Domini, festum Apparitionis, Purificationis, Assumptionis, Ascensionis, Pentecostes & plura alia.

Alia adhuc circumfertur Collectio Capitularium, cujus nec tem-
pus, nec Authorem esse notum non pauci existimant. Rebus tamen
melius inspectis compertum fuit, illam esse meram copiam Capitularium
Theodulfi Episcopi Aurelianensis, hoc solo cum discrimine descriptam,
quod Collectio Theodulfi 46.; hæc autem 45. contineat. Etsi hæc Col-
lectiones exigui pretii esse videri possint, securos tamen reddo Lecto-
res, & rerum historicarum peritiores, in iis quamplurima eaque sane uti-
lissima, & ad res historicas medii ævi illustrandas summe necessaria
comprehendi. Præcipue autem in illis multa de Chorepiscopis, de Ele-
ctionibus, & ordinationibus Clericorum, de celebratione festorum
continentur, præter regulas, ordinationes, & præcepta, quæ Cleri-
cis, Archidiaconis, aliisque Officialibus præscribuntur.

§. X.

Inter cæteros medii ævi Scriptores, qui rem Literariam Germaniæ
exornarunt, Patriæ suæ haud exigua gloriæ ornamenta attulerunt, ac
Ecclesiæ Catholiciæ utiliores operas locarunt, jure meritissimo nume-
randus venit Regino Abbas Monasterii Benedictini Prumiensis Archidia-
ceus Trevirensis, qui æmulum artibus cedere coactus, Richardo
Successore relicto, Treviros migravit, ubi in celeberrimo Monasterio S.
Maximini vitam egit reliquam, hortatu & jussu Radbodi Archiepiscopi
Trevirensis Collectionem canonum sub titulo de ecclesiasticis Disciplinis
& Religione Catholica ad usum præfati Archiepiscopi, ac totius Archi-
diaceus composuit, & circa finem Sæculi IX., vel initium decimi an-
no 906. adornavit. Usus est Regino in cudendo hoc Opusculo non vul-
gari artificio, & ad exemplum Martini Bracarensis opus suum divisit in
duos libros, in quorum primo, quod 443. capitibus constat, tractat de
rebus & personis ecclesiasticis; in secundo, quod continet capita 446.
de vita & conversatione Laicorum. In fronte primi libri ponitur *forma*
la Inquisitionis, secundum quam Episcopis procedendum in causis Cleri-
corum; ad initium autem Libri secundi *Inquisitio* in causis Laicorum obser-
vanda: Nam moris erat tunc temporis, ut Presbyteri, quibus cura ani-
marum erat demandata, semel in anno Episcopo, ejusque Ministris
suæ villicationis rationem redderent. Quoniam vero magna erat rudi-
tas temporum, & ignorantia Clericorum, visum fuit illis quoddam bre-
vissimum Breviarium componere, ut, qua arte ipsis sit procedendum in
causis Inquisitionum, docerentur. Talis Inquisitionis formula illa fu-
isse videtur *Admonitio*, quæ sub nomine Leonis IV. extat Tom. 8. Conci-
liorum, & singulares vivendi & docendi regulas ecclesiasticas comple-
titur. Hæc admonitionis formula usum habuit tam in Synodis, quam

Hæc Collectio ex Synodis, Patribas, Codice Theodosiano, Capitularibus Francorum, legibus Burgundiorum &c. congesta. in visitationibus obeundis, & secundum hanc inquirendum erat in vitam & mores tam Clericorum, quam Laicorum (m). Atque ut Regino interrogationibus in inquisitione faciendis majus robur conciliaret, illas autoritate canonum, ordinationum episcopaliū, doctrinarum Ecclesiæ, ac ipsarum etiam legum civilium stabilire contendit. Ex Synodis præter canones Synodorum Orientis, Italiæ, Galliæ, Hispaniæ canones Synodorum Germaniæ sedulo collegit. Ex epistolis Pontificum adhibuit illas, quæ a Siricio usque ad Hormisdam fuerunt scriptæ, & rarissime ad epistolas spurias Pseudo-Isidorianas provocavit: quod sane argumento est, Reginonem illas parvi, vel pro suspectis habuisse. Ex Patribus prælegit doctrinas, & libros Basilii, Ambrosii, Hieronymi, Augustini, Gregorii, Cassiani, Ferrandi, Fractuosi, Aureliani, Theodori, Bedæ, Rabani. Ex collectionibus legum civilium plura ex codice Theodosiano, ac præcipue ex capitularibus Francorum, nec non ex legibus Burgundiorum, & Ripuariorum deprompsit. Ex his facile constat, hanc collectionem maximè esse habendam, sequè ipsam ex multis capitibus commendare. Commendat se, quod in ea referantur pleraque disciplinæ ecclesiasticæ capita; Item quod antiquiorem, & noviore formulam procedendi in causis Inquisitionis tam Clericorum, quam Laicorum fideliter & accurate describat, illam ex purioribus fontibus Conciliorum, præcipue epistolarum Pontificiarum, prætermisiss Pseudo-Isidorianis compilaverit, canones Conciliorum Germaniæ sedulo collegerit, capitularia Cæsarum Germaniæ magna cum industria inseruerit, & ipse Collector primus omnium in Occidente fuerit, qui canonibus ecclesiasticis leges codicis Theodosiani, cum capitularibus Caroli Magni adjunxerit, ut adeo hæc Collectio jure optimo instar *Nomocanonis* valeat; ac denique quosdam etiam canones, qui hætenus vellelatuerunt, velerant deperditi, nobis reservaverit, quales sunt Concilii Triburiensis, & cujusdam Concilii Rothomagensis, quos Regino hinc inde citat, qui tamen in vulgatis editionibus non reperiuntur. Hos tamen esse genuinos & sinceros multis argumentis comprobari potest: quandoquidem non raro accidit, ut quædam monumenta vel casu perierint, vel sub Bibliothecarum pulveribus delituerint; in Collectorem vero utpote Virum probum, doctum, sincerum, & ultra modum sedulum nulla probabilis imposturæ vel doli, vel suppositionis suspicio cadere possit. Quid de accurata methodo, qua cæteris Collectoribus exemplo optimo præluxit, dicamus? siquidem Regino non modo ad exemplum Martini Bracarensis suam Collectionem in duos libros accurate divisit,

Meretur singularem commendationem.

visit, verum etiam canones, & instituta ecclesiastica sub distinctis rubricis collegit, quæ dein methodo Burchardus, Ivo, & Gratianus inceserunt. Hæc Collectio, cum maxima ex parte in usum ecclesiarum Germanicarum compilata sit, mirum videri debet, quod Scriptores historię Germanicę illius parciolem mentionem fecerint, illaque sub pulveribus Bibliothecarum tamdiu latuerit, donec Joachimus Hildebrandus Doctor Helmstadensis anno 1659., & post ipsum Stephanus Baluzius 1671. illius editionem longe accuratiorem & ampliorem cum notis elegantissimis adornaverit. An, & qualem auctoritatem, & usum hæc Collectio in Germania habuerit, non satis constat.

§. XI.

Alterum Germaniæ decus & ornamentum est Burchardus Wormatiensis natione Hassus, illustri Prosapia oriundus, qui Confluentię studiis vacavit; dein factus Monachus in monasterio Leobienſi Ord. S. Bened., ex aliquorum opinione Canonicus Leodienſis, Conrado Salico a studiis, ac ultimo Episcopus Wormatiensis factus fuit, atque Synodo See-ligentadensi interfuit, cujus canones etiam suę Collectioni adjunxit. Hic ergo, ut labentem Ecclesię disciplinam restauraret, & ignorantię Sæculi per omnem orbem grassanti remedium quæreretur, *magnum Canonum volumen*, quod hodie ita per abusum ad exemplum forsan *Decreti Gratiani* vocatur, scripsit, ut adeo a Scriptoribus sui ævi haud immerito Restaurator *Juris Canonici* prædicetur. Ut hoc opus meditaretur, & in se susciperet, Authores fuere Waltherus Episcopus Spirensis, Brurigo Præpositus Wormatiensis: & Olbertus quondam in Monasterio Leobienſi Burchardi Magister (n). Volumen istud constat 20. libris: unicuique libro suam particularem materiam Burchardus attribuit: singulorum librorum indicem & summam in fronte operis præmittit, quem legendum exhibet Van-Eſpen (o). Hoc unum dolendum, Burchardum pro Sæculi sui obscuritate & injuria temporum nullum habuisse scriptorum delectum, sed omnia, quæ suo scopo videbantur congruere, in unum congestisse, opusque suum multis apocryphis & falsis documentis impleville. *Ea enim erat Sæculi, quo floruit Burchardus, mira apocryphia*, ait citat. Author, ut *authenticum crederetur, quidquid in Canonum, aut aliorum monumentorum Collectionibus inveniebatur.*

In eo ergo peccavit Burchardus, quod fontes puriores non consuluerit, sed aquam putridam ex lacunis hausit. Nempe quidquid canonum, epistolarum, doctrinarum suę Collectioni inseruit, id omne

Kk 3

ferne

(n) Ita refert ipse Burchardus in epistola operi suo præfixa.

(o) Part. 5. cap. 2.

ferme ex Collectionibus Isidori, & Reginonis hausit. Et quid mirum? Erat enim tunc temporis Collectio Pseudo-Isidoriana ingentis auctoritatis, eidem tanquam Evangelio novo assurgebatur, paucis admodum suspecta, aut corrupta videbatur. Reginona fortassis etiam in usu Ecclesiæ aliquo saltem fuit: etiam hanc aggressus fuit Burchardus, nomen Authoris nihilominus altum siluit: num fortassis, ne hominibus plagarius videretur, aut ut suo nomini majorem gloriam & famam compararet? sed absit, ut hæc & talia de Viro ab Ecclesia multum merito cogitemus. In eo tamen multum famæ & gloriæ cedere debet Reginoni, quod hic accuratorem longe crisin habuerit, Collectionem illam Isidorianam cum ingenti moderamine & circumspectione adhibuerit, & admodum pauca in suos usus inipenderit, dum Burchardus integram rerum sarraginem suæ Collectioni immiscuit (p). Hinc factum, ut quemadmodum Burchardus neglectis fontibus rivulos & stagna consuluit, ita qui post Burchardum collectiones compilarunt, illius fidem secuti plurima ab ipso collecta in suas collectiones derivaverint.

Reginona est accuratior, quam hæc.

Vocatur magnum Canonum volumen.

Collectio hæc, sicut supra monuimus, dicitur *magnum Canonum volumen*: ex 20. Libris constat, & circa annum 1022. fuisse completa existimatur; nunquam tamen integra lucem publicam aspexit: etsi enim sub numero 20. Librorum Parisiis, & Coloniae edita fuerit, fatentur nihilominus Scriptores, in hac editioe vix sextam illius partem comprehendi; integrum vero opus adhuc in quibusdam Galliæ Bibliothecis asservari (q).

De illius auctoritate satis non constat.

De illius auctoritate per Germaniam & Galliam non satis constat. Illam non fuisse levem indubitanter asserit Boehmerus, atque id inde colligit, quod eodem Sæculo Ivo Carnotensis ad exemplum Burchardi simile opus molitus fuerit: utrum hæc conjectura alicujus sit momenti, æquus rerum Censor judicabit. Quid si Collectio Reginonis adhuc velut latuit, aut saltem nondum usu invaluit, & ambo Burchardus & Ivo palmam sibi præripere contenderunt?

§. XII.

Collectio Ivonis Carnotensis.

Reginonem & Burchardum pressio pede sequitur Ivo, ante Canonicus, postea Episcopus Carnotensis, qui suam ecclesiam ab anno 1090, vel 1092. rexit ad annum usque 1115, vel 1117. Duplex sub ejus nomine extat Collectio Canonum, una quæ vulgo dicitur *Decretum Divi Ivonis Episcopi Carnotensis*, quam tamen ipse Ivo inscripsit in prologo sui operis: *Exceptiones ecclesiasticarum Regularum*. Atque hanc Collectionem

(p) Vid. Maastricht in Hist. Jur. Eccles. N. 254. ubi harum rerum seriem refert. Item Van-Espen loc. cit.

(q) Pertschius loc. cit. pag. 197.

nem esse genuinum illius ſœtum, nemo, quantum ſaltem nobis conſtat, hæcenus dubitavit. Opus iſtud eſt diviſum in 17. partes. Accidit ex miſera temporum conditione Ivoni, quod Burchardo: nam & ipſe collectionem ſuam non ex fontibus, ſed rivalis & ſtagnis, id eſt præcedentibus canonum Collectoribus, aut poſteriorum temporum Scriptoribus collegit, & non pauca ex Burchardo mutuavit. Duo ſunt ſingularia in hac Collectione, quæ non reperiuntur in Burchardiana, quorum primum eſt, quod Ivo in parte ſecunda ſui Decreti plures Conciliorum & ſanctorum Patrum doctrinas ad hæreſin Berengarianam per Eccleſiam tunc graſſantem confutandam & ad confirmationem Dogmatis Catholici pro reali præſentia Chriſti collegit. Alterum eſt, quod ipſe primus fuerit, qui Jus Civile cum Jure Canonico conjunxit: quamvis enim Regino multa ex Codice Theodoſiano ſuæ Collectioni inſeruerit, nemo tamen anteriorum Collectorum in Occidente Jus Juſtineaneum cum Jure eccleſiaſtico permixciſſe legitur. Opus iſtud bina vice nempe Anno 1561, 1647. Lovanii una cum aliis illius Opellis fuit impreſſum, & in duos Tomos diviſum. Hujus Epitomen legendam præbet Perſichius.

In quo differat a Burchardiana.

Ivo primus fuit, qui Jus Civile cum Canonico conjunxit.

Altera, quæ inſcribitur Collectio Ivonis vocatur *Pannormia*: ſed non convenit inter Scriptores, quiſnam illius ſit Author. Duplex dubitandi eſt ratio, quarum prima eſt, quod *Pannormia* eandem cum *Decreto* Præſationem habeat, quo factum, ut Viri eruditi non pauci crediderint non eſſe Ivonis opus, ſed Hugonis cujuſdam Catanaunenſis, aut alterius incerti Authoris, quem *Decretum* Ivonis in compendium redegiſſe autumant, idque probare contendunt ex Vincentio Bellovacenſi, qui reſert, Hugonem ex volumine abbreviato Libellum portatilem compoſuiſſe, qui *Summa Decretorum Ivonis* appellatur. Altera eſt quod ad calcem *Pannormiæ* quædam Innocentii II. decreta deſcripta legantur: cum tamen ille Pontifex multis poſt obitum Ivonis annis cathedram Pontificiam conſcenderit. Itaque Scriptores quidam hanc *Pannormiam* dicto Huberto; alii cuidam alteri ignoto Ivoni; & alii denique Hildeberto Archiepiſcopo Turonenſi attribuant. Verum hæc argumenta tanti non ſunt, ut Ivoni hæc collectio abnegari valeat: eo quod Scriptores antiquiores omnes, & hodierni plerique Ivonem pro Authore illius habeant, & illa Decreta Innocentii II. in antiquioribus exemplaribus omnibus non reperiuntur: idcirco facile contingere potuit, ut manu quadam tertia adjecta ſint. Iſtud ipſum argumentum probat, Hugonem illum neutiquam *Pannormiæ* Authorem dici poſſe: quia in dictis Codicibus *Pannormia* ſimpliciter *Pannormia*, vel non nunquam *Summa Decretorum Ivonis* vocatur, Itaque verofiſſimum eſt, quod Ivo primitus ſuam *Pannormiam* compoſuerit, ac poſtea, dum illam ab orbe literario cum

Altera Ivonis Collectio vocatur Pannormia.

De authore hujus Collectionis dubitatur.

Indicatur Ivoni.

*De authori-
tate illius
non constat.*

cum applausu receptam conspexit, ingenii sui vires ad opus quoddam majus elaborandum intenderit. Pannormia hæc complectitur 8. partes, & primo typis fuit impressa Basileæ an. 1499. postea Lovanii 1557. De authoritate & usu hujus Collectionis admodum pauca reperire licuit.

§. XIII.

*Referuntur
Collectiones
minus cele-
bres.*

Hucusque celebriores Juris ecclesiastici Collectiones recensuimus, & in quendam ordinem redegitimus. Superest, ut cæteras minus celebres, quæ circumferuntur, non nihil lustremus, & quibusdam notis ac animadvertionibus illustremus. Sunt autem potissimum sequentes: Anselmi Lucensis, Gregorii VII, Cardinalis Presbyteri nomine Deusdedit, Gregorii Presbyteri, quæ *Polycarpus* dicitur, & Bernardi Papiensis *Populetum*.

*Collectio An-
selmi Lucen-
sis.*

Erat Anselmus patria Mantuanus, professione Monachus Benedictinus, & demum Episcopus Lucensis in Tuscia an. 1071. de quo referunt, quod ab Alexandro II. ad Imperatorem fuerit missus, ut investituram per annulum & baculum tunc temporis consuetam peteret, hujus autem rei poenitudine ductus relicto episcopatu in monasterium se abdidit, dein a Gregorio VII. revocatus, acerrimus in defendendis juri-bus pontificiis ei adjutor fuerit. Id indigne ferens Henricus IV. Imperator suo ipsum episcopatu privavit, coegitque, ut se Mantuam reciperet, ubi vitam reliquam sanctissime vixit, obiitque & sepultus est Mantuæ 1086. Corpus illius adhuc incorruptum Mantuæ asservari scribunt. Huic ergo præter libros duos contra Guibertum Antipapam, & collectanea quædam adscribitur Collectio canonum, cujus titulus in Codice Romano sic habet: *Authentica & compendiosa Collectio regularum & sententiarum SS. Patrum, & authorabilium Conciliorum*. Constat hæc Collectio libris tredecim, & secundum exemplar quoddam antiquum duntaxat duodecim, quos quam brevissime recenset Douai (r).

*Dubitatur,
an sit Ansel-
mi.*

Multum apud eruditos ambigitur, utrum hæc Collectio sit Anselmi? fundamentum dubitandi præbet, quod huic Collectioni inserta sint Decreta variorum Pontificum Anselmo longe posteriorum Urbani II., Paschalis &c. Verum quoniam id inanè aliena fieri potuit, & factum esse creditur, eo quod constitutiones illæ in antiquioribus exemplaribus, nequidem in illo, quod Romæ in Vaticana Bibliotheca asservatur, reperiuntur, non pauci eruditi illam adhuc Anselmo vindicant. Sunt etiam alii, qui eam Hildeberto Episcopo Cenomanensi, ac postea Archiepiscopo Turonensi adscribunt. Ut verum fateamur, difficulter ad quancunque sententiam amplectendam adducimur: nam nec Sigebertus,

bertus, nec Trithemius, qui Anselmi opera recensuerunt, hujus Collectionis mentionem faciunt.

Qualis, quantusque fuerit Pontifex, Gregorius VII., disciplinæ ecclesiasticæ Reformator zelosissimus, Jurium Pontificiorum vindex acerrimus, libertatis ecclesiasticæ Defensor imperterritus, res est omnino orbe notissima. Hic ille Pontifex, quem nigerrimis coloribus depingunt Scriptores Acatholici: ambitionis accusant intolerabilis, tyrannidis reum faciunt gravissimæ, execrantur, dirisque ad inferos usque omnibus devovent. Et quid dico Acatholici? nam ipsi etiam Catholici quidam calamos contra ipsum stringunt, cœlum ipsi invident, & locum inter Sanctos non concedunt. Huic ergo Pontifici adscribuntur quædam *Capitula* sub nomine *Dictatus*: quali vero Gregorius Dictatorum Romanos imitari, illorumque munera in sua Sede Pontificia exercere voluerit. Sunt vero hujusmodi *Capitula* numero 27., & subjunguntur Epistolis Gregorianis. Sed multum litigatur, an Gregorius illorum sit Author (s): Si Sectariis fides adhibenda, sapiunt hæc *Capitula* dictatum Pontificium, ac stylum Gregorianum. Sed quare? nunquid, quia in illis Jura Pontificia vindicantur? Quoniam vero nemo Scriptorem illius ævi eorum meminit, nemo Adversariorum Gregorii, quos sane habuit plurimos, ad ea provocavit, nec ipse Pontifex illa unquam citavit, quamvis ad alias suas constitutiones provocare consueverit, hos dictatus neutiquam Gregorio, sed cuidam zelatori & vindici Jurium Pontificiorum adscribendos existimant.

Tertius inter Collectores recensitos venit Deusdedit, vel, uti alii vocant Theodatus, Presbyter Cardinalis, strenuus ac imperterritus Zelator & Vindex autoritatis Pontificiæ, qui partes Gregorii VII. nunquam deferuit. Duplicem Collectionem scripsisse fertur, nempe *Librum Canonum*, quem Victori III. Romano Pontifici 1087. obtulit; & *Libros quatuor de rebus ecclesiasticis*. Utrumque opus servatur in Bibliotheca Vaticana: Neutrum tamen usque nunc per typum apsegit lucem publicam. Causa scribendi fuit defensio libertatis ecclesiasticæ contra Henricum IV. in celeberrima illa controversia de *Investituris per anulum & baculum*, quæ tot motus, tumultus, ac schismata excitavit in Ecclesia. Hisce libris usi fuere Correctores Romani ad purgandum Decretum Gratiani singulariter deputati. Ajunt in hac Collectione præter

(s) Pagius in critica Baroniana ad annum 1077. & Fleury histoire ecclesiastique Lib. 52. 21.

ter canones Conciliorum & epistolas Pontificum contineri plura ex archivio Romano deprompta, quæ in nulla alia Bibliotheca reperiri possunt. Nobis hanc Collectionem inspicere non est concessum.

De duabus Collectionibus, quarum una POLYCARPUS, altera dicitur POPULETUM.
Ad Sæculum XI, vel XII. duæ adhucdum referuntur Collectiones, quarum una inscribitur *Polycarpus*; altera *Populetum*: Prima cuidam Presbytero, quem dicunt Gregorium, attribuitur: altera prorsus incerti est Authoris. Neutra per typum orbi literario fuit communicata. Ambræ hinc inde in Bibliothecis asservantur; prima singulariter in Bibliotheca Vaticana, quam Correctores Romani ad manus habuisse perhibentur.

§. XIV.

Notitia harum Collectionum valde utilis.
Absolvimus jam Collectiones Juris ecclesiastici antiqui. Quod si quis jam quærat, in quem finem & usum id a nobis factum sit? in promptu est responsio. Voluimus Studiosis Juris ecclesiastici ad manum præbere quamdam epitomen, ut sciant, & utiliter sciant, quæ scire deberent. Turpe & probrosum est cuius artificis & opifici nescire incunabula suæ artis. Impossibile est, ut quis in Virum perfectum evadat, nisi Jus antiquum sciat. Esto enim harum Collectionum usus & auctoritas magna ex parte exoleverit, nunquid quamplurimi canones in noviores Collectiones translati adhuc vigent? an non aliquoties ad antiquas Collectiones provocare solemus ac debemus? Optandum sane, ut diu noctuque lectioni, meditationi, & studio canonum insistamus: Inde enim pulcherrimas vivendi regulas discere licet. Quod si aliam utilitatem ex studio antiquorum canonum non reportemus, saltem multa exinde scimus, & utiliter scimus. Id in fine monendum duximus, quod huic Quæstioni plures, quam alii, non tamen omnes Collectiones intexuerimus, ne quid eorum, quæ quomodocunque utilia esse possunt, nos lateat. Sed tempus instat, monet, & urget, ut elaborandæ alteri Quæstioni nos accingamus. Superis sint laudes immortalis, qui laboribus & conatibus nostris sua copiosa benedictione semper adfuerunt: Votum igitur ultimum sit

ut

In omnibus glorificetur DEUS.

QUÆSTIO

QUÆSTIO II.

DE COLLECTIONIBUS JURIS ECCLESIASTICI NOVI.

In hac quæstione *Corpus Juris Canonici* accuratiori oculo intellectus juxta regulas sanioris Critices perlustrabimus, & Collectiones in eo contentas, earumque authoritatem, quantum per vires ingenii, & regulas prudentiæ licet, dilucidabimus. Id tamen singulariter animadvertendum existimavimus, quod ea, quæ hic dicturi sumus de Collectionum authoritate, ut plurimum intelligi debeant de authoritate in genere: Qualem enim & quantam habeant in Germania, alia occasione dicemus. Agemus in Capite I. de scholis publicis, reformatione studiorum, ratione studiorum, utpote ex quibus omnibus natum est *Jus novum*. Postea ipsum *Jus novum* secundum Ordinem, quem in *Corpore Juris Canonici* legimus, examinabimus. Superi assitricæ suæ gratia nostris conatibus adsint.

INDEX CAPITUM.

CAPUT I.

De Auspiciis Juris novi potissimum ex erectione scholarum, reformatione & ratione studiorum.

CAPUT II.

De Decreto Gratiani.

CAPUT III.

De Collectionibus Decretalium potissimum Gregorii IX.

CAPUT IV.

De Reliquis Collectionibus in corpore Juris clausis.

§. II.

*Nexus sum-
mus inter
bonum lite-
rarium &
politicum.*

*Forma regi-
minis depen-
det ab arti-
bus & scien-
tiis.*

Incipiamus ab institutione Scholarum publicarum, & reformatione studiorum. Qualis & quantus sit nexus inter bonum politicum & literarium, inter formam Regiminis, & bonas artes ac scientias, nemo sanus ignorat. Ab experientia hactenus edocti sumus, quod cum artibus & scientiis ipse etiam status publicus revolvatur, hicque toties mutationem incredibilem subeat, quoties literarum studia vel in deterius abire, vel in melius reformari contingit. Hodierna tempora consulamus, quibus, si unquam alias, hodie certe florent artes & scientiæ omnes, & ita florent, ut supremum apicem attigisse videri possint. Quam longe aliis principiis hodie in regimine, & forma regiminis mutantur tam ipsi Imperantes, quam Consiliarii & Ministri, quorum consilio in regendis subditis utuntur? Utrum hæc principia sint optima, sana, & politico-Christiana, vel Machiavellico-politica, æquus rerum arbiter judicabit.

*De origine
Scholarum
remissive.*

*Carolus M.
quadruplicis
generis
Scholas in-
stituit.*

De origine Scholarum, earum institutione, diversitate, ac reformatione maxime per Carolum M. Imperatorem alibi fusius diximus (a). Cum enim Carolus M. optime perspectum haberet ex una, quanti Reipublicæ interfit, ut jvenes in optimis disciplinis erudiantur; ex altera vero parte conspiceret, literarum studia, quæ tunc temporis ferme in solis Monasteriis exercebantur, delitescere, & mirum in modum languescere, ad illa resuscitanda, ac in melius reformanda animum induxit suum, ac quadruplicis generis Scholas, *Parochiales* in ædibus Parochorum, *Monasteriales* in Monasteriis, *Episcopales* in ædibus Episcoporum, *Palatinas* in ipso suo Palatio instituit, easque fecit publicas easque, quatenus etiam Laicis antea a Scholis Monasterialibus & Episcopalibus exclusis copiam adeundi fecit amplissimam. Hoc exemplo illustri invitati Episcopi & Abbates mox tales scholas publicas in Episcopis & Monasteriis in usus Laicorum aperuerunt, a quibus adhuc discernebantur *privatæ Clausuales* soli Monachorum institutioni destinatæ, utpote qui ab assidua Laicorum consuetudine avocandi videbantur (b).

§. III.

(a) Vid. Dissert. de Statu Eccles. cap. 2. §. 18. & Dissert. 1. de Stat. Eccles. Germ. cap. 3. §. 6.

(b) Cointius in Annal. Franc. Tom. 6. ad annum 787. Launoïus de Schol. celeb. Trithemius in Chron. Hirsaug. ad annum 952.

§. III.

Ex his successive & præcipue Sæc. XII. prodierunt scholæ publi-*Origo Uni-*
cæ, inter quas Parisiensis, atque Bononiensis fere primæ fuerunt, & *versitatum.*
principatum gesserunt, ac sub nomine Universitatum inclaruerunt,
quod *Universitas* studiorum & scientiarum in his Scholis traderetur, &
Petrus Lombardus Scholasticorum Parens Parisiis doceret; Gratianus
vero Decretum suum Bonnoniæ compilasset, ejusque usibus di-
casset.

Age, hæc distinctius expendamus. Nescio, quis incredibilis ar-
dor Sæc. XII. latini orbis magnam partem invaserit literarum studia tra-
ctandi, & omnis generis doctrinam amplificandi, cui quidam Pontifi-
cum, Regum & Principum non nulli, qui literarum ad rempublicam
firmandam, & ornandam utilitatem perspiciebant, auctoritate sua &
munificentia subveniebant. Coibant hinc passim Collegia & sodalitates
Virorum eruditorum, varias artes & disciplinas tradentium, ad quas
cum juvenes confluerent discendarum scientiarum cupidi, paulatim
scholæ illæ majores formabantur, quas dein Universitates nominabant.
Lutetia Parisiorum Virorum doctorum, scholarum varii generis, disci-*Lutetia Pa-*
pulorum denique numero cunctas Europæ urbes superabat: quare me-*risiorum ce-*
dio ferme hoc Sæculo exemplum literatarum Civitatum, sed rude adhuc *leberrima.*
& imperfectum nascebatur, quod tempus sensim limabat, & digere-
bat (c). Eodem fere tempore Andegavi illustris plurimarum disci-*Plures in*
narum schola Ulgeri Episcopi cura & labore condebatur, in qua tamen *diversis re-*
Jurisprudentia principem locum obtinuisse videtur (d). In Montepes-*gnis schola*
sulano celebris jam erat Juris Civilis, & artis Medicæ Academia. In *publica ere-*
Italia eminebat schola Bononiensis, quam Lotharius II. amplissimis pri-
vilegiis eidem concessis non minus, quam Viri literatissimi, ac Juristam
facri quam Civilis peritissimi Irnerius & Gratianus fecerunt celeberrimam,
ut ad eam ingens studioforum numerus, eorum præcipue, qui
Jurisprudentiæ addiscendæ erant cupidi, confluerit. Nostrum non
est in exordia hujus per omnem orbem tunc temporis celeberrimæ scho-
læ inquirere. Bononienses Academiam suam sæculo jam quinto a
Theodosio II. conditam & amplissimo Diplomate confirmatam esse perhi-
bent, & ipsum Diploma Imperatoris exhibent. Sed plerique fictum
hoc

(c) Vid. Caroli Sigonii Hist. Bonon. Lud. Ant. Murat. Antiq. Ital. medii ævi
Tom. 3. Boehmeri Præf. ad Corp. Jur. Can. §. 9.

(d) Cæf. Egaff. de Boulay Hist. Acad. Paris. Tom. 2.

hoc esse Diploma contendunt. & primordia scholæ Bononiensis ad Sæc. XI.; illius incrementa vero ad Sæc. XII. & tempora Lotharii II. referunt (e).

§. IV.

Ratio studiorum illius ævi.

Septem artes liberales.

Origo Theologiae Scholasticae.

Theologiae Principes Lutetiae Parisiorum.

Diversa Theologorum secta.

Jam, quæ tunc fuerit ratio studiorum; artium & scientiarum videamus. Ad Sæc. usque XII. omnis studiorum ratio continebatur septem illis Artibus, quas *liberales* vocant. Quarum quidem tres *Grammatica*, *Rhetorica*, *Dialectica* vulgo *Trivium* nominabantur; quatuor reliquæ *Arithmetica*, *Musica*, *Geometria*, *Astronomia* vocabulo *Quadrivium* indicabantur. *Trivium* plerique contenti erant: primi vero ordinis eruditi, qui videri volebant, ad *Quadrivium* etiam ascendebant. Itaque his artibus hac ætate addebantur, præter linquarum studium, *Theologia* non illa vetus & simplex, quæ ordine ac nexu artificioso carebat, & unice sacri Codicis, veterumque Doctorum sententiis nitebatur, sed *Philosophica* seu *Scholastica*; & *Jurisprudentia* tam sacra quam Civilis; denique *Medicina*, quam *Physicam* illo ævo vocabant. Sed qua arte hæc facta esse credamus, quæret curiosior rerum indagator? utriusque tam Theologiæ novæ, quam *Jurisprudentiæ* incunabula dabimus. Vivebant eo tempore Viri ingenii laude, excolendarum artium & scientiarum desiderio, ac industria florentissimi, qui tota animi contentione sublimioribus scientiis, studiis Biblicis, ac Theologicis se consecraverant. Principes autem Theologiæ docendæ Magistri Lutetiæ Parisiorum vivebant: quam ob rem quicunque sanctiores disciplinas ex instituto discere volebant, ab hoc tempore omnes ex universa Europa Lutetiam migrarunt, audituri Viros Theologos doctrina ac eruditione pro illo ævo celeberrimos.

§. V.

Erant autem hi Doctores in diversas sectas distracti. Prima secta erat *Theologorum veterum*, qui dogmata sacra simpliciter ex sacris Codicibus, Conciliorum decretis, & antiquorum Doctorum sententiis demonstrabant; raro vero ex humana sapientia aliquid admiscere solebant. Tales erant hoc sæculo S. Bernardus, Petrus Cantor, Qualbertus a S. Victore, & alii, qui acerrime cum Theologis Philosophicis congredebantur. Ab hac secta non ex toto differebat illa, quæ *Positivorum*, & *Sententiariorum* deinceps nomine appellabatur, & exemplo Anselmi Cantuariensis, Lanfranci, Hildeberti, & aliorum superioris sæculi

culi Doctorum sacra quidem dogmata scripturae, veterumque doctorum oraculis potissimum muniebat, sed ad rationem etiam & Philosophiam, maxime cum difficultates removendae, & Adversarii resellendi erant, confugiebat, in quo quidem alius alio moderator, & cautior erat. Primas autem in hoc genere laborum tulit Petrus Lombardus id est ex Lombardia oriundus, Antistes Parisinus, cujus sententiarum Libri IV., postquam anno 1162. lucem publicam aspexerunt, tantam subito auctoritatem adepti sunt, ut omnes Doctores illorum expositioni suos labores consecraverint. Altera secta illorum erat, qui neglecta ferme omni auctoritate Philosophiam Aristotelicam, philosophandi methodum, Dialecticorum vocabula & distinctiones adoptantes scita divinitus tradita, hisque sacra dogmata illigarunt, naturamque & rationes eorum secundum regulas artis Dialecticae & Philosophicae investigare nil dubitabant. Author hujus formae Theologiam tradendi, quae *Scholastica* deinceps dicta erat, creditur fuisse Petrus Abaelardus Canonicus primum Parisiensis, & Philosophiae non minus, quam Theologiae Doctor celeberrimus, quem postea plures alii secuti sunt. Ab illo ergo tempore distinguere coeperunt Theologiae Doctores in *Biblicos*, qui veteres dicebantur, & *Dogmatici vel Positivi*; & in *Scholasticos*, qui *sententiarum*, & *novi* vocabantur: Illi sacros libros in scholis suis interpretabantur, & dogmata sacra seposita ratione & Philosophia nude ac simpliciter explicabant, ac verbi scripti & non scripti testimoniiis firmabant: Hi vero Magistri sententiarum vestigiis inhaerentes omnia tam credendi, quam vivendi & agendi praecepta subtiliter ad philosophiam revocabant, ac rationibus philosophicis secundum methodum regulis Aristotelis alligatam communiebant.

Atque haec Theologizandi ratio brevi principatum obtinuit in Ecclesia Catholica. Priusquam vero principatu potirentur Theologi hii *Dialectici & Metaphysici*, per multa illis pericula, pugnas & clades eundum erat. Oppugnabantur enim ex una parte a Theologis antiquis, ex altera a Theologis *Mysticis*, qui veram sapientiam non ratiocinando acquirendam, sed ex intimis animi recessibus eliciendam esse putabant. Igitur vetus illud bellum, quod inter Latinos diu plane quieverat, inter *fidem*, & *rationem* reviviscere, & mirabiles motus excitabat. Ex antiquae Theologiae Patronis Guiberti de Novigento, Petrus Celsenis, Petrus Cantor, maxime Gualterus a S. Victore acerrime aggrediebantur: ex *Mysticis* Joachimus Florensis Abbas, Richardus a S. Victore, & plures alii modestiori non nihil methodo cum illis contendebant, quin tamen impedire potuerint, ut Theologia illa Scholastica

Juris Eccles. Tom. II.

M m

domi-

*Princeps
Theologorum
Petrus
Lombardus.*

*Theologia
Philosophica
seu Scholastica.*

*Diversi generis
Theologi,
Biblici
Scholastici
&c.*

*Theologia
Scholastica
principatum
obtinuit.
Oppugnatur
a Theologis
antiquis, &
mysticis.*

*Mansit in
sua possessio
ne usque
nunc.*

dominatum obtineret, in cuius possessione stetit usque ad ultima nostra tempora, quibus ad sublimiorem & accuratiorem stateram appensa, tanquam minus habens, & nec regendis animis, nec stabiliendis dogmatibus sat idonea fuit inventa, ac e throno gloriæ suæ ad inferiora subsellia fuit detrusa, ut jam tanquam humilis famula obedire discat, quæ antea tanquam superba Domina in scholis imperaverat. Interim huic Theologiæ Scholasticæ suam quamcunque laudem non invidemus, neque omnem utilitatem abnegamus: id tamen confidenter asserere non dubitamus, Religioni, & Ecclesiæ Catholicæ non sat consultum iri, & quod magis est, illius fundamentum nostris temporibus facile subruendum, nisi fortioribus sustentetur argumentis, quam eidem a Theologia scholastica suppeditantur. Noverint ista illi, quibus argumenta A catholicorum, quæ nostram Ecclesiæ impetere solent, vel mediocriter sunt perfecta.

§. VI.

Sed ad ea progrediamur, quæ nos propius contingunt, & qua ratione Jurisprudentia Romana per Italiam, & alias orbis Europæi partes efflueret, paucis dicamus. Jurisprudentiam Romanam Sæc. V. & VI. quemdam in Italia principatum exercuisse, nemo dubitaverit. At vero plurimum authoritatis deperdidit, dum Italia invasionibus barbarorum Herulorum, Gothorum, Longobardorum, & diversi generis Germanorum patuit: quippe qui secundum suos mores, vel etiam leges, quales erant Longobardicæ, Salicæ &c. vivere consueverunt. Postquam vero sub Lothario II. Imperatore anno 1137. in expugnatione Amalphitana celeberrimus Codex Pandectarum seu Digestorum, quorum exigua fuerat a multis sæculis notitia, inventus erat, & in Pisanorum manus venerat, veteris Romani Juris authoritas in Italia effloruit, & reliquarum legum antea receptorum usum debilitavit. Ab hoc tempore jam Jus Romanum a Viris eruditissimis diligentius tractabatur: scholæ dein hujus Juris in Academia Bononiensi aperiiebantur, quod eximium Institutum ad alias etiam procedente tempore urbes tam in Italia, quam extra Italiam dimanabat. Quibus rebus evenit, ut, cum antea variis legibus homines viverent, & legem sibi quilibet ingenuus, cui parere vellet, eligere posset, Jus Romanum paulatim in præcipua Europæ parte primas obtineret, legesque Salicas, Longobardicas, Burgundicas, aliasque extruderet. Vetis quidem opinio est, Lotharium II. Authorem Iriverio primo Juris Romani in Academia Bononiensi Doctore edicto sanxisse, ut impostero omnes uni legi Romanæ, reliquis

Jurisprudentia Romana floruit per Italiam Sæc. V. & VI.

Codex Amalphitanus celebrissimus Codex Pandectarum seu Digestorum, quorum exigua fuerat a multis sæculis notitia, inventus erat, & in Pisanorum manus venerat.

Jus Romanum exultum, & Bononiæ traditur.

Involuit, & primas obtinuit in Europa.

liquis abrogatis obtemperarent: sed hanc opinionem magni Viri certis Authoribus carere demonstrarunt (f).

§. VII.

Cum jam in Academia Bononiensi Jurisprudentiæ studium in dies magis magisque effloresceret, ad eam ingens studiosorum numerus conflueret, & ad majores addendos stimulos tam docentibus quam discipulis Lotharius singulares favores indulgeret, Gratianus indigne ferens, æqualem honorem non deferri Juri Canonico, quod incertis quasi sedibus vagabatur, & nullo ordine digestum erat, opus grande molitus est, & collectionem quamdam usibus scholarum accommodatam adornavit, quam dein Doctoribus Bononiensibus obtulit, ut illam examinerent, corrigerent, ac postea Eugenio III. offerrent, quo ipsius auctoritate & indulto in Academia Bononiensi publica interpretatione illustrari posset. Postquam Gratianus approbationem & facultatem suum Decretum publice interpretandi obtinuit, sicut §. seq. pluribus deducemus, ipse munus Doctoris in se suscepit: quo factum est, ut patrii cum honore Jurisprudentia Ecclesiastica & Civilis Bononiæ traderetur, jamque non modo Laici sed etiam Clerici utrique Juri operam navarent. Hi cum ex Academia Gradibus etiam Academicis insigniti redirent, in aulis non tantum Principum, sed etiam in tribunalibus Episcoporum ad prima honorum subsellia promoti primis officiis defungebantur: atque hoc modo contigit, ut legibus Justinianicis non modo judicia civilia, sed etiam ecclesiastica perstreperent, nova Judiciorum forma in Dicasteriis Episcoporum invalesceret, & causæ ecclesiasticæ ad normam Juris Civilis deciderentur, atque hac ratione novum sane Jus ecclesiasticum introduceretur, non sine gravi præjudicio Jurisdictionis ecclesiasticæ. Erat olim judiciorum forma simplex, & a tribunalibus ecclesiasticis omnis strepitus forensis exulabat: causæ ferme omnes via brevissima more arbitrii expediebantur: erat Jurisdictio ecclesiastica olim amplissima, seque in omnes non modo Laicos, sed etiam Clericos, in causas tam civiles, quam ecclesiasticas extendebat: erant delegationes Jurisdictionis admodum raræ, appellationes non adeo frequentes: Inter forum internum, & forum externum; inter Judicem pro foro ex-, & interno non adeo accurate distinguebatur.

Gratianus suum Decretum in usum scholarum composuit.

Jurisprudentia ecclesiastica Bononiæ docetur cum applausu.

Nova judiciorum forma introducta.

Mm 2

Ast

(f) Vid. Herm. Conringius de Orig. Jur. Germ. cap. 22. Lud. Ant. Muratorius Præf. ad leges Lombard. Script. rerum Ital. Tom. 1. part. 2.

*Jurisdictio
ecclesiastica
diminuta.*

*Ingens mu-
tatio juris,
& disciplina
antiquæ.*

Ast ubi Jus Civile cum Jure Canonico conjunctum fuit, inceperunt formulæ forenses, multiplicatio litium, processuum protelationes, frequentiores Jurisdictionis delegationes, appellationes &c. ex quo ulterius factum est, ut Ecclesia notabilissima Jurisdictionis suæ amplissimæ parte excideret, prout hæc omnia alibi jussus deduximus (g). Sed nondum satis: plura alia acciderunt, ex quibus ingens Juris antiqui mutatio fieri debuit. Eo potissimum ævo separatio Capitulorum a mensa Episcopi suos obtinuit effectus. Jam Capitula varia jura olim ad Episcopum pertinentia, maxime in collatione Canoniciatum, aliorumque beneficiorum ad se attraxerunt, sibi solis jus eligendi Episcopos postea per Pontifices stabilitum vindicarunt, ut jam de finibus regundis inter Episcopos & Capitula agendum fuerit. Mirum in modum invaluit beneficiorum pluralitas, & cum illa distinctio inter beneficia incompatibilia, primi, & secundi generis. Inceperunt Pontifices suas gratias expectativas, & postea etiam reservationes Beneficiorum. Jus Patronatus firmiter regulis constituendum erat, & confirmandum. Sexcenta alia brevitatis causa prætermittimus, quibus ita præmissis jam ad Collectiones ipsas in corpore Juris clausas gradum promoveamus.

CAPUT II. De Decreto Gratiani.

- §. I. *De Gratiano, occasione scribendi, & inscriptione Decreti.* II. *De approbatione, & divisione illius.* III. *De mendis & defectibus in eo contentis.* IV. *De correctione & emendatione non ex omni parte perfecta.* V. *De Gradibus Academicis, & autoritate Decreti in scholis publicis.* VI. *Item in Judiciis, tribunalibus maxime in Germania.* VII. *Quomodo, & an ex integro sit authenticum?*

§. I.

Quis fuerit Gratianus, Inter Collectiones Juris ecclesiastici in Corpore Juris clausas primum locum obtinet *Decretum Gratiani*, a suo Authore ita dictum. Erat Gratianus patria Clusinus ex veteri Etruriæ Civitate Clusio, postea Monachus Benedictinus in Monasterio S. Felicis Bononiæ. Inclaruit circa

(g) Quæst. I. Jus Canon. in genere cap. I. §. 6.

circa medium sæculi duodecimi. Scripsit Collectionem hortatu & suafu S. Bernardi Claravallensis (h) occasione juris Civilis, quod Bononiæ publice ingenti cum applausu in scholis tradebatur. Itaque indigne ferens Gratianus parem honorem non deferri Juri Canonico, manum supposuit operi, atque Collectionem juris ecclesiastici usibus scholarum accommodatam, uti supra inuimus, adornare, & ordine meliori canones antiquos, decreta Pontificum & doctrinas Patrum in unum velut corpus redigere orsus fuit. Versabantur quidem in manibus plurimorum plures Collectiones canonum maxime recentioris ævi varii generis, præcipue Reginonis, Burchardi, Ivonis: sed neutra ad finem & scopum sibi præfixum conducere videbatur. Itaque talis adornanda erat Collectio, quæ interpretationi canonum in scholis publicis cum fructu studentium faciendæ deservire, & peraccommoda esse posset. Quapropter in id præprimis incubuit Gratianus, ut methodo scholastica normam quandam facilem, accuratam, & universalem pro usibus scholarum, secundum quam discitentibus prima juris ecclesiastici principia applicari possent, componeret. Methodus autem, quam Gratianus adoptavit, hæc est, nempe propositiones quasdam instar principiorum præmittit; postea sacris canonibus, Pontificum decretis, Patrum scriptis, aliisque monumentis corroborat; & deinceps docet, quæ ratione discordantes canones in Concordiam redigi valeant.

Et cur suum Decretum composuerit?

Methodus a Gratiano observata.

Inscripsit Gratianus suam Collectionem *Concordantiam* discordantium canonum; Innocentius III. *Corpus Decretorum*: nunc vero inscribitur *Decretum Gratiani*, quin sciatur, quando & quomodo hoc nomen invaluerit, quo illam indigne profus compellari animadvertunt non pauci Doctores: quod eidem plura monimenta inserta legantur, quæ nomen Decreti neutiquam merentur. Jam de approbatione, divisione, materia, usu, defectibus & mendis, correctione, & autoritate hujus Decreti videndum.

Decretum inscripsit Gratiano Concordantiam.

§. II.

Postquam Gratianus opus suum consummavit, illud mox Doctoribus Bononiensibus corrigendum, emendandum, approbandumque obtulit, ea lege, ut hi Eugenius III. offerrent, quatenus accedente illius approbatione jam in publicis scholis prælegi posset. Existimabat nempe Gratianus approbationem Pontificis ad majus autoritatis pondus

Mm 3

(h) Ita testatur Boehmerus in Præfat. ad Jus Can. ex Henrico Manreguio.

duo suo operi conciliandum non modo esse utilem, sed etiam, & eo magis necessariam, quo majus authoritati pontificiæ præjudicium accessurum foret, si Doctor privatus munus docendi publicum in Academia publica, esto authoritate Imperiali corroborata assumere, eidemque normam quandam, secundum quam Jus Canonicum tradendum foret, præscribere attentaret. Facile obtinuit Gratianus, quod optaverat: nam non modo Academia Bononiensis labores illius rati habuit, sed etiam Cancellarius opus a Gratiano congestum Pontifici obtulit, & ab hoc approbationem impetravit. Equidem non ignoramus, hanc approbationem quoad usum etiam scholasticum a non paucis dubium vocari. Quoniam vero id ex antiquissimo documento in Archivio Bononiensi asservato probatum dederunt Scriptores fidei indubiæ, amplius de eo dubitare nefas foret (i).

*Probabilius
etiam ab Eu-
genio III.*

*Divisio ope-
ris in tres
partes.*

Opus suum distinxit Gratianus in tres partes, quarum prima continet distinctiones 101. Primis 20. agit de principiis Juris Canonici; 73. sequentibus de Cleri origine, forma, institutione, vita, moribus, officiis; 8 ultimis de authoritate Pontificis.

Altera Pars continet causas 36. sic dictas: quia primitus ponitur causa seu casus, ex quo dein elicitur quæstio decidenda, & tractat de iis, quæ pertinent ad judicia ecclesiastica. Causæ 33. Quæst. 3. inferuntur septem Distinctiones de Pœnitentia.

Tertia Pars complectitur Tractatum de Consecratione, qui 5. Distinctionibus absolvitur, & agit de iis, quæ Ministerium sacrum, ritus, & ceremonias ecclesiasticas, Ordinationes, & Consecrationes concernunt. Non convenit inter DD, utrum Gratianus sit Author Tractatus de Pœnitentia, & Consecratione, quod non in omnibus Orthodoxis videatur. Plerique tamen Gratiano eundem attribuunt: tum quod stylus sit Gratiani: tum quod ipse non raro ad illum provocet.

*Triplicis ge-
neris Cano-
nes vel De-
creta in eo
continentur.*

Tria distinguit Van-Espen, e quibus hoc Decretum est conflatum (k): Primi generis sunt Conciliorum canones, Pontificum decreta, Patrum sententiæ, Regum & Imperatorum sanctiones, quæ omnia simpliciter sub nomine *Canonis* veniunt. Secundi generis sunt, quæ nomine *Canonis* exprimuntur sed addita voce *Palea*. Terti generis sunt illa, quæ ipse Gratianus pro ratione materiæ, ordinis, & quæstionis addidit, dum vel casum vel quæstionem proposuit, eam resolvit, suam sententiam dixit, ad contraria respondit, quæ omnia non sub nomine *Canonis*; sed vel ipsius Gratiani, vel cujuslibet privati Scriptoris citari aut allegari solent.

Contro-

(i) Boehmerus in Præfat. ad Jus Can. §. 12.

(k) Part. 6. cap. 1.

Controvertitur inter Doctores, quid sibi velit nomen *Palea*: *Li-Quid sit Palea?* Quædam referre diversas Doctorum opiniones. Exultant nomen istud inde de suam habere originem, quod Gratianus ipse Romam venerit, suum-*De diversa opi-* que Decretum obtulerit cuidam Cardinali eum in finem, ut Eugenio III. *niones refe-* Pontifici offerret, hic vero ambitione inflatus se ipsum pro Authore hujus operis venditaverit, & quasdam additiones fecerit; Gratianus autem id indigne ferens illas adjectiones vocaverit *Paleas*, id est additiones inanes, inutiles, nullius prorsus momenti, ac valoris. Putant alii, hunc ipsum Cardinalem fuisse dictum *Bocopaleam*, & ideo ipsis additionibus inditum esse nomen *Palea*. Iterum alii opinantur, quemdam Gratiani discipulum hoc nomine compellatum, & quasdam additiones sub nomine *Palea* fecisse. Aliorum iterum opinio est, sub hoc nomine latere quasdam additiones suspectas, & hoc ipso instar canonum non esse habendas. Quoniam vero tales *Paleæ* in pluribus manuscriptis codicibus hujus Decreti vel paucæ admodum vel omnino nullæ reperiuntur, sed non nisi in margine leguntur, putant plures, quod hæ *Paleæ* nihil aliud sint, quam quædam additiones primitus in margine factæ, postea studio, ignorantia, vel injuria librariorum ipsis canonibus insertæ. Ut ergo distinguerentur a cæteris canonibus, superscriptum fuit nomen *Palea*. Imo sunt quidam opinionis, quod ipse Eugenius opus Gratiani sollicitè relegerit, & quosdam canones levioris momenti hac voce annotaverit. Denique quorundam opinio hæc est, quod quidam canones ita dicantur a levitate nati. Verum omnes hæc opiniones meris nituntur conjecturis. Probabilior opinio videtur illorum, qui docent, *Paleas* nihil esse aliud quam additiones primitus in margine factas, postea a librariis seu studio seu incuria canonibus insertas: id quod inde colligere licet, quia, sicut ipsi Correctores Romani testantur, paucæ admodum hujusmodi *Paleæ* in antiquis exemplaribus manuscriptis reperiuntur, quod signo manifesto est, illas in Decretum fuisse quasi intrusas (1).

*Nulla ex his
certa, ex qua
probabilior?*

§. III.

Quamquam vero Decretum Gratiani ex multiplici capite omnem *Decretum* mereatur commendationem, ac propter ordinatissimum ordinem, quo *Gratiani* anteriores collectiones antecellit, ob methodum illis temporibus, ge-*commenda-* nio, & ingenio hominum maxime accommodatam, ob alia commoda *tur.* quam-

(1) Vid. Boehmer in Præfat. ad Decret. Gratiani. Item Pertschii Jurge Historie des Canon- und Kirchen-Rechts ad Decret. Gratian.

*Sciet mul-
tis mendis,
defectibus &
erroribus:
Undenam hi
veniant?*

quamplurima, quæ in bonum literarium redundarunt, ad summam auctoritatem ascenderit, negari tamen non potest, quod quamplurimis mendis, & defectibus scateat circa nomina Urbium, Provinciarum, Inscriptionum, canones Conciliorum, epistolas Pontificum, doctrinas Patrum, quibus detegendis, & propalandis infudarunt Viri sane eruditissimi, Antonius Conti, & Antonius Augustinus (m). Hujus rei non una, sed plures dari possunt rationes, quarum prima in ipsam ruditatem temporum, quæ tunc erat non modica, refundi debet. Non ea, qua par erat, industria in veritatem inquirebatur: antiquiora monumenta negligebantur, quædam credulitas excessiva dominabatur, subtilitatibus potius ac inanibus speculationibus, quam veritatibus practicis, & doctrinis solidis Virorum ingenia occupabantur.

*Gratiani:
eruditio, in-
curia & de-
fectus.*

Sed nec ipse Gratianus tantæ eruditionis erat, quanta ad opus tam grande & sere immensum perficiendum necessaria erat. In eo vel maxime Gratianus deliquit, quod ex Sæculi sui more non ipsa Concilia, aut Regesta Pontificum, neque alia sanctorum Patrum scripta revolverit, & consuluerit, sed quæ in variis canonum aut Scriptorum compilationibus reperit, sine ullo discretionis examine in suam collectionem transtulerit, atque ita quidquid ab illis vel ignorantia, vel incuria, aut interdum etiam ex proposito erratum fuerat, in suum codicem invexerit. Paucis: in eo multum commisit erroris, quod non ex ipsis fontibus Conciliorum, Epistolarum Decretalium, & Patrum, sed ex anteriorum Collectionum rivulis suum Codicem hauserit. Annotant autem accuratores Critici, quod Gratianus plura ex Codice Dionysiano, quædam ex Codice Martini Bracarenfis; quamplurima ex Collectione Pseudo-Isidori, Burchardi Wormatiensis, & Ivonis Carnotensis (Collectio Reginonis probabilius ipsi fuit ignota) ex Pandectis Justiniani, & Capitularibus Francorum collegerit (n).

§. IV.

*Correctio
Decreti libe-
re assumpta.*

Quoniam vero indecorum ac probrosum esse videbatur, quod Ecclesia opus adeo defectuosum, corruptum, & innumeris plenum mendis

(m) Vid. Antonius Augustinus lib. 1. Dial. 1. de emend. Gratiani, ubi sic habet: *Sape erratum esse video in nominibus Hominum, Urbium, Provinciarum, Conciliorum. Sape falsæ sunt inscriptiones &c. multa Gregorii, Ambrosii, Augustini & Hieronymi esse dicuntur, quæ vel nusquam extant, aut aliena sunt.*

(n) Vid. Van-Espen in Comment. ad Decret. Grat. Boehmer loc. cit.

dis veluti normam non modo in scholarum usum, ut secundum eam Jurisprudentia canonica traderetur, sed etiam ipsorum Judiciorum ecclesiasticorum assumpserit, non pauci Viri eruditi rei indignatione moti jam ante correctionem Romanam huic decreto corrigendo, emendando, ac purgando insudarunt, illudque in meliorem formam reducere, a falsis inscriptionibus, & mendis purgare, atque apocrypha a veris monumentis secernere collaborarunt, quos inter eminuere Antonius Contius, & Antonius Augustinus. Subsecuta est correctio Romana: nam ipsi etiam Pontifices Pius IV., Pius V. & Gregorius XIII. optime perpexerunt, quantum dedecoris in Ecclesiam redundet ex receptione, adoptione, & acceptatione hujusmodi defectuosi operis, quod eidem armamentarii instar esse deberet, ex quo tam docentes quam discipuli arma depromere deberent ad Jura Ecclesiæ propugnanda, decidendas causas, Justitiam administrandam. Quapropter Viris 35. omnino hanc provinciam emendandi & purgandi istud Decretum commiserunt, quibus liberrimus ad præstantissimas Bibliothecas aditus fuerat. Mittebantur invitoria ad Viros eruditos ubicunque terrarum existentes, ut suam conferre Symbolam, suam adjungere operam, & si quæ ad opus istud meliorem in modum poliendum ad manus haberent, fideliter communicare vellent: atque hac ratione factum fuit, ut integrum opus sub Gregorio XIII. ad optatum finem pervenerit, & a præfato Pontifice retulerit approbationem prorsus amplissimam. *A Pontificibus imperata. Et absoluta.*

Porro autem neque hanc correctionem in omni ex parte esse perfectam, neque ea, qua par erat, diligentia fuisse institutam, atque ipsum Decretum innumeris adhuc scaterere defectibus animadvertunt, & fatentur eruditi omnes. Demus hujus rei exempla: In hodiernam usque diem in Decreto Gratiani leguntur epistolæ antiquorum Pontificum a Clemente I. usque ad Siricium a Pseudo-Isidoro confarctatæ, decreta falsæ Concilii Eliberitani, plura sanctorum Patrum opera, textus & fragmenta, quæ in castigatioribus illorum editionibus veluti supposititia exploduntur. *Non tamen ex omni parte perfecta.*

Verum posset alicui tenerioris conscientia desuper oriri scrupulus, qua conscientia id dicere audeamus: cum utique Pontifex Decretum ita correctum ac emendatum in terminis prorsus prægnantissimis & amplissimis approbaverit, unaque sub interminatione excommunicationis prohibuerit, ne quis huic Decreto quidquam addere, demere, vel in eo emendare, aut corrigere præsumat. Sed bruta hæc sunt fulmina, quæ nemo hæctenus Virorum eruditorum curavit, quin hinc inde corrigenda annotaverint, falsa & spuria hinc inde inserta digitis monstraverint, *Quin obset approbatio Pontificia.*

*In quo sensu
hæc appro-
batio intelli-
genda.*

verint, ac suas desuper annotationes privatas fecerint. Itaque Gregorius XIII. id unicum prohibuisse creditur, ne quis novam correctionem Decreti assumere, & autoritate privata orbi communicare, ac promulgare præsumat. Hujus rei aptissimum occurrit exemplum: Nam esto Synodus Tridentina Editionem vulgatam latinam tanquam authenticam approbaverit, adhuc tamen Viri eruditi non sibi piaculo duxerunt quamplurima menda & loca offendere, quæ in melius reformari possunt: quamquam inter unum & alterum sit discrimen immensum: quippe quod in Scriptura non nisi defectus quidam materiales; in Decreto Gratiani defectus substantiales, videlicet integra opera spuria deprehendantur. Quænam in hac Decreti emendatione fuerint internisiæ, & observari debuisse, diligenter annotat Van-Espen (o).

*Summa De-
creti utili-
tas.*

Interim Gratiano suæ debentur laudes & grates, quippe qui quamplurima antiqua documenta nobis conservavit, quæ facile injuria temporum interitura fuissent, & ea, quæ hinc inde dispersa erant, in unum collegit, atque in meliorem ordinem redegit. Plures hujusmodi utilitates particulares refert Boehmer, illam præcipue, quod infinita quasi monumenta, quæ tum antiquam disciplinam ecclesiasticam repræsentant, tum verum Ecclesiæ finem scopumque docent, exhibeat, unde origines rerum ecclesiasticarum æstimari, & cum præsentī statu eo rectius conferri possunt (p).

§. V.

*Autoritas
Decreti ab
initio sum-
ma, & nu-
merus stu-
dentium in-
greditur.*

Jam de autoritate hujus Decreti dispiciendum. Profecto a primo mox sui principio, quo in lucem publicam fuit promulgatum, atque in Academia Bononiensi prælegi cæptum, summam mox obtinuit autoritatem, jamque ad hanc scholam innumera Studentium multitudo confluit, & tantus numerus, ut circa finem Sæc. XII. ultra 1000. ex omni natione etiam Germanorum fuerint numerati. Hi dein vocabantur *Decretistæ*, ac iisdem fruebantur privilegiis, quibus *Legistæ*, atque gradibus Academicis Baccalaureatus, Licentiatus, ac Doctoratus haud secus, quam illi insignebantur.

*Origo Gra-
dum Aca-
demicorum.
Quomodo
collati,*

Obiter hic aliqua animadvertere liceat de gradibus Academicis, quorum originem debemus Universitati Bononiensi. Primitus quidem conferebantur illis tantum, qui in numerum docentium adoptari volebant: hisce enim multis laboribus defungendum, & non nisi per gradus ad culmen Doctoratus per longum iter adscendendum erat, quod ubi

ubi emensi fuerunt, certis ritibus & ceremoniis etiam talibus, quales in Collegiis opificum & artificum sunt in usu, in Doctores fuere inaugurati. Integro quinquennio in stadio Juridico currendum erat illis, qui gradum Doctoratus suscipere ambiebant. Post absolutum triennium gradu *Baccalaureatus* insigniebantur, quarto anno peracto *Licentiatum* gradum capessere, & quinto demum anno superato *Doctoratus* dignitatem ambire licebat. Et sane prudentissimo consilio id factum esse credamus, ne vel docentium numerus præter modum cresceret, vel homines parum eruditi & exercitati munus docendi, quod summæ gravitatis putabatur, adipiscerentur. Primitus ergo honores Academici folis Jurium studiosis tam *Decretistis* quam *Legistis* erant decreti. Paulo post mos iste a Jure Consultis Bononiensibus Lutetiam Parisiorum, atque primum ad Theologos, deinde etiam ad Medicinæ, & artium liberalium Professores defluxit (q). Neque inter fines Italiæ usus, æstimatione, & autoritas hujus Decreti contineri poterat, sed ad exterarum etiam Nationes sese diffundebat, atque in ipsa Academia Parisiensis tunc temporis celeberrima adhuc labente Sæc. XII., vel certe ad initium Sæc. XIII. usum scholarum obtinuit.

*Et ad alias
Academias
defluerint.*

*Decretum ob
aliis Nationibus
receptum.*

Ab illo tempore usus illius fuit communis in omnibus scholis publicis, eidem enucleando & explicando omnes Doctores insudarunt, illud Glossis, interpretationibus illustrarunt, & tantum effecerunt, ut etiam auctoritatem in judiciis publicis sortiretur, prout mox dicemus. Idcirco mirantur haud pauci Doctores, quomodo fieri potuerit, ut opus privati Monachi, tanta confusione compactum, tot errorum congerie refertum, innumeris mendis & defectibus plenum ad supremum quasi honoris culmen ascendere, tantoque Doctorum tam Theologorum quam Jurisperitorum consensu & applausu suscipi & laudari meruerit. Existimant nonnulli approbationem Eugenii III. hanc eidem auctoritatem conciliasse. Alii causam refundunt in accuratum ordinem, formam ac methodum, qua conceptum est: eo quod hæc methodus disciplinæ & methodo scholasticæ tunc temporis invalescenti fuerit accommodatissima. Ipsum etiam nomen Academiæ Bononiensis tunc celeberrimæ haud parum ad illius famam diffundendam, & auctoritatem stabiliendam contribuisse res ipsa loquitur. Hactenus de auctoritate Decreti, quam habuit in scholis. Nunc paucis de usu, æstimatione, & auctoritate illius, quam habuit in judiciis, dispiciamus.

*Summa illius
auctoritas, & usus
communis in
scholis publicis,
& quare?*

Nn 2

§. VI.

q) Vid. Mosheim Instit. Hist. ad Sæc. XII. Conring de Antiq. Academ. Casparus Ziegler Dissert. de jure erigendi Academias.

§. VI.

*Etiam in
Judiciis &
quare?*

Ex hoc communi usu, & autoritate Decreti, quam habuit in scholis, non potuit non fieri, ut summam auctoritatem in Judiciis quoque obtineret: cum enim omnes ii, qui honorum subfella ambiebant, atque Reipublicæ suas operas locare ineditabantur, se se unice studio Juridico consecraverint, & revera id ipsum, quod tam anxie querebant, consecuti fuerint, hi omnem suam operam in id intenderunt, ut doctrinam suam, quam in Athenæis publicis hauserunt, in praxin redigerent: quo factum est, ut jam caulæ in judiciis tam ecclesiasticis quam civilibus unice secundum Jus Justinianæum, ac collectionem Decreti Gratiani deciderentur, sicque utrumque hoc jus civitate donaretur in omnibus tribunalibus.

*Decretisla-
rum & Le-
gislarum
summa asti-
matio.*

*Germani
etiam studio
Decreti ope-
ram dede-
runt.*

Anxie profecto eo tempore conquirebantur a Pontificibus, Imperatoribus, & Episcopis *Decretislarum*, & *Legislarum*: ad hos velut ad oraculum Delphicum provocabatur in causis difficillimis, ab his petebantur decisiones in controversiis, illorum decisionibus stabant litigantes, illorum interpretatio reputabatur authentica. Neque hæc praxis obtinuit solum in Italia, & Gallia, sed etiam in Germania: nam ad celeberrimam Academiam Bononiensem Germanos quoque accessisse, & studio Decreti operam dedisse eo minus dubii habet, quod ex Arnaldo Abbate Lubecensi (r) constet, Danos quoque illuc confluisse, & *Decretislarum* docentibus operam dedisse. Et quis dubitet inter tot millia Bononiæ & Parisiis studentium non plures fuisse Germanos? Ulteriori testimonio est, quod Joannes Semeca vulgo Teutonicus Præpositus ad Stephanum Halberstadii in illud Decretum Glossas & commentarium Sæc. XII. scripserit amplissimum, in quo cæterorum interpretum Glossas corrigere, & in melius reformare aggressus est, ea laude, ut de ipso scribere non dubitent, Glossatorem hunc id præstitisse per suas Glossas in Decreto, quod Accursius præstitit in Pandectis (s). Et quis nescit, Fridericum Barbarossam in suo comitatu habuisse *Legistas* & *Decretistas*? De Henrico VI. testantur Scriptores, quod utrique juri operam navaverit. Episcopos quoque & Archiepiscopos Germaniæ in suis tribunalibus fovisse Decretistas, illorumque consiliis fuisse usos in regimine suarum Ecclesiarum vix solo Joanne Semeca Teutonico supra citato constat, ut de praxi nihil dicamus (t).

Aliud

(r) Lib. 3. Chron. Slav. cap. 5.

(s) Boehmerus ad Tit. de Constit. §. 30.

(t) Vid. Boehmer in Præfat. ad Decret. Gratiani.

Aliud argumentum magni ponderis inde defumitur, quod Gratianus maximam sui Decreti partem ex prioribus collectionibus Burchardi potissimum Wormatiensis; hic vero suam Collectionem magna ex parte adornaverit ex Regiminis Prumiensis *Disciplina Ecclesiastica*. Jam vero, cum hi ambo suos codices in usum ecclesiarum Germanicarum ordinaverint, vix dubitari potest, quod Germani Decretum Gratiani ambabus amplexati sint manibus, & in usus ecclesiasticos converterint.

Haftenus dicta egregie corroborantur ex constitutionibus Imperatorum consensu Ordinum Imperii Sæculo XIII. latis, quarum una regnante Friderico II. de Anno 1236. legitur apud Goldastum part. II. *der Reichs. Satzungen* cap. 15. Altera sub regimine Rudolphi de Anno 1281. a Lehmanno in Chron. Spiren. Lib. 4. cap. 108. refertur: quibus accedunt monumenta tam publica, quam privata, & varia Diplomata, quæ omnia ad Jus Canonicum provocant, illudque in decisione causarum observandum esse pronuntiant, prout infra Cap. 3. referemus. Ex hætenus dictis igitur apertissime demonstratum manet, Decretum Gratiani maximum usum habuisse, ac auctoritatem prorsus summam ex usu obtinuisse non modo in scholis & Academiis, sed etiam in Judiciis ecclesiasticis ac civilibus.

§. VII.

Ad id jam devolvitur Quæstio, an revera Decretum Gratiani ex hoc usu vim legalem & authenticam ex integro, vel ex parte obtinuerit *An, & quomodo sit authenticum?* Quo supposito ulterior confurgit Quæstio, undenam suam authenticam, utrum ab approbatione Pontificum; vel ab usu, receptione & *Diversæ DD. opiniones, & quæ sit nostra?* consuetudine habeat? Plerique opinantur, eatenus esse authenticum, quatenus correspondet suis fontibus, ad quos est reducendum; ita nempe, ut si canon aliquis ex fonte authentico, seu legali sit deproptus, eandem auctoritatem habeat, ac ipse fons, unde est haustus (u). Non pauci illud ex integro authenticum esse existimant, sic tamen, ut eorum quidam hanc authenticam ab approbatione Pontificum; alii ab usu & receptione derivare soleant. Non nulli media incedunt via, & Decretum istud integrum sed non nisi per aversionem esse authenticum docent, eatenus, quatenus omnes canones, ex quocunque fonte

Nn 3

fonte

(u) Sic e.g. fontes authentici sunt canones Conciliorum Generalium, item Decreta Pontificum: & ideo si tales canones sint inserti huic Decreto, habebunt vim legalem.

fonte etiam spurio, adulterino sint deprompti, autoritate pollent, dummodo tales canones usu & praxi in vim legis fuisse assumptos ostendi queat (x). Jam quæ nostra sit opinio paucis dicamus.

Itaque putamus Decretum istud omnino esse reducendum ad fontes, neque vim universalem unquam obtinuisse: Nam hujusmodi virtutem haberet vel a Gratiano? vel a Pontificum Eugenii III., & Gregorii XIII. approbatione? vel ex usu, consuetudine & receptione? non a Gratiano: quomodo enim homo & Religiosus privatus nulla autoritate legislativa præditus doctrinis privatis spiritum legalem infundere potuit? non a Pontifice: quia de approbatione legali non constat: nam approbavit quidem Eugenius III. istud Decretum, quamquam id ipsum adhuc in dubium vocetur, sed non nisi in usum scholarum, quatenus ad modum normæ, secundum quam jus ecclesiasticum tradendum foret, in scholis a Doctoribus recipi possit, & debeat. Multo minus illud ex integro approbavit Gregorius XIII. in sua Bulla, quam Decreto Gratiani post ultimam correctionem præmiserat: nam si eam non nihil accuratius lustremus, sane nec verbum reperiemus, ex quo universalis approbatio colligi potest. Itaque finis & scopus Pontificis alius non fuit, quam Collectionem noviter adornatam, correctam & emendatam pro suis meritis laudare, cæteris antiquioribus præferre, & inhibere, ne quis alius privatus autoritate propria illud de novo corrigere, emendare, addere vel demere præsumat, & hac ratione vel antiqua vel major canonum confusio oriatur: atque ut hunc suum finem efficacius consequeretur, ipsum fulmen excommunicationis contra illos intentare voluit, qui huic suo mandato contravenire præsumperint.

Sed nec ab usu & receptione universalem authenticam obtinuisse videtur: quis enim sibi prudenter persuadeat, quod Judices ecclesiastici unius Doctoris privati sententiis, spuris Pontificum epistolis, adulterinis Conciliorum canonibus, quibus plenum est hoc Decretum, assurgere, eos homologare, aut in vim legis universalis recipere voluerint? aut enim sciverunt, quod Decretum hoc scateat mendis, defectibus, canonibus adulterinis, epistolis spuris, aut non sciverunt? scientiam supponere vix possumus: quia si Correctores talem errorum scientiam habuissent, procul dubio Decretum ab illis purgassent: si autem non sciverunt, consensus in receptionem, & talem quidem, quæ vim legis universalis habeat, supponi

(x) Id probant Doctores ex Cap. 3. Q. 1. ubi habetur remedium possessorum contra spoliatores: licet enim ille textus sit ex fonte adulterino nempe Epistola ficta Joannis Pontificis, ex praxi tamen vim legis obtinuit.

supponi non potest : cum nihil magis obfit consensui, quam error. Aut certe si unquam Decretum istud vim legalem universalem habuisset, eam nostris temporibus, magna saltem ex parte, deperdidisset, quibus ope Critices tot notantur spuria, adulterina, falsa, novioribus Juribus, hodiernæ disciplinæ contraria, Juribus etiam Pontificiis præjudicialia, imo aliqua non bene cum doctrinis catholicis coherentia (y). Et fortassis hæc ipsa fuit ratio, cur Pontifices prudenti uti Oeconomia, atque Decretum istud ex integro approbare approbatione publica non voluerint; cæterum vero illius usum tacite promovere in judiciis non desierint: cum enim plurima ex epistolis Isidorianis deprompta ad promovendam & amplificandam auctoritatem Pontificiam perquam opportuna ex una; ex altera vero parte non pauca Juribus antiquis Metropolitanorum & Episcoporum vindicandis aptissima in hoc Decreto legerent, consultius duxerunt ab approbatione publica prudentis Oeconomiae causa abstinere. Interim si quis in eam sententiam concedere velit, quæ huic Decreto vim legalem per averfionem tribuit, non habet nos invitos, imo facile nos habebit consentientes : nam si Jus civile Romanum ab hominibus Doctoribus & Jureconsultis privatis conscriptum, si Jus Longobardicum privatum in Germania ex usu, praxi, observantia & consuetudine in vim legis universalis assurgere potuit, quare hæc ipsa fors obtingere non potuit Decreto Gratiani, ut instar consuetudinum feudalium Longobardicarum ex usu forensi auctoritatem legalem obtineret? Et profectorem ita se habere, id manifestissimo est argumento, quod non tantum plures textus spurii, supposititii vel certe suspecti ex Decreto hoc desumpti in Decretales Gregorii IX. fuerint relati (z), verum etiam in praxi in vim legis assumpti, atque ad hujusmodi canones haud secus, quam ad genuinos, sinceros & authenticos provocari soleat : cujus exemplum præbet Cap. 3. Caus. 3. Q. 1. quod ex confarcinatis epistolis antiquorum Pontificum est desumptum, & Joanni Pontifici falso adscribitur, & tamen ex receptione & usu vim remedii possessorii obtinuit. Multum autem interest in effectu, an Decretum unice ad fontes reducendum, vel per averfionem & in genere ex usu & sectu inter sit, receptione esse authenticum dicamus: si primum, nullus prorsus canon vim legis habebit, nisi fuerit Concilii Generalis, vel Pontificis legis instar publicæ promulgatus : Si secundum, haud secus doctrinæ Doctorum

(y) Nam multa loquuntur de Jurisdictione Metropolitanorum olim ad ipsos pertinente e. g. de Confirmatione Episcoporum &c.

(z) In hanc rem citat Boehmer cap. 11. de renunt. cap. 13. de Jud.

rum privatorum, quin etiam canones spurii, & adulterini legibus ecclesiasticis publicis annumerandi erunt, ac canones Conciliorum & Pontificum, de quorum authentia ex certis constat argumentis.

Etiam apud Protestantibus habet summam auctoritatem, & quare? Haftenus dicta intelligenda sunt de auctoritate, quam Decretum habet apud Catholicos. Sed quid de Doctoribus Protestantibus dicendum est? Res prorsus mira, quod eorum aliqui, esto errores in hoc Decreto contentos intellectu comprehendant, oculis videant, & manibus palpent, illud miris laudibus deprædicent, quamplurimi æstiment, atque illius etiam usum, in quantum nempe sibi visum fuerit, miris modis urgeant, & commendent. Inter hos eminet Stryckius, qui id sibi laboris dedit, ut ex hoc Decreto pro suis prælectionibus omnia illa loca extraheret, quæ sibi Doctrinam Protestanticam sapere videbantur, unde etiam hisce Lectionibus nomen dedit: *Præsidii Religionis Evangelicæ ex Jure Canonico in terris Protestantium* (a). Idem fecere alii, qui Gratianum inter testes veritatis reponunt, suæque Religioni haud pauca subsidia inde arcessunt: nam quia Gratianus plurima ex antiquis Conciliis tam generalibus quam particularibus suo Decreto inseruit, & multoties disciplinam Ecclesiæ veteris fideliter refert, eamque ab illis temporibus deducit, quibus auctoritas Pontificia nondum supremum illum apicem attigit, ad quem medio ævo ascenderat, ad infringendam potestatem Pontificis passim ad Decretum Gratiani provocant, & auctoritate illius ad stabilienda sua dogmata utuntur. Super quo videantur *Præsidia veritatis ex Jure Canonico* Joannis Feustking; *Dogmata Protestantica e Jure Canonico comprobata* Matthæi Pfaffii; Author *Apyli Innocentiaæ Quæstionum in Jure Canonico quæsitæ*; Spenerus Part. 1. der *Bedenken* cap. 1. Sect. 14. ubi memorabilem locum S. Augustini in cap. 36. de *Consecr. distinct. 4.* Decreto Gratiani singulari Dei providentia insertum esse ait, & sequentia addit: *Ich nenne es billig eine sonderbare Regierung Gottes, indem solche Theils nicht wenig Schaden dem Pabsthum, und sonderlich der übermäßigen Prærogativ des Cleri, in dem allein anderer Leute Seeligkeit fast einzig hangen solle, Einhalt thun, ja gleichsam eine Grund-Säule ihres Gebäudes übern Hausen werfen kan* (b). Quapropter Boehmerus Decretum istud mirum in modum commendat etiam Doctoribus Protestantibus, attentata Lutheri Jus canonicum Vulcano tradentis reprobat, & scribere non dubitavit, Decretum istud majorem apud Protestantibus quam Catholicos usum præstare: *eo quod disciplina eccle-*

(a) Vid. Boehmer ad Tit. de Constit. §. 17.

(b) Idem ad Tit. de Const. §. 17.

ecclesiarum Protestantiarum ad antiqua instituta ecclesiastica propius accedat, quæ Gratianus in suo Syntagmate tam solícite conquisivit, sed a quibus recentior Ecclesiæ Romanæ disciplina recessit (c). Cæterum qua veritate id scribere possit Boehmerus, non video. Æquus rerum arbiter iudicet, utrum Protestantes vel unicum dogma fidei, in quo nobis contrariantur, ex hoc Decreto probare, vel subsidium inde quærere queant. Sponte fateamur, quod hodierna Ecclesiæ disciplina ab antiqua in multis recesserit. Sed quid tum? utique ipsi fateri debent, quod disciplina Ecclesiæ ferme per omnia sæcula mutationem subierit. Et nunquid apud ipsos suarum ecclesiarum disciplina semper fuit eadem, constans, & invariata permanfit? Multum autem authoritatis saltem pro usu scholarum deperdidit Collectio Gratiani, postquam Decretales Gregorii IX. in lucem emerferunt: quia paulo post abrogato usu Decreti in scholis publicis hæc instar normæ scholasticæ fuerunt adoptatæ, & vim authoritatis doctrinalis obtinuerunt. Plura de hujus Decreti autoritate infra dicemus, super qua legi meretur Boehmerus in sua Dissertatione de varia Decreti Gratiani fortuna, quam suo Corpori Juris Canonici præmisit.

Authoritas illius diminuta per Decretales.

CAPUT III.

De Collectionibus Decretalium potissimum Gregorii IX.

§. I. *De quinque Collectionibus Decretalium minus celebribus.* II. *De Collectione Decretalium Gregorii IX. specialiter de origine epistolarum Decretalium, earum promulgatione, asservatione, collectione & frequentia.* III. *Quomodo & ex quibus fontibus Gregorius suam Collectionem hausit?* IV. *De divisione & ordine illius.* V. *De mendis & defectibus.* VI. *De usu & autoritate illius.*

§. I.

Hactenus egimus de Collectionibus Juris ecclesiastici, quæ ex canonicis Conciliorum, & epistolis Decretalibus Pontificum promiscue fuere

(c) Idem in Præfat. §. 21.

Juris Eccles. Tom. I. K

Origo Collectionis Decretalium in librum separatum.

Prima Collectio Bernardi Circa.

fuere compilatae. Postea vero Decretales epistolæ a canonibus coeperunt separari, & sigillatim colligi. Quamvis enim Dionysius Exiguus, Isidorus, Gratianus, alique Collectores suis codicibus immiscuerint epistolas Pontificum, hisque jam ab antiqua Synodo Romana sub Gelasio anno 494. Romæ celebrata in præsentia 70. Episcoporum sua auctoritas fuerit decreta (d), nemo tamen fuit, qui dictas epistolas pontificias in separatum volumen rescissis Conciliorum canonibus colligeret, & orbicatholico in vim legis communicaret usque ad Bernardum Circa, Præpositum Papiensem, & postea Episcopum Faventinum, qui privato studio Pontificum Lucii III. usque ad Cælestinum III. decretales collegit, & sub certistitulis digessit, & eodem pene ordine librorum & titulorum materias distribuit, quo hodierna Gregoriana Collectio composita est, sed sine numeris capitum aut titulorum, quos se addidisse monet Antonius Augustinus in notis ad cap. 1. in hac compilatione. Inscriptis Bernardus suam Collectionem *Breviarium Extravagantium*, quia fuit collecta ex iis, quæ extra Decretum Gratiani vagabantur, eo fine, ut esset supplementum Gratiani (e). Non tamen constat, quod hæc Collectio approbationem Pontificiam tulerit.

Secunda Collectio.

Paulo post duodecim circiter annis, post aſſtam Bernardi Papiensis Decretalium Collectionem, alia Collectio prodiit, cujus tres nominantur Authores, Gilbertus, Alanus, & Joannes Gallensis, sive Valensis, quibus tamen nomen & gloriam præripuit Joannes Gallensis, quippe qui rescripta pontificia ex utriusque Gilberti & Alani collectionibus congeſſit, iisque Rescripta Cælestini III. addidit, & suis scholiis illustravit, ac non nulla a Gratiano prætermiſſa intermiſcuit. Sed neque hæc Collectio ob defectum approbationis pontificiæ ad authoritatem legalem eluſtari potuit, id quod inde convincitur, quod in cap. 40. de ſent. excomm. textus citatus dicatur eſſe deſumptus *ex verbis cujusdam Epistolæ, quam Scholaſtici ab Alexandro Papa emanasse proponunt*. At vero citatur hæc epistola in Collectione Joannis Gallensis, ad quam appellatur, ut adeo Pontifex illam Collectionem tanquam *opus mere Scholaſticum* citasse videatur.

Tertiam

(d) Nam legitur in citata Synodo: *Item Decretales Epistolæ, quas beatissimi Patres diversis temporibus ab urbe Romana pro diversorum Patrum consultatione dederunt, venerabiliter suscipienda sunt*. Vid. cap. sancta Romana 3. dist. 15. de hac Synodo, illiusque celebratione hodie multum disputatur.

(e) Joan. Florens de Meth. & Auth. Collect. Grat. §. 4.

Tertiam Collectionem adornavit Magister Bernardus Compostellanus Archidiaconus ex regulis Innocentii III. Papæ, quæ dicta fuit *Tertia Collectio, quæ dicitur Romana*. Quoniam vero in hac compilatione quædam reperiuntur Decretales, quas Romana Curia non agnovit, idcirco Innocentius III. novam Collectionem suo nomine compilari voluit, eique suas Decretales per Petrum Beneventanum Notarium superaddi præcepit. Hanc Collectionem idem Pontifex Doctoribus & studentibus Bononiæ destinavit, inscripsit, consecravit cum Epigraphe: *Innocentius Episcopus Servus Servorum DEI, universis Magistris Bononiæ commorantibus Salutem & Apostolicam Benedictionem &c.* Atque hæc Collectio fuit prima, quæ autoritate publica facta fuit juris pontificii Collectio (f), & a pluribus rejecta Bernardi Compostellani Collectione: *tertiam Decretalium compilatio* vocatur. Elapso quinquennio a dicta tertia Collectione accessit quarta ex scitis Innocentii III., & quidem partim ex canonibus Concilii Generalis Lateranensis IV. numero viginti & uno; partim ex epistolis Decretalibus ejusdem Pontificis occasione variarum controversiarum ad Sedem Pontificiam delatarum deprompta, cujus duplex habetur editio teste Antonio Augustino in *Proœmio de quinque antiquis Collectionibus*.

Successit demum Collectio quinta, quam adornari, & ad methodum priorem adoptari curavit Honorius III. immediatus Innocentii III. successor. Hic ergo exemplum sui Antecessoris imitaturus epistolas Decretales a se editas juxta numerum decem annorum, quibus rexerat Ecclesiam, decem libris per Tancredum Archidiaconum Bononiensem comprehendendi, in volumen redigi, & sua autoritate publicari voluit, ea lege, ut ab omnibus reciperentur. Hujus Collectionis jam pridem canonum interpretes mentionem fecerunt, quin tamen publicam lucem aspexerit, donec Innocentius Cironius Academiæ Tolosanæ Cancellarius, & Professor Juris celeberrimus illam ex codicibus manuscriptis Bibliothecæ Albiensis erutam anno 1645. typis ediderit, ac notis scholasticisque doctissimis illustraverit. *Quinta autoritate Honorii III. adornata.*

Ex his quinque Decretalium Collectionibus duæ priores industria privata sunt coordinatæ; tres posteriores autoritate publica communikatæ. Omnes hæ Collectiones usum aliquem habuerunt scholasticum, *Earum autoritas & usus.*

O o 2

variis-

(f) Nam ut ait Antonius Augustinus: *Superiores omnes, sive Decretorum, sive Decretalium collectores privata autoritate scripserunt, & Rescripta ab eis relata negari poterant, nisi ab Scrinariis Romanæ Ecclesiæ comprobarentur.*

variisque Doctorem commentariis fuerunt illustratæ, ac plurimum utilitatis habent, non ideo duntaxat, quod in se contineant Conciliorum canones, & Pontificum decreta, quæ alibi vix reperiuntur, sed ideo vel maxime, quod ad intelligendum illustrandumque verum sensum Decretalium Gregorii IX. vel maxime conducere, quin imo esse necessaria videantur. Atque hæc sunt quinque illæ Collectiones, quæ Collectionem Gregorii IX. antecedeant, quarum tres posteriores fide constabant publica & authentica; duæ priores autem incertæ erant auctoritatis, & fidei dubiæ. Inde autem nova litium messis enata fuit: dum enim Collectiones istæ serine manibus omnium eruditorum, scholarum & Advocatorum in foris terebantur, hi vero a Pontifice ad Pontificem, ab hac Collectione ad aliam provocabant, non raro quasdam Collectiones in dubium vocabant, quasdam auctoritate legali destitutas asserbant, inextricabiles sane infinitarum litium nodi, alique morbi gravissimi necessitatem fecerunt cogitandi de medela opportunissima, eaque sufficientissima hisce tot, ac tantis malis, rebusque afflictis succurrendi. Huic ergo malo ut efficacissimam asserret medelam Gregorius IX. Honorii III. Successor jurium peritissimus, de nova Collectione adornanda cogitavit, ac opus tam grande, ac immensum actu in se suscepit.

*Lites exinde
enata.*

§. II.

*Collectio
Greg. IX.
aliisque au-
thoritas, &
usus.*

Atque hic jam delabimur ad Collectionem celeberrimam Decretalium Gregorii IX., quæ auctoritatem Decreti Gratiani multum attrivit, primatum tam in scholis, quam in judiciis obtinuit, & Virorum doctissimorum ingenia plurimum defatigavit, ac in id induxit, ut quamplurimis commentariis, notis, scholiis & animadversionibus illam illustrare totis viribus contenderent. Priusquam hanc Collectionem ad incudem vocemus, & examini subjiciamus, quædam præmittenda censuimus, quæ jam alibi aliqua ex parte attigimus, atque illud præpimis: quod Epistolæ Decretales originem trahant ab illis relationibus & consultationibus jam in primitiva Ecclesia ad Romanam Ecclesiam factis, utpote quam omnes totius orbis catholici Præsules velut Matrem omnium Ecclesiarum, & in ea Episcopum Romanum tanquam Præmum totius Ecclesiæ suspexerunt. Ad hunc igitur in causis dubiis ad ecclesiasticam disciplinam pertinentibus confugiebant, ut suam sententiam ediceret, & instar arbitrii supremi decerneret, quo jure, qua lege esset vivendum. Hæc igitur epistolæ non semper instar legis universalis emanabant, neque modo consueto promulgabantur, neque jus novum constituebant, sed

*Origo Epi-
stolarum De-
cretalium.*

*Illarum usus
& auctori-
tas.*

fed unice vim refponfi authenticici fuper dubio juris antea conftituti habebant, nihilominus tamen in archivo Romano feu Regellis diligenter afervabantur: unde fortaffis factum eft, quod hæc epiftolæ Decretales Collectionibus canonum non fuerint immixtæ: etfi adhuc alia ratio fubfuerit, hæc nempe, quod in fenfu Juris antiqui foli Conciliorum canones proprie *Canones Ecclefie* fuerint appellati. Utrum Codici Ecclefie Univerfali epiftolæ Decretales fuerint infertæ, in Differt. priori ex Couftantio retulimus.

Sed nec illud ex omni parte certum eft, quod tales epiftolæ unice in Archivo Romano fuerint afervatæ, neque per cæterum orbem catholicum promulgatæ: innegabile enim eft, quod aliquoties Pontifices eas miferint ad plures conjunctim Epifcopos, quibus neceffario communicaudæ erant, non nunquam ad confultationem Epifcopi particularis refponderint cum juffu vel certe hortatu, ut eas cæteris Coepifcopis communicarent, vel more tunc confueto defuper ad Synodum referrent, vel omnino per Diœcefes & Provincias divulgarent (g). Prima *Collectio illarum prima fiana*, quam excipiebant aliæ, Ingelramni, & præfertim Gratiani. *Abfuit Dionyfiana.* *Aliquoties ad Epifcopos miffa, ut promulgentur.*

hoc vero tempore quo potestas Pontificia in immenfum excrevit, inceperunt Pontifices plures & innumeras fcribere epiftolas non tantum ad confultationem & relationem aliorum, fed motu etiam proprio inftar legis univerfalis cum juffu, ut a cæteris Ecclefie Præfulibus cum debito refpectu ac reverentia reciperentur. Inceperunt etiam appellationes frequentiffimæ ad Romanum Pontificem, refervationes, & avocationes caufarum, quæ a Pontificibus decidendæ erant, ex quarum decisionibus exuberantiffimam novarum Decretalium mæffen enafci neceffum erat. Atque hæc immenfa Decretalium copia aliam fecit neceffitatem nempe eas colligendi in unum quafi fasciculum, ne, fi incertis fedibus vagarentur, in judiciis mera fieret confufio canonum, & Decretorum, jamque nemo fciret, quid lege anteriori vel posteriori fit conftitutum. Unde factum eft, ut quinque illæ Collectiones fupra recenfitæ in lucem publicam emergerent. Verum neque hac ratione confultum erat bono publico: cum hæc ipfa Collectionum multitudo novam pareret confufionem in judiciis: quare, uti fupra monuimus, demum Gregorius IX. operi manum appofuit, & Collectionem novam adornari curavit, de qua nunc differendum.

§. III.

*Quomodo
Greg. IX.
suum opus
fuerit exor-
sus?*

Aggressus est Gregorius opus istud opera & industria Raymundi de Pennafort Pœnitentarii & Capellani Pontificii anno 1230., & ex quinque Collectionibus anterioribus, adjectis etiam Constitutionibus novis a se editis Codicem adornari præcepit ad imitationem Justiniani Imperatoris, qui ex Codicibus Hermogeniano, Gregoriano & Theodosiano admixtis suis propriis Constitutionibus Codicem Justinianæum colligi jussit.

*Ex quibus
fontibus il-
lud hause-
rit?*

Ex quibus fontibus Gregorius, & suus fidelis Minister Raymundus suam Collectionem hauserit, ipse indicat in epistola illius confirmatoria: 1mo ex anterioribus Epistolis & Constitutionibus Pontificiis in diversa volumina dispersis, & illarum Collectionibus, quibus hinc inde immixta erant quædam ex Scriptura sacra, Synodis, & Patribus deprompta. 2do ex aliis epistolis suorum prædecessorum nondum in codicem aliquem relatis, & per incertas sedes vagantibus. 3tio acceperunt Epistolæ & Constitutiones ipsius Gregorii ad diversos in causis diversis scriptæ. 4to cum Gregorius jurium esset peritissimus, ac etiam amantissimus, in eo recessit a vestigiis suorum Antecessorum, quod non modo sua Rescripta, & Epistolas ad aliorum instantiam, consultationem, relationem, ac decisionem causarum datas suæ Collectioni inferuerit, sed etiam plura ex Jure civili deprompta sub nomine Constitutionum sine inscriptione tamen, & directione ad quemcunque, hoc ipso quod a nemine rescribere consultus & rogatus fuerat, immiscuerit, & hac ratione quodam velut connubio (felici an infelici dicam?) Jus Canonicum cum civili conjunxit.

*Non inte-
gras Episto-
las inseruit.*

Præluxerunt quidem Gregorio sui Prædecessores in formandis Judiciis, quæ cum strepitu forensi juxta normam Juris civilis instruxerunt, & decidendis causis controversis, quarum decisionem pluries ex legibus civilibus petebant: nemo tamen eorum placita quædam ex Codice Justiniano depromere, eaque ad instar propriarum Constitutionum suis codicibus Pontificiis immiscere voluit. Aliud adhuc est, in quo Gregorius ab antiquis moribus recessum fecit. Consueverunt Pontifices antecedentes integras suas Epistolas in Codicem referre cum pleno tenore: Gregorius IX. non integras Decretales, ex more antecedentium compilationum, sed tantum præcipua earum capita, vel ipsas decisiones seu capitula referre, atque ad statum sui temporis dirigere, componereque erat contentus. Ex hac vero relatione frustilatum facta, ex omissione plurium circumstantiarum, quæ ipsam decisionem non raro ingrediuntur, ac causam mirum in modum mutant,

*Inde multa
incommoda.*

NOYÆ

novæ rursus difficultates interpretibus creatæ fuerunt, dissensus sub-
 orti, controversiæ exortæ, quibus nemo succurrere poterat, nisi qui
 integras epistolas evolvere, vel omissas circumstantias supplere colla-
 boraverit. Hoc ipsum induxit Antonium Contium, ut ea, quæ omis-
 sa erant in Decretalibus, textui subjiceret, & sensum evidentiorum eidem
 restitueret, quo suo labore Vir iste eruditus omnibus Jurium Do-
 ctoribus & Studentibus ingens profecto præstitit beneficium, atque
 effecit, ut posthac additiones istæ constanter novis Editionibus singu-
 lis non obstante editione Romana sub Gregorio XIII. publicata, in qua
 omissæ sunt, subjici meruerint.

*Antonius
Contius
supplevit.*

§ IV.

Divisit Gregorius Collectionem suam in quinque Libros: Libri di-
 viduntur in titulos, hi in capita, quæ si prolixiora fuerint, subdividuntur
 in Paragraphos. In Libro primo agitur in genere de quibusdam ad Jus
 ecclesiasticum pertinentibus, singulariter de legibus ecclesiasticis,
 modis perveniendi ad Prælaturas ecclesiasticas, seu Jurisdictionem ec-
 clesiasticam &c. In secundo Libro de Judiciis ecclesiasticis seu forma
 Judiciorum. In Libro tertio de variis Juribus & Privilegiis Ecclesiarum,
 & Clericorum. In Libro quarto de Sponsalibus & Matrimoniiis. In Li-
 bro quinto de Processu Criminali, & variis Delictis ac Criminibus.
 Quæ omnia sequenti vulgatissimo continentur versiculo :

*Divisio Col-
lectionis in
quinque li-
bros.*

Judex, Judicium, Clerus, Sponsalia, Crimen,

Ordinem & nexum materialium in his Libris frustra desideramus, &
 inanem laborem in se suscepturus foret, qui talem nexum per conqui-
 sitas non nunquam ridiculas rationes extorquere, & quasi crinibus at-
 trahere vellet, prout a non nullis Doctoribus Jurium fieri non ignora-
 mus. Brevem Exegetin materialium & titularum omnium exhibet
 Pertschius (h).

§ V.

Collectionem hanc non esse omnino optimam tum ob defectum
 ordinis accurati, & connexionis inter materias, truncatas epistolas
 Decretales, quas Raymundus, licet ex optima intentione, brevitatis
 causa resecurit, & truncatim, rescissis etiam iis, quæ ad sensum episto-
 læ rite intelligendum omnino forent necessaria, Collectioni inseruit ;
 tum

*Collectio hæc
non est ex
omni parte
perfecta.*

(h) Vierte Abtheilung von den Decretalen, 290. & seq.

*Illustratur
exemplis.*

tum ob additionem eorum, quæ Raymundus Decretalibus, quas suo quasi tempore accommodare volebat, de proprio admiscuit, & hac ratione alienum omnino sensum canonici vel Decretali epistolæ alliaxit, nemo negabit. Et quod hæc a parte rei ita se habeant, indubitatis exemplis, iisque pluribus manifeste ostendit Van-Espen: in hanc rem assert Cap. 9. de Consuet. Cap. 3. de Appell. Cap. 2. de Judic. Cap. 6. de Probat. Cap. 3. de Constit. Cap. 5. de For. compet. Cap. 2. de Elect. Cap. 1. de Jud. Quapropter consulit Vir consultissimus, ut tam Collectiones anteriores, quam ipsi Decretalium fontes consulantur, quos consulere ad innumera obscura dilucidanda, dubia submovenda, sensum intelligendum omnino erit necessarium. Rem hanc Author eruditissimus duplici exemplo illustrat, quorum unum ex Cap. 5. de Testam. alterum ex Cap. 13. eod. depromit. Noverint omnes, qui Jura vel a limine tantum salutarunt, qua animorum contentione inter se colliduntur Doctores in Quæstione, *utrum valeat rei alienæ legatum*: Item an voluntas Testatoris in voluntatem tertii rejici valeat? Ipsa Jura canonicum & civile inter se videntur collisa. Jus civile legatum rei alienæ sub certis tamen modis omnino approbat §. IV. Instit. de Leg. econtra voluntatem propriam in alienam transferri in fæctione Testamenti nullo modo permittit L. XXXII. ff. de Hæred. instit. Jus Canonicum vero quoad utrumque contrarium statuit, & in cit. Cap. 13. dispositionem Juris Civilis tacite reprobare videtur. Jam vero nemo ignorat, quantum in conciliandis Juribus & textibus sudent Jureconsulti. At vero, inquit Van-Espen, omnis difficultas cessat, si epistolas Decretales Pontificis integras & originales inspiciamus: inde enim mox patebit, omnem difficultatem ex eo oriri, quod Compiler quædam truncaverit; quædam necessaria intermiserit, sensum turbaverit, vel circumstantias quasdam referre neglexerit (i).

§. VI.

*Alius authoritas
provis summa,
quare?*

Jam de usu & autoritate hujus Collectionis. Nulla profecto ex omnibus, quæ in hodiernam usque diem lucem publicam aspexerunt, Collectionibus tantum mox a suo principio obtinuit autoritatis, quantum hæc Collectio Gregorii. Sed mirum id videri non debet: inprimis enim ipse Gregorius hanc Collectionem verbis amplissimis approbavit, & corroboravit; insuper prohibuit, ne quis aliquam epistolarum Decretalium Collectionem adornare auderet; eamque Doctoribus

(i) Vid. Van-Espen Part. 8. Cap. V. & VI.

bus Bononiensibus inscripsit, dedicavit, consecravit, quo sibi Viros
 hos mirum in modum devinxit, ita, ut abrogato Decreto Gratiani
 aut sultem non nihil depressa illius auctoritate in normam scholarum
 hanc Collectionem Gregorianam assumerent: maxime quod hæc *Commodior,
 & ordinata
 magis.*
 collectio visa fuerit commodior, ordinata magis, stylo illius temporis
 magis attemperata, & quamplurima ex Jure civili Romano desumpta
 in se contineat; præcipue autem illius Compilator processum Judicia-
 rium in ordinem ordinatissimum, & longe meliorem, quam est in Jure
 civili, disposuerit. Et quoniam eo tempore in aulis Principum solus *Jurispru-
 dentia do-
 minabatur in
 aulis Principum,*
 Justinianus cum suis legibus perstreperat, & ex Jure civili Romano
 ferme solo, quidquid doctrinæ, eruditionis ac Jurisprudentiæ habuere
 ævi illius Jureconsulti, veluti ex fonte purissimo hauserant, mirum
 non est, quod tam docentes, quam discentes opus istud ambabus ma-
 nibus sint amplexati, illud instar normæ accommodatissimæ recepe-
 rint, optime gnari, hac ratione, si jam Justiniani legibus canones Gre-
 gorii IX. jungerent, ac utrique Jurisprudentiæ pari studio incumben-
 rent, se ad prima officiorum, ac dignitatum subsellia promovendos.
 Cum enim ipsi Principes & Episcopi omnem suam fiduciam in Jurecon-
 sultis collocarent, illorum consiliis in suo Ecclesiarum & Provinciarum
 regimine uterentur, sua judicia conformiter legibus civilibus ordina-
 rent, secundum has etiam controversias deciderent, illi profecto pri-
 ma subsellia occupabant, varia ac ferme omnia ministeria Consiliario-
 rum, Judicum, Advocatorum obibant, qui ex scholis publicis rever-
 tentes ingens legum civilium armamentarium secum reportarunt. Ex
 his ergo consecrarium erat, ut hæc Collectio Gregorii per omnes plagas
 non modo Italiæ, sed etiam Galliæ, Germaniæ, Angliæ, Belgii
 longe lateque dislunderetur, ac dominatum ipsi etiam Juri civili præ-
 riperet. Porro cum infra de auctoritate Juris Canonici singula-
 riter acturi simus, plura ad Quæst. IV. reservamus. A Sæculo ergo
 XIII. & XIV. post deturbatum e sua possessione Decretum Gratiani
 hæc Collectio ferme sola usum scholasticum, & dominatum in omni-
 bus ferme Academiis obtinuit; hæc sola de cathedris exponitur, in
 hanc innumera scribuntur commentaria, ad hanc in Judiciis pro-
 vocatur, nisi per noviores Collectiones eidem
 fuerit derogatum.

CAPUT IV.

De reliquis Collectionibus in corpore Juris clausis.

§. I. *Utrum post Collectionem Gregorianam ad tempora usque Bonifacii VIII. alia Collectio fuerit facta.* II. *De Collectione Bonifacii VIII. illius scopo, & materia.* III. *De illius approbatione & Autoritate præsertim in Gallia.* IV. *De Clementinis Clementis V.* V. *De Extravagantibus in genere.* VI. *De Extravagantibus Joannis XXII.* VII. *De Extravagantibus communibus.* VIII. *De libro VII. Decretalium.* IX. *De Collectionibus variorum Pontificum, quæ tamen suum effectum non obtinuerunt.* X. *De Institutionibus Lancelloti.*

§. I.

An a tempore Gregorii IX. usque ad Bonifacium VIII. quædam facta Collectio?

Dux a Boehmero assumitur.

Quia Gregorius IX. in epistola suæ Collectionis confirmatoria severe interdixerat, ne quis aliam Collectionem absque autoritate Sedis Apostolicæ speciali facere præsumeret, scribunt non pauci Doctores (k), ad tempus aliquod ab ulteriori compilatione Decretalium, & quidem usque ad Bonifacium VIII. cessatum fuisse, donec hic Pontifex anno sui Pontificatus 4. sub finem Sæc. XIII. novam Decretalium Collectionem fieri mandasset, & suo nomine publicasset. Refellit hanc communem opinionem Boehmerus, qui duplicem Collectionem tempore inter Gregorium IX., & Bonifacium VIII. medio fuisse compilatam demonstrat, quarum una fuit Innocentii IV., qui canones Concilii Lugdunensis anno 1245. celebrati ad normam & methodum Decretalium Gregorii IX. colligi mandavit, eamque ad Academiam Bononiensem more suorum Aptecessorum transmisit, ut tam in judiciis, quam in scholis usum præstaret. Altera est Gregorii X. in ipso Concilio Lugdunensi II. ad similem normam disposita, & pariter sub eadem formula, qua prior, ad Bononienses transmissa. Neutra tamen ex his optatum obtinuit effectum, & prior quidem penitus fuit neglecta, & nunquam lucem aspexit publicam (l). Posterior autem simpli-

(k) Van-Espen part. 8. cap. 2. Mastricht in Hist. Jur. Eccles. n. 366. Struvius in Hist. Jur. cap. 7. §. 26.

(l) Hanc Collectionem nunquam antehac editam ex Codice Manuscripto regię Biblio-

simpliciter inter canones Concilii fuit relata, & nunquam in forma Collectionis produiit.

§. II.

Animadversio hæc Boehmeriana neutiquam est inepta. Interim *Animadversio Boehmeriana non est inepta.* excusari merentur omnes Doctores, qui post Collectionem Gregorii IX. immediate ponunt Collectionem Bonifacii VIII., hoc ipso, quod duæ priores nunquam civitate fuerint donatæ. Itaque neglectus iste utriusque prædictæ Collectionis sine dubio ansam dedit compilationi novæ sub Bonifacio VIII. conflandæ. Hic ergo anno Pontificatus sui tertio, vel quarto tribus Viris doctissimis Guilielmo de Mandagoto Archiepiscopo Ebrodunensi, Berengario Fredello Episcopo Bitterensi, & Richardo de Senis S. R. E. Vice-Cancellario commisit provinciam, novam molienti compilationem: quod a temporibus Gregorii IX. plures essent editæ Decretales, de quarum fide non semper constaret. Quisnam *Illius scopus & finis.* scopus, materia & methodus hujus Collectionis fuerit, sane luce meridiana clarius ex verbis epistolæ Collectionis confirmatoriæ colligitur, quæ in ipso Corpore Juris legenda prostat, ut adeo illius verba adducere, supervacaneum nobis videatur (m). Scopus ergo Bonifacii alius, saltem principalis, non fuit, quam Decretales Pontificum, quæ extra Collectionem Gregorii IX. vagabantur, & quarum fides in judiciis vacillabat, in unum volumen redigere, eaque redactione discernere, quæ rejiciendæ, & quæ repudiandæ essent. Pro materia substrata *Materia hujus Collectionis.* hujus Collectionis assumpsit quasdam epistolas Gregorii IX. quas ipse suæ Collectioni non inseruerat, & quæ ante editam Bonifacii compilationem dicebantur Extravagantes Gregorii IX.; dein epistolas & Decretales suorum Prædecessorum, & præcipue suas proprias; item canones duorum Conciliorum Lugdunensium, & duas præcedentes Decretalium Innocentii IV. & Gregorii X. *compilationes*; quo factò ambæ hæ Collectiones desierunt esse, & constituere partes *Corporis Decretalium* separatas, adeo ut Bonifacius VIII. suam Collectionem *Librum VI.* appellari jussisset, sicque imposterum, neglectis duabus præcedentibus, immediate Collectioni Gregorii IX. in Libros V. divisæ successerit, ejusque *Librum sextum* constituerit.

Interim etiam Bonifacius suam Collectionem in quinque Libros, *In quinque libros divisa.* & hos in titulos ad imitationem Gregorii IX. divisit, eamque quasi appendi-

P p 2

pendicem sive supplementum Decretalium Gregorii haberi, & propterea ad distinctionem illarum *Librum sextum* vocari voluit, quo nomine in hodiernam usque diem citari solet.

§. III.

*Alius appro-
batio & pro-
mulgatio.*

Hunc librum Bonifacius in pleno Consistorio sedulo perlectum, examinatum atque approbatum anno 1298. quinto nonas Martii, anno Pontificatus IV. promulgavit, & ad Academiam Bononiensem, imo ex multorum opinione etiam ad Universitates Parisiensem, & Aurelianensem transmissit, licet Doctores & Gallicani & Germani passim testentur, illam in Gallia non esse receptam ob notissima, & sane scandalosa dissidia inter Bonifacium VIII., & Philippum Pulchrum Regem Galliarum (n). Testantur nihilominus alii, hanc Collectionem hinc inde etiam in Galliis habere usum non modo scholasticum in Universitatibus, sed etiam in Judiciis ecclesiasticis, illiusque Decreta aliquoties in decidendis causis fuisse adhibita (o). Nostrium non est historiam dissidiorum inter Bonifacium, & Philippum pulchrum pertexere. Id unum addimus, in hac Collectione plura contineri, quibus Decretalibus anterioribus fuit derogatum. Quapropter libri hujus omnino ratio habenda erit (p).

*Utrum in
Galliis sit
recepta, &
usum ibidem
habeat?*

§. IV.

*Collectio Cle-
mentis V. ab
ipso adorna-
ta, sed non
publicata &
quare?*

Post sextum Decretalium sequuntur Clementinæ, seu Collectio Clementis V. Hic ille fuit Pontifex, qui sedem Pontificiam Roma transtulit Avenionem. Hic ergo constitutiones generales Concilii Viennensis, cui præfuit anno 1311. una cum non nullis aliis suis Constitutionibus, atque Epistolis Decretalibus ante, aut post illud Concilium emissis colligi, atque ad editionem parari curavit. Sed morte præ-

(n) De his post alios fuscè agit Van-Espen in opere posthumo pag. m. 617. & seq. disceptabatur nempe inter illos super autoritate Pontificis in temporalia, jure Regaliæ &c.

(o) Duarenus de Sac. Eccles. Minist. in Præfat. Petri de Marca lib. 4. cap. 16.

(p) Author quidam Novitius Moguntinus in sua Dissertationucula *de fontibus Juris Canonici Germanici* prætendit, hanc Collectionem nec in Germania esse receptam, & provocat ad opus posthumum Van-Espen pag. 702. Sed male, quia Van-Espen unice loquitur de Belgio, quod utique Germania dici nequit,

præventus illam publicare non potuit : imo scribunt non nulli, quod lætulo mortuali affixus, jamque morti proximus illius publicationem prohibuerit (q) ; prius tamen eandem pro more consueto ad Academiam Aurelianensem adhuc in vivis miserit, etiam ad alias transmissurus, nisi, ut dictum fuit, pœnitentia ductus, de ea abolenda, antequam animam ageret, cogitasset (r). Nihilominus illius Successor Joannes XXII. eam publica autoritate donandam esse censuit, approbavit, & Doctoribus Bononensibus inscripsit. Etiam hæ Clementinæ dividuntur in quinque Libros ; hi vero in Titulos, & continent Decretales Clementis ; quas ante, & post Concilium Viennense vel in ipso Concilio edidit. Eas amplissimo decreto in terminis prægnantissimis concepto pro usu scholarum non tantum, sed etiam judiciorum approbavit Joannes XXII., quod præfationis instar Clementinis in Corpore Juris clausis est præfixum, & omnino legi meretur.

Eam publicavit Joannes XXII.

§. V.

Hactenus de Collectionibus in Corpore Juris clausis egimus. Pro- *De Extragrediendum igitur ad Collectiones, quas Extravagantes, veluti extra vagantibus.* Corpus Juris vagantes appellare solemus. Verum mox in limine nobis opponi animadvertimus, etiam ipsas *Extravagantes* esse in Corpore Juris clausas : aut si hoc verum non est, nos vagari extra nostros limites, cum utique nobis constitutum sit unice agere de Collectionibus in Corpore Juris clausis. Recte prorsus hic nobis scrupulus movetur, quo non raro discipulos etiam pulsari experientia didicimus, tunc maxime, quando de Reservationibus Beneficiorum audiunt, quod alia sit clausa in Corpore Juris, qualis est illa sola, quæ habetur in cap. 2. de Præbend. in 6. ; & alia non sit clausa, qualis legitur in Extravag. execrabilis Joannis XXII. eod. tit. & altera in Extravag. ad Regimen Benedicti XII. eod. tit. : cum tamen hæ omnes & singulæ sedem fixam in Corpore Juris habeant. Idcirco operæ pretium duximus hunc scrupulum submovere.

Cur dicantur Extravagantes, cum tamen sint in corpore juris clausæ ?

Rem ab ovo damus. Ex Scriptoribus, & monimentis constat, quod olim, postquam Decretum Gratiani in lucem prodiit publicam, omnes Constitutiones Pontificiæ in hoc Decreto non contentæ, nomine Extravagantium fuerint designatæ : quapropter Bernardus Papiensis, qui primus post Decretum Gratiani compilationem fecerat, eam

Pp 3

voca-

(q) Aventinus Annalium Bojorum 7.

(r) Boehmer in Præfat. ad Decret. §. 17.

vocavit *Breviarium Extravagantium*. Verum postquam Collectio Gregorii IX. in lucem emerfit, cum Decretales in ea comprehensæ, utpote jam in certum ordinem & formam redactæ, & Pontificia autoritate munitæ, adhuc tamen extra Corpus Juris consistere crederentur, Doctores illius ævi indicandæ huic Collectioni solum vocabulum *extra* retinuerunt. Ab eo tempore nomen *Extravagantium* ad novas Constitutiones translatum est, quæcunque Corpori Juris insertæ non essent. Jam vero dantur Extravagantes duplicis generis etiam in Corpore Juris contentæ, quæ tamen ambæ retinuerunt nomen Extravagantium, videlicet *Extravagantes Joannis XXII.* & *Extravagantes communes*. Vocantur autem *Extravagantes*, quod ambæ singulari rescripto Pontifici non fuerint munitæ, multo minus autoritate publica in Corpus Juris relatæ: Approbavit quidem Joannes XXII. suam compilationem, dum in fine apposuit consuetam clausulam: *Nulli ergo &c.* Quia tamen speciali rescripto cæterarum instar confirmata non fuit, neque ad Aca-
demiam Bononiensem, aut alias Universitates transmissa, eo quod præfatus Pontifex plenior compilationem adornare in animo habuerit, suum pristinum locum, nomen, & characterem inter Extravagantes retinuit. Inde etiam est, quod duæ illæ Reservationes in Extravagantibus contentæ in hodiernam usque diem dicantur *non clausæ in Corpore Juris*.

§. VI.

Jam de ipsis Extravagantibus Joannis XXII. quam paucissimis dicamus, quæ nihil sunt aliud, quam 20. Constitutiones hujus Pontificis, quas ipse sub 14. titulis anno Pontificatus sui nono, id est, anno 1325. promulgavit. Sunt quædam harum Constitutionum magni prorsus momenti, uti Extravag. Execrabilis de Præb. & dignit. ubi Pontifex sibi reservavit reservatione generali Beneficia incompatibilia; Extravag. ad Conditionem de V.S. in qua a se abdicavit Dominium illud famosum Fratrum Minorum, illudque naturæ reiesse contrarium asseruit. Fuit Joan. XXII. Vir acris ingenii, dissidia valde gravia habuit cum Ludovico Bavaro, Annatarum etiam maxima ex parte habetur Author; strenue tamen pro juribus suis Pontificiis decertavit.

§. VII.

Breviter etiam de Extravagantibus communibus videamus. Nempe circa finem Sæc. XV. in lucem emerfit Collectio quædam Constitutio-
num

Extravagantes communes

num Pontificiarum sub nomine *Extravagantium communium*. Dicuntur *munnes, & communes*: quia non sunt unius, sed plurimorum, & quidem 25. Pontificum a Bonifacio VIII.; vel ut alii volunt, ab Urbano IV. usque ad Sixtum IV. qui per annos plusquam 220. nempe ab anno 1262. usque ad annum 1483. sedem Pontificiam tenuerunt. Distincta est hæc Collectio in libros quinque, complectitur Titulos 35. Capitula 74.

In eo non tantum ambæ Extravagantes a Decretalibus in Corpore *Sunt authenticæ non* Juris clausis distinguuntur, quod usque nunc extra illud vagari dicantur; sed in eo etiam, quod ambæ destituantur approbatione legalitatis, *ex approbatione, sed usu.* Quidquid ergo autoritatis legalis habent, id omne ex receptione, praxi, usu, & consuetudine acceperunt.

§. VIII.

Sequitur Liber septimus Decretalium, cujus Author fuit Petrus *Liber septimus Decretalium successu temporis in corpus* Mathæus Jurisconsultus Lugdunensis, qui novam composuit Collectionem Decretalium, eamque jam anno 1590. absolvit. In Corpus Juris autem hæc Collectio primum relata fuit anno 1661. dum nova Decretalis editio Cardinali Cajetano dicata in lucem prodiiit. Continet *Li-juris relatus, quid continet?* ber hic septimus Decretales in Corpore Juris non contentas a tempore Gregorii IX. præcipue Sixti IV. usque ad Sixtum V. Plura in hoc Libro a Scriptoribus notantur, desiderantur, & quodammodo carpuntur. *Plura in hac collectione desiderantur, & carpuntur a Gallis.* Ipsa in primis inscriptio notam meretur: nam inscripsit Author suam compilationem *Librum septimum*, quem tamen propter superadditas Extravagantes potius Librum nonum inscribere debuisset. Antiquiorum nec Librorum nec Titulorum ordinem servavit, titulos mirum in modum sine necessitate multiplicavit, plura utilia prætermisit, multa minus necessaria suo operi intexit. Singulariter Doctores Galli Matthæum Lugdunensem male habent, atque id vitio illi vertunt, quod ipse pro juribus & libertatibus patriæ suæ, id est Gallicanis tam segniter zelaverit; quin imo plurimum eisdem præjudicaverit, dum suæ Collectioni tot Decretales Pontificum inseruit, quæ cum jurius Ecclesiæ Gallicanæ vix stare aut conciliari possunt. Deest etiam huic Collectioni *Non habet* approbatio publica, & ideo ad legalem autoritatem eluctari nunquam *authoritatem legalem.* potuit, neque illam ex praxi & consuetudine obtinuisse constat. Alium adhuc commisit errorem hic Compiler, qui ferme memoria nobis excidisset, nempe quod plura ex Concilio Tridentino suæ Collectioni inseruerit, quin tamen indigitaverit, quid Synodus Tridentina novi statuerit, aut in quo a Jure Canonico antiquiori recesserit, id quod sane intermittere non debuisset: quia id ingenti prorsus & commodo & utilitati *Singularis defectus detegitur.* fuisset

Nullum emendavit Douiat. fuisset legentibus. Defectum hunc egregie supplevit, & emendavit Joannes Douiat in suis annotationibus ad Institutiones Lancelloti. Hæcenus recensuimus Collectiones, quas varii Pontifices (excepto solo Libro VII. Decretalium) fieri curarunt.

§. IX.

Plures Pontifices meditabantur Collectiones præcipue Sixtus V.

Plures Pontifices similem laborem meditabantur: tum, ut Ecclesiæ & bono literario in melius prospicerent, sicut credebant: tum ut nomen suum æternitati transcriberent. Simile opus meditabatur etiam Sixtus V. jamque actu Viris eruditissimis pluribus Cardinali Dominico Pinelli, Cardinali Hippolyto Aldobrandini, Cardinali Hieronymo Pinelli, Lucio Salano Episcopo Rupano, Seraphino Olivario Auditore Rotæ, Francisco Begna Auditore Rotæ, Pompejo Arrigonio Advocato Consistoriali, Julio Cæsari Oddinello Secretario Congregationis provinciarum novam Collectionem adornandi sub titulo Liber septimus Decretalium anno 1588. demandavit. Inceptum fuit istud opus, sed brevi iterum, nescio quo fato, intercidit. Quod si Fagnano fides adhibenda est, Gregorius XIII. jam opus istud auspicari cogitabat, ac laborem hunc tribus Cardinalibus Flavio Ursino, Francisco Alciato, & Antonio Caraffæ commisit; morte tamen præventus illud consummare non potuit. Quapropter Sixtus V. continuationem operis commendavit prædicto Cardinali Pinelli, & huic socios laborum dedit duos Cardinales Aldobrandini, & Columna. Ast neque sub hoc Pontifice opus istud ad finem fuit perductum. Successit in dignitate Pontificia Sixto V. præfatus Cardinalis Aldobrandini sub nomine Urbani VII. Hic ergo opus tandem consummaturus tres ex ante dictis laborum sociis ad dignitatem evexit Cardinalitiam, injuncto onere opus inchoatum perficiendi, quod & feliciter anno 1593. consummarunt. At vero nova difficultas exorta impedivit, ne Collectio in lucem prodiret publicam: nam dubitatum fuit, utrum huic Collectioni decreta doctrinalia Concilii Florentini, & Tridentini inferenda forent, cum in anterioribus Collectionibus nihil simile factum esse legatur. Rebus in utramque partem ponderatis conclusum fuit, omnino esse immiscenda. Quapropter mox opus istud in V. libros & in suos titulos divisum fuit. Quia vero etiam Urbanus VII. satis concessit, priusquam integrum opus finem obtinuit, illud primum sub Pontificatu Clementis VIII. anno 1598. sub nomine Libri septimi Decretalium typo fuit commissum. Jamque in eo res erat, ut hæc Collectio autoritate publica promulgaretur, cum ecce! recruduit prior dubitatio, an Decreta Concilii Florentini, & Tridentini inferenda forent:

Hæcque

Hæcque ratione publicatio Collectionis fuit impedita. Ita rem refert Propper Fagnanus, cui eo major adhibenda est fides, quo liberiore habuit accessum ad Archivum Romanum, quod ipsi qua Secretario sacre Congregationis apertum esse debuit (f).

§. X.

Ultimum locum in Corpore Juris Canonici occupant Institutiones Lancelotti. Ex dictis facile colligitur, quod Jus Canonicum per Collectiones successive publicatas in eam ferme formam fuerit redactum, quam in Jure Civili Romano suspiciamus. Novimus, quod Jus Civile Romanum in Corpore Juris clausum in se complectatur Pandectas, Codicem, Novellas, & Jus Feudale seu Longobardicum de Consuetudinibus Feudalibus: Quid ni dicere liceat, quod in Jure ecclesiastico vices Pandectarum sustineat Decretum Gratiani; Codicis Decretales Gregorii IX.; Juris Longobardici seu Consuetudinum Feudalium Extravagantes? solæ desiderabantur Institutiones. Hunc defectum suppleturus combinandis Institutionibus ad normam Juris civilis manum admovit Sæc. XVI. Joannes Paulus Lancellotus Jureconsultus Universitatis Perusinae longe celeberrimus. Meminit Lancellotus in suo Prooemio, se hortatu, jussuque Pontificis hunc laborem suscepisse, quo completo ipse Romanus profectus fuit, ubi illum Paulo IV. Romano Pontifici obtulit, & longo tempore ibidem perstitit. Idem Pontifex opus istud tribus Viris eruditissimis Fabio Accorumbano, Julio Oratino, & Antonio Massam, aliisque librorum Censoribus revidendum approbandumque commisit. Sperabat Lancellotus approbationem a Pontifice obtinendam. Sed nihil obtinere valuit, licet ultra biennium Romæ sollicitaverit. Et quoniam Lancellotus finem Concilii Tridentini in proximo esse conspexit, optimeque prævidit, quamplurima sibi in sua Collectione fore immutanda, & emendanda, suas Institutiones nomine & autoritate propria anno 1563. in lucem edidit. Postquam Synodus Tridentina eventui optato finem obtinuit, Lancellotus multum sollicitabatur, ut ea, quæ a Patribus Synodi Tridentinae immutata fuerunt, annotaret, & suæ Collectioni infereret: Attamen, ut id laboris in se susciperet, persuaderi non potuit. Sub Pontificatu Pauli V. plures approbationem Institutionum Lancelotti solícite impetrare contendebant, sed frustra conatu. Id unum concessit Pontifex, quod Institutiones hæc cæteris

Institutiones Lancelotti.

Jus ecclesiasticum ad normam juris civilis Romani redactum.

Institutiones composuit Lancellotus hortatu Pontificis.

Illam approbationem obtinere non potuit.

(f) In Commentario ad cap. ix. de Judic. N. 6r.

teris Collectionibus in Corpore Juris contentis appendicis instar adjungi valeant. Itaque id saltem honoris & præmii reportavit Lancellotus, quod sibi licuerit primam suam editionem inscribere Pio IV., jamque opus suum in Corpore Juris locum honorificum obtinuerit.

Divisit in 4. libros.

Summam meretur commendationem.

Divisit Lancellotus Opus suum in IV. Libros ad normam Triboniani, & in his Jus ecclesiasticum secundum triplex objectum Juris, nempe *Personas, Res, & Actiones* pulcherrimo ordine examinat. Profecto meretur Opus istud commendationem summam ob pulcherrimum ordinem, brevitatem, & suam methodum, ac optandum foret, ut Jus Canonicum in scholis publicis secundum has potius Institutiones, quam ordinem Decretalium, quæ ob suam vastitatem, & materiarum confusionem tam docentibus, quam discipulis plurimum facessunt difficultatis, explanare liceat. Idcircomirum non est, quod tot commentaria in has Institutiones a Viris doctissimis edita lucem publicam aspexerint, & in quibusdam scholis publicis Jus ecclesiasticum secundum ordinem harum Institutionum potius, quam Decretalium explicetur.

Haftenus de Collectionibus Juris Novi in Corpore clausis. Atque his etiam huic opellæ finem imponimus eum in finem,

ut

In omnibus glorificetur DEUS.

F I N I S.



QUÆSTIO

QUÆSTIO III.

DE COLLECTIONIBUS JURIS ECCLESIASTICI NOVISSIMI.

Accingimur Juri ecclesiastico novissimo explanando, quod extra corpus Juris vagari dicitur. Optarunt non pauci novam Collectionem hujus Juris, existimantes, Benedictum XIV. P. M. sane literatissimum pro sua immensa eruditione huic operi sussecurum. Verum vota hæc fuere, eruntque posthac frustranea: Num enim Pontificem quemcunque, quantocunque eruditionis apparatu, fortitudinæ, ac magnanimitate animi præditum id ausurum, aut salva sua autoritate in his rerum ac temporum circumstantiis delicatissimis, quibus Ecclesiæ variæ suas objiciunt libertates, Episcopi sua jura Episcopalia communia & singularia, Reges & Principes suum *Jus regium cum Placito Regio*, audere posse existimamus? Anne Episcopi per orbem universum diffusi novam Juris collectionem instar legis sine contradictione acceptabunt, aut Principes illius promulgationem & acceptationem patienter ferent? Agimus etiam in hac Collectione de Curia Romana, de variis Tribunalibus & Congregationibus Romæ erectis: tum quod alii Authores de his agere non soleant: tum ut Candidati Jurisprudentiæ ecclesiasticæ aliqualem horum habeant notitiam in
praxi haud exiguum fructum allaturam. Tu

Lector vale, & fave.

Qq 2

INDEX

INDEX CAPITUM.

CAPUT I.

De Collectionibus Juris ecclesiastici novissimi in genere, earum origine & incrementis.

CAPUT II.

De Curia Romana & diversis tribunalibus Pontificiis.

CAPUT III.

De Bullis, Brevibus, signaturis Pontificiis, Bullario, & Regulis Cancellariæ.

CAPUT IV.

De Congregationibus Cardinalium in genere, & Congregatione S. Officii seu Inquisitionis in specie.

CAPUT V.

De Congregatione Indicis.

CAPUT VI.

De Congregationibus super negotiis Episcoporum & Regularium, nec non sacrorum Rituum, & quibusdam aliis.

CAPUT VII.

De Congregatione Cardinalium Interpretum S. Concilii Tridentini.

CAPUT VIII.

De Rota Romana.

CAPUT IX.

De Libris & Collectionibus Juris Ecclesiastico-Ritualis.

CAPUT X.

De Collectionibus Juris Ecclesiastico-Protestantici.



CAPUT I.

De Collectionibus Juris ecclesiastici novissimi in genere, earum origine & incrementis.

§. I. *A quo tempore Jus novissimum sit incipiendum, & quænam huc pertineant?* II. *De variis Conciliis generalibus post obitum Clementis V. celebratis, Pisano, Constantiensi, Basileensi, Florentino, Lateranensi, Tridentino.* III. *De Concordatis Germaniæ remissive.* IV. *De Pace Religiosa & Westphalica remissive.*

§. I.

Visum est nobis *Jus ecclesiasticum novissimum* auspicari a tempore, quo *Jus novissimum* Clemens V., qui sedem Pontificiam Roma Avenionem in Galliam incipit transtulit, e vivis excessit. Est enim ab illo tempore, quo sedes pontificia Avenionem translata fuit, plures Synodi Generales fuerint celebratæ, innumera emanaverint Pontificum Decreta, schismata plura ^{a tempore Clementis V. & quare?} turbaverint Ecclesiam, Hæreses diversæ intoxicaverint religionem, varia inita fuerint pacta inter Ecclesiam Romanam, & alias inferiores Ecclesias, inter Pontificem & Episcopos, inter Ecclesiam & Imperium, inter Principes ecclesiasticos & politicos, totus quantus status ecclesiasticus & politicus mirum in modum immutatus fuerit, novamque faciem induerit, nulla tamen amplius emanavit Collectio canonum, & Decretalium autoritate Pontificis suffulta: quamquam, si unquam, certe nostris temporibus talis foret summe necessaria, ut, quæ adhuc ex antiquis canonibus obtinent, vel per noviores subierunt mutationem, alterationem & reformationem, aut quæ sint Jura particularia Pontificum & Episcoporum, ecclesiarum particularium, & Ecclesiæ Universalis, eo luculentius constaret, ne toties de regundis finibus agendum foret. Profecto Jus istud, quod a tempore prædictæ translationis in Ecclesiam fuit injectum, jure optimo *Novissimum* dicere possumus, maxime si ad temporum rerumque circumstantias reflectamus. Quatuor ^{Quatuor temporum periodi valde sunt notabiles.} potissimum ante oculos nobis ponamus temporis periodos, & illud præprimis tempus, quod fluxit ab anno, quo Clemens sedem pontificiam Roma Avenionem transtulit, usque ad schisma illud magnum, quod ecclesiam per 50. annos mire divexavit; secundo tempus intermedium,

quo Joannes XXII. cum Ludovico Bavaro iust collisus; tertio ipsum tempus schismatis; & quarto tempus Reformationis ad nostra usque tempora. Quoniam vero hæc singula fusiori calamo alibi discussimus, Lectorem nostrum eo remittimus (a).

§. II.

Synodi interea celebrata.

Juvat hic recensere Synodos Generales, quæ a tempore Clementis V. ad nostra usque tempora fuere celebratæ, & quasdam desuper animadversiones facere, ut inde appareat, quanta canonum in codicem quemdam redigendorum copia supersit, si quis grande opus assumere in animum suum induceret.

Res beneficiales multata.

Ex quo sedem pontificiam Avenionem transferri contigit, res ecclesiæ potissimum Beneficiales in dies magis magisque in pejus abire cœperunt. Nunquam sane Pontifices suas gratias expectativas tam frequenter, tanto cum rigore exercuerunt, ecclesias suis exactionibus oneraverunt, jura inferiorum Episcoporum restrinxerunt, quam illo tempore, quo Avenione suam sedem fixerunt. Accesserunt Reservationes Pontificiæ Joannis XXII., & altera omnium præcipua Benedicti XII. Denique ad schisma ventum fuit, quo magis exitiosum Eccle-

Reservationes Pontificiæ.

Schisma, & Synodi desuper celebrata.

Synodi Basileensis & Tridentina valde sunt celebres.

Basileensis singulariter ad jus Germaniæ illustrandum spectat.

sia nunquam fuit experta. Ad istud tollendum primum Synodus Pisana fuit convocata, qua in irritum ruente Synodus Constantiensis schisma componere debuit. Secutæ sunt aliæ Synodi, Basileensis, Ferrariensis, Florentina, Lateranensis V., ac denique Tridentina. Has inter duæ potissimum ad Jus ecclesiasticum pertinent, quæ illud miris modis auxerunt, videlicet Synodus Basileensis, & Tridentina. In priori actum fuit de regendis finibus Jurisdictionis & Jurium Pontificiorum, de tollendis gravaminibus ab omnibus ferme Nationibus contra Pontifices propositis, & oblatiis, de gratis expectativis abolendis, reservationibus restringendis, Annatis prorsus cassandis, appellationibus ad Curiam Romanam coercendis, ex quibus maxima sane sequi debuit immutatio in Jure ecclesiastico. Ex hac ulterius Synodo originem traxit Sanctio Pragmatica Gallicana, & inde secutum Concordatum Gallicum. Huic potissimum Synodo debemus nostra Concordata Germaniæ eatenus, quatenus Germani generosius cum Pontifice agentes haud parum in reverentiam sedis Romanæ de suis juribus remiserunt, quæ ipsis haud secus, quam Gallis in Synodo Basileensi fuerunt stabilita.

(a) Vid. Dissert. II. de Jure Eccles. German.

guntiae speciali constitutione confirmaverint, & receperint; sed ab hac libere per Concordata receperint, & hac ratione notabilissimam ruinæ suorum partem in manibus Pontificum generose reliquerint.

§. IV.

*Pax religiosa
est Westphalica
Religioni &
Ecclesiæ
summe per-
niciosa.*

Etiam de Pace religiosa, ac Westphalica loc. cit. fusius egimus. Nemo dubitavit, quod funestissima Pax hæc Religioni, Ecclesiæ, & Juri Catholico-ecclesiastico ingentem cladem intulerit, quidquid Pontifices contraxerint. Interim standum est paci, in quantum Juri Canonico per illam derogatum fuit, tunc saltem, quando cum Protestantibus nobis res est. In aliis causis ipsi etiam Protestantes Jus Canonici non dedignantur, illud docent in scholis publicis, observant in Judiciis, secundum illud decidunt causas, agunt in beneficiis &c. Quapropter si quæ apud ipsos oriatur controversia extra materiam Religionis, in materia tamen ad Jus ecclesiasticum pertinente e.g. circa Electionem, Postulationem; Assumptionem Coadjutoris, & illam ad Judicium Imperii aulicum deferri contingat, secundum principia Juris Canonici procedi solet. De his infra erit occasio plura dicendi.

CAPUT II.

De Curia Romana & diversis tribunalibus Pontificiis.

§. I. De Curia Romana, & diversis tribunalibus in genere. II. De Consistorio Cardinalium ordinario & extraordinario & causis consistorialibus, III. De Cancellaria. IV. De Dataria. V. De Pœnitentiaria antiqua, VI. & potissimum Romana. VII. De Signatura Justitiæ, VIII. De Signatura gratiæ.

§. I.

*Ad Collectiones J. E.
referuntur
Bullarium
M. Regula
Cancellariæ,
decisiones
Rota Roma-
na &c.*

Cum ad Collectiones Juris ecclesiastici passim Doctores referant Bullarium magnum, Regulas Cancellariæ, Decisiones Rotæ Romanæ, aliarumque Congregationum Romæ erectarum decreta, operæ pretium duximus, quædam cum promeliori horum intelligentia, tum pro praxi de Curia Romana, Tribunalibus Pontificiis, Dicasteriis, & Congregationibus Romæ erectis communicare. Sæpe numero audimus, vel legi-

legimus de Stylo Curiae Romanae, de Consistorio, Cancellaria, Dataria, Pœnitentiaria, Signatura Justitiæ & Gratiæ, Congregationibus, & ne quidem, quid nominis vel rei hæc sint, scimus. Itaque rerum harum aliqualem notitiam dare constituimus.

Ordinatur ab ipsa Curia, quæ in genere considerata est locus a supremo Principe singulariter electus, ut in eo causæ quæ-^{Curia Ro-} cunque ad ipsum seu pro administranda Justitiâ, seu pro levandis^{mana?} necessitatibus tam publicis, quam privatorum delatæ expediantur. Est ergo nomen Curiae nomen genericum, & sub se complectitur varia Dicasteria, Tribunalia, Audientias, & Congregationes, in quibus Princeps summus hæc omnia expediri jubet, & mandat. Ex his facile constat, quid sit Curia Romana: nempe est Senatus summi Pontificis, in quo causæ ad sedem Pontificiam delatæ expediuntur. Jam secundum diversitatem negotiorum & causarum diversæ etiam sunt Curiae. Communis Curia Romana in duas partes dividitur: ad primam^{Pro diversitate negotiorum curia est duplex.} pertinent negotia contentiosa; ad alteram negotia mere gratiosa. Pro expediendis negotiis & causis contentiosis erecta sunt varia Tribunalia, & Congregationes. Pro gratiosis Dataria, Cancellaria, & Secretaria^{duplex.} Brevium, Indulgentiarum, & Memorialium. De his jamjam videamus, non secundum ordinem causarum, sed secundum illum ordinem, qui nobis ad nostrum scopum & finem obtinendum magis aptus videbitur.

§. II.

Inter cæteras Curias Romanas eminet Consistorium Cardinalium. De Consistorio dicitur a verbo *consistere*, & in genere consideratum est *lorio Cardinalium*. Consistorium dicitur, in quo Princeps de rebus publicis consultat, ac deliberat. Prout huc pertinet, est confessus Cardinalium cum Pontifice tanquam suo Capite super negotiis consistorialibus consultantium. Caput ergo hujus confessus est ipse Pontifex: Cardinales sunt quasi Consilarii intimi, a quibus Pontifex consilium & votum requirit, hoc ipso, quod hodiernis moribus constituent supremum Pontificis senatum.

Duplex autem hodie est Consistorium, *ordinarium*, & *extraordinarium*. Extraordinarium est, ad quod etiam alii Prælati ecclesiastici, ^{ordinarium} Ministri, ac Principum Oratores & Magistratus vocantur, ut si Pontifex quemdam facto Sanctorum solemnî ritu adscribat. ^{& extraordinarium.} Ordinarium, ad quod soli Cardinales conveniunt pro negotiis ordinariis pertractandis & solet vocari *Secretum*. Ordinarium pro beneplacito ipsius Pontificis & *Juris Eclesiæ. Tom. II.* Rr nego-

*Quæ sint
negotia Con-
sistorialia.*

*De taxis,
earumque
relaxatione.*

negotiorum urgentia, & communius teste Cardinali de Luca (e) bis vel ter in mense, & quidem feria secunda convocatur (f). Indicitur Consistorium die præcedente: comparent Cardinales die & hora indicta cum solenni apparatu, & si fides Cardinali de Luca adhibenda, *more regio*, ita quidem, ut tot Reges reputari mereantur. Verum id persuasit citatus Eminentiſſimus Author illis, qui præter Roman & hunc apparatus nihil viderunt. Incipit Consistorium non sine pompa & solemnitate, dum Pontifex Sede aliquantulum elevata sedens, januis apertis, & permissis Viris Nobilibus & qualificatis aditu Cardinalibus auricularem præbet audientiam, qua finita, ac cæteris dimissis cum solis Cardinalibus negotia consistorialia incipit. Sunt autem negotia consistorialia potissimum sequentia: *Creatio Cardinalium* more consueto, nempe vel cum publicatione ore tamen referato, vel cum reservatione in pectore; *Provisiones* Ecclesiarum Patriarchalium, Metropolitanarum, ac Cathedralium vacantium, etiam Titularium tantum, & in partibus infidelium existentium, ac Monasteriorum consistorialium, uti vocantur (g); *Concessiones Coadjutoriarum cum futura Successione* in Ecclesiis Metropolitanis, Episcopalibus, & Monasterialibus consistorialibus; ac denique *dimissiones* sive liberae, sive per translationem cum debita petitione solutionis a ligamine factæ Episcopatum, & Abbatiarum consistorialium; *Confirmationes* Episcoporum cum prævia Canonizatione (h); depositiones & privationes Episcoporum; petitiones Palliorum cum debita forma; Uniones non nullarum Ecclesiarum; concessiones Privilegiorum majorum, quæ fiunt Principibus, ecclesiis; ac demum omnia alia negotia majora tam ecclesiastica, quam politica universum orbem catholicum concernentia, qualia nostris temporibus occurrunt quamplurima, dummodo non in forma iudicii; & cum strepitu forensi, sed solummodo prudentialiter, & politice, id est secundum regulas prudentiæ Politicæ, & *Rationem Status* sint expedienda. Cum in hodiernum usque diem certæ taxæ pro similibus expediendis negotiis, præcipue

(e) In relatione Curie Romanæ Discurs. 5.

(f) Olim tempore Innocentii III. per hebdomadam ter habebatur.

(g) Notant tamen Authores, quod Monasteria Consistorialia aliquoties extra Consistorium expediuntur per Datariam.

(h) Nam quando fit confirmatio Episcopi electi, tunc duplex celebratur Consistorium, in quorum primo per Cardinalem, qui vocatur *Proponens*, fit sola nominatio Electi, quæ dicitur *Præcanonizatio*: In secundo fit sollemnis confirmatio more consueto.

præcipue pro expeditionibus literarum apostolicarum, & *Annatæ* debeant solvi, ex stylo Curiae receptum est, ut si taxa non correspondeat redditibus, retaxatio seu relaxatio taxæ in hoc ipso Consistorio ab Agente petatur, quæ potest vel concedi, vel negari, & semel denegata de novo peti; tertia autem vice non nisi rescripto novo remissivo Papæ ad Collegium Cardinalium. In ipsis etiam Concordatis Germanicæ in hoc puncto provisum est (i).

Quoad styllum hujus Consistorii illud adhuc addendum est, quod, *Stylus Consistorii*. cum ob majorem Consistorii majestatem omnis strepitus forensis, & *consistorii*. contentiosa discussio ab eo exulare debeat, frequentius autem graves oppositiones & contradictiones ab ipsis etiam Cardinalibus in absentia partis contradicentis fieri soleant, quædam alia particularis Congregatio negotiorum Consistorialium præparatrix seu consultrix ex compo- *De Congregatione negotiorum Consistorialium præparatrice.* tenti Cardinalium numero, aliorumque peritorum Prælatorum cum Secretario sit constituta, qui debite informari, ac prævie partibus opponentibus sufficienter auditis in forma contentiosa stylo tamen Curiae proportionata causam examinare debent. Plura citatus de Luca, a quo tamen alii Scriptores, qui de noviori stylo Curiae scribunt, quoad aliqua differunt.

§. III.

Ad Curias pro *negotiis gratiosis* expediendis destinatas progrediamur. Harum prima est *Cancellaria*. Multum disputant Scriptores de ipso hoc nomine. Plures putant, quod sit vox barbara, per quam significatur locus pro conficiendis, scribendis, & expediendis literis publicis per Viros singulariter constitutos destinatus. Hinc Cancellarius in hodiernam usque diem dicitur ille, ad quem pertinet expeditio literarum, & principalis cura Rescriptorum, Sanctionum, Legum publicarum, in tantum, ut nihil eorum sine illius præscitu, noticia, & expeditione prodeat in publicum, & omnia in debita forma expédiantur. Inde etiam est, quod Cancellarii sub se & sua cura habeant Archiva Principum, dirigant in Cancellariis, & expedienda expédiant.

Origo hujus Officii in Curia Romana non est certa. Ad tempora Innocentii III. quidam illam reducunt. Olim tanta non erat dignitas, *De origine Officii Cancellarii.* & eminentia Cancellarii, quanta est hodie: & officio hoc fungebantur Viri infimæ sortis, dummodo doctrina & probitate fuerint conspicui. Bonifacius VIII. creditur illud demandasse Cardinalibus, ut, quemad-

R r 2 modum

(i) §. Item circa. Ubi inter alia dicitur: *Siquæ vero excessus taxata sint, jussu relaxentur.*

modum ipsi sunt primarii Iustitiæ Ministri, ita etiam negotia Iustitiæ per ipsorum manus expedirentur. Hodie Cancellarius habet titulum fixum Cardinalitium, & quidem admodum conspicuum, scilicet ad S. Laurentium in Damaso; habitationem quoque commodam & amplam in palatio, quod Cancellaria dicitur. Non tamen se nominat Cancellarium, sed Vice-Cancellarium, si sit Cardinalis: quare autem ita scribere soleat, haud facile est divinare. Card. de Luca, qui, ubicunque loquitur de dignitate Cardinalitia, illam supra omnes stellas & cœlos, supra omnes Angelos elevat, rationem a suprema dignitate status deducit, existimatque prorsus suo statu sublimissimo indignum esse, si Cardinalis officio Cancellarii fungatur; attamen haud fore indecens, si illud provisionaliter & jure commendationis administret. Neque id novum aliquid, aut extraordinarium in curia esse credendum est: cum id ipsum in *Dataria* ex more recepto fieri soleat, ita, ut si Cardinale munere Datarii fungi contingat, hic se non *Datarium*, sed *Prodatarium* scribat.

Est Officium istud primariæ dignitatis: & Cancellarius cæteros omnes Aulæ Romanæ Ministros præcedit, primaria & graviora Sedis Apostolicæ negotia publica & solemnia, qualia sunt Consistorialia, aliaque plurima per illius manus transeunt, sub illius directione in Cancellaria per officialium manus expediuntur literæ Apostolicæ, seu Bullæ omnium negotiorum, & omnium Brevium Metropolitanarum & Cathedralium Ecclesiarum, ac Monasteriorum Consistorialium; item omnium reservationum super pensionibus motu proprio Papæ concessarum; ac demum singulæ aliæ Bullæ actuum provisionum beneficiorum, dispensationum, gratiarum, cæterorumque negotiorum, quæ per organum Eminentissimi Prodatarii antea transeunt in Dataria. Idem Cancellarius suscipit iuramentum Fidelitatis ab illis, qui ad Episcopatus, Pælaturas, aliasque Dignitates ecclesiasticas promoventur, aliisque Aulæ Pontificiæ, & præcipue Cancellariæ Ministris & Officialibus. Ipse præest Prothonotariis Apostolicis, Expeditoribus Brevium, Officialibus, quibus cura Archivi est demandata; Auditoribus Rotæ, Abbreviatoribus, Advocatis Consistorialibus, Secretariis, Plumbatoribus, Senescalco, aliisque Ministris.

Plures sub se habet Cancellarius Officiales, quorum aliqui sunt Prælati majores annexam habentes Prælaturam, quales sunt Regens Cancellariæ, & duo Præsidentes *de majori vel minori Banco*, ita dicti a loco Cancellariæ, in quo conveniunt, qui vulgo *Banco* dicitur. Sunt nempe duo Collegia in Cancellaria, quorum primum nuncupatur Collegium

Cancellarius habet titulum fixum.

Non se nominat Cancellarium, & quare? Ratio Card. de Luca.

Officium Cancellarii est primariæ dignitatis. Primaria negotia, expeditiones Bullarum, Brevium per illius manus transeunt.

De illius præfidentia.

Plures sub se habet Officiales.

Duo Collegia unum de

legum Abbreviatorum majoris Præsidentiae, seu de *Banco majori*; al- *Banco ma-*
 terum minoris Præsidentiae seu de *Banco minori*. Utriusque munus est *ri. Et alte-*
 resolvere quaestiones, dubia, ac controversias in Cancellaria oriri soli- *rum de mi-*
 tas circa positiones clausularum in bullis, & sic sunt Iudices contro- *nori.*
 versiarum omnium, quæ super expeditione & extensione bullarum po-
 tissimum circa Curialia oriri possunt (k). Præter hos sunt adhuc alii
 Officiales: Summissa Cancellariæ, Plumbator, Custos Registri Bul-
 larum, aliique diversorum nominum Officiales, qui omnes & singuli in
 Bullis revidendis, transcribendis, plumbandis, registrandis occupan-
 tur. De Regulis Cancellariæ infra dicemus.

§. IV.

Altera Curia pro expeditione negotiorum gratioforum seu tribunal *Dataria,*
 gratiæ est *Dataria*, quæ vocatur a voce barbara *Datære*, quod idem *unde dicitur?*
 est, ac datam, seu datum temporis literis publicis seu privatis, legi-
 bus, Diplomatis, instrumentis adjungere, prout antiquitus, & no-
 stris temporibus more esse receptum legimus: & quia Præses hujus
 Collegii manu propria *datum*, seu tempus, quo gratia conceditur, ad-
 dere solet, eidem nomen *Datariae* impositum fuit. Tribunal istud si *Negotia ad*
 ex suo objecto, seu negotiis, quorum expeditio ad illud pertinet, *illam perti-*
 emetiamur, est amplissimum: nam huc pertinent collationes Benefi- *nentia.*
 ciorum reservatorum, vel affectorum tam in vim Regularum Cancel-
 lariæ, quam aliarum apostolicarum constitutionum, si illorum reditus
 non excedant 80. Ducatos; reservationes pensionum super iisdem Be-
 neficiis; dispensationes matrimoniales, super irregularitatibus, nata-
 libus, ætate &c. beneplacita apostolica super alienatione bonorum ec-
 clesiasticorum; Ecclesiarum uniones, Coadjutoriae, erectiones in Ec-
 clesiam Cathedralen, vel Collegiatam, suppressiones, dismembratio-
 nes, erectiones novorum Canoniciatum, Beneficiorum, dispensatio-
 nes in votis & juramentis, confirmationes sententiarum, prolongatio-
 nes termini legalis e. g. in electionibus, & collationibus Beneficiorum:
 paucis, omnia illa negotia, in quibus Pontifex gratiam concedere vult,
 in hoc tribunali gratiæ sunt expedienda.

Collegium istud tres personæ principales constituunt, *Datarius, Persona Col-*
 seu *Prodarius*, si sit Cardinalis, *Subdatarius*, & *Præfatus Vacantiæ legum istud*
per obitum. Hisce assistunt plures Officiales subalterni: *Administratores constitu-*
comites.

R r 3

(k) Testantur Scriptores, quod Prælati de minori Banco sint Officiales otiosi, vix
 habentes, quod agant, nisi ut curam habeant, quatenus Bullæ ferantur, &
 tradantur Prælati majoribus.

componendarum, Præfæctus Officii Datarum, duo Revisores omnium supplicationum beneficialium, Revisor omnium supplicationum matrimonialium, Subdarius Datarum, Officialis de Missis, Substitutus Præfæcti Officii Datarum, & Notarius (1).

Origo hujus Collegii.

De origine hujus Collegii non ita constat. Verosimilior est opinio, quæ illam derivat ab illo tempore, quo Pontifices innumera Beneficia reservabant, vel per gratias expectativas conferebant: cum enim Pontifices familia non in consistorio, sed in sua aula & conclavi expedire consueverint, haud infrequenter ob occurrentium negotiorum multipliciter contigit, ut Pontifex sui immemor idem beneficium pluribus concederet. Ut ergo hisce incommotis contraveniret, placuit fiduciarium assumere Ministrum, qui vices ageret Secretarii, familia expediret, & tempus data, vel signata accurate annotaret, quatenus constaret, quænam in ordine ad consequendum effectum sint gratiæ anteriores, vel posteriores.

Datarius hodie est Cardinalis.

Et hæc ipsa est ratio, cur hic Officialis nomen Datarii reportaverit. Munus istud quondam obtigit Prælati ecclesiasticis, qui ordinariæ de gremio Auditorii Rotæ assumebantur: ex recentiori observantia datur Cardinalibus, qui se Prodatarios scribere solent, ne ipsorum dignitas vilesceat videatur.

Illius Officium.

Munus Datarii est, omnes supplicationes revidere, antequam Papæ signandas tradat. Singulis diebus de mane in palatio Datarie habetur Congregatio, in qua examinantur negotia Papæ proponenda, & supplicationes ab ipso signandæ: postea ingrediuntur alii Officiales, qui pariter examinant ea, quorum expeditio ad ipsos pertinet. Peracto examine Darius se confert ad Papam cum fasciculo supplicationum, eique ad signandum præsentat. Post signationem supplicationes restituntur Datario, qui dein expeditionem ulteriorem procurat. Nimis longum foret, si stylum hujus Curie accurate describere vellemus: videndi ergo sunt Authores, qui de hac re ex professo scribunt. Id unum addendum esse existimavimus, quod non omnia supra dicta negotia in examine hujus Congregationis expedian- tur, sed aliquoties juxta gravitatem, & naturam negotiorum ad Congregationem Concilii, vel Episcoporum pro voto remittantur (m).

Modus expediendi negotia.

§. V.

De Pœnitentia.

Ad tribunal *Pœnitentiariæ* progrediamur. Jam in veteri Ecclesia, dum adhuc vigeat pœnitentia publica, quidam constituebatur Presbyter

(1) Vid. Elem. Jur. Can. Eusebii Amort. in Append. ubi hæc munia egregie explicat. (m) Vid. Corradus, & Rebuffus.

byter Pœnitentiarius eum in finem assumptus, ut doceret homines, *In primitiva quænam peccata pœnitentiæ publicæ sint subiecta, & quomodo procedendum in iungenda pœnitentiâ privata cum hominibus propter peccata occulta, quæ in publicum proferri non expediebat, dum metuen-*
Presbyter Pœnitentiarius.
 dum erat, ne hoc ipsis pœnitentibus detrimento esset, vel Ecclesiæ *offensivus.*
 offensiculo. Officium istud invaluit tempore persecutionis Diocletiani; & iterum abrogatum fuit a Nectario Episcopo Constantinopolitano tempore Theodosii Imperatoris, prout refert Socrates, & Sozomenus (n). Aliud genus Pœnitentiariorum erat satis notum circa sæcula posteriora, dum nempe Episcopi Viros quosdam excellentiores quasi in Coadjutores, & Vicarios assumebant, ut in expediendis confessionibus, & pœnitentiis iungendis vices Episcopi supplerent, quorum tamen potestatem Episcopi pro suo arbitrio limitabant ad certas personas, & restringebant ad crimina (o), salvo semper manente recursum ad ipsum Episcopum. Cum vero huiusmodi recursus essent valde frequentes, placuit Episcopis Virum quemdam eruditione ac pietate præstantem constituere, ad quem haud secus, quam ad Episcopum, liberrimus pateret accessus, quem *Pœnitentiarium majorem* nominabant. Ad hunc igitur majorum criminum absolutio, & pœnitentiæ impositio pertinebat: ad hunc reliquis Confessariis in casibus dubiis pro consilio confugiendum erat (p). Ipsa etiam sacra Synodus Trid. voluit, ut in omnibus Cathedralibus ecclesiis, ubi id commode fieri potest, Pœnitentiarius aliquis cum unione Præbendæ proxime vacaturæ ab Episcopo instituitur, qui Magister sit, vel Doctor Theologiæ, vel in Jure Canonico &c. (q).

Origo & abolitio huius Officii.

Pœnitentiariorum sequioribus temporibus ab Episcopis assumpti veluti coadjutores.

Pœnitentiarius maior. Synodus Tridentina præcepit, ut assumatur Pœnitentiarius.

§. VI.

Ut jam ad *Pœnitentiarium Romanum* veniamus, quemadmodum Episcopi, ita etiam Romani Pontifices suos habuere Pœnitentiariorum: cumque labentibus sæculis plurimum criminum ac censurarum abolutiones, nec non votorum atque canonicorum impedimentorum relaxationes ad Sedem Apostolicam devolutæ sint, etiam major & frequentior pro iis obtinendis fuit ad Sedem Apostolicam accedendi necessitas. Quoniam vero his examinandis, & decidendis solus Pontifex erat insufficientis, omnia Pœnitentiarario plene commisit, idque primitum, ut anno-

(n) Vid. Pingham. Orig. Eccles. lib. 18. cap. 3. Tom. 8. pag. 152.

(o) Van-Eſſen part. 1. Tit. 12. cap. 3.

(p) Idem loc. cit.

(q) Sess. 24. de Reform. cap. 8.

Huic alii Officiales ad- juncti, qui unum tribu- nal constitue- bant, quod vocatur Pœ- nitentia- ria. Pius IV., & V. illius po- testatem re- strinxerunt.

annotat Card. de Luca, tam pro foro interno, quam externo, adeo, ut pleraque negotia, quæ hodie per *Datariam & Secretariam Brevium* transeunt, per *organum Pœnitentiæ* concederentur. Verum cum tractu temporis plura continuo negotia ad Pœnitentiarium devolverentur, tandem necessum fuit alios Officiales adungere, qui unum cum Pœnitentiarium tribunal constituerent, quod *Pœnitentia- ria* vocatur. Diravit hæc Pœnitentiarium autoritas usque ad tempora Pii IV. qui anno 1562. Bullam reformationis Pœnitentiariæ Apostolicæ edidit, & illius pote- stati arctiores limites posuit. Aliam iterum Bullam reformato-riam an- tiqua cassata publicavit Pius V., qui numerum Officialium ad paucos reduxit, penes quos posthac sit potestas dirigendi tribunal Pœniten- tiariæ.

Pœnitentia- ria in quem finem sit in- stituta? Pertinet vel ad forum conscientia, vel ad forum judicii.

Quinam Pœ- nitentiarium ad tribunal conscientia pertineant.

Est ergo tribunal istud eum in finem institutum, ut pœnitentes, qui incurrunt in aliquod crimen Papæ reservatum, absolvi, & a quo- cunque impedimento canonico liberari possint in foro conscientia tan- tum, & non in foro fori. *Pœnitentia- ria* considerari potest, vel prout est tribunal conscientia, quatenus pœnitentes in hoc tribunali per Pœ- nitentiarium a peccatis Papæ reservatis absolvi possunt; vel prout ex- ercetur ad normam alicujus tribunalis audiendo supplicationes super petitis absolutionibus & dispensationibus, præcipue absentium ab urbe, cognoscendo causas eum in finem, ut literæ dispensatoriæ in debita forma expediri valeant. Ad Pœnitentiarium priori modo consideratam pertinet Pœnitentiarium Major, & tres Pœnitentiarium Minores, qui ex diversis Religiosis assumuntur, & in tribus ecclesiis Patriarchalibus suo munere funguntur, in *Vaticana* Patres S. J., in *Lateranensi* Patres Ordinis Minorum observantium Reformatorum, in *Liberiana*, seu *S. Mariæ Majoris* Ordinis Prædicatorum, qui, dum confessiones excipiunt, in signum majoris potestatis virgam tenent in manibus, qua pœnitentes tangere consueverunt. Ad tribunal Pœnitentiariæ in forma judicii ordinarii consideratæ pertinent ultra majorem Pœnitentiarium *Regens*, qui communius assumitur ex Auditorio Rotæ, *Theologus sacra Pœnitentia- riæ*, *Doct̃or Decretorum* celeberrimus Canonista, *Datarius*, *Corr̃ctor*, & *Si- gillator*. Ultra prædictos adsunt Officiales subalterni, tres Procurato- res, & totidem Scriptores. Quænam horum Officialium sint munia, exponit Van-Elpen (r).

Pœnitentia- ria celebrat suos conven-

Solet *Pœnitentia- ria* suos habere conventus tempore, quo visum fuerit Pœnitentiarium Majori, & ordinarie die Veneris post prandium singulis

singulis septimanis in palatio majoris Poenitentiarii, vel in palatio Re-tus, quando, gentis, quando majorem Poenitentiarium impediri contingit. Intervē-^{Et quomo-} niunt hiſce Congregationibus omnes prædicti Officiales, referuntur a Procuratoribus materiæ examinandæ, reſolvendæ, & decidendæ: & demum audito voto Theologi, & Canonistæ, quid in negotiis ſit agendum, decernitur.

Ad hoc tribunal pertinent diſpenſationes ſuper irregularitatibus *Cauſæ ad hoc tribunal pertinentes.* ex homicidio, ex defectu natalium &c. provenientibus, reconvalida-tiones matrimoniorum cum impedimento dirimente, ſed occulto contra-ctorum; item proviſiones beneficiorum ſimoniace obtentorum, abſolutiones a cenſuris, ac licentiæ, quibus Religioſis conceditur facultas ab una Religione tranſeundi ad aliam, & vel maxime Religioſis apoſtatis redeundi ad gremium proprium.

Poſtquam cauſa diſpenſationis fuit diſcuſſa, expeditur reſcriptum *Modus expediendi reſcriptum.* & quidem ſub nomine Poenitentiarii majoris, ac in forma commiſſionis ad tertium dirigitur ſub formula conſueſta, ut ſuper irregularitate vel impedimento diſpenſet, & a crimine abſolvat.

Modus autem & formula ſcribendi & recurrendi ad hoc tribunal *Item ſcribendi & recurrendi ad hoc tribunal.* diſcenda eſt ex praxi. Hujusmodi formulas paſſim exhibent Doctores: ſolummodo id notetur, nomen ſupplicantis, ſicut & patriam tace-dendam, ac ſupplicationem ſub nomine *Oratoris* vel *Oratricis* porri-gendam (s).

§. VII.

Adhuc duplex tribunal examinandum eſt, nempe *Signatura Juſtitia*, & *Gratiæ*. Quantum ad *Signaturam Juſtitia*, eſt hæc illud tribu-^{*Juſtitia*} nal, ad quod pertinent omnes cauſæ appellatione indigentes, eum in finem ereſtum, ut non tam de cauſæ appellabilis meritis, quam de ^{*quid ſit, & quæ cauſæ ad ipſam*} ipſa appellatione, an ſit admittenda, & de gradu appellationis cogno-^{*pertineant?*} ſcatur, ſub quibus clauſulis ſit concedenda. Quapropter, quan-^{*nempe appel-*} do clare conſtat cauſam non eſſe appellabilem, vel illam non in-^{*labiles ſub certa reſtri-*} digere appellatione a Signatura decernenda, ſed aliunde a jure com-^{*ctione.*} petere, non opus eſt ad hoc tribunal recurrere. Et quidem in hoc tri-bunali poſſunt proponi omnes cauſæ pro obtinenda appellatione, exce-ptis iis, quæ deciduntur in quibuſdam tribunalibus, de quibus dicitur, *Dantur tri-* quod *Signaturam in ventre habeant*, hoc eſt propriam Signaturam, in qua ^{*bunalia, qua*} poſſunt ^{*dicuntur Si-*}

(s) Vid. Jus Canon. P. Reiſſenſtuel ad lib. 4. Decretalium.

*gnaturam
in ventre ha-
bere.*

possunt vigore novæ audientię agnoscere, an & sub quibus clausulis concedenda sit appellatio in causis a se decisis. Talia tribunalia sunt Congregationes Concilii, Episcoporum, & Regularium, Rituum: nam si quis in his judiciis succumbat, non potest adire Signaturam Justitię pro habenda appellatione; sed hanc debet petere vel a Secretario, vel a Præfecto, vel ab ipsa Congregatione.

*Clausula,
sub quibus
hęc Signa-
tura solet
rescribere.*

Plures sunt clausule, cum quibus hoc tribunal solet rescribere, potissimum triplicis generis: nempe suspensivę, devolutivę, aut nullum effectum operantes pro appellatione. Principales sunt sequentes: *Alteri cum facultate manutenendi de Jure, constituto de Rebus. De Appellatione. Nihil. Alteri, qui ad ulteriorem executionem, vel alteri qui ad legitimam. Sine præjudicio. Partitio. Rescriptus. Purgatis, sine præjudicio, circumscripta possessione & appposito sequestro.* Quis sit sensus, qualis effectus harum clausularum, discendum est ex Practicis, & Scriptoribus, qui ex professione de stylo Curię scribunt.

*Officiales hu-
jus Tribuna-
lis.*

Hoc tribunal componitur ex Cardinali Præfecto, 12. Prælatibus votantibus, & nonnullis aliis, qui nuncupantur *Ponentes*, hoc est, qui proponunt causas in Signatura resolvendas juxta suffragium eorumdem 12. votantium Prælatorum, addito suffragio Domini *Ponentis*, qui etiam habet votum in iis causis, quas portat in Signatura. Eminentissimus vero Præfectus non habet suffragium, sed tantum assistit, nisi adsit paritas votorum: tunc enim per suum votum potest facere

*Modus pro-
cedendi.*

majora. Singulis septimanis semel, & quidem die Jovis in palatio Apostolico conveniunt: in vacationibus tamen, seu feriis rotalibus his in mense congregantur, dummodo dies non fuerint impediti. Quilibet ex Ponentibus ordinarie affert tres causas, & in his etiam dat suum proprium votum; non vero in reliquis aliis causis in Signatura referendis, & proponendis; & hoc ad differentiam Prælatorum votantium, qui suum suffragium præstant in omnibus causis.

*Tempus, quo
convenire so-
lent.*

§. VIII.

*Signatura
gratię quid
sit, & unde
dicatur?*

Supereff, ut de *Signatura Gratię* dicamus, quę est tribunal quoddam eum in finem adinventum, ut in eo proponi possint negotia & causę, quę ex natura sua non patiuntur, ut rigoroso Juris examini subjiciantur, sed de plano vel breviori via cognoscantur: & ideo dicitur *Gratię*, ut distinguatur a *Signatura Justitię*, in qua secundum normam Juris stricti proceditur. Rarior sit convocatio in hoc tribunali: olim fieri consuevit saltem semel in mense, & die Martis: nunc fit

*Raro hoc
tribunal con-
vocatur.*

his

bis in anno, & interdum semel tantum. Solet non raro Pontifex hanc Congregationem coram se convocare, & tunc omnes Cardinales huic tribunali adscripti comparere debent, non ratione Officii, sed pro ratione Majestatis; & hinc nullum etiam dant votum, nisi singulariter a Pontifice interrogentur, id quod rarius fieri consuevit, licet alii intervenire soleant ratione officii cum potestate dandi votum. Hæc Congregatio solemnius solet celebrari, eidemque interveniunt diversissimi generis Officiales, quos omnes recensere nimis longum foret & supervacaneum.

Solent autem in hoc tribunali proponi *Commissiones*, uti vocantur *In eo proponuntur commissiones vel contentiosæ* vel super causis contentiosis, vel Gratiolis: *contentiosæ* sunt illæ, quæ unice dependent a Pontifice tanquam supremo Principe, ita ut ipse solus rescribere possit e. g. si petatur, ut liceat aliquam causam appellabilem proponere in quodam tribunali cum clausula: *appellatione remota*; vel ut a causa non appellabili appellare concedatur. *Gratiolæ* sunt, quando petitur restrictio Gratiae vel provisionis ad terminos juris eam de medio tollendo, ac si nunquam emanasset, atque hoc modo tertio auferatur jus questitum e. g. si Episcopus petat, ut exemptio cujusdam Monasterii refigatur: in similibus tamen causis & negotiis gratiosis magis circumspecte proceditur propter grave præjudicium tertii.

Illud singulariter quoad Signaturam *Gratiæ* est notandum, quod hæc manus suas non apponat in causis ordinariis, in quibus Signatura *Justitiæ* apposuit, vel potest apponere; multo minus in iis, quæ per Judices ordinarios concedi vel fieri possunt, sed solummodo in iis, quæ indigent suprema & extraordinaria Principis potestate. Quapropter si quæ causa alia ad illud tribunal ex quocunque capite, fortassis ex alicui incuria, vel ignorantia deferatur, solet rescribi cum clausula: *Pars instans utatur Jure suo*.

Sunt autem tres causæ præcipuæ, in quibus ad hanc Congregationem aditus non conceditur. Primus est in causis disputatis & decisis in Signatura *Justitiæ*, quoties non agitur de nostro gravamine. Secundus circa causas antiquas, quæ a decennio ultra sunt sopitæ, & siluerunt, dummodo silentium non proveniat ex impotentia agendi, vel alio justo impedimento. Tertius, quando obstat ratio *prudentialis*, quæ toties obtinet, quoties agitur de interesse supremorum Principum, quos offendere sæpe *Ratio Status* non permittit. Opportunus hic etiam foret locus agendi de *Tribunali Auditoris Papæ*, & *Auditore Cameræ*: verum alia nos vocant.

CAPUT III.

De Bullis, Brevibus, Signaturis Pontificiis, Bullario & Regulis Cancellariæ.

§. I. *De Bullis Pontificiis.* II. *De Brevibus Apostolicis.* III. *De Signaturis.* IV. *De ipso Bullario, illiusque collectione.* V. *De illius autoritate & authentia.* VI. *De Regulis Cancellariæ,* VII. *Illarum autoritate & promulgatione.*

§. I.

Literæ Pontificiæ triplicis sunt generis, Bullæ, Brevia, Signaturæ. Antequam de Bullario magno agamus, quod instar novioris Collectionis haberi consuevit, prius de ipsis Bullis, aliisque Literis apostolicis agendum esse existimavimus. Triplicis generis Literas Pontificias passim Authores solent distinguere, *Bullar, Brevia, & Signaturar.*

Quid sint Bullæ?

Nomen Bullæ unde veniat?

Bullæ sunt *literæ Pontificiæ in membrana nigra scriptæ, latius extensa, in majoris momenti causis appenso sigillo plumbeo effigiem SS. Apostolorum Petri & Pauli continente concedi solitæ, & ab ipso Pontifice ordinarie subscriptæ.* Mox in linine hic occurrit quæstio, cur hæ Literæ dicantur *Bullæ.* Existimant non nulli hanc nomenclaturam inde venire, quod sigillum appensum præseferat figuram Bullæ aqueæ, vel globuli cujusdam aurei, quales apud Romanos pueri nobiles in signum libertatis e collo pendulos gestare, & *Bullas* vocare solebant. Longe verosimilius alii nomen istud derivant a Rescriptis Imperatoriis: moris enim erat, ut Imperatores Rescripta aliquoties clausa, non nunquam aperta ederent. Jam vero solebant Græci Literas Imperatorias apertas vocare *βούλας.* Ut autem hujuscemodi literis & fides, & auctoritas conciliaretur, sigillum Principis appendebatur; unde factum est, ut primitus ipsa sigilla, quæ non nunquam ex auro, vel argento, pluries explumbo vel cera fuere confecta, dicerentur *Bullæ*; successive vero nomen *Bullæ* ad ipsa Rescripta & Diplomatata fuerit extensum (t).

Undenam origo sit derivanda obsignandi Bullarum?

De Origine etiam harum *Bullarum* vel potius more Bullas Pontificias plumbo effigiem Petri & Pauli repræsentante obsignandi non satis constat. Quantum ad sigillum plumbeum; morem hunc refert Polydorus

(t) Salmasius de Ob-signat. test. cap. 32. Colerus Parerg. cap. 4. Meursius in Lexico Græco Barbaro.

rus Virgilius ad tempora Stephani III. & Hadriani I., cujus verba hic ad-
metiri liceat: *Satis constat, Agatonem in cera annulo impressisse sigilla.* *Verum cum postea Romanus Pontifex multa erogaret Privilegia, & Diplo-*
mata diuturniora forent, placuit Stephano III., ac deinde Hadriano I. ta-
bular Apostolicas plumbo obfiguari. Fuit is annus 772. cum ipse Hadria-
nus factus est Pontifex: nam antiquitus non reperitur sigillum plumbeum,
quemadmodum constat, ante Carolum M. Imperatorem literas auro obfi-
gnasse Principum Romanorum neminem. Verum vetustiora Pontificum Di-
ploinata plumbo obfigmata asserit Dominicus Raynaldus Bibliothecæ
Vaticanæ Custos apud D. du Cange in Glossario verbo *Bulla plumbea*; &
quidem Bullam plumbeam Sylvestri I. asseruari in archivo Aretino, uti
& Leonis I., Gregorii M., ac Sergii vetustissima Diplomata in papyro
ex frutice confecta, plumbo obfigmata in archivo Castris S. Angeli. I-
dem Raynaldus observat, quod in plumbo Diplomatum vetustissimorum
Pontificum non fuerint impressæ imagines Petri, & Pauli, sed tantum
illius Pontificis nomen, cujus literæ obfignabantur: vetustiorum quip-
pe hæctenus Bullam cum imaginibus Petri, & Pauli non se reperisse ait
usque ad tempus Hadriani IV., qui anno 1153. vixit. Cur autem Pon-
tifices potius plumbo, quam auro vel argento utantur in suis sigillis,
haud facile quis divinaverit. Rideri, & contemni merentur Doctores
illi Acatolici, qui insultorie de Pontifice scribere assueti ajunt, Pontifi-
cem velle imitari exemplum Petri, dum cæco elemosynam petenti re-
spondit: *Argentum & aurum non est mihi* &c. (u). Solent autem Bul-
læ scribi in membrana nigra charactere antiquo Gallico (x), & hoc mo-
do distingu a *Brevibus Apostolicis*, de quibus mox. Quod si Bulla ex-
pediatur in materia Justitiæ, appenditur plumbum & filis cannabis; in
materia gratiæ & filis sericis. Quenam autem sint causæ majores, in
quibus solent emitti Bullæ, dependet a stylo Curiae. Hujusmodi cau-
sa gravior censetur esse concessio Jubilæi &c. Aliter autem se subscri-
bit Pontifex electus ante; & aliter post suam coronationem: in primo
casu subscriptio sic habet: *Datum anno primo die tertio suscepti a nobis of-*
ficii Apostolatus: Ipsa autem Bulla ex una parte representat effigiem
Petri & Pauli; ex altera parte est vacua. In altero casu subscriptio hæc
est: *Datum Anno Pontificatus nostri* &c. & ex altera parte conspicitur
nomen cum sigillo Pontificis.

Ss 3

§. II.

(u) Act. 3. v. 6.

(x) Card. de Luca hunc morem scribendi charactere Gallico inde venire existimat,
quia

§. II.

Quid sint Brevia apostolica? Alterum genus Literarum seu Rescriptorum Apostolicorum sunt *Brevia Apostolica*, quæ sunt Scriptura in minoribus negotiis concessa, indifferenter vel in membrana, vel in papyro scripta, cera rubea, vel viridi, annulo Piscatoris sigillata, ac signo Secretarii subscripta. Ex his manifeste apparent plura discrimina inter *Bullas*, & *Brevia* quoad materiam, scripturam, sigillum, & subscriptionem: nam materia *Brevium* sunt negotia minora, character nitidus & elegans, membrana subtilis, & alba: sigillum est annulus Piscatoris: subscriptio fit a Secretario. Quandonam Pontifices sua *Brevia* cum annulo Piscatoris sigillare inceperint, non certo constat. Antiquitus id in more fuisse positum probat epistola Clementis IV. ad Petrum Grossum nepotem suum anno 1265. data, cujus hæc est clausula: *Non scribimus tibi nec familiaribus sub Bulla, sed sub Piscatoris annulo, quo Romani Pontifices in Secreto utuntur.* Vocatur hic annulus *Piscatoris*, quia continet imaginem S. Petri manu sua hamum tenentis. Id etiam de hoc annulo Piscatoris annotari meretur, quod Cardinalis Camerlengo dictus illum toties, quoties Pontificem mori contingit, statim post obitum infringere soleat. (y).

§. III.

Quid sint Signaturæ? Tertium genus Rescriptorum sunt *Signaturæ*: definitur autem *Signatura*, quod sit Scriptura in papyro conscripta, a Pontifice vel ejus delegato absque sigillo in medio scripta, partis supplicationem, & Pontificis concessionem breviter continens. Solent hujusmodi *Signaturæ* concedi, priusquam *Bullæ*, & *Brevia* in extenso conscribuntur, & in forma solemniori expediuntur. De hisce *Signaturis*, modo illas conscribendi, exprimendis in prima & secunda parte, de effectibus & clausulis illarum plenius agunt Doctores ad Tit. de Rescriptis; Item de Præbend. & Dignit.

§. IV.

Quid sit Bullarium? Jam ad ipsum *Bullarium*, quod a *Bullis* suum habet nomen: & est nihil aliud, quam Collectio variarum *Bullarum* & constitutionum apostolica-

quia tales *Bullæ* eo tempore, quo Pontifices Avenione federunt, plures emanarunt in causis reservationum, & affectionum beneficiorum ecclesiasticorum.

(y) De his vid. Heineccius de Sigillis. Carolus du Fresne Gloss. verbo annulus, & Bulla. Vid. Van Espen Part. 2. Tit. 24. Cap. 3. & seq.

ftolicarum, opera primum Laertii Cherubini Jurisconfulti Romani compilatum, & dehinc ad noſtra uſque tempora auctum. Primam illius editionem adornavit Laertius Cherubinus anno 1588. tempore Urbani Papæ, in qua continentur ordinationes Pontificiæ a Gregorio VII. uſque ad Sixtum V. Alteram editionem procuravit Angelus Maria Cherubinus filius Laertii Cherubini, Monachus Caſſinenſis ſub Paulo V. Tertiam elaborarunt Angelus a Landuſia, & Joannes Paulus a Roma Religioſi S. Franciſci, quibus acceſſit editio quarta anno 1727., quæ conſtat Tomis majoribus octo, vel potius quatuordecim, & incipit a Leone I. uſque ad Benediſtum XIII. Præter Bullarium iſtud magnum etiam habemus Collectionem Operum, Bullarum, & Brevium Clementis XI. Pontificis M. anno 1724. editam ſub titulo: *Clementis XI. Pontificis M. Opera, ſcilicet Epistolæ, Brevia ſelectiora, & Bullarium.* Demum Benedictus XIV. Pontifex ſane maximus, celeberrimus, eruditiffimus, ab operum, Bullarum, & Brevium collectionibus, operibus & epistolis per omnem orbem celebratiſſimus ſuas quoque conſtitutiones ſucceſſive imprimi typis curavit, eaſque more antiquo Doctores (Bononiensibus inſcripſit, quarum quatuor mihi Tomi ad manus ſunt.

§. V.

Quærent DD. an Bullarium M. ſit authenticum, & quænam illius authoritas? communis omnium eſt opinio, quod, cum Bullarium iſtud nullam expreſſam, eamque authenticam approbationem præſentat, plus ponderis & authoritatis non habeat, quam ipſæ Bullæ Pontificiæ ſeorſim ſpectatæ. Quod ſi Bullæ, antequam in Bullarium fuerint relatæ, per viam legis univerſalis editæ, ac legitime publicatæ, & acceptatæ ſint, vim legis, quam olim habuerunt, etiam hodie intra Bullarium retinent: niſi vel lege poſteriori, vel contraria conſuetudine fuerint abrogatæ. Interim eatenus iſtud Bullarium magnam habet authoritatem, quatenus ad Bullas in eo contentas provocare licet, ita ut illis, in quantum in hoc Bullario continentur, fides ſit habenda, & illi, qui illarum fidem impugnare præſumeret, probatio de contrario injungenda foret. Quod ſi tamen aliquis errorem docere, & authoritatem Bullæ expugnare vellet, ſine dubio audiendus foret. Vel maxime autem ſimilium Bullarum authoritas elidi poſſet, ſi quis doceret, eas nunquam legitime fuiſſe promulgatas, vel non receptas, vel uſu contrario abrogatas.

§. VI.

§. VI.

Quid sint
regulæ Can-
cellariæ.

Quare ita
vocentur?

Illarum au-
thor quis?

Nicolaus V.
eas in ordi-
nem redegit.

Exspirant
cum Pontifi-
ce, & quo
effectu?

Reassumun-
tur a Ponti-
fice Neo-E-
lecto.

Inter Collectiones Juris novissimi reponunt DD. communius *Regulas Cancellariæ* ita dictas: quæ nihil sunt aliud, quam *Constitutiones Pontificiæ* a quovis Pontifice ad initium sui regiminis præscriptæ, quæ normam & ordinem regiminis potissimum Cancellariæ apostolicæ, res beneficiales, resignationes, & dispensationes concernunt. Dicuntur regulæ Cancellariæ, non in eo sensu, quasi hisce regulis Cancellaria sola, in quantum dicit *Dicasterium separatum*, gubernetur, sed quod sint & debeant esse norma totius Curiae Romanæ, & omnium Dicasteriorum, in quibus agitur de negotiis & causis, quarum causa regulæ istæ sunt constitutæ. Author illarum communiter fuisse creditur Joannes XXII. quas ipsius Successores pro suo libitu auxerunt, restrinxerunt, diminuerunt. Imo, si rem bene inspicimus, Joannes Pontifex in suis regulis unice collimavit ad instruendam, informandamque Curiam, & Cancellariam Romanam, ut, qua arte in expediendis literis Pontificiis sit procedendum, scirent Officiales: nam ad Nicolaum usque V., qui Pontificatum tenuit circa medium Sæculi XV., vix ulla ostendi potest regula, quæ reservationes beneficiorum, similesque materias beneficiales extra Cancellariam respicit. Itaque, quidquid in his regulis quoad materiam beneficiorum statutum legitur, id omne Successoribus Joannis XXII. adscribendum erit, inter quos præcipuus fuit Nicolaus V., qui has regulas in certum ordinem & formam redegit, a qua hodierni Pontifices non facile solent recedere. Exspirant hæ Regulæ una cum Pontifice, & hinc sede Pontificia vacante non obligant, saltem extra Curiam, & Collatores ordinarii possunt conferre beneficia, quæ vi regularum sunt Pontifici reservata. Solent autem Pontifices Neo-Electi post unum alterumve diem illas de novo reassumere, & prout libuerit, restringere, limitare, augere, multiplicare.

§. VII.

An & quale
faciant Jus?

Inter DD. controversitur, an & quomodo hæ regulæ obligent, & faciant Jus? indubitanter affirmamus, quod in Curia Romana faciant Jus locale, & Officialibus in ea agentibus secundum illas tam in observanda forma judicii, quam decidendis causis sit procedendum. Extra Curiam vero aliter non obligant, nisi in quantum vel sunt promulgatæ, vel receptæ, & non sunt contrariæ aliis Juribus particularibus e. g. Concordatis Germaniæ &c.

Sane

Sane de promulgatione harum Regularum universaliter specialiter *De promul-*
in nostra Germania non constat. Ufu & consuetudine si receptæ esse *gatione, usu,*
dicantur, hic usus & consuetudo probari debet: quasdam earum hinc *& consuetu-*
inde usu obtinere, qualis e.g. est regula *de viginti, de trienniali possessore,*
ex praxi quarundam Dioecesium scimus. Cavendum tamen erit, ne
causa qualiscunque ad Curiam Romanam devolvatur, quæ procul du-
bio secundum suas regulas Cancellariæ sententiam feret, et si regula a-
pud nos non obtineat, aut fortassis consuetudo contraria vigeat. Ve-
rum an bene, dubitare licet: cum enim Pontifices in suis epistolis De-
cretalibus & Rescriptis in corpore Juris clausis passim ad consuetudines
locorum provocent, & secundum has rescriperint, quare non id ipsum
facere Curia Romana debeat? cum utique leges & canones in genere
approbent omnes consuetudines legitime introductas. De eo nobis mi-
nus est dubium, quod Curia Romana hisce Regulis non possit uti in præ-
judicium Concordatorum Germaniæ, quia pacta sunt servanda: secus
nemo amplius talia pacta cum Sede Apostolica inibit, si ab illis pro arbi-
trio recedere liceat. Plures ex his regulis gravibus difficultatibus sunt
obnoxie, quare mirum non est, quod Viri eruditi plura in eas scripse-
rint commentaria (2).

C A P U T IV.

De Congregationibus Cardinalium in genere, & de
Congregatione S. Officii seu Inquisitionis
in specie.

§. I. Quid sint Congregationes Cardinalium, & quotuplicis generis. II.
De Congregatione S. Officii; illiusque origine, quam habet a Tribu-
nali Inquisitionis. III. *De hoc Tribunali singulariter agitur.* IV. *De*
erectione hujus Congregationis, illiusque Officialibus. V. *De Con-*
gregationibus preparatoriis, & ipsa Congregatione Inquisitionis.
VI. *De causis ad ipsam pertinentibus, & modo introducendi.* VII.
De Processu Inquisitionis.

§. I.

Ad Congregationes Cardinalium transitum faciamus, quæ inter cæ- *Quid sint*
Congrega-
tiones Car-
dinalium.

(2) Joan. Chockier, Gonzalez, Barbosa, Plettenberg.

Juris Eccles. Tom. II.

T t

tera Curiae Romanae tribunalia vel maxime eminent. Sunt ergo hæ Congregationes nihil aliud, quam certa Collegia a Pontificibus erecta & instituta in ordine ad certa negotia dirigenda, discutienda, & sub forma cuiusdam tribunalis & iudicii per Cardinales potissimum decidenda. Atque in his continetur tota rei essentia, & quidquid de his Congregationibus dici potest.

Aliæ ordinariæ, & alia extraordinariæ.

Aliæ sunt ordinariæ, & alia extraordinariæ: Priores a Pontificibus semel erectæ de se & per se sunt fixæ, stabiles, & habent statum permanentem: Posteriores pro negotiis quibusdam specialibus expediendis assumuntur, prout frequentius fieri solet, & novissime factum esse scimus (a). Cum Pontifex triplicem potissimum personam sustineat, Pontificis seu Episcopi universalis, Episcopi urbis, ac Domini sui districtus seu Principis in statu Romano, alia iterum sunt Congregationes, quæ ordinantur ad dirigenda decidendaque negotia tam publica universalis Ecclesiæ, quam privata ex universis provinciis ad Curiam Romanam via provocationis, consultationis, relationis, appellationis, aut reservationis devoluta, & spectant Pontificem qua Pontificem, qua Primatem ac Caput universalis Ecclesiæ; & alia, quæ concernunt regimen Ecclesiæ Romanæ tantum, quatenus est Ecclesia particularis, cuius Episcopus est ipse Pontifex (b); & alia, quæ pertinent ad regimen temporale Status ecclesiastici. Nobis unice agendum est de Congregationibus in bonum universalis Ecclesiæ institutis, & inter has

§. II.

Congregatio S. Officii, sive Inquisitionis orium habet a tribunali Inquisitionis.

Inquisitores fidei ex iure divino sunt Episcopi.

Eminet Congregatio S. Officii, sive Inquisitionis, quam ipse Sixtus V. in sua Bulla quæ incipit: *Immensa æterni DEI* inter Congregationes decem a se erectas primam collocat. Hæc Congregatio sine dubio a famoso tribunali Inquisitionis, quod adhuc in quibusdam regionis, Portugalliæ præsertim, & Hispaniæ summo cum rigore exercetur, suam trahit originem. Inquisitores fidei ex Jure divino, & ecclesiastico, traditione, praxi & consuetudine, & ex ipso officio episcopali semper fuere Episcopi: quippe quos posuit *DEUS regere Ecclesiam DEI*. Primus qui speciales Inquisitores cum plena autoritate procedendi contra Hæreticos constituit, fuit Innocentius III., qui sub initium

(a) E.g. in causa Gallorum super denegatione Sacramentorum.

(b) Quatruplicem enim personam sustinet Pontifex, nempe Pontificis, Patriarchæ per Occidentem, Metropolitæ per certum districtum Italiæ, & Episcopi in Dioecesi Romana.

tium Sæc. XIII. contra hæresin Albigenſium in provinciam Tolofanam, *Innocentius III. Sæc. XIII. ſpeciales conſtituit.* eique adjacentes miſit Arnaldum Abbatem Cifterciensẽ cum duobus Monachis Cifterciensibus Petro de Caſtro novo, & Radulpho. Hiſ idem Pontifex in ſubſidium adjunxit Didacum Oxomenſem Episcopum, & S. Dominicum ejusdem Eccleſiæ tunc Canonicum. Poſt biennium completum, cum Didacus ad ſuam Eccleſiam reverti coactus fuiſſet, Dominicus ſolus adſcitis ſibi quibusdam Sociis, jactisque ſui Ordinis fundamentis huic operi ſtrenue incubuit, & ſubinde ipſos etiam Principes, & Magiſtratus ſæculares, quin & populum contra hæreticos excitavit, & ſub promiſſione Indulgentiarum ita concitavit, ut ſub nomine *De Cruce ſignatis.* *Cruce ſignatorum* arma etiam contra Hæreticos arriperent. Mox ab initio Inquiſitores iſti contrarios ſibi habuere Episcopos & Magiſtratus ſæculares, & ideo vel nihil, vel parum contra hæreticos proſecerunt. Ut ergo major foret Inquiſitorum autoritas, & opus Inquiſitionis feliciores haberet progreſſus, Gregorius IX. certos inquirendi, & contra *Greg. IX. certos inquirendi modos præſcripſit.* hæreticos procedendi modos præſcripſit, & quoddam Inquiſitionis tribunal in Synodo Tolofana per Cardinalem ſuum Romanarum celebrata inſtituit, unaque autoritatem inquirendi, procedendi & puniendi Episcopis veluti legitimis ex ipſo jure divino Inquiſitoribus commiſit. Sed paulo poſt nimio zelo abreptus Pontifex, exiſtimans, ab Episcopis officium ſuum flaccidius, quam oporteret, obiri, officium iſtud ſolis *Officium Inquiſitionis Dominicanis demandavit, qui propter rigorem urbe expulſi.* fratribus Dominicanis commiſit, qui tanto rigore proceſſerunt, ut populus Tolofanus omnes fidei Inquiſitores una cum ſuo Episcopo ex urbe expulerit. Pontificum fervorem æmulatus fuit Fridericus II. Imperator, qui circa annum 1244. acerbiffimas conſtitutiones contra hæreticos eorumque fautores evulgavit, & Inquiſitores fidei in ſuam protectionem ſuſcepit. Haſ Friderici leges anno 1251. confirmavit Innocentius IV. Pontifex, pluraque pro ſtabiliendo Inquiſitoris tribunali adjecit per Conſtitutionem, quæ incipit *ad extirpandas Eſc.*

Itaque jam Inquiſitionis tribunali formato plura, præſertim in Italia, ac in terris Romano Pontifici ſubjectis, talia Inquiſitionis tribuna- *Tribunalia Inquiſitionis plura erecta.* lia fuere erecta; Inquiſitores vero præcipue ex Ordine Dominicanorum designati. At in urbe, & Curia Romana Inquiſitionis tribunal per ipſum Pontificem cum Miniſtris ad id deputatis, & pro illius arbitrio aſſumptis regebatur.

§. III.

Atque hic pedetentim ad ſcopum noſtrum id eſt, ad tribunal, *Tribunal Inquiſitionis rigidiffimo.* ſeu Congregationem Officii explicandam venimus. Prius tamen de

*Hæreticis
exofum.*

famofio tribunali Inquisitionis, quod per Italiam, Hispaniam, & Portugalliam præcipue excessivo ac immenso rigore exercetur, agamus. Sane si quideft in Ecclefia Catholica, quod Religioneim fumme exofam, contemptibilem, imo etiam hæreticis ridiculam facit, illud profecto eft tribunal Inquisitionis, quod non nifi difficillime cum manfuetudine Chrifti, cum exemplo Apoftolorum, cum principiis Chriftianitatis combinari poffe multis etiam Catholicis videtur. Horrenda videri poffunt, & horribilia, inaudita, & barbara, fi vera funt, quæ Scriptores etiam Catholici de hoc tribunali Inquisitionis fcribunt, de modo inquirendi, de judiciis contra fufpectos inftituti, de pœnis & fuppliciis contra Hæreticos ftatuta prorfus horribilibus &c. ut quid ergo mirum, fi Scriptores graviffimi defectionem Belgii huic Inquisitionis tribunali, quod cum excessivo rigore urgebatur, magna ex parte adfcribant? hæc fublimiori Iudicio expendenda relinquimus. Noverint fapientiffimi Pontifices, & Epifcopi, cur tribunalia ifta tolerant, permittant, & rigorem iftum non mitigent, moderentur, & ad limites Chriftianæ manfuetudinis reducant. Nos fublimiori Spiritui Ecclefie fuæ femper affiftenti hæc adfcribimus.

§ IV.

*Congregatio
S. Officii
ortum fuum
habet a tri-
bunali In-
quisitionis.
Illius autho-
ritas confir-
mata Et au-
cta fuit a
Pio V. Et
Sixto V.*

Ut jam ad rem noftram veniamus, tribunal iftud Inquisitionis occafionem præbuit, ut hæc Congregatio S. Officii inftitueretur. Primus ergo fuit Paulus III., qui anno 1542. fex Cardinales conftituit, & deputavit, ut effent generales Inquiltores per univerfum orbem Catholicum in omnibus provinciis, urbibus citra, & ultra montanis. Pauli veftigia preffit Pius V., qui numerum auxit ufque ad octo, data Inquilitoribus poteftate pleniffima ftatuendi, decernendi, decidendi, quidquid pro bono Ecclefie futurum ipsis vifum fuerit: ita, ut quidquid major pars illorum ftatuert, & decreverit, id omnino fixum fit ratumque. Hanc declarationem confirmavit Pius, & gefta per maiorem partem præfentium effe reputanda, ac fi ab omnibus effent ordinata, voluit, etiamfi duo tantum fint præfentes. Tandem Sixtus V. in fua famoiffima conftitutione quæ incipit: *Immenfa æterni DEI* quindecim Congregationes inftituit, inter quas primam nominavit Congregationem Officii, illamque in terminis ampliffimis & prægnantiffimis confirmavit; inquilitoribus vero authoritatem ampliffimam inquirendi, citandi, procedendi, fententiandi, & definiendi in omnibus caufis tam hærefim manifeftam, quam fchifmatam, apoftafiam a fide, magiam, fortilegia, divinationes, Sacramentorum abufus, Et quæcumque alia, quæ etiam præfum-
ptam

ptam hæresin sapere videntur, concernentibus. Ita verba Constitutionis. *Officiales* Tribunal istud præter Cardinales constituunt plures alii Officiales, inter quos primus est Commissarius S. Officii, qui assumitur ex Ordine *hujus Congregationis.* Dominicanorum, & gerit vices Judicis ordinarii. Hic in Consiliarium seu Assessorem habet Prælatum, vel Clericum sæcularem, qui dicitur Assessor S. Officii, qui ratione muneris debet esse Professor optimus & insignis in sacra Theologia, & sacris Canonibus. Alii iterum sunt Ministri, Fiscalis, & Notarius. Præprimis vero ad hanc Congregationem spectant Theologi, & SS. canonum peritissimi, qui *Consultores S. Officii* dicuntur, atque ex diversis Religionibus pro Papæ beneplacito assumuntur, non nunquam etiam e statu Clericali sæculari. Intervēnit etiam huic Congregationi inter Consultores Magister sacri Palatii, qui solet residere in palatio Apostolico. Inter hos Ministros tres sunt, qui habent officium fixum & stabile, nempe Magister Generalis Ordinis S. Dominici, & Magister Palatii, qui similiter est ex præfato Ordine, & Professor quidam Ordinis Minorum Conventualium, cui veluti per Antonomasiæ competit nuncupatio Consultoris S. Officii, habens hoc munus magis specialiter, permanentem, & stabiliorem.

§. V.

Antequam fiat Congregatio coram ipso Papa, duæ singulis hebdomadis habentur Congregationes præparatoriæ, prima die Lunæ in ipso palatio S. Officii prope Basilicam S. Petri, ubi conveniunt Commissarius, Assessor, Fiscalis, Notarius, & Consultores tam sæculares quam Regulares. In hac Congregatione, quæ *Consulta* dicitur, examinantur ea, quæ ad proximam Congregationem præparatoriam pertinent, *Modus in leguntur commissiones, epistolæ, memorialia, relationes, processus criminales, aliaque, quæ vel ab Episcopis, vel aliis Inquisitoribus pro examine, informatione, aut decisione sunt transmissa, idque pro majori instructione Assessoris, qui ea referre debet in altera Congregatione præparatoria, quæ habetur die Mercurii in Conventu S. Mariæ supra Minervam, ubi conveniunt omnes Cardinales, & Dominus Assessor. Et quidem primum habetur Congregatio secreta, in qua soli Cardinales cum Commissario & Assessore deliberant, consulunt. Postquam vero sufficiens facta sit discussio, vocantur Consultores, eorumque votum seu consilium expeditur. Quæ autem in hac Congregatione decreta aut resoluta sunt, eodem die per Assessorem referuntur ad Sanctissimum. Atque hæc est ratio, cur decreta hujus Congregationis præparatoriæ prodeant sub nomine Cardinalium S. Officii, non ipsius*

*Præcipua
Congregatio
celebratur
die Jovis
coram ipso
Pontifice.*

Pontificis, facta tamen relatione ad Sanctissimum. Præcipua autem Congregatio, quæ proprie vocatur *Congregatio Inquisitionis*, est illa, quæ die Jovis coram ipso Pontifice celebratur, in qua unum alterumve negotium, quod ex relatis per hebdomadam videtur esse gravissimum, assumitur, & prævio Sanctissimi Oraculo finaliter resolvitur. Communius tales casus prævio Theologorum examini committuntur. Postquam ergo hi suam relationem absolvent, omnes dimittuntur exceptis Cardinalibus, qui coram solo Pontifice sua vota depromunt, quibus auditis Pontifex finaliter concludit. Quo facto rursus intrat Assessor cum Commissario, quibus suam resolutionem finalem Pontifex significare solet. Tunc eduntur Decreta, & a Notario signantur, in quibus tamen, etsi sint Decreta Congregationis, solus Pontifex tanquam decernens, & resolvens introducit.

§. VI.

*Causæ ad
hanc Congre-
gationem
pertinentes.*

Ad hanc Congregationem pertinent omnes causæ fidei, censura, approbatio, prohibitio librorum, licet id etiam ad Congregationem subsidiariam *Indicis*, de qua mox agemus, hodie pertinere dignoscatur; item licentia legendi libros hæreticos: & quod magis est, hodie ad hanc Congregationem spectant concessionem facultatum Episcopis dari solitarum, quas singulis quinquennalis renovare debent; licentiæ vescendi carnibus singulis diebus prohibitis, dispensationes in omnibus gradibus tam affinitatis quam consanguinitatis primum tangentibus.

*Modus in-
troducendi
causas est di-
versus secun-
dum diver-
sitatem causa-
rum.*

Modus introducendi causas in hoc tribunali est diversus secundum diversitatem causarum. Si causa est *fidei*, introducitur per viam accusationis, & denuntiationis, quod fit per Episcopos, Inquisitores, vel quoscunque alios, vel per ipsam Rei confessionem: si reus fateatur, causa finita est, & hinc injuncta aliqua salutari poenitentia a tribunali dimittitur, & absolvitur: si adsit accusator, tunc Officiales S. Officii curant, ut compleatur processus probationum: agnita accusatione tanquam legitima proceditur ad incarcerationem accusati, & datis defensoribus, nisi reus accusationem purget, quod raro contingere solet, ad poenam condemnatur. Si sint aliæ causæ e. g. dispensationum, licentiarum, de quibus mox antea diximus, tunc porrigendus est libellus ipsi Sanctissimo, cui per Assessorem referendum est. Quod si Sanctissimus annuat, in calce libelli per Notarium Officii rescriptum Papæ extenditur.

§. VII.

*De processu
Inquisito-*

Pauca hic addere liceat de processu Inquisitionis, de quo supra, & modo procedendi. Quando igitur Inquisitor ad locum quemcunque perve-

pervenerit, tunc mandatum a Pontifice acceptum exhibet Episcopo, *nis, Et modo* aut ejus Vicario Generali, & Ministris tribunalium etiam sæcularium, *procedendi,* eosque adigit ad juramentum de executione legum ecclesiasticarum & civilium adversus hæreticos statutarum. Inquisitor munus suum solenni oratione auspicatur, qua homines ad faciendas denuntiationes hortatur, ac terminum 30, vel 34. dierum, qui terminus vocatur *Gratiæ*, præligit, intra quem qui veniunt, ac se ipsos accusant, a pœnis consuetis absolvuntur. Post hæc Inquisitor denuntiationibus, & accusationibus aures præbet, format processum, in quo juxta qualitatem præsumptionis *levis, vehementis, & violentæ* procedit: & quidem vehementi præsumptione gravatos ad probationem contrariam, & purificationem canonicam admittit; alios vero violenta præsumptione oppressos condemnat, & adhibito prius Episcopi, vel Generalis Vicarii, aliorumque Virorum doctorum consilio solemniter sententiam profert, quæ pro varietate diffamationis, suspicionis, pœnitentiæ vel impœnitentiæ varia est, nunc benignior, nunc severior; vel absolutoria, vel condemnatoria. Pœnitentes abjurata hæresi ab excommunicatione absolventur, & in signum pœnitentiæ accipiunt vestem pœnitentialem, quam *sacrum Benedictum* vocant, eamque, quoad vivunt, gestare, ac certis diebus ad portam ecclesiæ cum cereo accenso in manibus stare, & pœnitentiam agere jubentur, aliquoties vero in perpetuos carceres detruduntur. Qui vero convicti fuerint, & impœnitentes, vel pœnitentes *laxi* sunt, de suo ordine dejiciuntur, curiæ sæculari traduntur, & ad ultimum supplicium damnantur. Nolim ego rigorem hujus judicii inquisitorii, & modum procedendi longius prosequi, ne quibusdam sim offendentulo.

CAPUT V.

De Congregatione Indicis.

- §. I. *De institutione, fine, & Officialibus hujus Congregationis.* II. *Com-*
petit ei facultas revidendi, examinandi, & prohibendi libros, & quo-
modo in his procedere soleat? III. *An prohibitio librorum sit licita?*
 IV. *Ad quem pertineat jus prohibendi libros?* V. *De Indice librorum*
prohibitorum. VI. *Quæ singulariter sint animadvertenda quoad hunc*
Indicem? VII. *Quid sit sentiendum de prohibitione lectionis S. Scri-*
pturæ, & de ipso Indice pro Germania? VIII. *Quid de proscriptio-*

ne librorum, quæ in Congregationibus Officii, & Indicis fieri solet ?
 IX. *De approbatione librorum, antequam typis mandantur.*

§. I.

*Congregatio
Indicis est
Vicaria Con-
gregationis
Officii.*

*Illius Offi-
ciales.*

Progrediendum jam ad *Congregationem Indicis*, quam, ut esset tanquam *Vicaria*, & subsidiaria Congregationis Officii, Sixtus V. instituit, eique curam revisionis, & prohibitionis librorum demandavit. Cum enim sacrum Officium majoribus fidei negotiis esset occupatum, quo minus materiam revisionis & prohibitionis cum debita circumspectione & diligentia tractare posset, in subsidium placuit Congregationem Indicis adungere. Hæc Congregatio constituitur ex competenti numero Cardinalium pro beneplacito Pontificis. Habet Secretarium ex Ordine S. Dominici, qui una cum Cardinale Præfecto decreta Congregationis signat. Præterea habet perpetuum & fixum Consultorem, Magistrum S. Palatii, similiter ex Ordine S. Dominici, qui ante erectionem fuit quasi Theologus Pontificis in rebus fidei, & semper solus munus revidendi & supprimendi libros obiit, & in hodiernam usque diem, saltem quoad impressionem librorum retinet, ita ut sine ejus licentia impressio librorum in urbe, ejusque districtu fieri nequeat. Hi scè accedit magnus numerus Theologorum, aliorumque Doctorem, qui frequentius, vel pro majori parte sunt Religiosi diversarum Religionum sub nomine *Consultorum*.

§. II.

Illius facultas & potestas.

Modus procedendi.

Congregationis S. Officii.

Hæc Congregatio fit ad libitum juxta urgentias, & habet facultatem revidendi, examinandi, & prohibendi libros, concedendi licentiam legendi libros prohibitos. Distributio librorum fit per Secretarium inter Consultores, quibus incumbit obligatio referendi in plena congregatione, ubi dein consultitur, an liber prohiberi, expurgari, vel suspendi debeat. Cardinales vero ut plurimum se judicio Consultorum conformare solent. Soli tamen Cardinales ex Constitutione Sixti V. votum decisivum habent. Decreta duntaxat sub nomine Cardinalium Congregationis Indicis, non ipsius Pontificis formantur, & evulgantur, prius tamen, quam imprimuntur, per Secretarium Indicis Pontifici exhiberi consueverunt. Quoniam vero Pontifex nec legit librum, nec relationem Consultorum audit, sed unico decreto jam formato simpliciter annuit, nulla Pontificis mentio in decreto injicitur. Cum autem hæc Congregatio ex dictis tantum sit *Vicaria Congregationis Officii*, huic sua

sua potestas revidendi libros in salvo manet: quin non nunquam contigit scimus, quod liber aliquis per decretum hujus Congregationis in Indicem relatus, postmodum per speciale decretum Congregationis Officii fuerit proscriptus (c). Sed neque Episcopis per erectionem hujus Congregationis sua pro suis Diocesis potestas revidendi, corrigendi, & prohibendi libros fuit adempta.

et sui auctoritas manet in salvo. Etiam Episcopis pro suis Diocesis.

§. III.

Opportuna hic se offert occasio quædam scribendi de prohibitione, approbatione, qualificatione, & lectione librorum prohibitorum.

Quantum ad prohibitionem librorum nemo prudentum negaverit, prohibitionem hanc non raro esse licitam, utilem, imo necessariam, & viguisse etiam apud Gentiles, Romanos, Græcos, aliasque nationes & præcipue in Ecclesia antiqua, prout mox demonstrabimus. Qui enim seditionum & rebellionum motus, quæ scandala in publico, quæ morum corruptio non foret pertimescenda, si promiscua librorum lectio omnibus permessa foret, si libri dissamatorii, magici, obsæni, hæretici, scandalosi non prohibeantur? an non *Ratio Status* tam ecclesiastici, quam politici exposcit, ut libri quidam aut proscribantur, vel saltem occultentur, aut supprimantur, ne in omnium manus perveniant? dummodo talis prohibitio sit sobria, justa, prudens, nulla sinistra passione & affectu causata, vel extorta. Hæc autem prohibitio vel est *doctrinalis*, vel *imperativa*: Priorem vocant illam, quæ ex legibus amicitiae & charitatis sine imperio coactivo unice propter bonum spirituale fit; posteriorem, quæ est conjuncta cum exercitio coactivo: & hæc iterum vel *publica*, vel *privata*: hæc a parentibus, Magistris, & Doctoribus; illa per legem vel edictum Superioris vel ecclesiastici, vel politici fit. Exempla prohibitionis *doctrinalis* plura in ipsis f. literis prostant: sic Paulus 1. Timoth. 4. v. 7. Author fuit Thimondi, ut a lectione antiquarum fabularum abstineat: & ad Tit. 3. inculcat, ne in legendis inutilibus quæstionibus tempus perdat: & omnibus fidelibus ad Coloss. 2. v. 8. suadet, ne se Philosophiæ Gentilium participes faciant.

Prohibitio librorum est licita, utilis, apud omnes Gentes usitata, imo necessaria, debet tamen esse sobria.

Alia doctrinalis, alia imperativa, publica, privata &c.

Profecto mos iste prohibendi lectionem librorum noxiorum legitimum primo ex factis populorum, moribus Gentilium, Judæorum ac Christianorum. De Gentilibus libros quosdam prohibentibus constat

Mos prohibendi lectionem quorundam librorum legitimum

(c) Vid. Van-Espen part. 1. tit. 22. cap. 2.

Juris Eccles. Tom. II.

*matur ex fa-
his populo-
rum, mo-
ribus Genti-
lium, Ju-
daeorum, &
Christiano-
rum.*

ex Seneca, Tacito, Valerio maximo, & Suetorio, quorum ultimus de Augusto Imperatore refert, quod ultra duo millia librorum fatidicorum concremari iusserit. De Judæis testantur scriptores, quod licet lectionem Scripturæ ex integro non prohibuerint, quædam tamen illius loca, & inter hæc lectionem *Cantici Canticorum* non nisi Viris provectioris ætatis indulsent; libros vero magicos, & divinatorios severissime interdixerint. De Romanis aliunde scimus, quod scripta Christianorum combusserint, cujus testis est Arnobius dicens: *nostra quidem scripta cur ignibus comburi meruerunt? cur immaniter conventicula dirui (d)?* Legitimitur secundo ex constanti praxi & consuetudine Ecclesiæ, quam non modo exempla Scripturæ innox anteà allata corroborant, siue dein illæ prohibitiones fuerint *suasoriæ*, & *doctrinales* tantum, siue *imperatoria*, & quasi *coactivæ*; verum etiam facta innumera, quæ a Synodis generalibus & particularibus abunde suppeditantur. Sufficiat sola Synodus Romana sub Gelasio Pontifice anno 494 celebrata (e), in qua fuit conditus Index diversorum librorum prohibitorum, prout legitur in Decreto Gratiani. Huc certe pertinet etiam *Disciplina Arcani*, quæ in primitiva Ecclesia mirum in modum viguit, quando Gentilibus Catechumenis non modo quædam sublimiora fidei dogmata, verum etiam libri quidam abscondebantur, & eorum lectioni subtrahebantur. Legitimitur tertio a praxi Imperatorum, qui Ecclesiæ Præsules egregie adjuverunt, poenas etiam capitales statuentes in transgressores legum ecclesiasticarum in hæc materia emanantium: ita teste Socrate Constantinus Magnus singulari quodam edicto libros Arii comburendos, & illorum occultatores mortis poena afficiendos esse edixit. Simile edictum edidit Arcadius contra codices Eunomianorum; item Theodosius, & Valentinianus contra Nestorium &c. Cum prohibitione librorum non est confundenda illorum occultatio, vel potius asservatio, dum libri quidam cimielliorum, & pretiosi auri instar asservabantur, ne in quascunque manus venirent. Atque id factum esse per *Disciplinam Arcani* scimus (f). Ita apud Romanos carmina Sybillina in Capitolio asservabantur, quin ulli hominum inspicienda traderentur. Adhuc hodie Romæ & alibi quosdam libros arctissime custodiri nunquam evulgandos ipsi scimus.

*Disciplina
Arcani huc
pertinet.*

*Item edicta
Imperatorum.*

§. IV.

(d) Advers. Gent. lib. 4.

(e) De autoritate hujus Synodi usque nunc inter Criticos dubitatur.

(f) De hac. vid Schellstratius, nec non Clar. P. Hermannus Schöllner Professor Theol. Salisburg.

§. IV.

Si jam quærat, ad quem pertineat jus prohibendi libros, facilis est responſio quoad libros fidem, bonosque mores concernentes, dicendumque, hanc poteſtatem Eccleſiæ, illiusque Præſulibus eſſe propriam, utpote quos Chriſtus conſtituit regere Eccleſiam DEI. Hiſce præcipue incumbit cura gregis Dominici: hi ſunt, qui gregem debent paſcere verbo & exemplo, lupos abigere, damna avertere, & ne veneno afficiantur peſtifero, ſolicite curare. Sũnt fane Eccleſiæ Præſules in antiquiſſima hujus juris & poteſtatis poſſeſſione, quam uſque nunc in Synodiſ antiquioribus Nicæna, Epheliſina, Chalcedonenſi, & novioribus Conſtantiendi, Baſileenſi, dum libros Huiſ & Wicleſſi comburi juſſerant, exercuerunt. Imo Principibus ſæcularibus etiam facultas competit prohibendi libros in *Statum*, vel *jura Status* impingentes, ſcandalofos, & tales, ex quibus tumultus, ſeditiones, & ſcandala poſſent oriri in populo.

Jus prohibendi libros pertinet ad Eccleſiam, illiusque Præſules.

Etiam ad Principes ſæculares pro certis caſibus.

§. V.

Diſpiciendum jam de Indice librorum prohibitorum, quorum plures jam in lucem prodierunt publicam. Primum ex omnibus talibus Indicibus fuiſſe illum, qui Sæc. V. in Synodo Romana ſub Gelafio prodierit, haud pauci exiſtimant. Porro autem, præterquam quod hæc Synodus a quibusdam in dubium vocetur, Viri doctiores animadvertunt, illum Indicem non fuiſſe Indicem librorum prohibitorum juxta ſenſum & phraſin hodiernæ praxis: nam in illa Synodo agitur de lectione librorum publica, & uſu illorum in eccleſiis tempore divini officii: circumferbantur enim tunc temporis quamplurima ſanctorum Martyrum acta dubia, incerta, & ſuſpecta, de quorum authoribus, multo magis fide non ſatis conſtabat. Nobis autem eſt fermo de prohibitione librorum, quorum lectio non modo publica in Officio divino, ſed etiam privata inhihetur. Idcirco vera origo Indicis librorum prohibitorum referenda eſt ad Sæc. XVI., quo tempore invaleſcebat Secta Lutheranorum & Calvinitarum. Cum enim illo ævo plures libri mentito nomine Authoris, ac hæretico fermento conſperſi lucem ſubirent publicam, ne multi ſimpliciores incauta illorum lectione deciperentur, varii ceperunt a Theologis confici Catalogi ſeu Indices librorum, quibus ipſi notabant libros, quos vel ab hæreticis conſectos, vel hæreſi conſperſos credebant. Primum catalogum ſeu Indicem juffu Caroli V. Imperatoris anno 1546. edidit facultas Theologica Lovaniendiſ. Cumque

Index librorum prohibitorum prodierit, haud paucis videtur ex Sæc. V. derivandus: ſed male.

Vera illius origo referenda ad Sæc. XVI.

Primus index prodierit juffu Caroli V.

in dies plures prodirent libri, pluresque hæresi conserpsi notarentur, eadem sacra Facultas post lapsum 10. annorum fulsiorem catalogum concinnavit, quam addito speciali edicto publicari idem Carolus mandavit anno 1556. Hoc Imperatoris exemplo Paulus IV. Pontifex anno 1547. Inquisitoribus Romæ curam demandavit similem catalogum conficiendi, quem etiam intra biennium abolverunt, jussu Pontificis promulgarunt, & in tres classes dividerunt. Atque hic est primus catalogus librorum prohibitorum, qui a Pontificibus fuit editus.

Paulus IV. similem edi procuravit, qui primus est a Pontificibus editus, sed cum excessu rigidus. Pius IV. de super ad Synod. Trid. retulit.

Quoniam vero Paulus IV. cum rigore excessivo contra librorum prohibitorum lectores processisse videbatur suo successor Pio IV., eo quod fulmen excommunicationis latæ sententiæ cum irrogatione perpetuæ infamiae, privatione quoruncunque numerum, & incapacitate ad ea contra eos tulerit, desuper ad Concil. Trident. esse referendum, & negotium istud judicio Patrum congregatorum submittendum idem Pontifex censuit. Contigit, ut Synodus ad 10. annos fuerit suspensa, qua iterum reassumpta habita fuit Congregatio 26. Januarii anno 1562, & in ea deliberatum, quid hac in re sit faciendum. Super hac re varias fuisse Patrum sententias ex ipsis Concilii actis constat. Patribus ergo in diversas sententias abeuntibus placuit, ut hæc cura Viris quibusdam doctis committeretur Sess. 18., qui absoluto suo opere Synodo jamjam ad finem vergente illud Patribus obtulerunt. Verum Patres Concilii, quia huic negotio accuratius insudare non vacabat, Sess. ult. decreverunt, ut ad Pontificem relatio, & illius autoritate & approbatione evulgatio Indicis fieret, & approbatio. Hoc munere functus est Pius IV., qui novum Indicem librorum prohibitorum una cum quibusdam regulis, quas præfati Viri non tam jussu Concilii, quam consilio proprio pro majori explicatione quorundam in anteriori Indice obscure contentorum apposuerunt, sub forma *Brevis* promulgavit. Continet hic Index tres classes, in quarum prima non tam libri, quam librorum Scriptores continentur, qui aut hæretici, aut de nota hæresis suspecti fuerunt; in secunda libri in sanctam fidem, vel bonos mores peccantes; in tertia libri perversi incertorum Authorum referuntur.

Quid desuper in cit. Synodo actum?

Pius IV. novum Indicem edidit cum quibusdam regulis. Continet Index tres Classes.

§. VI.

Hic Index non est ab ipso Concilio editus. Nec Regulæ sunt Concilii Trident.

Quoad hunc Indicem, & regulas illius sequentia sunt animadvertenda: primo, quod hic Index non sit editus ab ipso Concilio Tridentino, & eatenus solum dicatur Concilii Trident., quatenus illius jussu cura illum conficiendi fuit demandata Viris doctis, & in lege peritis. Secundo, quod regulæ Indicis in nullo sensu sint, & dici possint esse Concilii

Concilii Tridentini: quia consilio magis proprio, quam mandato Concilii fuerunt appositæ. Tertio, quod hujusmodi regulæ numerentur *Regulæ tales numerantur decem.* & in his multa præscribantur Episcopis, Inquisitoribus, & Typographis observanda, ac denique in fine addatur poena excommunicationis latæ sententiæ contra illos, qui libros hæreticorum, aut cujuscunque Authoris propter hæresin vel falsum dogma damnatos legerint; de aliis vero, qui libros alios alio nomine prohibitos legere præsumperint, edicatur, quod reatum peccati mortalis contrahant, & ab Episcopis severius sint puniendi. Ex hoc inferunt Doctores, quod, *Quomodo intelligenda?* quando Congregatio Indicis in prohibitione librorum ad has poenas provocat per consuetam formulam: *sub pœnis in Indice librorum prohibitorum contentis*, adhuc incerta maneat poena, quam contravenientes incurrunt: quia juxta hodiernum Congregationis stylum non solet exprimi, ex quo capite liber aliquis proscribatur: & ferme omnes qualificationes sunt respectivæ (g).

§. VII.

Duo super hoc Indice in quæstionem veniunt: primo, quid sit sentiendum de prohibitione lectionis S. Scripturæ per regulam quartam Indicis, quam tantopere criminantur Sectarii. Secundo, Quid de Indice isto pro nostra Germania sit sentiendum? Quoad primam quæstionem, profecto in hoc Decreto eminet singularis Ecclesiæ prudentia, & discretio: primo enim Ecclesia non prohibet omnem lectionem Scripturæ, vel potius editionem, sed tantum editiones illas, quas solemus vocare vernaculas, quas sæpe sæpius esse corruptas, depravatas, & adulteratas novimus. Secundo: tanta est sublimitas, & obscuritas S. Scripturæ, ut homines plebei intelligere nequeant, & facile in lapsus induci valeant. Tertiò: hinc inde apparet quedam veluti contrarietas, aut contradictio, quæ minus doctis posset esse causa lapsus & scandali: & nunquid ferme omnes hæreses suum traxerunt ortum ex male intellecta scriptura? Quarto: experientia docemur, quod illi, qui præceptum Ecclesiæ parvi pendentes scripturarum lectioni se occulte consecrant, non raro in fide nutent, variis agitentur scrupulis, aut omnino in errores ruant? Sexto: hæc ratione magis consulitur puritati, & majestati Scripturæ. Septimo: non possunt Laici conqueri contra legis duritiem: habent enim facultatem legendi editionem vulgarem, *Quid sentiendum de prohibitione lectionis S. Scripturæ.*

Uu 3

tam,

(g) Vid. dicta Tom. I. Quæst. IV. Cap. II. §. VI.

tam, & cum licentia suorum Pastorum etiam editiones vernaculas (h).

*Quid de hoc
Indice pro
Germania?*

Quoad secundam quæstionem gravissimi DD. testantur, quod ille Index in Germania universaliter non sit receptus, maxime quoad Regulam quartam, per quam lectio S. Scripturæ interdicitur; quoad libros autem prohibitos sit distinguendum, an sint primæ vel secundæ classis? primæ classis prohibiti dicuntur esse illi libri, qui ex professo de Religione, Fide, & Hæresi tractant: secundæ classis sunt omnes cæteri libri, qui per se materiam Religionis & Fidei directe non attingunt. Verum duo nobis hic oriuntur scrupuli: & quidem primo libere fatemur, nobis hæcenus non sat esse probatum, quod Index hic quoad lectionem scripturæ non sit receptus: cum passim Episcopi eidem firmiter adhererent. Secundo: Jure dubitari potest, an non majus periculum animarum imminet ex lectione librorum quorundam, qui, etsi per se & principaliter de Religione non tractent, nihilominus talia in se continent, quæ ad Religionis materiam proxime accedunt, quales sunt libri Historici, Politici, Juridici: nam in libris de Religione ex professo tractantibus venenum intus latens facile proditur; in aliis manet occultum, tacite & velut inanimadvertenter imbibitur cum proximo periculo lapsus. Dein quis nobis dicere poterit, quinam libri sint primæ, secundæ, vel tertiæ classis, ad quam classem sint reducendi libri ecclesiastici, historici? Hæc pro cautela dicta volumus.

§. VIII.

*Quid de li-
bris prohibi-
tis generali-
ter sit senti-
endum?*

Jam ad Congregationem Indicis iterum revertamur. Haud absque quæritur, quidnam ergo sit sentiendum de proscriptione librorum, quæ in Congregationibus Officii & Indicis fieri solet? cardo difficultatis in eo consistit, an, si in Germania, vel alibi constet de proscriptione alicujus libri, eidem absolute sit assurgendum, aut, quemadmodum alii statum quæstionis movent, desuper *Placitum Episcopale, vel Regium* sit expectandum? Rationes dubitandis se offerunt sat graves: Inprimis enim talia Decreta non prodeunt nomina Pontificis, sed ipsius Congregationis: cur ergo illis absolute sit standum? Revisio librorum ordinarie committitur Theologis diversarum Religionum, qui non raro opinionibus suarum scholarum, quibus suam fidem addixerunt; sunt præventi, & pro illarum defensione zelo prorsus indiscreto zelare consueverunt, ac non raro zelo amaritudinis, vel inordinatis passionibus se in transversum

(h) Vid. dicta Tom. I. Q. II. Cap. II. §. VIII. pag. 152.

verfum agi patiuntur. Num constat, quod Consultores eam in revivendo libro diligentiam adhibuerint, quam negotii gravitas exigit? quod nulla inordinata irreperit passio? quid prohibet, quo minus interveniat sub- aut obreptio? utique novum non est, quod aliquoties interveniant patrocinia Potentum, commendationes Principum, quas eblandiri non raro laborant Viri indiscreto zelo zelantes? Et quotusquisque est, qui sibi scrupulo ducit libros Romæ prohibitos legere, nisi *Placito* Episcopali tales prohibitiones sint corroboratæ, & publicatæ (i)? Hæc sine dubio moverunt Benedictum XIV. Pontificem max- *Saluberrima*
imum, ut paucis abhinc annis ordinaret, ne posthac Authoris cujus- *Benedicti*
cunque catholici liber, dummodo alias bonæ famæ Vir sit, prohibea- *XIV. desu-*
tur, vel qualificetur, nisi vel ipse ad defensionem sit admittus, vel *per Consti-*
alius ex Consultoribus, vel Procuratoribus illius defensionem antea suc- *tutio.*
ceperit. Nobis non licet mentem nostram super his explicare.

§. IX.

Inter alia saluberrima statuta Ecclesiæ illud etiam est, quo prohibetur, ne quis librum publice typis imprimi curet, nisi prius approbationem illius, & licentiam imprimendi obtinuerit. Postquam enim arstypographica fuit inventa, invaluit etiam facilitas quæcunque divulgandi in publicum cum gravissimo præjudicio Reipublicæ christianæ, & politicæ. Ut ergo hisce malis efficaciter obveniretur, Leo X. in Concil. Lateran. V. anno 1515. statuit, ut posthac omnes libri in urbe Romana per Vicarium Pontificium, vel Magistrum sacri Palatii; in aliis vero diocesisbus per Episcopum, vel alios Viros ab ipso deputatos ante editionem approbentur: aliter edentes ultra librorum impressorum amissionem, illorumque publicam combustionem solvant 100. ducatos ad fabricam Ecclesiæ applicandos, & ipso facto sint excommunicati. Decretum istud renovavit Synodus Trident. Sess. 4. quæ omnino legi meretur.

Ex his sequitur, quod approbatio librorum per se pertineat ad Episcopos, ad Vicarios generales, aliosque ab his ad id muneris deputatos, si loquamur de libris, qui religionem & fidem concernunt. Quod si de libris *Statum politicum* spectantibus loquamur, dubium non est, quod etiam ad *Principes.*

- (i) Vid. Van-Espen Tom. 2. part. 3. caute tamen legendus, ex quo has rationes decerpimus. Res aliunde nota est, hunc Authorem hinc inde de Curia Romana, & ipsi Pontificibus insulse prorsus scribere. Nos meliora de hac Congregatione præsumimus.

*An aliquando prohibi-
tio librorum
Theologico-
rum ad sæ-
culares per-
tineat.*

quod Imperatores alique Principes & Status territoriales e suo territo-
rio proscribere valeant libros Reipublicæ politicæ perniciosos, vel etiam
prohibere, ne quis similes libros, ex quibus periculum imminet Reipu-
blicæ, edere valeat, sine approbatione Principis territorialis. Super
hoc puncto cautum est in multis recessibus imperii (k). Altioris inda-
ginis quæstio est, an etiam libri Theologici, & ecclesiastici approbati-
oni & censuræ Censuræ sæcularium subijci debeant, propter periculum,
ne in rationem Status, in principia politica, & ordinationes politicas,
prout facile contingere posset, impingant? quid in praxi factum sit, &
in diem usque hodiernam fiat, scimus: utrum hæc praxis usum bo-
num, vel abusum sapiat, alii judicent. De qualificatione propositio-
num alibi actum fuit (l).

CAPUT VI.

De Congregationibus super negotiis Episcoporum & Regularium, nec non sacrorum Rituum, & quibusdam aliis.

§. I. De Congregatione super negotiis Episcoporum & Regularium, per-
sonis illam constituentibus, causis ad eam pertinentibus, & modo pro-
cedendi. II. De sacra Congregatione Rituum, illius scopo & fine.
III. Quotuplex sit, & quæ causæ ad eam pertineant. IV. De
Beatificatione & Canonizatione, & toto illius processu. V. Ad
quem olim pertinuerit causa Beatificationis, & hodie pertineat. VI.
Duplicis generis negotia in ea tractantur, & quomodo expendantur?
VII. Huc etiam pertinent causæ Immunitatem, vel ecclesiasticam Ju-
risdictionem concernentes. VIII. De quibusdam aliis Congregatio-
nibus.

§. I.

*Congregatio
super nego-
tiis Episco-
porum &
Regularium*

Inter Congregationes Pontificias celebriores jure optimo reputatur Con-
gregatio super negotiis Episcoporum & Regularium tum ob multitudi-
nem, tum ob gravitatem causarum, quæ in hac Congregatione ferme
quotidie

(k) Vid. Boehmer ad lib. 5. tit. 7. §. 59. & seq.

(l) Tom. I. Quæst. IV. Cap. 2.

quotidie occurrunt, quam proin Card. de Luca dicere occupatissimum *valde cele-*
atque in negotiorum multitudine omnium majorem ob faciles recursus, que-bris inlitu-
relas, & contentiones non veretur: Quid enim hodie frequentius, quam ^{a Sixto}
 lites & controversiæ inter ipsos ordines Religiosos, Congregationes &
 Monasteria super præcedentiis, privilegiis, & juribus; inter Epi-
 scopos & Regulares super exemptionibus; inter Abbates & Clericos
 sæculares super juribus parochialibus, decimis &c. inter Abbates,
 aliosque Superiores regulares, & suos subditos & Congregationis hu-
 jus author fuit Sixtus V. atque ex duabus quasi unam conflavit, nempe
 super negotiis Episcoporum, & super negotiis Regularium. Vocatur hæc *Vocatur*
 Congregatio Cardinalitia, quia nonnisi ex meris constituitur Cardinali-
 bus, nisi quod unum habeat Secretarium non Cardinalem, a quo lite-
 riæ & decreta hujus Congregationis scribuntur, una cum subscriptione
 unius e Cardinalibus, qui *Cardinalis Præfatus* appellatur. Numerus
 tamen Cardinalium hanc congregationem componentium non est de-
 terminatus, sed pendet ab arbitrio Pontificis: communius tamen ad
 minimum sunt duodecim. Celebratur Congregatio semel in hebdoma-
 da singulis diebus Veneris, nisi dies sit impedita. Olim celebrari so-
 lebat in palatio Cardinalis Senioris, modo celebratur in palatio aposto-
 lico, ubi pro tempore Pontifex moratur.

Ad hanc Congregationem causæ Regularium non solum publicæ *Causæ Re-*
 five super regimine Religionis in universum, five inter unam Religio-
 nem & alteram, sed etiam privatæ inter Religiosos super officiis, præ-
 laturis, electionibus, præcedentiis, aliisque præ eminentiis; inter *publica &*
 Episcopos, & Abbates; inter superiores, & subditos super valore, vel *privata & huc*
 nullitate professionis pertinent.

Forma hujus judicii non est solemnis, sed simplex, & de plano sum-
 maria, sola inspecta rei veritate, & admittis probationibus necessariis.
 Stylus autem hujus Congregationis hic est, ut, si contingat fortassis,
 quod Religiosus contra suum Abbatem queratur, scribatur epistola fa-
 miliaris nomine Congregationis signata per Cardinalem Præfectum, &
 Secretarium cum incluso libello simplici ad Episcopum, vel alium supe-
 riorem, ut super expositis in libello supplici Congregationem informet.
 Hac informatione habita, si Congregatio videat, quod circa factum conve-
 niatur, totaque difficultas reducatur ad punctum juris, tunc nego-
 tium in Congregatione discutitur, & revolvitur, ipsaque resolutio per
 literas, ut antea intimatur. Si vero informatio accepta non videatur
 esse sufficiens, aut super factis non conveniat cum libello supplice, tunc
 Congregatio non raro per alias literas libellum supplicem pro ulteriori in-
Forma judi-
cii simplicis.
Modus
scribendi,
consultandi,
procedendi.
Juris Eccles. Tom. II. X x *forma-*

formatione transmittit ad Metropolitanum aut viciniorem Episcopum. Cæterum id sateri cogimur, quod Scriptores, qui de stylo hujus curiæ, & modo procedendi scribunt, ita obscure scribant, ut frustra neum laborem in se suscepturus videatur ille, qui ex illis styllum curiæ addicere vellet.

§. II.

Sacra Congregatio Rituum ab eodem Sixto V. instituta,

In ordine ad dirigendum cultum DEI externum publicum, ritus & ceremonias ordinandas, & tollendos abusos.

Post Congregationem super negotiis Episcoporum & Regularium primum locum meretur *sacra Congregatio Rituum*, quam eidem Sixto V. in acceptis referre debemus. Cum enim Ecclesia semper in id intenta fuerit, ut omnia decenter fiant in domo DEI, divina cum debita reverentia & majestate celebrentur, supremo Numini cultus debitus impendatur, mox a suis primordiis certos ritus in administratione Sacramentorum, in Officio divino, in celebratione Missarum, in functionibus liturgicis instituit. Quoniam vero modus iste facile in superstitiones degenerare potest, & experientia etiam docuit, multos irrepisse abusus, voluit Sixtus V. singularem instituere Congregationem, cui incumbere cura introducendi ritus, abusus reformandi, superstitiones corrigendi, & cultum DEI externum ita determinandi, ut nihil, quod saperet vanitatem, introduceret; nihil, quod redolet superstitionem, toleraret, sed potius omnes suos ritus ad ædificationem plebis, ad stimulos virtutis, & pietatis addendos ordinaret, & dirigeret. Et certe, si quod est disciplinæ ecclesiasticæ caput, quod indiget reformatione, illud cultus externus esse palam dignoscitur, in quo facile aut per excessum, aut defectum excedere solemus. Libeat audire verba ipsius Sixti V. in sua Constitutione, quam edidit, & verbis prægnantissimis concepit: *Quibus* (loquitur de quinque Cardinalibus, quos huic Congregationi præsecit) *hæc præcipua cura incumbere debeat, ut veteres ritus sacri ubivis locorum, in omnibus urbis, orbisque ecclesiis, etiam in Capella nostra Pontificia, in Missis, divinis officiis, Sacramentorum administratione, cæterisque ad divinum cultum pertinentibus, a quibusvis personis diligenter observentur, ceremoniæ, si exoleverint, restituantur, si depravata fuerint, reformentur, libros de sacris ritibus & ceremoniis, imprimis Pontificale, Rituale, Ceremoniale, prout opus fuerit, reforment, & emendent, officia divina de sanctis Patronis examinent, & nobis de super consultis concedant, diligentem quoque curam adhibeant circa Sanctorum Canonizationem, festorumque dierum celebrationem, ut omnia rite & recte & ex Patrum institutione fiant &c.*

Ex

Ex his jam manifestum est, quisnam fuerit scopus, finis, & intentio Sixti V. quænam negotia huic Congregationi committere voluerit, nempe (loquor cum Espenio) (m): *Finis hic primarius hujus Congregationis fuit, ut omnia in divinis Officiis, Sacramentorum administratione, atque Dei cultu & rite, & religiose, prout dignitas & majestas tanti operis exigit, peragantur; nihilque in ritibus aut ceremoniis irreligiosum aut indecens occurrat, ac per consequens Cardinales, aliosque ad hanc Congregationem spectantes oportere multum esse versatos circa verum ac genuinum Ecclesiæ sensum in ritibus, ac ceremoniis præscribendis, nec non in discernendis ritibus, quos Ecclesiæ jam pridem probavit, & ad populi devotionem excitandam, ipsiusque divini operis majestatem imprimendum induxit, ab illis, quos posterioribus sæculis vel irreverentia, vel superstitio, vel avaritia, vel Prælatorum & Pastorum incuria aut ignorantia innoxit.*

§. III.

Hæc Congregatio est duplex ordinaria & extraordinaria: illa est, *Est ordinaria & extraordinaria.* in qua agitur de ritibus, ceremoniis, & etiam præ eminentiis & præcedentiis in publicis processionibus, aliisque publicis functionibus: hæc est, quando agitur de negotio aliquo graviore & extraordinario e. g. super Beatificatione & Canonizatione Sanctorum, sive cultu cuidam DEI servo decernendo, de quo mox aliqua dicemus.

Ex primæva institutione hanc Congregationem constituunt quinque Cardinales. *Cardinales & Officiales illam constituent.* Hodie illos pro suo arbitrio assumit Pontifex; præter hos vero interveniunt multi alii Prælati, scilicet primus & secundus Magister ceremoniarum Papæ, Promotor fidei, Sacrista Papæ, unus Protonotarius apostolicus, & dein Secretarius Congregationis; item alij ceremoniarum Magistri, qui sunt numero sex. Hæc intelligi debent de Congregatione ordinaria. Ad Congregationem extraordinariam maxime si agatur de Beatificatione, vel Canonizatione servorum DEI, ultra prædictos interveniunt etiam sex Consultores Prælati, & (qui ut plurimum sunt Ministri generales alicujus ordinis) 20. alij Consultores Theologi.

§. IV.

Cum ad sacram Congregationem Rituum ex constitutione Sixti V. *De Beatificatione & Canonizatione.* pertineat Beatificatio, & Canonizatio, haud ingratis nos facturos existimamus, si de hujus ritibus & ceremoniis quædam pro aliquali eruditione

X x 2

*Beatificatio
quid.*

ditione tradamus. Aliud est Beatificatio, & aliud Canonizatio: Beatificatio est concessio a Pontifice cuidam Provinciæ, Regno vel Ordini facta, per quam præmissis examine de virtutibus heroicis, & miraculis certis permittitur, ut aliquis possit appellari beatus, eidemque certus cultus deferri e.g. Officium celebrari, Missa dici &c. Canonizatio vero est sententia decretoria sollemnis, qua Pontifex præmissis præmittendis solemnè ritu aliquem factis Sanctorum adscribit, eumque toti Ecclesiæ colendum proponit.

Quid Canonizatio?

*Quænam sint
præmittenda
Beatificatio-
ni?*

Priusquam ad ipsam Beatificationem pervenitur, sine dubio præmittenda præmitti debent, ac præprimis examen rigorosissimum super vita, morte, virtutibus heroicis, & miraculis Beatificandi, & quidem examen ita rigorosum, ita severum, & accuratum, ut vix major diligentia desiderari valeat. Quandiu vel minima exceptio contra Beatificandum opponi potest, tamdiu negotium beatificationis manet in suspenso, & non raro omnino supprimitur. Scriptura aliqua vel epistola a Beatificando adhuc in vivis agente scripta totum Beatificationis processum suppressisse legitur. Ponamus igitur, quod persona quædam e vivis decedat, quæ in vita fuit virtutibus, & fama sanctitatis, & post obitum fulget miraculis: neutiquam licet Congregationi rituum, ad quam ex dictis spectat negotium Beatificationis, quendam albo Beatorum, multo minus Sanctorum adscribere, sed dantur 50. anni, inter quos processum ventilare licet. Intra hoc tempus Ordinarii, in quorum Dioecesibus hujusmodi homines decedunt, diligentissime in vitam, in mortem, in virtutes, in miracula inquirunt, testes audiunt, examinant, juramenta imponunt, ac tandem de processu Inquisitionis, & omnibus a se actis authenticam copiam ad Pontificem mittunt, cujus originale sub diversis clavibus in archivo Pontificis asservatur. Postquam acta Beatificationis debite fuere præsentata, & fortassis potentissimis Regum & Principum recommendationibus, quemadmodum

*Dantur 50.
anni, inter
quos proces-
sus ventilari
debet.*

*Inquisitio ab
Episcopis
facienda.*

*Roma insti-
tuitur com-
missio.*

fieri solet, munita ad manus pervenerunt Pontificis, instituitur commissio, & denominantur Commissarii ad processum Beatificationis inchoandum, qui tamen primum post decennium a die præsentati, & hoc non nisi pro casu, quo ab Ordinario nova testimonia famæ, miraculorum, devotionis populi veniunt, inchoatur.

His itaque omnibus peractis aperitur processus in præsentia Cardinalium, & Notariorum, ac inquiritur, utrum acta processus sint legitima, an non defectuosa &c. De his si constet, inquiritur in testes, an legitime depofuerint, legitime examinati, & omnes Juris apices fuerint observati. Post hæc iterum totus processus clauditur, & sigillo Congre-

Congregationis munitus asservatur, nec amplius aperitur, donec 50. anni effluxerint. Elapso deinde 50. annorum spatio primo, & principalissime inquiritur in vitam & virtutes; secundo in miracula Beatificationis. Quoad virtutes inquiritur, an Beatificandus in gradu eminenti possederit virtutes Theologicas? an quosdam actus exercuerit heroicis virtutum? Non enim quicumque ab Ecclesia beatificantur, sed illi, qui singulari vitæ sanctitate, & virtutum exemplo præluxerunt: vult enim Ecclesia, ut Beatos non modo veneremur, sed vel maxime illorum vitam imitemur: itaque mirari non debemus, si hinc inde vel legamus vel audiamus, quod plures similes processus corruerint: eo quod patroni causarum in probatione virtutum heroicarum defecerint (n). Miracula etiam requiruntur: quia Ecclesia illos duntaxat vult supra candelabrum ponere, fidelibus colendos proponere, quos ipse DEUS signis manifestis coli, ac debito honore haberi manifestat. Et quidem miracula debent esse evidentiæ, & quasi luce meridiana clariora, de quibus ut eo clarius cognoscatur, vocantur Medici, Chirurghi, Philosophi, Historici, ac ipsi etiam Theologi: quia, cum miracula vera prout contradiuncta a falsis non habeant characterem & notam intrinsecam, sed potius illorum veritas ab ipsa persona, modo, fine & effectibus dimetenda sit, horum vel maxime examen accedat, necesse est (o).

Jam negotio ita præparato habetur congregatio coram ipso Pontifice, qui audito voto Congregationis interponit Decretum. Hoc peracto indicitur aliud Consistorium prorsus solemnissimum a Pontifice, ad quod præter Cardinales vocantur omnes Prælati ecclesiastici, Archiepiscopi, Episcopi, Protonotarii, quorum omnium per quamdam Concilii imaginem votum requiritur, & tunc demum præmissis precibus, aliisque ceremoniis, quæ in ceremoniali Romano late describuntur, instante Procuratore causæ Pontifex alta voce sedens cum mitra sub consueta formula Beatum pronuntiat, & decernit Sanctum, Sanctorumque albo adscribit (p). Hæc de ritibus Canonizationis.

§. V.

Jam quæritur ulterius, ad quem pertineat Canonizatio, vel potestas solemniter canonizandi? Tria cum Mabillonio (q) distinguenda sunt.

(n) Vid. Passionei Votum Bellarmini de Seligsprechung betreffend, quod reperire est in Francisci Griselini Denkwürdigkeiten des berühmten Fra Paolo Sarpi.

(o) Vid. Dissert. de veris & fictis miraculis Calmeti.

(p) Vid. Opus de Beatif. Benedicti XIV. (q) Præfat. in Sæc. V. Ord. S. Bened.

Inquisitio in vitam & virtutes nec non in miracula.

Requiruntur virtutes heroicae in gradu eminenti posses-

Item miracula indubitata.

Pontifex duo celebrat Consistoria, in quorum altero solemnissime beatificat, vel canonizat.

Quoad jus canonizandi tria tempora distinguenda.

sunt tempora: Primum ab exordio Ecclesiæ usque ad Sæc. X. Secundum a Sæc. X. usque ad Alexandrum III. & tertium ab eo tempore usque ad nos. Primo intervallo facultas canonizandi competeat cuivis Episcopo in sua Dioecesi, ita tamen, ut populi suffragium in ipsa Canonizatione adhiberet; imo successively circa Sæc. V. & VI. postulabatur auctoritas Synodi particularis, & consensus Principis. Attamen hæc Canonizatio fiebat cum magna cautela, uti citatus Author ostendit, atque eo tempore valebat commune illud: *Vox populi, vox DEI*. Sæculo IX. jam non pauci requirebant auctoritatem pontificiam, ita tamen, ut plerique Episcopi, præsertim Metropolitæ, suam antiquam consuetudinem retinerent. Secundum tempus est a Sæc. X. usque ad Alexandrum III. nam hoc labente sæculo primum indubitata fidei monumentum de solemnibus per Romanum Pontificem Canonizatione reperitur, nempe Diploma Joannis XV., qui Romæ in frequenti Episcoporum conventu ad preces Luitolfi Episcopi Augustani Udalricum ejusdem Urbis Episcopum in Sanctorum album retulit anno 995. Equidem haud ignoramus, Bellarminum, aliosque Viros doctos in ea fuisse persuasionem, hujus moris originem ad S. Suidbertum id est ad Sæc. VIII. esse revocandum, quo tempore Leo III. in præsentia Caroli M. prælatum Episcopum Cæsarwerdæ solemnibus ritu canonizasse refertur: Sed quia Acta hujus Canonizationis ex actis apocryphis Genebrardi Gemblacensis sunt mutuata, peritiores Critici ea rejiciunt, & ad sinceriora provocare consueverunt. Itaque ab hoc tempore, id est a Sæc. X. inquisitio de piorum meritis & miraculis facta est tum per Romanos Pontifices, tum per Archiepiscopos & Episcopos, & visis scriptis datum Diploma Pontificum vel Episcopale ad eorum sanctitatem solemnibus modo declarandam. Tertium denique tempus currit a tempore Alexandri III., qui Canonizationem tanquam unam ex majoribus causis ad Romanum Pontificem pertinere edixit, sibi quæ & suis successoribus reservavit, & mox Beatos quosdam Eduardum Regem Angliæ, Theobaldum Eremitam Vicentinum, Thomam Cantuariensem, & post biennium Bernardum Caravallensem solemnibus Ritu Sanctorum fastis adscripsit.

Primus sollemni ritu Pontifice fuit Canonizatus S. Udalricus.

Historia de Canonizatione S. Suidberti non est satis certa.

Alexander III. primus fuit, qui Canonizationem Romano Pontifici reservavit.

Canonizatio jam antiquissima plurima cum circumspessione fuit peracta, etiam ipso-

At nemo existimet velim, antiquam Canonizationem non cum ea, qua par erat, circumspessione fuisse peractam: nam, si vel de solis SS. Martyribus loqui velimus, Ecclesia non quoscunque Martyres reverebatur, sed illos; de quorum martyrio certo constabat. Cum enim ipsi etiam hæretici Montanistæ, & Donatistæ suos quoque martyres venderent, & aliquoties falsos martyres subrepsisse deprehensum fuisset, jam

Cle-

Clemens I. constituit septem Notarios, ut acta Martyrum conscriberent: *rum SS.* Fabianus vero totidem Subdiaconos instituisse fertur. Imo ne ipsi quidem fideles aliquem pro Martyre habebant, nisi indubitata acta martyrum contestarentur. Et quis nescit, olim corpora ipsa martyrum igne fuisse probata, an sint genuina? Rem hanc pulcherrimis exemplis demonstrat cit. Mabillonius, unaque ostendit canonizationem Martyrum esse antiquissimam, & primum Sæc. IV. vel V. supervenisse canonizationem sanctorum Confessorum, ex quibus primi fuere Antonius, & Hilarion Eremitæ.

Sed nec sine omni ritu & honore debito fiebant hæ Canonizationes: *Fiebat etiam nempe præcedebat commune populi suffragium, sequebatur erectio Al-* cum quibusdam ritibus. *taris, vel Oratorii supra tumulum, succedebat corporis elevatio, quam excipiebat celebratio officii. Hæc omnia pluribus illustrat eruditissimus Mabillonius (r).*

§. VI.

Jam ut ad id, unde digressi sumus, revertamur: adhuc aliqua *In hac Cong-* dicenda supersunt de hac celeberrima Congregatione Indicis; atque id *gregatione præprimis, quod in ea tractentur duplicis generis negotia, contentiosa, Indicis tra-* & *gratiosa. Contentiosa* sunt illa, quando adest pars contradicens e.g. *gratiosa, tractantur ne-* si oriantur controversiæ circa præcedentias, usum Pontificalium, ere- *gratiosa, tionem Sodalitatum, Confraternitatum, titulos honorificos, gesta-* *gratiosa, tionem signorum crucis, annuli, erectionem baldachini &c. Gratiosa* *gratiosa* sunt, quæ simpliciter petuntur sine contradictione alterius, quæ ordinarie tangunt sacros ritus, vel ceremonias ecclesiasticas, aut cultum divinum, e. g. si supplicetur pro concessione facultatis celebrandi officium sub ritu duplici, de quodam Sancto speciali recitandi breviarium, celebrandi festum cum octava, assumendi quemdam sanctum Protectorem, & Patronum Regni, Provinciæ, Dioecesis &c. vel si petatur resolutio dubii circa quemdam ritum ecclesiæ.

Est autem diversa forma expediendi pro diversitate negotiorum: in *Forma pro-* gratiosis porrigitur libellus ipsi Congregationi, quæ nulla prorsus in- *cedendi &* formatione audita, facta tamen sibi per Secretarium relatione in plena *expediendi.* Congregatione, vel annuit, vel gratiam denegat, prout ei expedire videtur. Etiam in contentiosis porrigendus est libellus, & in eo causæ status enarrandus. S. Congregatio libellum remittit pro informatione ad Ordinarios: injungit, ut omnes interesse habentes admoneant, ut in *sacra*

Pontifex aliquoties causas auocat, easque S. Rotæ committit.

facta rituum congregatione ad se se defendendos compareant. Postquam rediit informatio Ordinarii, tunc unus ex Cardinalibus constituitur *Ponens*, coram quo pars ad iudicium provocans debet citare alteram partem ad concordandum de dubio, & post concordatum dubium Eminentissimus *Ponens* assignat terminum pro propositione causæ: interea fiunt informationes, quibus factis, & adveniente termino propositionis, qui semper cadit in diem Sabbathi, causa proponitur, & per pluralitatem votorum resolvitur. Sequitur expeditio rescripti modo confecto. Illud singulari mentione dignum est, quod aliquoties Pontifex in negotiis contentiosis majoris momenti causas ab hac Congregatione avocet, easque sacræ Rotæ juxta normam in hoc Tribunali receptam decidendas committat; aliquoties simpliciter mandet, ut cognoscatur causa de voto Rotæ juxta eandem normam: quo facto cessat officium Rotæ, & votum Rotale communicandum est Congregationi Indicis, ut, quid in hac causa sit decidendum, determinare valeat.

Congregatio Immunitatis ecclesiasticæ.

Plures adhuc sunt Congregationes ad nostrum examen pertinentes, quas brevius non nihil expediemus, Huc pertinet *sacra Congregatio Immunitatis ecclesiasticæ, & controversiarum Jurisdictionalium*. Hæc Congregatio fuit erecta sub initium Pontificatus Urbani VIII., quæ componitur ex pluribus Cardinalibus & Prælati, quorum quatuor sunt fixi, nempe Secretarius, unus ex Auditoribus Rotæ Romanæ, unus ex Prælati Clericis Cameræ, & Advocatus Fiscalis: cæteri sunt ad libitum. Hi omnes Prælati de variis Tribunalibus assumpti dicuntur *Ponentes*, seu Relatores causarum. Hæc Congregatio celebrari solet bis in mense, die Martis in palatio apostolico,

§. VII.

Huc pertinent causæ Immunitatis vel Jurisdictionis ecclesiasticæ concernentes.

Ad hanc Congregationem pertinent omnes causæ Immunitatem ecclesiasticam, vel etiam Jurisdictionem concernentes e.g. decedit, an in hoc vel illo casu reus gaudeat immunitate ecclesiastica, vel non: & quia ex Bulla Gregorii XIII. sunt excepti sex casus, in quibus reus non gaudet immunitate ecclesiastica, nempe assassinii, homicidii, proditorii &c. hæc Congregatio judicat in processibus transmissis a partibus, an sit probatum assassinium vel non, ad hoc, ut reus abstrahatur ab ecclesia, & tradatur curiæ sæculari. Aliquando Principes sæculares petunt ab hac sacra Congregatione licentiam hominem facinorosum abstrahendi ab ecclesia, qui, licet non commiserit crimen exceptum, est tamen reus enormium criminum, propter quæ se privilegio ecclesiæ indignum fecit, dummodo tamen caveatur, ne reus poena ordinaria afflicta-

afficiatur. Hæc Congregatio defendit etiam Immunitatem realem & personalem: idcirco Officiales Laici & sæculares, si gabellas a personis ecclesiasticis extorserint, vel Jurisdictionem ecclesiasticam quomodounque turbaverint, aut violaverint, & hoc modo censuram ecclesiasticam incurrerint, ad hanc Congregationem recurrere necessum habent, ut judicet, an censuræ sint justæ, vel non.

In hoc tribunali causæ introducuntur ut plurimum per processus jam factos a locorum Ordinariis, ita ut incumbat reo, prætendenti immunitatem ecclesiasticam, probare contrarium adversus processum ad hanc sacram Congregationem remissos: hoc contingit, quando, disputatur, an aliquis reus gaudeat immunitate, vel non? Interdum causæ introducuntur pariter prævio processu ab iisdem Ordinariis ad hanc Congregationem remisso adversus Magistratum laicalem, seu Gubernatorem, qui immunitatem ecclesiasticam violavit, vel saltem quando questio sit, an violaverit: & hoc casu incumbit pariter onus probandi laico adversus probationes in eodem progressu contentas.

§. VIII.

Sequitur *sacra Congregatio propagandæ fidei*, quæ componitur ex Cardinalibus, qui non habent numerum certum, & possunt esse usque ad 25. vel 30. Actu frequentantes solent esse 10. vel 12. Ultra prædictos Cardinales adest etiam Secretarius, qui est Prælati, & Cardinalis Præfectus, tanquam caput totius Congregationis. In hac Congregatione agitur de omnibus illis causis, quæ spectant ad Missionarios, seu missiones, quæ de mandato illius exercentur per universum orbem. In rebus ad Missiones pertinentibus amplissima est hujus Congregationis potestas, de qua Auctores passim.

Alia adhuc superest Congregatio Romæ a Clemente VI. erecta, ad quam pertinet examen illorum, qui ad episcopatus promoventur, & propterea dicitur *Congregatio Examinis Episcoporum*. Huic Congregationi interveniunt quidam Cardinales, aliqui Prælati, & quidam Religiosi: Ex his alii sunt deputati in materia S. Theologiæ scholasticæ; alii in materia Theologiæ moralis; & alii in materia SS. canonum: Est enim in arbitrio examinandi, quam velit seligere materiam pro subeundo examine. Examinatores sunt Decanus, vel Vice-Cancellarius sacre Rotæ, Magister sacri Palatii, & Vice-Gerens Vicarii Urbis. Celebratur hæc Congregatio coram Pontifice. Examinatores non possunt esse pauciores, quam tres; nec plures, quam quatuor. Tres ex

dati Examinatoribus quemlibet examinant, nempe unus Cardinalis, & duo alii inferiores. Vice-Gerens examinandum introducit, eumque coram Pontifice sistit.

Referuntur alia Congregationes minus celebres. Plures adhuc sunt Congregationes e. g. *Congregatio sacre Consultæ, boni Regiminis, Camera Apostolica*, quarum tamen notitia parum ad nostrum scopum facit. Una adhuc superest, nempe *Congregatio Concilii* seu *pro interpretatione Concilii Tridentini*, quam singulari Cap. discutiendam assumimus.

C A P U T VII.

De Congregatione Cardinalium Interpretum S. Concilii Tridentini.

§. I. *De occasione, scopo, & fine hanc Congregationem instituendi.* II. *De potestate Cardinalium.* III. *De Personis illam constituentibus.* IV. *De negotiis ad eam spectantibus.* V. *De visitationibus liminum apostolicorum.* VI. *De Declarationibus Cardinalium earumque autoritate.*

§. I.

Patres Concilii Tridentini Pontifici proposuerunt remedium pro dissolvendis dubiis.

Cum Patres Concilii Tridentini sapientissime præviderint, suo tempore quamplurima dubia super decretis, & canonibus fore enasitura, de quodam remedio cogitandum esse existimarunt, quo incommodis quibuscunque efficaciter obviari posset. Idcirco curam hanc præprimis demandarunt ipsi Pontifici, quatenus ipse, si quæ in decretis recipiendis difficultas oriatur, aut aliqua inciderint, quæ declarationem vel definitionem postulant, dignaretur inliorem in modum prospicere, & vel evocatis ex illis præsertim provinciis, unde difficultas orta fuerit, iis, quos eidem negotio viderit expedire, vel etiam Concilii generalis celebratione, si necessarium judicaverit, vel commodiore quacunque ratione ei visum fuerit, provinciarum necessitatibus pro gloria DEI & Ecclesiæ tranquillitate consulatur (§).

Aliud remedium selegit Pontifex Pius IV. in sua Bulla

Ast nec unum nec alterum placuit Pio IV. Pontifici: neque enim aut illam evocationem fuisse factam, aut Synodum celebratam scimus. Quapropter de alio remedio opportuno, & ad occurrendum omnibus difficultatibus efficaci cogitavit, & revera excogitavit, illudque in sua

Bulla

Bulla Concilii confirmatoria, quæ incipit *Benedictus DEUS*, universæ confirmata-
 Ecclesiæ promulgavit, atque interpretationem Concilii sibi soli refer-
 vavit, *authoritate Apostolica* inhiibendo, tam ecclesiasticis personis, cuius-
 cunque sint ordinis, conditionis, & gradus, quam laicis, quocunque honore
 ac potestate præditis, Prælati quidem sub Interdicti ingressus Ecclesiæ, alijs
 vero, quicunque fuerint, sub excommunicationis latæ sententiæ pænis, ne quis
 sine autoritate Pontificis audeat ullos commentarios, glossas, annotationes,
 scholia, ullumque interpretationis genus super illius Concilii decretis quocun-
 que modo edere, aut quidquam quocunque nomine, etiam sub prætextu ma-
 joris decretorum corroboracionis, aut executionis, aliove quæsito colore statuere.
 Deinde subjicit, ut, si cui aliquid obscurius dictum aut statutum fuisse, eam-
 que ob causam interpretatione aut decisione aliqua egerè visum fuerit, ad Se-
 dem Apostolicam, tanquam omnium fidelium Magistrum ascendat, & ab hac
 interpretationem, declarationem, & decisionem recipiat &c.

Quoniam vero graviora negotia Pontificem impediabant, quo mi-
 nus hisce laboribus solus sufficeret, idem Pontifex mensibus aliquot post
 Concilii confirmationem, & hanc interpretandi Decreta Sedi aposto-
 licæ factam reservationem quandam erexit Cardinalium Congregatio-
 nem, illorum præsertim, qui Concilio interfuerant, & hoc ipso de
 mente Patrum melius erant informati, eum in finem, ut, licet penes
 ipsos non esset potestas interpretandi & dubia decidendi, super quibus
 ad se fieri relationes voluit, nihilominus executionem & observantiam
 illorum decretorum in se fusciperent.

Tandem ere-
 xit Congre-
 gationem
 Cardina-
 lium.

§. II.

Ex his manifeste apparet, quod Congregationis hujus potestas
 fuerit valde restricta & limitata, utpote quæ non interpretandis decre-
 tis, sed exequendis duntaxat fuit præposita. Animadvertit tamen
 Card. de Luca (t), quod Cardinales huic Congregationi præfecti, non
 obstante, quod Pontifex sibi soli interpretationem reservaverit, nihilo-
 minus partes interpretandi assumpserint, & quasdam declarationes
 fecerint, eo majoris autoritatis reputandas: quod plures ex his Car-
 dinalibus vel tanquam Præsidentes, & Legati; vel tanquam Prælati
 Synodo Tridentinæ interfuerint, ideoque mentem Synodi melius per-
 spectam habuerint. Paulo ampliorem potestatem postea huic Congre-
 gationi concessit Pius V. demum Sixtus V. in sua constitutione, quæ
 incipit *immensa*, eam potestatis plenitudinem in hanc Congregationem
 trans-

illorum po-
 testas primi-
 tus fuit val-
 de limitata.

Pius V. eam
 ampliavit.
 Sixtus V.
 fecit ampli-
 trans-
 finam.

Y y 2

(t) In Annot. ad Concil. Trident.

transfudit, ut super dubiis circa decreta morum, reformationem, disciplinam, & ecclesiastica judicia occurrentibus plenam interpretandi potestatem haberent, hac tamen addita elausula: *ut ejusmodi declaratio fiat consulto Pontifice.* Decretorum tamen, quæ ad fidei dogmata pertinent, interpretationem sibi reservavit Pontifex.

§. III.

*Constat ex
meritis Car-
dinalibus.*

Hæc Congregatio componitur ex meritis Cardinalibus excepto solo Secretario. Inter ipsos vero Cardinales unus gerit præfecturam pro subscriptione literarum & decretorum, qui simul negotia dirigit, in conventibus præest, & dicitur *Cardinalis Præfectus*. Quapropter omnes declarationes ab hac Congregatione emanantes debent esse munitæ subscriptione *Cardinalis Præfecti*, & Secretarii, nec non sigillo ipsius Congregationis, ita ut secus sint sine effectu, & nullam mereantur fidem, prout declaravit hæc Congregatio sub Urbano VIII. 2. August. anno 1632.

§. IV.

*Ad eam per-
tinent Decla-
rationes Can-
onum Syn.
Trident.*

*Cura Syno-
dorum pro-
vincialium.*

*Relationes
Episcopo-
rum, dum
limina visi-
tant.*

Negotia ad hanc Congregationem spectantia sunt inprimis declarationes, & interpretationes canonum Concilii Tridentini non tam in casibus particularibus, dubiis, & in forma judicii decidendis, hos enim sæpe remittunt ad alias Congregationes; quam in abstracto per viam Oraculi, e. g. si quis Episcopus pro futuris casibus & velut in genere dubium Juris articulum sibi declarari exposcat. Ulterius ad hanc Congregationem pertinet cura Synodorum Provincialium, non tantum ut diligenter celebrentur, verum etiam ut illarum decreta ab hac Congregatione revideantur, rati habeantur, & approbentur. Ac demum huc pertinent relationes, quas Episcopi de statu suæ Ecclesiæ Romam mittere debent, quando ad præscriptum sui juramenti, quod ante confirmationem suam juxta formulam in Pontificali Romano descriptam emittere debent, singulis quinquenniis vel per se, vel per Procuratorem more consueto limina Apostolorum visitant. Nam relationes istæ ad hanc Congregationem sunt dirigendæ, & ab hac responsa dantur, & cætera materiam hujus visitationis spectantia expediuntur.

§. V.

*Disputationes
liminum ma-
le vapulant a
Sellaris.*

Juvat hic de visitationibus liminum Apostolorum quædam superaddere, siquidem Protestantes nescio quid fraudis & doli pontificii in iis latere existimant, haud secus ac in ipso juramento, quod Episcopi

ante suam confirmationem Pontifici præstare debent, utpote quod tanquam *vinculum iniquitatis*, quo Pontifices in præjudicium Imperii Episcopos sibi devincire volunt, turpiter traducere confueverant, de quo diximus alibi (u), & dicemus in Tom. seq.

Originem harum visitationum Prosper Fagnanus (x) reducit ad primitivam Ecclesiam, easque statim post obitum SS. Apostolorum Petri & Pauli fuisse institutas affirmat. Fundat se Fagnanus in decreto Anacleti Pontificis, qui fuit quintus in ordine Romanus Pontifex. Hoc decretum refertur in cap. juxta dist. 93. & sic habet : *juxta SS. Patrum & Canonum instituta omnes Episcopi, qui hujus Apostolicæ Sedis ordinationi subjacent, qui propinqui sunt, annue circa idus Maii Sanctorum Principum Apostolorum Petri & Pauli liminibus præsententur omni occasione seposita.* Ex his infert Fagnanus, quod, cum Pontifex se referat ad instituta SS. Patrum & canonum, hæc intelligi debeant de tempore anteriori, quo Clemens, Linus, & Cletus tanquam immediati Successores Apostolorum rexerunt Ecclesiam. Verum enim vero, quia decretum istud hodie refertur inter spuria antiquorum Pontificum documenta, eidem tuto fidi non potest. In eo omnes, quantum saltem nobis constat, conveniunt, hanc originem esse derivandam ab antiquissimis visitationibus, vel potius itineribus, quibus Episcopi Italiæ, præcipue Siciliæ singulis annis Romam, ut interessent Synodo provinciali, confluebant, & quidem ante Leonis tempora singulis annis; postea ex decreto Leonis unoquoque triennio; & demum a tempore Gregorii M. non nisi singulis quinquenniis. Undenam vero hæc consuetudo ante tempora Leonis suum ortum habuerit, vel an Episcopi ex lege præcipiente id facere debuerint, non constat: quia lex certa & indubitata hæcenus inveniri non potuit. Hanc disciplinam Zacharias Papa anno 743. in Concilio Romano extendit ad omnes Episcopos, qui vel Sedis Apostolicæ erant Suffraganei, vel a Pontifice ordinari debebant, jussitque, ut, si Romæ proximiores essent, singulis annis ad festum SS. Apostolorum Petri & Pauli; si remotiores, eo annorum intervallo venirent, quod, dum ordinabantur, suo chirographo ratum habuere. Cæteros Episcopos extra fines Italiæ simile præceptum habuisse non legimus: quamquam aliquoties Episcopos vel devotionis ergo, ut limina Apostolorum venerarentur, vel consilii causa, ut cum Pontifice de necessitate

Y y 3

(u) Dilect. I. de Jur. Eccles. Particul. Germaniæ cap. 3. §. XI.

(x) Comment. in lib. II. Decret. ad cap. 4. de Jurejur.

verunt limina. tibus suarum Ecclesiarum consulere, iter Romam instituisse legamus (y).

*Visitationes
liminum in
usu fuere
apud Reges,
Episcopos,
Laicos, Cle-
ricos, Abba-
tissas & Mo-
niales.
Restrictæ.*

Invaluit eo ævo a tempore Clodovæi usque ad Carolum M. mos quasi universalis apud Reges, & Episcopos visitandi limina Apostolorum: imo sub Carolinæ familie imperio adeo frequentes erant hæ peregrinationes Nobilium ac ignobilium, Clericorum & Laicorum, Abbatissarum etiam & Monialium, ut inhiberi debuerint. In Concilio Verno de anno 755. prohibiti sunt Regulares, ne Romano se darent itineri, nisi ad causas Monasterii persequendas, & ex mandato sui Abbatis: In Concilio Cabilonensi II. an. 813. vetantur Parochi Romam ire, nisi permittente Episcopo. In Concilio Forojulienfi id ipsum interdicitur Monialibus & Abbatissis. Episcopis Galliæ sine licentia Regis Romam proficisci non licuit, sive dein a Pontifice ad Concilia fuissent invitati, sive voti explendi causa id facere voluissent.

*Sæc. X. in-
valuerunt a-
pud singulos
Episcopos,
Et quare?*

Ut autem ad id revertamur, unde digressi sumus, Sæc. X. invaluit consuetudo apud singulos Episcopos proficiscendi Romam: tum ut Pontifici tanquam Vicario Christi, Capiti Ecclesiæ, Centro unitatis, Vertici comunione Catholice sua exhiberent pietatis, devotionis & reverentiæ obsequia: tum ut limina Apostolorum decentissimo cultu prosequerentur. Erant tamen hæ visitationes adhuc arbitrarie. Eas quidem urgebat Gregorius VII., præcepto tamen non adigebat (z).

*Erant arbi-
traria.*

*Fuerunt
præcepta
Metropolitani.*

Itaque origo proximior obligationis proficiscendi Romam referenda est ad tempora Paschalis II., ex cujus epistola ad Archiepiscopum Poloniæ data, qui, ut juramentum ab Archiepiscopis præstandum & ipse præstaret, seque ad visitanda limina Apostolorum obligaret, adduci non potuit, colligimus, quod eo tempore Metropolitani, dum Pallium a Romano Pontifice recipiebant, in suo juramento eidem præstando sese obligare debuerint ad visitanda limina Apostolorum saltem singulis trienniis (a). Ita nempe id, quod antea erat consuetudinis liberæ, in necessitatem & legem transiit. Utrum vero Paschalis II. hanc legem primus tulerit, divinare haud licet. Ex verbis epistolæ haud obscure

(y) Ludov. Thomaf. de vet. & nova Ecclef. Discip. Part. II. lib. 3. cap. 49.

(z) Ita Thomassin. loc. cit. cap. 42. sed de hoc jure dubitatur, an non Gregorius VII. has Visitationes præceperit: cum formula juramenti legatur in Synod. Romana VI. sub Gregorio VII. celebrata: nisi dicere velimus, eam solum pertinere ad Episcopos Papæ Suffraganeos.

(a) Loc. cit. N. 6.

scire colligitur, eam jam antea viguisse (b). Attamen hæc necessitas tunc solos stringebat Metropolitæ; non vero Episcopos, & cohærebant ipsi Pallio. Sed res tandem eo devenit, ut & ipsi quoque jurentur Episcopi, se & quidem singulis annis vel per se vel per alios Romanos perrecturos, nisi a Romano Pontifice dispensentur. Quomodo autem & quando juramentum istud, cum non esset olim nisi eorum Episcoporum, qui Metropoli Romanæ suberant, factum fuerit omnium commune, non adeo liquet. Haud improbabilis est conjectura Ludov. Thomassini, existimantis, id inde venisse: quod, postquam formula juramenti olim a vicinioribus Romæ Episcopis juxta decretum Zachariæ & Gregorii III. præstandi Decretalibus Gregorii IX. fuit inserta (c), Episcopi coeteri per Germaniam, aliasque provincias, in quorum Diocesis Decretales usum & auctoritatem obtinuerunt, existimaverint, se eodem juramento & obligatione visitandi limina esse obstrictos. Potuit etiam, ait Thomassinus, eo aliquid contulisse liber Pontificalis Romanus, qui paulatim & ipse, cum proprius fuisset Romanæ Ecclesiæ, aliis omnibus Ecclesiis communicatus fuit: utpote in quo idem juramentum legitur.

Tanta apud nos est existimatio & auctoritas Thomassini, ut illius conjecturas simpliciter rejicere nefas foret. Licebit nihilominus pacè tanti Viri nostram mentem desuper edicere. Profecto verosimile nobis non videtur, quod Episcopi errore facti vel juris decepti sponte sua se ad juramentum post receptas Decretales obtulerint, nisi decreto speciali, vel jussu Pontificis id facere debuerint. Res nota est, quantopere se Metropolitæ primitus opposuerint juramento occasione Pallii Archiepiscopalis exacto. Longe verosimilius est, quod Pontifices ipsi hoc juramentum haud secus ab Episcopis, quam Metropolitanis Pallium recipientibus exegerint, postquam jus confirmandi Episcopos etiam extra fines Italiæ e manibus Metropolitanarum ad Pontifices pervenit. Idcirco eadem fata hujus juramenti & obligationis visitandi limina esse credimus, quæ sunt juris confirmandi Episcopos: quemadmodum illud pededentim & successive ad Pontifices fuit devolutum, ita etiam successive ab omnibus Episcopis juramentum fuit exactum, eo potissimum

- (b) Nam in illa Epistola Pontifex provocat ad morem antea jamjam constitutum, ut patet ex verbis epistolæ a Thomassino relatæ.
- (c) Formula hæc juramenti ascribitur in Decretalibus Gregorio III. Eadem legitur apud Harduinaum Tom. 6. P. 1. in Consilio Romano VI. sub Gregorio VII.

Successive etiam Episcopis, & quomodo?

Conjectura Thomassini

Videtur minus vera.

Verosimilior assertur.

Ex jure confirmandi Episcopos ad Pontifices devolutos fluxisse videtur obligatio visitandi limina.

num ævo, quo plurimi Episcopi in Germania Imperatoribus schisma constantibus contra Pontificem adhæserunt (d). Hactenus de origine juramenti, & inde resultantis obligationis visitandi limina Apostolorum.

Bulla Sixti V. determinavit visitationes liminum.

Quidquid de his sit, omnes ambages fustulit nova constitutio Sixti V., quæ incipit: *Romanus Pontifex*, & fuit publicata Romæ 14. Kalend. Januarii 1585., in qua Pontifex recensitis gravissimis incommodis, quæ ex intermissa sacrorum liminum visitatione obvenerunt Ecclesiæ, statuit sequentia: Primo jubet, ut Episcopi, & alii majores ecclesiarum Prælati per universum orbem terrarum constituti in manibus primi Cardinalis Diaconi, si præsentibus in curia fuerint; si vero absentes, in manibus Antistitis, qui ad impendendum munus consecrationis, aut ad tradendum Pallium a Sede Apostolica delegabitur, jurent juxta formulam in Quinterno Cancellariæ Apostolicæ descriptam, se Beatissimorum Apostolorum limina præscriptis in ea constitutione temporibus personaliter visitaturos, aut si legitime impediti fuerint, per certum nuntium ad id specialiter ablegandum. Secundo definivit statuta annorum intervalla regionum distantiae accommodata ad Romanum iter Episcopis omnibus capeßendum. Nimirum Itali tertio quovis anno; Galli, Germani, Hispani quarto; cæteri Europæi & Africani quinto; Asiatici, & si qui remotiores decimo quoque anno Romam pergunt suam visitationem decenter peracturi. Tertio præscripsit modum, quo hæc visitatio foret peragenda. Tres autem potissimum actus complectitur hæc visitatio, videlicet materialem sacrorum liminum visitationem; exhibitionem debitæ obedientiæ ac reverentiæ summo Pontifici; & relationem Status Ecclesiæ: Horum enim trium actuum mentionem facit tum Bulla Sixtina, tum Congregatio Concilii in literis patentibus, quas dare solet Episcopis post peractam visitationem hac vel simili formula: *Nos &c. S. R. E. Presbyter Cardinalis fidem facimus, & attestamus, Reverendissimum in Christo Patrem Episcopum &c. constitutioni sel. record. Sixti V. &c. cumulate satisfecisse, nam & sacras Beatorum Petri & Pauli Basilicas humiliter & devote præsens veneratus est, & sanctissimi Domini nostri pedibus provolutus Sanctitati suæ & sacre Congregationi &c. ore scriptoque retulit de statu Ecclesiæ suæ (e).*

Primus actus consistit in materiali visitatione Basilicarum.

Itaque primus actus perficitur ab Episcopis vel eorum Procuratoribus adeundo Basilicas SS. Apostolorum Petri & Pauli de urbe, ibique

(d) Vid. cit. Dissert. de jure partic. Germaniæ, loc. cit.

(e) Fagnanus loc. cit.

que devote & humiliter venerando ipsorum corpora. Quo peracto factus est, si Episcopi referant Cardinali Præfecto, vel Secretario Congregationis, se personaliter Basilicas visitasse, quin id vel per testes vel per juramentum probare teneantur: est enim fortissima præsumptio, quod, qui e sua Diocesi ad visitanda limina Romam venit, Basilicas præfens veneratus sit. Quod si tamen hæc visitatio fiat per Procuratorem, hic pro priori per mandatum authenticum speciale se legitimare debet, quod ad visitationem liminum ablegatus fuerit.

Alter actus consistit in debita exhibitione obedientiæ & reverentiæ summo Pontifici, tanquam supremo orbis christiani capiti & Pastori, dum Episcopus vel Procurator ad audientiam & osculum pedis admisissus summo Pontifici de statu Ecclesiæ refert, & vicissim mandata apostolica humiliter recipit.

Tertius actus perficitur, quando Episcopi scripto de universo statu Ecclesiæ tam *materiali*, quam *formali* ad S. Congregationem referunt. *Status materialis* dicitur, qui versatur circa loca urbana, suburbana, circa ecclesias qualescunque & oratoria, circa Monasteria tam Virorum quam Monialium, Hospitalia, montes pietatis, collegia, confraternitates, ecclesiarum fabricam, ornatum, bona, redditus, succellibilem, numerum ministrorum, ac subditorum. Quoad hunc statum, teste Fagnano, praxis est, ut Episcopus in prima sua relatione plenam exhibeat relationem; in sequentibus autem visitationibus simpliciter se referat ad relationem primam, nisi quædam fuerint immutata, diminuta, addita. *Status formalis* versatur circa pastorale officium in tota sua latitudine acceptum, & complectitur ea omnia, quæ ecclesiæ regimen, & animarum salutem spectant: atque de hoc accuratius referendum. Præcipua, eaque quamplurima, super quibus fieri deberet relatio, refert Fagnanus (f), ex quibus non nisi pauca afferre liceat: e. g. referendum, an Episcopi in sua Diocesi exererint Seminarium Clericorum, instituerint Præbendam Theologalem, vel Pœnitentarii, visitaverint Diocesim, interfuerint Synodo Provinciali, fides orthodoxa servetur illibata, nulla grassetur hæresis. Non nulli Episcopi consueverunt suæ relationi apponere dubia, si quæ habeant in regimine suarum ecclesiarum, & desuper consilium vel sententiam sibi expetere. Sic quidam Episcopi in Belgio, ubi hinc inde Catholici

Quomodo
fit proban-
da?

Secundus in
debita exhi-
bitione re-
verentiæ.

Tertius in
relatione de
statu Eccle-
siæ tam ma-
teriali quam
formali.
Status ma-
terialis quo-
modo refe-
rendus?

Quomodo
formalis?

Solent ali-
quoties ap-
poni dubia
et peti reso-
lutio.

vivunt

(f) Loc. cit. sed merito dubitamus, an Episcopi relationes adeo accuratas facere soleant.

*Hæc respon-
dendi perti-
net ad Con-
gregatio-
nem.*

*Quomodo
facta rela-
tione rescri-
batur?*

vivunt permixti Protestantibus, haud raro consuluerunt, quid sentien-
dum de Matrimonio Catholicorum & A Catholicorum, quæ sine sole-
mnitatibus a Concilio Tridentino requisitis contrahuntur (g). Con-
fuevit enim hæc Congregatio occasione visitationis liminum respondere
etiam ad dubia, quæ ad interpretationem Concilii Tridentini non per-
tinent juxta facultatem sibi a Sixto V. in prima erectione concessam (h).
Hæc dein Relatio legitur in plena Congregatione, quæ postea singulis
capitibus perpenſis deſuper in terminis decentiſſimis reſcribit, paſtora-
lem ſolicitudinem pro ſuis meritis dilaudat, & ſaluberrimis adhorta-
tionibus excitat, ſtimulatque, nec non in omnibus providet, prout in
Domino ſalubriter judicat expedire, ac tandem cum literis teſtimonia-
libus peractæ viſitationis admonitos, inſtruſtos & roboratos ad ſuas
eccleſias remittit.

*Utrum hæc
omnia obser-
ventur?*

Haecenus dicta sunt conformia Constitutioni Sixti V. & stylo Cu-
rie, prout describitur a Fagnano. An hæc hodieum obſerventur, vel
obſervari debeant, haud immerito dubitamus. Inprimis enim cautum
eſt in Bulla Sixtina, ne aliunde exiſtentes in curia agant viſes Pro-
curatoris, & nomine procuratorio, etiamſi mandato ſpeciali ſint in-
ſtruſti, viſitent limina, exceptis Episcopis reſidentibus in partibus in-
fideliſum, & Congregationi de propaganda fide ſubordinatis, qui de hoc
ſpeciali habent privilegium ab Urbano VIII. 1626. ſibi conceſſum: &
tamen contrarium Romæ aliquoties vel omnino communi uſu præctica-
ri audivimus. Dein ex ſententia S. Congregationis ad hanc viſitationem
tenentur etiam Episcopos Titulares ſeu in partibus: ſiquidem hi
quoad nullum ex tribus ſupra recensitis actibus ſunt impediti: quid
enim impedit, quo minus limina Apoſtolorum venerari, ſequæ Ponti-
fici præſentare poſſint? Eſto autem careant plebe Chriſtiana & Clero,
paſtorale illorum officium exigit, ut in ſtatum ſuarum eccleſiarum pro-
viribus inquirent, & ſuper gregem ſuum, quantum eis datur, invigi-
lent, ac deſuper Pontifici, & Congregationi referant, atque ſuggerant,
ſi quid illarum animarum ſaluti prodeſſe judicaverint, & ſuper hoc San-
ctitatis ſuæ opem & auxilium implorare non graventur. An hæc Con-
gregationis Declaratio in praxi vigeat, dubitamus, vel potius nos igno-
rare libere poſſitemur. Sed neque modus referendi ad Congregationem

*Episcopos Ti-
tulares ad
hanc Viſita-
tionem obli-
gantur.*

(g) Hujusmodi Relationes plures referuntur in opusculo quodam Colonie anno
1746. edito ſub titulo: *S. D. N. Benedicti XIV. Declaratio ſuper Matri-
monio inter Proteſtantes & Catholicos &c.*

(h) Ita reſert Fagnanus loc. cit. N. 30.

nem super statu tam materiali quam formali ecclesiarum, nobis est perspectus : atque id præcipue ignoramus , an Episcopi super omnibus punctis, super quibus Fagnanus esse referendum asserit, referant.

Alius nobis incidit scrupulus & quæstio, an hæc Bulla Sixtina sit recepta : & an Episcopus, in cujus Diocesi a tempore immemoriali fortassis nunquam fuit observata, sese medio præscriptionis vel contrariæ consuetudinis tueri possit? Quoad primam quæstionem refert Spondanus Apamiensis Episcopus & annalium Baronii continuator ad annum 1685. id juramentum ab omnibus exprimi, a paucis tamen observari (i). In Germania a plerisque Episcopis & Archiepiscopis illud observari res est prorsus notissima : In una tantum aut fortassis altera Ecclesia Germanica has visitationes & relationes non vigere scimus. Cæterum neutiquam dubitamus, quod tales Ecclesiæ sese jure consuetudinis defendere valeant, eo quod plures Bullæ & Constitutiones Pontificiæ in Germania vel non sint receptæ, vel contraria consuetudine abrogatæ. Hæc de Visitationibus liminum Apostolicorum.

Ut dictis major lux affundatur, juvat agere de aliis Visitationibus & peregrinationibus olim usitatis. Moris quondam fuerat, ut & Episcopi singulis annis ad Ecclesiam Metropolitanam, & Diocesani ad Ecclesiam Cathedralē peregrinarentur. Gemina Episcopis fuit ratio adeundæ Metropolitanæ Ecclesiæ : tum ut unitatis & dignitatis suæ vertici assurgerent : tum ut cum suo Metropolita de negotiis & causis gravioribus vel in Synodo, vel privatim consulerent. Eadem fuit ratio fidelibus invisendi Ecclesiam Cathedralē, nempe contestandi Ecclesiæ Matrici suam reverentiam & obedientiam, & sicut loquitur Thomassinus (k), ut se suo recolligarent, & conglutinaurent Episcopo tanquam vertici unitatis sacræ, & fonti cœlestium benedictionum.

De Episcopis Ecclesiam Metropolitanam invisentibus extant vestigia apud Innocentium III. (l), qui Episcopo Pictaviensi crimini vertit, quod per plures annos non visitaverit Metropolitanam Ecclesiam Burdigalensem : quamquam a Metropolitanoin vim juramenti sibi præstiti invitatus fuisset sæpius : *Nunquam Metropolitanam Ecclesiam visitavit, licet sæpius propluribus vocatus ad eandem in virtute obedientiæ ac sub debito juramenti, quobantur.*

Ecclesia Burdigalensi tenetur. Narrat Rogerius, graviter conquestum fuisse anno 1191. Goffridum Archiepiscopum Eboracensem de Episcopo Dunelmensi, quod Ecclesiam Eboracensem a biennio integro tum visitatio

Z z 2

tatio

(i) Vid. Thomaf. loc. cit. cap. 43. N. 15.

(k) Loc. cit. pag. 42. N. 3.

(l) Regest. 13. Epist. 92.

tationibus, tum aliis officiis debitis spoliaverit: *Jam per biennium Ecclesiam nostram Eboracensem debitis ei Processionibus ab antiquo, & oblationibus in diebus Pentecostes contra juris ordinem spoliare præsumpsisti.* In Concilio quodam Ravennatenſi de anno 1317. expressa fit mentio de frequentioribus visitationibus, quibus Episcopi suffraganei Ecclesiam Metropolitanam venerari jubebantur: *Cum sæpe contingat, Dominos Suffraganeos Ecclesie Ravennatis debere Ecclesiam Ravennatem visitare pro festivitatis Sanctorum Apollinaris, Vitalis, vel aliis ex causis in provincia emergentibus a nobis evocati* (m). Hæc clariora fient ex mox dicendis de abrogatione harum visitationum in Concilio Tridentino facta.

Item Visitaciones Ecclesiarum Cathedralium a Dioecesis fieri solita.

De Peregrinationibus Dioecesanorum ad Ecclesias Cathedrales, quibus Ecclesie Matrici suam reverentiam exhibere, sequæ cum suo capite & vertice conjungere volebant, testantur diversæ Synodi, *Parisiensis* de anno 1080., in cujus cap. 51. legitur: *Moneant Presbyteri Parochianos suos in confessionibus & prædicationibus suis, ut saltem semel in anno peregrinando visitent Ecclesiam Parisiensem.* Item *Juliiobonensis* anno 1080., in qua jubentur Parochi quot annis processiones ad Cathedralē Ecclesiam deducere: *Presbyteri semel in anno circa Pentecostem cum processionibus suis ad Matrem Ecclesiam veniant.* Has processiones fuisse & antiquissimas, & frequentissimas colligimus ex Concilio Colonienſi de anno 1536., in quo propter varios abusus, qui irrepsent, fuerunt abrogatæ: *Processiones, ait Synodus, Ecclesiarum Collegiarum ad summum templum, quæ in diebus maxime celebrioribus ac festis fiunt, procul dubio institutæ sunt causa veniendi illuc ad missas episcopales, desiderioque recipiendi communionem vel benedictionem episcopalem.* Jam cum isti conventus speciem antiquitatis, & nihil præterea repræsentent, imo pernicioſæ evagationis materiam præstent &c. Aliter tamen visum fuerat Patribus Concilii Rotomagenſis anno 1581., qui ad excitandam rursus, quæ exoleverat, fidelium pietatem innovarunt indulgentias, quæ quondam devote peregrinantibus concessæ fuerant: *Præcipimus, inquit, illarum indulgentiarum confirmationem a Sede Apostolica peti. Sunt enim necessariae ad veterem morem Christianorum conservandum & instaurandum visitandi Cathedralē & Matricem Ecclesiam in Paschate & Pentecoste, & tum confluentium ad suscipiendam benedictionem episcopalem.* In non nullis Dioecesium adhuc viget mos, vi cujus plerique Parochi etiam non nihil longius distantes quot annis solent processiones instituere solennes ad Matricem Ecclesiam. Ad hanc veterem disciplinam respexisse videntur

Adhuc vigent.

tur quidam Episcopi, qui in nupero admodum Jubilæo a Benedicto XIV. concessio volvere, ut singuli Parochi per univversam diocesin diffusi cum suis parochianis visitarent Ecclesiam Cathedralem.

Mos anterior visitandi Metropolitanum, qui non nullis in provinciis adhuc superstes erat, in Synodo Tridentina fuit abrogatus, aut saltem obligatio visitandi remissa (n). Narrat enim Pallavicinus in sua Historia Concilii Tridentini (o), Episcopos quadraginta graviter conquestos esse de hac necessitate, quam sibi imposerent Metropolitanæ, exhibendæ visitationis vel per se, vel per procuratores altero Paschæ festo die; utque eo se vinculo solvi facilius impetrarent, ultro spondidisse, facile se quoque assensuros, ut illa tolleretur consuetudo, qua Archipresbyteri & Parochi semel Episcopum anno quolibet invisere tenebantur: etenim has consuetudines non invecitas, nisi ex conciliis, quæ apud Metropolitanum quot annis, & ex Synodis, quæ apud Episcopum annuatim quoque habebantur; ac proinde consultissimum esse, ut non aliæ visitationes exigerentur, quam quæ cum ipsismet Conciliis & Synodis erant conjunctæ. Id effecerunt hæ querelæ, ut primitus Episcopi eatenus fuerint dispensati, quatenus ipsi per se ipsos non amplius, bene vero per Vicarios tenerentur has visitationes obire. Decretum Concilii sic habet: *Nec Episcopi comprovinciales prætextu cujuslibet consuetudinis ad Metropolitanam Ecclesiam accedere inviti compellantur* (p). Sed ab hac etiam sententia teste Fagnano (q) recessum est, & consulto ipso Pontifice utroque visitandi genere Episcopi fuerunt absoluti.

Revertamur non nihil ad visitationes liminum Apostolicorum. Quod si ergo Episcopi suos Clericos & populum Christianum, Metropolitanæ suos Episcopos suffraganeos ad suas invitarunt ecclesias, & hi vel sua sponte in contestationem suæ reverentiæ Matrices Ecclesias, earumque Præsules visitarunt, vel ab his eo obligati sunt, quid mirum, si parem reverentiam Matri omnium Ecclesiarum, Pastori Pastorum, Capiti orbis Christiani, Episcopo Episcoporum, centro unitatis exhibuerunt, vel exhibere debuerunt? Reliquiæ hæ sunt sanctioris disciplinæ veteris Ecclesiæ Catholicæ, utpote quæ nihil habuit antiquius, quam ut suam unitatem non in doctrina fidei & morum duntaxat, sed etiam in sua disciplina externa e. g. in Eulogiis mittendis, in dandis literis for-

Zz 3

(n) Vid. mox dicenda.

(o) Lib. 23. cap. 5.

(p) Sess. 24. cap. 2.

(q) L. 3. Decret. Par. 1. pag. 184, prout citatur a Thomassino loc. cit.

*Visitaciones
Ecclesiarum
Metropolitani-
carum ad in-
stantiam E-
piscoporum
in Concil.
Trident. ab-
rogata.*

*Pontifices
juste exigunt
ab Episcopis
visitationes
liminum.*

*Trahunt
suam origi-
nem ex anti-
qua eoque
sanctiori Ec-
clesiæ disci-
plina.*

matis, in conventibus sacris (r) commonstraret. Profecto a suis primordiis Ecclesia Christi inter notas características veræ Ecclesiæ habuit unitatem, eaque veluti clypeo fortissimo se contra insultus hæreticorum non tantum defendit, sed etiam illorum tela in ipsos retorfit, & confregit. Intimam illam communionem, confederationem & concentrationem inter ecclesias, inter fideles & suos Episcopos, inter hos & Metropolltas quis sufficienter enarrabit? Atque ex hac unitate, communione, & unione certo certius diffuxerunt illæ visitationes, peregrinationes, & itinera, de quibus hætenus diximus, & quæ ab initio sortassis fuere arbitrarie; postea vero in consuetudinem, & necessitatem desierunt. Hæc occasione Congregationis S. Concilii Tridentini Interpretum, ad quam causæ Visitationis liminum pertinent, scribenda duximus.

§. VI.

De Autoritate declarationum.

Duplicis generis declarationes sunt.

Jam ad id devolvitur cardo difficultatis, quam auctoritatem habeant declarationes Cardinalium. Communius Interpretes SS. canonum distinguunt inter Declarationes, quæ emanant vel ad casus particulares, vel in abstracto quasi per viam oraculi: priores non esse legales inde apertissime colligitur, quia hoc ipso, quod ad casus particulares emanaverint, vim legis universalis habere nequeunt: cum utique circumstantiæ non in omni casu sint eadem, quibus mutatis jam decisio hujus casus non potest facere regulam pro decidendo simili casu, sed tamen propter circumstantias diverso. Quot non emanarunt Declarationes Cardinalium maxime pro Belgio quoad matrimonium, quod A Catholicis contrahunt sine præsentia Parochi in locis, in quibus Concilium Tridentinum olim fuit promulgatum, an valeat? Aliquoties pro valore; aliquoties pro nullitate fuit decifum (s). Posteriores autem in vim legis assumere volunt: cum enim Cardinales plenissimam interpretandi potestatem & quidem nomine Pontificis exercendam acceperint, illorum auctoritati haud secus erit assurgendum, quam ipsi interpretationi Pontificiæ: maxime si tales interpretationes a Pontifice fuerint approbatæ, prout fieri debet vigore clausulæ a Sixto V. appositæ: *Nobis tamen consultis*: id quod de approbatione erit intelligendum, quia Principes non pro consilio, sed pro declaratione authentica accedere soleamus. Verum, ne huic opinioni accedamus, in causa est, quod nontantum

Cardinales aliquoties a

(r) Vid. dicta Quæst. Præced. cap. i. §. 3.

(s) Vid. Declaratio Bened. XIV. super Matrim. Colon. 1746. edita.

tum tales Declarationes rarissime promulgentur, sed etiam Cardinales *suis declarationibus receperint, & fictionibus recedunt.* ipsi non nunquam a suis anterioribus declarationibus receperint, & fictionibus recedunt. ca intellectum Cap. 2. Sess. 24. de Reform. citatus a Van-Espen (t). Ajunt quidem, ad legum interpretationes non requiri promulgationem, *An requirant promulgationem.* sicut ad ipsas leges: quia declaratio legis non facit novum jus, sed jus ante latum solummodo declarat. Sed quis non videat, hanc rationem disparē inter legem, & legis interpretationem esse prorsus inanem & ridiculam? cum utique idem sit in Jure non esse, & non apparere. Aut quomodo me obligare potest lex, si illius sensum non intelligam? verum est, latet in verbis sensus a Legislatore intentus, sed utique mihi non est cognitus. Perinde esse videtur, utrum aliquis legem, vel *Ufus eorum in decidendis causis sit cautus.* sensum legis, & mentem Legislatoris ignoret. Itaque caute procedendum, quotiescunque casus emergit ex declaratione Cardinalium decidendus: præprimis inquirendum, an non ad casum particularem: aut, licet in abstracto emanaverit, ulterius indagandum, an non circumstantiæ particulares hanc ipsam declarationem in abstracto factam extorserint; an sit promulgata, usu & consuetudine recepta, aut recipienda videatur.

C A P U T VIII.

De Rota Romana.

§. I. Quid sit Rota Romana, undenam dicatur Rota, & suam habeat originem? II. De auditoribus Rotæ, eorum numero, assumptione & introductione. III. Quando & quoties Rota celebretur. IV. Auditores in tres dividuntur classes, & quomodo in decisione causarum procedere soleant; & ab iis appellari possit? V. De regulis Cancellariæ hujus tribunalis, & decisionibus Rotæ, illarumque autoritate.

§. I.

Ad supremum Curiae Romanæ tribunal, quod Rotam Romanam vocare De Rota solemus, venimus. Tribunal istud accommode describitur, quod Romana sit supremum Pontificis tribunal ad cognoscendas & decidendas in forma judiciali causas contentiosas institutum. Ipsa Rotæ appellatio, *Unde dicatur Rota?* cut etiam origo hujus tribunalis anceps, & multis involuta scopulis est.

A

Varia opiniones.

A loco eam derivandam esse credit Fresnerus (u) hoc est a Camera *Rotæ* exstructa, cujus pavimentum ex marmore porphyretico *Rotæ* figuram efformabat, atque Cameram inde nude *Rotam* fuisse dictam ex testimonio Petri Diaconi probat: forsan eodem modo, quo olim in Monasteriis conclave, in quo horis matutinis conveniebant Monachi, quibus *Capitulum ex Regula* prælegebatur, *Capituli* appellationem accepisse (x). Aliam vocis huius rationem suppeditat Card. de Luca (y) ex eo, quod Auditores in eadem circulari mensa accumbant. Nova derivatio placuit Auctori Gallo (z) opinanti, tribunal hoc nomen inde accepisse, quod in locum antiquarum porticum publicis ædibus affixarum, quarum forma *rotunda* erat in modum *Circi*, introductum fuerit: præfertim quod in illis res sericæ actæ, senatus habiti, jus dictum, & publica acta fuerint annotata. Aliam rationem assert Pertichius (a) asseritque nomen *Rotæ* inde derivandum, quod Auditores *Rotæ* ad tribunal sedentes partes litigantes audiverint ipsi, eorum dicta in scripturam redegerint, ipsam scripturam in Rotulam compilaverint, & talem scripturam communi & tunc temporis usitato nomine Rotulam; ipsum vero tribunal exinde *Rotam* appellaverint. Sane huiusmodi Rotulas in usu fuisse inde evidenter ostenditur, quod in hodiernam usque diem monasteria invicem confederata literas illas mortuales, quibus obitum Religiosorum invicem significare, & pro debitis ex societate piis suffragiis supplicare consueverunt, *Rotulas* appellent, quales nos ipsi in quodam antiquario multis abhinc annis vidisse recordamur. Addit cit. Author, *Rotam* hanc vocari *sacram*, & *Romanam*: *Sacra* vocatur, quia est tribunal Pontificis; *Romana*, ut distinguatur ab aliis Tribunalibus, quæ hoc nomine appellantur, qualia sunt Bononiæ, Genuæ, Ferraræ &c. Atque ex hoc ipso capite, quod alibi etiam tribunalia nomine *Rotæ* insigniantur, existimat celeberrimus Boehmerus, huius nomenclaturæ rationem non particularem ex particularibus circumstantiis

(u) In Glossario voce: Rota Porphyrica.

(x) Istud vi *Regulæ Benedictinæ* primitus apud Benedictinos obtinuit, & postea ad Canonicos Crodogangi fuit translatum, utpote qui multa ex hac *Regula* deprompsit, suæque Instituti accommodavit: unde in hodiernum usque diem Canonici vocantur Capitulares; & non tantum ipsum conclave in quo conveniunt, sed etiam ipsum corpus Canonicorum nominatur *Capitulum*.

(y) In Theat. Verit. & Just. Tom. 7. in Relat. Curiz Rom. Discurs. 32.

(z) Pertichius Fünfte Abtheilung von dem neueren Canonischen Recht pag. 333.

(a) Loc. cit. pag. 334.

tiis desumptam, sed generalem esse afferendam, quæ huic designationi causam dedit. Existimat igitur cum Fresnero, & Goldasto, appellationem hanc Germanis deberi, eamque a Longobardis, & Francis Italiæ illatam, & ab Italis fuisse admissam haud secus, quam alia Germanorum vocabula, quibus hi in rebus feudalibus utebantur. Itaque ex mente citati Boehmeri appellatione *Rath* designantur Curiae Iustitiæ, aliaque Collegia publica, in quibus consilia agitantur: inde etiam venire existimat, quod Assessores tribunalium passim vocentur *Hof, Canzley, und Regierungsräthe*, vel in civitatibus curiis *Raths, Herrn*: addit laudatus Boehmerus, quondam diversam huius vocabuli fuisse dialectum, eamque nec hodie cessasse, dum adhuc nostris temporibus *Rath* in quibusdam locis enuntiatur *Roth*, & curiæ civitatis Assessores die *Raths, Herrn* vocantur, ut *Roth* nihil aliud sit, quam *Curia, Judicium, Tribunal*, atque inde assumpta sit appellatio *Rotæ* (b).

Sed nec de origine huius tribunalis constat: opinantur nonnulli, illud esse cœvum ipsis Pontificibus, atque Assessores illius fuisse dictos *Seniores*, postea *Consiliarios & Decuriones Reipublicæ*, ac iterum *Cubicularios*, posthac *Capellanos*, & demum Magistros, nunc vero vocari Auditores Rotæ (c). Existimant alii, authorem huius Curiae esse Joannem XXII. (d). Nobis videtur, tribunal istud esse antiquissimum quoad rem, cum Pontifices nunquam fuerint sine Consiliariis; quoad *formam* vero & *formam* accidentalem esse novius: quin tamen tempus, quo nomen suum accepit, aut in hodiernam formam fuit redactum, determinari possit.

§. II.

De ipsis Auditoribus Rotæ videamus. Nomen Auditoris procul dubio inde habet suam originem, quod antiquioribus temporibus Iudices huius tribunalis meri fuerint Auditores causarum, causas solummodo audierint, ac postea suum arbitrium ad Pontificem remiserint, qui dein adhibito consilio Cardinalium eas ultimata sententia definivit. Postquam autem Pontifices & Cardinales longe gravioribus causis & negotiis fuerunt occupati, ipsa etiam causarum decisio hisce Auditoribus

(b) Exercit. 17. ad Pand. Lib. 1. Tit. 3. §. 10. & seq.

(c) Dominicus Berninus il tribunale della S. Rota Romana.

(d) Du Fresne in Gloss. V. Rota porphyretica.

Numero. bus commissa fuit. Numerus Auditorum olim erat arbitrarius, & non raro ultraviginti se extendebat, quo tempore duplex constituebant iudicium, ita ut a sententia definitiva dimidiæ partis ad alteram partem Auditorum potuerit appellari, donec Sixtus IV. eorum numerum ad duodecim reduxit. Et quoniam ex omnibus nationibus & partibus orbis Christiani causæ contentiosæ ad hoc tribunal deferuntur, idem Sixtus IV. prudentissime constituit, ut Auditores ex nationibus primariis assumantur, inter quos unus est Germanus ad nominationem Imperatoris; Gallus unus ad nominationem Regis Galliarum; duo Hispani ad nominationem Regis Catholici: reliqui sunt Itali, tres Romani, unus Venetus, Bononiensis unus, Mediolanus unus, Florentinus unus, Ferrariensis unus. Veneti quatuor, Mediolanenses tres nominant Doctores Jurium, ex quibus pro suo libitu seligit Pontifex.

Eorum qualitates, examen privatum, habitus, & introductio. Ante tempora Sixti IV. Auditores Rotæ sine præmisso examine a Cardinale Camerlengo simpliciter cum porrectione habitus singularis Cappæ, Rocheti, & impositione Byreti fuerunt introducti. A tempore Sixti IV. speciales in ipsis requiruntur qualitates: debent enim esse Doctores Jurium, & ante suam admissionem in Cancellaria apostolica, in præsentia quorundam Cardinalium, aliorumque Prælatorum ecclesiasticorum, ac Virorum doctorum publice disputare. Sequitur dein examen privatum, quod a Vice-Cancellario peragitur, quo exantlato Cardinalis Camerlengo jubetur a Pontifice eidem Rochetum, Cappam una cum Byreto porrigere. Postea solemniter in ipsum Conclavem Rotæ introducit, ubi Decanus eidem os claudit cum impositione silentii, illudque in proximo conventu iterum aperit his verbis: *esto Auditor*. Tandem præsentatur ipsi Pontifici, a quo apostolicam benedictionem accipit.

§. III.

Rota bis habetur in hebdomade. Rota bis habetur in hebdomade, in *secunda, & sexta feria*, nunc in palatio Cardinalis Vice-Cancellarii, quondam in Vaticano. Habent etiam quasdam *Rotas*, ut vocant, stabiliter & *fixas*, seu *Sessiones Rotaless*. Sessiones stabiles, fixæ, & constantes dicuntur illæ, quæ a tempore vacationum finitarum incipiunt, & durant usque ad aliud tempus vacationum. Habet autem Rota *ferias* etiam quasdam stabiles & constantes, nempe quatuor temporum a mense Julio usque ad Octobrem, a tempore Nativitatis Christi usque ad Epiphaniam, a tempore Carnisprivii seu Dominica quinquagesimæ usque ad diem Cimerum, a Sabbatho palmarum usque post Octavam Paschæ: unde etiam

etiam invaluit singularis stylus rescribendi, & mos loquendi, ita ut si *Stylus rescribendi, & mos loquendi singularis.*
 contingat, causam aliquam ultra serias æstivales, quæ incipiunt in Mense Julio & finiuntur in Octobri, differri, modus rescribendi sit: *ad Calendar;* si ultra festum Epiphaniæ differatur, tunc rescribitur: *ad Reges;* si ad diem usque Cinerum: *ad pisces;* si ultrabétavam Paschæ: *ad agnos.*

§. IV.

Hodie Auditores Rotæ in tres classes dividuntur, & in qualibet *Auditores in tres classes dividuntur.*
 classe sunt quatuor, ex quibus unus vocatur *Ponens*, seu *Proponens*, cæteri autem *Correspondentes*. Quotiescunque ergo causa in hoc tribunali discutienda ac decidenda venit, tunc præprimis in elaborando *Modus discutiendi & decidendi causas.*
 facto, & facti specie proponenda laborant *Procuratores Rotæ*; in ipsis causis decidendis vero *Advocati*, qui dein paulo ante terminum Auditores, quos ordo dandi suffragium tangit, vel scripto, vel verbotenus super facto & jure informant in ædibus privatis, quatenus se ad suffragia ferenda præparare queant. Hi vero de causa fati informati vota sua autoritatibus, & rationibus munita domi concipiunt, & in scripturam redacta *Ponenti* tradunt, ut ex iis decisionem formare valeat. Quando ergo Auditores in suis decisionibus conveniunt, tunc *Ponens* ex votis *Correspondentium* efformatis facit sententiam, quæ præter rationes decidendi, seu motiva, quibus Rota ad decidendum inducta fuit, nihil continet: si non conveniant; tunc ait: *non liquet*. Quo casu processus de novo reassumitur, consultatur, deliberatur, & in id intenditur, ut discordantium vota concilientur. Quod si nec secunda vice habeatur unio votorum, tunc ipsi etiam *Auditori Ponenti*, quod alias non est concessum, licet dare suum votum & suffragium, ut lis eo facilius & felicius suum exitum. Postquam ergo hic suam opinionem in scripto communicavit, concipitur sententia, & partibus litigantibus communicatur. Illud prorsus singulare est in hoc tribunali, quod partibus litigantibus, & per sententiam gravatis in eodem *Judicio* quasi ad eundem *Judicem* appellare liceat: nam dictum fuit, quod Rota Romana in tres dividatur classes, & in qualibet classe quatuor sint Auditores, ac respective *Judices*. Idcirco si quis litigantium a prima Auditorum classe per sententiam se gravatum esse existimet, potest ab hac ad secundam, a secunda ad tertiam appellare.

Ad hoc autem, ut aliqua causa possit in hoc tribunali tractari, debet excedere summam 500. aureorum, si sit civilis; si vero beneficiæ,

summam 24. aureorum: vel debet esse causa habens tractum, aut gravamen successivum, uti si duo litigent super jure præcedentiæ.

§. V.

*Habet suas
regulas
Cancellariæ,
a quibus non
nunquam li-
cet recedere.*

*Quid sit,
Rotam
quandoque
Rotæ.*

*Quid sint
Decisiones
Rotæ, &
que earum
authoritas.*

*Faciunt sty-
lum Curie,
sed non ex-
tra Rotam.*

*Cautè appli-
candæ.*

Habet tribunal istud suas regulas Cancellariæ, quemadmodum quæcunque alia Curia, a quibus tamen non nunquam recedere, & secundum *leges Prudentiæ*, sicut vocant, decidere licet. Aliquoties etiam ab opinionibus antea receptis, & ferme stylum Curie facientibus discedunt, id quod Jurisconsulti Romani exprimunt his verbis: *Rotam quandoque Rotare*. Superest, ut de ipsis Rotæ decisionibus agamus, quæ nihil sunt aliud, quam sententiæ in hoc supremo tribunali in causis controversis latæ, & secundum stylum Curie una cum rationibus decidendi conceptæ. Vim legalem & auctoritatem non habent: quia Rota novum jus non constituit, neque jus constitutum authentice declarat, aut interpretatur, sed jus jamjam constitutum doctrinaliter & judicialiter applicat ad causas aliorum tribunalium. Plures hujusmodi sententiæ conformiter latæ faciunt *stylum Curie*, uti vocamus (e), ita ut posthac in tribunalibus subordinatis secundum hunc stylum sit procedendum. Extra Rotam in aliis tribunalibus non habent majorem auctoritatem, quam habent aliorum tribunalium judicata. Imo salubriter monent Authores quidam, ut non facile sequamur stylum Curie vel Rotæ Romanæ, tunc præcipue, quando res nobis est cum Pontifice: quia Romæ communiter fertur sententia in favorem Pontificis & jurium Pontificiorum. Accedit, quod per receptionem hujusmodi decisionum, ac sententiarum plurimum præjudicii allatum fuerit Juribus nostris patriis, prout haud difficulter ostendi possit.

CAPUT IX.

De libris & collectionibus Juris Ecclesiastico-Ritualis.

- §. I. *Etiam in Ecclesia datur jus cærimoniale, & quodnam illud sit?* II. *Est amplissimum.* III. *De libro Rituali, qui inscribitur Ordo Romanus.* IV. *De Pontificali Romano.* V. *De Cærimoniali Episcoporum.*

(e) Stylus Curie est modus conformiter agendi in judicio: sic si sæpius æqualiter in eadem causa fuerit pronuntiatum, dicitur esse stylus Curie.

rum. VI. De Rituali Romano. VII. De Breviario Romano. VIII. De Cæremoniali Pontificio. IX. De aliis Ritualibus & Cæremonialibus remissive.

§. I.

Agendum breviter de Jure Cæremoniali Pontificio, variisque libris & collectionibus ad illud illustrandum pertinentibus. Jus cæremoniale haud secus, quam Jus quodcunque aliud hodie ingenti studio explicissimum, colitur, & in Jure publico haud modicam absorbet partem. Et quid mirum? quis enim nescit, quod controversiæ ac lites quotidie ferme oriuntur inter Principes, Legatos, Magnates, in comitiis publicis, conventibus privatis unice ex observantia rituum ac ceremoniarum e.g. ratione præcedentiæ, sessionis, tituli? quem latet, quod hodie apud personas principes ferme prima sit cura *Decoris publici*? quoniam ergo Romanus Pontifex duplicem sustinet Personam, & quidem valde sublimem, nempe *supremi Episcopi*, & *Principis*, dubium non est, quod etiam in aula Romana Jus quoddam cæremoniale sit introductum, scilicet *Jus cæremoniale Pontificium*, & quid sit? *etiam est amplissimum.* Jus enim cæremoniale illud dicitur, quod concernit ritus, ceremonias, verba, actiones, ac horum omnium certam quantitatem, ad exprimendam cujusdam personæ conditionem, dignitatem, officia & functiones.

§. II.

Hujusmodi Jus cæremoniale dari in Ecclesia nostra Catholica præcipue in Ecclesia Romana valde amplum, imo adeo amplum, ut nullam detur Respublica politica, quæ tot legibus cæremonialibus regatur, ac Respublica christiana, facile perspiciet, quisquis vel obiter attenderit innumeros ritus, quibus in cultu divino, in ecclesiis, in Sacramentorum administratione, in functionibus liturgicis, in electione & coronatione Pontificis, consecratione Episcoporum, collatione Pallii, ordinatione Clericorum, in choro publico &c. utimur. Id quod demonstrant innumeræ Liturgiæ, Pontificalia, Ritualia, Sacramentaria &c. de quibus breviter agere constituimus (f). Non moramur hic Liturgias veteres Romanas tres, Leonianam, Gelasianam, & Gregorianam; Ambrosianam, seu Mediolanensem, Gallicanam, Hispanicam, Africanam, & græcas quamplurimas, de quibus videantur Scriptores, qui

Aaa 3

ex

(f) Vid. dicta quæst. præced. de liturg.

ex professo de illis scripserunt (g): unice de libris ceremonialibus quædam dicemus.

§. III.

Ordo Romanus quid sit, quid continet?

Occurrit hic primo Ordo Romanus, cujus origo a tempore Gregorii Magni derivanda. Continet hic liber in se ceremonias & ritus, qui per integrum anni decursum adhibentur in publicis processionibus, missis, administratione Sacramentorum, poenitentibus publicis, ordinatione Clericorum, consecratione Ecclesiarum, benedictionibus Abbatum, & Abbatissarum, coronatione Imperatorum & Regum. Præter ea continentur preces & orationes ad singulos dies festivos recitandæ; item ritus illi, quos Clerici in obeundis suis muniis & functionibus observare debent &c. Ex hoc Ordine Romano multos canones suo Decreto inseruit Gratianus (h). Plures hujus libri nunc extant editiones, quarum primam adornasse creditur Georgius Cassander: secutæ sunt aliæ, inter quas eminet illa, quam procuravit Georgius Ferrarius, & Gregorio XIV. Romæ inscripsit anno 1581. Novissima editio illa est, quæ operibus Cassandri anno 1616. Lutetiæ Parisiorum editis annexa fuit.

Illius editio.

§. IV.

Pontificale Romanum quid sit?

Alius liber Ritualis est *Pontificale Romanum*, quod complectitur ritus & ceremonias episcopales, quas Episcopi in suis functionibus episcopalibus, in administrando Sacramento Confirmationis, ordinatione Clericorum, consecratione Episcoporum, Regum & Imperatorum, benedictionibus vexillorum militarium, Cruce-Signatorum adhibere solent. Hujus libri plures prostant editiones, inter quas præcipuæ sunt illæ, quas procurarunt Pontifices Romani Innocentius VIII. Clemens VIII. Urbanus VIII.

Illius editio.

§. V.

Ceremoniale Episcoporum quid sit?

Ab hoc *Pontificali Romano* distinguendum est *Ceremoniale Episcoporum*, in quo leguntur ea; quæ ab Episcopis aliisque Praelatis ecclesiasticis

- (g) Tales sunt Leo Allatius de Lib. Eccles. Græc. Card. Bona. Mabillonius, Edmundus Martene, Math. Praff. Dissert. de Liturgiis, Guilielmus Cave Dissert. 2. de Lib. & Offic. Eccles. Liturgia Hispanica Romæ edita 1747. Liturgia Romana vetus Ludov. Muratorii,

- (h) Vid. Can. 6. Diss. 75. addantur Correctores Romani in Annot. esp. 3. Diss. 15.

ficis in celebratione missarum, solemniū vesperarum, aliorumque officiorum sunt observanda. Liber hic de novo a Clemente VIII. primum anno 1500. editus, postea anno 1650. ab Innocentio X. fuit revivus, reimpessus, ac divulgatus.

§. VI.

Huc pertinet *Rituale Romanum*, in quo scribuntur ritus & ceremoniæ, quas Clerici ad curam animarum deputati in administratione Sacramentorum, & reliquis suis ministeriis & functionibus observare tenentur. Eum in finem sine dubio Pontifex *Rituale* istud in lucem publicam edi voluit, ut esset uniformitas rituum ac ceremoniarum in Ecclesia universa. Synodus Tridentina illud de novo revideri mandavit, illiusque curam commisit tribus Viris doctis Ægydio Toscano, Leonardo Marino, & Francisco Vererio. Sub Clemente VIII. nova fuit facta illius revisio: novissima anno 1726. Urbini in Italia prodit.

Rituale Romanum quid & in quem finem editum?
Illius editio novissima.

§. VII.

Ad Libros Rituales referri potest *Breviarium Romanum*, quod in se continet horas, uti vocant, *canonicas*, ad quas recitandas obligantur Clerici, de quarum origine, aliisque huc pertinentibus dicere longum nimis foret. Innumeræ prostant illius editiones. Benedictus XIII. abrogato Breviario communi Officium Gregorii VII. introducere meditabatur, sed ob vehementes contradictiones opus suum perficere non potuit. Hoc ipsum expertus fuit Benedictus XIV. qui multum laboravit, ut novum ordinem Breviarii in ecclesiam introduceret: verum etiam huic ab opere incepto cessandum fuit (i).

Breviarium Romanum quid?
Benedictus XIII. & XIV. novum meditabantur.

§. VIII.

Huc etiam pertinet Cæremoniale Pontificium: cum enim Pontifex representet personam *supremi Episcopi*, ac *Principis Politici* pro suo statu, ad instar aliorum Principum habet *Magistrum Cæremoniarum*, & *Cæremoniale* sibi soli proprium. Istud jussu Innocentii VIII. Augustinus Patritius Piccolomineus, qui ultra 20. annos munere Magistri ceremoniarum in aula pontificia functus, & postmodum ad dignitatem episcopalem promotus fuerat, adjuvante Joanne Burcardo pariter

Cæremoniale Pontificium.

(i) Vid. dicta Quæst. I. Cap. II. de Liturg.

pariter ceremoniarum Magistro in ordinem redegit, ac postea præfatio Pontifici obtulit. Jussit Pontifex, ut opus istud in Bibliotheca pontificia asservetur, nec in publicum evulgetur: quo non obstante anno 1516. *Liber quidam Pontificio-Cæremonialis* Venetiis annuente Pontifice, & Senatu Veneto in lucem publicam prodiit, & Clementi X. inscriptus fuit. Quales, & quantos motus hæc editio Romæ excitaverit, non attinet hic dicere,

§ IX.

*Ritualia & Cæremonia-
lia privata.*

Varia adhuc, & innumera Ritualia, & Cæremonia a privatis authoribus fuerunt edita in materiis etiam specialibus, e. g. de Jubilæo, de Canonizatione (k), de Electione Pontificis (l), de Concessione Pallii (m). De quibus dicere nimis longum foret.

CAPUT X.

De Collectionibus Juris Ecclesiastico-Protestantici.

§. I. *Datur Jus Ecclesiastico-Protestanticum Catholicis commune. II. Etiam solis Protestantibus proprium, & quidem aliud publicum ac universale, III. & aliud particulare & privatum. IV. De his alibi actum fuit, & posthac agetur.*

§. I.

*Duplex est
Jus Eccle-
siastico-Pro-
testanticum.*

Ad Collectiones Juris Ecclesiastico-Protestantici dilucidandas progredimur. Etiam apud Protestantas Jus Ecclesiastico-Catholicum plurimum authoritatis habere ex dicendis Cap. sequenti patebit. Hic unice de legibus ecclesiasticis, & earum Collectionibus, quæ ad Jus Ecclesiastico-Protestanticum pertinent, agere constituimus. Habent Protestantas *Jus Ecclesiasticum* nobiscum Catholicis commune; & aliud sibi proprium. Quantum ad *Jus commune* inprimis agnoscunt Protestantas ferme

*Protestantes
agnoscunt*

(k) De canonizatione opus præstantissimum sub titulo: *de Servorum DEI Beatificatione* &c. scripsit Cardin. Prosper Lambertinus, postea Pontifex sub nomine Benedicti XIV. constat 4. Tomis in Folio.

(l) De hac scripsit Petrus Paulus Vergerius sub titulo: *Ordo eligendi Pontificis.*

(m) Pertschius de Orig. Pallii.

ferme eosdem fontes Juris Ecclesiastici originarios, quos reverentur Ca-
fontes origi-
 tholici, si decreta Pontificum excipiamus, nempe Scripturam, Traditio-
narios Jur-
 nes, consuetudines & observantias ecclesiasticas, nec non canones Con-
ris Ecclesia-
 ciliarum Generalium saltem primorum. Reverentur non minus Collectio-
stico-Catho-
 nes canonum ferme omnes, quas hactenus recensuimus: ad eas provocant
Etiam Colle-
 in suis Juribus defendendis, illas explicant in scholis publicis, allegant
ctiones Ca-
 in suis Judiciis & tribunalibus, & secundum eas causas decidunt, in
nonum.
 quantum non obstant principia Religionis, vel leges aliæ particulares.
 In vim etiam Juris ecclesiastici particularis Germaniæ vel maxime agno-
Item Jus
 scunt Pacem Religiosam, & Westphalicam, Capitulationes Cæsareas,
Eccles. parti-
 ac Recessus Imperii, quæ singula nos quoque Catholici suspicimus &
cularare Ger-
 instar legum habemus, in quantum principiis nostræ Religionis, vel
mania.
 aliis legibus ecclesiasticis ac juribus nostris non repugnant, & nos ad
 eas observandas ex pactis & foederibus obligamur.

§. II.

Habent præterea Jus ecclesiasticum sibi proprium, tam publicum
 & universale, quam privatum & particulare: Ad publicum referunt
 inprimis suos libros Symbolicos, quales sunt Augustana Confessio an-
Habent Jus
 no 1530. oblata; Articuli Smalcaldici anno 1538. evulgati; uterque
Eccles. sibi
 Catechismus major & minor Lutheri anno 1529. editus; formula Con-
proprium
 cordiæ anno 1578. composita, & anno 1580. impressa, non tamen ab
universale &
 omnibus recepta. Hæc intelligenda sunt de libris Symbolicis Prote-
particulare.
 stanticorum: nam Protestantes Reformati in vim librorum Symbolico-
Quanam ad
 rum reverentur confessiones fidei, quæ in Synodo Dordracensi, & Ca-
Jus publi-
 techismo Palatino continentur: Helveti autem formulam consensus
cum & uni-
 amplectuntur. Deinde huc reducunt præter Pacem Religiosam, West-
versale per-
 phalicam, & alias Ordinationes Imperii præcipue Conclusa Corporis
lineant ?
 Evangelicorum, quæ a Statuum Protestantium Legatis in Comitibus
 Imperii ordine comitali consueto conficiuntur. Horum Conclusorum,
 Actorumque jam aliquot volumina in forma majori in Corpore anno
 1719. collecta extant: noviora autem reperiuntur in actis publicis ab
 Antonio Fabro, Mosero, Kcenigio aliisque congesta.

§. III.

Ad Jus particulare Protestantium pertinent illorum Kirchen-Agenda, Quanam ab
 & ordinationes ecclesiasticæ, quas in singulis ferme ecclesiis ex ordi-
particulare.
 natione suorum Principum habent. Præcipuas Protestantium ordina-
 tiones


tiones sacras collegit Jac. Moser. Denique suis legibus particularibus adnumerant *leges illas conventionales*, quas Principes cum Ordinibus Provincialibus faciunt; item *Reversales, & Privilegia* invicem data & concessa, quibus exercitium Religionis potissimum determinatur. Quamplurimas hujusmodi ordinationes ecclesiasticas in diversis provinciis & ecclesiis receptas recenset Boehmer in suo Jure Protestantico, ubi etiam fufe jus condendi similes leges vindicat non modo Principibus, sed Nobilibus immediatis; imo etiam Civitatibus mediatis, quatenus hæ Civitates saltem ex præscriptione immemorabili illud obtinere possunt.

§. IV.

Quoniam vero de his egimus Tom. I. Q. I. Cap. VII. §. V. & infra agemus Q. IV. Cap. VII. specialiter Tom. III. Q. II. eo lectorem remittimus id unicum votis ardentissimis optantes, ut labores nostri cedant in bonum Ecclesiæ, salutem animarum, & utilitatem discipulorum, ante omnia
autem,

ut

In omnibus glorificetur DEUS.



QUÆSTIO

QUÆSTIO IV.

DE AUTHORITATE, USU, ET STUDIO JURIS ECCLESIASTICI.

Reliquum est, ut de Authoritate, usu & studio Juris Ecclesiastici agamus. Quoad authoritatem & usum illius difficillime aliquid statuitur: cum jura particularia, privilegia, consuetudines & mores pro diversitate regnorum, Provinciarum & locorum variant. Quid de jure sit dicendum, & dici possit, dicemus; non quid actu fiat. De studio acturi, illud monemus, ne quis existimet, quod a Candidatis Jurisprudentiæ Ecclesiasticæ nimium exigamus. Petimus nempe, si ita dicere fas est, iniquum, ut obtineamus justum. Ideo hæc scribimus, ut ex his discant Jurisprudentiæ Cultores æstimare illius præstantiam, dimetiri amplitudinem; & quanta animi contentione, applicatione virium ingenii, labore & industria huic studio incumbendum, agnoscant. Sunt enimvero, qui ne quidem sciunt, quæ sit vera ac genuina Jurisprudentia, multo minus, qua arte, ratione & methodo eidem sit insudandum, eo grandiores sibi visi, quo plures sciunt citare canones & capitula & super his subtilius disputare. Hæc per decursum hujus Quæstionis fient clariora. Lectorem valere jubemus, nobis vero faventem optamus.

INDEX CAPITUM.

CAPUT I.

De authoritate & usu Juris Ecclesiastici.

CAPUT II.

De studio Jurisprudentiæ Ecclesiasticæ quoad methodum docendi.

CAPUT III.

*De Præcognitis & subsidiis Jurisprudentiæ Ecclesiasticæ, specia-
liter de literis seu scientiis Humanioribus.*

CAPUT IV.

*De Disciplinis Philosophicis, velut altero Jurisprudentiæ Ec-
clesiasticæ subsidio.*

CAPUT V.

*De Historia, præcipue Ecclesiastica ac literaria ad Jurispruden-
tiam Ecclesiasticam necessaria.*

CAPUT VI.

De Studio Antiquitatum.

CAPUT VII.

*De Studio Theologiæ & Jurisprudentiæ cujuscunque ad Juris-
prudentiam Ecclesiasticam utili & necessario.*

CAPUT VIII.

*De Studio Jurisprudentiæ Ecclesiasticæ potissimum quoad me-
thodum studendi.*

C A P U T I.

De Autoritate & usu Juris Ecclesiastici.

§. 1. De autoritate Juris Ecclesiastici & Collectionum in genere. II. Qualis fuerit, & sit illius autoritas in Germania tam quoad Decretum Gratiani, quam Decretalium Gregorii IX. ? III. Specialiter an sit Jus niere subsidarium. IV. An, & qualeni habeat autoritatem apud Protestantes ? V. Qualem comparative ad Jus civile ? VI. De illius usu.

§. I.

Dum de autoritate Juris ecclesiastici agere constituimus, sermo nobis unice erit de Collectionibus in Corpore Juris contentis. Præmissis in memoriam sunt revocanda quæ in Quæst. 2. de autoritate singularum Collectionum diximus. Ordiamur a Decreto Gratiani, quod successive ad summam autoritatem ascendisse supra diximus. Quidquid tamen habuit, ac in hodiernam usque diem habet autoritatis, id omne ex usu, praxi, & receptione obtinuit: hæc enim Decretum Pontificium confirmatorium asserri non potuit. Approbavit illud Eugenius III. sed non nisi ad *usum scholasticum*: approbavit illius editionem noviore post correctionem Romanam Gregorius XIII. Eidem præfixit Bullam confirmatoriam verbis gravissimis conceptam, sed nec verbulo ad autoritatem legalem illam elevavit, quidquid in causa fuerit, cur expressam approbationem ei denegaverint Pontifices, licet coeteroquin illius usum, & receptionem in scholis, & judiciis miris modis promoverint (a). Accidit ergo huic Decreto, quod libris Feudalibus Longobardicis, quibus sola observantia & usus

Decretum Gratiani habet suam autoritatem non ab Eugenio III., neque a Gregorio XIII., sed ex usu & praxi.

Ad instar librorum feudalium.

B b b 3

(a) Vid. Boehmer ad Tit. de Constit. §. 18. ubi c'andestinis artibus Pontificum pro notissimo suo in Pontifices odio ascribit, quod Decretum istud ad tantam autoritatem ascenderit, nec tamen approbationem publicam ab illis tulerit. Longe alia & sanior hujus rei ratio dari potest. hæc nempe: quod Pontifices optime perspexerint, huic Collectioni Gratiani primas debere præ aliis, illiusque usum summopere Ecclesiæ profuturum; a publica tamen approbatione abstinere voluerint, quod illius etiam defectus bene perspectos habuerint.

authoritatem authenticam conciliavit. Sane ipse Van-Espen, qui huic Decreto omnem vim legalem adimit, mitius non nihil scribit, & aliquid saltem autoritatis ex usu & receptione advenientis tribuit, dum scribit: *Tametsi communiter tam Theologorum, quam Canonistarum consensu Decreto Gratiani etiam post emendationem Romanam autoritas negetur, quia tamen a pluribus jam sæculis publice tanquam pars Corporis canonici in scholis prælegitur, commentariis illustratur, atque ad controversiarum decisionem ex illo tanquam canonum Codice canones allegari, & citari a Canonistis consueverunt, non dubium, quin vel ex illa receptione aliquid saltem autoritatis canonibus illis, sive fragmentis a Gratiano relatis accedat, præsertim cum per quatuor ferme sæcula Theologi atque Canonistæ ad hoc Decretum tanquam canonum ecclesiasticorum codicem communiter recurrerint* (b). Itaque existimat Van-Espen, aliquid autoritatis illi ex receptione tributum esse: quod eo sensu accipiendum est, ut vim decisivam habeat, quatenus noviori jure & praxi Ecclesiæ haud ei est derogatum. Manet ergo, quod supra demonstravimus, Decretum adhuc habere authoritatem legalem, in quantum illud esse receptum, & per contrariam praxin vel legem non esse abrogatum ostendi potest.

Collectiones Greg. IX., Bonif. VIII. & Clementinae eam habent a Pontificum approbatione. Num sola hæc approbatio potuerit dare vim legalem?

Paulo aliter discurrendum de Decretalibus Gregorii IX., Bonificii VIII., Clementinis Clementis V.: hæc enim suam habent authoritatem ex ipsa sua collectione, publicatione, & approbatione, id quod Bullæ & respective epistolæ Pontificum hisce Collectionibus præfixæ faciunt manifestum. Porro aliud hic nobis occurrit dubium, an sola approbatio, & promulgatio per Pontifices facta hisce Collectionibus vim legalem universalem pro omnibus regnis, provinciis, & ecclesiis dare potuerit, vel illam primum ex receptione, usu & praxi obtinuerint, haud secus, quam leges pontificiæ ex sententia sat probabili omnem vim obligandi ex acceptance accipiunt. Nobis par videtur ratio & legum, & Collectionum: interim hæc acceptio non influit spiritum legalem in canones, eorumque collectiones; sed unice facit, ut spiritus ille suos effectus in publicum producat, & omnis obligatio principaliter in Pontifices refundenda sit.

Extravagantes acciperant ab ipso.

Iterum aliter dicendum de Extravagantibus Joannis XXII., & communibus: cum enim compertum non habeatur, quod autoritate publica promulgatæ, juris ecclesiastici partibus adjectæ, & in Corpus juris relatæ sint, potius dicendum videtur, quod suam vim legalem

(b) In Tract. Hist. Canon. part. 6. cap. 3. §. 5.

legalem magis ex usu & receptione, quam autoritate Pontificis mutauerint.

Hanc Juris ecclesiastici auctoritatem quondam fuisse summam dubitari nequit, quod §. seq. pluribus monstrabimus, donec successive *olim fuit summa, sed variis modis diminuta.* occasione variorum dissidiorum, litium, & controversiarum inter Pontifices, Imperatores, Episcopos & Principes, quorum pertinent dissidia inter Joannem XXII. & Ludovicum Bavarum schismata, illud magnum præcipue, de quo in Concilio Pisano & Constantienfi fuerat actum; nec non sectæ Protestantium & Reformatorum, plurimum auctoritatis perdidit. Quare paucis dicendum, quod Jus Canonicum summam in terris catholicorum habuerit, & etiamnum habeat auctoritatem, in quantum eidem non fuit derogatum per jura specialia, pacta, fœdera, concordata, consuetudines & privilegia, atque adeo suam restrictionem & interpretationem recipiat ex juribus particularibus & consuetudinibus, quas probare oportet.

§. II.

Verum alius nobis hic obmovetur scrupulus, utrum Jus Canonicum in Germania habuerit vim Juris principalis, vel non nisi *subsidiarii*, adeoque tunc tantum valuerit, quando aliud jus non extitit. Summam *Summa auctoritas Decretis & Decretalium in Germania.* profecto auctoritatem legibus etiam Imperii publicis corroboratam tam Decretum Gratiani, quam Decretales Gregorii IX. habuisse in Germania evidentibus argumentis alibi commonstravimus (c), ubi insinuat quæstionem propositam simpliciter retulimus, non tamen opinionem nostram desuper explicavimus. Pro faciliori dicendorum intelligentia juvat allata argumenta repetere, & quibusdam novis communire. Et *Decretum ferme ea ratione auctoritatem obtinuit, quas Romanum in Germania.* quidem de Decreto Gratiani si loquamur, habuit decretum in nostra Germania ea fata, quæ juri Romano obtigerunt: Hoc nulla publica lege primitus receptum aut approbatum, respectu Germaniæ jus plane extraneum (quid enim Germanis cum legibus Romanis, aut quæ subjectionis Germanorum tunc erat ad Imperatores Romanos); imo ita comparatum est, ut in plurimis a moribus Germaniæ abhorreat, & institutis Germanorum antiquis e diametro adversetur: & tamen legistarum usu, applicatione, doctrina, & commendatione adeo receptum est, ut de authenticitate illius, auctoritate, & vi decisiva nemo amplius dubitet. Non ergo mirandum, quod Decretum Gratiani eadem facilitate ipso usu, & praxi per Decretistarum artes, laborem & studia tandem

(c) Vid. Dissert. de Jure Part. Germ. cap. 5. §. 2.

tandem auctoritatem legalem obtinuerit. Qui auctoritatem illius in dubium vocant, unice in eo se fundant, quod privato ausu collectum, & nunquam expresse approbatum sit. Sed an non id ipsum Juris Romani auctoritati objici posset? esto enim publica Justiniani auctoritate collectum fuerit, quoad fora tamen Germanicæ auctoritatem habuit nullam; sed hanc demum solo usu, observantia, & receptione accepit:

Germani studuerunt Juri utrique.

Decretistæ & Legistæ in aula Principum & Episcoporum.

Decretum summo in pretio apud Germanos. Fuit confirmatum Constitutionibus Imperatorum.

Quis enim nescit, quod Germani tunc temporis magno in numero ad celeberrimas Academias Bononiensem & Parisiensem confugerint, ibique Juri utrique sedulam operam navaverint? qui e scholis publicis reversi, ad varia munia & officia promoti, & suam Jurisprudentiam in praxin redigere volentes Decretum Gratiani, & illius usum in fora introduxerunt: an nescimus, quod Imperatores Germaniæ jam in Sæc. XII. Decretistas in suo comitatu & aula habuerint, eorumque consilio in decidendis causis usi fuerint? An nescimus, quod etiam Archiepiscopi & Episcopi per Germaniam similes *Decretistas* potius, quam *Legistas* (d) ad decidendas causas in sua episcopali audientia assumpserint? Et quis demum nescit, quod Gratianus suum Decretum potissimum ex Collectione Ivonis Carnotensis, & Burchardi Wormatiensis collegerit; Burchardus vero suam Collectionem præcipue in usus ecclesiarum Germanicarum adornaverit? Cum itaque Decretum Gratiani cum horum Collectionibus omnino conspiraret, quis dubitet, quod Germani illud summo in pretio habuerint, & in suos usus converterint? Praxin hujus Decreti confirmarunt Imperatorum constitutiones consensu Ordinum Imperii latæ, quarum unam sub Friderico II. anno 1236. emanatam exhibet Goldastus (e). Alteram prioris confirmatoriam de anno 1281. sub Rudolpho datam refert Lehmannus (f): Prior sic habet: Wir gebiethen auch vestiglich, das man in allen Römischen Reich an geistlichen Dingen nach Gebot, und nach Rath der Erzbischöfe sich halte, und welcher Bischof, oder Erzpriester nach geistlichen Recht richte. Posterioris hæc sunt verba: Wir gebiethen och vlistlich, das man in allen Römischen Reiche an geistlichen Dingen nach Gebore, und nach Rathe der Erzbischöfe sich habe, und der Bischof, und Erzpriestere nach geistlichen Rechte: Quis autem dubitet, voce geistliche Rechte unice intelligi Decretum Gratiani? quod jam tum Juris publici factum, publice traditum, in aulis Imperatorum,

(d) Decretistæ vocabantur, qui Decreto Gratiani; Legistæ, qui Juri Civili studuerunt. (e) Part. 2. der Reichs-Satzungen cap. 15.

(f) In Chron. Spir. Lib. 5. cap. 108.

torum, in tribunalibus Episcoporum, in dicasteriis Principum primatum obtinuit. Huc etiam collineavit Author Speculi Suevici, qui probabilius circa hæc tempora scripsit, dum Lib. 1. cap. 5. ad utrumque opus tam Decretum, quam Decretales provocat his verbis: *Us den zweyen Büchern nimmet man all die Recht den geistlichen und weltlichen Gerichte bedarf.* Accedunt documenta tam publica, quam privata, quæ passim ad istud Decretum provocant, prout ostendit Boehmerus (g).

Eadem fata, vel adhuc longe meliora obtigerunt Decretalibus Gregorii IX., de quibus eo minus superesse dubium potest, quanto certius est, quod autoritate Pontificum fuerint promulgatæ, approbatae, & per orbem universum dispersæ, illarumque usus per Canonistas, qui tunc in maximo erant numero, in omnibus fenne tribunalibus invaluerit. In tantam Decretales ascenderunt auctoritatem, ut obstetricantibus Episcopis ab Imperatoribus Friderico II. & Rudolpho publico Ordinum decreto Sæc. XIII. fuerint confirmatæ, qualis honor Juri civili Romano, etiam ubi fora Germaniæ occupaverat, contigisse ostendi nequit. Inde fortassis etiam venit, quod Jus canonicum etiam primatum suum præ Jure civili semper habuerit, & retinuerit.

§. III.

Ex his ni fallimur, facillimæ decisionis est quæstio supra mota, utrum nempe Decretales per Germaniam unice valuerint in subsidium, deficientibus nempe propriis Dioecesum statutis? id quod nemo nobis persuaserit. Primo enim nemo ignorat, quod eotempore, quo Decretales emanarunt, summa fuerit Pontificum autoritas, illorumque iustis & legibus se se facile subjecerint Imperatores, Reges & Principes: quis autem dubitet, quin Pontifices suas Decretales in vim legis principalioris promulgare voluerint? Secundo: Quare Germani has Decretales indiscriminatim sine discrimine & exceptionibus acceptarunt? cur ne discrimine eas acceptarunt, non opposuerunt sua Jura particularia? cur non objecerunt sua privilegia? exceperunt sane, imo excipere debuissent contra has Decretales, si alio jure principaliori usi fuissent: alias rebus & juribus suis pessime consulissent. Et quare tertio Episcopi etiam Germani Decretum & Decretales acceptarunt, a veteri norma judiciorum recesserunt, in decidendis causis, in documentis publicis & privatis ad Decretales provocarunt?

(g) Ad Tit. de Constit. §. 33.

*Paucas ad-
modum leges
& consuetu-
dines habue-
runt.*

*Authores
contrarii
falso nitun-
tur supposi-
to.*

*In legibus
imperii pu-
blicis ad Jus
Canonicum
fuit provo-
catum.*

carunt? sane non legimus, quod ad alias suas leges provocaverint, Pontificibus sua Jura particularia opposuerint, usque ad tempora Ludovici Bavari. Quarto: Qualemnam ergo Jus aliud principale habuerint Germani? nunquid anteriores quasdam collectiones Iordani, aut Burchardi Wormatiensis? sed iterum querere licebit, an illæ habuerint vim Juris principalis, aut subsidiarii duntaxat? si primum: habemus, quod petimus. Si alterum: redibit antiquior questio. Si dicant, quod Germanis suæ leges particulares, & consuetudines instar Juris principalioris fuerint, id nemini persuadebunt: quis enim sibi persuadeat, quod Germani antiquioribus canonibus, vel collectionibus usi non fuerint, incerto veluti jure vixerint, & pro fundamento sui regiminis ecclesiastici leges quasdam paucas, vel consuetudines habuerint, quibus ancillæ instar servire debuerent leges universales, publicæ, autoritate publica communitæ? Quinto: Illa gravamina ex post contra Pontifices a Germanis in Synodo Basiliensi oblata, illæ ipsæ alterationes, quas Imperatores, & Episcopi Germaniæ successu temporis cum Pontificibus habuerunt, signo apertissimo sunt, quod primitus se se Pontificibus simpliciter submiserint, illorumque decretis acquieverint. Sexto: Codices illi, quibus Ecclesiæ antiquitus utebantur, e.g. Codex universalis Ecclesiæ, quem adoptavit Ecclesia Gallicana, Codex Dionysii exigui, qui obtinuit in Ecclesia Romana, an in vim Juris subsidiarii duntaxat fuerunt assumpti? Septimo: videntur Scriptores contrarii falso inniti supposito, aut subvertere statum Quæstionis: id facile damus, quod Decretales eatenus habuerint autoritatem & usum in Germania, quatenus non adversabantur juribus & consuetudinibus particularibus propter communem regulam, quod leges particulares derogent universalibus: sed quis inde inferre auserit: ergo Jus universale habet vim Juris mere subsidiarii? Sane consecutio pessima, ex qua ulterius consequi necessum foret, quod nullum Jus commune & universale sustineat vices Juris principalis, cum nulla detur Respublica, nulla Provincia, quæ non regatur quibusdam juribus, & consuetudinibus particularibus. Quis hæc æquo animo sustineat? Manet ergo Jus ecclesiasticum Decretalium in sua possessione, & illis, qui Jus particulare contrarium prætendunt, incumbet probatio. Quid quod in legibus etiam publicis Imperii ad Jus Canonicum tanquam commune provocatum fuerit, id quod apparet ex legibus publicis Sæc. XVI. latis, dum in Reff. Wormatiensi de anno 1521. Assessores Cameræ Imperialis jubentur pronuntiare nach des Reichs gemeinen Rechte cap. 33. Et licet Conin-

Conringius (h) id de Jure Romano intellectum velit, attamen Viri gravissimi ex fundamentis longe validioribus id de Jure etiam canonico intelligunt (i): eo quod tunc temporis eadem Juris civilis, & canonici, imo hujus major longe fuerit autoritas in Imperio. Huc quoque collineat Constitutio Caroli V. contra Anabaptistas de an. 1529. ubi §. 1. Jus commune distinguitur a Jure Cæsareo his verbis: *Wiewohl in gemeinen Richten (Jure Canonico in Tit. de Apost. & reiterando Bapt.) geordnet, und versehen ist, daß keiner, so einmal nach Christlicher Ordnung getauft worden ist, sich wiederum oder zum zweytenmal taufen lassen, noch derselben einen taufen soll, und fürnemlich in Kayserl. Befehl solches zu beschreiben bey Straf des Todes verboten ic. ic.* Quis hic non videat, appellatione *Juris communis* venire Jus potius canonicum, quam civile Romanorum? Et licet Sæc. XV. de eradicando Jure utroque canonico & civili actum fuerit, prout manifestum fit ex Reform. Friderici III. de anno 1443. apud Goldastum (k), hæc tamen declaratio non tantum suo caruit effectu, verum etiam autoritas Juris utriusque majora semper incrementa accepit, & ad tempora usque Reformationis perduravit, quibus denique eidem plurimum derogatum fuit, ita quidem, ut parum abfuerit, quin omnino ultimam cladem acciperet.

Sæc. XV.

agebatur de utroque jure eliminando.

§. IV.

Atque ex his jam delabimur ad ulteriorem quæstionem, qua quæritur, qualem autoritatem Jus canonicum habeat apud Protestantess. *Lutherus fuit hostis capitalissimus Juris Canonici, illudque Wittenbergæ in magna Doctorum & Studioforum corona una cum Bulla Leonis anno 1520. Vulcano comburendum injectile hoc adhibito efflato: Indue quia tu impie liber conturbasti sanctum Domini, ideo te conturbet ignis & combussit. terminus: sicut fecerunt mihi, sic feci eis, inquit Samson, ipsi Protestantes libere fatentur. Verum hisce ausibus impudentissimis se se vehementissime opposuerunt ipsi Doctores Protestantici Henningus Gædem, & Hieronymus Schürfius frendente licet Luthero, quem hæc res ita commovit, ut Wittenberga abierit, nec unquam posthac, ut eo rediret, persuaderi potuerit. Varie deinde inter Ictos & Lutherum fuit dimicatum. Ingentes animi sui motus clarissime aperuit in epist. ad Spauldhamum anno 1544. scripta, ubi sic scribit: *Ego tibi fateor, in hoc anno graviter commotus sum.**

Ccc 2

(h) De Orig. Jur. Germ. cap. 33.

(i) Boehmerus ad Tit. de Constit. §. 56.

(k) Part. 1. der Reichs-Sagang art. 5. & 7.

*Lutherani
ipſi factum
Lutheri ex-
ecrantur.*

ſic meſſe acceptum, ut in vita mea, & in tota cauſa Evangelii nunquam fue-
rim perturbator: oritur enim mihi cum Jurisſis negotium acerrimum. Et
quos ſperaveram ſidos Evangelii amicos, experior hoſtes acerrimos. Et poſt
pauca: intrinſeci hoſtes plus nocent, quam externi, ut Judas inter Apoſto-
los, ſed vincit Crucifixus, & perit Crucifixor. Indignationem ſuam ve-
hementiſſimam ante hoc factum prodidit, dum Spalatino ſcrip-
ſit: *dannent, exurantque mea, ego viciſſim, niſi ignem habere ue-*
queam, dannuabo, publiceque concremabo juſ Pontificium totum, lernam il-
lam hæreſum. Hujus rei geſtæ hiftoriam ſuſius recenset Seckendorſ-
ſius (1) & Kippingius in *Apologetico pro Martino Luthero* (m). Impu-
dens hoc Lutheri factum ne ipſi quidem æquiores Lutheri aſſeculæ appro-
bare audent, imo execrantur, ex quibus unus præ mille aliis ſufficiat
Illuſtris de Ludwig (n), qui ita ſcribit: *Es iſt eine Schande, daß*
wir Lutheraner des Lutheri ſtraſbares Vornehmen mit Verbren-
nung des Corporis Juris Canonici billigen wollen, weil Lutherus vor-
geben, daß er in ſolchem Eifer von einer höheren Hand gerührt wor-
den iſt. welches dannenhero ſtraſbar geſeſen wäre, wenn der Chur-
fürſt von Sachſen Friederich nicht Gnade vor Recht ergehen laſſen.
Apologiam pro Luthero ſcripſit ſupra citatus Kippingius, in qua etiam
rationem hujus præclari (melius dixeris impudentiæ) facti ex ipſis ſcrip-
tis & verbis Lutheri ſuſius adducit.

*Litigant
Proteſtanti
inter ſe de
authoritate
Juris cano-
nici.*

*Diverſas eo-
rum opinio-
nes recenset
Boehmerus.*

Abeo tempore jam ingens eſt concertatio inter Doctores Prote-
ſtanticos, quæ & quanta in ſua Eccleſia ſit, & concedenda ſit Juri ca-
nonico authoritas? Juvat audire doctiſſimum Boehmerum (o), qui
ſic habet: *Eadem* (loquitur de Jure Romano Civili reſpective ad Jus
Germanicum), *ſi non inſeliciora ſata habet Jus Canonicum in terris Pro-*
teſtantium, cujus mentem pauciores debita induſtria evolvunt: multi uſum vel
negant, vel adeo reſtringunt, ut ſtudium ejus plane intermittendum, vel levi
brachio eſſe traſandum cenſeant: alii canones ubique incaute ſequuntur,
ſine debito examine cauſis emergentibus applicant, omneque movent lapidem,
ne vel jota ex Jure canonico inter Proteſtantes pereat. Fluxere tot diverſi mo-
tus ex principio inter Proteſtantes vulgaſſimo, Jus Canonicum robur inter
nos habere EX RECEPTO, & ipſo uſu, tacitaque adprobatione vim acce-
piſſe, non tamen in omnibus, verum quibusdam tantum articulis. Sed de hiſ
iſſis

(1) In hiftoria Lutheranismi Lib. 3. Sect. 32.

(m) Hæc Apologia annexa eſt *Proluſionibus* Juris eccleſiaſtici, quas cit Author
edidit Helmſtadii.

(n) Cit. *Apolog.* pag. 14.

(o) *Exercit. 9. ad Pandect. Lib. 1. Tit. 2.*

ipsis adhuc mira concertatio est, dum alii plures; alii pauciores tradunt; adhuc alii regulis quibusdam insistant, ex quibus judicari debere contendunt, in quantum inter Protestantes obtineat, & Juri Civili vel præferendum, vel postponendum sit? Qui tamen, teste experientia, ipsa praxi sæpius refutantur. Tanta est incertitudo studii hujus, & sententiarum varietas, ut, qui inter hos scopulos sine discrimine navigare, rectumque tenere cursum desiderat, magna cautione opus habeat. Sicut autem hi, qui pericula maris & discrimina tempestatis marinæ evitare cupiunt, nihil non agunt, ut scopulorum occultorum, voraginum, ventorum, & omnium eorum, quæ navigationem ancipitem facere possunt, exactam notitiam consequantur, reputantes, tela prævisa minus nocere, ita quoque, qui per medium profundum hujus studii ire, & inoffenso pede procedere cupit, ante omnia in occultos variorum præjudiciorum scopulos inquirere, & duo extrema illa, quæ vel Jus Canonicum plene destruant; vel illud cæco amore quidem, sed imprudenti ut plurimum conatu ubique sequendum suadent, evitare debet, ut media via, quæ tutissima est, incedere queat. Postea laudatus Author non modo loc. citato, sed etiam in Jure suo Protestantico (p) diversas diversa opinantium sententias recenset, refellit, & aliquoties satis severe castigat, ac in fine suam fat æquam proponit, & demonstrare contendit.

Sunt autem sententiæ Doctorum Protestantorum celebriores sequentes. Prima eorum, qui cum Luthero Jus canonicum diris omnibus devovent, ac e scholis & foris eliminandum esse censent: eo quod corrupta & perversa Religionis dogmata foveat, nutriat, & complectatur. Altera eorum, qui illud ad certa capita restringunt, & in certis causis illius usum admittunt e.g. in causis matrimonialibus, pactorum, & emphyteuseos, bonorum ecclesiasticorum, testamentorum, præscriptionum, juramentorum, ordinis judiciarii &c. Tertia aliorum, qui certas regulas pro usu illius determinando præscribunt, quales e.g. sunt: Quoties res est dubia de Jure civili, standum est Juri canonico: Item: quoties utrumque inter se pugnat, quodlibet in suo foro observandum est, nisi in materia peccati, & conscientiæ, ubi Jus Canonicum observandum est. Et iterum: in dubio inter utrumque non est statuenda differentia &c. De *Eas refellit*, his ergo omnibus opinionibus suum profert judicium laudatus Author, & primam ea ex ratione rejicit, quod illius fundamenta id solum probent, Jus canonicum a Protestantibus nunquam debuissè in sua fora recipi, ac civitate donari. Alteram inde refutat, quod, cum Jus canonicum ante reformationem universaliter fuerit receptum, & de restri-

*Sententia
Boehmeri.*

*Esse authen-
ticum per a-
versionem
ajumat.*

*Usque nunc
Jus cano-
nicum habet
suum nam au-
thoritatem
apud Prote-
stantes.*

*Cur Prote-
stantes illud
tauti ajur-
ment e*

ctione non constet; imo allatis capitibus reclamet praxis, hujusmodi restrictio & determinatio certorum capitum penitus rejicienda videatur. Tertium pluribus refellit, ea potissimum ex ratione, quod illæ regulæ quam sapissime fallant, & apertissima praxis ecclesiarum Protestanticarum cominonstret, ampliorem sane usum Juris canonici esse in causis ecclesiasticis, quam illa sententia permittere videtur. Postea Boehmerus suam mentem declarat, & præprimis cautum Juris canonici usum commendat: dein prosequitur, & nec unica, nec pluribus regulis illius usum & authoritatem posse definiri ostendit: ac demum media via esse incedendum concludit. Si quid sapio, eo ultimato Authoris sententia collimat, Jus canonicum apud Protestantés in genere & quasi per aversionem valere, & in causis non modo civilibus, sed etiam ecclesiasticis usum habere communem, in quantum vel ipsorum principii religionis non repugnat, vel ipsi Juri canonico contrariæ leges, consuetudines, praxis & repugnantia non adversatur. Quis non æquam hujus Authoris sententiam dicat?

Jam quæ sit hujus Juris apud Protestantés authoritas, videamus. Ex antea dictis constat, quantopere Doctores Protestantici contra Lutherum, illiusque temerarium ausum zelaverint, & pugnaverint. Ab illo tempore illud docuerunt, & in hodiernam usque diem docent in scholis publicis, ad illud provocant in judiciis, secundum normam illius procedunt in causis ecclesiasticis, controversias decidunt in suis consistoriis. Quid non egerunt Doctores Wittenbergici, ut illius usum & conservarent, & propagarent? Hos æmulati sunt Doctores aliarum Academicarum, qui illud suis auditoribus commendarunt, miris laudibus exornarunt, ac doctissimis Commentariis illustrarunt; imo etiam apologias pro illius conservatione usu & authoritate adornarunt, in Academia Jenensi Mathæus Colerus, Rostochiensis Ernestus Cothmannus, Lipsiensis Joannes Dauth, Giessensis Ulricus Hunnius, Marburgensi Hermannus Vultejus, & plures alii Academici Doctores, quorum verba, libros, & testimonia refert laudatus Boehmerus. Immenso esse deberem, si, quæ celeberrimi Jcti Protestantici pro conservando usu, authoritate stabilienda, & propaganda, illustrandoque ipso studio Juris canonici scripserunt, ac in hodiernam usque diem scribunt, in medium adducere vellem.

Sed mirum videri alicui posset, quod Doctores Protestantici, & illi primi tempore Lutheri, & illorum successores tantopere pro usu & authoritate Juris canonici quasi pro aris & foris dimicaverint? num fortassis propter interesse quoddam privatum, quia de pape lucrando apud non

paucos

paucos agebatur? sed abfit, ut Viros illos tam sordide egisse & sensisse suspicemur: etsi ab omni interesse proprio ipsos omnino alienos fuisse vix aliquis nobis persuaserit. Sane longe prudentiores fuisse illos JCTos, quam Lutherum, nemo sanus negaverit. Agebatur Lutherus cæco impetu, passionum rebellione in transversum rapiebatur, vindictam coquebat in pectore contra Leonem Pontificem, a quo se damnatum sciebat: ut quid ergo mirum, quod tantum nefas perpetrare ausus fuerit? At vero JCTi, quorum intellectui sanior illuxit Phæbus, quibus *Ratio Status* ecclesiastici & politici melius perspecta erat, qui optime perspiciebant, pessime etiam Juribus suæ Ecclesiæ, & suorum Principum consulti iuri, si Jus canonicum penitus eliminarent, & proscriberent; ac denique intinie penetrabant, quantum chaos in judiciis, quanta rerum confusio in dirigendis finibus Jurisdictionis ecclesiasticæ & politicæ; quanta difficultas in defendendo *jure in Sacra* suis Principibus vindicato ex proscriptioe Juris ecclesiastici sit pertimescenda, utique secundum omnes prudentiores æconomice regulas egisse censeudi sunt, cum authoritatem Juris ecclesiastici sustentare toto conatu, omnibusque viribus allaborarunt. Quam frequens apud Protestantis sit usus Juris canonici, quanta illius necessitas in judicandis causis & suorum affectuum, & catholicorum, noverint illi, qui Principibus suis a secretioribus sunt consiliis, præfunt Consistoriis Protestantibus, vel Judices in tribunalibus sunt constituti. Quis, & quantus sit nexus inter *Jus Canonico-Catholicum*, & *Protestanticum*, in quibus a se invicem recedant in causis & materiis ecclesiasticis seu ad religionem seu Ecclesiam spectantibus, præter Boehmerum solcite inquirat, ac dilucidat Ludovicus Martinus Kahle (q).

§. V.

Lippis & tonforibus, uti ajunt, notum est commune illud ex cap. 1. & 2. de N. O. N. *sicut leges non dedignantur sacros canones imitari, ita & sacrorum canonum statuta Principum constitutionibus adjuvantur.* Et sane unum sine altero nec sat utiliter disci, nec doceri res est apertissima. Summa difficultas tum in conciliandis hisce juribus, tum in dirigendis finibus utriusque Jurisprudentiæ sita est. Innumeras esse differentias inter Jus canonicum & civile, quis ignorat? immensus esse deberem, si has vel in compendium redigere vellem: Integrum opusculum de differentiis Juris canonici & civilis scripsit Henricus Hahnus JCTus in

(q) Elementa Jur. Canon. &c. Halle 1743. ubi ferme ad singulos titulos exponit Jus Catholicum, & dein Protestantium.

in Academia Julia, quod dein recognovit & notis illustravit Joan. Schilterus, & Institutionibus Juris canonici a Schiltero conscriptis annexuit Boehmerus, in quo præcipuæ differentię ex triplici Juris objecto, maxime in rebus & causis spiritualibus & ecclesiasticis dilucidantur.

Causæ harum differentiarum.

¶ Cui Romani erant Stoici & gentiles, & inde in errores lapsi: & hac prima causa differentiarum.

Altera petitur ex diverso fine.

Tertia ex ratione Sacramentorum,

Causæ harum differentiarum dari possunt plures. Nos paucas asseremus, quarum prima sine dubio inde derivanda est, quod Conditores legum civilium fuerint gentiles, Philosophi ut plurimum Stoici, qui lumine supernaturali destituti non modo in veritatibus supernaturalibus cæcutiebant, sed etiam in naturalibus, illis saltem, quæ ex primis Juris naturalis principiis longius deducuntur, hallucinabantur: unde factum est, ut in tot errores impingerent; concubinatum, usuras, præscriptionem cum mala fide, dimissionem uxoris permitterent: quamquam etiam Jurisconsultos Romanos immenso quodam lumine naturali fuisse collustratos, ex innumeris illorum responsis luce meridiana clarius pateat. Dum e contra Legislatores ecclesiastici lumine fidei supernaturali superfusi veritates supernaturales non modo, sed etiam naturales una cum erroribus, quos Romani in condendis legibus commiserunt, clarius agnoscebant, quas in melius emendare, & corrigere sui muneris esse existimabant. Altera causa fuit, quod prima cura Legislatorum ecclesiasticorum fuerit salus animarum, & ex hoc capite nihil antiquius habere debuerint, quam ut peccata avertant, conscientias hominum consulant, studium virtutum promoveant, & his mediantibus prædictum finem consequantur. At vero licet etiam Romani ex solo lumine naturali quamplurima præcepta naturalia agnoverint, ne utique tamen, quæ ad salutem æternam consequendam necessaria forent, perpexerunt, quin sæpius nimia erga jus suum religione ducti, aut æquitate quadam cerebrina, vel vana superstitione obcæcati ne quidem pericula peccandi animadverterunt: sic Jus civile admittit rescissionem contra contractus juramento firmatos, non vero SS. canones, ne homines invitentur ad peierandum, nisi bonum publicum aliud exigat: ex qua ratione non valet juramentum, quo Clericus privilegio fori renuntiat, licet leges civiles hujusmodi renuntiationem fori minime reprohent: & e contra valet juramentum, quo filia ulteriori hæreditati paternæ, aut Senatus consulto Vellejano renuntiat, quamvis leges civiles hujusmodi juramento nullam vim tribuant. Sic etiam SS. canones propter periculum incontinentiæ Viduæ facultate in nubendi intra annum luctus concedunt, dum Jus civile ita nubentibus pœnas irrogat. Ulterior causa fuit ex institutione Sacramentorum maxime matrimonii: licet enim Christus Dominus per annexam qualitatem Sacramenti neutiquam

tiquam rationem contractus destruxerit, id tamen effecit, ut jam contractus matrimonialis sublimioribus quibusdam regulis, & secundum leges divinas dirigi debeat, jamque potestati ecclesiasticæ subijciatur, atque leges civiles, illæ præcipue, quæ cum lege nova concordari non possunt, attendi non mereantur. Accedit alia causa differentiarum, *Quarta ex religionis & cultu divino,* nempe & religio & cura singularis cultus divini augendi. Etsi enim ipsi etiam Romani gentiles suæ religionis fuerint ad superstitionem usque tenacissimi; & quamplurimas leges ex motivo religionis ad cultum suorum DEorum augendum, promovendumque tulerint, & ipsi Christiani multos ritus ab ipsis in ordine ad colendum suum supremum Numen adoptaverint (r), attamen longe purior & ab omni superstitione aliena fuit religio Christianorum, quibus sua religio nescio quid sacri horroris, amoris, timoris, ac reverentiæ non modo in suum supremum Numen, sed etiam in Personas, quas ab ipso ad suum cultum ordinandum, dirigendumque singulariter esse deputatas non ignorabant, inspiraverat: unde contigit, ut Ecclesia quamplurimas leges conderet in ordine ad cultum divinum promovendum, favores, libertates, & privilegia Personis ecclesiasticis, rebus & bonis hujuscemodi quam liberalissime impertiretur. Demum Ecclesia vel maxime semper sollicita fuit, ut *Quinta ex mansuetudine Christi, quam Ecclesia æmulari volebat.* mansuetudinem Christi æmuleretur, & hinc excessivum rigorem semper abhorruit, atque æquitatem nimio legum rigori præferre consuevit: inde ortum trahunt tot remedia extraordinaria, e.g. recursus ad Judicem ecclesiasticum, appellationes extrajudiciales, querelæ, favores & privilegia personis miserabilibus concessa, quæ ferme omnia & singula in Jure civili ignorantur. Atque hoc ipsum est, quod contra Ecclesiam *Falso Sectarii Ecclesiam* criminantur Sectarii, dum eidem hanc æquitatem tanquam cerebri- *exprobrant æquitatem cerebriam.* nam exprobrant, & similes leges occulta quadam fraude esse confictas asserunt, eum potissimum in finem, ut judicia secularia elideret; & quamplurimas causas etiam civiles sub prætextu pietatis aut æquitatis ad suum forum traheret cum gravissimo boni publici præjudicio. Verum somnia hæc sunt & figmenta, quæ invidia, livor, odium religionis suppeditat; & dicitur. Sane ipsi Romani excessivum rigorem sui juris agnovērunt, & ideo suos Prætores habuerunt, penes quos erat potestas temperandi rigorem Juris Romani, suppeditandi remedia, quando rigor Juris denegavit, præbendi audientiam, quando tribunal civile nullas aures præbuit. Num ergo Ecclesia nihil immutare, nihil corrigere,

(r) Vid. dicta Quæst. I. cap. 2. ubi de Liturgia diximus.

gere, aut saltem alterare valeatorum, quæ Romanis persuasit sua superstio, dictavit ambitio, suggessit prætensa Reipublicæ salus?

De dirigendis finibus utriusque Jurisprudentiæ.

Jus canonicum in Germania antiquitate, usu & auctoritate prævaluit Juri civili etiam in causis civilibus.

Jam qua arte dirigendi sint fines utriusque Jurisprudentiæ dispiciamus: tota difficultas ad id devolvitur, quodnam Jus, canonicum, vel civile sua auctoritate prævaleat, & prævalere debeat. Pro hac difficultate Doctores passim statuunt certas regulas, secundum quas usus & auctoritas utriusque est determinanda, statuendumque, quandonam auctoritas Juris canonici, vel civilis obtineat, & prævaleat. Etiam nos tales breviter dabimus regulas, prius tamen id memoria recolendum esse monemus, quod supra meminimus, quod in Germania etiam ab eo tempore, quo utrumque Jus in fora Germanica fuit introductum, Jus canonicum primatum habuerit, & suo usu & auctoritate Juri civili Romano non in causis duntaxat ecclesiasticis, sed etiam civilibus prævaluerit. Prævaluit Jus canonicum in primis sua antiquitate, utpote quod ex plurimorum sententia, licet quidam aliter sentiant (s), ante receptionem Juris civilis in foris Germanicæ obtinuit, aut saltem eodem tempore in forum prorupit. Prævaluit etiam auctoritate, utpote cui honor obtigit, ut a Friderico II., & Rudolpho Imperatoribus accedente publico Ordinum decreto Sæc. XIII. confirmatum, roboratumque fuerit, qualis confirmatio Juris Romani, etiam ubi fora Germanicæ occupaverat, ostendi nequit. Prævaluit usu: cum in foro etiam civili norma judicii fuerit observata ea, quæ in Jure canonico legitur præscripta, & causæ civiles potius secundum canones, quam leges civiles fuerint decisæ, ita quidem, ut quibusdam visum fuerit, & in hodiernam usque diem videatur, quod Jus Romanum mere aliquod jus subsidiarium fuerit ad supplendum defectum Juris canonici assumptum. Prævaluit dignitate: quia eo tempore hominibus Christianis, Politicis etiam, & Principibus persuasum fuit primas deberi Ecclesiæ & legibus ecclesiasticis, bonum Ecclesiæ esse præferendum bono politico, debitum honorem esse exhibendum Clero, ecclesiarum privilegia, & immunitates esse manutenendas &c. At longe aliter hodie: Ratio Status prævalere debet, securitas procuranda, suprema lex esto salus Reipublicæ. Illa anteriora principia jam jam pertinent ad antiquas nœnias, sapiunt simplicitatem, fundantur in superstitiosa religioſitate, pietatem spirant exoticam. Ita quidam, qui sibi, si Superis placet, sapientiores esse videntur.

Ratio ex principio Pseudo-Politicorum prævalet Ratio Status.

Ita-

(s) Boehmer ad Tit. de Constit. §. 35.

Itaque regulas sequentes, easque damus communes : Regula prima : Jura concordanda cum juribus, & correctio, quantum fieri potest, evitanda. Fundatur hæc regula in rationibus gravissimis : primo enim omnis lex habet præsumptionem pro se, quod sit justa, honesta, in bonum communitatis lata : stat ergo favor pro lege & bono publico, & utrique sit injuria, si lex sine gravi causa corrigatur, refigatur : dein stat optima præsumptio pro Principe, quod, priusquam legem tulit, sedulo necessitatem & utilitatem legis examinaverit, nec temere, sed rebus bene & optime expensis sanciverit : quam ergo indecorum, quam turpe, quam Principe indignum esse debet, legem salubriter latam, multo labore ac vigilis excogitatam unico veluti ictu propter dubium duntaxat subvertere, ac prosternere ? Regula secunda : vel lex *Canonica* colliditur cum *Canonica*, vel cum *Civili* ? in priori casu videndum, utrum antinomia sit in unius, & ejusdem Pontificis Collectione e. g. utrum in Decretalibus Gregorii IX. duo sint canones contrarii ; vel contrarietas in duabus collectionibus, ita ut aliter sit sancitum in Decretalibus Gregorii, & aliter in Collectione Bonifacii : si prius : omni modo studentum est reconciliationi, si tamen salva verborum proprietate fieri queat, aut nisi canon ipse terminos correctorios adhibeat, quemadmodum factum esse legimus in cap. 2. & 3. de cens. in 6. ubi Bonifacius VIII. corrigit legem sui Prædecessoris Gregorii X. vetantis aliquam pecuniam accipere pro visitationibus. Si posterius : tunc standum est juri noviori ex generali Regula, quod posteriora derogent prioribus cap. 29. de Elect. in 6. nam potest Legislator, & præsumitur velle abrogare legem anteriorem, eo quod omnes leges communes censeatur habere in *scripto cordis sui* cap. 1. de Constit. in 6.

Si vero lex *Canonica* collidatur cum lege *Civili*, tunc sequentes sunt observandæ regulæ : Primo, si Jus canonicum sit clarum, & Jus civile dubium, tunc standum est juri canonico claro, & econtra. Fundatur hæc regula in cap. 1. & 2. de N. O. N. in quo dicitur, quod *sicut leges non dedignantur sacros canones imitari, ita & sacrorum canonum statuta Principum constitutionibus juventur.* Exceptio est in materia spirituali, utpote quæ est extra sphaeram Legislatoris civilis, nisi tamen lex civilis a jure canonico sit homologata. Exemplum habemus in *Cognitione legali*, quæ etiam de jure canonico facit impedimentum matrimonii. Secundo, si manifesta sit contrarietas inter legem canonicam & civilem in materia adiaphora & indifferenti conscientiam non attingente e. g. in materia testamentorum & contractuum &c. tunc quodlibet Jus in suo foro est observandum, canonicum in foro canonico & in terris

Regula pro concordandis Juribus. Omnis correctio odiosa.

Quid si lex canonica collidatur cum canonica ?

Quid si canonica cum civili ?

*In materia
conscientiæ
& peccati
prævalet
Jus Cano-
nicum.*

Pontificiis; civile in foro civili. Hinc subditi in terris Pontificiis existentes, item etiam Clerici, ubicunque extra territorium Pontificis existant, non obligantur ad solemnitates a Jure civili præscriptas, si modo observent ea, quæ in cap. 10. de Testam. præscribuntur. Tertio, in materia conscientiæ & peccati prævalere debet Jus canonicum ex naturali dictamine rationis, & Jure divino: cum utique peccata, & peccandi pericula evitare teneamur, & præceptum divinum habeamus, quo Ecclesiam, illiusque Rectores audire jubemur (t). Hinc in materia præscriptionum quoad bonam vel malam fidem, in materia usurarum, simoniæ insistendum erit Juri canonico. Quarto, in materia spirituali, & maxime Sacramentorum Jus canonicum præponderat Juri civili: idcirco quoad in matrimonium Filiorumfamilias sine consensu parentum inita præponderat Jus canonicum. Addunt aliqui quinto, quod leges civiles, quæ de personis, rebus, & juribus ecclesiasticis aliqua in favorem disponunt, ex defectu Jurisdictionis non tam vim legis habeant, quam privilegii, si vero sint odiosæ, omni prorsus vi obligandi destituantur, utpote præjudiciosæ libertatibus, juribus, & immunitatibus ecclesiasticis (u). Quoniam vero hæc materia est valde odiosa, & pertinet ad materiam de immunitatibus ecclesiasticis, ulteriori explicatione supersedendum esse existimavimus. Videatur Clarissimus P. Engl. (x).

§. VI.

*Usus Jur.
ecclæs. am-
plissimus.
Rectus illius
usus.*

*Abusus in
tribus potis-
simum con-
sistit.*

Usus Juris ecclesiastici esse amplissimum, & quotidianum in omnibus tribunalibus ecclesiasticis, & civilibus, apud catholicos & acatholicos, ex iis patet, quæ supra de autoritate illius diximus. Quare non tam de usu, quam recto illius usu quædam dicere constituimus. Quod enim alias non raro fieri consuevit, ut in rebus optimis abusum faciamus, id ipsum in usu Juris canonici contingere experientia scimus. Abusus autem iste in tribus potissimum consistit, quorum primum est, quod principiis & canonibus Juris communis utamur cum præjudicio jurium particularium, pactorum, privilegiorum; alterum vero, quod antiquorum glossatorum inveteratis opinionibus nimium fidamus, Jurisconsultorum exterorum principia, sententias, & interpretationes, qui studio partium agitati pro suis ferme unice juribus & prærogativis ze-
lare

(t) Qui vos audit, me audit, Luc. 10. v. 16.

(u) E. g. leges tributorum, vectigalium &c.

(x) In Proœmio de Jur. Can. Orig.

lare consueverunt, incaute adoptemus, & mutuemus; tertium denique, quod non nunquam principia Juris nostri inepte applicemus, iisque utamur contra illos, a quibus non admittuntur. Quapropter tria *Triapotissimum in applicatione & usu Jur. eccl. atten-*
 potissimum in applicatione & usu Jur. eccl. attendenda: nempe ad jura particularia, & ad auctores respiciendum, cujus sint religionis, nationis; cuius sint religionis & Nationis.
 Primo quidem ante omnia videndum, an non leges aut consuetudines particulares, pacta, foedera aut privilegia juri communi obstant. Hinc inepte facturus foret ille, qui canones in materia beneficiorum disponentes, aut regulas Cancellariæ universaliter ad usum Germaniæ nostræ applicare vellet. Secundo, omnino ad ipsos auctores respiciendum, cuius sint religionis, nationis; cuius sint religionis & Nationis.
 Nam facile in his deprehendemus quoddam partium studium, atque zelum non raro exorbitantem pro vindicandis, conservandis, ampliandisque jurbus suæ religionis, & Reipublicæ: sic Galli mirum in modum zelant pro suis libertatibus, Romanenses pro autoritate Pontificis, Germani pro suis Concordatis. Idcirco saluberrime monent Doctores, ne nimium fidamus interpretibus canonum Italici, aut Decisionibus Rotæ, maxime quando agitur de jurbus Episcoporum contra Pontifices, aut de causis beneficiorum, quippe qui canones communius magis in favorem Pontificis, quam Episcoporum interpretari consueverunt. Hinc ulterius, & optime quidem tradit Illustris Bartholæus (y), quod iteratæ decisiones Rotæ in causis beneficiorum, aliisque materiam Concordatorum concernentibus in Germania nullo modo faciant stylum Curiae. Et sane undenam venire existimamus, quod quædam regulæ Cancellariæ apud nos invaluerint etiam cum præjudicio jurbum antiquorum, nisi quod glossatores, & interpretes illarum usum in tribunalia ecclesiastica invexerint? Tertio animadvertendum *Item cum quibus agendum, sedulo attendatur.*
 est, cum quo vel quibus nobis agendum sit, ne adversarios nostros armis prorsus ineptis inpetamus: quilibet ex principiis propriis a se admittis impugnandus est. Quapropter ineptissime prorsus facturus esset ille, qui varia Ecclesiæ suæ dogmata aut jura ex jure ecclesiastico contra Protestantes defendere vellet: etsi enim hi Jus ecclesiasticum plurimi æstiment in materiis adiaphoris, nihilominus illud respuunt in iis, quæ suæ religionis principiis contrariantur. Atque in hac re plurimos enormiter hallucinari, experientia compertum habemus. Hæc neutiquam eum in finem dicta volumus, ut authoritati, & usui Juris communis detrahamus, sed ut abusum restringamus, & usum illius sobrium facere discamus.

CAPUT II

De Studio Jurisprudentiæ Ecclesiasticæ quoad methodum docendi.

§. I. *Quæ sit genuina Jurisprudentia Ecclesiastica?* II. *De studio Juridico in genere seu methodo recte & utiliter docendi.* III. *De officiis muneris docendi annexis.* IV. *De methodo docendi secundum certum ordinem.* V. *De methodo & ordine tum in materiis seligendis, tum VI. pertrañdendis, tum VII. explicandis observando.*

§. I.

Jurisprudentia Ecclesiastica est scientia amplissima.

Connexa ferme cum omnibus disciplinis, artibus & scientiis.

Sumitur dupliciter, vel systematice, vel habitualiter.

Antequam de studio Juris ecclesiastici agemus, quid, & quæ sit genuina Jurisprudentia ecclesiastica, videamus. Dum Jurisprudentiam ecclesiasticam nominamus, scientiam prorsus amplissimam nominamus, quæ per omnes cæteras scientias vagatur, plures disciplinas veluti quædam præcognita supponit, plures in suum vocat subsidium, singulas ferme in suum usum cumque prorsus singularem convertit. Etli enim disciplinæ omnes amicis quibusdam sint colligatæ vinculis, nulla tamen majorem ac intimiorem nexum cum cæteris omnibus habere videtur, ac Jurisprudentia. Hæc enim illa est scientia, quæ supponit principia Philosophiæ & rationalis, & moralis, Jurisprudentiæ naturalis, ac ipsius Theologiæ (z), nec non historiæ potissimum ecclesiasticæ; suppetias mutuatur a disciplinis humanioribus, Philosophicis, Theologicis, aliisque ad has quomodolibet pertinentibus, nec non, & quidem principaliter a cæteris Jurisprudentiæ speciebus, quocunque nomine illas appellare libuerit, prout in sequentibus fusius non nihil docebimus. Age, & quænam sit Jurisprudentia ecclesiastica genuina, sincera, ac vera, videamus. Jurisprudentia sumitur dupliciter, vel *systematice*, vel *habitualiter*. *Systematice* sumpta est quoddam systema, quod nobis juxta præcepta artis methodice & scite exhibet leges divinas & ecclesiasticas ex scripturis, traditionibus, doctrinis Patrum, canonibus Conciliorum, decretis Pontificum, ut inde acquiramus veram Juris notitiam in ordine ad regendam Ecclesiam, informandos mores, & salutem animarum procurandam: *Habitualiter* considerata est scientia

(z) Vid. dicta Tom. I. Quæst. I. cap. I. de Jur. Can. in genere.

tia ac prudentia leges divinas & ecclesiasticas recte interpretandi, eas scite applicandi, & juxta eas actiones fidelium dirigendi, de causis judicandi, ut inde salus Reipublicæ ecclesiasticæ ac salus animarum eveniat. Paucis multa complexi sumus, ex quibus sequitur hallucinari illos, qui se veram Jurisprudentiam docere existimant, si operam suam locent unice in exponendis decretis Pontificum in jure Pontificio contentis. Altius eluctandum est: ad ipsos fontes recurrendum, canones ex Script. & Traditione sunt enucleandi, in auxilium necessarium Historia ecclesiastica est vocanda, & ex hac demonstrandum, qua occasione, ex qua causa hic vel ille canon constitutus fuerit: aliæ disciplinæ in subsidium assumendæ, maxime Philosophicæ, quæ nos docent artem recte cogitandi, judicandi, concludendi, quatenus his mediantibus de intentione Legislatoris, de spiritu legis rectum ferre judicium, ipsas leges scite & juxta regulas prudentiæ applicare, atque in salutem Reipublicæ catholicæ interpretari doceamur. Atque ut de genuino Jurisprudentiæ ecclesiasticæ conceptu clarius & evidentius constet, duplicem distinguere oportet Prudentiam, nempe *Juridicam*, ac *Politica*, quarum prima respicit *Justitiam*, altera *Utilitatem*: illa docet, qua arte actiones nostræ secundum leges justæ interpretatione ad facta emergentia sint applicandæ; hæc, quomodo actiones justæ salvis legibus *Justitiæ* in utilitatem Reipublicæ sint dirigendæ. *Prudentia Juris* prior esse debet: *Politica* priorem supponit, quia in omnibus actionibus instituendis primum respiciendum est, an illa actio sit *justa*; & postea demum, an sit *utilis* (a). Utramque conjungere oportet, & una sine altera neutiquam Jurisconsultum facit: Alterutra si desit, *Prudentia Juris* erit inutilis: *Politica* vero degenerabit in Pseudopoliticam (b). Hæc ex sequentibus sient clariora.

Qua arte sit docenda genuina Jurisprudentia ecclesiastica?

Duplex Prudentia, una Juridica, altera Politica, & utraque necessaria.

§. II.

Nomine studii Juridici intelligimus ipsam *Methodum recte & utiliter docendi & discendi Jurisprudentiam*. Ex hoc colligitur, hanc *Methodum* *Quid nomine studii Juridici veniat?*

- (a) Prudentiam tam *Politica*m, quam *Juris* dividunt Authores in duo membra: sic aliam dicunt *Politica*m *Architectonicam*, quæ versatur circa Rempublicam reformandam, & legibus utiliter instruendam; & *consultativam*, quæ docet Rempublicam jam formatam, & legibus instructam *utiliter* administrare.
- (b) Ita quoque Prudentia Juris alia est *legislatoria*, quæ occupata est circa leges secundum *Justitiam* ferendas, vel etiam circa leges jam latas vel receptas secun-

Methodus duplex, vel ex parte docentium, vel discipulorum.

dum se tenere vel ex parte *docentium*, vel *discipulorum*. Hic unice quærimus de studio Juridico seu Methodo studendi ex parte *docentium*, infra Cap. VIII. acturi de Methodo ex parte *discipulorum*. Est autem docere in genere ex mente Perillustr. de Ickstat (c), *rerum alteri incognitarum notiones distinctas verbis viva voce prolatis ejus animo ingenerare*. Et quia Juris scientia est *habitus leges & jura ex innotis principiis demonstrandi* (d), consequitur, docere Jurisprudentiam esse *legum & jurium notiones distinctas discipulis animis verbis viva voce prolatis communicare, earumque legitimum usum demonstrare*. Discere vero Jurisprudentiam ex mente citati Authoris est *legum in vita olim applicandarum, atque Jurium cuique competentium notiones distinctas in animo suo efformare*.

§. III.

Ex parte docentium consideranda qualitates, officia, & methodus.

Quæ ad munus docendi pertineant secundum Methodum Wolfianam?

Quoniam vero hic unice de *Methodo docendi* dicere constituimus, tria ex parte docentium veniunt consideranda, nempe *qualitates*, quibus Magistrum instructum esse oportet; *Officia* muneris docendi annexa; & ipsa *docendi methodus*. De *qualitatibus* non est, quod dicamus: Officia vero docentium ex mente Perillustr. de Senckenberg (e) in eo consistunt, ut doceat *subtiliter, perspicue, & utiliter*. Hæc officia fusius secundum methodum Wolfianam prosequitur citatus Illustis de Ickstat, atque sequentia potissimum ad munus docentis pertinere ostendit: Primo ut asserat *legum & terminorum easdem ingredientium notiones distinctas*. Secundo ut in numerum principiorum demonstrandi non assumat nisi *definitiones exactas*, experientias indubitatas. Tercio ut adhibeat etiam postulata ac lemmata, ex quibus dein sic connexis putat citatus Author sequi demonstrationem legis, atque veritatem unius legis per alias erui. Atque hic complexus legum inter se, & cum principiis suis connexarum juxta citatum Authorem *Systema Juris* audit.

Quid sit Methodus?

Quoniam vero hæc sapiunt methodum Wolfianam, quam plures gravissimi Doctores in materiis Theologicis ac Juridicis parum utilem, nimis subtilem, ac confusam esse existimant, nos aliam Methodi docendi notionem dabimus: Nomine ergo Methodi nos intelligimus illam normam, & ordinem, quem sibi docentes in scribendo, docendo, tradendo

secundum æquitatem emendandas; alia *Judiciaria*, quæ docet *leges latas* juxta interpretationem ad facta obvenientia applicare.

(c) Opusc. 1. de Stud. Jur. cap. 4. §. 1.

(d) Loc. cit. §. 2.

(e) In Meth. doc. Jurisp. §. 46.

tradendoque Jure canonico præscribunt : & hoc in duplici sensu, quatenus vel certum ordinem in materiis tractandis ; vel certas materias tractandas discutiendasque secundum certum ordinem assumunt.

§. IV.

Quantum ad Methodum docendi Jurisprudentiam secundum certum ordinem, illa varia est : alii enim ordine Decretalium ; alii ordine Institutionum ; alii methodo arbitraria Jus ecclesiasticum tractarunt. Hactenus plerique ordine Decretalium tum in conscribendis suis commentariis, tum in scholis processerunt. Sed nec desunt, qui ordinem Institutionum ad normam Lancelloti observarunt, uti Joannes Corvinus, Caspar Ziegler &c. Non pauci ex hodiernis sibi ipsis pro suo arbitrio ordinem & methodum tractandi materias, quæ sibi optima videbatur, selegerunt, quos inter ex nostris sunt Magnif. P. Schmier, Van-Espen, Claudius Fleury ; ex A Catholicis Carpozovius, Gilbertus Voetius, Schilterus &c. Atque hanc methodum arbitrariam plures existimant esse optimam, dummodo sit facilis, & bene coherens cum Jure ecclesiastico. Utrum id a parte rei sit verum, dicere non auserim. *In Decretalibus non est ordo accuratus.* Id nobis certum est, & omnibus certum esse debet, quod in libris Decretalium non adeo accuratus sit ordo, nulla materiarum coherencia sed potius hinc inde mira rerum confusio, ac ipsa materiarum multitudo discipulis studium Jurisprudentiæ ecclesiasticæ assumentibus horrore ac terrori esse debeat. Sane optandum esset, ut Juris ecclesiastici studiosi per viam breviorē & faciliorem quibusdam veluti Institutionibus ad instar Institutionum Juris civilis compositis ad vastissimam Jurisprudentiam ecclesiasticam in Decretalibus contentam manuducerentur. Quapropter semper hactenus maximi habuimus tum ipsas Lancelloti Institutiones, tum Scriptores, qui in illas sua fecerunt commentaria, aut saltem illarum ordinem sunt secuti. Quoad illos, qui *Utrum ordo arbitrarius assumptus sit optimus, jure dubitatur.* fortassis sibi optime consulant : utrum vero etiam aliis optime sit prospectum, postquam jam certa methodus procedendi civitate donata est, nempe secundum ordinem Decretalium, haud facile definiveris : quantum enim non sentient difficultatem alii, qui methodo ordinariæ sunt assueti, si tales libros consulant, & in certas materias investigent ? Præterea si Jurisprudentiam systematicè sumamus, alii *Compendia* ; alii *Systemata* Jurisprudentiæ ecclesiasticæ scripserunt, quorum integrum catalogum sibiit Joan. Ernest. Floerckius (f).

(f) Prænot. Jurisp. Ecclef. §. 3r.

Juris Ecclef. Tom. II.

E e e

§. V.

§. V.

Ordo & methodus in seligendis materiis.

Materia Juri ecclesiastico propria sunt seligendæ.

Magis utiles.

Longe majoris difficultatis res est seligere certum ordinem, normam, & methodum in ipsis materiis tum seligendis, tum explicandis. Methodus hæc consistit tum in variarum magis utilium, ac nobiliorum selectione; tum in ordine illas tractandi. Quantum ad selectionem variarum, oportet seligere materias Juri ecclesiastico proprias, magis utiles, ac nobiliores. Dixi proprias: Quapropter eliminandæ sunt imprimis materiæ alienæ. quæ per se & primario ad Jurisprudentiam canonicam non pertinent. Unde in regulas bonæ artis delinquere mihi videntur illi Doctores, qui Jus civile cum Jure canonico ita commiscunt, ut dubium relinquunt, magisne exornandæ Jurisprudentiæ civili, an canonicæ insudaverint. Equidem ipse Compilator Decretalium complures hinc inde immiscuit materias civiles: has tamen sobrie excutere oportet, in quantum id rei necessitas exigit, ne utilioribus via præscindatur. Dein habenda omnino est ratio Jurium particularium, quæ cuius Regno sunt propria. Idcirco perperam facturus foret Magister Jurisprudentiæ ecclesiasticæ in Germania, si vel nullam, vel exiguam prorsus haberet rationem Jurium particularium Germaniæ e. g. Concordatorum, Pacis Religiosæ, & Westphalicæ. Et quia Germania nostra in duas abit partes, nempe in Corpus Catholicorum, & Protestantium, utriusque jura separata, ut communia, cum Jure communi explicanda erunt.

Dixi magis utiles. Quænam autem sint tales, a prudenti Doctoris arbitrio dependet. Ante omnia habenda est ratio ipsorum *discentium*, atque ab horum conditione, statu, qualitatibus major vel minor utilitas variarum mensuranda. Quis ergo non juste indignaretur Jurium Magistro, qui, dum Auditores habet tantum sæculares, neglectis aliis utilioribus ad conditionem Status pertinentibus materiis se mirum in modum vellet diffundere in explicatione earum rerum, quarum notitia ad solos Clericos seu regulares, seu sæculares pertinet (g), quin hæc scire vel necessarium, vel utile sit laico; aut contra Clericis regularibus ad vitam contemplativam, vel sæcularibus ad curam animarum deputatis quamplurima ex Jure ecclesiastico publico ad Imperantes & statum ecclesiarum publicum spectantia explicare contenderet (h)?

Inter

(g) E. g. de vita & honestate Clericorum, de Ordinibus, de votis substantiabilibus Religiosorum, aliisque eorum obligationibus.

(h) E. g. de electione Episcoporum, de juribus Capitulorum &c.

Inter *materias magis utiles* omnino recensemus prima, eaque genuina & solida principia juris canonici, quæ communius a Doctoribus in Prolegomenis juris explicari solent: ab his enim veluti a fundamento dependet tota jurisprudentiæ ecclesiasticæ structura, quod nisi fuerit solidum, facile totum ædificium erit ruinosum, & suæ ruinæ proximum. Res sane indigna, quod hæc Prolegomena a plerisque Doctoribus neglectum habeantur, & jejune nimis tractentur, dum plerique contenti sunt, si in suis Prolegomenis pauca quædam de definitione, divisione, objecto & fine jurisprudentiæ tradant, & collectiones in Corpore juris clausas simpliciter recenseant; interea autem fontes originarios, historiam juris, collectiones antiquiores, subsidia necessaria vel saltem utilia negligunt, prætereunt, & ne quidem attingunt, multo minus viam ad sublimiorem jurisprudentiam ostendunt, aut methodum studendi tradunt. Sane operæ pretium foret, ut pertractandis Prolegomenis notabilissima anni pars, aut integer omnino annus consecraretur.

Quæ magis utiles?

Prolegomena præprimis explicanda.

Inde venit, quod non pauci nostrorum Doctorum a Doctoribus Protestantibus contemptui habeantur: eo quod ex solidis principiis sua jura non explicant. Aliud profecto est *Jus Pontificium*, & aliud *canonicum* seu vere *ecclesiasticum*: Jus mere pontificium a plerisque explicatur: Jus *canonicum* passim negligitur. Quænam autem sint hæc fundamenta, mox, ubi de ordine pertractandarum materiarum acturi sumus, exponemus.

Aliud jus Pontificium, & aliud ecclesiasticum.

Inter materias summe utiles & necessarias primum locum meretur *Systema religionis & ecclesiæ*: cum enim longe alia principia religionis, & diversum prorsus Ecclesiæ systema habeant Catholici, & Protestantes, hæc sane præprimis dilucidanda erunt: secus per integrum decursum jurisprudentiæ hallucinabimur, jurisprudentiam nostram, ecclesiam, & religionem irrisionibus, & contemptui acatholicorum exponemus, & sæpe sæpius in hostem non visum, aut omnino in rerum natura non existentem Andabatarum more irruemus. Utinam hæc non quotidiana nos experientia doceret! Quapropter Magistrum juris omnino oportet esse peritum etiam in lege divina, & principiis religionis & theologicis: sedulum esse oportet in legendis libris Sectariorum, eorum principiis perscrutandis, ruminandisque, ne falsa pro veris, aut vera pro falsis adoptet, aut venditet, quæ data occasione sine ullo conscientiæ scrupulo caute tamen, & circumspecte proponere licebit: sed icalicebit, ut simul falsitatem eorum demonstret, & argumentis fortioribus

Systema religionis, & ecclesiæ præprimis explicandum.

In quibus Magistrum juris oportet esse peritum.

terioribus convellat. De hoc systemate nos plura alibi scripsimus (i).

*Quæ sint
materiæ nobiliores?*

*Nobilitas
desumitur
etiam ab
eruditione.*

*Datur eru-
ditio vana
& inanis.*

*Historia cum
studio Ju-
rispruden-
tiæ conjun-
genda.*

Dixi *Nobiliores*: desumitur autem *nobilitas materiæ* non ab utilitate duntaxat, sed etiam ab ipsa *eruditione*, ut adeo illæ nobis videantur materiæ nobiliores, quæ ad comparandam eruditionem singulariter facere videntur: ea enim nunc vivimus tempora, quibus plerique sublimiora cogitantes, illi præcipue, quibus stimulus honoris & gloriæ inest, nequitiam sunt contenti, si ea tantum sciant, quæ sui sunt muneris, & officii, & ad ipsos singulariter pertinere dignoscuntur, verum etiam vere *eruditi* esse, aut saltem videri, & inter eruditos locum non ultimum possidere contendunt. Quapropter in omni arte ac scientia esse volunt Magistri: quamquam cæteroquin negari nequeat, multum sæpe numero levitatis & vanitatis inesse hujusmodi eruditibus, aut videri volentibus, quippe qui de singulis artibus, & scientiis egregie, si Superis placet, aliqua saltem discurrere noverunt; in fundamento autem vel parum, vel nihil sciunt: & dum se in plures disciplinas addiscendas diffundunt, nullam in statu perfecto possident, eo grandiores sibi visi, quo plura sine ordine, sine solido fundamento effundere, & de rebus omnibus, ac quibusdam aliis discurrere possunt. Huic rei consulemus, si historiam non modo ecclesiasticam, sed etiam profanam, ac literariam cum Jurisprudentia felici connubio jungamus, & præcipue origines Jurium ecclesiasticorum solícite indagemus: hanc enim esse animam omnis eruditionis nemo sanus negaverit. Quoniam vero de Historia ecclesiastica infra acturi sumus, plura hic addere non vacat.

§. VI.

*Jus eccle-
siasticum ve-
re tale ex-
plicandum.*

Quantum ad *Ordinem* materiæ tum pertractandarum, tum explicandarum, in id præcipue attendendum erit, ut *Jus ecclesiasticum* genuinum, sincerum, verum, & proprie tale & quidem tam publicum, quam privatum universale, & particulare explicemus (k). Jam supra monuimus, quod Scriptores & Doctores Juris ecclesiastici vel secundum *methodum* & *ordinem* *Decretalium*, vel *methodo naturali* & *arbitraria* procedere soleant. Varii Scriptores varia excogitarunt *systemata*, secundum quæ explicandum foret *Jus ecclesiasticum* (l). Quidquid sit de opinio-

(i) In Dissert. de Statu Ecclesiæ.

(k) Vid. Quæst. de Jure Canon. in genere.

(l) Inter Catholicos sunt Doivat, Perillust. D. de Ickstat, Mabillonius; inter

opinione talium Virorum, secundum nostram opinionem *Ordo pertractandarum materiarum* hic sit: Incipiendum a Prolegomenis Juris ecclesiastici, atque in his præprimis natura, definitio, divisio, objectum, ac finis Juris ecclesiastici explanari debet. Postea explicandum est *Systēma Ecclesiæ Catholicæ* prout distinctæ a Systēmate noviter a præteritis Reformatoribus proculso. Tunc procedendum ad prima fundamenta, seu fontes originarios Juris. Ab his desectendum ad historiam Juris ecclesiastici, & collectiones illius antiquas, novas, & novissimas tam universales, quam etiam particulares nostræ Germaniæ. His explanatis autoritas & usus Juris ecclesiastici exponi debet, ac demum methodus tradenda, secundum quam Juri ecclesiastico est studendum, ubi vel maxime se offert occasio agendi de illius præcognitis, & subsidiis, ac variis disciplinis, quarum notitia vel singulariter utilis, aut omnino ad comparandam sibi veram Jurisprudentiam necessaria esse videtur.

His ita peractis interest, an quis *ordinem Decretalium* sequi, an *methodum naturalem & arbitrariam* seligere velit: si primum: filum porrigit ipsum *Corpus Juris canonici*. Si alterum: tunc Magistro attendendum erit, ut materias invicem nexum mutuum habentes conjungat. e.g. si agat de *Personis ecclesiasticis*, tunc per omnes gradus *Hierarchiæ ecclesiasticæ* percurrendum erit, & agendum de Pontifice, Conciliis, Episcopis &c. de modis acquirendi Prælaturas, de Juribus, prærogativis illorum &c. si de *Rebus*: ad hanc classē reducendum erit, quidquid nomine *Rei* etiam in sensu latissimo venit e.g. decimæ, census & exactiones, Sacramenta, ritus & ceremoniæ, Ecclesiæ, Monasteria, Capellæ, Sepulturæ, peculium Clericorum &c. itaque quæcunque ex his utilior cuivis visa fuerit methodus docendi, illam seligat, & amplectatur, & nos non habebit sibi contrarios.

§. VII.

Quantum ad *Methodum materiarum explicandarum*, iterum dico, explicandum esse *Jus ecclesiasticum* genuinum, non mere Pontificium, sed *Canonice*: si ergo quæras, quodnam ergo sit *Jus ecclesiasticum genuinum*? in promptu responsio est: & dico esse illud, quod est conflatum ex Jure naturali, Divino, Pontificio, Historico, & Germanico. In id igitur incumbendum est Magistro Jurisprudentiæ, ut primitus, quæcunque sese offert occasio, præcipue in Jus naturæ inquiret; & jure naturali, divino, Pontificio,

Eee 3

Protestantes Perill. de Senkenberg, Heumannus, Joan. Ernestus Floeckius &c.

Historico, & quid ex Jure naturali in hac vel illa quæstione obtineat, circumspicere doceat: postea in Jus divinum facienda Inquisitio. Tunc origo hujus vel illius Juris, illius mutatio, alteratio, vicissitudo ex Historiis erit illustranda. His excussis inquirendum, quid Jure pontificio communi; ac demum quid Jure speciali Germanico, vel consuetudine & praxi obtineat. Profecto primum Juris ecclesiastici fundamentum, ac præcognitum fundamentale illius esse Jus naturale mox infra dicemus. Historiam vero præcipue ecclesiasticam esse animam Juris ecclesiastici quis sanus dubitaverit? Et quare nos Germani jura nostra particularia vilipendamus, negligamus, & contemptim habeamus cum gravissimo nostro præjudicio ac dispendio privilegiorum, prærogativarum sane præstantissimarum; & talium quidem, quibus nullæ aliæ Nationes quibuscunque prærogativis insignes gaudere noscuntur (m)? cum sciamus, quod nationes aliæ pro suis Juribus quasi pro aris & focis dimicare consueverint (n). Aut qua arte obviabimus Protestantibus per Germaniam vi Pacis Westphalicæ toleratis, quibuscum non raro nobis agendum in puncto Religionis, Ecclesiæ, ac Jurium ecclesiasticorum, nisi sciamus, quid ex Jure nostro particulari obtineat? Rem itaque pretio inæstimabilem ille facturus foret, qui Jus aliquod ecclesiasticum, nempe Historicum, Pontificium & Germanicum compilaret.

*Jus Eccle-
astico-Ger-
manicum
summo pre
commenda-
tur.*

*Authores
pro Jure
ecclesiastico
explicando.*

Pro *Historia* deservire posset Ludov. Thomassinus, Petrus de Marca, Fleuryus, Van-Espen, Binghamus; pro *Jure Pontificio* adornando Fagnanus, Gonzalez &c. pro *Germanico* Boehmerus, Kahle, Barthelius &c. Atque hæc nostra usque nunc docendi fuit methodus, ex qua haud parum utilitatis in nostros Auditores redundasse existimamus.

*Alia admi-
nicula.*

Et quoniam omne Jus redigendum in praxin, plurimum tum pro theoria, tum pro praxi conferent conferentiæ Eruditorum, & collegia exercitatoria, de quibus videantur Authores, qui ex professo de hac re scribunt. Hæc salvo aliorum judicio scripta sunt.

(m) Jus liberum eligendi Episcopos &c.

(n) Quid non agunt Galli pro suis libertatibus Gallicanis?

De Præcognitis & Subfidiis Jurisprudentiæ ecclesiasticæ ſpecialiter de literis ſeu ſcientiis humanioribus.

§. I. De Præcognitiis. II. De Subsidiis Jurisprudentiæ ecclesiasticæ. III. De literis humanioribus, earumque necessitate in genere. IV. De Grammatica, & prima illius parte, ad quam pertinet tum studium linguarum. V. Tum ars emendate loquendi & scribendi. VI. De secunda illius parte, ad quam spectat tum ars ornate congruenterque dicendi, quam Rhetoricam appellamus, tum VII. Poetica.

§. I.

Jam ad ipsam rem. Itaque ad Jurisprudentiam addicendam varia requiruntur, quorum aliqua nobis dicuntur *Præcognita*; & alia *Subsidia*: Nomine *Præcognitorum* intelligimus prima Jurisprudentiæ fundamenta, easque omnes artes, & scientias, quæ ad Jurisprudentiam sive remote sive proxime sunt necessariae. Sunt autem potissimum sequentia, quæ hic & nunc in compendio referemus. Nempe ad præcognita pertinent *Literæ*, ut vocantur *humaniores*, *Philosophia* secundum totum suum ambitum considerata (o), *Jurisprudentia publica universalis*, saltem in quantum continet *principia prima Juris naturalis & civilis* in eodem sensu. His ita suppositis transeundum est ad ipsam Jurisprudentiam ecclesiasticam, & quidem inchoandum illius studium a *proximioribus Præcognitis*, ad quæ pertinent ea ferme omnia, de quibus agitur in prolegomenis, præcipue vero notitia Scripturæ, Traditionum, Conciliorum, Collectionum; & historia tum literaria ipsius Jurisprudentiæ, tum ecclesiastica saltem aliqua, licet non perfecta, quam successu temporis expolire necessum erit. Sine his certe nemo unquam in Virum perfectum evadet, aut ad culmen Jurisprudentiæ consummata pertinet.

§. II.

- (o) Triplicem Erudit. Senckenberg Philosophiam statuit, nempe *Instrumentalem*, quæ est *Logica & Metaphysica*; *Theoreticam*, quæ est *Physica cum Mathesi*; *Præcticam*, quæ est *Ethica*; imo etiam *politicam privatam*, seu *Oeconomicam*.

§. II.

*Aliud sunt
Præcogni-
ta, & aliud
Subsidia.*

Etſi Doctores quamplurimi inter *Præcognita*, & *Subſidia* Jurisprudentiæ diſtinguere non ſoleant, placuit tamen accuratioris methodi cauſa ambo ab invicem in eo diſtinguere: quod *Præcognita* ad Jurisprudentiam addiſcendam ad inſtar regularum primarum, ac legum fundamentalium; *Subſidia* vero ad eam facilius ſibi comparandam, excolendam, conſummendamque pertinere videantur. Quapropter nomine *Subſidorum* veniunt omnes illæ diſciplinæ, artes, ac ſcientiæ, quæ, ſicut mox dictum, Jurisprudentiæ comparandæ, expoliendæ, magis magisque excolendæ deſerviunt. Hujuscemodi *Subſidia* ſunt prorſus innumera. Huc inprimis pertinent Juris *Præcognita*, dummodo *neceſſaria* ab *utilibus*, & *utilia* a *neceſſariis* diſtinguamus. Quis enim negare auferit, *humaniorum literarum* notitiam aliquam ſaltem ad comparandam Jurisprudentiam eſſe neceſſariam? quis in dubium vocare auferit, neminem unquam in Jurisconſultum evaſurum, niſi prima ſaltem principia *Philosophiæ* tam *rationalis*, quam *moralis* antea hauſerit? At vero ſi has diſciplinās ſecundum omnem ſuum ambitum ac latitudinem ſpectemus, neminem ego futurum exiſtimo, qui affirmare contenderit, eas inter *Præcognita* Juris eſſe reponendas, atque ad comparandam Jurisprudentiam abſolute neceſſarias. Quotusquisque enim eſt, qui hunc artium & ſcientiarum apparatus ſecum ad Jurisprudentiam addiſcendam aſſert, aut illo ſe eſſe perfecte inſtructum dicere auſit, poſtquam curſum Jurisprudentiæ conſummavit, jamque honorificum inter Jurisconſultos locum polſidere exiſtimat? Jam quæ hæc ſint *Subſidia*, videamus.

*Omnes di-
ſciplinæ ar-
tes & ſci-
entiæ Juris-
prudentiæ ſe-
runt.*

Longiori diſquiſitione ſuperſedere poſſumus, ſi paucis dicamus, omnes prorſus diſciplinās, artes & ſcientiās Jurisprudentiæ comparandæ, expoliendæque ſuppētias ferre, ac mutua auxilia. Appellamus ad Virum celeberrimum Joannem Heumannum Profeſſorem Juris in Academia Altorſina, qui in ſuo apparatu Jurisprudentiæ ſerme omnes artes & ſcientiās inter *Subſidia* Juris recenſet (p) literas humaniores, Grammaticam, Poeticam, Rhetoricam, linguarum Germanicæ, Latinæ, Græcæ, Occidentalium & Orientalium peritiā, Philoſophiam triplicem, Hiſtoriam ſecundum ſuam totam latitudinem ſumptam, nempe Eccleſiaſticam, Litérariam, Proſanam, Romanam, Germanicam, ac aliarum Gentium, Chronologicam, Genealogicam, Heraldicam, Geographicam, Diplomaticam, Sphragiſticam, Criticam & Hermeneu-

(p) Appar. Jurisprud. Anno 1752. editus

Hermeneuticam, Politicam, Statisticam, Oeconomicam, Theologicam, ac Decorum etiam, ac denique Jus omne Naturale, Gentium, Romanum, Germanicum, Criminale, Publicum Imperii R. G. Feudale &c. Hæc qui legerit, quis non de Jurisprudentia perfecta unquam consequenda desperaverit? Quotusquisque enim est, qui hisce omnibus disciplinis sibi comparandis par est, aut esse potest? majora hæc sunt, quam ut a mortalium quocunque obtineri possint. Verum licebit transigere: non eo hæc dicta velim, quasi sine his omnibus nemo ad Jurisprudentiam in suo sensu perfectam eluctari valeat: nam inter perfectam, ac perfectissimam Jurisprudentiam distinguendum est: illam priorem quamplurimi assecuti sunt, quin ingenti illo disciplinarum apparatu fuerint instructi: hanc posteriorem nemo unquam mortalium, et si omnes ingenii sui vires ac nervos ad comparandam eruditionem intenderit, consequi poterit. Itaque eo hæc dicta volo, ut hujuscemodi pulcherrimis disciplinis, artibus, ac scientiis comparandis sedulam impendamus operam, earumque notitiam talem nobis comparemus, qualem ingenii nostri viribus ac labore improbo assequi possumus. Id autem facile assequemur, si jam in primis juventutis annis non modo in literis humanioribus, sed variis aliis disciplinis, quarum capacissimi sunt juvenes, præcipue in variis linguis, Historia, Geographia, Genealogia, Heraldica &c. instruantur. Liceat jam ex his quædam ad scopum nostrum applicare: nam fusiori disquisitione in has omnes disciplinas excurrere temporum angustia, quibus undique circumscripti sumus, prohibent.

Id intelligendum, si de Jurisprudentia ex omni parte perfecta sit sermo.

In prima juventute variis disciplinis incumbendum.

§. III.

Ordiamur a literis humanioribus, quas hodie etiam passim elegantiores vocant (q): eo quod disciplinis primariis lucem, decus, & gratiam concilient singularem. Quenam autem artes ad literas humaniores pertineant, nondum inter DD. convenit: alii angustiores; alii latiore humanitatis ideam formant. Multis sane literæ humaniores Linguae Latinae, Græcæ, Eloquentiæ, Criticæ, Antiquitatum & Historiarum notitia contineri videntur: Alii addunt Philosophiam; quidam artes Mathematicas. Præprimis huc referunt Heraldicam, artem Theatricam, & Pictoriam. Nobis unice hic agendum erit de Grammatica, in quantum hæc includit studium linguarum, Rhetoricam & Oratoriam, Poeticam,

Quænam artes ad literas humaniores pertineant, nondum inter DD. convenit.

(q) Galante Studien, belles lettres passim vosari consueverunt.

Literæ humaniores ad disciplinas severiores omnino sunt necessariae.

Poeticam, & Criticam (r). Siquæ sunt necessaria ad severiores disciplinas omnes addiscendas, illa certe sunt literæ humaniores, sine quibus nemo unquam ad veram eruditionis laudem pervenire potest. Res hæc adeo apud omnes certa est, ut illam in dubium vocare non liceat. Profecto si ullius rei, certe bonarum artium despicientia sui vindex est severissima: castigat enim suos contemptores per omnes cæteras artes, ac scientias (s). Dum exoptatissima ridet occasio, multi, nescio, quibus intemperis abrepti in alia omnia ruunt; admoniti deinde: hic Rhodus, hic salta, erubescunt, temporisque jacturam lamentantur. Hæc, quæ in genere dicta sunt de necessitate humaniorum literarum ad severiores disciplinas, peculiari titulo ad omnem prorsus Jurisprudentiam etiam Canonicam pertinere videntur: cujus rei tot sunt testes, quot scriptores, qui integris disertationibus hoc argumenti genus illustrarunt (t). Jam quæ & quanta sit conjunctio inter Jurisprudentiam etiam ecclesiasticam & literas humaniores videamus.

§. IV.

De prima parte Grammaticæ.

Studium linguarum utile & necessarium.

Lingua sunt diversæ.

Initium ducamus a *Grammatica*, & quidem prima illius parte, ad quam pertinet studium linguarum, ars emendate loquendi, & scribendi. Quantum ad *studium linguarum*, nemo est, qui negare auit, variarum linguarum scientiam hodiernis temporibus esse summe utilem, ac ferme necessariam: cum enim omnes Nationes expoliendis linguis suis summopere studeant, illarumque usum exteris etiam facere necessarium totis viribus contendant, & ex hoc ipso capite libros a se conscriptos in sua propria lingua conscribere soleant, nemo sane negaverit, illarum notitiam saltem ad librorum pretiosissimorum intelligentiam esse summopere necessariam. Sunt autem linguæ diversissimæ, *publica*, quæ in legibus

(r) Perillust. Senckenberg in methodo Jurisprud.

(s) Vid. Math. Pfaffius in Orat. quam de necessitate Grammaticæ ad Jurisprud. habuit, ubi inter alia sic habet: *Es ist fürwahr um die Grammatic ein recht höchst wichtiges Thier, welches seine Verächter auch in den höchsten Schulen pöblichet.*

(t) Huberus de Studiis Jur. cum elegantioribus studiis conjungendis. Jac. Frid. Æscard. Orat. de Artium in Jurisprud. necess. Gerhardus de necessaria Jurisprud. cum Philos. & humaniori literatura conjunct. Ifingk. Orat. de vinculo in literas humanior. & Jurisprud. Cladenius Orat. de ambitu elegantioris Jurisprud. Georg Pertsch. de scientiis a Jure Conf. inprimis Germano addiscendis &c.

legibus ferendis, in judiciis & sacris adhibetur (u); *Aulica*, quæ in aulis Principum dominatur (x); *vulgaris*, quæ omnibus terræ cujusdam vel civitatis incolis nota esse censetur; *vernacula*, quæ alicui genti, vel civitati est propria, prout opponitur linguæ peregrinæ, & adscititiæ; *Authentica*, quæ tanquam vera, ac primaria in certis negotiis consideratur (y); *Docta*, qua eruditi inter se utuntur (z); *Occulta*, quæ fingitur, & non nisi a quibusdam intelligitur (a). Jam non mihi est sermo de linguis exteris *Italica*, *Gallica*, *Anglicana*. Necessitatem linguæ *Italicae* ^{Necessitas linguæ Italicae.} propter arctissimum nexum Regni Germanici, & Italici agnovit Carolus IV. in Aur. Bulla C. 30. in qua filios Electorum linguæ *Italicae* peritos esse voluit. *Linguam Gallicam* quam latissime dominari, illiusque ^{Gallica.} usum nobis necessarium fecisse Gallos, nemo est, qui ignoret. In Germania certe dominatum quemdam obtinuit, ita ut parum absit, quin a quovis pedissequo, vel pedissequa *Gallica* lingua requiratur, & a quam plurimis illius loquela possideatur. *Anglicanam* passim addicere ^{Anglicana.} solent doctiores in ordine ad intelligendos libros, quos Angli in magno numero & pretio orbi literario communicant. Itaque solummodo de linguis, quæ in scholis nostris docentur, pauca dicemus: & sunt tres, *Græca*, *Germanica*, & *Latina*. De linguæ *Græcæ* notitia in ordine ad intelligendum Jus Romanorum quid dicamus? veteres certe Romanos a Græcis suas leges mutuassee nemo est, qui ignoret. Novellas græce fuisse scriptas, aliasque constitutiones Imperatorum Orientis in lingua ^{De lingua Græca.} *Græca* emanasse quis nescit? & nunquid *lingua Græca* Mater *latinae* audit? aut quomodo mores Romanorum sine Græcis intelliguntur? Deinde utique neino adeo temerarius erit, ut negare auferit, linguam ^{De lingua Germanica,} *Germanicam* Jurisconsulto Germano esse apprime necessariam? nunc maxime, ^{quæ est tripostplex, vetus.}

Fff 2

- (u) In Imperio nostro linguæ publicæ sunt *Teutonica* & *latina*, quamquam iisdem non liceat uti promiscue. Nos Catholici in sacris obeundis lingua utimur *latina*.
- (x) Sic olim lingua *Aulica* in aula Cæsaris erat *Italica*; & hodie in multis palatiis *Gallica*.
- (y) Sic sacrae Scripturæ lingua authentica est *Hebraica*, *Chaldaica*, *Hebraica*, & juxta plures *latina*.
- (z) Talis semper fuit *latina*, quæ suo sensu eruditorum est vernacula.
- (a) Hujusmodi linguis utuntur summi Principes, eorum Legati, Belliduces, nisi literæ intercipientur, mysteria occulta manifestentur, & consistunt in certis signis, Cifris &c. ad hæc intelligenda pertinet Crytographia, sive Ste-nographia &c.

nova, novissima.

De illius cultura hodierna.

De lingua Latina, quæ est Principis, & eruditorum vernacula.

Amplissima & necessaria.

Latina emendata & latinitate emendata, puriori, elegantiori, & notitia illius rectum verborum sensum, ac vim penetrante ad rectam interpretationem legum omnino

postquam Sæc. XIII. in negotiis publicis & tribunalibus adhiberi coepit, & jam in Imperio nostro publica evalit (b). Est autem lingua Germanica duplex, una *vetus*, & altera *nova*: quidni dicere liceat, triplex, nempe *novissima*? *vetus* illa, qua antiquiores Germani utebantur, & hæc necessaria est pro intelligendis antiquis legibus, statutis, diplomatibus & pro majore hodiernæ cultu; *nova*, quæ a pluribus jam sæculis obtinuit & fuit usualis in omnibus tribunalibus & negotiis publicis; *novissima*, quam adinvenerunt hodierni Scriptores, qui excolendæ linguæ Germanicæ ex professo suam operam navarunt. Sane huic novissimæ linguæ ingentem inesse vanitatem neminem latere potest: & cur unus alterve Magister linguarum integræ Nationi regulas loquendi, ac scribendi præscribere, & obtrudere ac munere Dictatoris fungi valeat? Et quem latent dissidia, lites, & jurgia inter hos ipsos Dictatores, dum quisvis altero doctior, & sapientior esse, suasque regulas præ aliis valere, ac meliores esse contendit. Interim haud diffitemur, linguam nostram Germanicam jam longe puriorem, ac a sua barbarie esse purgatam: Et quis nobis Germanis indignetur, si excolendæ, perpoliendæque linguæ nostræ operam demus? quid non faciant Itali, & maxime Galli, ut linguam suam reddant puriorem, elegantiorē, illiusque usum per omnes mundi plagas faciant necessarium? Ad linguam latinam veniamus, cujus gratia ferme omnia hucusque dicta diximus. Hanc nostris saltem temporibus & per plagas Occidentis cæterarum linguarum facile esse *Principem*, & *publicam*, & eruditorum *vernaculam* quis ignorat? hæc apud Germanos ad Sæc. usque XIII. & ferme apud omnes politiores Gentes, Hispanos, Gallos, Britannos, Danos, Hungaros, Bohemos, & Polonos lingua fuit, & adhucdum in Imperio nostro est publica. In hac lingua ferme plerique olim fuere scripti, & hodie scribuntur libri. In hac lingua jus tam civile, quam ecclesiasticum fuisse conscriptum res est manifesta, quin versio quædam Germanica exstet: vel si exstaret, publicam approbationem non haberet. Ad hanc igitur ad discendam vel hoc argumento Jurisconsulti impelluntur, imo necessitantur.

§. V.

Verum enim vero non de quacunque notitia linguæ latinæ, sed de latinitate emendata, puriori, elegantiori, & notitia illius rectum verborum sensum, ac vim penetrante ad rectam interpretationem legum omnino

(b) Nam primam Constitutionem Imperii in lingua Germanica edidisse Fridericum II. Anno 1235. asserunt Scriptores.

omnino necessaria nobis potissimum est sermo, quæ per leges Grammaticæ addiscitur. Prudenter admodum admonuit Celsus: *scire leges, non hoc est, verba earum tenere, sed vim ac potestatem* (c): quibus verbis innuit in interpretandis legibus & verba legum, eorumque significatum esse rimandum, & simul ac principaliter mentem esse eruendam. Et quis nescit duplicem esse interpretationem legum, nempe *Grammaticam & Logicam*? illa occupatur circa verba legum, eorumque genuinum intellectum, & significatum investigat: hæc mentem legislatoris explorat, verborum ambiguum nodos diffecat, & legibus per verba ambigua corruptis medicinam criticam affert. Et quoniam per verba & varium illorum nexum mentis nostræ conceptus veluti per signa communicamus, opus est arte quadam, quæ nobis præcepta tradat, secundum quæ tum verba maxime scripta, tum nexus eorum recte intelligi possint, id quod proprium esse *Grammaticæ* omnes norunt. Elegantissimam sane *Exercitationem de Interpretationis Grammaticæ factis & usu* apud Romanos conscripsit celeberrimus Boehmerus (d), in qua ostendit interpretatione *Grammatica* haud secus, quam *logica* usos fuisse & Imperatores, & Juris-Consultos Romanos; interpretationem *Grammaticam* prævaluisse in *legibus duodecim Tabularum*; inde enatas fuisse *actiones legis, & formulas solemnes*; ac propterea Jurisconsultos Romanos *Grammaticæ* studium vel maxime excoluisse; atque ex hoc ipso provenisse, ut conscriptores colligerent titulum de verborum significatione *interpretationi Grammaticæ* quidem inservientem, neutiquam tamen profundissimam hanc materiam exhaustientem: quod Jurisconsultis ansam præbuit, ut ex fragmentis antiquorum Jurisconsultorum ordine alphabetico uberiorem verborum copiam colligerent. Docet ulterius Boehmerus eo tempore, quo sedes Imperatoria Roma Constantinopolim fuit translata, linguam latinam mirum in modum fuisse corruptam: maxime quod Imperatores in serendis suis legibus relicto nitore verborum novum scribendi genus adoptarint, ac in iis (loquimur verbis citati Authoris) *ampullas* atque *sesquipedalia verba* projecerint, quo non potuit non sæpissime sensus verborum ambiguus, & obscurus nasci, & *grammaticæ* interpretationi ingens poni obstaculum (e).

Fff 3

Hæc

- (c) L. 17. ff. de leg. (d) Exercit. 3. ad Paudect. lib. 1. Tit. 1.
 (e) Nempe conjunxerunt *Grammaticam* cum *Dialectica*, & hæc *Grammatica* non consistebat in protelarum quadam recte loquendi, & scribendi arte, sed in profundiori scientia recte interpretandi *Poetas, Historicos, aliosque Scriptores. cit. Author.*

*Suo flori re-
stituta Sæc.
XVI.*

Hæc latinitatis barbaries, & grammaticæ neglectus ex mente citati Authoris perduravit usque ad Sæc. XVI., quo tempore literæ humaniores reviviscere, & ad vitam ex sepulchris reduci ac interpretatum *Grammatica*, tum *Logica* postliminio restitui cæpit. Et quoniam omnis Grammatica interpretatio in duobus potissimum consistit, nempe ut ope illius verborum obscuritati lux clarior affundatur; & verborum corruptorum integritas restituatur, existimat citatus Author, ad *Grammaticam* vel maxime pertinere *Artem Criticam*, id quod etiam putat Erud. Senckenberg (f). Verum de Critica infra dicemus.

*In Gramma-
tico deside-
ratur Ortho-
graphia, &
stylus.*

Ex his, ni vehementer fallamur, satis demonstratum manet, quantum *Grammatices* sit necessitas ad omnes cœteras disciplinas, Jurisprudentiam præcipue, quam sane omnes ævi Scriptores agnoverunt. Verum enim vero, ut quis Grammaticus audiat, satis non est, ut verborum significatum intelligat, sed requiritur, ut secundum regulas Orthographiæ accurate; secundum regulas Grammaticæ ornate, & eleganter scribere addiscat; sicque stylum scribendi accuratum, legibus conformem, gravem, non inconcinne exornatum, aut phaleratum acquirat: etsi enim stylus ex lectione authorum classicorum obtineatur, ex regulis Poeticæ, & Rhetoricæ expoliatur, nihilominus experientia compertum habemus, nunquam stylum bonum acquiriturum, qui regulas Grammaticæ neglexerit, & emendatam constructionem addiscere contempserit. Quapropter vel maxime danda est opera Orthographiæ, ac stylo: quam enim turpe est in Jureconsulto, si scripturæ illius innumeris erroribus orthographicis scateant? sed quid hæc ad nos?

*Item dicen-
dum de Ju-
reconsulto.*

§. VI.

*Alteri spe-
cies Gram-
matices est
Rhetorica.*

Potius ad alteram speciem *Grammatices* progrediamur, quam constituit *Rhetorica*: & est ars ornate congruenterque dicendi: hæc, quemadmodum ad sapientis cujusque, sic ad Juris studiosi commendationem maxime pertinet. In amplissimas scientiæ hujus laudes excurrere, aut illius addiscendæ regulas tradere, aut ejus partes, quales sunt inventio, dispositio, elocutio, memoria, pronuntiatio, optimi Magistri natura & imitatio, explicare ad nos non pertinet. Nobis sufficit illius studium, utilitatem & in certo sensu necessitatem commendare.

*Usus artis
oratoria in*

Usum artis Oratoriæ in omni Jurisprudentia esse summum, esse utilissimum, esse quodammodo necessarium, quis negare ausus fuerit? aut

(f) Hujus rei Boehmerus reum agit Justinianum, qui ex stylo Tribonianæ maxime in suis præfationibus verbis sesquipedalibus fuisse usus videtur.

aut enim causæ oretenus sunt deferendæ, defendendæ, ac ventilandæ *omni jurisprudentia est*
 in Judiciis, prout olim fuit in usu apud Germanos, & adhuc hodiedum *summus, utilissimus, necessarius.*
 est in multis tribunalibus: & quam jejune perorabit Causidicus, Advocatus, & Patronus causæ, nisi aliquam eloquentiæ artem sibi perspectam habeat? aut Jurisprudentia docenda in scholis publicis: & quam ingratus *Magistris, & Judicibus.*
 accidet Magister suis Auditoribus, si nulla dicendi vi polleat? aut quis personam Judicis in quodam dicafterio sustinet, cui ex munere incumbit proponenda proponere, informare cœteros, ultimato decidere causam: Nunquid etiam huic necessaria est quædam eloquentiæ vis, ut & proponenda energice proponat, & pro decisione causæ potenter peroret? aut quis Legati, vel Ministri munere fungitur: atque his sine *Legatis & Ministris.*
 dubio sæpe dicendum erit de rebus gestis, vel gerendis, vel disceptandis, vel referre ad Principem, quibus proin bene dicendi studium valde est commendandum. Aut quis omnino Principis personam sustinet: *Principibus.*
 & hic ipse, si singulari eloquentiæ dono fuerit præditus, majestati suæ singularem splendorem conciliabit. Aut quis eruditionem suam orbi *Librorum Scriptori-*
 literario scriptis & libris communicat: nisi in his qualiscunque eluceat vis eloquentiæ, parum laudis ab eruditioribus reportabit. Absit, ut his omnibus suadeamus eloquentiam phaleratam, comptam nimis, splendidam, & inconcinne exornatam, maxime Principibus, quibus perspicue & graviter, eloquentia Principe digna est loquendum. Judices sine fūco pronuntient. Causidicos olim disertos esse oportebat: *Causidicis.*
foris nostris sine emolumento eloquentiam adhibebunt, quamquam judex non verborum pigmenta, sed argumentorum pondera debeat respicere (g). A Professoribus in terminis terminantibus vim eloquentiæ requirunt Imperatores Theodos. & Valentin. in L. unica Cod. de Profess. qui in urbe Constantinop. &c. Ut nihil dicamus, quod gravissimi Doctores scribere non dubitent, totam processus Romani rationem ex Oratoribus, & Rhetoribus esse addiscendam. Quis in defendendis causis unquam potentior extitit Cicerone Oratorum Principe? & undenam hanc vim ac robur potentissimum provenisse existimamus, quam ex vi eloquentiæ, qua pollebat maxima?

Hæc neutiquam eo dicta volumus, ut alicui persuadeamus, *Rhetoricam Juridicam* esse præferendam *Jurisprudentiæ*: nam libenter fatemur, & fateri necessum habemus, plus inesse ponderis argumentis ex legibus juris & Jurisprudentiæ, quam ex verborum ac sententiarum periodis, ac a Judice primas esse deferendas potius legibus, & modis

*Testimonium
Grotii super
his.*

modis probandi Juridicis, quam excultis oratiunculis. Super his audire libeat Hugonem Grotium, qui in disertissima ad Gallos epistola ita scribit: *Jureconsulti munus Virum magnum non faciet, nisi accedat eloquentia. Magnum equidem est, ac difficile, mentem Philosophicis, atque Mathematicis disciplinis cultam exornatamque habere, majus atque difficilius in historicis, diversarumque linguarum peritia Coryphaeis annumerari: at eloquentia pollere, omnesque ejus vires, robur, atque veneres in sua tenere potestate, hoc omnium duco maximum difficillimumque. Nam sit etiam, ut quis omnibus hisce pereximiis elegantioris eruditionis gaudeat facultatibus, attamen personæ tragicæ non videtur absimilis, quæ, nisi eloquentia tanquam Roscius accedat, atque ingenuo gestu vivam spectantibus representet, parum a statua aut umbra recedere videtur. Etenim, si causa aliqua litigantium controversa ad judicem deferenda est, nemo non videt, maxime necessariam esse homini forensi eloquentiam &c. Ita refert Grotium Fridericus Augustus Junius (h): & inde concludit his verbis: *Tantum vero abest, ut Philosophia, Matheſis, Historia, linguarum cognitio sufficiat ad omni ex parte, omnibusque numeris absolutum Jurisperitum, ut potius ultimum Magistri requisitum, eloquentia scilicet, orisque facundia omnem vim ac veluti spiritum illi tribuat,**

§. VII.

*Tertia pars
Grammaticæ
est Poetica.*

Tertia Pars Grammaticæ est Poetica, haud secus commendanda ad instar subsidii Jurium studiosis, ubi sensa nostra ligato sermone exponimus. De Poeseos præstantia sententia discors: aliis carmine nihil levius; aliis nihil divinius, nihil antiquius. Nobis unice de utilitate Studii Poeticæ agendum, de quo sic scribit Heumannus (i): *Qui solidiorem Juris præsertim Romani notitiam appetunt, ii multa cum utilitate veteres Poetas legunt. Perilluſtr. Senckenberg hujus utilitatem in duobus collocat, dum dicit: Poetas legendo cum judicium acuminus, tum ad jus facientia seligimus (k), ubi insuper ex probatissimis Scriptoribus probat, Jurisconsultos mediæ ævi fuisse Poetas, atque Poetas Romanos multa Juridica, Germanos Juridica cum Historicis præbere. Quanti hodie æstimetur Poësis Germanica, neminem latere existimo. Cætera ad studia humaniora pertinentia ob temporum angustias præterimus.*

*Utilissima
Jurisconsultis.*

(h) Dissert. de Requis. Magistri Jureconsulti maxime necessariis.

(i) Vid. Heumannus loc. cit. cap. 11. §. 91.

(k) Meth. Jurisp. §. 33.



CAPUT IV.

De Disciplinis Philosophicis velut altero Jurisprudentiæ Ecclesiasticæ subsidio.

§. I. *De Philosophia, illiusque divisionibus variis.* II. De Philosophia instrumentali, illiusque prima specie, quæ est Logica. III. *De altera illius specie, quæ est Metaphysica.* IV. *De Philosophia Theoretica, ad quam imprimis pertinet Physica, dein* & V. *Anatomia ac Medicina, postea* VI. *Disciplinæ Mathematicæ.* VII. *De Philosophia practica seu morali, ad quam primitus pertinet Ethica, dein* VIII. *Jus naturæ, postea* IX. *Politica, ac demum* X. *Decorum.*

§. I.

A disciplinis humanioribus ad *disciplinas Philosophicas* transitum faciamus, & quid subsidii hæ præbeant Jurisprudentiæ videamus. Non moramur hic ipsum nomen, originem, definitionem, ac varias *Philosophiæ* divisiones: nobis unice cordi est illius seu necessitatem seu utilitatem in ordine ad Jurisprudentiam addiscendam inquirere. Itaque *Varia divisiones Philosophiæ.* relictis variis divisionibus ac subdivisionibus *Philosophiæ*, quibus dividitur in *Hebraicam, Ethnicam & Christianam*; & hæ iterum subdividuntur in varias classes e. g. *Hebraica* in *Judaicam, Sadducæorum, & Essæorum* (l); *Ethnica* in *Barbaricam, Græcam & Romanam*; *Barbarica* ulterius in *Asiaticam, Africanam, & Europæam*; *Græca* in *Mythicam & realem, Empiricam, & Theoreticam* (m); *Romana* secundum varias *Philosophorum* sectas in *Epicuream, Platoniam, Stoicam, Aristotelicam*, quod idem dicendum de *Philosophia Christianorum*, quorum plerique secuti sunt *Platoniam, & Stoicam* (n), ac postea *Aristotelicam*, ex qua dein prodit *Philosophia Scholastica* (o). Nos triplicem statuimus

(l) Nempe juxta triplicem sectam vid. Heumann loc. cit. cap. 26. §. 194.

(m) *Theoretica* tres gignebat sectas *Ionicam, Eleaticam, & Italicam.*

(n) Patres antiquos plura adoptasse principia ex *Philosophia Platonica* ad explicanda quædam fidei dogmata, plures etiam ex *Catholicis* fatentur. Vid. Dalmæus de usu Pat. Mosheim. de turbata per *Platonicos* Religione Christiana.

(o) Nomen traxit a *Theologia Scholastica*, quæ *Philosophiam Aristotelicam* in suos convertit usus.

Huc pertinet Instrumentalis, Theoretica, & Practica cum suis speciebus. mus Philosophiam, nempe *Instrumentalem*, quæ complectitur *Logicam*, & *Metaphysicam*; *Theoreticam*, ad quam pertinet *Physica*, *Mathesis*, & *Medica*; ac denique *Practicam*, quæ comprehendit *Ethicam*, *Politica* privatam, seu *Oeconomiam*, ac *Publicam*, id est *Architectonicam* & *Recltoriam* cum *Juris Naturæ* & *Gentium* placitis.

§. II.

De Logica, ejusque necessitate ad Jurisprudentiam. Incipiamus a *Philosophia Instrumentali* seu *Logica*. Profecto nexum individuum *Philosophiæ* cum *Jurisprudentia* jam dudum monstrarunt Viri literatissimi Daniel Guiliel. Mollerus (p). Joan. Henr. Mylerus (q). Christian. Wolff (r), Gottsched (s), aliique. Et nunquid ferme omnes Jurisconsulti Romani fuere Philosophi, maxime Stoici, quorum principia in quamplurimis legibus luce meridiana clarius elucescunt (t)? *Logices* vero si non necessitatem, saltem utilitatem agnovit ipse Cicero, dum sic dicit: *Sic enim exilimo Juris civilis magnam usum*

Quid sit Logica? *Et apud Scævolum, & apud multos fuisse; artem in hoc uno, quod nuncquam effecisset ipse Juris scientia, nisi eam præterea didicisset artem, quæ docet rem universam tribuere in partes, latentem explicare depiando, obscuram explicare interpretando, ambigua primum videre, deinde distinguere, postremo habere regulam, qua vera & falsa judicarentur, & quæ jussis positæ essent, quæque non essent consequentia (u).*

Omnibus jurium peritis est necessaria. Ecquid enim est *Logica*, nisi ars recte cogitandi, directrix rationis in apprehendendis, & demonstrandis veritatibus, doctrix definitionum, divisionum, demonstrationum, methodi &c.? Sane si quæ alia, certe *Jurisprudentia* hac magistra, directrice, manu ductrice, & arte indiget, quippe quæ nihil est aliud quam *habitus interpretandi, demonstrandi, & denique veritates demonstratas non sine rationibus ad obvenientes hominum actiones applicandi*. Fluit inde maxima, quæ inter *Jureconsultum*, *Leguleium*, & *Rabulam*, par nobile fratrum, intercedit differentia. Fluit inde, *Jureconsultum* regulis demonstrandi, verum a falso discernendi, interpretandi, atque applicandi, quas *Logica* pertractat, destitutum neque muneris

(p) Dissert. de Conjunctione Jurisprudentiæ cum Philosophia.

(q) De Studio Philosophiæ conjungendo cum studio Juris.

(r) De habitu Philosophiæ &c.

(s) Rede, daß ein Jurist ein Philosoph seyn müsse.

(t) De Stoicæ Jureconsultorum Philosophia doctissimam exercitationem scripsit Boehmerus ad Pandect. Exercit. I. Lib. I. Tit. I. & 2.

(u) Cicero in Bruto cap. 41.

neri Advocati, multo minus Judicis sustinendo esse sufficientem; & periculum subesse, ne ambo hallucinentur, in regulas Justitiæ impingant, & fas ac nefas misceant. Demus casum, quem ponit supra laudatus Godofredus Junius (x), demus inquam, Viros duos in lege peritissimos, in toga duumviros agere in judicio, & ambos causam suam diserte, facunde, dexterrime, aut etiam millenis a tutiis, verborumque lenociniis ita defendere, ut cujus sententiæ subscribat, tesseramque adjiciat Judex, anceps diu dubiusque hæreat. In hoc sane casu non sufficit intellectus, sed limato, terfoque opus est judicio apparentes veri affectiones ab ipsa veritate dijudicandi, atque discernendi. Sed quis Judici inter sacrum & saxum hærenti, in labyrintho inextricabili constituto in ordine ad decidendam causam filam præbebit Ariadnes præter Logicam? Jam supra monuimus, interpretationem aliam esse *Grammaticalem*, & aliam *Logicam*, & hanc esse magis principalem, imo animam interpretationis: sine Logica Jureconsultus nec titulum de V. S. nec titulum de R. J. apte explicabit, quin in errores labatur gravissimos. Sed quid rem aliunde probatissimam multis probationibus frustra probare contendimus? Quænam autem Logica sit optima, & ad usum Jurisprudentiæ accommodatissima, indecise relinquimus. Huc pertinent ea, quæ scripsit Perillustr. de Ickstat supra citatus (y).

*Interpretatio
logicalis
est practica.*

§. III.

Ad Philosophiam *Instrumentalem* pertinet etiam *Metaphysica*. Et si *Metaphysica* non desint, qui hanc scientiam explodunt veluti inanem, ridiculam ac phantasticam, utpote quæ viam sternit planissimam ad fanaticismum: cum experientia compertum habeatur, quod ferme omnes Metaphysici in fanaticismum proruperint, absurdorum systematum authores evaserint, aut in atheos vel deistas degeneraverint, attamen Viri saniora ac sublimiora sapientes eam tanquam scientiam universalem miris laudum encomiis, atque elegantissimis commentariis exornarunt, quo in genere Anglos excelluisse asserunt. Idcirco mirum non est, quod hodie in scholis publicis magno cum applausu doceatur. Est autem *Metaphysica* ex mente Philosophorum Sapientia quasi universalis & universalium: & quia tria sunt suprema rerum genera, nempe *res æternæ, factæ, & possibiles*, ideo *Metaphysica* dicitur disciplina, quæ tradit causas & rationes maxime generales rerum æternarum, factarum, & possibilibium.

*a non paucis
turgiter tra-
ducitur.*

*Ab aliis sum-
me lauda-
tur.*

Quid sit?

Ggg 2

(x) Dissert. de requisitis Magistr.

(y) Dissert. de Stud. Jur. util. Instit.

*In tres vel
quatuor par-
tes dividi-
tur.*

*De Theolo-
gia naturali.*

*Metaphysica
necessitas &
utilitas ad
Jurispru-
dentiam.*

fibilium secundum ordinem inferiorem & intelligibilem (z). Eam Auctiores communiter dividunt in tres, vel omnino quatuor partes, in *Ontosophiam* vel *Ontologiam*, quæ est scientia maxime universalis, & occupatur circa ens, & illius proprietates generatim; in *Cosmosophiam*, seu *Cosmologiam*, quæ agit de mundo universim, & tradit principia, originem, & ordinem hujus rerum Universitatis; in *Psychosophiam*, in qua agitur de natura, & mente humana, & spirituum natura investigatur; & demum in *Theosophiam* seu scientiam DEI, & rerum humanarum, quæ est ipsa *Theologia naturalis*. Amplissimam ac nobilissimam hanc esse scientiam, quoad eas præcipue partes, quæ vocantur *Psychosophia* ac *Theosophia*, nemo ibit inficias, utpote in quibus agitur de anima, illius origine, proprietatibus, spiritualitate, immortalitate, ac commercio inter corpus, & animam (a). Item de DEO contra Atheos, Deistas, Materialistas, Pantheistas, Naturalistas, & hujusmodi hominum monstra. Quoniam vero hæc sunt altioris indaginis, & neququam ad nos pertinent, id unum dilucidandum est, quid ergo subsidii *Metaphysica* præbeat *Jurisprudentiæ*, aut quem usum habeat? paucis, quæ nostra sit mens, dicemus: inprimis enim juvat vel maxime, ut *Jurisconsultus* intelligat conceptus *Theologorum*, ac *Philosophorum*, ac in *Scholasticorum* modo & ratione loquendi non sit imperitus: secus ne quidem libros, & modos loquendi *Jureconsultorum* intelliget, quibus sæpe necessum est philosophari, & modos loquendi ex *Metaphysica* mutuare. Quantum non utilitatis ex *Psychosophia* haurient iudices, in qua agitur de *Spiritibus*? cum enim haud infrequenter in judiciis occurrant causæ criminis magis sagarum &c. profecto judici decisionem similium causarum faciliorem longe reddent principia, quæ ex hac scientia mutuaverit. Sed hæc missa faciamus.

§. IV.

*Physica agit
de rebus na-
turalibus.*

Ad *Philosophiam Theoreticam*, seu *Physicam* properandum est, illiusque usus & utilitas in *Jurisprudentia* expendenda. *Physica* est scientia *Corporis naturalis*. Est scientia prorsus amplissima, nobilissima, quæ

- (z) Et per hoc distinguitur a *Physica*, quippe quæ tradit causas proximas rerum, easque secundum suum ordinem exteriorem examinat.
- (a) Quæstio de commercio inter corpus & animam est una ex præcipuis, circa quam notissima sunt varia Systemata, nempe *Occasionalisticum*, *Aristotelicum* per influxum *Physicum*, ac *Harmonia præstabilita Leibnitii*.

quæ hodie longe majori studio, quam olim, excolitur, præcipue experientiarum principiis fulsulitur, ac per omnem naturam atque res naturales pervagatur. Sed quis nescit res naturales, non in quantum considerantur secundum suam essentiam & proprietates, sed in quantum ad vitam civilem sunt necessariae, in patrimonio nos beant, ad meum, & tutum referuntur, ad Jurisprudentiam spectare? nonne in legibus agitur de aqua (b) aere, mineralibus (c) metallis eorumdemque confusione, atque specificatione (d) de vegetabilibus, de brutis animantibus, & quæ sunt reliqua (e). Et quamvis Jurisprudentia non agat de rebus, de glebis, de elementis, in quantum sunt res, sed potius de Jure earum e.g. de Jure territorii, hauriendi aquam, multifariam tamen ipsa res in quæstionem venire potest, haud secus quam in *Politica privata* seu oeconomica quæritur e. g. an & quomodo hæc terra in culturam redigi possit. Documento sunt tot Jurisconsultorum commentationes, in quibus quælibet corpora in jus vocantur: sic Carpz. disseruit de Jure circa aërem; Stryckius de Jure Principis aëreo; Link. de Jure ventorum: quantum clima ad leges ferendas valeat, ostendit author de l'Esprit de Loix: agit Boehmer de Juribus diversis ex diversitate climatum natis: utique in servitutibus consideratur lumen, ventus &c. quam sæpe aqua fluminum materiam disceptandi præbet tam in Jure publico quam privato (f)? Hæc an utiliter discuti valeant sine ope Physices, judicet æquus rerum arbiter.

*Quomodo
res natura-
les ad Ju-
rispruden-
tiam spe-
ctant?*

*Quomodo
Jurisconsul-
tus necessari-
us utilis?*

§. V.

Et quia Anatomia ac Medicina notabilis Physices pars esse creditur, etiam de hac quædam dicere fors non erit ingratum ac inutile. Ea est hujus artis præstantia ac utilitas, ut hodiernis temporibus nemo eorum, qui inter eruditos nomen profitentur, illud sicco pede prætereat, imo negligere nefas ducat. Abiit, ut de commodis hujus artis remotioribus vel proximis etiam in genus humanum dimanantibus agamus. Sola commoda in Jurisprudentiam redundantia obiter ante oculos ponamus. Quæso quot non causarum & quæstionum figuræ quotidie ferme Judici, ac Jureconsulto offeruntur, quæ sine scientia medica vix dirimi possunt? quid si de lethali vulnere, de impotentia con-

*Quomodo
Anatomia
ac Medicina
ad Jus spe-
ctat?*

Ggg 3 jugum,

(b) §. 1. J. de R. d.

(c) §. 18. eod.

(d) §. 25 & 27. J. eod.

(e) §. 12. & seq. eod. §. 1. ad Leg. Aquil. Tit. si quadrup. pauper &c.

(f) Cit. Heuman. loc. cit.

jugum, de partu septimestri legitimo, & præsumptione, quot liberos foemina uno partu edere possit, de homine, an torturae subjici possit, oriatur quæstio? equidem in promptu sunt Medici, Chirurgi: Sed nunquid ad *decorum* saltem Judicis pertinet, ut ipse etiam suam ferre sententiam sciat? Et quid si eam super responsis & consiliis Medicorum dare debeat?

§. VI.

Mathesis est scientia summè necessaria & utilis, & hodie mirum in modum excolitur.

Progredimur ad disciplinas mathematicas. Si quæ sane est ars,

ac scientia, quæ serine in omni societate humana est necessaria & usum habet quotidianum, frequentissimum, veluti perpetuum, ea est Mathesis, ut adeo mirum non sit, hanc præcipue scientiam nunc temporis addisci ab omnibus, qui saniora sapiunt, aut suo tempore ad munera publica promoveri, aut eruditis annumerari cupiunt. Et quis nescit eam hodie singulari studio excoli in scholis publicis, eam promoveri a summis Principibus? Sciunt nempe quam optime optimi Principes, quanti intersit boni Reipublicæ, ut habeantur Viri in hac arte periti.

Habet dogmata certa.

Profecto *ars hæc osorem hodie vix habet, nisi ignorantem (g), & id habet speciale, quod tradat dogmata certa, ut nusquam terrarum in dubium vocari valeant: quæ gloria soli Mathesi est propria, & cæteris disciplinis denegatur. Non præstat in ultiores illius laudes fusius excurrere. Est autem Mathesis scientia, qua quantitatum inter se conjunctiones demonstrantur, vel quæ rerum pondera, numerum, mensuram, durationem definit. Ferme innumeræ illius sunt species, quas*

Quid sit?

Ejus utilitas in Jurisprudentia practica est summa.

recensere supervacaneum ducimus. Quanta vero sit utilitas hujus scientiæ in Jurisprudentia potissimum practica, quis dicere satis valeat? Nonne Jurisconsultis, Judicibus, Causidicis quotidiani obveniunt casus, in quibus indigent auxilio Matheseos? e.g. dividenda hæreditas, æstimandum damnum, annotandi redditus annui: nonne in his opus est Arithmetica? quam turpe & probrosum est, hujusmodi rebus celeritatem expeditionis ac momentaneis tres quatuorve dies deliberando insulnere? longe majori profecto cedit honori, longeque majori emolumento, si ipse Judex distantias locorum, turrium altitudines, fossarum profunditates, aquarum alluviones, proprio calculo emetiri didicerit, quam si, quæ sibi ad componendum demandatæ fuerint finium regundorum lites, Geometræ ejusdam mensuræ relinquere debeat. Id vero præstare Geometriam, Trigonometriam quis dubitet? in emptionibus

Ferme in omnibus causis & negotiis.

(g) Verba sunt Heumanni in Appar. cap. 31.

ptionibus venditionibus, locationibus conductionibus, societatibus, tutelæ administratione, in detractiōe quartæ falcidiæ, trebellianicæ, in rerum communione, divisiōe nonne quotidianus usus Arithmeticæ, & Algebræ? in actione finium regundorum, servitute tigni immitendi, altius tollendi, urbibus muniendis quis Geometria, Trigonometria, Mechanica, Architectura tam civili quam militari opus esse non videat? hæc, nisi vehementer fallamur, studium Mathematicum illis, quoad Jurisprudentiam addiscendam sese accingunt, omnino vehementissime commendare deberent. Quibus hæc non sufficiunt, legant innumeras, quæ prostant, Dissertationes, quibus Jureconsultis Mathe-
seos studium mirum in modum commendatur.

§. VII.

Denique ad Philosophiam *practicam*, seu *Moralem*, gressum promo-
veamus, quam hodie in diversas disciplinas dispescunt, nempe in *Ethi-
cam*, in *Jus naturæ*, in *Politica*, & *Decorum*, juxta diversitatem of-
ficiorum ac obligationum nostrarum: sunt enim alia officia *necessitatis* & *Dividitur in*
stricti Juris, & de his agit *Jurisprudentia naturalis*, ac sub diversa ratio-
ne etiam *Ethica*; alia *honestatis*, & hæc examinantur in *Ethica*; alia *Politica*, &
utilitatis, quæ examinantur in *Politica*; alia demum *Decoris*, quæ in
ipsa *Ethica* examinari a morum Magistris solent. *Ethica* una cum di-
sciplina *Juris naturæ* esse basin & fundamentum totius Jurisprudentiæ, *Ethica* &
in confesso est apud omnes, sine quibus si quis Jurisprudentiæ seu ec-
clesiasticæ seu civili addiscendæ se consecret, ne is unquam se in Juris-
consultum evasurum sibi persuadeat: quin imo se quam sæpissime hallu-
cinaturum, atque in omnes leges *naturales*, *divinas*, ac *humanas* comi-
missurum pro certo habeat. Profecto apud antiquos nulla pars Philo-
sophiæ tanto studio fuit exulta, ac Philosophia moralis, ita ut illi pro-
prie fuerint vocati Philosophi, qui se studio Ethices consecrarunt. Ex-
celluerunt in hoc genere Philosophiæ, & inter morum Doctores *Græcos*
Stoici præcipue, nec non *Socrates*, & *Aristoteles*; inter Romanos *Se-
neca* & *Cicero*. Sed ne in vanum agamus, nolumus hoc Ethices stu-
dium aliunde commendatissimum Jurium Candidatis amplius commen-
dare.

§. VIII.

De *Jure naturæ* quid dicamus? Etsi hæc disciplina olim separatim *Jus naturæ*
non fuerit exulta, ac veluti pars Ethicæ habita, prout ostendunt Scri-
ptores, qui historiam *Juris naturæ* scripserunt, hodiernis tamen mori-
bus die vero se-

*paratim
summo stu-
dio excoli-
tur.*

*Illius in-
fluoratores
Grotius,
Puffendorf-
fius, alique.*

*Ex ecclesiastica
philosophan-
di ratione
depravatur.*

bus separatim exponitur, & ita excolitur, ut dubitare liceat, num sit aliqua disciplina, pro qua excolenda plus laboratur, ac sudatur a Viris primæ eruditionis, quam pro Jurisprudentiæ naturali, quæ admodum alibi ostendimus (h). Initaurator hujus disciplinæ perhibetur Hugo Grotius, cujus liber *de jure belli & pacis* Epocham quasi constituit. Grotii exemplo excitati duo Angli Joan. Seldenus, & Thomas Hobbesius Jus naturæ nova ratione exposuerunt. Secutus est Samuel Puffendorfius, magnum illud Numen Protestantium, qui novum fabricavit Juris naturæ Systema sæculis cunctis, si fides sit habenda Heumanno (i), profuturum. Et quisjam in numerum cogat sequaces omnes, qui Juri naturæ illustrando suas locarunt operas, omnesque ingenii sui nervos impenderunt? Id unum dolendum, quod ferme omnes de jure naturæ ecclesiæ philosophari cœperint, suum quisque genium sequatur, quivis sibi proprium Systema cudat: unde lætū est, ut tot monstrosa systemata, & monstra doctrinarum (k) cum gravissimo dispendio Religionis, Reipublicæ tam ecclesiasticæ, quam politicæ in lucem prodierint: ut jure dubitari valeat, plusne detrimenti, an utilitatis ex studio & cultura hujus disciplinæ in publicum redundaverit (l). Sed hæc missa faciamus.

§. IX.

*Politica quid
sit?*

*Est diversif-
ma.*

*Politica pri-
vata dicitur
Oeconomia.*

Ad Politicam progrediamur, quæ docet salvis legibus procurare utilitatem tam publicam, quam privatam. Notanter diximus *salvis legibus*, ut differat a *Pseudo-Politica*, quæ spretis legibus solam utilitatem veluti cynosuram respicit. Ex quo consequitur, quod alia sit *Politica publica*, & alia *privata*: illa utilitatem publicam respicit: & est vel *legislatoria*, vel *Judiciaria*, vel *consultatoria* (m): *legislatoria* propria est legislatoribus, quibus in ferendis legibus, & constituendis aliis ordinationibus vel maxime ad utilitatem publicam est attendendum: *Judiciaria* pertinet ad Judices & Jureconsultos, & locum habet in interpretatione, & applicatione legum: *Consultatoria* spectat ad Ministros & Consiliarios Principum, quibus incumbit obligatio saniora suggerendi consilia, ut inde resultet utilitas publica. Hæc, id est *Politica privata*

(h) Vid. Dissert. de Statu Ecclesiæ, cap. i.

(i) In Appar. cap. 33. §. 257.

(k) Hoc pertinet Systema Hobbesianum.

(l) Cit. Dissert. de Stat. Eccles. cap. i.

(m) Vocatur etiam *Architettonica*, & *Electoria*.

vata communius vocatur *Oeconomia*, quæ docet modum vitæ hujus subsidia prudenter acquirendi, tuendi, ac dispensandi. Et quia alia *Est multi-*
Oeconomia Principum, alia *nobilium*, & alia *pauperum*, alia *divitum*, re-*plex-*
 ste dividitur in publicam, & privatam; in universalem, & particula-
 rem. Studium œconomicum esse antiquissimum, usu tamen magis, *Illius stu-*
 quam literis propagatum, omnes scimus. Attamen regulas quasdam *dium.*
Oeconomiae rite instituendæ ab antiquis Scriptoribus fuisse traditas legi-
 mus (n). Artis hujus necessitatem procul dubio Germani prope per-
 spexerunt: quapropter eam tanta contentione expolire cœperunt, ut
 illam & scriptis illustrarent, & in academiis Professores œconomices
 constituerent. Hujus quoque studium ad Jurisprudentiam pertinere,
 quis sanæ mentis homo dubitet (o)? Idcirco factum esse novimus, quod
 Jureconsulti etiam huic *Politica privata* excolendæ insudaverint (p)

§ X.

Ad *decorum* veniamus, cujus discussio procul dubio ad Philoso- *Notitia De-*
 phiam practicam pertinet: ejus vero notitia summo opere necessaria est *cori summo-*
 illis, qui se studio Juris publici privati consecrant, cujus notabilissimam *pere necessa-*
 fane partem constituit *Jus ceremoniale*, quod ut plurimum in *Decoro* fun-
 datur. Quid sit proprie *Decorum*, nondum inter authores convenit, *Quid sit, non-*
 dum quidam decorum aliud dicunt *naturale*, & aliud *politicum* (q): *dum inter*
 alii naturam *Decorum* collocant in *studio aliis placendi*, in arte alios sibi *Ad. conven-*
 conciliandi amicos, fautores, patronos, Mæcenates; alii in pulchri-
 tudine morum &c. Nobis placet definitio Ciceronis, qui illud descri-
 bit, quod sit *illud*, quod est *consentaneum hominis excellentiæ*: e. g. si flexo
 poplite reverentiam exhibeamus summo Principi, si in legato Principis
 suspi-

(n) Sic Hærodus reliquit Xenophon œconomicum, Aristoteles librum œconomi-
 corum, Cassianus Bassus collegit Geponicos, sive 20. libros de re Rustica,
 apud Romanos de re œconomica solliciti fuerunt Cato, Varro, Palladius,
 Virgilius &c.

(o) Illis præcipue, qui se ad Cameras Principum destinandos sciunt.

(p) Scripsit Leyferus Ictus celeberrimus *Jus Georgicum*. Vid. etiam Lipenii
 Bibliotheca Jurid. verbo *Agricultura*.

(q) Sic alios non offendere, suum cuique tribuere sunt prima naturæ præcepta, quæ
 licet servaveris, tamen displicere poteris aliis, nisi decenti modo id, quod
 debes, præstiteris.

fuspiciamus certo modo ipsum Principem, illumque debitis honoribus excipiamus &c. id ad rationem *decori* pertinet.

Decorum pervadit totum jus ceremoniale.

Est summi momenti.

Jam aliud *decorum publicum*, & aliud *privatum*; item *decorum gentium*, & *hominum particularium*. Hæc, si tempus vacaret, innumeris exemplis possent explicari. Ex quo colligimus *Decorum* pervadere totum *Jus ceremoniale*, & ad ea omnia pertinere, quæ in eo de titulis, de reverentiis, ceremoniis, ritibus e.g. in solenni introductione alicujus Legati traduntur, & controvertuntur. Tanti autem roboris est ratio *Decorum*, ut non nunquam ipsa ratio Juris cedere debeat. Imo aliquoties urbanitatem neglectam, aut irreverentiam e.g. Legato illatam grandes excitasse turbas, aut omnino fomitem belli suppeditasse, exemplis facile demonstrari posset. Et quis nescit, quod non raro gravissimi momenti negotia in plures annos protrahantur: eo quod super ceremoniis, præcedentiis &c. conveniri nequeat? Hac super re meretur omnino legi Moserus in *kleinen Schriften* part. 1. *von der Staats-Galanterie*; item *von dem Causley-Decoro*, ubi hanc materiam variis exemplis etiam ridiculis illustrat. Inde autem quid aliud sequitur, nisi notitiam *Decorum* Jurisprudentiæ magnam sane partem constituere?

Etiam in Ecclesia.

Profecto in Ecclesia etiam magnam haberi rationem *Decorum* afunde in comperto est. Unicum hujus rei exemplum ex antiquissimis historicis asserre liceat: sic scimus, quod Ecclesiæ Antiochena, & Alexandrina in Ecclesiis Patriarchales fuerint erectæ: si jam quæram, unde nam hic honor obvenerit hisce Ecclesiis? plures Scriptores id ea ex ratione factum esse contendunt, quod ipse Princeps Apostolorum has ecclesias erexerit, & illam priorem sua præsentia honoraverit: atque hæc ratio nonne aperte fundatur in ratione *Decorum*?

C A P U T V.

De Historia, præcipue Ecclesiastica ac literaria ad Jurisprudentiam ecclesiasticam necessaria.

§. 1. De Historia in genere, illius necessitate, utilitate & præstantia. II. De Studio historico, & regulis in eo observandis. III. Specialiter de Critica, regulis, & necessitate illius maxime ad Jurisprudentiam ecclesiasticam. IV. De Historia ecclesiastica, illius divisione, studio,

Edi

Alm. 1792. 36

& Scriptoribus. V. De Historia literaria, illius necessitate, utilitate
& præstantia, divisione, origine & studio.

§. I.

Ad præcipuum Jurisprudentiæ, ecclesiasticæ præprimis, *Præsidium*, *Historia est*
Subsidium, ac *Præcognitum*, ad *Historiam* nempe, gradum promo- præcipuum
veamus. Hanc ipse Romanæ eloquentiæ Princeps Tullius (r) *testem* subsidium in
temporum, *animam memoriæ*, *lucem veritatis*, *nuntiam vetustatis*, *vita-* omni Juris-
que Magistrum jam dudum appellavit. Quidni illam etiam appellemus prudentia.
animam Jurisprudentiæ? edic, qua arte quis Jurisprudentiam Romanam
addiscere, leges Romanas interpretari valeat, si historiam Romanam,
diversos Reipublicæ status, diversa Juriū fata ignoraverit? Jurispru-
dentia ecclesiastica nonne fermetota quanta discenda est ex Historia ec-
clesiastica? Jurisprudentiam publicam Germaniæ vix aliud dixeris,
quam Historiam rerum gestarum, factorum, & inde resultantium ju-
rium. Et undenam venire existimamus tot defectus; errores, achal-
lucinaciones maxime in Jure ecclesiastico? nisi, quod antiqui Glossato-
res; Commentatores studium Historiæ ecclesiasticæ neglectum habue-
rint: utinam rem hanc exemplis illustrare liceret! Quantum historia-
ram cognitio præflet utilitatis Jurisprudentiæ, jam Viri doctissimi abun-
de monstrarunt, ut adeo laborem supervacaneum in se suscepturus, aut
lucem in meridie per lucernam quæsiturus foret ille, qui illud amplius
demonstrare contenderet (s).

Est autem Historia cōmmemoratio rerum in orbe gestarum, muta- *Historia*
tionum, regnorum, atque imperiorum, conditionumque Principum *quid?*
&c. Divisiones Historiæ sunt innumeræ, quarum præcipuas simpli- *Multiplici-*
citer referemus: nempe dividitur in Historiam *ecclesiasticam* & *civilem* *ter dividi-*
seu profanam; & utraque in *antiquam*, *medii ævi*, & *novam*; univer- *tur.*
salem & particularem; naturalem, & literariam: & si in ordine ad Juris-
prudentiam civilem loqui velimus, in Græcam, Romanam, Germa-
nici Imperii &c. (t). Quantum ad ipsum Historiæ studium, plurimi
H h h 2 inter-

(r) Lib. 2. de Orat.

(s) Vid. Francisc. Balduin de Historiæ cum Jure conjunctione. Hahn de usu Hist.
in Jure. Boehmerus in Præf. ad Petrum de Marca de Concord. Sacerd. cum
Imper. alique innumeri.

(t) Harum enim præcipue notitia necessaria est pro Jurisprudentia civili tam pu-
blica, quam privata.

*Authores,
qui metho-
dum studendi
Historiæ
tradunt.*

interest, ut rectam studendi methodum teneamus. Inter plures Scriptores, qui talem methodum, ac regulas in studio Historico observandas tradiderunt, eminet Eruditissimus Mabillonius (u), & famosissimus Abbas Lenglet du Fresnoy (x), quibus addatur Carolus Rollins (y). Ex quibus quasdam regulas depromere liceat.

§. II.

*Quomodo il-
lius studium
sit auspican-
dum?*

Itaque existimant Doctores, studium historicum auspiciandum esse a primis adolescentiæ annis, quo tempore Historiæ tenacius inhærent memoriæ, atque hoc modo præparantur ingenia adolescentum ad majora suo tempore audenda. Secundo: incipiendum ab Historia antiquæ legis. Tertio: Primitus Historiam esse addiscendam ex compendiis, & successu temporis vastiores libros esse evolvendos. Quarto: inter ipsos libros esse faciendum selectum, & melioris notæ esse legendos, hoc maxime tempore, quo ingentem scribendi libidinem per orbem literarium dominari, grassarique non ignoramus. Quinto: ac-

*Quis debeat
esse finis stu-
dientium?*

cedendum esse ad studium Historicum cum intentione recta, pura, & sancta; neque id solum esse quærendum historiarum studio, ut sciat, & dicatur; *hic est*; sed ut sciat utiliter, & pro se, & pro bono Reipublicæ: pro se quidem, ut quæ sibi sint agenda, quæ vitanda sciat, & quæ legerit, in suam utilitatem convertere non ignoret: pro bono Reipublicæ, ut ex rebus gestis, factis historicis, fatis, & revolutionibus addiscat, quæ Reipublicæ bono conservando, ac promovendo sint utilia, & quæ in illius destructionem, ac ruinam vergant. Est enim Historia veluti vivum speculum, in quo videre licet varias affectiones hominum, virtutes, & vitia; est directrix prudentiæ, & Magistra imperantium, a qua traduntur regulæ gubernandi utiliter Republicam. Est profecto nihil levius, nihil vanius, quam studere Historiæ, ut simpliciter sciamus: quid enim juvat epocharum seriem, innumera pene nomina Cæsarum, Regum, Conciliorum, Hæresum, tragicos eventus, vel heroica gesta memoriæ mandare? modus iste prædicta memoriter tantum discendi ne quidem ipsum Historiæ scientiæ nomen mere-

*Testimonium
Mabillonii.*

tur. Desuper audire libeat celeberrimum Mabillonium (z). Quando quidem, ait ille, *scire est per proprias causas, & principia cognoscere: sic igitur*

(u) De Stud. Monast. cap. 8.

(x) Methode pour etudier l'Histoire.

(y) Anweisung, wie man die besten Bücher lesen, und lernen soll.

(z) Loc. cit. pag. mibi 151.

igitur Historiam scire est, homines materiam ipsi suppeditantes dignoscere, ac de ipsorum qualitatibus prudenter judicare. Historiæ studere est, causas, opiniones, pathemata, hoc est varios animi affectus in hominibus accurate perpendere, adeo, ut inde comperiamus omnem rationem ac modum, quo mens hallucinatur, & humanum cor allicitur. Verbo: denu est semetipsum ex aliorum cognitione metiri: est in Sanctis, virtuteque præditis Viris propriam sui ædificationem nancisci, & in flagitiosis, ac impiis quidquid vitandum est, sedulo cavere: tandem est intelligere, quomodo sive in prosperis, sive in adversis nosmet gerere debeamus. His autem deficientibus dispositionibus, jam non amplius ex Historia verus emerget fructus, videlicet exacta morum regula per prudentes reflexiones, ac ponderationes habenda, sed vana duntaxat, futilisve scientia, per quam plura scire hallucinabimur, revera prorsus indocti: unde ex causa alioquin utili, ac honesta noxiæ, ac pravus prodibit effectus. Hucusque Mabillonius, cujus verba auro & cedro digna sunt. Sexto: Illum, qui jam ad sublimiorem eruditionem aspirat, debere esse instructum optimis Logicæ, ac Critices regulis, ut sciat reprobare malum, & eligere bonum, verum discernere a falso. *Historicus debet esse instructus regulis Logicæ, & Criticæ.* Se-
ptimo: Hisce Logices & Critices regulis (a) vel maxime opus esse in legendis libris, atque in his præprimis ad ipsum Authorem, illiusque dotes, & qualitates esse attendendum, & videndum, num Author sit idoneus, an sincerus; quo fine, & ratione ad scribendum ductus fuerit; an aliquorum factioni, aut sectæ adhæreat, quemadmodum Eusebius Arianis, Socrates ac Sozomenus Novatianis, Theodoretus Theodoro Mopsuesteno; num sit Synchronus, num Autographus, an Amanuensis (b)? num prudens in suis assertis, an conjecturis utatur, *Ad auctores, dotes & qualitates eorum attendendum.* an

Hhh 3

(a) De Regulis criticis mox infra.

(b) Enimvero si cætera sint paria, pluris facienda est cœvi Authoris opinio, quam alterius Recentioris. Dixi: si cætera sint paria, quoniam fieri potest, imo quandoque contingit, Authorem haud Synchronon Historiam exarasse seriis monumentis, rationibusque innixum; secus vero contemporaneum, utpote negligentem, rerumque inscium, vel etiam assentatione aliqua, aut proprii commodi scœnore illectum. Hinc est non nimis fidendum esse iis, quæ Scriptores vel absolute, vel ferme contemporanei silentio prætereant: contingere siquidem potest, ut Author vel tempore remotior selecta quædam monumenta relegerit, in secretis, cum res eveniret, habita, seu etiam Scriptores Synchronos, vel ferme Synchronos inviserit, quorum opera mox evanuerint. At vero, si nec ejusmodi Scriptores, nec qui unius alteriusve sæculi

Notitia argumenti negativi est necessaria.

an rei gestæ præsens fuerit, vel potius relicta referat (c). Octavo: Opus esse, ut quis vim argumenti negativi bene calleat, ne quis vel per excessum eidem nimium fidendo, vel per defectum nullam efficaciam eidem tribuendo peccet (d). Nono: Summopere cavendum esse, ne a nonnullis supposititiis authoribus decipiamur, quales antiquitus fuerunt plures, qui suis libris falsa nomina apposuerunt, ut eisdem majorem authoritatem conciliarent, quorum pertinent falsa Evangelia, constitutiones Apostolicæ, libri Dionysiani &c.

Non tam ad multitudinem, quam gravitatem & merita Authorum reverendum.

Decimo: non semper uberiori Authorum copię assurgendum; sed potius ab ipsorum meritis & gravitate veritatem esse æstimandam, & propterea non multum insistendum esse innumeris propemodum narratiunculis, quas multi tam antiqui, quam recentiores in descriptione vitæ quorundam Sanctorum congerunt. Undecimo: quemdam ordinem servandum in studio Historico, & hinc a primordiis & antiquioribus incipiendum. Duodecimo: cum inter historias sit nexus individuus, nec una sine altera perfecte addisci valeat, e. g. Ecclesiastica sine Profana, & e contra, omni Historiæ esse studendum.

Notitia librorum necessaria.

Decimo tertio: ante omnia procurandam esse notitiam ipsorum librorum, & Authorum, ut, quos legere oporteat, sciamus, de quo nos in §. seq. in ordine ad Historiam ecclesiasticam addiscendam agemus. Decimo quarto: cæteras disciplinas ad perfectam Historiæ notitiam acquirendam non esse negligendas, præsertim Criticam, Chronologicam, Genealogicam, Heraldicam, Geographicam, Diplomaticam, Syngigraphicam, Numismaticam, & studium Antiquitatum.

Et multæ aliæ disciplinae.

§. III.

Critica apud multos male audit.

Cæterum his disciplinis, artibus & scientiis ad eruditionem historicam summopere facientibus prætermisiss de sola Critica pauca dicere confici-

so culi intervallo succedere, gestum aliquod innuant, & nihilominus historiographus recentior nullo monumento subnixus id temere asserere audeat, vilipendendus erit. Secus ampla ad errandum, aliosque fallendum via sternitur. Ita Mabill. loc. cit.

- (c) Nisi enim ille, qui retulit, sit omni exceptione major, non facile credendum. Ex hac ratione non facile adhibenda fides illis Authoribus, qui nescio quæ miracula, & mira ex relatis referunt.
- (d) De hoc argumento vid. Launojus, Mabillonius, & Reverendiss. Bertholdus Abbas Cremisan. Universitatis hujatis antea Rector longe meritisissimus in suis Proleg. Sect. 5. cap. 2. §. 2.

constituimus, de cætero parum solliciti, an quis Criticam artibus Philosophicis, aut Philologicis accensere velit. Apud non paucos pessime vapulat *Critica*, apud illos nempe, qui vel sunt simplices, vel superstitione pii, vel ignorant, quid *Critica*, & inter sobriam *Criticam*, & *Pseudo-Criticam* non sciunt distinguere. Est quidem *Critica flagellum*, *Est necessarium*, sed *flagellum necessarium* & hodiernis temporibus ita *necessarium*, ut sine eo Religio salva consistere non posset. Neque verum est, quod multi falso sibi imaginantur, Criticam esse artem noviter inventam: id enim *Est antiquissima*, tam falsum est, quam falsum est, duo esse imparia, falsum esse verum &c. Jam antiquior & antiquissima Ecclesia crisin adhibuit in rejiciendis libris evangelicis per hæreticos confitis, in secernendis actibus SS. MM. falsis & genuinis.

Jam quid sit *Critica*, & quæ in ea regulæ sint observandæ, paucis dispiciamus. *Critica* in genere est *ars judicii ferendi*. Ejus nomen a Græcis mutuatum latine *judicium* significat, atque ideo in Critico id præsertim desideratur, quod nos rectam *intelligentiam* nuncupamus (e). Prout vero ad historiam pertinet, est *ars judicii ferendi de factis historiam constituentibus, de operibus ingenio partis, de eorum variis lectionibus obviis, de sensu, stylo, & auctoribus*. Ut ergo quis hanc artem assequatur, multo inprimis opus est ingenio, mentis acumine, animi maturitate, prudentia, excellenti memoria, lectione plurima & multifaria: sed inprimis necesse est, ut sagaciter discernat, solide judicet, exquisitè sapiat, ejusque judicium recta & sana ratio remoto quocunque corporis & animi afflictu moderetur.

Ut autem *Critica* aliqua sit legitima, ac recta, ferme eadem in ipsa præcautiones sunt adhibendæ, ac in ferendo iudicio: Nempe Criticus primo debet esse *judex competens*; Secundo rem, de qua fert iudicium, ad amissim intelligere; Tertio ferre sententiam ex rationibus convincentibus; Quarto esse *indifferens*, & non acceptor personarum. Ex quo confectarium est, quod Criticus debeat optime callere materiam, super qua crisin parare intendit. Quapropter flocci pendendus foret Grammaticus, si puncta quædam Theologica, vel Juridica decidere tentaret. Hujus farinae sunt nonnulli scioli vel semidocti, qui falsa eruditionis opinione intumescunt Censoris munus sibi arbitrario vendicant, virgam censoriam in omnes libros, autores, & sententias extendunt, quin veram aliquam rei notitiam, aut certe non nisi superficialia-

(e) Honoratus a S. Maria in Animadvers. in reg. & ul. Crit. Tom. 1. Dissert. 1. art. 1.

Criticus debet esse cautus potius in regulis fidei. Diversæ sunt regulæ Criticæ pro diversitate materiæ.

ficiariam possideant : non enim qualiscunque, & generalis sufficit notitia, sed peculiaris & prorsus accurata requiritur. Neque mox in crisin prorumpendum est, sed rationes ad trutinam redigendæ erunt : & tunc iudicium rationibus accuratissime expensis vel ferendum, vel suspendendum. Præprimis vero summa moderatione opus est in rebus fidei : meminisse enim oportet, Catholicam religionem non artem aliquam, aut naturalem esse scientiam, in qua singulis liceat arbitrario investigare, fingere, mutilare, adjicere. Peculiares autem regulæ sunt observandæ in dijudicandis peculiaribus materiis ; aliæ in dijudicandis SS. Patribus ; aliæ in historicis, in factis historicis, libris &c. de quibus Mabillonius loc. cit. & Honorat, a S. Maria (f). Ex definitione supra data patet, ad quænam se Critica potissimum extendat, si loquamur de Critica, prout ad historiam potissimum pertinet ; nempe ad libros quoscunque, sacros etiam, ad lectiones variantes, ad aucthores, ad sensum, stylum, & facta historica.

Critica sanior omnino necessaria, & quare ?

De necessitate *Criticæ sanioris* nemo sanus dubitaverit, qui secum expendit, quomodo antiquioribus temporibus ipsi sacri Codices corrupti, acta SS. Martyrum adulterata, Patrum opera depravata, aut ipsis falso inscripta, & obtrusa, innumeræ historiæ fictæ, miracula conficta, visiones & revelationes non satis fundatæ in vulgus sparsæ, scientiæ sublimiores, & artes liberales, ac humaniores mirum in modum corruptæ, innumeræ fabulæ historiis veris intrusæ, historiæ veræ e sua possessione dejectæ fuerint. Interest sane Religionis Catholicæ vel maxime, ut ancillante Critica vera a falsis, dubia a certis, supposititia a genuinis discernantur, ne si de falsitate convincamur, aut structuram nostræ religionis dubiis documentis superstruamus, totum ædificium corruat. Profecto timent scrupulosiores Christiani, ubi nihil est timendum : nihil sane pertimescendum Religioni, etiamsi quamplurima documenta dubia eliminantur, nihil Christianæ virtuti, etiamsi quædam piæ credulitates amendantur : stabit immota religio, & christiana virtus, suis suffulta fulcris fundamentalibus : fulcra religionis, virtutis christianæ & morum sunt *Scriptura & traditio Dei, Apostolorum, & Ecclesiæ, & ex his enata fidei, morum & disciplinæ* dogmata : remedia

Inanis multorum est timor.

(f) Quatuor signa adducit Mabillonius, ex quibus dignosci potest, an opus aliquod sit hujus vel alterius Auctoris, nimirum ex Manuscriptis ; ex uniformitate, aut diversitate styli, præsertim vero doctrinæ, ac opinionum ; ex cæterorum Auctorum testimonio, a quibus istud opus continuo laudatur ; & tandem ex gestis, quæ in ipso narrantur.

remedia vero salutis sunt fuga peccati, exercitium virtutum, frequens, & pius Sacramentorum ecclesiæ usus. Metuendum potius, ne nimius in defendendis documentis dubiis, ac traditionibus piis fervor, & zelus nocumento sit & saluti fidelium, & religioni; illis quidem, si fideles simpliciores hisce nimium fidant, in iis anchoram quasi salutis collocent, & interea salubriora, magisque necessaria salutis remedia negligant; religioni vero, si doctiores hujusmodi documentis dubiis veluti fundamentis structuram Ecclesiæ superædificent: quoniam hoc modo ecclesiam irrisioni, & contemptui Sectariorum, & aliquoties periculo, ne latens falsitas detegatur, exponant (g).

De *Critica* in Jurisprudentia ecclesiastica singulariter necessaria quid dicamus? Decretum Gratiani innumeris scaterere mendis, canonicis spuris & supposititiis in anterioribus dictum fuit: In Decretales quoque similes irreplisse errores quis nescit? non raro Pontifices a Glossatoribus in opiniones non sat fundatas fuisse inductos, aliunde res est certissima: canones non paucos truncatos fuisse insertos collectionibus, diu demonstratum fuit: canones plures esse obscuros, a quotidiana docemur experientia: & qua arte hisce omnibus opitulabimur, nisi opitulante saniori *Critica*? ut quid ergo mirum, quod tot Scriptores de insigni usu Critices in Jurisprudentia integras Dissertationes conscripserint? fatemur, & libenter fatemur, quamplurima superesse dicenda de insigni usu sanioris Criticæ. Sed manum de tabula. Consulatur qui voluerit Mabillonium (h) & Honoratum a S. Maria (i).

§. IV.

Ad Historiam ecclesiasticam Juri ecclesiastico potissimum propriam, illiusque fortissimum præsidium, ac potentissimum subsidium delabimur. Absit, ut illius præstantiam, utilitatem, ac necessitatem pro comparanda perfecta Jurisprudentia ecclesiastica Jurium Candidatis amplius commendemus: cum, quidquid in Jure ecclesiastico sive quoad objectum, sive finem, sive fundamentum, ac rationes fundamentales reperire est, id ferme omne esse sacrum, & ex Historiis ecclesiasticis depromendum dignoscatur. Et quam non jucundum, amœnum & gratum accidere debet Jurisprudentiæ studioso, primas Juris ecclesiastici

(g) Vid. Tom. 1. Quæst. 2. C. 3. §. X.

(h) De stud. Monast. Tom. 2. cap. 13.

(i) Animadvers. in Regul. cap. 1. & seq.

Juris Eccles. Tom. II.

origines rimari, varias rerum ac Jurium vicissitudines, diversa Imperantium fata, mutationes ecclesiarum, hæresum & schismatum ortum & progressum, Conciliorum historias, & alia sexcenta plenius scire & agnoscere?

Historia Ecclesiastica varie dividitur.

Ante omnia divisio Historiæ ecclesiasticæ danda, cujus alia dicitur *vetus*, & alia *nova*: prior repetitur ab orbe condito usque ad Christum natum: & iterum est vel *Hebraica*, vel *Gentilis*; vel *ante-Diluviana*, vel *post-Diluviana*. Posterior deducitur a Christo nato usque ad nostra tempora: & est *Evangelica*, *Apostolica*, & *Ecclesiastica*; item *vetus*, *media*, & *nova*, quarum prima a Christo nato; altera a tempore Caroli M.; tertia ab Ecclesiæ reformatione, vel etiam a tempore magni illius schismatis decurrit.

Historia Ecclesiastica quomodo studendum?

Jam qua ratione Historiæ ecclesiasticæ sit studendum, videamus. Aliter sane studendum illis, qui ad sublimiorem eruditionem, ac historiarum scientiam aspirant, atque in arte historica magistri esse, & audire volunt; aliter iis, qui equidem historiarum notitiam perfectam haurire, atque in hac etiam arte excellere volunt, in quantum historia iis subsidio esse potest in ordine ad alias artes, & scientias, quibus comparandis & in se excolendis se tota contentione consecrant. His posterioribus sufficet, dummodo melioris notæ Scriptores juniores, quorum catalogum infra dabimus, legerint, & in eorum studio diligentiores fuerint. Prioribus omnino necessum est, ut ad antiquitates recurrant, Scriptores antiquos, synchronos, coævus per omnem sæculorum seriem decurrant, ac ipsam historiam profanam cum ecclesiastica jungant: cum unam sine altera perfecte assequi sit impossibile.

Methodus & ordo studendi ex Mabillonio traditur.

Itaque methodum & ordinem studendi potissimum juxta præscriptum Mabillonii dabimus. Ante omnia pro addiscenda historia sacra antiquæ legis evolvendi sunt sacri codices, & Scriptores illi, qui expresse historiam veteris legis scripserunt, quibus omnino adjungendi sunt Scriptores de antiquitate Judaica Josephus, ac Philo. In nova lege incipiendum est ab ipsa lectione sacræ Scripturæ & historia Christi, & Apostolorum. Scriptores vero sunt duplicis generis, quorum alii diversi argumenti res gestas; alii ex professo rerum gestarum historias scripserunt. Si jam de historia veteri novæ legis loquamur, dubium non est, quin hi omnes sedulo lustrandi sint: quapropter illis, qui ad sublimiorem eruditionem eluctari contendunt, præprimis consulendi sunt Patres & Scriptores primorum trium sæculorum, quibus adhuc nemo erat, qui historiam ecclesiasticam ex professo conscriberet, & in ordinem redigeret. Tunc legendi etiam ipsi Scriptores ecclesiastici antiquo-

tiquiores, quales fuere Eusebius Parens historiæ ecclesiasticæ, Socrates, Sozomenus, Theodorus Lector, Philostorgius, Evagrius, Theophanes, quibus addit Mabillonius Bibliothecam Byzantinam Photii, & Zonaram. Atque hac ratione progrediendum per omnes sæculorum decursus, quatenus Authores & Scriptores coævi præprimis ante oculos sunt habendi. Quinam autem sint hi Scriptores Historiarum, id ex quovis historico nostræ ætatis desumi poterit, quorum plures sunt, qui ex professo in suis libris historicis secundum seriem sæculorum Scriptores ecclesiasticos in unum numerum & catalogum collegerunt. Plures hujusmodi Scriptores ecclesiasticos mediæ ævi recenset cit. Mabillonius (k), potissimum sequentes, Gregorium Turonensem, venerabilem Bedam, Annales S. Bertini, Diaconum Papiensem, Eulogium Cordubensem, Flodoardum, Luitprandum, Dithmarum, Lambertum Schafnaburgensem, Hugonem Abbatem Flaviniacensem, Sigebertum Gemblacensem, Ordericum Vitalem, Wilhelmum Malmesburiensem, Mathæum Parisiensem.

Post evolutos Authores Autographos progrediendum ad Scriptores ecclesiasticos, qui ex professo historias antiquas & novas scripserunt, inter quos eminet Baronius Annalium Parens facundissimus, illiusque Continuatores Bzovius, Raynaldus, aliique innumeri. Præprimis etiam lustrandæ sunt Collectiones Conciliorum, quales nunc plures prostant, Coletana, Binii, Labbeana, Harduina &c. & nova, quam meditatur Vir eruditus Joannes Dominicus Mansi, Lucensis, Congregationis Matris Dei, cujus jam aliquot Tomi lucem aspexerunt publicam. Consulenda insuper sunt varia Critica in Historiam ecclesiasticam, quorum refert cit. Author Bellarminum de Scriptores Ecclesiasticis, Criticam Antonii Pagi in Annales Baronii, Monumenta Tillemontii, Opera Henrici Norisii &c. Hisce omnino addendi sunt plures Scriptores etiam Protestantici, qui sane suis laboribus repubblicam literariam haud modice illustrarunt, & historiæ ecclesiasticæ vel maxime lucem affuderunt plurimam (nam virtus etiam in hoste est laudanda) quamquam cæteroquin circumspecte sint legendi, utpote qui res gestas, & rerum gestarum documenta, ac historias haud parum adulterarunt. Sed quid frustra nos fatigamus? utique celeberrimus Mabillonius, sæpius a nobis citatus, exactissimam methodum studendi historiæ ecclesiasticæ tradidit, & Scriptores ecclesiasticos Autographos pro omnibus Ecclesiæ sæculis accuratissime indigitavit, cu-

(k) De Stud. Monast. cap. 8.

jus lectionem omnibus & singulis altiora sapientibus vehementissime commendamus (1).

Ut autem Candidati Jurisprudentiæ ecclesiasticæ aliqualem librorum historicorum notitiam habeant, visum est nobis aliquem hic subungere catalogum Scriptorum tam Catholicorum, quam Protestantorum celebriorum, ac noviorum, qui rem historico-literariam suis libris illustrarunt.

*Catalogus
præcipuo-
rum libro-
rum & Au-
thorum Hi-
storicorum
tam Catho-
licorum quam
Protestanti-
corum.*

Itaque non est nobis animus omnes prorsus Scriptores ecclesiasticos per sæculorum ordinem recensere: hoc enim labore egregie defuncti sunt, qui de Scriptoribus ecclesiasticis ex professo scripserunt, uti Elias Du Pin, Caveus, Ittigius, alique; neque omnes historiæ tam universalis, quam particularis noviores libros in unum quasi cumulum congerere: istud enim immensi laboris opus foret, quo eo lubentius abstinemus, quo plures nostris etiam temporibus extiterunt Auctores, qui id laboris in se susceperunt, quos inter numerandi veniunt Fabricius in sua Bibliotheca, Mathæus Psaffius, qui in sua *Introductione in Historiam Theologiæ literariæ* Scriptores Historiæ universalis, & particularis e. g. hæresum, Conciliorum, Pontificum, Patriarcharum, Liturgiarum &c. quam fuisse recenset, notisque illustrat (m), cui adungere liceat Th. Ittigium in Præf. ad selecta capita Historiæ ecclesiasticæ (n). Usui vel maxime in hac materia esse potest Bibliotheca Mabillonica Tractatui de Studiis monasticis subjuncta. Id solum ergo agemus, ut celebriorum Historiarum Scriptores pro aliquali notitia in ordinem redigamus.

*Dua classes
Scriptorum:
alii Compendia,
alii Systemata
scripserunt.
Scriptores
Compendio-
rum recen-
sentur.*

In duas classes Scriptores Historiæ dividi possunt, scilicet eorum, qui *Compendia*; & qui *Systemata* scripserunt. Ordiamur a *Compendiis*. Ex Scriptoribus Catholicis hujusmodi compendia, nobis saltem nota, scripserunt Spondanus Compendiator Baronii, Elias Du Pin Compend. Hist. Eccles., quod ex Gallica in Germanicam linguam versum & editum Ratisb. an. 1713. Desingius Compend. Erud. Ex Doctoribus Protestantibus eminent. Math. Psaffius Instit. Hist. Eccles. Laurentius Mosheim Instit. Hist. Eccles., Historia Ecclesiastico-Gothana, Joach. Langius Hist. Eccles. a mundo condito &c. Sigism. Baumgarten Breviarium Hist. Christianæ. Godof. Arnold Kurfürstliche Kirchen-Historie. Ex Reformatis huc pertinet Joan. Clericus Hist. Eccles., Alphonsus Turretinus Compend. Hist. Eccles. Henricus Staehlius *Kirchen-Historie*.

Systema-

(1) Idem Mabill. cap. 20.

(n) Prodiit Lipsiæ 1711.

(m) Tom. 3. per totum.

Systemata Historiæ ecclesiasticæ ex Catholicis scripserunt sequentes iique celebriores, & notiores Historici, Card. Baronius Annal. Eccles., illiusque continuatores Antonius Pagi Critica Historico-Chronol. in Baronii Annal. Antonius Godavius Hist. Eccles. Natal. Alexander Hist. Eccles., Lenain. de Tillemont memoires pour servir à l'histoire Ecclesiastique, Claud. Fleury histoire Ecclesiastique, Hyacinthus Græveson Hist. Eccles. *Scriptores Systematum Catholicæ*

Inter Systematum Scriptores Protestanticos eminent Centuriatores Magdeburgenses, Hübnerus, Godof. Arnold. Kirchen, und Regerr. *Protestantische* Historie, Conrad. Homeius, Joan. Micraelius, Joan. Conrad. Danhauserus, Christoph. Kortholdus unpartheiſſche Kirchen, Historie altes und neuen Testaments von Erschaffung der Welt &c. constat hoc opus X. tomis & IV. continuationibus, Joannes Georg. Walchius Hist. Eccles. Mosheim Instit. Hist. Eccles. Baungarten Auszug der Kirchen, Geschichte, Pertschius Versuch einer Kirchen, Historie, Joan. Paul Reinhardus Kirchen, Geschichte des neuen Testaments &c. quamquam hi ultimi potius compendia, quam Systemata scripsisse videantur. Ex Reformatis Systema scripserunt Joan. Henricus Hottinger Hist. Eccles., Timannus Gesselius Hist. Sac. & Eccles., Georgius Hornius Hist. Eccles. usque ad Sæc. X., Fridericus Spanhemius Synopsis Hist. Eccles. Jac. Basnage histoire de l'Eglise, Samuel Basnage Annal. Polit. Eccles. Atque hi sunt celebriores, & nobis saltem notiores Historici, quos eum in finem in compendium redigere placuit, ut Jurisprudentiæ Candidati aliqualem saltem eorum habeant notitiam. *Reformati.*

Agendum etiam foret de Scriptoribus historiarum particularium: *Scriptores* verum temporum angustiae breves nos esse jubent. Videatur citatus *historiarum* Plafius, & libellus parvus Joa. Ernest. Floerckii, qui inscribitur: Præ-particularium. *particularium.*

Si qua alia in scientia, certe in Historia ecclesiastica innumeræ occurrunt difficultates & controversiæ ingenti animorum contentione inter Viros eruditissimos agitæ, quas omnino scire juvat. Quapropter consulimus, ut qui illarum notitiam habere desiderat, adeat Mabilonium, utpote, qui omnes has difficultates, quæstiones, & controversias secundum seriem sæculorum quam accuratissime recenset, unaque Authores, qui de super scripserunt, & legi debent, indigitat (o). Hæc unice pro discipulis scripta volumus. *Controversiæ historiarum innumerae sunt.*

§. V.

Historia literaria ad eruditionem obtinendam necessaria.

Ad Historiam literarum non nihil dilucidandam, illustrandamque progredimur, quæ singulis ad eruditionem aspirantibus tanto magis est necessaria, quanto est turpius, si quis ortum, progressum, incrementa, fata, conditores, & authores suæ artis, ac scientiæ ignoret. Si quæ alia, hæc certe historiæ pars mirum in modum nostro ævo excolitur, cujus argumento ineluctabili sunt innumeri libri, qui in dies in hac materia prodeunt in lucem publicam. Jam quid, & quotuplex sit hæc historia literaria, quænam ad illam pertineant, & quæ illius ad Jurisprudentiam ecclesiasticam sit necessitas, videamus.

Quid sit?

Est ergo historia literaria ea *scientia, quæ nobis artium scientiarum & linguarum fata, origines, progressum, editiones, virtutes & defectus, ac denique Authorum per omnia sæcula, per omnes sæculos, & nationes eruditionem, temperamentum, merita & demerita, atque præjudicia ostendit.*

Est amplissima, utilissima, necessaria.

Sine hac nulla scientia perfecte obtinetur.

Pandit & sistit. Paucis multa complexi sumus: ex quo colligitur, hanc scientiam esse & amplissimam, & præstantissimam, & utilissimam, ac ita necessariam, ut eruditio, ac historia literaria æquis passibus ambulare videantur. Nullius certe scientiæ sacra quis rite imbiberit, nisi origines, progressum, fata, defectus, modumque, quo augeri & ornari possit, nisi & scopulos hic præternavigandos, nisi genuinam ad portum veritatis perveniendi viam, verosque indices nisi librorum, nisi Virorum, qui rebus his expoliendis infudarunt, virtutes & vitia, eruditionem nempe eorum, & scriptionem quæ spectant, noverit. De hac scientia magnifice prorsus loquitur Psaßius (p), cujus verba quam libentissime admetremur, nisi prolixa nimis forent: paucis dicemus, quod ille fufus prosequitur: Id nempe intendit, quod Historia literaria detegat Pedantismum (q) tyrannidem literariam (r): confundat thrafo-

Illius utilitas & præstantia ex Psaßio.

(p) Introd. in Histor. Theol. Tom. 1. in Proleg.

(q) Hujus se reos faciunt, qui ambitione erudita elati magno fastu tument, & gloriam & laudes aucupantur nimias, & res exigui momenti magni habent, in parvis & minimis hærent, & utiliora negligunt.

(r) Hujus criminis se condemnant hæretices, qui excessive & cum excessu rigoris agunt contra hæreticos.

thraſones literarios (s) impoſtores (t) plagiaríos (u) vanos promiſſores (x) ſatyricos homines (y) obſcænos (z) impios (a), ſeditioſos ſcriptores (b): & econtra pandat Codices manuſcriptos, Diplomata, antiquitatum & numiſmatarum ſcrinia, atque ante oculos ſiſtat Viros in omni ſcientiarum ac artium genere doctos & eruditos, literatos Principes, doctos ruſticos, doctrina claras mulieres, muſarum Mæcenates, ac denique omnis generis libros, eorumque editiones exhibeat. Sed nec his contenta eſt ſcientia literaria: inquit in ortum, progreſſum, & incrementa artium, ſcientiarum: reſert originem Academia- rum, illarum fata, celebriores Bibliothecas; initium artis ſcribendi, Typographiæ (c): paucis, quidquid ad comparandam eruditionem aut utile, aut neceſſarium eſſe videtur, aut ad delectandum animum Virorum literatorum facere poteſt, quam largiſſime & ſuperabundantiſſime ſubminiſtrat. En, qui ſint fines & limites, ſcopus, utilitas, & præſtantia Hiſtoriæ literariæ! Sane non video, quid ad illius commendationem efficacius aut potentius dici poſſet.

Quotuplex jam ſit *Hiſtoria Literaria* videamus: potiffimum duplex *Hiſtoria* lit-
eſt, nempe *Univerſalis*, & *Particularis*: & utraque *Chronologica*, *Geo- varia* *lito-*
graphica, *Technologica*, *Biographica*, & *Bibliographica*. *Univerſalem* *multi-*
hactenus nemo perfecit, nec perficiet quiſquam, eſſi non pauci huic
operi conſummando manus appoſuerint.

Quod

- (s) Tales dicuntur, qui elato ſupercilio omnes deſpiciunt, & ſuper cæteros omnes ſapere volunt.
- (t) Impoſtores vocantur, qui vel Libros ſupponunt, vel interpolant, caſtrant, cor- rumpunt &c.
- (u) Plagiarii ſunt, qui aliorum libros deſcribunt, ſuosque faciunt.
- (x) Quinam ſint tales, ex ipſo nomine patet: hodie dantur innumeri, de quibus vid. Stravius in Hiſt. Liter.
- (y) Quinam tales dici mereantur, ſcient omnes, qui unquam de Satyris poetarum au- dierunt, vel legerunt.
- (z) Etiam hi ex ipſo nomine ſe produunt.
- (a) Huc pertinent Athei, Naturaliſtæ, Indifferentiſtæ.
- (b) Tales ſunt, qui in Reipublica ſeditiones excitant &c.
- (c) Vid. Heumann. in Apparatu cap. 25. §. 74. Alii Moysen literarum Autho- rem perhibent: aliis binæ legum Tabulæ Moysi traditæ primum literarum monumentum videntur: nullum tamen ſcriptum in hanc uſque diem profer- ri potuit, quod Moysæ antiquius fide dignum eſſet.

Origo illius.

Quod si quis jam in originem Historiæ literariæ inquirere vellet, procul dubio prius inquirendum foret in originem artis scribendi, materiam, in qua scribebatur, & in artis Typographicæ inventum ac primos literarum, ac studiorum cultores. Quoad artem scribendi, incertum est, quandonam mortales eam invenerint. Materia, in qua scribebatur, erat varia, folia, cortices, faxa, lintea, papyrus, membrana, charta (d). Modi scribendi iterum erant varii quoad notas, interpunctiones, accentus, puncta &c (e). Artis typographicæ inventio procul dubio adscribenda Germanis, de cujus ortu, & progressu plurimi extant libri (f). Primi literarum, ac studiorum cultores existimantur communius Chaldæi, Ægyptii, & Hebræi. Ex Ægypto transierunt in Græciam, e Græcia in Asiam. Quantum Romani Græcæ literaturæ tribuerint, latinorum multa loquuntur testimonia (g). Quandonam Literatura ad Germanos transferit, non adeo liquet. Certe Tacitus antiquos Germanos velut rudes, indoctos, omnium literarum expertes depingit, quorum tamen famam haud pauci authores vindicare contendunt. Inter primos Christianos plures fuisse egregie doctos, vel ipsa antiquorum Patrum & Scriptorum documenta loquuntur. Sæculo sexto & septimo mirum in modum literaturam fuisse turbatam, ac depressam, passim Scriptores testantur (h). Literis restaurandis, & excolendis maxime incubuit Carolus M. quem Viros eruditos in sua aluisse aula, scholas diversi generis *Palatinas, Episcopales, Monasticas* excitasse alibi diximus (i). Pessime vapulant Sæcul. X. & sequentia, & veluti sæcula ignorantiae passim traducuntur a Sæculariis: quamquam maximi nominis Scriptores iis ipsis temporibus floruerint (k). Sæcul.

De materia, in qua olim scribebatur, & diversis scribendi modis.

Quinam primi literarum ac studiorum cultores?

Literatura quandonam ad Germanos transierit?

Diversa fata literaturæ diversis fuisse temporibus.

Restoruit Sæc. XIII. & seq.

(d) Vid. Calmet. Dissert. de Antiquitatibus Scriptoriis.

(e) Vid. Heumann. in Appar. cap. 25. §. 76.

(f) Vid. Wolffii Bibliothec. Typographica &c.

(g) Quæ in hanc rem faciunt, leguntur apud sæpe cit. Heumannum.

(h) Floruere tamen Sæc. VII. & VIII. Beda Venerab. Isidorus, Alcuinus, Paulus Diaconus; in Oriente Joannes Damasc. Sæc. IX. tulit Rhabanum Maurum, Haymonem, Walefridum, Strabonem, Hincmarum, Reginonem, Anastasium Bibliothecarium &c.

(i) Quæst. 2. c. 1. §. 2.

(k) Hæc sæcula illustrant Luitprandus, Ditmarus, Hermanus Contractus, Lambertus Schaffnaburgensis, Sigebertus Gemblacensis, Burchardus Wormatiensis.

Io XIII. literarum studia, patrocinantibus Imperatoribus, vel maxime refluissē, majora in dies incrementa cepisse, & ultimis potissimum temporibus supremum attigisse apicem nemo est, qui ignoret (1).

Jam qua arte Historiæ literariæ studendum sit, atque in librorum scriptorumque notitiam venire valeamus, videndum. Ad comparandam sibi Historiam literariam, ac notitiam librorum & Authorum innumera prostant subsidia. Huc pertinent primo Scriptores, qui ex professo Historiam literariam, de libris, & eorum scriptoribus scripserunt: de quibus videantur præter cæteros Morhofius (m) & Struvius (n). Secundo *Bibliothecæ* variae, & illustriores, aut saltem catalogi Bibliothecarum celebriorum, quæ ingentia præstant subsidia ad notitiam librorum: de quibus videantur iidem Scriptores (o). Tertio *Lexica literaria*, qualia hodie dantur innumera, Universalia, Philosophica, Mathematica, Medica, Juridica, Theologica, Biblica, Historica, Critica, Literaria, Sanctorum, Hæreticorum; Antiquitatum, Technica, Musica, Geographica, Oeconomica, Casuistica &c. de Lexicophragis Historicis vid. cit. Morhof (p). Lexicon biblicum insignè scriptit Calmet (q). Quarto *Ephemerides literariæ*, quorum pertinent acta Eruditorum Lipsiensium (r), *Catalogi Bibliothecarum*, quales sunt Bibliothecæ Viennensis, Parisiensis; Lugdunensis, Anglicanæ &c. *Novellarum lectio*, inter quas enumerandæ veniunt Lipsienses, Göttingenses, Ratisbonenses, Erlangenses &c. Item *Acta societatum literarum*, quales hodie florent innumerae per omnes Europæ partes, Regna,

mationis, Ivo Carnotensis, Petrus Abaelardus, Petrus Lombardus, Joannes Sarisberienfis, Otto Frisingensis, Wiliwaldus Abbas Corbeienfis &c.

- (1) Jam Sæc. XIII. favebant Musis Fridericus II. Imperator, & Alphonsus X. Rex Castellæ, & Legionis. De Academiis erectis Bononiensi, Parisiensi, Viennensi, Heidelbergensi, Pragensi, Coloniensi, Erfurdenfi, quarum ultimæ Sæc. XIV. erectæ sunt; nec non de innumeris scriptis, & Scriptoribus immensum foret dicere, maxime si ad ultima duo sæcula reflectere vellemus.

(m) Lib. 1. de Vit. Script.

(n) De Histor. Lit. cap. 1.

(o) Lib. 1. cap. 16. & Struv. cit. Lib.

(p) Loc. cit. pag. 212. & Struv. pag. 36. & 82. Item Cave in *Proleg. in Hist. Liter.*

(q) *Dictionaires de la Bible.*

(r) Item *Journal des Savans*, *Memoire de Trevoux*, *Bibliothèque Universelle* &c.

Juris Eccles. Tom. II.

Kkk

gna, & Provincias (s). Quarto: Huc conferunt colloquia cum Viris eruditis, quorum allegationes plus erudunt, quam multa alia, & exemplis formant, & Judicium acuunt (t). Hæc pro aliquali saltem notitia Historiæ literariæ Jurisprudentiæ Candidatis sufficiant, quibus omnino commendamus Libellum, quem de *Historia literaria* edidit Struvius una cum Morhofio. De utilitate quoque & necessitate Historiæ literariæ nos sufficienter dixisse arbitramur.

C A P U T VI.

De Studio antiquitatum in ordine ad Jus ecclesiasticum.

§. I. De præstantia Studii antiquitatum. II. Quid, & quotuplicis generis sint antiquitates? III. Undenam antiquitates repetendæ? IV. De Scriptoribus antiquitatum. V. Quinam celebriores? VI. De Antiquitatibus & Scriptoribus ad Jus ecclesiasticum. VII. Ad Germaniam pertinentibus. VIII. De Studio antiquitatum.

§. I.

Studium antiquitatum est præstantissimum.

Itinera literaria.

Si quod est ævo hoc literatissimo studium, in quod Viri præcipui, & primæ prorsus eruditionis tota animi contentione innitebantur, eisdemque ferme totam suam vitam, vires ingenii, & labores suos consecrarunt, cui artes & scientiæ hodiernæ sua debent incrementa, suumque florem, & quod Viros eruditos toti orbi literario præ cæteris secit honorabiles, illud profecto est Studium antiquitatum. Quid non fecerunt Viri eruditi anterioris & nostri Sæculi, ut omnes antiquitates conquirerent? Itinera ardua æque ac periculosa ingentibus Regum & Principum sumptibus in se susceperunt (u), scrinia, & ferme rimulas Bibliothecarum, Archiviorum omnium excusserunt, lapides, marmora, statuas, imagines, picturas, & scripturas antiquissimas sedulo examinarunt; paucis: nihil intentatum reliquerunt, ut ex inscriptionibus, epitaphiis, lapidibus documenta in ordine ad res litera-

(s) In Gallia, Italia, Germania &c.

(t) Sunt verba Perillust. de Senckenberg. in *Method. Jurisprud.* §. 20.

(u) Uti Mabillonius, Montfauconius &c.

literarias illustrandas eruerent. Loquuntur id itinera Virorum literatissimorum typis mandata (x), Thesauri antiquitatum, Anecdota, alique libri, quocunque compellentur nomine, quibus orbis literarius abundat.

§. II.

Studium antiquitatum pro diversitate Nationum, Regnorum, Ar-^{Antiquitates} tium & Scientiarum est diversum. Aliæ sunt Antiquitates Græcorum, ^{sunt multi-} Judæorum, Romanorum, Germanorum, Itolorum, Gallorum &c. ^{plicis gene-} Iterum aliæ ecclesiasticæ, & aliæ civiles & prophanæ: & hæc iterum ^{ris.} pro diversitate Nationum sunt diversæ: aliæ Juris divini, Juris ecclesiastici, & Romani; & aliæ Juris gentium, feudalis, germanici, publici & particularis. Hæc adeo sunt liquida, ut ulteriori expositione non egeant.

§. III.

Paucis aperiendi sunt Fontes, ex quibus Antiquitates eruuntur. ^{Fontes anti-} ^{quitatum.} Hi vero sunt sequentes: literarum documenta, monimenta, inscriptio-
nes, lapides, marmora, instrumenta, picturæ, imagines. Hinc Ar-^{Archæo-} chæographia solet dividi in numismatographiam, Epigrammatogra-^{graphia va-} phiam, Architectonographiam, Iconographiam, Glyptographiam, ^{rie dividi-} Torevmatographiam, Bibliographiam, Angeiographiam. Aliis dice-^{tur.} re placet, quod alia sit nummaria; alia lapidaria, ritualis; & anti-
quaria mixta. Nullæ hæcenus antiquitatis reliquiæ plures sibi cultores ^{Res numis-} conciliarunt, quam ^{matica nunc} nummi. Inde est, quod nummi jam ingenti pretio ^{præcipue æ-} coemantur, exinde collectiones pretiosissimæ coadunentur, & in Ar-^{stimatur, &} chiviis vel Antiquariis sedulo custodiantur. Nostri instituti non est de ^{excolitur.} regulis hujus artis, de scriptoribus, de utilitate hujus studii in ordine
tum ad res historicas illustrandas, tum ad forum politicum nostro potis-
simum ævo, ubi pecuniæ luridissimæ fortis cum inenarrabili damno Rei-
publicæ, & commercii humani circumferuntur, diu noctuque priva-
tim & publice in conventibus monetaliis de emendanda re nummaria
agitur, pluribus tractare. Sicui libet in hac arte proficere, legat Scri-
ptores, qui rem nummariam copiosissime illustrarunt.

§. IV.

Numerus Scriptorum, qui de antiquitatibus scripserunt, eas se-^{Scriptores} dulo collegerunt, conquiesierunt, & typis mandarunt, prorsus est in-^{Antiquita-} ^{tum.}
Kkk 2 gens.

(x) Talia ediderunt Viri mox antea laudati.

gens, quos non facile quis in numerum coegerit. Hac superre videantur Scriptores, qui Antiquarios, & antiquitatum Scriptores studiose in unum veluti indicem & catalogum coegerunt, aut ex professo de iis scripserunt. Ad hunc finem serviunt Morhofius (y), Fabricius (z). Item huic pertinent Scriptores, qui de Re Diplomatica, Numismaria, & Sphragistica egerunt; ac illi demum, qui antiquitates e vetustissimis documentis, sigillis, picturis, & inscriptionibus eruerunt, & sua industria de re literaria optime sunt meriti.

§. V.

Excellentiores rei Diplomaticæ Scriptores recensentur.

Nostro ævo in conquiendis, edendisque antiquitatibus, præcipue Diplomatibus, excelluere Patres Benedictino-Mauriani, Mabillonius, Montfauconius, Eduardus Martenius & Durandus; ex Italis Muratorius; ex Germanis Bernardus Pezius, & Godefridus Abbas Gotwicensis, Leibnizius, Ludwigius, Gudenus, quorum opera orbi literato sunt notissima.

§. VI.

Ad Jus ecclesiasticum pertinent Antiquitates Ecclesiasticæ, Græcæ, Judaicæ, Romanæ, & Germanicæ.

Ad Jus ecclesiasticum illustrandum proculdubio pertinent Antiquitates Ecclesiasticæ, Græcæ, Judaicæ, Romanæ, & Germanicæ; Græcæ: quia multa in ritibus ecclesiasticis ex moribus paganorum remanserunt, & ad cultum divinum supremo Numini exhibendum fuere assumpta: id quod Ecclesia utique facere potuit, quod sint ritus innocui, honesti, neutiquam mortiferi, superstitiosi, aut idololatrici; Judaicæ ex hac ipsa ratione: quia Evangelium ab Ecclesia Judaica acceptum; & plures ex ritibus Judaicis ad Christianismum fuere translati; Romana etiam, & id eo magis: quod Romana ecclesia sit Mater omnium ecclesiarum, & magistra, centrum unitatis, caput orbis christiani; Germanicæ, utpote quæ Ecclesiam Germanicam, illius disciplinam, ritus & ceremonias, jura & prærogativas proprias attingunt. Huc spectant antiquissimæ liturgiæ, Missalia, Pontificalia, Cærimonialia, Ritualia, & cæteri omnes libri rituales; item Scriptores, qui origines rerum ecclesiasticarum, rituum & ceremoniarum descripserunt, quales sunt Ruinardus, Martene, Durandus, quibus annumerandi Thomassinus (a) Du-Pin (b) Joseph Bingham (c). Moshemius (d) & plures alii.

§. VII.

Huc spectant diversæ generis liturgiæ. Et Scriptores originum rei ecclesiasticæ.

(y) Part. 1. lib. 3. cap. 1.

(z) Biblioth. lib. de antiq. Script.

(a) De vet. discip. Ecclesiæ.

(b) De Antiq. Eccles. discip.

(c) Orig. Eccles.

(d) De rebus christian. trium priorum sæcul.

§. VII.

Germanis jam sæpius exprobratum fuit, quod peregrinis antiquitatibus intenti suas investigent segnius, ait Joan. Heumannus. Et sane in hancusque diem destituimur jure ecclesiastico Germaniæ. Sunt autem antiquitates Germanorum discendæ ex libris Doctorum Ecclesiæ Germanicæ, maxime S. Bonifacii, Rhabani Mauri, Alcuini, cæterorumque mediæ potissimum ævi Scriptorum, quos alibi recensuimus.

§. VIII.

Ingentem profecto artium & scientiarum apparatus requirit studium Antiquitatum. Quisquis ergo huic studio se consecrare cupit, ante omnia debet habere notitiam diversarum linguarum: dein sibi comparare debet scientiam Numismaticam, Heraldicam, Sphragisticam, & Diplomaticam, utpote mediantibus quibus, & non aliter scientia antiquitatum acquiritur, & perficitur. Modum & methodum hujce studendi tradit Heumannus. Nos alia vocant ad scopum & finem nostrum propius pertinentia.

CAPUT VII.

De studio Theologiæ, & Jurisprudentiæ cujuscunque ad Jurisprudentiam ecclesiasticam utili vel necessario.

§. I. De nexu inter Theologiam & Jurisprudentiam ecclesiasticam. II. De studio Theologiæ. III. De nexu inter Jurisprudentiam ecclesiasticam, & cæteras partes Jurisprudentiæ. IV. De illarum studio & methodo studendi. V. De Historia illarum literaria. VI. De Jurisprudentia practica multiplici, & illius studio, potissimum legislatoria, & notitia Politicæ, & Statisticæ ad eam necessaria.

§. I.

Progrediamur ulterius, & quomodo ipsa etiam Regina scientiarum (intelligimus sacrosanctam Theologiam) Jurisprudentiæ aliquo modo ancillari non dedignetur, aut potius Jurisprudentiæ inde subsidia mutuare

*Theologia
secundum
omnes suas
partes Ju-
risprudentia
ecclesiastica
præbet sub-
sidia.*

mutuare necessum sit, videamus. Consideremus *Theologiam* in se, & illius partes secundum eum modum loquendi, quem hactenus adhibere consuevimus (e). Aut enim nobis est sermo de *Theologia*, uti vocant, *Dogmatica*: nunquid *Jurisprudentia* ecclesiastica communia cum illa habet principia, quæ *Theologi* *locor*, nos *fontes* appellare consuevimus? An non in *Jure canonico* quamplurimæ occurrunt quaestiones, pro quarum dilucidatione & decisione principia Theologica in subsidium vocare necessum habet e. g. Tit. de summa Trinit. de Ordinibus, de Major. & Obed. de Sacrament. non reiter. de Baptif. de Cultu & Venerat. SS. de matrimonio, de Pœnit. & Remiss. &c.? Aut de *Theologia* *speculativa* loquimur: & quis ignorat passim in *Jure ecclesiastico* occurrere terminos, & modos loquendi ex *Theologia* scholastica adoptatos & Pontifices sua Decreta & Rescripta principiis *Theologiæ* speculativæ adaptasse, & conformasse (f)? de *Theologia morali* quid dicamus? Individuum sane inter utramque scientiam esse nexum nemo negaverit, quisquis vel obiter scopum & finem utriusque perspexerit: utraque est ordinata ad dirigendos, informandosque mores, ad leges naturales, divinas, humanas interpretandas, cum hoc solo discrimine, quod *Theologia moralis* dirigat mores & interpretetur leges in ordine ad conscientias & salutem fidelium; *Jurisprudentia* in ordine ad salutem ipsius Ecclesiæ. Dixisse sufficiat, quod omnis *Theologia*, quocunque compelletur nomine, notabilem partem *Jurisprudentiæ* constituat. Quantum conferat *Theologia* ad *Jurisprudentiam ecclesiasticam*, a propria scimus experientia.

§. II.

*Ad Juris-
prudentiam
potissimum
facit Theo-
logia natu-
ralis Hermeneu-
tica, &
Sacramen-
taria.*

Tria potissimum sunt in *Theologia*, quæ ad res *Jurisprudentiæ* ecclesiasticæ illustrandas oppido necessaria esse videntur, nempe *Theologia naturalis*, in qua existentiam Dei tanquam Entis supremi, Religionem & cultum eidem debitum docemur; *Theologia Hermeneutica*, quæ ex *Scripturis sacris* Religionem a Christo revelatam; & præcipua illius capita demonstrat, & dilucidat; *Theologia sacramentaria*, ex qua præcipui ritus in *Jure ecclesiastico* dilucidandi suam lucem emendicant. Ante omnia vero Candidatis *Jurisprudentiæ* commendamus prima *Theologiæ* principia, quæ communi nomine vocantur *loci Theologici*, sine quorum

(e) Hodie dividunt *Theologiam* in *Scripturificam*, *Traditionariam*, *Exegeticam*, *Casualem*, *Catechetica*, *Homiletica*, *Mystica* &c.

(f) Vid. cap. cum *Martha* de *Celeb. Mill.*

quorum intelligentia nemo unquam ad Jurisprudentiam ecclesiasticam eluctabitur.

Agendum hic foret de Studio theologico in ordine ad Jurisprudentiam ecclesiasticam præcipue instituendo. Interim ne falcem in alienam messem mittere videamur, remittimus lectorem ad scriptores, qui de Studio theologico recte instituendo ex professo scripserunt. Ex his nobis noti sunt Joan. Mabillonius de Stud. Monast. Elias Du Pin de Methodo Stud. Theolog. Buddeus in Isagoge historico-theolog. Joach. Lang in Instit. Studii theolog. liter. Huc pertinent illi, qui Historiam literariam theologiæ scripserunt, ex quibus ad manum habemus Introductionem in Histor. theolog. literariam Matth. Pfaffii.

De Studio theologico remissive ad Authores, qui de eo ex professo scribunt.

§. III.

Jam in immensum excurrere necessum foret, si, quantam utilitatem ad *Jurisprudentiam ecclesiasticam* conferant, & quo nexu invicem cohæreant cæteræ partes Jurisprudentiæ, explanare vellemus. Sed nolumus rem aliunde certam ulterioribus argumentis cominonstrare. E-
quidem animus erat etiam in his calamus diffundendi: sed a proposito *indiv-
viduum cum
cæteris par-*
cepto abstinere jubent rerum temporumque circumstantiæ. *Juris-
tibus Juris-
prudentiæ.*
Jurisprudentiam publicam universalem suo modo esse fundamentum *Jurispru-
dentiæ ecclesiasticæ* aliunde demonstratum manet. Quantum vero sit ne-
xus inter *Jurisprudentiam ecclesiasticam & civilem* neminem latere potest: *Cum publica
universali.
Cum civili.*
undenam enim prima fundamenta intelligendi terminos technicos & modos loquendi Juridicos addiscere debemus, nisi ex Institutionibus Juris civilis? An non innumera præcepta ex Jure civili mutuarunt Con-
ditores Juris ecclesiastici? Quomodo erit possibile, ut ille, qui equi-
dem in studio canonico egregium, aut omnino inter primos eminentem fecit profectum, in praxi & tribunalibus suam doctrinam utiliter exerceat, nisi prima Juris civilis elementa calluerit? experiuntur id in dies illi, qui quibuscunque tribunalibus suas locarunt operas, & ele-
menta Juris civilis ne a limine quidem salutarunt. *De Jurisprudentia* *Cum publica
particulari
Germaniæ*
publica particulari Germaniæ quid dicamus? Hæc adeo nostris temporibus necessaria est, ut sine ea nemo ne quidem nomen Jurisconsulti mereatur. Sunt in Imperio Romano Germanico Status ecclesiastici & sæculares nexu indissolubili connexi: habemus leges particulares nobis solis proprias: sæpe nobis agendum cum Protestantibus in materia Religionis, in causis Ecclesiam concernentibus. Jam edicat nobis aliquis, quomodo nexus iste conservari, leges nostræ particulares, quarum aliquas dicere licebit *libertates Germanicas*, in tuto collocari, Pro-
testan-

Cam feudali.

testantibus obviari poterit, nisi leges nostras proprias sciamus, & in promptu habeamus? Unde jam supra monuimus, in nostra Germania non merum Jus Pontificium, sed vere ecclesiasticum, & Germanicum esse tradendum. Videantur, quæ alibi diximus (g). Idem dicendum de *Jurisprudencia Feudali*: In ipso Jure canonico habemus Titulum de *Feudis*. Hinc inde plura disposita legimus, quæ spectant materiam *Feudorum*. Quis nescit amplissimam esse materiam *Feudorum ecclesiasticorum*, a Principibus ecclesiasticis possideri *Feuda Imperii*, Ecclesias sæpe esse *Dominas*, & non raro *Vasallas*, & *Vasallagium* subire? Quid olim frequentius quam *Infeudatio Decimarum*, aliorumque bonorum ecclesiasticorum? an non *Beneficia* ecclesiastica ad modum *Feudorum* esse erecta scimus? Hæc & his similia, quomodo sine notitia *Juris feudalis* intelligi valeant, non videmus.

Jus Germanorum hodie excolitur singulariter, & quare?

Juri ecclesiastico explanando plurimum utilitatis affert.

Quid Jurisprudencia criminalis præstet ad Jurisprudenciam ecclesiasticam. De antiquis judiciis criminalibus & modis probationandi.

Quid de Jure Germanorum privato dicamus, cui illustrando hodierni Scriptores summam impendunt operam, eum in finem, ut Jus Romanum e sua possessione immemoriali deturbent, & leges patrias antiquas Germanorum in fora & tribunalia introducant. Quantum lucis affundatur Juri ecclesiastico ex moribus, consuetudinibus, & legibus antiquis Germanorum, maxime ex Capitularibus Francorum, utroque Speculo Suevico & Saxonico, potissimum in materia de judiciis, criminibus, juramentis, juribus Episcoporum & Clericorum, haud facile dixeris.

Jurisprudencia quoque criminalis sua præstat obsequia Jurisprudencie ecclesiasticæ. Etsi enim Ecclesia non sitiat sanguinem, neque ultimis suppliciis in facinorosos animadvertere consueverit, habet tamen sua judicia criminalia, & contra delicta ecclesiastica æque, ac mixti fori, & non raro etiam civilia, si Clerici eorum rei deprehenduntur, procedit; imo quandoque suos subditos curiæ sæculari puniendos extradere solet. Ut nihil dicamus de antiquis judiciis criminalibus, & probationibus per duellum, ferrum candens, aquam calidam & frigidam, cruentationem, Eucharistiam, & Crucem, quarum aliquæ in foro sæculari, aliæ in foro canonico fuerunt in usu (h).

§. IV.

De Methodo studendi Jurispru-

Ex hætenus dictis facile constat, inter diversas, quin & singulas Jurisprudencie partes nexum esse individuum. Idcirco necessarium foret

(g) In Dissert. 1. & 2. de Jure Eccles. German.

(h) Struv. in Hist. Jur. Crimin.

ret ostendere *Methodum*, qua arte singulis studendum in ordine ad Jurisprudentiam ecclesiasticam illustrandam, quemadmodum id de cæcunq̃ue. teris Jurisprudentiæ nostræ subsidiis e.g. de literis humanioribus, scientiis Philosophicis, præprimis de Historia ecclesiastica & literaria fecimus. Sed quisille erit, qui huic labori sufficiat? Nondum profecto inter DD. convenit, quæ in Jurisprudentia docenda & addiscenda univ^{er}sim sit tenenda *Methodus*. Jam supra de hac re quædam diximus. Placuit, dum hanc opellam secundis curis subjecimus, quædam addendum est definitum. *Quæ Methodus sit tenenda, nondum est definitum.* Joan. Heumannii (i) apponere, qui, dum de Methodo scribere incipit, sic ait: *Ut methodus apta discendi laborem faciliorem reddit, sic & juris ars concinna ratione tractetur.* sed cave, methodo nimium indulgeas, vel leges ad methodum contorqueas. *Judicium Heumannii assertur.* Legum corpora non uno habitu, sed sensim coalescunt, nec certis ac perpetuis principiis, sed hominum voluntate, quæ mutabilis, nituntur. Nulla methodus antiquior, reique magis consentanea, quam analytica. Leges certo ordine collectæ systematicam tractationem suaserunt, quemadmodum hodie Institutionum ac Pandectarum tramitem sequimur, licet iste a vero systemate longe distet. Nunc suo quisque genio Jurisprudentiam tradere conatur. Multi ordinem librorum juris diu approbatum deferere nolunt, ne titulis transpositis labor augeatur: his placet methodus definitiva & axiomatica; illis tabularis, erometrica &c. omnes prodesse poterunt, si vera docent, nec omnia ingenia omnes serunt methodos.

Nempe hac in re tot sunt sententiæ, quot sunt capita. Ingens *Plures sunt sane scriptorum agmen exstat, qui de methodo scripserunt, quorum, Scriptores, plures adducit Struvius (k) Senckenbergius (l) Heumannus (m), qui de Methodo scripserunt.* Quoad methodum Mathematicam hodie, ubi disciplinæ complures pallio Geometrico donari cœperunt, tantopere usitatam & dilaudatam inspicere lubeat Desingium (n) Ickstadium (o), Cramerum videantur

(i) Appar. Jurisprud. cap. 39. §. 300.

(k) Biblioth. Jur. pag. 299.

(l) De Meth. scientif. (m) Loc. cit.

(n) Diatribe circa Methodum Wolffianam. Vir hic a Republica literaria optime meritus nuperrime felicissimis auspiciis in Abbatem Ensдорffensem fuit electus.

(o) Cit. Dissert. de Meth. scientif.

*Scriptores
citati.*

rum (p), Claprothium (q), & Heumannum (r). Candidatis sufficient Senckenbergius, Ickstädius & Heumannus.

§. V.

*De Historia
literaria
Jurispru-
dentiae cu-
juscunque.*

*Scriptores
Historiae hu-
jus litera-
riae.*

Pauca de Historia literaria cujuscunque Jurisprudentiae dicamus, utpote quæ haud secus in scientiis Juridicis, quam aliis artibus & disciplinis oppido necessaria esse dignoscitur, quin tamen usque nunc fuerit, qui universae Jurisprudentiae Historiam perfectam conscripserit. Extant libri plures, in quibus agitur vel de Scriptoribus, vel de libris rerum Juridicarum, quales haud paucos recenset Heumannus (s), vix tamen unus aut alter est, qui opus completum & ex omni parte perfectum elaboravit. Nobis ad manus est Bibliotheca Juris auctore Gotthelfio Struvio concinnata, quæ saltem Candidatis Jurisprudentiae sufficere potest, maxime si huic superaddant Senckenbergii *Methodum Jurisprud.*, & *notitiam Juris literariam* in ea contentam. Idem Struvius in Prolegomenis suae Historiae Juris præmissis plurimos cujuscunque Juris Græci, Romani, Ecclesiastici, Germanici tam publici quam privati, Hispanici, Gallicani, Anglicani Scriptores recenset, quos scire omnino juvat. Plura de hac rescribere nolumus, eo quod scopus & finis noster alius non sit, quam tradere methodum studendi Jurisprudentiae ecclesiasticae, cujus Historiam literariam in alias curas rejicimus.

§. VI.

*Alia Juris-
prudentia
Theoretica,
& alia Pra-
ctica.*

Aliam esse Jurisprudentiam *Theoreticam*, & aliam *Practicam* facile intelligent omnes, quibus vel prima Juris elementa sunt perspecta. Quaecunque usque nunc diximus, & posthac dicemus, potissimum ad Jurisprudentiam *Theoreticam* spectant. Juvat tamen quædam de Jurisprudentia etiam *Practica* dicere: cum omnis *Theoria* ultimato in *Praxin* desinat & collimet; & nisi ambæ conjungantur, utraque vel parum proficiat, vel omnino ad nihilum valeat.

Est

(p) In Program. de optima jura discendi Methodo. Item Uaggrund der Beschweren des Herrn Causlers von Ludwig über den Methodum demonstrativum.

(q) Verteidigung der mathematischen Lehr-Art in der Rechts-Gelehrtheit.

(r) In Apparat. §. 213.

(s) Loc. cit. §. 299.

Est autem Jurisprudentia *præctica* pro diversa juris applicatione di- *Præctica est*
 versa, *legislatoria*, *doctrinalis* seu *interpretatoria*, *judicialis*, *consultato*-*multiplex.*
ria, & *advocatoria*, quæ omnes & singulæ *Theoreticam* supponunt.
 In eo ergo est difficultas, qua arte & ratione *Theoretica* in *praxin* utili-
 ter in ordine ad fines suos præstitutos redigi possit.

Legislatoria propria est Imperantium. Hauc stipatam esse oportet *De Legisla-*
 tet duabus veluti manu ductricibus *Politica*, & *Statistica*, quarum prior *toria, quæ*
 ex regulis prudentialibus; altera ex perfecta notitia aliarum civitatum *habet duas*
 ac rerum publicarum docet, quid Reipublicæ recte gubernandæ sit uti- *duas Politi-*
 le vel utilissimum. Utraque supponit principia Religionis, Jurispru- *cam Et Sta-*
 dentia tum universalis naturalis, tum ecclesiasticæ: secus Princeps *tisticam.*
 facile in transversum agetur, & ex mala applicatione principiorum seu *Utraque*
 politicorum, seu pseudo-politicorum impinget in principia religionis, *supponit*
 Ecclesiæ, ac Reipublicæ. Utinam hæc non quotidiana doceret experientia! *principia*
Religionis.

Innumeri sunt Scriptores tam antiqui quam noviores, qui de Poli- *De Scripto-*
 tica, illiusque regulis scripserunt, quin etiam systemata Politices con- *ribus Politi-*
 diderunt. Apud Græcos celebrantur Solonis dicta, Isocratis oratio *ca.*
 de Regno ad Nicoclem, Platonis libri de legibus & Reipublica, Xeno- *Græcis.*
 phon de Cyropædia. Ex Romanis laudandus est Cicero, quamquam *Romanis.*
 illius lib. VI. de Republica ad nos non pervenerint, Plutarchus, Basi- *De Aristote-*
 lius in Parænetica ad filium aliique. Multis antecellebat Aristoteles & *le Et Tacito.*
 Tacitus, quorum prior Politicam primus systematice tradidisse fertur;
 alter hinc inde saluberrima monita, consilia, & principia pro Republi-
 ca bene administranda tradit. Ambo eam sibi laudem compararunt,
 ut viri eruditissimi haud pauci improbum laborem ad eorum doctrinas il-
 lustrandas assumpserint (c). Et quis jam in numerum coget Authores
 noviores, qui suo ingenio, suæque sentiendi libertate uti volentes no-
 va Politices systemata condiderunt, aut Politices capita plura illustra-
 runt, aut themata singularia sunt persecuti? Quem latent opera Justi
 Lipsii, Boeckleri, Bæoldi, Hornii, Hertii, Lehmanni, Wolffii,
 Hoffmanni, & Savedræ *Idæa Principis Christiani*? quot non circumfer-
 untur testamenta Politica e.g. Cardin. Richelieu, Colberti, Mazari-
 ni, Fleury &c. An non ferme omnium manibus hodie teruntur va-
 ria

ria opuscula Joan. Henr. Gottl. Justi, & inter hæc illud, quod inscribitur: *Der Grundriß einer guten Regierung?* Cujus Religionis hic author sit, sufficienter prodit in suo opusculo *von dem Naturs. Recht*, dum de peccato originali scribit, eaque, quæ in S. literis de illo habentur, ridicule explicat, & ad sensum prorsus absurdissimum contorquet. Jam passim in officinis librariis venditur *Schr. Begriffe der Staatskunst* D. de Bielefeld, qui liber habente hoc anno Lipsiæ fuit impressus.

De Pseudo-Politicis.

Nec Pseudo-Politicos ignorare licet, quibus accensendi sunt omnes Machiavellistæ, & Monarchomachi, & inter hos ipse Machiavellus, quem haud pauci excusare volunt sub colore, quod ea quæ scripsit, neutiquam suadere, sed potius vitia pingere voluerit. Huic non multis abhinc annis oppositus fuit Anti-Machiavellus, quem *Regii nominis* Authori adscribere volunt. Et quis numerabit Pseudo-Politicos, qui in aulis Principum delitescunt, & non tam libris in publicum emissis, quam suis consiliis Principes in transversum agunt, & si non tyrannidem, saltem Despotismum inducunt?

De Anti-Machiavello.

Politica principaliter ex S. Scriptis discenda.

Usque nunc inter omnes libros politicos primas tulit sacra Scriptura, quæ sicuti aliunde suprema lex nobis esse debet, ita saluberrimas præscribit leges pro regenda republica politica, quas si in suo regimine adhibuerint Principes, beata, & ter beata erit omnis respublica, prout id præter plures alios argumentis ineluctabilibus monstravit celeberrimus Bossuet (u).

Statistica quid sit, & in se complectatur.

De *Statistica sive notitia Rerumpublicarum* veluti altera Jurisprudentiæ legislatoriæ manuductrice pauca dicamus, etsi plerumque a minus doctis Politica & Statistica confundi soleant. Hæc disciplina ex permultis aliis disciplinis, potissimum ex Historia, Geographia, Politica, Jure publico ac Gentium conflatur, de regnorum commodis pariter ac incommodis accuratius disquirat, & quod reipublicæ esse utile ex horum notitia dignoscit, prudenter applicat. Quisquis igitur ex notitia rerumpublicarum fructum haurire exoptat, is indaget in reipublicæ originem, fata, fines, artes & scientias, fertilitatem terræ, montes, mineralia, flumina, incolarum multitudinem, animi corporisque indolem, linguam, fortunas &c. In id præcipue inquirendum,

Quomodo nequirenda?

(u) Dans la Politique tirée de propres paroles de l'écriture sainte.

dum, quæ sit reipublicæ gubernandæ ratio, religio, leges, comitia, prærogativæ, controversiæ, tituli, insignia, ærarium, jura Statuum &c.

Ante omnia tamen reipublicæ propriæ religio, jura, prærogati-^{Status Rei-}væ, commoda & incommoda, pacta, fœdera, & Status Ratio per-^{publicæ pro-}fecta esse debent, ne si quis aliarum civitatum jura, & leges applica-^{priæ cum}re velit, in jura & propria, & subditorum cum ingenti Reipublicæ detri-^{suis annexis}mento impingat. Atque inde est, quod hodierni politici aliarum Civi-^{ante omnia:}debit esse tatum jura, regulas, & Maximas incaute adoptantes, aut male ap-^{perspectus-}plicantes non nunquam omnia susque deque vertant. Sed quid hæc ad nos? Huc pertinent ferme omnes Scriptores, qui de Politica scripserunt.

Jurisprudentia *interpretatoria practica* pertinet ad Jurisperitos, In-^{Jurispru-}terpretes, Doctores & Professores Jurium, qui vel Jurisprudentiam pū-^{dentia inter-}blice tradunt in Academiis, vel suis glossis, commentariis & libris il-^{pretatoria}lam illustrare contendunt. Quæ sit ratio & methodus tenenda in do-^{pertinet ad}cendo, ex dictis abunde constat. Illarum Academiarum praxin pluri-^{Magistros}um dilaudamus, in quibus melioris cultus causa Collegia disputatoria, Collegia elab-^{Et Doctores-}oratoria, & laboratoria instituuntur, ut hac ratione Juvenes pra-^{laboratoria}xin cum Theoria conjungere discant, sicque ad praxin cum tempore in^{Et c. ad pra-}foro exercendam aptiores fiant. Quantus hodie dominetur pruritus,^{xin valde}libertas & libido scribendi, quis satis edicere valeat? ecquis omnium^{conducunt.}operum, opusculorum, commentariorum, quæstionum, Dissertationum, systematum vel solos titulos enarrare sufficiat? *conquassamur pro-* ^{Ingens ho-} *gemodum*, ait non nemo, *consiliorum, conclusionum, responsorum, deci-* ^{de scriben-} *tionum &c. mole.* Quid quod jam nunc plures Viri eruditi longo rerum^{di libertas.}usu exercitati in collegia coeant, & elaborandis operibus, Responsis^{Responsa ju-}& consultationibus juridicis insudent, quorum usus summopere com-^{ridica ad}mendari meretur (x).^{praxin uti-}
^{lissima.}

(x) Notissima sunt Responsa Collegii Argentorat., Tubingensis, Marpurgensis, Hallensis, Altdorffini; Item Klockii, Befoldi, Brunemanni, Hornii, Carpzovii, Mevii, Hertii, Boehmeri, Heineccii, Franc. Schmier, Schmalzgruberi &c.

De Judiciali.

De *Jurisprudencia judiciali* quid dicamus? præterquam quod judex debeat scire ea, quæ sunt juris communis, vel maxime leges patrias, statuta provincialia, praxin & stylum curiæ nosse debet.

De Consultatoria.

Advocati pessime audiunt.

Scriptores, & libri de Advocatis.

Notitia & scientia Advocatis & Patronis causarum necessaria quæ?

Debent nosse processum judicium.

Genera actionum.

De *Jurisprudencia consultatoria*, velsi mavis, *advocatoria* paucissima addamus. Quamquam hodie Advocati passim pessime vapulent, & tanquam rabulistæ, rabulæ forenses, semi- vel pessimi Christiani traduntur, eorum tamen officium esse honestum, Reipublicæ utile & singularibus privilegiis munitum, docent jura (y), docet communis existimatio, docet Stryckius (z). Huc spectat Dissertatio Joan. Dav. Thoenicker, in qua *advocatum prudentem*; & altera Fritschii, in qua descripsit *Advocatum peccantem*. Quibus, & quam variis modis possit peccare Advocatus, fusius deducit Ziegler in sua *Rabulistica*. Nec desunt alii Scriptores, qui stratagemata, artificia, & nequitiam Advocatorum persecuti sunt. Acturus causas in foro præprimis nosse debet processum judicium non suæ duntaxat provinciæ, sed aliorum etiam, & quidem in nostra Germania summorum tribunalium Imperii: cum causæ inter Status immediatos agitatæ per se eo pertineant; inferiorum autem non raro per viam appellationis eo devolvi contingat. Innumeri ferme sunt, qui de Processu communi scripserunt (a). In ordine ad Processum summorum Imperii tribunalium addiscendum servient *Principia Processus summorum Imperii Dicasteriorum Neumannii*, & *Pütterii introductio ad rem judicariam Imperii*. Tandem ad munus Advocati spectat, ut forenses actiones, & rectum actionum usum addiscat: Eri enim actionum laqueis Romano more nos hodie irretiri non patiamur, actionum tamen genera, earumque rectum usum ignorare non possumus: siquidem interest vel maxime, ut non tantum actionem jure competentem, sed etiam ex pluribus competentibus pinguorem instituamus. Jurium candidatis ad praxin aspirantibus plurimum utilitatis afferet Boehmer de Actionibus, Gundling de usu pract. actionum bonæ fidei & stricti juris, & Stryckius. Hæc in compendio de studio Jurisprudentiæ diversi generis dicta sufficiant. Nobis alius finis non est, nisi tradere methodum Jurisprudentiæ ecclesiasticæ.

(y) Tit. de Postulando.

(z) Dissert. de privil. Advocat. Item de Conscientia Advocati.

(a) Places recenset Senckenberg. Method. Jurisprud. pag. 43.

CAPUT VIII.

De studio Jurisprudentiæ ecclesiasticæ potissimum
quoad methodum studendi.

§. I. *De necessaria notitia librorum.* II. *Utrum præset, Jurisprudentiæ in scholis publicis, quam inter privatos parietes studere.* III. *Quæ methodus in studio per omnes disciplinas ad Jurisprudentiam usque inclusive tenenda?* IV. *De lectione, & selectu librorum.* V. *De notitia Authorum necessaria, ubi referuntur celebrior editiones, libri & Scriptores Juris ecclesiastici.* VI. *Salubria monita.*

§. I.

Supervacaneum ducimus multa *de notitia necessaria librorum* differere, *Necessaria* postquam necessitatem *Historicæ literariæ* commonstravimus. Utilis, *est notitia li-* imo necessaria est notitia librorum, ut sciamus, undenam principia & *brorum no-* regulas artis nostræ addiscere debeamus: necessaria est, ut sciamus *bris potissi-* facere selectum librorum: necessaria est nostris potissimum temporibus, *imum tempo-* ubi ingens scribendi libido dominatur, & grassatur, non raro libris *ribus.* speciosissimi præfiguntur tituli, cum quibus opus ipsum neutiquam concordat, ne pecunias inutiliter expendamus, pro auro cuprum, pro gemma vitrum emamus, & sic pretiosum a vili, lutum ab arena aurea discernere valeamus: necessaria est pro comparanda eruditione, sine qua frustraneo conatu ad illam eluctari contendimus. Attendendum est vel *In compara-* maxime in comparatione librorum ad nomen & famam Authoris, ad *tione libro-* judicium vere Eruditorum, non semieruditorum, multo minus illo- *rum ad qua-* rum, qui suis agitantur præjudiciis, quales hodie dantur plures, qui *rit attenden-* ea omnia, quæ a Scriptoribus Catholicis scribuntur, parvipendunt, vilipendunt, & contemnunt; & econtra ea, quæ ab Authoribus Acatolicis in lucem protrahuntur, plurimi habent, super aurum & topazion æstimant, & idolorum instar adorant. Sed nec famæ & rumori semper credendum, ipse liber inspiciendus, legendus, ruminandus, si fieri possit, antequam coematur. Ad notitiam librorum comparandam plurimum servant, sicut supra diximus, Ephemerides, Novellæ, & Catalogi librorum.

§. II.

Antiqua est hæc quæstio, utrum præset inter privatos parietes, *Utrum artes* vel in scholis publicis addiscere bonas artes & scientias? ut hanc quæ- *Est scientias* sitionem in scholis *in scholis pu-* publicis vel pri-

*uation discere
præstet,
dependet ab
institutione
scholarum,
& eruditione
Magistro-
rum.*

*Jurispru-
dentia in
scholis publi-
cis discenda.*

tionem excitaremus, occasionem præbuit Heumannus in suo Apparatu cap. i. de Erud. comparanda. Nos resolutionem quæstionis dependere existimamus a recta institutione ipsarum scholarum, quæ si ita fuerint institutæ, ac comparatæ, ut meliores literæ sub optimis Magistris doceantur, sane erunt præferendæ, utpote in quibus ad meliorem profectum plurimum faciet ipsa diligentia Magistrorum, quæ communius major esse solet in Doctoribus publicis, quam privatis. Ubi plures sunt congregati, honesta, licita, & laudabilis dominabitur ambitio, & æmulatio. Multum etiam proderit aliorum bonum exemplum, & stimulos addet cæterorum diligentia. Singulare quid habet Jurisprudentia, quam ex multis argumentis omnino in scholis publicis esse discendam, neque extra has perfecte addisci posse existimamus. Videantur Authores, qui de hac re scripserunt, & ab Heumanno loco citato allegantur,

§. III.

*Methodus in
studio Juri-
dico addi-
serendo quæ
sit?*

*Methodus
Senckenber-
gii exponi-
tur.*

Quænam in studio Juridico addiscendo tenenda sit methodus, ex hæcenus dictis sufficienter colligitur. De hac methodo & docendi, & discendi scripsit Joan. Douiat, Mabillonius & Perill. de Senckenberg. Ultimus hic author studia juvenum ad Jurisprudentiam suo tempore addiscendam destinatorum ex ætate metitur, & secundum annos, quid quovis anno sit discendum, determinat: e.g. ab anno ætatis quinto vult juvenes in arte legendi, scribendi, & pingendi literas, in Rudimentis linguæ patriæ, ac latinæ; ab Anno 8. in historia universali ductu Cellarii Geographiam antiquam & novam, Cluverii Mappas Geographicas exhibentis; ab anno 9. in historia Reipublicæ Romanæ ex Annæo Seneca, & Floro; ab anno 10. in Philosophicis, Ethicis maxime & Politicis; ab anno 11. in Livio, Tacito, nec non Curtio quoad ea, quæ ad Rhetoricam spectant; ab anno 12. in Poetica, & Historia, maxime Germanicæ; ab anno 13. in Historia ecclesiastica, & literaria instrui, atque hoc modo ad Jurisprudentiam præparari, quibus sic præparatis difficile non accidet anno 14. studium Juridicum suscipere. Postea profequitur, & qua ratione ipsi Jurisprudentiæ sit incumbendum, compendiose simul & nervose pertractat. Non possum non laudare industriam hujus celeberrimi Viri. In eo tamen nimis scrupulosus videtur, quod annos cuius studio consecrandos pro pueris, & juvenibus nimis accurate determinet, omnium juvenum ingenia, quæ esse varia scimus, eadem mensura mensuret, idem ab omnibus studium exigat, præcipue quod

*Videtur hic
Author ni-
mis scrupu-
losus.*

quod nimium aliquoties exigere videatur, e. g. dum juvenes 8. annorum vult ope Geographiæ Cellarii, quod opus pro juvenibus grande nimis est (b) ad Historiam introducere.

Nostram paucis mentem exponere licebit. Præparandi abs du- *Nostra opi-*
bio animi juvenum adsublimiora suo tempore addiscenda, nulli tem- *nio de Me-*
poriparcendum, juvenes in variis artibus, ac scientiis in ætate tenera *thodo dili-*
sunt instruendi, quo tempore tenacioris sunt memoriæ, vivacioris in- *cidatur.*
tellectus, ac voluntatis in omne bonum flexibilis, dummodo non exi-
gatur nimium, præcipue ab illis, in quos natura in distribuendis donis
suis fuit parcor. Itaque, ut rem paucis dicamus, jam in primis annis
Informandi sunt juvenes in variis linguis, Vernacula, Gallica, Italica;
In perfecta Orthographia, in literis humanioribus, & primis funda-
mentis linguæ tam Latinæ, quam Græcæ; item secundum diversas
scholas in Geographia, ac Historia universali, nec non Romana. His-
ce superaddatur secundum classes Arithmetica, & Geometria, & in
his instruantur juvenes, ut, quando pertingunt ad scientias Philoso-
phicas, eo feliciori progressu scientias Mathematicas addiscere valeant,
ne id primum addiscere erubescant, quod pueri in scholis vernaculis ad-
discere consueverunt. Qualiter in Philosophicis instruendi sint juvenes,
ex supra dictis constat. Accessuri ad Jurisprudentiam initium ducant a
studio Institutionum Juris civilis, utpote quæ sunt fundamenta totius
Jurisprudentiæ: præprimis tamen studeant Historiæ Juris Romani, si-
ne qua nunquam pertingere possunt Jurium Candidati ad solidam Juris-
prudentiam. Huic studio jungendum erit studium Juris naturæ, ex
quo prima hauriri debent principia pro omni Jurisprudentia. Anno al-
tero assumendum erit una cum Jure civili studium Jurisprudentiæ Cano-
nicæ, in cujus studio nemo se profecturum confidat, nisi specialem in-
dustriam collocaverit in comparanda aliqua saltem notitia Historiæ ec-
clesiasticæ, ac præprimis in ipsis Juris ecclesiastici Prolegomenis soli-
dum fundamentum posuerit, prout supra diximus. Reliqua studia
Juridica secundum arbitrium Magistrorum assumere licebit. Ut rem
paucis complectar, sane non video, quidnam pro instructione juvenum
ad

(b) Loquor de editione noviori.

*Sententia
Scholæ Parisi-
ensis.*

ad solidam Jurisprudentiam aut utilius, aut efficacius asserre, & dicere valeam, quam si regulas Scholæ Parisiensis Authoritate Henrici Regis Galliarum collectas hic asseram: *Auditores Sacrorum canonum inprimis Catholicam & avitam Religionem sin- cere amplectantur. Ad hoc studium nullus accedat, qui non in humanioribus primum artibus, & disciplinis Philosophicis probe versatus sit, ac linguarum Græcæ & Latinæ cognitionem habeat. Prolyta a lectione & auditione Institutionum, & Canonici & Civilis Juris studium exordiat, ac sedulam operam in eo collocet, ut utriusque Juris Titulos memoriter teneat. Dictata Doctorum fideliter excipiat: Doctorem in suggestu docentem non perturbet: veste deformi, militari chlamyde, aut etiam varii coloris toga non utatur, sed honesta & gravi, pro statu & ordinis ratione. A die admissionis in hoc totus incumbat, ut ordinarias, & extraordinarias Antecessorum Lectiones audiat, & fideliter excipiat, disputationibusque publicis intersit (c).*

*Quam ad
profectum li-
terarium in
Jure singu-
lariter facere
videantur.*

Ego sane id præcipue plurimum ad profectum discipulorum facere existimo, & a propria experientia scio: 1mo si priusquam ad Collegia accedimus, materia tractanda diligenter relegatur, & veluti memorie imprimatur: ita enim fiet, ut audita facilius intelligamus, ac felicius memorie imprimamus. 2do attentionem requiro singularem, & ne audita, & notatu digna e memoria elabantur, stylo plumbeo in schedulis sunt annotanda. 3tio Hæc ipsa notata postea domi adversariis sunt inferenda. Non mentior, si dicam, quod ea, quæ adhuc discipulus hoc modo annotavi, magno mihi usui fuerint, quando munus Magistri assumpsi. Accedat 4to frequens repetitio cum sui etiam æqualibus, quam esse summe utilem nemo unquam negaverit. Præcipue autem commendamus Candidatis Jurisprudentiæ ecclesiasticæ studium Historiæ ecclesiasticæ & literariæ. Quodsi libros pretiosiores coemere non valeant, emant compendia, qualia hodie non pauca circumferuntur. Demum ad profectum discipulorum facit plurimum, in quos quis manus incidat; item quos quis libros legat, de quibus mox dicemus.

§. IV.

§. IV.

Decantata est regula: *non multos, sed bonos legere libros juvat.* De *selegen-*
 Verum intam immani librorum copia definire, qui sint libri optimi, *hic dis libris*
labor, hoc opus est. Multi libros non feligunt, sed colligunt. Alii con-
 quirunt rariores, manuscriptos, improbatos; alii utiliores, præstan-
 tiores. Multum sane vanitatis etiam hodie inesse illis, qui libros quos-
 cunque corradunt, iisque suas Bibliothecas impleant, vix aliquis ne-
 gaverit. Multos libros facit pretiosos ipsa sua præstantia, quam habent a
 suo Authore & doctrina: atque istud pretium præprimis spectandum *Est pretium*
 erit; quosdam sua antiquitas: hinc scimus, quod libri antiqui, manu-
 scripta præcipue, solícite conquirantur, & aliquoties ære largissime ef-
 fuso comparentur; alios ipsum suum scelus: inde venit, quod non raro
 libri tales improbi, aut prohibiti ingentium sollicitudine quærantur,
 ac pro pretio summo emantur; alios commendat editio accurata, ele-
 gans, pretiosa: quapropter eo sunt pretiosiores libri, quo antiquior,
 pretiosior, & accuratior est illorum editio. In Bibliothecis præcipue
 attenditur ad melioris notæ editiones. Cæterum librorum haud secus
 ac scientiarum fortuna fluxa. Quod modo summis laudibus jure suo ef-
 ferebatur, id repente novo sidere spernitur. Iterum dico, non
 multa, sed multum legi oportere.

Ad sequentia vero præcipue esse attendendum in comparatione & *In compara-*
 lectione librorum existimamus: 1mo comparemus libros, quos ad sco- *tionem & le-*
 lum nostrum proxime conducere scimus, priusquam Bibliothecam *tionem libro-*
 domesticam multis libris impleamus; 2do celebriores in aliqua arte ex *rum ad, va-*
 fama, & judicio prudentium; 3tio Libri fundamentales præprimis *ria est atten-*
 comparandi sunt, si facultates domesticæ eo se extendant, & non po-
 tius res angusta de ni de pane comparando cogitare jubeat, quales sunt
 Editiones scripturasticæ, Conciliorum, SS. Patrum &c. Sed quid hæc
 ad discipulos? 4to Hodie plurimi æstimantur innumeræ, quæ in lu- *De Disserta-*
 cem publicam prodeunt, in omnibus Academiis & Universitatibus, *tionibus quid*
 Dissertationes, quæ sane diligentissime conquiruntur, ut jam vix ullus *sentendum.*
 eruditorum sit, qui non suam Bibliothecam quamplurimis similium Dis-
 sertationum voluminibus impleverit. Fateor, & lubens fateor, hujus-
 cemodi

cemodi Dissertationes magni esse habendas , & plurimum non raro utilitatis habere , cum communius singulari industria conscribi soleant. Verum & id fateri necessum , quod innumeræ hujusmodi Dissertationes circumferantur , quæ nullius prorsus sunt pretii , ut mirari subeat , quomodo illarum Authores eas publico committere non erubescant. Quapropter in his comparandis omnino selectus est habendus. 5to. Jam supra insinuavi , quos pro studio Juris ecclesiastici cum historia ecclesiastica conjuncti libros legere oporteat. Iterum fateor me plurimum profecisse ex operibus Thomassini , Petri de Marca , Van Espen , Fleury , Du Pinii , Guilielmi Cave , Boehneri , Joan. Cabassutii , Josephi Bingham &c. , Gravefoni &c. Incipientibus commendo Prænotiones Joannis Douiat , Institutiones Fleury , sed sine notis Boehneri , Prolegomena ipsius Theologiæ dogmaticæ , singulariter Notitiam Joannis Cabassutii , usquedum ad grandiora Commentariorum volumina evolvenda progredi liceat.

*Libri pro
studio Juris
ecclesiastici
legendi , &
singulariter
utiles.*

Cæterum incipiendum a compendiis est , & prius comparanda scientia compendiaria , & tunc demum ad latiore , & systematicam procedendum erit. Id unum addere libuit , quod , licet plures Scriptores vagam librorum lectionem reproben , ego nihilominus illam , si modo sit sobria , & temperata , plurimi æstimem : cum enim omnes eruditi esse & fieri velimus , necesse est , ut nullius prorsus artis & scientiæ omnino simus expertes. Ex hac vaga lectione librorum comparabimus nobis ingentem rerum copiam , quæ nobis in foro literario usui esse possunt. Dixi , si modo sit sobria & temperata , & non eum solum in finem a nobis instituatur , ut hominibus scire videamur. Semper enim tota animi contentione in comparandam illam scientiam innitendum est , quam nobis velut scopum laborum nostrorum præposuimus , ita tamen , ut cæteræ artes ac scientiæ non negligantur , illæ potissimum , quibus scientiam illam , cui nostros labores primario consecravimus , adjuvari , ac sustentari novimus.

*Vaga librorum
lectio
commendatur , dum
modo sit sobria.*

§. V.

Cum ea omnia , quæ ad solidam Jurisprudentiæ notitiam hauriendam requiruntur , in scholis pertractari nequeant , privata industria suppleri debet , quod publicæ institutioni deest. Ad hunc finem utilis videtur eorum Authorum notitia , qui hanc scientiam suis lucubrationibus

*Utilissima est
Authorum ,
& librorum
notitia.*

nibus illustrarunt, & librorum suorum adminiculo vices subeunt viventis Magistri. Itaque operæ pretium esse duximus, ex innumeris Glossatoribus, Interpretibus, Scriptoribus, & Authoribus, qui ad illustrandam Jurisprudentiam ecclesiasticam suas operas collocarunt, paucos feligere, & in ordinem redigere, ut ex iis canonum studiosi suam discendi cupiditatem explere valeant. Triplicis autem generis Authores distinguimus, nempe Glossatores (d), Commentaristas (e) & Compendiorum, ac Systematum Scriptores (f).

Triplicis generis Authores distinguendi.

Glossatores extant plures, qui in singulas ferme Collectiones in corpore Juris clausas sua fecerunt Scholia. In *Decretum Gratiani* præter plures alios scripserunt Hugo Vercellensis, Tancredus a Cometo Archidiaconus Bononiensis, Joannes a Patria sua dictus *Teutonicus*, Ordinis Prædicatorum, dein Præpositus Halberstadiensis. In *Decretales Gregorii IX.* Bernardus Bottonus Parmensis Academiæ Bononiensis Cancellarius. Idem in *libr. 6.* præstitit Joannes *Andreas*, qui vulgo *Archidiaconi* nomine allegatur. Similes glossas ab eodem habemus in *Clementinas*. In *Extravagantes Joan. XXII.* glossas composuit Zenzelinus de Cassanis, in *Communes* Joan. Monach. postea Cardin. Guilielmus de Monte Lucidano, & Joan. Francisc. de Pavinis. Olim ingens glossarum fuit autoritas: hodie est minor, atque ex autoritate glossarum factum est, ut tot opiniones nullo sufficienti fundamento innixæ in tribunalibus, judiciis, foro, & praxi obtinerent.

Innumeri sunt *Commentatores*, qui in Jus Canonicum commentati sunt. Inter antiquiores sunt potissimum sequentes, Sinibaldus Flicus, Henricus de Segusio, Durandus vulgo Speculator dictus, Joannes *Andreas* supra nominatus, Baldus de Ubaldis, Franciscus Zabarella, Nicolaus de Tudeschis, Panormitanus dictus aut *Abbas Siculus*, Joannes ab *Imola*, Joannes a Turrecremata, Felinus, Philippus Decius,

Mmm 3

- (d) Horum nomine veniant illi, qui scholia, & breves annotationes ad exponendum Juris textum contulerunt.
- (e) Tales vocantur illi, qui ex professo Capitulis, & textibus interpretandis suas operas locarunt.
- (f) Hi sunt illi, qui expositiones Juris Canonici usui scholarum accommodarunt.

cus, quos recenset Clariss. P. Zech (g). Inter noviores eminent Gonzalez, Fagnanus, Augustinus Barbosa, Grananieto, Petrus Passerinus.

*Scriptores
triplicis sunt
generis.*

Scriptores distinguendi sunt triplicis generis: quidam scripserunt *compendia*; quidam *systemata methodica* secundum ordinem collectionum; quidam *arbitraria, seu methodo arbitraria*, quæ sibi visa fuit melior. Atque hivel sunt *Catholici*, vel *Protestantici*. Ex Catholicis *compendiorum* scriptoribus notiores sunt Joan. Paul. Lancellotus, M. Anton. Cucchus Instit. Jur. Can. Valerius Andr. Desselius Ictus Lovanienfis, cujus opus quarta vice fuit procusum Jenæ 1709. Franc. de Roye Jctus Andegavenfis Instit. Jur. Parisiis & Lipsiæ anno 1681. & 1684. editæ, Claudius Fleury Instit. Jur. Eccles. quas suis notis depravit Boehmerus, Vitus Pichler, Hunoldus Plettenberg, Joannes Douiat &c. Ex Protestantibus, & Reformatis huc pertinent Antonius Mathæus Ictus Lugdunensis, Boehmerus, Joan. Schilterus, Gerh. Gottl. Titius Jctus Lipsiensis, Jac. Gabriel Wolfius Jctus Halensis, Casparus Zieglerus.

*Systematum
regularium.*

Systemata regularia secundum ordinem ex nostratibus scripserunt Andreas Vallenfis, Henricus Zoefius, Reiffenstuel, Henricus Pirrhing, Wiestner, Schmalzgrueber, Vitus Pichler, Zypæus, Desselius, Adamus Huth, ex nostris Salisburgenfisibus Ludovicus Engl, cujus Jus Canonicum ubivis est notissimum, celebratissimum, & in scholis publicis ut plurimum exponitur, Robertus König, Placidus Böckn, Otto Scharzius, in quorum laudes nolumus excurrere, ne partialitatis arguamur. Ex Protestantibus interea huc referimus celeberrimum Boehmerum, cujus Jus ecclesiasticum ubivis terrarum primas obtinet.

*Systematum
arbitrario-
rum.*

Systemata arbitraria selegerunt, unaque Juri ecclesiastico ex historiis illustrando, ac pristino suo vigori restituendo infudarunt Alciatus, Petrus Rebuffus, Franc. Balduinus, Francisc. Duarenus, Antonius Contius, Antonius Augustinus, Jacobus Cujacius, Boetius Epo, Florens, Ludovicus Thomassinus, Petrus de Marca, Van Espen, Andreas de Sauffay, Francisc. Schmier, Petrus Gibert, & plures alii, quos recenset cit. P. Zech. Ex Protestantibus huc pertinent Benedictus

(g) In Præcogn. Jur. Can. Tit. 23.

ëtus Carpzovius, Joan. Brunnemannus, Henricus Linckius, Gottl. Struvius, Kahle &c. Qui plures scire desiderat, adeat Burch. Gotth. Struvii Biblioth. Juris selectam, quam Buderus longe auctiorem edidit.

Sed tempus, imo momenta temporis monent, ut ab ulteriore scriptione cessemus, & in fine finali quædam monita superaddamus, quamquam materiam hanc fusius deducere, & illustrare unice nobis in votis fuerit.

§. VI.

Ex hætenus dictis colligere jam licet, quid sit Jus ecclesiasticum *Salubria* verum, genuinum, ac sincerum, & qua arte eidem sit studendum. *monita pro* Itaque macti animo, quicunque suo tempore Jurisprudentiæ ecclesiasticæ addiscendæ vos, vestraque ingenia, ac operas consecrare vultis. *Candidatis* Jam a primis juventutis vestræ annis animos ad grande hoc studium *Jurisprudentiæ ecclesiasticæ.* præparate, disciplinis humanioribus, Philosophicis, aliisque ita incumbite, ut suo tempore ad Jurisprudentiam perfectam & consummatam eluctari valeatis. Accedentes autem ad ipsam Jurisprudentiam tota animi contentione prima Jurisprudentiæ ecclesiasticæ fundamenta, eaque meliora animis vestris intus imprimere satagatis, Historiæ ecclesiasticæ studium singulariter vobis commendatum habeatis, paucos, sed bonos libros & Authores ad initium studiorum vestrorum seligatis, usquedum majora & sublimiora vobis tentare licuerit: prima vestra cura sit studium virtutis; altera scientiarum: pro me vero Deum ut oretis, vos oro, atque obtestor, cui, sicut a principio, ita & in fine infinitas dico grates, quod demum assidue gratia, copiosis benedictionibus in finem usque meis laboribus, conatibus, in munere meo exantlatis, quod jam in manus meorum Superiorum humillime resigno, adtulerit, in cujus majorem honorem, & gloriam omnes apices scripti sunt cum voto sincerissimo, ut idem

In omnibus glorificetur DEUS.



